

A C T A

CANONIZATIONIS

SANCTORUM

FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.

2
Rechen 100 + 10

ACTA CANONIZATIONIS

FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.

UNA CUM

SANCTISSIMI DOMINI NOSTRI

ET

DESCRIPTIONE.




EXCUDEBANT NICOLAUS, ET MARCUS PALEARINI
ACADEMIÆ LITURGICÆ CONIMBRICENSIS TYPOGRAPHI.



Voluntate Nostra Ipso
 Rege inconsulto Perhono-
 rificum Fidelissimū Titulū
 Nos Ipsī excoḡitavimus
 Bend. XIV. P. M. in Alloc. habita-
 die 21 April. 1749.



Reges tanquam Catholicae
 Fidei Propagatores titulo
 Fidelissimū Apostolica
 Authoritate Insignimus.
 Bend. XIV. P. M. in lit. Apost.
 emanatis 23 Dec. 1748.



JOANNI V.

LUSITANIÆ , ET ALGARBIORUM REGI FIDELISSIMO.

EMMANUEL DE AZEVEDO SOCIETATIS JESU.



UM librum de re divina a Summo
Pontifice BENEDICTO XIV. co-
piosissime sapientissimeque conscriptum tamquam
Scholæ Sacrorum Rituum primitias Majestati nun-
cuparem Tuæ , REX FIDELISSIME , id unum mihi

proposueram, ut aliquod quaecumque demum id esset, *meæ erga Potentissimum Lusitanæ REGEM servitutis, erga Munificentissimum litteratorum omnium Protectorem observantiæ, erga Amantissimum Patriæ Parentem charitatis testimonium* extaret. Graviter enim officio defuissem meo, si tot ac tantis a Te beneficiis ornatus perpetuo gloriosissimum nomen Tuum silentio in operibus a me editis involvissem. Nunc longe aliam in hoc opere, quod sub Majestatis Tuæ auspiciis prodit, causam sequar, quam ut aliis, ita etiam Tibi vehementer probatum iri confido. Etenim cum illud mea cura typis editum BENEDICTO XIV. nomine Canonorum Regularium Nationis Lusitanæ de me optime semper meritorum supplex offerrem, eundem audiavi hæc mihi mira benignitate dicentem: *Accipio munus gemino titulo meum, & quia a me profectum, & quia mihi redditum. Velim tamen, ut quemadmodum hoc mihi Tu alieno jussu tradis, ita idem ipsum Tu meo nomine ad REGEM FIDELISSIMUM mittas.* Quare etsi ego tenuitatis meæ conscius sim, quadam tamen dulcissima necessitate constringor, ut quem librum Sanctissimus Pontifex ad Te mittit, eundem ego nomini inscribam Tuo.

Nec vero ulla me dubitatio tenet, quin hunc librum Tu ea animi voluptate excepturus sis, qua ceteri Reges munera omnium pretiosissima solent accipere. Nam Auctor rerum omnium, quæ in eo descri-

describuntur (describuntur autem perquam maximæ) Is est , qui sapientia , pietate , religione , ceterisque virtutibus ita Prædecessorum suorum Romanorum Pontificum affecutus est laudem , ut eorum nemini cedat , cujus plurima semper , ac summa & in Te ipsum , & in universum genus nostrum promerita constiterunt ; cui Tu non solum eximio in eum amore , verum etiam mutuis erga ipsum officiis nunquam non respondisti ; quem tamquam absolutissimum quoddam veteris disciplinæ exemplar consecutura sæculorum omnium æternitas intuebitur ; in quo denique colendo patriam Tibi sanctitatem constitutam esse voluisti . Liber vero ea continet acta sapientiæ eruditionisque plenissima , quæ in quinque Beatis Sanctorum numero adscribendis habita sunt ; ex quibus pronum erit sapientiæ Tuæ omni doctrina tam sacra quam profana mirum in modum excultæ colligere ; quod mihi agendum sit in iis virorum sanctimoniam fama præstantium causis , quas in hac urbe tractandas meæ fidei concedere dignatus es .

Quanta autem tua sit religio , cum erga omnes Sanctos , quorum tibi Regnoque Tuo patronos esse voluisti , tum erga illos , qui inter Sanctos connumerati nuper sunt , vel ex eo intelligitur , quod honores eisdem publice decretos tanta tuis sumptibus magnificentia Ulyssipone celebrandos curasti , ut qui exteris ex nationibus ea in Urbe versantur (versantur autem pene innumeri) ii omnes uno eodemque ore fateantur , nihil aut ad Religionem illi usque , aut ad

pietatem accommodatius , aut ad Magnificentiam splendidius fieripotuisse ; novum id quidem mihi in communi omnium admiratione non accidit , utpote qui , Ulyssipone cum essem , eadem plane perspexerim pietatis ac munificentiae tuæ monumenta , quibus lætissimam Joannis Francisci Regis , & Vincentii de Paulo inter Sanctos cooptationem festa per octo dies celebritate , piaque Regiæ Majestatis præsentia es profecutus .

Quocirca cum Tu res toto vitæ tuæ cursu ad Catholicæ Religionis gloriam , atque ad sanctæ Sedis dignitatem magis amplificandam præclarissimas gesseris consentaneum prorsus fuit & pene necessarium , ut quem Lusitaniæ Regem cunctis virtutibus , ac præcipue erga Deum , Coelitesque pietate , erga Divinam legem religione , erga sacras missiones beneficentia , erga mortales universos liberalitate BENEDICTUS XIV. instructum ornatumque esse sciret , eundem ipse Apostolico Senatu comprobante , universaque Roma plaudente honorificentissima FIDELISSIMI REGIS appellatione ad tuos etiam Successores perpetuo transmittenda sponte sua insigniret . Si enim , quemadmodum olim Sebastiano Regi S. Pius V. honorifici alicujus tituli optionem dedit , sic parem tibi BENEDICTUS XIV. facultatem fecisset , eandem tu , ac Rex ille secutus est , rationem tenuisses , ut oblatam tibi appellationem pro Christiana animi tui demissione constanter deprecaberis . Est enim viri humano fastigio

cellioris

cellioris virtutem ita diligere , ut in ea excolenda intimam ipsius honestatem , non extima ejusdem ornamenta requirat . Hoc BENEDICTUS XIV. cum cogitaret , responsionem antevertit tuam . Noverat quippe Pontifex sapientissimus , iis potissimum honores tribuendos , in quibus & meritorum dignitas emineat , & modestia ab honoribus optandis refugiat .

Merito igitur amplissimum hunc FIDELISSIMI REGIS titulum Lusitania nostra eo majori Tibi gaudio gratulatur , quo potiore ipsa jure eundem ad te pertinere cognoscit . Il quippe honores cæteris anteferendi sunt , qui non aulicæ adulationi , sed veræ virtuti , non eblanditis suffragiis sed rebus præclare gestis , non precibus , sed animo intra fortunam suam se continenti redduntur . Jam vero quænam & quanta sit FIDELISSIMI REGIS appellatio non ex aliis , quibus cæteros Reges Apostolica Sedes honestavit titulis , sed ex ipsa vocabuli , quam nemo non tenet , significatione , nobis est metiendum ; nam comparatio illa aliquibus fortasse molesta esset ; hæc ratio ab omnium offensione sejuncta est .

Ac mihi quidem divinas literas memoria repenti unus dumtaxat occurrit Moyse^a , quem FIDELISSIMUM in domo sua Deus ipse appellaverit . Sancto deinde Petro Apostolorum Principi^b hunc eundem titulum sanctus Joannes Chrysostomus imper-

titus

(a) *Num.* 12. C. 7. In omni domo mea Fidelissimus est .

(b) *S. Jo: Chrysost. serm. S. Petri apud Metaph.* Tu cum omni fiducia in manus Domini , assidue ei & ejus Sponsæ Ecclesiæ servisti ; qui ferventi spiritu Dominum dilexisti omnium Apostolorum Fidelissimus .

titus est . Porro utrumque ea appellatio mirifice decebat , propterea quod alter in veteri lege primus Populi ductor , alter in nova primus Christi Vicarius a Deo renunciatus . Equidem crediderim BENEDICTUM XIV. similem in dissimili tamen ratione virtutum tuarum præstantiam tunc spectasse , cum egregia Tua merita universæ posteritati commendanda FIDELISSIMI REGIS appellatione remunerari decrevit . Hanc enim ipse benefici erga Te animi causam in suis literis profert quod *Maiestatem tuam præ cæteris Portugalliæ atque Algarbiorum Regibus magno pii Regiique animi Tui fervore Catholicam Fidem non modo in omnibus ditionum tuarum , sed in alienis quoque regionibus ab inita Regnorum tuorum possessione promovere & augere , verum etiam tot sapientiæ , industriæ , pietatisque consiliis & immensis opum profusionibus tueri & conservare contendens maximus emineas , & prædiceris .* Est etiam in Pontificia ad Purpuratos Patres allocutione *Lusitanicos Reges omnem operam contulisse , ut Catholicam religionem in sua ditione illibatam tuerentur ; & cum deinde plures Asiæ , Africæ , Indiarum , & Americæ populos in suam potestatem redegissent , barbaras gentes sanctissimæ religionis mysteriis imbuendas curasse , accitis peritissimis Ministris , qui recentem Domini vineam diligenter excolerent .* Quam in re exitu comprobatas fuisse perspici-

mus prædictiones eas multo celeberrimas , quibus Alphonso Regi , Præclarissimi generis Tui , ac florentissimi Lusitani Regni Conditori adversus innumerabiles Maurorum copias cum exigua militum manu jamjam pugnaturus , coelestemque opem enixis precibus flagitanti Christus ipse spectandum se objiciens animos ad victoriam adjecit , Regium nomen a militibus donatum confirmavit , aureum clypeum quinque suis sacris vulneribus interpunctum pro Regio stemmate dedit pollicitusque inter cætera est primo sese stabile sibi imperium ad sui nominis per exterarum gentes propagationem in eo ejusque Nepotibus fundaturum : deinde Regnum ipsum Lusitanum FIDE PURUM , ac dilectum pietate fore : denique ex ipsa Lusitania impigros a se Messores delectum iri , qui plurimam ex longinquis regionibus messum in coelum inferant .

Talis ac tantus REX FIDEI ARMIS INSIGNITUS , & strenuus DIVI PETRI MILES dignissimus erat qui primus omnium ab Apostolica Sede FIDELISSIMI nomen reciperet . Eum quippe & Deo & Petri Successoribus Fidelissimum semper fuisse , juramentum in ipsa Regia inauguratione emissum , quæque de eo extant scriptis tradita monumenta aperte docent , res domi bellicque præclare gestæ luculentius confirmant , plurima denique patrata miracula Divinitus evincunt . Hæc eadem appellatio Regibus continua successione in ejus locum successis jam diu debebatur ; quid enim in eadem appellatione latet , quod non abunde Reges nostri præstiterint ? An sedula in

coercendis hæreticis diligentia? At nemo eorum invenietur, qui non modo ullam errorum pestem in Regno suo vagari, sed ne ad ipsam quidem aspirare passus sit. An debita Apostolicæ Sedi reverentia? At quivis eorum nullam sibi pro eadem tuenda jacturam, nullum laborem, nullum discrimen defugiendum arbitratus est. An bellica in Mauris debellandis fortitudo? At multi eorum plurimos in Hispania hujusmodi hostes ad internecionem deleverunt; alii trajecto in Africam exercitu munitissimas urbes expugnarunt, alii barbaros Reges in servitutem abduxerunt, alii autem profuso sanguine sempiternam gloriam adepti sunt. An æstuans quidam Fidei Catholicæ per exterarum regiones disseminandæ ardor? At hoc ardore inflammati Sanctius, Alphonfus IV, Emmanuel, Sebastianus, Henricus Cardinalis Rex, Petrus II, quinque Joannes. Sed quid hæc? omnes omnes, inquam, Lusitaniæ Principes nullis unquam pepercere impensis, ut superstitiones primum Europæ, deinde Africæ, Indiarum, atque Americæ nationes suavissimo Christi jugo subjicerent.

Verumtamen cum amplissimam illam FIDELISSIMI Regis appellationem Majores Tui universi suo quodam modo jure sibi postulare possent, Tu fuisti unus, qui eandem primus in familiam Tuam, Tuumque Regnum inveheres; quod certe divino consilio accidisse credendum est; propterea quod tanta est in Te virtutum omnium complexio, ut non modo universam Majorum gloriam unus exæquasse, verum etiam longe superasse judiceris. *Illi debent*

tempori

tempori quod Te præcesserint; Tu Tibi quod eos prædecessores superes: ^a unum vero eorum gloriam reddit incomparabilem, nempe Te genuisse; hanc tamen a Te accepere; factum est enim ut eorum sanguinis hæres eos quoque Tuæ gloriæ hæredes efficeres. Ergo Regum optime, ut ab illis adepta & a Te adlita per Te fiat sempiterna, accipe quem sacramus librum. ^b Accipe Divi Petri Miles Acta rerum in Vaticano Templo gestarum, quibus nihil sanctius, nihil majori solemnitate celebratur; accipe obedientissime Ecclesiæ Fili descriptionem honorum, quos Ecclesia militans nuper triumphanti solvit. Accipe FIDELISSIME REX, donum ab eodem, qui Te per honorifica huiusmodi appellatione insignivit, transmissum. Prædicent alii veteres Imperii Lusitani fines a Te feliciter productos, nova exterarum gentium commercia Ulyssipone instituta, pacem in Tuo regno medias inter omnium ferme Regum similtates conservatam, victorias in extremo Oriente nuper partas, maiestatemque Tui Nominis toto terrarum orbe diffusam. Nos præclarissimum FIDELISSIMI in domo Dei titulum, Moyse a Deo olim concessum, nunc Tibi a Christi Vicario communicatum, crebrius in Te laudando libentiusque

b

usurpa-

(a) SS. D. N. in literis Apost. circa tit. Fidelissimi: *Maximus emineas & prædiceris*. Quæ verba supra etiam retulimus.

(b) Eruditissimus Scriptor R. P. Emmanuel Monteiro Lusit. Congr. Orat. in libro cui titulus: *Joannes Portugalliæ Reges*: Editio Ulyssip. an. 1742.

usurpabimus. Illa enim Tibi communia cum pluribus Regibus sunt; Hic Tuus unice est. Illorum partem fortuna sibi vendicat; In hujus societatem nemo se admiscet. Ex illis aliquid fortasse temporis imminet injuria; De hoc nulla unquam posteritas conticescet. Atque ut ab eo potissimum ordiar, unde cætera consequuntur, quid de Tua in Deum pietate dicam? Domus Dei Ecclesia Catholica est, quæ certe validissimis a Te classibus in Turcas immisis, Sancta Sede a Te defensa atque ornata, vera Religione in extremis terrarum finibus Tuo præsidio Tuisque opibus sustentata, maximis Tibi beneficiis sese profitetur obstrictam. Eadem domus Dei appellatio in Religiosos Ordines cadit, quorum alii Te adnitente ad veterum legum observantiam revocati sunt, alii ad severiorem sanctimoniam disciplinam sunt traducti. Pro domo Dei Tempia etiam intelligenda sunt; quis unquam Te in iis aut instaurandis, aut construendis, aut omni sacrarum rerum suppellectile exornandis magnificentior? Postremò ad domum Dei Catholicæ etiam Provinciæ sunt referendæ, quarum nulla est tanto locorum intervallo a Nobis sejuncta, ut non illic plurima sint munificentiae Tuæ ad sempiterni temporis prædicationem impressa vestigia. Perge igitur strenue *Divi Petri Miles, Fidei armis insignite* tanquam alter Alphonsus, *Obedientissime Ecclesiae Fili*, tanquam alter Sebastianus, *Barbararum gentium Domitor* tanquam alter Emmanuel, (Pontificiis jam verbis utar) *Perge REX FIDELIS-*
SIME,

SIME, *certare bonum certamen Fidei, ut vitæ æternæ præmia ab Auctore Fidei nostræ & consummatore Jesu Christo consequaris*. Interim tamen me Solio Tuo suppliciter advolutum mirifica illa tua in omnes humanitate suscipe, & librum hunc Pontificia auctoritate satis commendatum Regali patrocínio complectere. D. O. M. Majestatem tuam ad Lusitani Regni (quod FIDE PURUM sub FIDELISSIMORUM Regum præsidio semper fuit, semper futurum speramus) felicitatem, ad Regiæ Familiæ solatium, ad Ecclesiæ Catholicæ præsidium, ad Sanctæ Sedis ornamentum, ad totius Europæ decus, ad communem mortalium omnium utilitatem quam diutissime incolumem fervet.

J O A N N I V
LVSITANIÆ, ET ALGARBIORVM REGI
FIDELISSIMO

IN MAXIMIS EVROPÆ MOTIBVS
PACE TERRA MARIQVE SERVATA
AVCTO VBIQVE COMMERCIO
FAMILIIS SVBLATO LVXV LOCVPLETATIS

PVBLICÆ FELICITATIS AVCTORI

AD RERV IN LVSITANIA GESTARVM PRODENDAM MEMORIAM
INSTITVTA IMMENSO SVMPTV HISTORIÆ ACADEMIA
STVDIIS CETERARVM EXCITATIS
ADDITIS REDITIBVS, PRIVILEGIIS, HONORIBVS
PRÆMIO, ETIAM QVOTANNIS PROPOSITO

BONARVM ARTIVM PATRONO

INSTRVCTISSIMA CLASSE
AD CORCYRAM A TVRCARVM OBSIDIONE
LIBERANDAM MISSA
PROFLIGATIS IN ASIA RELIGIONIS HOSTIBVS
AD DEPORTANDOS IN INDIAS, ALENDOSQVE MISSIONARIOS
MAGNA PECVNIÆ VI ASSIDVE COLLATA

CATHOLICÆ FIDEI ASSERTORI

COERCITA IMPROBORVM LICENTIA
RESTITVTA RELIGIOSORVM ORDINVM DISCIPLINA
TEMPLIS PARTIM ERECTIS, PARTIM INSTAVRATIS
ET PRETIOSA SVPELLECTILI, ORNATVQVE INSTRVCTIS

PIETATIS, DIVINIQUE CVLTVS

PROPAGATORI

REGIARVM VIRTVTVM MAGNITVDINE
PRÆDECESSORVM REGVM NVLLI SECVND
POSTERIS OMNIBVS EXEMPLO
EX OCTO VOLVMINIBVS DE CANONIZATIONE SANCTORVM
QVATVOR PRIMIS AVTORI IPSI
OPTIMO MAXIMOQVE ECCLESIAE HIERARCHÆ NVNCVPATIS
R E L I Q V O S

REGI SVO BENEFICENTISSIMO


PERENNE ADDICTI, GRATIQVE ANIMI MONVMENTVM
EMMANVEL DE AZEVEDO SOCIETATIS JESV
D. D. D

SAN-

SANCTISSIMO DOMINO NOSTRO
BENEDICTO XIV.

P. O. M.

CANONICI REGULARES SANCTI AUGUSTINI CONGREGATIONIS
SANCTÆ CRUCIS IN PRISTINAM OBSERVANTIAM RESTITUTÆ
LITURGICÆ ACADEMIÆ CONIMBRICENSIS.



U O inscripta nomini
prodeunt, BEATISSIME
PATER Acta quinque Sanctorum,
quæ pro sui muneris ratione & pro
ea, qua præstat præcipuè in hujus-
modi

modi rebus scientia, jam antea collegerat , atque digesserat præstantissimus Præsul Ignatius Reali Pontificiarum Cæremoniarum Præfectus . Hæc quidem ita Tibi debebantur , ut cum ea Sanctitati nuncupamus Tuæ, illud usurpare possimus , nec immeritò , quod Ædi sanctæ Sophiæ cum eam dedicaret , Justinianus Imperator olim inscripserat , *Tua ex tuis Tibi offerimus Servi Tui* ; editis enim libris cum tam præclarè egeris de Canonizatione Sanctorum , ut ad eam non minùs ingenio , quàm omni doctrinæ genere viam expeditissimam communieris ; idem verò eos , de quibus agimus , in Sanctorum Album ita retuleris ; ut ex illa veluti radice fructus hic fuerit amplissimus consequutus ; nemo est , qui non videat , ex Tuo tamquam penu a nobis

bis depromi, quod Tibi tribuatur .
 Ampliſſimum id quidem Tibi eſt BEA-
 TISSIME PATER; cum ſupremum imi-
 teris Numen, cujus in terris Vica-
 riam poteſtatem obtines; nobis ve-
 rò jucundiffimum; cum id largiris,
 quo Tibi iterum oblato aliquam ob-
 ſervantiæ erga Te noſtræ pro tuis in-
 numeris in nos beneficiis partem af-
 ſequi videamur . Suscipe igitur BEA-
 TISSIME PATER, quod Tuum eſt,
 Noſque ante Te provolutos ad ter-
 ram, qua ſoles, benignitate com-
 plectere, qui novo, eoque maximo be-
 neficio idipſum Tibi debemus, quod
 muneribus Tuis Tibi repræſentandis
 ingratos omnino eſſe non pateris.
 Interim Deum orantes, ut totius Ec-
 cleſiæ bono Te quàm diutiſſimè ſo-
 ſpitet, ſanctiſſimos pedes Tuos hu-
 millimè exoſculamur .

SERIES TOTIUS OPERIS.

P RÆFATIO ad Acta Canonizationis quinque Beatorum Fidelis a Sigmaringa , Camilli de Lellis , Petri Regalati , Josephi a Leonissa , & Catharinae de Riccis .	pag. 1.
Decretum Canonizationis B. Fidelis a Sigmaringa .	4.
Quid post hoc Decretum a Fidei Promotore , & a causæ Postulatore factum sit .	5.
Decretum Canonizationis B. Petri Regalati .	ibid.
Decretum Canonizationis B. Catharinae de Riccis .	6.
Post hoc Decretum exponitur quid BENEDICTUS XIV. pro B. Nicolao Alber- gati constituerit : quomodo Basilicam Lateranam visitaverit : quid Basilicæ Sessorianæ præstiterit .	6. ad 9.
Decretum approbationis duorum miraculorum pro Canonizatione B. Camilli de Lellis .	10.
Decretum approbationis miraculorum pro Canonizatione B. Josephi a Leonissa .	11.
Subditur , quomodo idem Pontifex inceptam Basilicæ Lateranensis visitationem prosecutus sit .	14.
Decretum Canonizationis B. Camilli de Lellis .	15.
Decretum Canonizationis B. Josephi a Leonissa .	16.
Rationes cur in Templo Vaticano Canonizationes faciendæ sint .	17.
Constitutio BENEDICTI XIV. de Beatificationibus & Canonizationibus omni- bus in Templo Vaticano peragendis .	18.
Sequitur dispositio , pro apparatu Basilicæ Vaticanæ ad prædictorum quinque Bea- torum Canonizationem peragendam , & electio Præsulis , qui apparatu præsi- deret . Itidem deliberatio de gratiis agendis pro Francisci I. Lotharingie Ducis in Romanorum Imperatorem electione .	21. & 22.
Denunciatio ad hoc peragendum .	23.
Epistola Secretarii S. Congregationis Concilii ad Episcopos intra centesimum ab ab urbe lapidem existentes , ut ad urbem accederent , & Canonizationi quinque Beatorum interessent .	ibid.
Quid Summus Pontifex aliis Episcopis longius degentibus indulserit , si prædictæ Canonizationi interessent .	24.
Instructio , seu admonitio Cæremoniarum Præfetti ad Cardinales de narratione Vitæ , Virtutum , ac Miraculorum quinque Beatorum canonizandorum a Summo Pontifice in Consistorio habenda .	ibid.
Subditur , Pontificem & Cardinales in Consistorium convenisse , & quomodo Pon- tifex Cardinali Paulutio non ita pridem creato interdixerit , ne sententiam in Consistoriis , aut Consiliis diceret quousque Pontifex ei os aperiret . Describitur cæremonia claudendi , & aperiendi os novis Cardinalibus .	25.
Sequitur Oratio à Summo Pontifice in hoc Consistorio habita super quinque Beato- rum Canonizatione peragenda .	26.
	Inter-

<i>Intermissa Oratione , Cardinali Paulutio os apertum est a Papa .</i>	32.
<i>Continuatur Oratio , expositisque Actis B. Fidelis a Sigmaringa , B. Camilli de Lellis , B. Petri Regalati , B. Iosephi a Leonissa , & B. Catharina de Ricciis , Pontifex Cardinales interrogat , an ipsis placeat , ut ad illorum Canonizationem procedat , qui omnes responderunt , Placet .</i>	32. ad 46.
<i>Subduntur aliqua de Titulo , & Annulo , qui a Pontifice novis Cardinalibus dantur : de Titulorum numero , & caeremonia in iis conferendis : Item de Benedicti XIV. benevolentia erga Presulem Lazarum Pallavicinum , Sebastianum Antonium Card. Tanari , aliosque Cardinales defunctos .</i>	47. ad 51.
<i>Decretum Benedicti XIV. de Episcopis Titularibus , cum ad Cardinalatum promoveantur , expresse absolvendis a vinculo , quod cum priori Ecclesia contraxerant .</i>	51.
<i>Significatio per Cursores facienda de Consistorio publico habendo pro Canonizatione praedictorum quinque Beatorum peragenda .</i>	52.
<i>Exponitur quomodo hoc Consistorium coeptum sit . Aliqua attinguntur Benedicti XIV. erga Ecclesias Bononiensem & Anconitanam benevolentiae , & liberalitatis indicia , ac de numeribus eisdem Ecclesiis collatis .</i>	53.
<i>Oratio ab Advocato Consistoriali habita pro B. Fideli a Sigmaringa .</i>	54.
<i>Oratio alterius Advocati pro B. Camillo de Lellis .</i>	65.
<i>Oratio tertii Advocati pro B. Petro Regalato .</i>	73.
<i>Post hac Secretarius Epistolarum ad Principes , Pontificis nomine edixit , Divinum auxilium esse implorandum .</i>	80.
<i>Indulgentia a Summo Pontifice concessa iis , qui in Litaniis Majoribus divinum adiutorium pro dicta Canonizatione peragenda , ac pro aliis necessitatibus implorarent .</i>	82.
<i>Monitum de alio Consistorio habendo super Canonizatione &c.</i>	83.
<i>Oratio Advocati Consistorialis pro B. Iosepho a Leonissa .</i>	84.
<i>Alia alterius Advocati Oratio pro B. Catharina de Ricciis .</i>	90.
<i>Iterum Secretarius Litterarum Apostolicarum ad Principes , Pontificis nomine edicit implorandum esse divinum auxilium pro Canonizatione facienda .</i>	98.
<i>Exponitur quomodo Summus Pontifex in Castrum Gandulphi secesserit , & quid ibi gesserit .</i>	99.
<i>Methodus servanda in semipublicis Consistoriis ante Canonizationis Solemnia habendis .</i>	100.
<i>Compendium Vitae , Virtutum , & Miraculorum , nec non Actorum in Causa Canonizationis B. Fidelis a Sigmaringa .</i>	101.
<i>Compendium Vitae , Virtutum & Miraculorum , & Actorum in Causa Canonizationis B. Camilli de Lellis .</i>	111.
<i>Compendium Vitae &c. B. Petri Regalati .</i>	121.
<i>Compendium Vitae &c. B. Iosephi a Leonissa .</i>	131.
<i>Compendium Vitae &c. B. Catharinae de Ricciis .</i>	140.
<i>Denunciatio Consistorii semipublici habendi pro Canonizatione B. Fidelis a Sigmaringa .</i>	150.

<i>Describitur hujus Consistorii apparatus .</i>	150.
<i>Allocutio Pontificis initio hujus Consistorii facta .</i>	151.
<i>Exponuntur suffragia a Cardinalibus , Archiepiscopis ceterisque Præsulibus Latinis , Græcis & Orientalibus in hoc Consistorio præsentibus lata pro Canonizatione B. Fidelis a Sigmaringa .</i>	153. ad 182.
<i>Sequitur Allocutio Pontificis , qua suffragia commendavit , ac jejunia & preces ad divinum implorandum lumen indixit .</i>	183.
<i>Pest hac Procurator Generalis Camera Apostolicæ Protonotarios rogavit , ut Instrumentum de Actibus Consistorialibus conficerent .</i>	183.
<i>Responsio Pro-Decani Protonotariorum .</i>	184.
<i>Instrumentum de Actibus hujus primi semipublici Consistorii a Pro-Decano rogatum .</i>	184.
<i>Indulgentiæ & precum a Summo Pontifice indictarum promulgatio a Cardinali Vicario facta , & quomodo .</i>	188.
<i>Referuntur suffragia Cardinalium & Præsulum , qui præpediti a Consistorio abfuerunt .</i>	189. ad 201.
<i>Nonnulla subduntur de Benedicti XIV. liberalitate erga Basilicam Liberianam : Et de solempni Processione , quæ in festo SS. Corporis Christi apud Vaticanum fieri solet .</i>	202.
<i>Sanctio Benedicti XIV. de unica Processione apud Vaticanum peragenda in Festo Corporis Christi , etiamsi hoc festum , Sede vacante celebrandum sit .</i>	207.
<i>Schedula Motus proprii ejusdem Benedicti XIV. de iis , qui eidem Processioni interesse debent , & de ordine in ea incedendi .</i>	211.
<i>Sanctio Benedicti XIV. qui nonnullas Advocatis Consistorialibus prærogativas decernit .</i>	215.
<i>Intimatio de altero semipublico Consistorio habendo pro Canonizatione B. Camilli de Lellis .</i>	236.
<i>Allocutio Pontificis , qua huic Consistorio initium datum est .</i>	237.
<i>Referuntur suffragia Cardinalium , Archiepiscoporum aliorumque Præsulum in hoc semipublico Consistorio pro Canoniz. B. Camilli de Lellis .</i>	240. ad 274.
<i>Allocutio Pontificis , qua lata suffragia laudat , iterumque preces indicit .</i>	274.
<i>Instantia Procuratoris Camera , ut Protonotarii super his Actis Consistorialibus Instrumenta conficerent .</i>	274.
<i>Responsio Decani Protonotariorum Participantium Collegii .</i>	275.
<i>Instrumentum a Decano Protonotariorum rogatum de secundo hoc Consistorio .</i>	275.
<i>Referuntur suffragia eorum , qui eidem secundo Consistorio non adfuerunt .</i>	279. ad 288.
<i>Intimatio pro tertio semipublico Consistorio habendo pro Canonizatione B. Petri Regalati .</i>	288.
<i>Major fuit Antistitum in hoc Consistorio numerus .</i>	289.
<i>Allocutio Pontificis initio hujus Consistorii .</i>	289.
<i>Exponuntur suffragia Cardinalium , Archiepiscoporum & Episcoporum , qui huic tertio Consistorio interfuerunt .</i>	291. ad 327.
	<i>Instan-</i>

- Instantia Procuratoris Generalis Camerae, ut Protonotarii Instrumenta super Actis prædicti Consistorii conficerent.* 328.
- Responsio Sub-Decani Collegii Protonotariorum.* 328.
- Instrumentum a Sub-Decano Protonotariorum rogatum de tertio semipublico Consistorio.* 329.
- Adduntur suffragia eorum, qui etsi Romæ degentes a Consistorio tamen abfuerunt.* 333. ad 340.
- Intimatio pro quarto semipublico Consistorio habendo super Canonizatione B. Josephi a Leonissa.* 341.
- Allocutio Pontificis, qua merita B. Josephi extollit, & sententias Cardinalium aliorumque super ejus Canonizatione peragenda exquirat.* 341.
- Recensentur suffragia Cardinalium aliorumque in quarto semipublico Consistorio pro Canonizatione B. Josephi a Leonissa.* 345. ad 382.
- Altera Pontificis Allocutio in fine Consistorii, qua prædicta suffragia commendat, iterumque preces indicit.* 383.
- Instantia Procuratoris Generalis Camerae pro Instrumento a Protonotariis super Actis dicti Consistorii conficiendo.* 383.
- Responsio Decani Collegii Protonotariorum.* 384.
- Instrumentum a Decano Protonotariorum rogatum pro quarto semipublico Consistorio.* 384.
- Subduntur suffragia eorum, qui Consistorio non adfuerunt.* 389. ad 397.
- Intimatio pro quinto & ultimo semipublico Consistorio habendo super Canonizatione faciendâ B. Catharinæ de Ricciis.* 398.
- Nonnullis, quorum intererat, in hoc Consistorium ingredi datum non est, & quare.* 399.
- Allocutio Pontificis, qua Adstantium sensum super Canonizatione B. Catharinæ de Ricciis exquisivit.* 399.
- Referuntur suffragia Cardinalium &c. qui sane omnes de peragenda Canonizatione consenserunt.* 401. ad 438.
- Brevis Oratio a Summo Pontifice in hujus quinti Consistorii sine habita, qua diem Canonizationis prædictorum quinque Beatorum celebrandâ designavit: Is verò fuit dies 29. Junii SS. Apostolorum Petri & Pauli solemnitati sacer.* 438.
- Absentibus ab hoc Consistorio Protonotariis, & Promotore Fiscali, Pontifex Cæremoniarum Præfecto commisit, ut Instrumenta super hujus Consistorii Actis conficeret.* 439.
- Instrumentum a Cæremoniarum Præfecto de quinti semipublici Consistorii Actis exaratum.* 439.
- Subduntur suffragia Cardinalium &c. qui a Consistorio abfuerunt.* 445. ad 454.
- Schedula, qua Cardinales admoniti sunt, summum Pontificem velle ad Basilicam Lateranensem accedere, ibique Sacrum facere, ut a Deo auxilium peteret pro Canonizatione mox perficiendâ; invitati igitur etiam Cardinales illuc sunt, præsertim acquirendæ Indulgentiæ gratia. Quid in ea Basilica hac occasione factum sit.* 454.

- Idem paulo post factum est , cum adiunda esset Basilica Vaticana .* 455.
- Et Basilica S. Mariae supra Minerzani ad eundem finem , quamquam ad banc
itum sit post meridiem , & quare .* 456.
- Mandatum Cardinali Vicario datum de publicanda Indulgentia Plenaria a Sum-
mo Pontifice concessa omnibus qui interessent Canonizationi praedictorum quin-
que Beatorum . Item de admonendo utroque Clero Seculari & Regulari , ut
summo mane Processioni ante Canonizationem apud Vaticanum peragende in-
teressent . Itemque de admonendis Rectoribus , Sacristis &c. Ecclesiarum ,
ut in actu Canonizationis Campanas pulsarent .* 457.
- Indulgentia praedicta a Card. Vicario publicata .* 457.
- Mandatum Card. Vicarii utrique Clero , ut praedictae Processioni interessent .* 458.
- Aliud mandatum Card. Vicarii de Campanis ut supra pulsandis .* 459.
- Instructio a Caeremoniarum Praefecto data Militum Ducibus aliisque , quorum
intererat , de disponendis in opportunis locis militibus , de tormentis bellicis
displodendis , de tympanis pulsandis &c. in Canonizationis solemnitate .* 460.
- Eminentissimus Card. Portocarrero Canonizationis Procurator electus .* 461.
- Dispositio apparatus Basilicae Vaticanae pro Canonizatione , a Pontificiae D. mui
Pro-Praefecto , & ab aliis cum eo diligenter inspecta . Et loca Magnatibus &c.
assignata .* 461.
- Instructio alia Cardinalibus aliisque tradita , de modo & ordine , quo Canoni-
zationi interesse deberent , & de Oblationibus faciendis .* 462.
- Instructio particularis Cardinalibus Sacrorum Rituum Congregationi adscriptis
data de Oblationibus in Canonizatione faciendis .* 464.
- Instructio alia Consultoribus Rituum Congregationis data , ut Processioni Pon-
tificiae in Canonizatione faciendae interessent .* 464.
- Praemittitur notitia de Benedicti XIV. Constitutione , qua cultum SS. Apostolo-
rum Petri & Pauli in eorum festo die & octiduo auxit ; & alterius Constitu-
tionis de praecelerantia inter Votantes Signaturae Iustitiae & Gratiae .* 464.
- Sanctio Benedicti XIV. de Ordine praecedentiae a Votantibus Signaturae Iustitiae &
Gratiae tum in sedendo , tum in suffragiis ferendis servando .* 465.
- Constitutio Benedicti XIV. qua in perpetuum praescribitur , ut recurrente SS. A-
postolorum Petri & Pauli festo singulis octidui diebus in diversis Ecclesiis
[quae recensentur] aliqua eorundem Apostolorum memoria aut praerogativa
insignitis , Missa in Pontificalibus celebretur . Et a Laicorum Confraternita-
tibus pia Supplicatio iisdem diebus ad easdem respectivè Ecclesias instituat ,
concessa intervenientibus aliqua indulgentia .* 467.
- Publicatio hujus Constitutionis .* 473.
- Confraternitates a Cardinali Vicario designatae ad dictam Supplicationem , seu
Processionem peragendam .* 473.
- Describitur modus & apparatus , quo vectigal ab utriusque Sicilia Rege pendi
quotannis Pontifici solitum in pervigilio SS. Petri & Pauli , occasione hujus
Canonizationis quinque Beatorum persolutum fuit .* 476. & seq.
- Describitur initium & progressus Processionis , quae ab utroque Clero Seculari &
Regulari ante Canonizationem peracta est .* 478. & seq. De-

- Describitur altera Processio a Summo Pontifice Canoniz. præmissa . 482. & seq.*
Describitur initium Actus solemnis Canonizationis . 487.
Prima Instantia ab Advocato Consistoriali nomine Cardinalis Procuratoris Canonizationis facta Summo Pontifici , ut dictos quinque Beatos Sanctorum Catalogo adscriberet . 488.
Responsio Secretarii Epistolarum ad Principes . 488.
Post hanc responsonem cantatae sunt Litanie Sanctorum . 489.
Altera instantia ab eodem , ejusdemque nomine , & ad eundem finem facta . 489.
Responsum ab eodem Secretario redditum . 490.
Post hoc responsum Hymnus Veni Creator Spiritus cantatus est , & aliae Orationes recitatae . 490.
Tertia instantia ab eodem Advocato , & nomine ejusdem Procuratoris , atque ad eundem finem facta . 491.
Responsum prædicti Epistolarum ad Principes Secretarii . 491.
Sententia a Summo Pontifice prolata , qua BB. Fidelem a Sigmaringa Martyrem , Camillum de Lellis , Petrum Regalatum , Josephum a Leonissa Confessores , & Catharinam de Ricciis Virginem inter Sanctos retulit . 492.
Hæc sententia ab eodem Advocato ejusdem Procuratoris nomine acceptata fuit , & ab eodem supplicatum fuit Pontifici , ut Litteras Apostolicas super eadem Canonizatione decerneret ; annuit Pontifex dicens : Decernimus . 493.
Idem Advocatus Protonotarios , & Notarios præsentis rogavit , ut Instrumenta super Acta Canonizationis conficerent : quorum antiquior id facturos se promissit dicens : Conficiemus . 493.
Post hæc in gratiarum actionem hymnus Te Deum laudamus cantatus est . 493.
Inde Pontifex Orationem , in qua nomina quinque novorum Sanctorum erant , recitavit . Cardinalis Diaconus formulam Confessionis , in quam eadem nomina inserta erant , recitavit ; tum Pontifex absolutionem fecit , & omnibus benedixit , ita Actui Canonizationis extinctis cereis finis impositus est . 494.
Canonizatio sine Missæ sacrificio , aut eo in sequentem diem translato peragi potest . Benedictus tamen XIV. Missam celebrare voluit . 495. & 496.
Orationes de quinque Sanctis canonizatis , quæ in Missa recitatae sunt . 496. & 497.
Homilia , quam Pontifex inter Missæ solennia habuit . 497. ad 507.
Post Homiliam Cardinalis Diaconus cecinit : Confiteor , & Episcopus Cardinalis Assists Indulgentias petiit . Pontifex Indulgentiam Plenariam omnibus ibi præsentibus , visitantibus verò quotannis sepulchra quinque Canonizatorum , aliam Indulgentiam septem annorum & totidem quadragenarum concessit . 508.
Describuntur Oblationes , quæ in hac Canoniz. in Missa facta sunt . 508. & seq.
Absoluta Missa Pontifex consuetum Presbyterium a Cardinali Basilicæ Vaticanæ Archipresbytero accepit . Calicem aureum & Patenam , quibus eo die Deo libaverat , Basilicæ donavit . 511.
Instrumentum a Protonotariis confectum de memoratæ Canonizationis Actu . 511. & seq. Lit-

<i>Litteræ Decretales Canonizationis B. Fidelis a Sigmaringa Martyris .</i>	516.
<i>Litteræ Decretales Canonizationis B. Camilli de Lellis .</i>	529.
<i>Litteræ Decretales Canonizationis B. Petri Regalati .</i>	544.
<i>Litteræ Decretales Canonizationis B. Josephi a Leonissa .</i>	558.
<i>Litteræ Decretales Canonizationis B. Catharina de Ricciis .</i>	570.
<i>Describitur ornatus Vaticani Templi .</i>	585. usque ad finem libri .

IMAGINUM ELENCHUS

EARUMQUE DISTRIBUTIO.

1. **R**Egis Fidelissimi cui opus inscribitur , effigies .
2. Numismatis Aurei quinque Sanctos referentis Ectypus in fronte Operis .
3. Ichnographia Aulæ Consistorii secreti pro Congregatione ordinaria S. Rit. pag. 3. lin. 32.
4. Ichnographia Aulæ Consistorii secreti in Palatio Quirinali . pag. 25. lin. 9.
5. Ichnographia Aulæ Regiæ in Palatio Quirinali pro Consistorio publico . pag. 53. lin. 5.
6. Ichnographia Aulæ Parafrenariorum loco Ducalis in Palatio Quirinali . pag. 150. lin. 17.
7. Ichnographia Theatri in Vaticana Basilica constructi . pag. 461. linea 40.
8. Solemnis Equitationis ad Vaticanum incesus . pag. 476. lin. 15.
9. Exhibitio Censui in Aula Regia Vaticani . pag. 478. lin. 2.
10. Quinque Canonizandorum vexilla in solempni Supplicatione delata . pag. 481. linea 39.


Quæ sequuntur recto ordine in fine libri collocari debent .

(XXVII.)

- I. 11. Facies Templi Vaticani exterius per noctem illuminata .
pag. 478. linea 16.
- II. 12. Pictura repræsentans quinque Beatorum imagines , me-
diam Templi faciem occupans . *pag. 585. lin. 22.*
- III. 13. Præcipuæ Supplicationis partis , & ornatus magnæ navis
descriptio . *pag. 484. lin. 11.*
- IV. 14. Interioris Basilicæ frontis Aram principem respicientis
ornatus . *pag. 586. lin. 41.*
- V. 15. Tabulæ magnæ sexdecim instar numismatum , illustriora
quinque Sanctorum miracula repræsentantes , in qua-
tuor paginas divisæ , in quarum prima . *num. 1.* Ecclesia
in Sanctorum suorum gloria triumphans repræsentatur .
num. 2. Curatio fistulæ sanie manantis intercessione
S. Josephi a Leonissa . *num. 3.* Fistula mirabiliter cura-
ta ope S. Petri Regalati ad ejus sepulchrum . *num. 4.*
Ab inveterato comitali morbo admota S. Fidelis effi-
gie , æger liberatus .
- VI. 16. In secunda . 1. Puella gibbosa , & spirandi difficultate
pressa , ope S. Camilli liberata . 2. S. Petrus Regala-
tus pallio aquis instructo flumen trajiciens . 3. Plantæ
pueri , ope S. Josephi a Leonissa consolidatæ . 4. Sa-
natio ab Arteriæ magnæ laxitate ope S. Catharinæ de
Ricciis patrata .
- VII. 17. In tertia . 1. Puella a polypo , & gangræna liberata ope
S. Camilli . 2. Mundatio a lepra ac febris , ejusdem
S. Camilli intercessione . 3. Palpebræ pueri , sibi invi-
cem inhærentes ope S. Josephi a Leonissa aperiuntur .
4. Puella a vetusto cancro sanata auxilio S. Catharinæ
de Ricciis .
- VIII. 18. In quarta *num. 1.* Sanctimonialis ab articulorum dolori-
bus ad preces S. Catharinæ liberata . 2. Alter amissum
oculorum lumen ori admoto S. Petri Regalati capu-
tio , recuperat . 3. Impubes pedibus debilis ope S. Fi-
delis a Sigmaringa gradiendi facultatem impetrat .
4. Ab eodem S. Fidele ingens Majensfeldiæ incendium
extinguitur . *pag. 587. lin. 21.*
- IX. 19. }
X. 20. } Aligeri sexdecim , totidem lemmata prædictis numis-
XI. 21. } matibus respondentia per aerem deferentes . *pag. 587.*
XII. 22 } *lin. 38.*
- XIII. 23. Ornatus arcuum , cum tabulis , Lychnuchis , Aligeris &c.
pag. 588. lin. 14.
- XIV. 24. Transversæ navis ornatus . *pag. 591. lin. 8.*
- XV. 35. Qua-

- XV. 25. Quatuor alia virtutum simulacra coronis Altarium SS. Simonis & Judæ , & SS. Procelli & Martiniani incumbentia *pag. 591. lin. 12.*
- XVI. 26. } Octo Aligeri , totidem Columnarum Epistylis eorum-
XVII. 27. } dem Altarium positi . *pag. 591. lin. 23.*
- XVIII. 28. Quinque Sanctorum Vexilla picta ex utraque parte , in prima *pag.* Vexillum S. Camilli de Lellis , & S. Fidelis a Sigmaringa .
- XIX. 29. In secunda , Vexillum S. Josephi a Leonissa , & S. Petri Regalati .
- XX. 30. In tertia , Vexillum S. Catharinæ de Ricciis . Horum quinque Sanctorum simulacra in inferioribus mediæ navis loculamentis posita sunt . In hac pagina continentur simulacra SS. Fidelis a Sigmaringa , & Petri Regalati .
- XXI. 31. SS. Catharinæ de Ricciis , Joseph a Leonissa , Camilli de Lellis , atque Simulacrum Continentiæ .
- XXII. 32. Sequuntur alia viginti Virtutum simulacra in superioribus loculamentis inter Epistylia , quinque paginis expressa ; In prima , Fides , Spes , Gratia Divina , Perseverantia .
- XXIII. 33. In secunda , Pietas , Charitas , Innocentia , Puritas .
- XXIV. 34. In tertia , Castitas , Paupertas , Obedientia , Humilitas .
- XXV. 35. In quarta , Justitia , Temperantia , Fortitudo , Prudentia .
- XXVI. 36. In quinta , Religio , Pœnitentia , Abstinencia , Vigilantia .
- XXVII. 37. Lychnuchi instar turbinis cum cereis ex arcubus pendentes .
- XXVIII. 38. Theatri prospectus . *pag. 592. lin. 10.*
- XXIX. 39. Aligeri quatuor , primi duo paludamentum Throni , & Polymyxum quindecim cereorum sustinentes . *p. 595. lin. 16.* Reliqui supra arcum Pontificii Solii genibus flexis , palmas ac ferta manibus attollentes . *pag. 594. lin. 22.*
- XXX. 40. Crates inauratæ cum Insignibus Pontificiis in Theatri lateribus . *pag. 595. lin. 26.*
- XXXI. 41. } Alia Aligerorum , & florum ornamenta in ejusdem Thea-
XXXII. 42. } tri lateribus . *pag. 595. lin. 29.*





ACTA SOLEMNIS CANONIZATIONIS

BEATORUM SERVORUM DEI
FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.



IVITAS Sancta Jerusalem, quæ ^a sursum est, mater nostra de triplici profligato hoste victoriam referentes excipiens, non omnibus eundem assignat locum; sed cum in ea ^b mansiones multæ sint, secundum varietatem ^c meritorum suum unicuique gloriæ quoque gradum attribuit: ^d Nam *alia*, inquit Apostolus, *claritas solis*, *alia claritas lune*, *alia claritas stellarum*; *stella enim a stella differt in claritate*.

Hinc terrestris ista, quæ adhuc militat, perfecta illius æmulatrix ^e, decedentes Christi Famulos, qui cum Mundo, ac veterinoso serpente carnem quoque vicerunt, non paribus attollit honoribus; sed prout animadvertit Sanctitatis eorum famam percrebrescere, miraculorumque & gratiarum

A

fulgore

[a] *Ad Galat. cap. 4. v. 25.* [b] *Joan. 14. v. 2.*
[c] *Cap. Gleriosus de Reliq. & vener. SS. in 6.*

[d] *1. Corinth. cap. 15. v. 41.* [e] *Gloss. in*
- Clement. Ad nostram verb. Ecclesia.


fulgore coruscare, venerationem ipsorum & cultum multimoda, ac varia ratione permittit, adauget, & præcipit; quod in beatificandis canonizandisque iisdem Dei Servis maximè elucet: Plura enim in album Sanctorum allectis tribuuntur, quæ in Beatorum numerum dumtaxat adscriptis decerni non consueverunt.

Hanc verò in terris curam ad visibile Ecclesiæ Caput, Romanum scilicet Antistitem spectare, cui Christus ligandi atque solvendi potestatem fecit, constanti & non intermissa plurium sæculorum praxi comprobatur: etsi auctam adultamque contendant aliqui, solum ex eo tempore, cum Alexander Papa III. edita Decretali Primatibus, Episcopis, aliisque omnibus interdixit, ne cuiquam in posterum Beati nomen & cultum tribuerent, privativum hoc jus Apostolicæ Sedi reservans sive tanquam de novo inductum, sive postliminio restitutum. Ceterum ^a *hoc sublime iudicium ad eum tantum pertinere, qui est beati Petri Successor, & Vicarius JESU CHRISTI*, ex eo facile evincitur; quod sicut æternarum Sedium designatio, quæ non personis parantur, harum enim non est acceptor Deus, sed meritis, quæ solum sequuntur ex hac vita decedentes, a supremi Patris arbitrio pendet, & voluntate, ut Divina nos docuit Sapiencia, cum Zebedæi filiis per matrem sibi primatum postulantis respondit ^b *Sedere ad dexteram meam, vel sinistram non est meum dare vobis, sed quibus paratum est a Patre meo*. Ita consentaneum fuit, ut dispensatio earum rerum, quæ ad decus præsidiumque faciunt Ecclesiæ, & ad Dei Servorum in terris glorificationem, in supremo illius Hierarcha, qui unctione Christus, successionem Petrus est, solum resideret. Petrus quippe a petra illa dicitur, quæ ^c *lapis est angularis*, ^d *faciens utraque unum*: quæque illum post se præcipuum militantis Ecclesiæ fundamentum, & caput collocavit. Unde vocatis ceteris in partem sollicitudinibus, posthabitoque eo etiam Discipulo, quem supra reliquos Apostolos, teneriori amoris affectu prosequabatur, uni tantum Petro dictum a Domino est: ^e *Tu me sequere* ^f *in individua unitatis consortium, idest in veri Pastoris officio & potestate imitare: adeout* ^g *quæ sibi erant potestate propria, eidem voluerit esse participatione communia*.

Cum igitur ad utrumque, potestatem scilicet, & magisterium pertineat Beatificatio Servorum Dei, atque Beatorum Canonizatio, rectè statutum est, ut a solo militantis Ecclesiæ Capite penderet de regnantibus in cælo publicum prodere testimonium, & de honore, qui deferendus eisdem esset in terris, tutò decernere, ac definire. Sed ne plura dicam hoc loco, impediatur aureo Opere jam vulgato, cui nihil aut addere, aut detrachere ulli unquam dabitur, PROSPERI CARDINALIS LAMBERTINI, quem summa Dei providentia post diuturnam sex mensium Ecclesiæ viduitatem ad Apostolicæ Navis regimen sexto abhinc anno vidimus evocari BENE-DICTI

[a] Innoc. III. in Lit. Canonizat. S. Kunegundis. [b] Matt. 20. v. 23. [c] Ad Ephes. 2. v. 20. [d] Ibid. v. 14. [e] Joan. 21. v. 19.

[f] S. Leo M. in Annivers. Assumpt. suæ & serm. 2. in Natali SS. Apostolorum. [g] S. Ambrosius serm. 47. & epist. 80.



Scala Palmarii Rom.



1. *Sedes Pontificia sub Umbella a terra per gradum elevata.*
2. *Mensa Scriptoria pro Papa.*
3. *Altera oblonga pro Cardinalibus.*
4. *Cardinalium Sedilia.*
5. *Præaltum Scamnum ad scribendum pro Secretario.*
6. *Lignea vestibula (vulgò Bussale).*
7. *Ianua ab Aula Parafrenariorum.*
8. *Fenestræ versus Quirinale Atrium.*
9. *Aliæ versus Viridarium.*
10. *Infirmary.*

DICTI XIV. nomine, Pontificem merito, & dignitate maximum. Hic tamquam ^a *sapiens Architectus positus* ^b *in opus ministerii, in ædificationem Corporis Christi, ad consummationem Sanctorum*, pluribus voluminibus, Beatificationis & Canonizationis originem ac progressionem persequitur: antiqua praxi ad trutinam revocata, quæ præscripta postea est pro valida confectione Processuum, Causarum introductione, continuatione, ac felici consummatione tradit, ac explicat; Constitutiones, Leges, & Decreta Prædecessorum suorum allegat: indulta, dispensationes, & gratias recenset: Ritus & cæremonias refert, easque illustrat mysticis rationibus, confirmat exemplis: Quod unum desiderabatur post tam egregium opus, ut præstantissimus Auctor suprema Romani Pontificis auctoritate ipse per se exequeretur, quæ tam sapienti magisterio alios edocuerat: hoc ad commune Ecclesiæ bonum in Petri Cathedra constitutus effecit; quandoquidem inter Beatos relatis Alexandro Saulio Episcopo Alerienfi & Camillo de Lellis, cultuque, qui Nicolao Albergati Cardinali Episcopo Bononienfi & Benedicto a S. Philadelphio Laico Professo Ord. Min. Observant. S. Francisci, annis centum & ultra tamquam Beatis tributus fuerat, approbato; hoc anno tandem Sanctis adscripsit Beatos quinque, videlicet Fidelem a Sigmaringa, Camillum ipsum de Lellis, Petrum Regalatum, Josephum a Leonissa, & Catharinam de Ricciis.

Quanto autem apparatu, labore, ac studio id factum sit, instituti ratio postulat, ut, quantum fieri potest, diligenter enarretur, ac exponatur. Occurrit prima, juxta temporum seriem, causa B. Fidelis a Sigmaringa, in qua duobus ex quatuor, quæ post indultam Beato venerationem proposita fuerant, approbatis miraculis die 18. Januarii anni 1744. supererat dubium; an tutò procedi posset ad solemnem ejusdem Beati Canonizationem. Quia verò causæ relator Eminentissimus D. Pompejus Card. Aldrovandi, ob demandatam sibi Romandiolæ Legationem, Roma discesserat: Eminentissimus D. Alexander Card. Albanus, in ejus locum a Pontifice successus, in generali sacrorum Rituum Congregatione habita coram SANCTITATE SUA die 24. Martii in aula Palatii Quirinalis, ubi & Confistoria secreta hiemis tempore haberi solent, titulo causæ perlecto, compendiarium Actorum relationem, quæ fieri consueverat, Pontificis jussu missam fecit, & simplex, de quo supra diximus, dubium proposuit. Cum omnes, quot aderant, DD. Cardinales unanimiter affirmativè respondissent; Summus Pontifex sententiam ferre distulit; ut in re tam gravi largius sibi lumen a Deo precibus postularet. Post mensem Pontifex peracto Missæ Sacrificio in Ara principe Templi Capuccinorum, in qua B. Fidelis Reliquiæ propositæ venerationi fuerant, se recepit in Chorum; ubi sedens, laudato prius eodem Ordine, quem Deus tanti Martyris sanguine voluit etiam commendatum, per Secretarium deinde Congregationis Sacrorum Rituum sequens Decretum vulgari præcepit.

[a] 1. Corinth. cap. 3. v. 10.

[b] Epist. 4. v. 12.

ACTA CANONIZATIONIS
CONSTANTIEN. , SEU CURIEN.

*Canonizationis Beati FIDELIS A SIGMARINGA Ordinis Minorum
Capuccinorum , Primi ex Missionariis S. Congregationis de Propaganda
Fide ab Hæreticis in odium Fidei interempti .*

CUM Sanctissimus Dominus Noster BENEDICTUS PAPA XIV. in causa Constantien. seu Curien BEATI FIDELIS A SIGMARINGA Ordinis Minorum Capuccinorum declaraverit die 18. Januarii 1744. ex quatuor propositis miraculis duorum tertii generis approbationem , Primi videlicet : *Instantaneæ sanationis Fratris Candidi a Mediolano Religiosi Professi ejusdem Ordinis Capuccinorum ab inveterato fere per decennium morbo epileptico , cum instantanea perfectâ & absoluta fracturæ virium restitutione per Beati Effigiem capiti reverenter impostam, exclusâ quacunque in morbum reincidentia ; ac Secundi : Josephi Kirner pueri quadriennis , qui omni pedum usu triennem ob rachitidem amissâ , in eodem statu permanens , ductus a matre ad ecclesiam ante Imaginem Beati , relictis fulcris , domum pedes rediit, & deinde semper undequaque sanus incessit ; hodie verò postremum , quod supererat dubium nimirum : An stante approbatione duorum præfatorum miraculorum tunc deveniri possit ad solemnem Beati Fidelis Canonizationem ;* Sanctitas Sua in generali sacrorum Rituum Congregatione die 24. Martii currentis anni 1744. coram se habita , ad humillimas preces Fratris Maximiliani a Wanghena Ordinis Capuccinorum Definitoris Generalis , & hujus causæ Postulatoris , referente Eminentiss. & Reverendiss. Domino Cardinali Alexandro Albano idem præfatum dubium, loco Eminentiss. & Reverendiss. Domini Cardinalis Aldrovandi absentis , examinari dignata fuit præcipere ; Cumque in ea tam Dominorum Consultorum , quam Reverendissimorum Cardinalium suffragia audiverit unanimiter *Affirmativè* respondentium , resolutionem ea die adhuc differre censuit , ut uberioris prius auxilii , luminisque cælestis copiam imploreret . Quo tandem abundè impleto , accitis coram se R. P. Ludovico de Valentibus Fidei Promotore , meque prædictæ Congregationis Secretario infra scripta die Festivitatæ ac Martyrii ejusdem BEATI anniversaria , post celebratum in Ecclesia Capuccinorum ad altare ubi venerationi erat exposita insignis BEATI FIDELIS Reliquia , Divinum Sacrificium , præsens ejusdem BEATI Canonizationis quancumque faciendæ Decretum expediri ac publicari mandavit . Hac die 24. Aprilis 1744.

C. Card de Marinis Præfectus .

Loco † Sigilli .

T. Patriarcha Hierosolymitanus Secretarius .

Ubi

Ubi Pontifex discessit , Fr. Maximilianus a Wanghena , causæ Postulator , a R. P. D. Ludovico de Valentibus Fidei Promotore sacris vestibus induto prope altare majus ad cornu Epistolæ sedente acceptum Decretum recitandum in Templo palam curavit: Quo facto idem Præfui hymnum *Te Deum* ab altari præcinit , eundem subsequentibus ad finem usque Symphoniacis, & Musicis, succensis etiam eodem tempore minoribus æneis tormentis , non sine magno populi plausu , & diei illius celebritate .

Parem nactæ sunt exitum causæ BB. Petri Regalati , & Catharinæ de Ricciis , quarum primam eadem prædicta methodo retulit Eminentissimus Card. De Gentilibus, alteram Eminentissimus Lercarius, in Congregatione generali , coram SS. D. N. , die 22. Septembris ejusdem anni 1744. super Dubio , An stante miraculorum approbatione tutò procedi posset ad Canonizationem; Etsi enim auditis Cardinalium, & Consultorum suffragiis, judicium ferre Pontifex supersedisset ; ut , quid sibi decernendum foret ; maturius deliberaret ; Tamen post dies non amplius quindecim , quæ infra subjicimus , Decreta seorsim edidit .

O X O M E N

*Canonizationis Beati PETRI REGALATI Ordinis Minorum ,
apud Hispanos Regularis Observantiæ S. Francisci Restauratoris.*

CUM , post absolutas de more Antepreparatoriam & Preparatoriam Congregationes , referente Reverendiss. D. Card. Antonio Xaverio De Gentilibus , proposita fuerit in Congregatione Generali , habita coram Sanctissimo , die 2. Junii currentis anni , Causa Oxomen Canonizationis B. PETRI REGALATI super Dubio , *An & de quibus Miraculis constet post indulgiam a Sede Apostolica eidem BEATO venerationem ;* Cumque Sanctitas Sua , præmissis præmittendis , duo ex eis in tertio genere approbaverit , uti colligitur ex Decreto edito die 14. Julii currentis anni ; Deventum tandem fuit in alia Generali Congregatione, habita pariter coram Sanctissimo, die 22. Septembris proximè præteriti, ad postremum, quod supererat , Dubium : *An stante approbatione supradictorum duorum Miraculorum, tutò procedi possit ad solemnem ejusdem BEATI Canonizationem ;* Omnibusque Affirmativè respondentibus , Sanctitas Sua resolutionem differre voluit , ut prius , effusis ad Deum precibus , cœlestis luminis opem in tam gravi deliberatione imploraret . Quibus impletis , idem Sanctissimus Dominus Noster , post Missæ celebrationem ad altare S. Brunonis in Ecclesia S. Mariæ Angelorum ad Thermas Diocletianas , accitis coram se R. P. Ludovico de Valentibus Fidei Promotore , & me infra scripto Secretario , præsens Canonizationis B. PETRI REGALATI , quandocumque faciendæ , Decretum expediri & publicari mandavit . Hac die 6. Octobris 1744.

S. Card. Valenti .

Loco † Sigilli .

Tb. Patriarcha Hierosolym. S. R. C. Secr.

FLO-

*Canonizationis Beatae CATHARINÆ DE RICCIIS Monialis
Professæ in Ven. Monasterio S. Vincentii Civitatis Prati
Ordinis Prædicatorum .*

Relata in Congregatione Generali Sac. Rituum habita die 24. Martii currentis anni coram Sanctissimo Domino Nostro BENEDICTO PA-PA XIV. per Reverendissimum D. Card. Lercarium Causa Canonizationis B. CATHARINÆ de RICCIIS super Dubio: *An, & de quibus Miraculis constet post indultam eidem Beatae Venerationem in casu, & ad effectum de quo agitur*: Cum ex tribus, quæ tunc fuerunt proposita, & examinata Miracula, Sanctitas Sua duo approbaverit secuta post formalem dictæ Beatae CATHARINÆ Beatificationem, uti colligitur ex Decreto edito die 26. Maji currentis anni, & postmodum die 22. nuper elapsi mensis Septembris, coacta iterum Generali Congregatione Sac. Rituum coram eodem Sanctissimo Domino Nostro propositum fuerit per supradictum Reverendissimum D. Card. Lercarium alterum, quod examinandum supererat, Dubium: *An stante approbatione duorum Miraculorum tuto deveniri possit ad solemnem ipsius Beatae CATHARINÆ Canonizationem*: Omnesque, qui in ea Congregatione suffragium tulerint, affirmativum dederint responsum: Sanctitas Sua resolutionem ea die differre voluit, ut tum suis, cum aliorum precibus in tam gravi deliberatione lumen a Patre luminum prius imploraret, quod cum abundè sequentibus diebus peregerit, novissimè infra scripta die S. Brunoni Carthusianorum Fundatori dicata, post celebratum in Ecclesia S. Mariæ Angelorum Missæ Sacrificium, accitis coram se R. P. Ludovico de Valentibus Fidei Promotore, meque infra scripto Sac. Rituum Congregationis Secretario, ut novum decus Prædicatorum Ordini adderet, præsens Canonizationis memoratæ Beatae CATHARINÆ de RICCIIS, quando-
cumque faciendæ, Decretum expediri ac publicari mandavit. Hac die 6. Octobris 1744.

S. Card. Valenti .

Loco † Sigilli .

T. Patriarcha Hierosolymitanus Secr.

Et quoniam in Decreto superiori mentio facta est de inclyto Carthusianorum Parente Sancto Brunone, ad cujus altare sacris operatus Pontifex, festo illius die recurrente, B. Catharinam Sanctis accenseri quodcumque posse declaravit; non esset abs re meminisse etiam quid
circa

circa eximium ejusdem Instituti Sectatorem Nicolaum Albergati, Civem & Episcopum Bononien. clarissimum sacri Cardinalium Collegii decus & ornamentum Sanctitas Sua constituerit, coram decem Eminentissimis Patribus, nempe Lercari, de Gentilibus, Guadagni, Spinula, de Valentibus, de Montibus, Lucino, Bolognetti, Hieronymo Columna, Prospero Columna de Sciarra jussu Pontificis convocatis, atque unacum Oratore Bononiæ Comite Bentivolo in intimo ejusdem Ecclesiæ Choro congregatis; nisi nos apprime instructos redderent ipsæ Apostolicæ literæ, quas referrem hoc loco; nisi eas jam impressas unacum Decreto, Lectionibus propriis, & peculiari Elogio ejusdem Beati Nicolai Albergati in Martyrologio Romano apponendo, haberemus Tomo Secundo *lib. xi. cap. 14. §. 58. pag. 333.* aurei revera Operis de Servorum Dei Beatificatione, & Beatorum Canonizatione, novissimè a Sanctissimo ipsius auctore BENEDICTO PAPA XIV. summopere aucti, & tertio sub prælo positi pro Conimbriensi Liturgica Academia, quæ peculiarem super hoc demandavit curam præclarissimo viro P. Emmanueli de Azevedo Societatis Jesu Alumno, cum ad promovendas non paucas Servorum Dei Causas a Lusitaniæ & Algarbiorum Rege selectus est præ omnibus & Romæ detentus; ubi ab eodem Sanctissimo Patre Sacrorum Rituum Congregationis Consultor renunciatus, summa vigilantia, & omnium Eruditorum expectatione præfatum Opus magnificentissimè exsequitur.

Elaborabant inter hæc Postulatores BB. Camilli de Lellis, & Josephi a Leonissa, ut quantocius causas, quas susceperant, ad optatum Canonizationis finem perducerent. Ambæ ita processerant, ut coram Sanctitate Sua rite perpenfis, quæ post impertitum eisdem Beatis cultum a Deo facta fuerant eorum intercessione, miraculis, Pontificium dumtaxat de iis expectaretur oraculum. Tempus non modicum intercesserat, nec de Petri Cathedra vox incorrupta judicantis, de quibus constaret miraculis, adhuc intonuerat: Publicæ propterea privateque preces in horum Beatorum Templis, & Coenobiis eo dirigebantur, ut ad id obtinendum, quod petebatur, opportuna è cœlo Pontificiæ menti lux affulgeret.

BENEDICTUS verò, licet hæc ei cura altè infedisset in animo: tamen, ut populum sibi commissum, omni, quo poterat, studio acceptabilem Deo magis redderet, sacram visitationem instituere per id tempus decreverat, cujus initium a domo Dei se facturum primo die Maji anni 1745. etiam edixit.

Is dies erat Apostolorum Philippi, & Jacobi triumpho consecratus. Summo igitur mane cum ad Lateranum se contulisset Pontifex, a Capitulo Basilicæ, ejusque Archipresbytero Nerio Cardinali Corsino Sancti Eustachii Diacono exceptus, post effusas ante augustissimum Eucharistiæ Sacramentum preces, aliasque præparatorias ad Missam perlectas in eodem Altari Sacrificium confecit; quo absoluto, in proximum Columnensium Sacellum, e qua familia Cardinalis Hieronymus utriusque Apostolici Palatii Pro-

tii Pro-Præfectus præsens aderat, secedens Defunctorum animas confectis orationibus absolvit. Mox utrasque custodias, & eam scilicet, quæ coelestem Angelorum panem in Pyxide servat, & illam, qua sacrorum Oleorum vasa conduntur, intus & extra diligenter inspexit. Deinde Capita beatorum Apostolorum Petri, & Pauli, ceterasque plurimorum Sanctorum Reliquias, quæ in alto pegmate instar turris intra Templum erecto servantur, propius veneraturus, per amplam scalam de industria paratam, & ab Ara majori, quæ ex adverso est, non longè applicitam superius ascendit.

Crates ferreæ inauratæ, quibus circumundique pegma concluditur, & quarum claves penes se habent, alteram Præfectus Domus Pontificiæ pro Papa, alteram Conservatores Urbis pro Populo Romano, referatæ jam prius fuerant, velaque pariter demissa. Cuncta lustravit Pontifex; recognovit documenta, quæ de identitate Reliquiarum testabantur, pertractans inde manibus etiam suis, quas exosculari volebat, lipsanothecas.

Ab alto descendens Altarium mensas & ornatus earum inspexit, sacram suppellectilem, singulaque omnia ad Divinum cultum, majestatemque, ac Ministrantium decorem spectantia, in Sacrarii ambitu disposita sedulò aspexit: tandem ad Cappellam Domus Corsinæ divertit.

Est hæc ultima ad dexteram e Basilica exeuntium, a san. mem. Clemente XII. Laurentio Corsino Sanctitatis suæ Prædecessore in memoriam S. Andreæ Fesulani Episcopi Cognati sui erecta atque fundata. Pario lapide ornata est, cælaturis æneis multo auro illitis, anaglyptis, signisque marmoreis, & egregia Divi Andreæ imagine ex opere musivo, quæ tabulæ loco sacram Aram mirificè illustrat: Præterea est in ea nobilis ex porphyrite Sarcophagus, quem vivens e Pantheon, olim Delubro, nunc Templo B. Mariæ ad Martyres, uni ex Cardinalibus S. R. E. in Diaconiam attributo, ipsius Ecclesiæ Canonicis exhibentibus asportatum ad mortalis sui Depositi custodiam constituit sibi Clemens, cujus voluntati obsequentes Gentiles sui, cum vix ab obitu præfinitus annus effluxisset, ejus cadaver e Sancti Petri in Vaticano Basilica, ubi depositum fuerat, privato funere elatum, prout ipse Chirographo mandaverat, in eo deponendum curarunt.

Itaque Cappellam ingressus Papa BENEDICTUS, defuncti Pontificis animæ intercedentibus B. Andreæ meritis a Deo precatus est pacem; Et quamvis non ignoraret præter Ministros ad Ecclesiastica obeunda munia certis redditibus attributis in ea institutos, Sacrarium quoque vestibus & vasis, tum aureis tum argenteis, omnique alio cujusvis generis apparatu, largè instructum esse, honorifica tamen potius, quam censoria animadversione, nihil voluit inobservatum præterire.

Postremò remeavit ad Quirinale egrediens per Orientalem portam. Nova hic porticus, novaque templi facies ipsummet Clementem habet Auctorem; ut inscriptum ejus nomen, & stemma gentilitium ostendunt. Et quidem tantæ molis fabrica ita admirationi omnibus est, ut oculos etiam
in se

in se animosque intuentium convertat, & Triclinium Leonis restitutum, & oblonga via ad agrum Sessorianum aperta, utrumque regnantis Pontificis nobile opus. Neque verò in his dumtaxat se continuit munificentissimus Princeps: Longè majora sunt, quæ suo quæque loco, si quidem scribendi copia fuerit, enarrabuntur. Unum tamen modò prætermittendum non est, tanto nimirum Pontifici tribuendum esse, si non amplius flexus & inuius, sed facilis & rectus accessus est ad Basilicam Helenianam, quæ Sanctitatis Suæ, dum Presbyter Cardinalis esset, Titulus fuit: Si Frons hujus Templi molimine ipso, & columnarum numero nobilis assurgit: Si demum Ædes tota velut nova Hierusalem deposito senio, & quasi sponsa ornata monilibus suis conspicitur. Quæ omnia summatim indicat lapis super ostium in interiori ædis parte ita inscriptus.

BASILICAM SESSORIANAM
A CONSTANTINO MAXIMO MATREQUE HELENA
A FUNDAMENTIS RECTAM
ATQUE A LUCIO II BONONIENSI RESTAURATAM
BENEDICTUS XIV. PONT. OPT. MAX.
JAM EAMDEM IN TITULUM HABITAM
FRONTE PORTICU ABSIDE THOLO EXTRUCTIS
VIAQUE AD LATERANUM
COMPLANATIS UNDIQUE MACERIIS AGGERIBUSQUE
EXCITATIS INGENTI LIBERALITATE
ORNAVIT RESTAURAVIT DITAVITQUE
ANNO REP. SAL. MDCCXLIII. PONT. IV.

Providam hanc Vicarii suæ curam in restaurandis Christianæ Religionis monumentis, in reficiendis ornandisque Basilicis sæculorum injuria collabentibus, in promovenda Ecclesiasticorum disciplina, tanto animi studio susceptam^a, qui scrutatur corda & scit quid Spiritus desiderat, Christus Jesus benigno statim favore est prosequutus. Nam cum Papa eo ipso die primo Maji ex Laterano redux in domesticum se recepisset cubiculum, advenisse tempus intellexit, quemadmodum diu precibus efflagitaverat^b, quo divitias gloriæ magni Dei mirabilia facientis in Servis suis, quos præparavit in gloriam, palam ostenderet: Quapropter accersitis RR. PP. Congregationis Sacrorum Rituum a Secretis, ac Fidei Promotore sequentia duo Decreta super approbatione Miraculorum in Causis Canonizationis BB. Camilli de Lellis, & Josephi a Leonissa vulganda tradidit.

B

ROMA-

[a] Paral. cap. 28. v. 9. & ad Rom. cap. 1. v. 27. [b] Ad Ephes. 22. versu 18.

*Canonizationis BEATI CAMILLI DE LELLIS Fundatoris Clericorum
Regularium Ministrantium Infirmis.*

Postquam solemnî Ritu inter Beatos relatus fuit Venerabilis Dei Famulus CAMILLUS DE LELLIS Fundator Clericorum Regularium Ministrantium Infirmis, instantibus de more Postulatoribus pro impetranda ejusdem Causæ Reassumptione, ut ad finem optatum, nempe Canonizationem, ipsa perducatur, signata fuit Commissio Reassumptionis Causæ, & Apostolici Processus confecti (quorum validitas diligenter etiam examinata, atque inde probata fuit) de Miraculis, quæ ob intercessionem Beati CAMILLI a Deo patrata ferebantur, postquam ille Beatorum numero adscriptus est: Cum deinde eadem Miracula in examen revocari cœpissent, & accuratissima disquisitio de ipsis facta esset, uti mos est, in duabus Congregationibus Antepreparatoria, ac Preparatoria, demum coram Sanctissimo Domino Nostro BENEDICTO XIV. die 16. Martii nuper elapsi habita fuit Congregatio Generalis Sacrorum Rituum, in qua propositum fuit Dubium, quod antea jam fuerat propositum in duabus Congregationibus Antepreparatoria, ac Preparatoria, quas superius nominavimus -- *An, & de quibus Miraculis constat post indultam eidem BEATO Venerationem in casu, & ad effectum* -- Sanctitas Sua, priusquam accederet ad Congregationem, omnia Consultorum suffragia perlegere voluit, quemadmodum facere consuevit, atque illa deinde coram universo Cœtu dilucidè exposuit: Post hæc auditis Cardinalium suffragiis nihil novi constituit, non solum, ut Causam accuratius perpenderet, sed etiam, ut Divinam opem in tam gravi, difficilique negotio diuturnis precibus imploraret: His omnibus peractis duo ex propositis Miraculis adprobavit: Primum illud est, quod in Ordine secundo loco describitur, & Luciae Teresiae Petti contigit, quæ ab ipsa Nativitate asthma oppressa, gravissimâ respirandi difficultate laborabat, & cum magis ætate procederet, tanta malorum accessio facta est, ut non modo ineptam prorsus efficerent ad quemcumque vel levissimum laborem, sed etiam macilento vultu, fractisque viribus Corporis penitus extenuarent: Quin etiam gibbum contraxit, & sanguinem immixtum sanie despuere cœpit, itaut de ejus vita actum esse Medici unanimes affirmarent: Sed illa post invocatum B. CAMILLUM momento temporis pristino respirandi impedimento, & marcidis sputis libera protinus evasit, Corporis curvamine soluta fuit, & se ad labores omnes suscipiendos idoneam, & expeditam sensit, cum nulla antea Crisis, seu mali mutatio eidem Mulieri contigisset: Atque ita restitutis viribus, postquam septemdecim annis graviter vexata fuit, integrâ, perfectâque gaudet valetudine.

Secun-

QUINQUE SANCTORUM &c. II

Secundum Miraculum, quod in Ordine tertium locum obtinebat, a Sanctitate Sua probatum, accidit Margaritæ Castellæ Puellæ annorum duodeviginti, quæ Parentem habuit pustulis infectam, & eodem morbo ita oppressa fuit, ut pustulæ in diversis partibus erumperent, & postremò ulcus per totum Corpus, & ingentes crustas sanie manantes, & supramodum graveolentes inducerent. Tandem Mense Julii anno 1743. cum Puellam febris acuta correpuisset, & nullum a medicinis levamen acciperet, omnem de ipsius sanitate spem Medici deposuerunt: Divinum Eucharistiæ Sacramentum ipsi tamquam proximè morituræ fuit administratum, & omnia, quæ ad luctum & funebrem pompam spectant, jam parabantur; Interim ejus Mater, ac Soror ad intercessionem Beati CAMILLI piè confugerunt, & statim admirabile portentum evenit: Nam moriens Puella excitatur, & se incolumem, & sanam exclamat: Lecto profiliit, inflatum corpus detumuit, tabidæ Crustæ deciderunt, cibum sumpsit integris ac restitutis viribus; nec ulla tunc temporis Crisis, seu mali mutatio intercessit; Optimam pariter valetudinem, quam recuperavit, nunc etiam firmam retinet ac tuetur.

Hæc duo Miracula tanquam tertii generis Sanctitas Sua probavit, postquam in Lateranensi Basilica Sacrum hac die confecit, quemadmodum R. P. Fidei Promotori, & mihi infra scripto Secretario declaravit, dum Sanctitas Sua præsens Decretum mihi tradidit. Hac die primâ Maji Sanctis Apostolis Philippo, & Jacobo dicata anno 1745.

C. Card. de Marinis Præf.

Loco † Sigilli.

T. Patriarcha Hierosolymitanus Secret.

S P O L E T A N A

*Canonizationis BEATI JOSEPHI A LEONISSA Sacerdotis
Professi Ordinis Minorum S. Francisci Capuccinorum.*

PEractâ jam à Clemente XII. fel. record. Beatificatione Venerabilis Dei Famuli JOSEPHI DE LEONISSA Sacerdotis Professi ex Ordine Minorum Sancti Francisci Capuccinorum, & signatâ deinde Commissione Reassumptionis Causæ, confectis auctoritate Apostolicâ Processibus de Miraculis, quæ post eandem Beatificationem contigerunt, examinatâ pariter sedulò, ac probatâ validitate ipsorum Processuum, postremò in duabus Congregationibus Antepreparatoriâ, ac Præparatoriâ, quarum prima coacta fuit die 18. Junii anno 1743.; altera verò die 3. Martii anno 1744.; In his, inquam, Congregationibus propositum de more fuit:

An, & de quibus Miraculis constet post indultam dicto BEATO venerationem in casu, & ad effectum &c. -- Idem prolatum dubium fuit in Congregatione Generali Sacrorum Rituum habitâ coram Sanctissimo Domino Nostro Papa BENEDICTO XIV. die 22. Septembris anno 1744.

Sanctitas Sua, priusquam in Congregationem veniret, omnia Consultorum suffragia perlegit, eaque fusè retulit coram universo Coetu: Post hæc auditis Cardinalium suffragiis, nihil omnino decernendum censuit, ut rem totam magis accurato studio perpenderet, & seipsum Deo commendaret, ut lumen suum in hoc gravissimo negotio impertiretur.

Itaque Sanctitas Sua, dum ejusmodi Causæ privatum studium impenderet, nonnullas difficultates deprehendit: Etenim circa primum, ac secundum Miraculum, quæ Consultores & Cardinales majori plausu exceperunt, advertit Sanctitas Sua nequaquam missos fuisse Romam articulos, seu capita rerum, ut super illis a R. P. Fidei Promotore Interrogationes conficerentur, quæ solum propositæ fuerunt a Judicibus Remissorialibus Apostolicis: Id profecto novum & inusitatum Sanctitati Suæ visum fuit, eò quod de Processu ageretur Spoleti confecto, quæ Civitas procul dubio paucis milliariis Româ distat: Quare contrarium id esse constat Sacræ Congregationis praxi, quam Sanctitas Sua in suis libris--*De Canonizatione Sanctorum lib. 2. cap. 47. num. 3.* fusè explicavit.

Accedit etiam, quod in Miraculis tertii generis *Instantaneitas* necessariò demonstranda sit, quæ cognosci quidem nullo modo potest, nisi prius ostendatur status anterior immediatus morbi, qui deinde momento temporis mirabiliter sanatus fuit: Quamobrem Sanctitas Sua percurrens Testium dicta, nihil sanè dubitandum putabat de præcedenti immediato, ac miserrimo statu morbi, sed in apertam lucem manifestò illum non deduci, eò quod opportunæ ac necessariæ Interrogationes prætermisæ fuissent; ideoque Processum ejusmodi spicæ comparandum esse, quæ licet matura ac frumenti granis repleta sit, tamen illa non effundit, nisi alicujus manu excutiat.

Cum hæc ita essent, Sanctitas Sua desiderio, atque amore cognoscendæ veritatis solum adducta, scribendum duxit ad Episcopum Spoletinum, qui suffectus est in locum sui Prædecessoris, qui Processui condendo interfuerat, ac vitæ cursum absolvit: Illum secretò admonuit, ut accitis improvisò Testibus jam antea examinatis, & aliis pariter, qui vocari in examen poterant ac debuerant, sed vocati nequaquam fuerant, illos opportunè interrogaret de statu immediato, qui sanationi præcessit: Episcopus ad Leonissam se conferens indictâ jam sacrâ Visitatione Sanctitatis Suæ mandatis prudenter, accuratèque satisfecit: Novum Processum, quem condidit, Romam misit, consentaneum penitus illis omnibus, quæ ipsi commissâ fuerant: Quem Processum Sanctitas Sua tradidit, ut in Tabulario Sac. Congregationis collocetur, & ipsius causâ difficultates omnes prorsus se exuisse affirmavit. Addidit, Se nullam hæsitacionem habuisse,

ut litteras daret ad Episcopum Spoletinum, uti dictum est, quamvis ad-
versari videatur Decretum Alexandri VII. promulgatum anno 1658.,
quod Sanctitas Sua commemorat in Libris -- *De Canonizatione Sanctorum*
lib. 2. cap. 53. num. 11. -- Quo sanè Decreto præcipitur, ne in causis ejus-
modi per quoscumque adjungantur roborata, ac veluti subsidia iis probatio-
nibus, quæ in Processibus jam perfectis continentur: Sibi enim persuasit
Decretum Alexandri VII. locum non habere, cum Pontifex ipse pro co-
gnoscenda diligentius veritate hujusmodi subsidia perquirat: Accedit
etiam, quod illud Decretum editum fuit ad coercendos Postulatores, ne
Testes novos pro libito suo imbuerent, priusquam in examen vocarentur,
aut cum veteres Testes iterum examen subire deberent: Porro hoc pericu-
lum obvenire nullo modo potuit ob accuratam diligentiam ac rationem,
quæ totum negotium administratum fuit: Postremò, etiamsi idem Decre-
tum impedimentum aliquid asserere posset, Sanctitas Sua, quatenus opus
esset, pro hac vice tantum illud prius abrogare constituerat.

Illustratis hoc pacto ob novas & opportunas interrogationes asser-
tionibus Testium, qui prius examinati fuerant; iisdemque magis corro-
boratis aliorum testimoniis, qui minimè ad examen accesserant, licet ac-
ciri debuissent, apertissimè patuit status morbi, qui sanationi instantaneæ
præcessit, & cognitio habita est de illius continuatione, sicuti in primo
ex propositis Miraculis contendebatur: Quippe Spoletinus Episcopus te-
stis est, se vidisse Puerum, de quo sermo instituitur, integræ sanitati
restitutum, & pedibus omnino liberum atque expeditum: Itaque San-
ctitas Sua peracto Sacro in Basilica Lateranensi, accito R. P. Fidei Promo-
tore, meque infra scripto Secretario suâ auctoritate adprobavit tanquam
Miraculum tertii generis incolumitatem redditam Josepho Dionysio,
quam Postulatores primo loco exposuerunt: Is Puer duorum annorum
tam magnam corporis totius debilitatem ab ipso vitæ exordio contraxerat,
ut stare nullo modo posset; carnem verò lentam adeo, ac flexibilem ha-
bebat, ut, veluti sudariolum, complicaretur: Eum Mater ad Ecclesiam
detulit, ubi B. JOSEPHI Corpus repositum est, & super Altare Puerum
collocavit, BEATUM invocans magnâ religione ac pietate, ut illum ab
ægritudine liberaret: Tunc Puer absque ulla mora pedes suos ita corro-
borari sensit, ut incedere sine difficultate, & currere potuerit; quo sa-
nitatis beneficio adhuc fruitur, uti superius commemoravimus.

Insuper Sanctitas Sua quoque probavit tanquam Miraculum tertii ge-
neris sanationem Antonie Morellie, quam Postulatores secundo loco ita-
tuerunt: Illa graviter laborabat fistulâ, quæ Callum etiam induxerat, &
faniem permixtam sanguine fundebat: Ex eadem fistulâ, cum hians pate-
ret, ventus tam vehemens erumpebat, ut Candelam posset extinguere:
Per duos annos hoc morbo cruciata fuit, cui dolores etiam, Tussis, ac
Febris superaddebantur, donec pius Sacerdos illam oblinivit oleo, quod
ante sacrum Corpus Beati JOSEPHI ardere consuevit: Tum momento
tem-

temporis integram sanitatem consequuta est, fistulâ penitus occlusâ, doloribus, Tussi, ac Febri omnino cessantibus, pristinæ vires, & color naturalis ipsi redierunt, quâ bonâ valetudine deinceps semper usa est: Quare, ut de Pontificia adprobatione horum Miraculorum certum documentum existat, Sanctitas Sua mihi infra scripto Secretario præsens Decretum tradidit, hac die prima Maji Sanctis Apostolis Philippo, & Jacobo dicata anno 1745.

C. Cardinalis de Marinis Præfekt.

Loco † Sigilli.

T. Patriarcha Hierosolymitanus Secretarius.

Postero die rediit Summus Pontifex ad Lateranum, inceptam Visitationem prosequuturus. Peracto Sacro in Aldobrandino Sacello, ubi Eucharistia custoditur, cum Eminentissimo Archipresbytero & Canonicis, qui Sanctitatem Suam iisdem ac pridie Cæremoniis advenientem receperant, in Vestiarii recessu consedit: Libros ad Animarum curam spectantes, tum qui de Baptizatis, vel Confirmatis, seu Matrimonio conjunctis, seu vita functis testantur, tum cum, in quo Sacrificia pro Populo diebus saltem festis applicanda, juxta Sanctitatis Suæ encyclicam Epistolam datam Patriarchis, Archiepiscopis, Episcopis, cunctisque Locorum Ordinariis per Italiam die 19. Augusti 1744. debent adnotari, sedulò ne conscripssisset & cautè asservaret Ecclesiæ Rector, studiosè quæsit; Quia verò inter præcipua Parochorum munia, utpote qui in Episcoporum adjutorium assumuntur, comprehenditur obligatio instituendi ad Catholicam fidem rudes, ac pueros; qua methodo, quo loco, & tempore, quove adjutorio id ageretur, perscrutatus est, ac nonnulla zelo & vigilantia pastoralis plena edidit decreta. Sanè quantæ id Pontifici curæ sit, palam faciunt instructiones ejus jam editæ, cum Bononiensem Cathedram obtineret, eaque benignitas, & humanitas, qua Christum ducem sequutus parvulos ad se venientes non semel erudit ignaros, confirmavit instructos, omnes ad solidiorem scientiam muneribus allexit. Hæc ipsa Patriarchalis Basilica Lateranensis contemplata est hoc die, de quo loquor, tradentem pueris fidei rudimenta BENEDICTUM, quem ante quinquennium in summo Apostolicæ dignitatis fastigio positum exultans ostenderat: Testis est etiam Congregatio, seu Societas, ut vocant, Doctrinæ Christianæ, quam permutatâ Ecclesiâ antea nimis angustâ, aucto ad Ministros saluberrimi operis alendos censu, aliisque præterea beneficiis cumulavit & gratiis. Ad hæc ut verbum Dei, cujus est custos, in proximorum corde parere, atque alere Pontifex valeat; norunt omnes; quo honore in Apostolicas Aedes advehi sinat, qua comitate excipiat, variisque

riisque donis muneretur, quicumque ex pueris in annua generali disputatione de fidei nostræ Institutis tamquam omnium peritissimus donatus laureâ sit.

At non minori sollicitudine Ecclesiasticæ disciplinæ teneri demonstravit Pontifex, cum die tertio præfati mensis Maji Visitationem eandem prosequutus multas tulit saluberrimas leges, quibus ii tenerentur, qui in sortem Domini vocati ad concinendas divinas laudes Choro debent interesse, pluresque alias de bonorum Ecclesiæ procuratione, & Legatorum adimplemento: Cetera delegans cognoscenda Eminentissimo Archipresbytero, & nonnullis sibi adjunctis Convisitoribus ejusdem Patriarchalis Canonicis. Revertar modò unde fueram digressus: Etenim ab enarratione Actorum, nimis dilapsus est sermo.

Expeditis itaque Miraculorum approbatione Causis BB. Camilli, & Josephi, reliquum erat dubium; an idcirco videretur posse tutò procedi ad eorum Canonizationem. Indicta de more super eo generalis Congregatio habita fuit coram Sanctissimo Domino Nostro die 3. sequentis Augusti, in qua licèt singuli Suffragatores unanimi responso *Possè* censuissent; Pontifex tamen animum suum patefacere noluit, ut a Deo, ad cuius gloriam dirigitur Canonizatio, novis precibus & sacrificiis, quid sibi in tali negotio statuendum foret, exposceret; quod quanto Religionis studio, quaque assiduitate præstiterit, compertum iis est, qui BENEDICTUM viderunt, quotidie, ut consuetum ei est, ante Augustissimum Eucharistiæ Sacramentum publicæ expositioni venerationi diu procumbentem; raro pietatis exemplo.

Imminebat interim dies 17. Augusti universæ Christianæ Reipublicæ felix, quo post longam sex mensium viduitatem, talem sponsum extemplo sibi datum, ita gavisa Ecclesia est, ut ejus magnitudini animi, prudentiæ, sapientiæque confisa, difficillimis hisce temporibus bello, fame, pestilentia, præcipuè verò iterata Romani Imperii vacatione interturbatis, malorum, quæ timebantur, depulsionem sibi meritò præfagierit, & redintegratam in posterum felicitatem, pace inter dissidentes Principes composita, sibi obventuram firmissimè speret.

Hunc igitur diem prælegit Pontifex ad sequentium Decretorum promulgationem; ut precibus BB. Camilli, & Josephi Deus ex Alto ineuntem suscepti Ministerii sui annum sextum benigno prosequeretur auxilio.

ROMANA, SEU THEATINA

*Canonizationis BEATI CAMILLI DE LELLIS Fundatoris Clericorum
Regularium Ministrantium Infirmis.*

Proposito in Sacrorum Rituum Congregatione Generali habitâ die tertia labentis mensis Augusti coram Sanctissimo Domino Nostro BENEDICTO PP. XIV. Dubio -- *An in Causa Beati CAMILLI DE LELLIS*
Fun-

Fundatoris Clericorum Regularium Ministrantium Infirmis; in qua Sanctitas Sua die prima Maji currentis Anni bina approbaverat Miracula sequuta post indultam eidem BEATO Venerationem, - *tunc procedi posset ad solemnem ipsius Canonizationem* -- cum, omnibus affirmantibus, Sanctitas Sua resolutionem distulisset, ut a Deo in re tam gravi opem imploraret, accitis postmodum coram Se R. P. Ludovico de Valentibus Fidei Promotore, meque infra scripto Congregationis Sacrorum Rituum Secretario, post celebratum in Cappella domestica Sacrum, praesens Canonizationis Beati CAMILLI DE LELLIS quandocumque faciendae Decretum expediri ac publicari mandavit. Elegisse autem ait pro editione & publicatione Decreti hanc ipsam diem decimam septimam mensis Augusti anni 1745. utpote anniversariam suae Assumptionis ad Summum Pontificatum: *Diem videlicet, quam ipsi honorabilem fecit Divina dignatio, quae dum humilitatem suam in summum gradum provexit, quod neminem suorum sperneret, demonstravit; vivam spem in Deo collocans, quod, intercessione BEATI statim tempore inter Sanctos solemni ritu recensendi, Sibi pro sufferendo intolerabili onere, suis humeris reclinato, validissimo suo coelesti auxilio praesto futurus sit; ne suscepti operis magnitudo creberrima sit offensionis occasio, bene agnoscens, quod quamvis singuli quique Pastores speciali sollicitudine gregibus suis praesint, & pro commissis sibi ovibus rationem reddituri sint, sibi tamen cum omnibus cura communis est: Quae verba sunt Sancti Leonis in primo, & quarto Sermone in Anniversario assumptionis suae ad Summum Pontificatum. Hac die 17. Augusti 1745.*

C. Card. de Marinis Praefectus.

Loco † Sigilli.

Th. Patriarcha Hierosolymitanus S. R. C. Secret.

S P O L E T A N A

*Canonizationis BEATI JOSEPHI A LEONISSA Sacerdotis
Professi Ordinis Minorum Sancti Francisci Capuccinorum.*

Sanctissimus Dominus Noster BENEDICTUS PP. XIV. die prima Maji currentis anni 1745. bina approbavit Miracula a Deo patrata intercessionem Beati JOSEPHI A LEONISSA Sacerdotis Professi Ordinis Minorum Sancti Francisci Capuccinorum, sequuta post indultam dicto BEATO Venerationem, uti ex Decreto Sanctitatis suae dictis die & anno, edito planè colligitur.

Cum autem in Congregatione Generali Sacrorum Rituum habita coram Sanctitate Sua die tertia labentis mensis Augusti propositum de more fuisset

fuiſſet Dubium -- *An tutò procedi poſſet ad ſolemnnem dicti BEATI Canonizationem* -- & affirmantibus omnibus, Sanctitas Sua reſolutionem diſtuliffet, ut prius effuſis ad Deum precibus cœleſtis Numinis opem in tam gravi deliberatione imploraret: His adimpletis, accitis coram Se R. P. Ludovico de Valentibus Fidei Promotore & me inſcripto Secretario, poſt celebratum in Cappella domeſtica Sacrum, præſens Canonizationis beati JOSEPHI A LEONISSA quandocumque faciendæ Decretum expediri & publicari mandavit.

Addidit Sanctitas Sua, Se pro hujusce Decreti publicatione præſentem diem, decimam videlicet ſeptimam ejusdem menſis elegiſſe, ſuæ Aſſumptionis ad Summum Pontificatum anniverſariam, ſperans orationibus BEATI eſſe præſtandum, *ut Deus miſericordiarum miniſterii ſui tempora benignus aſpiciat, Paſtoremque ovium ſuarum & custodire ſemper dignetur & paſcere*: Quæ verba ſunt ſancti Leonis Magni *Serm.4. in Anniverſario aſſumptionis ſuæ ad Pontificatum*. Hac die 17. Auguſti 1745.

C. Card. de Marinis Præfectus.

Loco † Sigilli.

Th. Patriarcha Hieroſolymitanus S. R. C. Secret.

Porro ſtatutâ horum quinque BB. Fidelis nempe a Sigmaringa, Camilli de Lellis, Petri Regalati, Joſephi a Leoniffa, & Catharinæ de Ricciis Canonizatione, de loco, ubi eam peragi oporteret, dubitandum non videbatur; nam licet ſel. rec. Benedictus XIII. Joannem Nepomucenum inter Sanctos Martyres, & Clemens XII. Vincentium a Paulo, & Joannem Franciſcum de Regis inter Sanctos Confeſſores non Pontifices, Julianam Falconeriam inter Sanctas Virgines, & Catharinam Fieſchi Adorni inter non Virgines in Lateranenſi Baſilica nuper retulerint, tamen Vaticanum Templum omnibus præferendum meritò putabatur *pro majore rei dignitate & gloria; dignitate quidem propter Principum Eccleſiæ conſortia; gloria propter omnium gentium inundantem accuſum*: Ut ex Maffeo Vegio, Eugenii IV. Cubiculario refert Dominicus Cappelli Apoſtolicarum Ceremoniæ Magiſter in contextu Actorum Beatificationis & Canonizationis S. Franciſci Saleſii a ſe collectorum.

Idcirco Sanctiſſimus Dominus Noſter, ut tantæ rei dignitati Templi quoque Majeſtate conſuleret, non alio in poſterum loco, quàm in Baſilica Vaticana Canonizationes Sanctorum habendas decrevit: Quod & quatuor ſæculorum uſu fuerat antea comprobatum, & ſanc. mem. Alexander Papa VII. de formali Servorum Dei Beatificatione ibi celebranda jam pridem ſtabiliverat.

En Sanctitatis Suæ Conſtitutio.

ACTA CANONIZATIONIS
BENEDICTUS EPISCOPUS

SERVUS SERVORUM DEI

Ad perpetuam rei memoriam .

AD sepulcra Apostolorum, quorum consecrata Sanguine Roma, quæ fuerat Magistra erroris, facta est discipula veritatis; ad sacros beati Petri cineres, super cujus fidei firmitate extructa totius sacri ædificii Cœlo inferenda confurgit sublimitas, Romana Mater Ecclesia in suis triumphat filiis, qui calcatis Mundi blanditiis, & infernalis hostis superatis insidiis ad præmia pervenerunt æterna; & quos inter Sanctos Dei Servos & cœlestis beatitudinis consortes congruo devotionis cultu venerandos Romani Pontificis a Christo Domino accepta, & per Petrum ad Successores suos derivata decernit auctoritas. Quæ igitur a Romanis Pontificibus Prædecessoribus nostris prudenti consilio & provida ratione instituta sunt, & longo deinde usu recepta, piè sanctèque servata, Nos, quorum humilitatem ineffabilis Dei benignitas ad Cathedram Petri evehere dignata est, decet diligenter servare & studiosè custodire; & si quid vel temporum vel rerum varietate immutatum est, in integrum restituere, & ad pristinam rationem ac formam revocare, atque alia disponere, prout in Domino videtur expedire.

Sanè quidem omnes & singule Beatorum Canonizationes in Urbe nostra peragenda in Basilica beati Petri Apostolorum Principis semper peractas fuisse, antiqua ac fide digna testantur monumenta: Cum autem fel. record. Benedictus Papa XIII. Prædecessor noster, a quo ad Cardinalatus honorem assumpti fuimus, in eadem Vaticana Basilica beatos Turribium ex Majorga, Jacobum a Marchia, Agnetem a Monte Politiano, Peregrinum Latiosum, Johannem a Cruce, Franciscum Solanum, Aloysium Gonzagam, Stanislaum Kostkam, & biennio post beatam Margaritam a Cortona Sanctorum cultu honorandos solemniter de more constituisset; ac deinde beatum Johannem Nepomucenum in Sanctorum numerum similiter referre vellet, ei persuasum est, ut id in Basilica nostra Lateranensi solemni ritu perageret. Nos, qui per id temporis Ecclesiæ Anconitanæ ex concessione & dispensatione Apostolica præeramus, eundem Benedictum Prædecessorem per nostras litteras certiores facere non prætermisimus, Beatorum Canonizationes quoties in Urbe faciendæ erant, nonnisi in Vaticana Basilica ab antiquo tempore celebrari consuevisse; & ad hujusmodi officium præstandum eo magis Nos teneri credidimus, quia per plures annos, dum in minoribus eramus, unus ex insignis ejusdem Basilicæ Capituli Canonicis extitimus, & per plures etiam annos munere Promotoris Fidei functi fuimus. Tum autem Româ benignè Nobis responsum

sponsum est, quod in Basilica Lateranensi solemnibus apparatus pro Canonizatione ibidem habenda jam nimum processerat; nostræque literæ seriùs, quàm oportebat, ad Urbem pervenerant.

Postmodum a piæ mem. Clemente PP. XII. similiter Prædecessore nostro ab Ecclesiæ Anconitanæ ad Ecclesiæ Bononiensis regimen Apostolica ejus auctoritate translatis Nobis significatum est, prædictum Clementem Prædecessorem BB. Vincentii de Paulis, Johannis Francisci Regis, Catharinæ Fieschi Adorni, & Julianæ Falconeræ Canonizationem propediem in Ecclesia Lateranensi solemniter celebraturum: Sed quoniam per id tempus jam primus Tomus operis nostri de Servorum Dei Beatificatione & Beatorum Canonizatione in publicum editus fuerat, in quo nullam ante præfati Benedicti Prædecessoris tempora Beatorum Canonizationem in Urbe solemniter, nisi in dicta Basilica celebratam fuisse satis superque demonstratum fuerat, ulterius animi nostri sensus aperire superfluum duximus.

Præterea, cum ante fel. rec. Alexandri PP. VII. pariter Prædecessoris nostri tempora nulla statuta esset solemnitas in Beatificatione Venerabilium Servorum & Ancillarum Dei observanda; idemque ritum & solemnitatem adhibendam in sacra functione hujusmodi, eamque debita cum pompa in Vaticana Basilica explendam decreverit, ita semper posterioribus temporibus servatum est, ut omnes Beatificationes in eadem Vaticana Basilica celebrarentur usque ad præfati Benedicti XIII. tempora, quo Romanam Ecclesiam gubernante, quamvis in Vaticana Basilica Beatificatio Ancillæ Dei beatæ Hiacynthæ Mariscottæ, & Servi Dei B. Joannis de Prado facta sit; nihilominus Beatificatio Servi Dei B. Fidelis a Sigmaringa paulo post Canonizationem B. Johannis Nepomuceni in Basilica Lateranensi celebrata fuit. Post hanc verò Beatificationem in ejusdem Benedicti Pontificatu in Basilica Vaticana solemnibus ritu relati fuerunt in Beatorum numerum Servus Dei postea Beatus, & nunc sanctus Vincentius de Paulis, & Servus Dei beatus Petrus Forerius; in Pontificatu autem Clementis XII., paulo post supradictas Canonizationes in Basilica Lateranensi uno eodemque die unica solemnitate peractas, in eadem Basilica solemniter adscriptus est inter Beatos Servus Dei nunc beatus Joseph a Leonissa: Cum autem a Nobis ob ineffabilem Dei benignitatem Pontificatus honorem ac onus gerentibus decretum fuisset, ut inter Beatos Servus Dei Alexander de Saulis adscriberetur, sollemnis ejusdem Beatificationis functio in Basilica Vaticana celebrata est.

Matura igitur consideratione perpendentes, quod a Romanis Pontificibus Prædecessoribus nostris omnes Venerabilium Servorum, & Ancillarum Dei Sanctificationes in Urbe nostra solemniter peragenda laudabili instituto, optimisque ex causis ab antiquissimo tempore in Vaticana Basilica, & quod ab Alexandri PP. VII. Prædecessoris nostri, & successivis deinde temporibus Beatificationes quoque in eadem Vaticana Basilica, exceptis nonnullis supramemoratis Canonizationibus & Beatificationibus

ab iisdem Prædecessoribus nostris Benedicto, & Clemente in Basilica Lateranensi peractis, semper celebratæ fuerunt: Ne igitur commendabili & antiquæ consuetudini, & prædictæ Vaticanæ Basilicæ prærogativæ huiusmodi ex B. Johannis Nepomuceni Canonizatione, ac Venerabilis Servi Dei Fidelis a Sigmaringa Beatificatione a Benedicto; nec non ex Beatorum Vincentii de Paulis, & Johannis Francisci Regis, ac Beatarum Catharinæ Fieschi Adorni, & Julianæ Falconeræ respective Canonizatione, & Venerabilis Servi Dei Iosephi a Leonissa Beatificatione a Clemente Prædecessoribus prædictis in Ecclesia Lateranensi celebratis præjudicium aliquod afferatur, hac nostra perpetuò valitura constitutione veterem consuetudinem ac venerandum Prædecessorum nostrorum institutum, Decretumque Alexandri Prædecessoris prædicti ac integrum ejus tenorem Apostolica auctoritate approbantes confirmantes & innovantes, ac illis quodcunque Apostolicæ firmitatis robur adjicientes motu proprio, ex certa scientia, ac Apostolicæ potestatis plenitudine decernimus præcipimus & constituimus, ut in posterum & perpetuis inde futuris temporibus omnes & singulæ Venerabilium Servorum & Ancillarum Dei Beatificationes, ac BB. Canonizationes in Urbe nostra prædicta pro tempore celebrandæ, non in aliis quàm in Basilica Principis Apostolorum de Urbe prædicta privativè quoad reliquas Basilicas Ecclesiæque ejusdem Urbis celebrari omnino debeant; utque Canonizationes & Beatificationes in eadem Ecclesia Lateranensi a Benedicto, & Clemente Prædecessoribus prædictis, ut præfertur, peractæ nullo unquam tempore, perinde ac si in ea celebratæ non fuissent, præjudicium aliquod antiquo instituto & Vaticanæ Basilicæ prærogativæ afferre valeant. Insuper quoniam ab eodem Alexandro Prædecessore nostro usque ab anno 1659. alterum emanavit Decretum super contributione tam in Beatificationibus quàm in Canonizationibus favore Sacrarii ejusdem Basilicæ facienda, quod a Nobis in prædicto Tomo primo operis nostri de Beatorum Canonizatione relatum est, motu, scientia, & potestate simili illud approbamus & confirmamus, & quatenus opus sit, quæ ab ipso Alexandro Prædecessore decreta sunt, rursus decernimus & constituimus; & in futurum ab omnibus inviolabiliter observari volumus & mandamus.

Præsentes quoque ex eo quod interesse ad præmissa habentes ad hoc vocati & auditi non fuerint, aut ex alia quavis juridica & legitima, etiam necessariò exprimenda causa, vel quocumque pretextu de intentionis nostræ aut alio quovis defectu notari vel impugnari nullo unquam tempore posse, sed semper firmas validas & efficaces fore, & esse.

Sicque & non aliàs per quoscumque Judices etiam Causarum Palatii Apostolici Auditores, ac S. R. E. Cardinales, ac quoscumque alios Judices quacumque judicandi facultate suffultos judicari & definiri debere; sublata eis & eorum cuilibet quavis aliter judicandi & interpretandi facultate & auctoritate; irritum quoque & inane quidquid secus super his
a quo-

a quoquam quavis auctoritate scienter vel ignoranter contigerit attentari .

Non obstantibus Canonizationibus & Beatificationibus in prædicta Ecclesia Lateranensi , ut præfertur , celebratis , ac nostræ & Cancellariæ Apostolicæ regula de jure quæsito non tollendo ; nec non constitutionibus , & ordinationibus Apostolicis , si quæ contra litterarum nostrarum hujusmodi tenorem editæ existant , statutis , consuetudinibus , privilegiis quoque & indultis , illis aliàs in suo robore permanfuris , hac vice dumtaxat specialiter & expresse derogamus , ac derogatum esse volumus contrariis quibuscumque .

Nulli ergo omnino hominum liceat hanc paginam nostri Decreti , statuti , constitutionis , confirmationis , derogationis , & voluntatis infringere , vel ei ausu temerario contraire : Si quis autem hoc attentare præsumpserit , indignationem omnipotentis Dei , ac beatorum Petri & Pauli Apostolorum ejus se noverit incursum . Datum Romæ apud Sanctam Mariam Majorem nono Cal. Decembris Anno Incarnationis Dominicæ millesimo septingentesimo quadragésimo primo Pontificatus nostri Anno Secundo .

D. Cardin. Passioneus .

Visa de Curia
N. Antonellus .

X. Sub-Datarius .

I. B. Eugenius .

Interim postulata cum Regum & Principum , tum Regularium ipsorum Ordinum assidue ad Sanctitatem Suam deferrebantur , ut quanto-cius hos quinque Beatos Sanctis dignaretur adscribere ; quas preces & vota cum libenti animo Pontifex excepisset , proximo sequenti anno se relaturum Eos in Album Sanctorum benignè affirmavit , Postulatoribus tamen admonitis , ne parcerent sumptui , ut apparatus splendore & magnificentiâ , quæ peragenda erat Canonizatio , superiores reliquas antecelleret . Quod jure petere videbatur post imminutam in strenis & sportulis ipsarum Causarum impensam taxatione certa , ab eodem jam edita , in posterum valitura .

Ac onus quidem parandi omnia , & disponendi quæ ad tantam celebritatem requiruntur , ipsorum tantummodo Postulatorum est : Consuevere tamen Romani Pontifices , ut omnia ritè fiant atque ordine , aliquem eisdem præficere non minus auctoritate , quàm dignitate conspicuum , qui aliquando unus etiam e S. R. E. Cardinalium numero fuit ; ut Xisto V. Pontifice factum est in Canonizatione sancti Didaci : Novissimis verò hisce temporibus hanc curam demandarunt aut Præfecto Palatii Apostolici aut Fidei Promotori ; ut Sanctitati quoque Sux contigit , cum Fidei Promotor Benedicto XIII. Pontifice Canonizationum , quæ tunc factæ fuerunt , res administravit : Verùm Pontifex cum perspectam haberet ,
non

non modò vigilantiam , verum etiam prudentiam R. P. D. Theodori Boccapaduli , quem sibi a secretis eleemosynis esse jam pridem jusserat , ipsi præ omnibus tale negotium commisit nuncio misso per Epistolam Secretariæ Status .

Eo ferme tempore admoniti RR. PP. Causarum Postulatores fuere tam de hujusmodi electione , quàm de die 29. Junii anni proximè futuri , quem utpote SS. Petri & Pauli Apostolorum martyrio consecratum , ad Canonizationem peragendam Pontifex destinaverat . Moliri statim illi summo studio quidquid aut excogitari elegantius , aut artificio effici magnificentius poterat , & conferre consilia inter se ceperunt ; atque ut pro sua quisque parte quid curaturi essent , unanimi consensione deliberarent , primum semel in hebdomada , deinde singulis quindecim diebus Pontificio jussu conveniebant apud Reverendissimum P. Thomam Ripoll Generalem Ordinis Prædicatorum Magistrum & in Causa beatæ Catharinæ de Ricciis Postulatorem , Virum cum multo rerum usu præstantem , tum etiam nonagenarium . Ea , quæ rata ipsis erant , Sanctitati Suæ continuò significabantur ; cum districtè præcepisset Pontifex , ne quid inconsulto Se fieret , & non probante .

Hæc cum ita compararentur , vergebat in finem annus ; bellicus autem furor , qui Europam , atque adeo nostram etiam Italiam quadriennio amplius afflixerat , non jam , ut optabatur , conquiescere , sed magis augeri videbatur . Conclamabat^a Pontifex unà cum Populo ad Deum , ut^b fieret Pax in virtute sua , & miseratione placatus^c indignationem suam averteret a nobis . Cum in his tamen versaremur angustiis , multaque timeremus , quæ jam impendebant ;^d Pater misericordiarum & Deus totius consolationis ,^e qui nos neque jucunditates neque tribulationes sinit habere continuas ; sed ita ex^f adversis & prosperis , mortalium vitam contexit , ut mæstis rebus quædam etiam jucunda permisceat , consolatus est nos latissimo nuncio , qui Septembri mense allatus Romam est , Franciscum nempe I. Lotharingiæ & Vargionum Ducem , atque magnum Ducem Hetruriæ , Francofurti electum Romanorum Regem & Imperatorem futurum .

Rem tantam & munus e Cœlo datum , ut Sacro Apostolico Senatui significaret Pontifex , Consistorio secreto in diem 15. Decembris indicto , ante Ecclesiarum in eo propositionem Germanicorum Comitiorum eventum diserto narravit alloquio , acceptasque ab electo Romanorum Rege literas coram adstantibus S. R. E. Cardinalibus , a D. Cajetano Amato Litterarum Apostolicarum ad Principes Secretario consuetâ Cubiculariorum Cappâ induto recitari voluit ; ad gratias præterea Deo agendas pro tanto beneficio sequentem Feriam quintam destinavit .

Postero itaque die , cum per impressam schedulam admoniti fuissent

Emi-

[a] *Josue cap. 5. versu 5.* [b] *Psalmo 121. versu 6.* [c] *Psalmo 84. v. 4.* [d] *2. ad Corinth. cap. 1. v. 3.* [e] *S. Jo. Chrysost. Homil. 8. in 2. iust.* [f] *Ibid.*

Eminentissimi Patres & omnes Prælatorum ordines; frequens, ut in maxima lætitia, etiam populus Pontificium in Quirinali Sacellum complet. Rem Divinam in gratiarum actionem peregit Eminentissimus Passioneus Brevium a Secretis. Adfuit Papa sacris pretiosis vestibus indutus: Rubeis quoque Cappis supra vestes similiter rubeas, licet id fieri non consueverit Adventus tempore, circumamicti interfuere Cardinales. Urbs tota cum privatim tum publice in magna lætitia biduo versata est.

I N T I M A T I O

Per Cursores facienda, Domi quoque dimissâ copiâ.

DIE decima sexta labentis Mensis Decembris, feria quinta, in Sacello Paulino Palatii Apostolici Quirinalis, hora decima septima erit Cappella, in qua adstante Sanctissimo D. N. BENEDICTO PP. XIV. Missam cantabit in gratiarum actionem pro Electione Regis Romanorum Eminentissimus, & Reverendissimus D. Card. Passionei.

Emirentissimi, & Reverendissimi DD. Cardinales intererunt induti Vestibus, & Cappis rubeis, quo colore per integram enunciatam diem utuntur.

De sero autem feriæ quartæ præcedentis, nempe die 15. ejusdem mensis, & sub nocte pariter hujus diei luminaria ad fenestras accendi, & ante propria Palatia dolia comburi in lætitia signum mandabunt.

Ideo intimetur omnes & singuli Eminentissimi & Reverendissimi DD. Cardinales, Gubernator Urbis, Principes Solii, Ceterique intimari soliti.

De Mandato Sanctissimi Domini Nostri Papæ

Ignatius Reali Apost. Carem. Pref.

Transactis subinde Natalitiis Domini feriis, Paschalibusque Sacramentis consummatis intelligens Pontifex, Episcopos a suarum Diœcesium procuracione expeditiores jam esse, ut tam grave Canonizationis negotium consilio juvarent suo, ejusque Majestatem augerent præsentia, eos, qui intra centesimum ab Urbe lapidem erant, datis confestim litteris acciri jussit a Secretario Congregationis Cardinalium Sacri Concilii Tridentini Interpretum, qui eodem prorsus exemplo singulis ita scripsit.

Illine, & Rine Dñe Pñe Obsine.

MAndatum, quod SANCTITAS SUA mihi dedit, ad Ampl. Tuam Ill. ha. um litterarum officio persequor, ut, cum primis Mensis Junii diebus quinque Consistoria Semipublica habenda sint, priusquam in Sanctorum Album solemnè Ecclesiæ ritu totidem Beati a SANCTITATE SUA referantur FIDELIS
a SIG-

a SIGMARINGA, CAMILLUS de LELLIS, PETRUS REGALATUS, JOSEPH a LEONISSA, & CATHARINA de RICCIIS, Urbem p̄stremis Mensis Maji diebus accedas, nisi gravissimæ Pastoralis Officii curæ præsentiam istic tuam desiderent. Te interim reliquum mihi est admonere gratissimum & acceptissimum SANCTITATI SUÆ futurum, si statuto tempore præsto fueris, atque hanc Ecclesiæ celebritatem Ampl. Tuæ Ill., cujus manus reverenter deosculor, dignitate honestaveris.

Ampl. Tuæ Illustrissimæ, ac Reverendissimæ


Romæ Idibus Aprilis 1746.

Addictissimus & Obsequiosus Servus
Joseph Furietti S. Concilii Secret.


Quod ad alios Antistites pertinet, qui longiùs aberant ab Urbe, apertè significaverat Pontifex, si Romam per id tempus venissent, eorum accessum loco statutæ a Constitutionibus Pontificiis sacrorum Liminum Visitationis se habiturum; quod Pontificis consilium ac placitum ubi cognitum iis fuit, qui Romæ Episcoporum res agunt, suum unusquisque Præsulem statim commonuit, ut oblatam Pastoralis Officii debitum persolvendi, & celebritatis, quæ rarò accidit, spectandæ opportunitatem nè dimitterent: Ex quo factum est, ut nonnulli Orientales etiam Episcopi interventu suo Canonizationem honestaverint. Interim visum est Sanctissimo Patri, Consistorium secretum habere, in quo juxta Ritus rationem a majoribus acceptam, Cardinalis Sacrorum Rituum Congregationis Præfectus, vel antiquior in ipsa Congregatione causas adlegendorum inter Cœlites contracta debuisset oratione proponere, ut de auditis Pontifice mox quærente sententiam suam dicere quisque ex Cardinalibus posset; præfatum tamen onus causarum referendarum eo die Suamet Sanctitas summo labore suscepit. Ejusmodi erat instructio, singulis Eminentissimis Patribus jussu Pontificis opportunè per Cursores transmissa.

Eminentissime, & Reverendissime Domine.

IN proximo Consistorio Sanctissimus Dominus Noster BENEDICTUS PAPA XIV. methodica, ac compendiosa narratione referet Vitam, Virtutes, & Miracula Beatorum FIDELIS a SIGMARINGA Martyris, Ordinis Minorum Capuccinorum S. Francisci, CAMILLI de LELLIS Clericorum Regularium Ministrantium Infirmis Fundatoris, PETRI REGALATI Ordinis Minorum Observantium S. Francisci, JOSEPHI a LEONISSA pariter Ordinis Minorum Capuccinorum S. Francisci Confessorum; & tandem CATHARINÆ de RICCIIS Ordinis Predicatorum Virginis; necnon Acta in Causa Beatificationis & Canonizationis eorumdem, quæ Sacrorum Rituum Congregatio prævio



Scala Palmorum Rom:



1. *Sedes Pontificia.*
2. *Consuetudo Cardinalium Diaconorum Assistentium scabellum ad ornatum tantum.*
3. *Sedilia Cardinalium.*
4. *Sedile vacans ad claudendum Tetragonum.*
5. *Similia ad arcendum Populum.*
6. *Aliud pro sustinendo libro Taxarum, ac tintinnabulo.*
7. *Lignea vestibula ad intima Cubicula Papae (vulgo *Bussale*).*
8. *Ianuae ab Aula Parafrenariorum.*
9. *Fenestrae versus Atrium Quirinale.*
10. *Aliae versus Viridarium.*
11. *Infimibulum.*

prævio rigoreſo examine admifit & approbavit . Quibus expletis idem Sanctiſſimus Dominus Noſter Fratrum ſuffragia exquiret : An ſcilicet deveniendum ſit ad ſolemnnem eorundem Beatorum Canonizationem : Et ſinguli Cardinales per verbum PLACET , vel NON PLACET , ſententias aperient , prout ad Dei gloriam & Catholicæ Eccleſiæ decus magis eis expedire videbitur .

De Mandato Sanctiſſimi Domini Noſtri Papæ

Ignatius Reali Apoſt. Cærem. Præſ.

Feriâ igitur ſecundâ poſt octavam Paſchatis die 18. menſis Aprilis conſtitere in conſueta Palatii Apoſtolicæ Quirinalis Aula Summus Pontifex & Cardinales deliberaturi ſuper graviſſimo Canonizationis negotio . Omitto deſcriptionem tam loci , quàm cæremoniarum hujus Conſiſtorii ; quod & in reliquis faciam , de quibus loquar , niſi peculiare in iis aliquid acciderit , & notatu dignum , cum ſatis diſertè atque ſubtiliter de iis omnibus pertractaverit Clariffimus Vir Juſtinianus Chiapponus Apoſtolicæ Sedis Cæremoniarius in Actis Canonizationis Sanctorum Pii V. Pontificis Maximi , Andreæ Avellini , Felicis a Cantalicio , & Catharinæ de Bononia a ſan. mem. Clemente XI. anno ſui Pontificatus & ſæculi hujus duodecimo habitæ .

Poſt privata cum Sanctiſſimo Cardinalium colloquia (his enim unice fas eſt tempore Conſiſtorii accedere ad alloquendum Pontificem) diſmiſſo Populo clauſum fuit de more Conſiſtorialis Aulæ Oſtium . Tunc primùm omnium Cardinali Paulutio , qui ante paucos dies redux in Urbem , licet in Conſiſtorio publico fuiſſet exceptus , & in eo Galero rubro Pontificali donatus , nulli tamen adhuc ſecreto interfuert Conſiſtorio , interdixit Sanctitas Sua , ne ſententiam diceret in Conſiſtoriiſ aut Conſiliis , quæ ab aliis Cardinalibus haberentur , quouſque juxta conſuetum Pontifex ei os aperiret . Porro hoc vinculo , quod Liber Cæremonialis *Claudere os* appellat , olim adſtringebantur novi Cardinales ad ſecundum uſque vel tertium Conſiſtorium . Cum verò Papa eis os vellet aperire , exhibant hi ab Aula , donec a Pontifice aliorum Cardinalium auditis ſuper præfati vinculi ſolutione ſuffragiis , iſſque conſentientibus , in Aulam revocarentur . Tum Pontifex eos ſtantes gravibus verbis inſtruebat , qua prudentia modestia & humanitate in omnibus conſiliis & judiciis ſe gerere deberent , in quibus ſententiæ in poſterum dicendæ potetas ipſis dabatur . Modò verò prætermiſſa ſuffragiorum petitione atque hortatione aſſolent Pontifices in eodem ut plurimùm Conſiſtorio claudere ac aperire os novis Cardinalibus . Ore igitur Cardinali ita clauſo , hanc habuit orationem Sanctitas Sua ; antequam ad ea veniret , quæ de ſingulis Canonizandorum cauſis erat dicturus .

VENERABILES FRATRES. Septuagesimum secundum hujus vitæ mortalis annum inivimus, illudque affirmare jure possumus annos quinquaginta contulisse, exiguo licet cum fructu, studiis Ecclesiasticis excolendis, atque iis præsertim, quæ ad Beatificationem Servorum Dei, ac Beatorum Canonizationem pertinent. Cum enim forensibus studiis operam dare statuissemus, factum est, ut Alexander Caprara tunc temporis Rotæ Romanæ Auditor, ac deinde Cardinalis, illius Tribunal Secretum, ut ajunt, Nobis communicaret. Cum verò ille pariter inter Consultores Congregationis Sacrorum Rituum fuisset adscriptus, coepimus accuratè legere scripta exhibita a Postulatoribus, atque animadversiones Promotoris Fidei; & alia quoque pro his studiis adjumenta consequuti sumus ex domesticis colloquiis, quæ idem Præsul Caprara nobiscum interferebat.

Deinde a Clemente XI. felicitis recordationis inter Consistoriales Advocatos recensiti, ipsius Pontificis jussu duas causas Canonizationum promovendas suscepimus, nempe Beatæ Catharinæ Bononiensis, ac Beati Pii V., quæ sub eodem Clementis XI. Pontificatu ad finem solemnis Canonizationis perductæ fuerunt: Præter has Causas, aliis quoque multis tum Beatificationis, tum Canonizationis operam nostram ac patrocinium impendimus, quas hoc loco recensere supervacaneum ducimus; & quæ non pauca neque exigua sanè volumina, si colligerentur, efficerent.

Post hæc Promotoris Fidei perhonorificum munus ab eodem Clemente XI. Nobis demandatum fuit, quod per viginti & amplius annos, videlicet; cum idem Clemens XI., ac deinde Innocentius XIII., ac Benedictus XIII. Sedem Apostolicam tenuerunt, pro imbecillitate nostrarum virium, quàm diligentissimè obire curavimus. Illud pro certo adfirmare posse videmur, gravissimas laboris partes Nobis ipsis semper desumpsisse; nec satis existimasse studium ad ea negotia dumtaxat necessarium, quæ proponebantur, expedienda, sed Acta universa Congregationis Sacrorum Rituum penitus inspexisse; ipsius Tabularium & monumenta omnia, quæ ad rem facere possent, ita pervolvisse, ut ea quoque adnotaremus, quæ Nobis opportuna fore videbantur. Illud pariter asserere possumus, eas omnes Beatificationes & Canonizationes, quæ vel a Clemente XI., vel a Benedicto XIII. solemniter indictæ sunt, nostris laboribus, nostrisque vigiliis ante dispositas ac peractas fuisse. Porro si idipsum Nobis tribueremus de illis Canonizationibus, quas deinde Clemens XII. peregit, nihil a veritate alienum diceremus. Nam in Causis ejusmodi, quæ tunc temporis absolutæ sunt, non modò earum initia instituta atque expedita, sed etiam præcipuæ quæstiones in examen adductæ ac solutæ fuerunt, cum adhuc Nos ipsi munere Promotoris Fidei fungeremur.

Postea Benedicti XIII. singulari beneficentia in Cardinalium Collegium cooptati fuimus, atque inter Cardinales Congregationis Sacrorum Rituum

adnumerati. Quapropter eo, licet exiguo temporis spatio, quo tunc Romæ permanſimus, Congregationibus intereſſe non prætermiſimus, ac ſententiam noſtram, qualiſcumque fuerit, liberè proferre. Paulo poſt ad regendam Anconitanam Eccleſiam, ac deinde Bononiensem delecti fuimus, in quibus adminiſtrandis duodecim annos inſumpſimus: Tum, licet Paſtoralis officii ſollicitudo Nos plurimum occupatos tenuerit, tamen rationem temporis ita habuimus, & nocturnæ corporis quieti aliquas horas ita ſubtraximus, ut Nobis contigerit, præter plura, quæ in lucem emiſimus, ſimul etiam colligere, diſponere, ac ſedulò perpendere pene innumeras adnotationes, quas olim congeſſimus, cum Fidei Promotorem ageremus: Inſuper plura ſuperaddere; quæ ad explicanda Miracula conferre maximè poſſunt, cui rei gerendæ ac perficiendæ magno adjuvamento Nobis fuit copia librorum tum antiquorum tum recentium, qui ad Phyſicam ac Medicinam pertinebant; tum præſertim conſilia præſtantium Doctorum, quos Bononiæ deprehendimus. Quamobrem de Beatificatione Servorum Dei, ac Beatorum Canonizatione quatuor Volumina compoſuimus, quæ in lucem edita fuerunt.

Poſtremò ad Summum Pontificatum, licet immerentes, eveſti, cum facillimum ſit inventis addere, plura additamenta non parvi momenti ac pretii fecimus iifdem Commentariis, quæ magis accuratè copioſèque lucem publicam ſecundò adſpexerunt. Ad Congregationes Sacrorum Rituum, quæ

coram

coram Nobis frequenter habitæ sunt, convenimus, in quibus non modò sententiam nostram exposuimus, sed ejus quoque rationem palam indicavimus. In qualibet proposita Causa decrevimus ea, quæ magis opportuna judicavimus; alia quoque Decreta promulgavimus ad rectum examen hujusmodi Causarum, earumque solutionem instituendam. Tandem aliquos Dei Famulos consueto Ritu inter Beatos adnumeravimus.

Ut ergo nihil deesse Nobis in hac re videretur, illud tantùm supererat, ut Beatorum Canonizationem perageremus. Ad quam obeundam haud satis erant quæ hætenus diximus; neque enim a Nobis commemorata sunt ob aliam causam, nisi ut quoddam voluntatis nostræ studium ad ejusmodi Canonizationem suscipiendam ostenderemus, quod tamen parum aut nihil omnino conferre non ignoramus; nisi cetera merita ac requisitæ conditiones pariter intercedant. Attamen in eo tota res sita est, quod post accuratum diuturnumque examen plurium annorum, judicium quinque Causarum Canonizationis absolutum jam fuerit a Congregatione Sacrorum Rituum. Accedit, quod ejusdem Congregationis consilio jam pronunciavimus Decretum, nempe: Posse quamlibet ex iisdem Causis ad solemnem Canonizationem deduci: Quamquam illud Decretum ejusmodi negotium minimè absolvat, neque ipsi finem imponat; eo quod Prædecessorum nostrorum vestigiis inhærentes, antequam Sententiam ultimam proferamus, intelligere volumus in hoc Secreto Consi-

torio consilium vestrum, utrum Canonizationem hoc tempore statuendam judicetis; ac deinde exposcere rursus a Vobis consilium & ab Episcopis, qui ad Consistorium semipublicum convenient, utrum nempe in supradictis Causis quaestiones omnes ita examinatas & solutas existimetis, ut Sententiam vestram Sententiae Congregationis Sacrorum Rituum accomodare posse arbitremini. Sed ne temere & inconsultò deliberetis, servato a Prædecessoribus nostris more, Vobis exponemus, quæ diligenter accuratèque peracta sunt in his Causis Beatorum examinandis; & deinde meritum singularum intrinsecum compendio solùm attingemus.

Ut autem initium sumamus ab iis, quæ gesta sunt in examinandis his quinque Causis Beatorum, de quibus res agitur, nulla est ex ipsis, pro qua examinanda plusquam centum viginti anni non fuerint insumpti; initium hujus temporis haud statuendo a die, quo hi Beati vitam hanc mortalem absolverunt, neque a tempore, quo Locorum Ordinarii sua auctoritate ipsorum Beatorum Acta conficere coeperunt; sed ab eo solùm tempore, quo Sedes Apostolica concessit, ut ejusmodi Causæ coram se instituerentur. Equidem non ignoratis in veteri consuetudine ac more positum fuisse, ut hæ Causæ Romanæ Rotæ Auditoribus committerentur, qui deinde post accuratum examen rem totam exponebant, suffragium consultivum ferebant, ac postremò ad Congregationem Sacrorum Rituum omnia rursus examinanda deferrebantur. Duæ nostrorum Beatorum Causæ,
quæ

quæ modò afferuntur, propositæ jam fuerunt eo tempore, cum vetus consuetudo, quam paulo ante memoravimus, obtineret; eaque ratione pertractatæ sunt, quam superius indicavimus. Cum deinde immutata ea consuetudine, Romanæ Rotæ Auditores in Congregationem Sacrorum Rituum, tamquam ipsius membra, recensiti fuissent; in tribus reliquis Beatorum Causis quæstiones præcipuæ ac necessariae ad examen ac trutinam revocatæ sunt in iis Coetibus, qui ad expendendas singulas ex allatis quæstionibus ter convocari & haberi consueverunt. Si ex his quinque Causis unam solummodo excipiatis, cujus Nos ipsi Beatificationem peregrimus, quatuor reliquæ cultum publicum jampridem obtinuerant a Nostri Predecessoribus constitutum. Quamobrem nostram operam potissimum contulimus ad expendenda Miracula, quæ post Beatificationem contigerunt, & quæ a sacris Legibus requiruntur tanquam indicium quoddam cœlestæ Divinæ voluntatis, ut cultus permissivus ac peculiaris cultu universali ac præceptivo commutetur. Illud testari meritò possumus nihil a Nobis prætermisum fuisse, ut accuratissimum examen fieret, quoniam non ignoramus nullum studium nullamque diligentiam esse in hac re supervacaneam. Illud quoque fatemur nullam a Nobis in his Causis agendis dispensationem aut immunitatem a consuetis Legibus esse concessam, nostrumque privatum studium pro qualibet Causa sedulò impendisse. Præterea Deum vehementer exoravimus, ut lumen suum Nobis impertiretur, quo magis perspecta Nobis fo-

rent aliqua facta, quæ suffragium ferentes in Congregationibus manifesta satis putaverant; denique priusquam animum nostrum determinaremus, nonnullis mandavimus, ut occultâ diligentîâ res propositas scrutarentur ac planè dignoscerent, quorum postea documenta Nobis reddita, deponi iussimus in Tabulario Congregationis Sacrorum Rituum, ubi tutò servarentur.

Post hæc (ut ordinem initio propositum teneamus) verba facienda essent a Nobis de meritis cujuscunque Causæ. Verùm institutam Orationem parumper suspendimus, ut eam tamen ordine jam constituto deinde prosequamur, videlicet postquam apertum erit os Cardinalis, cui clausum fuit initio Consistorii, ut suffragium quoque suum in rem propositam ferat, & postquam alia præsentia negotia absoluta fuerint. Porro hæc sermonis interruptio Vos levabit eâ molestiâ, quam pati deberetis, si perpetua oratione uteremur; & Nobis etiam paulum temporis concedet, ut liberè respiremus.

Absolutis Ecclesiarum Propositionibus, os Cardinali Paulutio apertum est a Papa, qui conversus ad eum, tunc in loco suo stantem, dixit. *Aperimus tibi os &c.*

Deinde subdidit interceptam resumens Causarum relationem.

PEractis jam negotiis, quæ absolvenda supererant, Orationem nostram, Venerabiles Fratres, prosequimur; & breviter quidem complectemur merita, quæ insunt Causis quinque Beatorum. Primum locum obtinet Causa beati Fidelis a Sigmaringa Sævi ex Ordine Fratrum Minorum sancti Francisci

Capuc-

Capuccinorum. Nemo ignorat præclarè gesta a Leopoldo Austriæ Archiduce & Comite Tyrolensi, qui magno cum exercitu Rhætiam Superiorem invadens initio præteriti sæculi, gente illa pervicaci in suam ditionem redacta, Ministros Calvinianos ab illis Vallibus expulit, qui non modò pravam doctrinam in ipsis locis disseminaverant, sed miseros populos, & sua jam labe infectos adversus Romanam Ecclesiam incendebant, & perniciosis consiliis incitabant, ut a legitimis Principibus facta conspiratione deficerent.

Tum Joannes Fulvius Cariæ Episcopus, qui Hæreticorum furore ac violentia extorris & ejectus incredibili mœrore conficiebatur, eo quod Ministri Zuingliani, & Calviniani spatio duorum annorum quadraginta duas Parochias eidem usurpaverant, Leopoldum Victorem induxit, ut ad Paulum V. Prædecessorem nostrum confugeret, eumque vehementer rogaret, ut Capuccinos in Rhætiam mitteret, qui sacras Missiones susciperent, ex quibus fructus non exiguos sanctæ Religionis futuros sperabat.

Pontifex Leopoldo morem gessit libentissimè, ac tum sacre Missiones in Rhætia initium habuerunt, quæ deinde magis confirmatæ atque amplificatæ sunt, cum post obitum Pauli V. Gregorius XV. Sedem Apostolicam obtinuit: Tunc enim bene constituta Sacra Congregatio de Propaganda Fide, ipsius consilio, quæ viros idoneos a Nuntio Apostolico & ab Episcopo Cariæ satis cognoverat, Fratres

Capuccini ad eas Missiones obeundas delecti fuerunt, & illarum Praefectus beatus Fidelis a Sigma-
ringa nominatus, qui magnam sibi famam ob virtu-
tem & zelum Apostolicum jam sibi comparaverat.
Cum ejusmodi munere fungeretur, vitam hic Bea-
tus absolvit interfectus ab Hæreticis in odium Fidei
Catholicæ, & hoc pacto illustrem Martyrii palmam
est consequutus. Signa & Miracula accesserunt seve-
rè discussa, & concordibus suffragiis approbata. Pla-
cet ne igitur Vobis, ut ad solemnem hujus Beati
Martyris Canonizationem juxta consuetum hujus Se-
dis Apostolicæ morem procedamus?

Hic Cardinales responderunt omnes: PLACET : deinde Sanctitas Sua:

Secundo loco ponitur Causa beati Camilli de
Lellis, qui Bochianici in Aprutio, loco honesto
natus est. Cujus quidem juventus non fuit vacua
& immunis ab iis cupiditatibus ac vitiis, quibus im-
plicari juvenes consueverunt. Attamen tali poeni-
tentia ductus est, suasque labeles per plures annos us-
que ad ultimum vitæ spiritum tanta severitate expia-
vit, ut præclaram Sanctitatis opinionem sibi deme-
ruerit, eamque lætitiâ in Coelis excitaverit, qua
gestire solent Angeli super uno peccatore poeniten-
tiam agente, quæ longè superat eam voluptatem,
quam concipiunt iidem beati Spiritus, cum in Cœ-
lis coronari vident alios plures, qui poenitentiâ nun-
quam indiguerunt, eo quod vitæ innocentiam, ac
morum sanctitatem nunquam violaverint.

Nonnulli ex Theologis ac Patribus non solum

Marty-

Martyres appellant eos, qui ab Hæreticis vel Infidelibus in odium Christianæ Fidei aut Catholicæ Religionis vitâ spoliantur, sed illos pariter tanquam Martyres agnoscunt, qui semper in Dei famulatu & proximorum salute procuranda ita occupantur, ut assiduò charitatis opera præstent non quidem ordinaria, sed difficilia & hæroica, in quibus constanter versantur, donec ad extremum vitæ diem perveniant; ideoque charitatis Martyres nuncupantur.

De hac opinione Nos verba fecimus in Libris nostris DE CANONIZATIONE, eamque minimè probavimus, eo quod Orationi Panegyricæ potius, quam Theologorum Cathedræ consentaneam judicavimus. Illos haud Martyres, sed Confessores nominandos asseruimus, cum in eorum morte nullus appareat tyrannus, qui illos in odium Fidei violenter interficiat. Quod si contrariam sententiam sequuti fuissēmus, nullum sanè exemplum præstantius inveniri potuisset ad Martyres ejusmodi charitatis declarandos, quàm vita, ac mores, quibus beatus Camillus de Lellis commendatur.

Siquidem Nosocomia hujus Urbis, quæ INCURABILIIUM, ET SANCTI SPIRITUS appellantur, comparari possunt quibusdam veluti theatris, in quibus Camillus per plures annos charitatem suam exercuit, operam suam assiduò præbens Infirmis, ut illos corporis ægitudine atque animi morbis sublevaret. Febres pestiferæ, quæ hanc ipsam Urbem ac Sedem Quirinalem invaserant, & universis, quos semel corripuerant, mortem inferebant, latissimum cam-

pum aperuerunt Camillo ejusque Sociis Regularibus ad pios Cives inflammandos hortandosque , ut cibis atque opportunis pharmacis ægrotantes recrearent , omnemque diligentiam impenderent , ut a mortis faucibus eriperent hominum multitudinem , qui ad eam calamitatem pervenerant , ut eodem letulo vir cum uxore sua ac liberis jaceret , necessario alimento & consolatione destituti omnes , quos interea febris , egestas , rerum omnium necessitas , ac fames supra modum vexabant .

Post hanc calamitatem & stragem , incredibilis illa annonæ caritas subsequuta est , ob quam Romæ ejusque districtu septuaginta millia hominum fame ac frigore enecti perierunt . Horrendum sanè spectaculum ! In compitis ipsius Urbis , in macellis & officinis fame debilitati Cives animam exhalabant , alii verò jam vita defuncti virentes herbas , quas ad famem sedandam decerpserant , adhuc dentibus premebant ; Quare tum patuit maximè charitatis incendium , quo Camilli pectus exardebat : Plura omitimus ad rem explicandam , quæ in Actis ipsius Beati descripta continentur . Illud solum indicabimus , tunc temporis magnam egrotantium multitudinem in Nosocomium sancti Sixti coactam fuisse , ex qua spatio paucorum dierum tria millia morbo confecta sunt . Pontifex beato Camillo potestatem tribuit illius Nosocomii administrandi in iis omnibus , quæ ad salutem corporum & animarum pertinerent . Itaque , ut huic muneri satisfaceret , in Ædes sancti Sixti ille se contulit cum octo Sociis , ex quibus ob incredibiles

labores & incommoda quinque vitam amiserunt; Camillus autem immunis ab eo discrimine ac liber evasit singulari Dei beneficio, ut majora deinde pro utilitate proximi aggrediretur, inter quæ recenseri meritò debet Institutio Congregationis Clericorum Regularium Ministrantium Infirmis, quam ipse statuit ac propagavit in varias Orbis terræ partes, & quæ magis in dies amplificatur cum maximo ægrotantium & morientium fructu, qui in ultima vitæ hujus periodo constituti, illorum præsidio sanctisque monitis corroborati ad immortalem vitam proficiscuntur. Hujus Beati intercessione Deus Miracula operari dignatus est, post longum & maturum examen concordibus suffragiis approbata. Videtur ne itaque Vobis expedire, ut ad hujus quoque Beati Canonizationem solemni ritu deveniamus?

Rursus Cardinales hoc loco responderunt: PLACET: Et Sanctitas Sua institutum sermonem prosequuta est.

Tertio loco exhibetur Causa beati Petri Regalati Minoris Observantiæ sancti Francisci, natione Hispani, qui Valdoleti natus est. Annales Fratrum Minorum tradunt a Gregorio XI. Pontifice designatos fuisse aliquos Commissarios Apostolicos, seu Visitatores, qui eum Ordinem in Hispania reformarent, cujus institutum ac disciplina, pristina severitate dimissa, plurimum collapsa fuerat, quemadmodum Apostolica Sedes intellexerat. Ferunt, quemdam nomine Petrum Villacretium inter Fratres Minores virum sanctitate vitæ præstantem, inde excitatum fuisse, ut
refor-

reformationem Regularis Observantiæ sancti Francisci primus inchoaret. Sacra Ædicula inter oppida Tendillæ ac Penalverii sita erat, beatissimæ Virgini Mariæ nuncupata, quæ ad Equites Melitenses jure pertinebat. Porro sanctam Mariam Saliceti ipsam vocabant ex eo, quod beatissima Virgo quibusdam Venatoribus ipsius nomen & opem implorantibus eo loco apparuerat, cum illi inter densissimas pluvias, fulminum ignibus perterriti, viâ penitus aberrassent. Itaque, cum primum super salices altare fuisset extructum, inde sanctæ Mariæ Saliceti nomen inditum est. Huic Ædiculæ Petrus Villacretius exiguum tugurium conjunxit, ubi cum suis Sociis habitaret. Illud autem spatio temporis in magnificum ædificium commutatum fuit, in quo perfecti Regulares vitam duxerunt. In eo ipso loco vir præclarissimus Cardinalis Franciscus Ximenes christianæ perfectionis spiritum suscepit, ex quo tandem accitus fuit, ut Elisabeth Hispaniarum Reginae Confessiones exciperet.

Petrus Villacretius pietatem beati Petri Regalati cognitam & perspectam habebat; quippe adolescentiam innocenter traduxerat, & cum Fratrum Minorum Instituto vix decennis nomen dedisset, anno ætatis decimo quarto (quod tum licebat) solemnem Professionem emiserat. Inter cetera Monasteria, quæ a Villacretio condita fuerunt, permittente Oxomensis Episcopo, illud prope Aquileram adnumeratur, in quo Petrus Villacretius, ac beatus Petrus Regalatus longè ab hominum consortio sanctissimam & asperam vitam aliquo temporis spatio simul duxerunt.

Quam-

Quamvis autem curarent diligentissimè , ut ejusmodi vitæ ratio in tenebris omnino delitesceret , tamen in finitimas Civitates evulgari coëpit , ex quibus aliqui visendi solum studio , alii verò ut permanerent in ea solitudine, ad Monasterium confluebant; & hoc pacto Reformatio in Hispania mirum in modum propagata est .

Qua de re Villacretius præclarum opus, initamque viam insistere majori studio constituit , ut nova conderet Monasteria , ac vetusta in meliorem formam redigeret . Itaque Domum Aquilera Regalato commendavit , cujus virtutem longo jam temporis experimento probaverat . In eo loco Regalatus reliquis annis quibus vixit , ad supremum sanctitatis apicem pervenit . Illic Reformationem institutam suis exemplis, prudentique administratione factam tectam retinuit , ita ut quamvis novi Ordinis Fundator aut Reformationis Institutor appellari nequeat, tamen ad illam statuendam maximum adjumentum attulisse , potentissimumque præsidium fuisse nemo inficiabitur . Illic etiam toto vitæ suæ cursu Theologales & Cardinales Virtutes modo sublimi ac singulari exercuit . Universos in admirationem sui pertraxit ob animi humilitatem , vitæ asperitatem , ac jejunia , quibus corpus suum magnopere excruciauit . Quæ merita si desint , ad Beatorum Canonizationem Ecclesia nunquam adducitur . Illic etiam donis Ecstasis ac Prophetiæ cumulatus a Deo fuit , ac postremò feliciter hac mortali vita decessit , eamque sanctitatis famam reliquit , ut diuturnitate temporis imminui nunquam

potae-

potuerit . Miraculis claruit tum in vita , tum post obitum , eademque trutinæ subjecta approbari meruerunt . Placet ne igitur Vobis , ut ad solemnem huius Beati Canonizationem juxta Ecclesiæ institutum procedamus ?

PLACET , iterum dixerunt hoc loco Cardinales , ad quos deinde Sanctitas Sua :

Quarto loco venit Causa beati Josephi a Leonissa , quod Oppidum in Aprutio positum est . Ipse pariter Ordini Fratrum Capuccinorum nomen dedit , & sanctum Franciscum Parentem suum planè imitatus est . Etenim si sanctus Franciscus martyrii cupiditate inflammatus navigationem in Syriam suscepit , etiam beatus Joseph ob eandem causam Constantinopolim se contulit , ubi Christifidelibus opitularetur , qui misera servitute tenebantur gravissimoque periculo , ne ob incommoda & ærumnas a Christiana Religione deficerent . A Soldano Rege Ægypti sanctus Franciscus magnis officiis & humanitate exceptus , omnem martyrio interclusum aditum cum vidisset , in Italiam remeavit , atque ita desiderii martyrium obtinuit . Beatus Joseph eodem ardore succensus interiora cubicula & penetralia Imperatoris Turcarum adire non dubitavit , ratus , eos populos universos facili negotio ad Fidem Christianam traducendos , si ipsorum Imperator eandem Religionem primus susciperet . Sed captus ac detrusus in tenebrosam carcerem eo gravissimo supplicio mulctatus fuit , ut pedem dexterum & manum pa-

riter

riter dexteram ad ferrum unicum suspensus, capite totaque corporis mole ad terram penderet, donec fame ac dolore extenuatus vitam profunderet. Generosus Athleta Christi crudelissimum tormenti genus invictâ animi constantiâ pertulit. At quoniam Joseph Dei beneficio vitam adhuc trahebat, atque inter acerbissimum cruciatum annuntiare Fidem Christianam haud omittebat, ideo Satellites consilium inierunt sub illo ignem excitandi, ut fumus obstrictis faucibus spiritum illi præcluderet, aut saltem a prædicanda Sancta Religione impediret.

Tres continuos dies in eo cruciatu fortiter permansit, ex quo divino potius quàm humano præsidio liberatus fuit, ita ut Causa ipsius Beatificationis & Canonizationis (nisi ob gravissimas causas disciplina immutata fuisset) sub titulo Martyris, non autem Confessoris proponi posse videretur. Nemo enim, qui in his studiis paululum versatus sit, ignorat, pristina temporum consuetudine appellari consuevisse Martyres etiam illos, qui post acerba tormenta, quorum vi mortem subire juxta naturæ conditionem debuerant, admirabilem in modum superstites evaserant: Attamen hoc tempore (quemadmodum unicuique cognitum perspectumque est) Martyr haud nuncupatur, nisi qui in ferendis cruciatibus aut vi tormentorum vitam amiserit.

Joseph ope divina vindicatus ab eo discrimine, quod superius exposuimus, in Italiam rediit, & reliquum vitæ spatium in locis Patriæ suæ finitimis tra-
duxit, ubi Ruricolæ & Egenos sacris concionibus

imbuens, mirum dictu est, quàm copiosos fructus collegerit. Myſteria Fidei ac Religionis illis explicabat, & vineam Domini indefeſſo ſtudio ita excolebat, ut nullos labores, nulla pericula, nulla incommoda vitanda unquam judicaverit. Evangelica conſilia juxta ſui Ordinis præcepta atque inſtituta diligentiffimè ſervavit; qua in re ſi defuiſſet aliquid, Cauſa beati Joſephi in medio curſu conſtituiſſet. Etenim certum ſtatutumque eſt, ut in Cauſis Servorum Dei, qui Regularium Ordinibus adſcripti fuerunt, præter cetera illud potiffimum examinetur, an ſui Ordinis præſcriptas leges accuratè obſervaverint. Poſtremò beatus Joſeph meritis cumulat, & corporis ſui vinculis diſſolutus in Cœlum evolavit, quo tempore ea ſigna contigerunt, quibus Deus pretioſam juſtorum mortem proſequi ac declarare conſuevit. Miracula quoque ſubſequuta ſunt plenè diſcuſſa & approbata. Placet ne igitur Vobis, ut ad hujus Beati Canonizationem ritè procedamus?

Hic quoque Cardinales dixerunt, PLACET, quibus inde Sanctiſſimus Dominus Noſter hæc alia deliberanda propoſuit:

Quintum ac ultimum locum tenet Cauſa beatæ Catharinæ de Ricciis ex Ordine Dominicano de Eccleſia adeo benemerito tum ob viros tum ob mulieres gloriâ Sanctitatis celeberrimas, quæ eundem Ordinem illuſtrarunt. Satis ſit hoc loco recensere Catharinam Senenſem, Roſam Limanam, Agnetem ex Urbe Montispolitiani, quæ ſolemni Canonizationis ritu in numerum Sanctarum relatæ fuerunt; Re-
liquas

liquas plures omittimus, quæ ob rationem cultus immemorabilis obtinent cultum Sedis Apostolicæ auctoritate comprobatum.

Florentiæ nata est Catharina ex nobili genere. Parentes habuit Petrum Franciscum de Ricciis, & Catharinam de Panzano. Ab ineunte adolescentia futuræ Sanctitatis indicia non obscura præbuit. Præsumptum Hetruriæ Civitatem adducta (quo Parentes rusticationis gratiâ se contulerant) & ingressa Domum Monialium sancti Vincentii, eodem momento temporis constituit in eo loco vitæ suæ cursum exigere, quamvis id ingratum molestumque Parentibus esset, qui illam nuptui dare proposuerant.

Tantam Sanctitatis famam brevi assequuta est ob dona præcipuè coelestia, quibus plerumque Deus animas sibi devinctas & charissimas exornare solet, nempe ob frequentes ecstases, mentis alienationes, vaticinia, cordium arcanas scrutationes, & hujusmodi divina munera, ut Præsides Ecclesiasticos excitaverit ad investigandum diligenter, utrum angelus tenebrarum (uti non semel accidit) Angeli Lucis speciem ad eam Virginem decipiendam assumpsisset. Omissa facimus experimenta, quibus tunc usi sunt Ordinis Dominicani Theologi & illius Monasterii Provinciales, ut omni erroris nube discussa veritatem agnoscerent, cujus certissima indicia deprehenderant; ideoque testati sunt ea Catharinæ dona non Dæmonum fraudibus, neque naturæ portentis tribuenda, sed coelitus immissa ad ejus animam exornandam. Cardinalis Robertus Puccius Pistoriensis

Episcopus jussu Pauli III. Pontificis Florentiam se contulit cum pluribus aliis Episcopis prudentiæ doctrinæque laude præstantibus, & post accuratum examen summopere probavit vitæ Sanctitatem & coelestem donorum naturam & conditionem, quibus Catharina ab omnibus commendabatur. In eadem sententia fuerunt Cardinales Cervinus & Mediceus. qui deinde Summi Pontifices facti sunt, quorum primus Marcellus II., alter Leo XI. nuncupati fuerunt. Postremò accedit, quod in Causa sancti Philippi Neri demonstratum est, ipsum quadam mentis alienatione divinitus immisâ, licet Romæ versaretur, beatam Catharinam de Ricciis alloquutum fuisse, quæ Prati in Hetruria morabatur, cujus heroicam vitæ rationem planè cognoverat, eamque plurimi faciebat.

Hæc coelestia dona plerumque Sanctitatem indicant, sed in illis Sanctitas minimè continetur. Continua ferme rerum coelestium meditatio, profunda humilitas, vita victusque asperrimus, in observandis Ordinis sui legibus accuratissima diligentia, summa vigilantia atque studium, ut reliquæ Sorores eandem virtutis semitam calcarent, hæ fuerunt Catharinæ dotes eximiae, hæc ornamenta singularia. In examine hujus Causæ compertum est, ipsam maximè excelluisse in assiduo illarum virtutum exercitio, quæ ad illius conditionem atque statum pertinebant. Porro id satis est, cum in ejusmodi Causis totum examen ad eas virtutes redigendum sit, quas Canonizandus exercere potuit juxta vitæ rationem, quam

sibi

sibi delegerit. A Deo sæpius illa postulavit, ut iis donis coelestibus quibus tamdiu cumulata fuerat, spoliaretur; quod sanè commendatur plurimum ab illis, qui pias animas ad perfectionem Christianam instituunt, nempe ut delectationi, & quandoque etiam vanitati aditus præcludatur. Itaque Catharina, quod vehementer expetierat, consequuta est; attamen opinio, quæ de ipsius Sanctitate excitata fuerat, imminui nequaquam potuit; sed usque ad mortem constanter permansit, & etiam post mortem magis percrebuit. Catharina eo mortis genere decessit, quod ejus vitæ Sanctitatem maximè decebat. Summa vitæ austeritas & ciborum ratio, quos longo temporis spatio adhibuerat hæc Virgo poenitentiae amantissima, mortalem ipsi ægritudinem attulerunt. Ad illam fortiter obeundam Catharina sanctis operibus se præparavit: Acerbos dolores tulit patientissimè: Ecclesiæ Sacramentis summa pietate susceptis, ultima sive colloquia sive ad Deum preces ardentissimi amoris plenas expressit: Sorores suas maximâ benevolentiam vivens prosequuta est, & ejusdem benevolentiam moriens argumenta manifesta præbuit iis sermonibus, quos postremò ad ipsas Sorores convertit. Nonnulla portenta ad ejus mortem contigerunt, ita ut si omnia simul expendantur, pretiosam in conspectu Domini Catharinæ mortem fuisse nemo dubitare possit. Post obitum hujus Beatæ intercessione ea prodigia facta sunt, quæ vires naturæ excedunt, quæque idcirco communi calculo fuerunt Miraculis adscripta. Placet ne demum igitur Vobis, ut ad hujus

Beatæ Canonizationem juxta consuetum Apostolicæ Sedis morem procedamus ?

Item : Sibi PLACERE : responderunt omnes Cardinales , quos subinde alloquutus est Sanctissimus Dominus Noster hoc modo :

Præclaram sententiam vestram intelleximus super his , quæ a Vobis postulavimus . Quamobrem vestigiis & exemplis nostrorum Prædecessorum in hærentes duo publica Consistoria indicemus , in quibus Consistorialis Aulæ Advocati palam recensebunt vitæ Sanctitatem ac Miracula singulorum ex Beatis , qui solemni ritu inter Sanctos adscribendi sunt . Antequam autem conveniatis ad semipublica Consistoria , in quibus Vos omnes cum Episcopis , qui simul acciri debent , suffragium ferre debetis pro futura cujuslibet Beati Canonizatione , in more positum est , ut unicuique consignetur vita cujuslibet Canonizandi , compendio digesta una cum virtutibus & Miraculis , & singulis Actis , quæ pro eorundem Causis confecta fuerunt . Quo tempore Clemens XI. felicitis recordationis Beatorum Canonizationem celebravit , Nobis tunc temporis Fidei Promotorem agentibus præcepit , ut Causas Beatorum compendio describeremus , quæ deinde Pontifex ipse accuratissimè perpendit , & incredibili studio ad examen ac trutinam revocavit omnia documenta , quæ iisdem Compendiis ad fidem faciendam jungebantur . Porro Causarum , de quibus modò res est , Nos ipsi compendia facere posse sperabamus , ardentique studio exoptabamus ; sed assiduis curis distenti

Cle-

Clementis XI. vestigiis insistere tandem deliberavimus. Itaque præter Compendia a Postulatoribus confecta & exhibita, hanc eandem provinciam ab alio suscipi jussimus, qui Promotoris Fidei sententiam consiliumque sequeretur. Eadem Compendia juxta normam & rationem a Nobis constitutam confecta Nos ipsi accuratè perlegimus. Sedulò quoque examinavimus omnia documenta illarum rerum, quæ in ipsis Compendiis referebantur: Et hæc tum Vobis, tum Episcopis ad consilium accitis tempore opportuno dabuntur, ut omnes sufficienter instructi ad semipublica Consistoria accedant.

Cum Papa desiisset loqui, Cardinalis autem ultimus ex Diaconibus cum signum tintinnabulo dedisset, ingressi sunt Cæremoniarum Magistri, quorum primus accedens ad Pontificem monuit antiquiores duos Diaconos, ut hinc inde a lateribus Sanctitati Suæ adsisterent; Alter verò Eminentissimum Paulutium a loco, ubi inter alios juxta ordinem suæ Promotionis confidebat evocatum sibi ipsi peniculamentum Cappæ usque ad terram dimissæ trahentem comitatus est, ut coram Sanctitate Sua genuflexus, ex ejus manibus Annulo & Titulo decoraretur. Id enim constitutum est, ut si quis aut Episcopali aut alia dignitate sit, quæ liberum Annuli usum ei permittat, tamen post promotionem ad Cardinalatum gestare Annulum amplius non possit, nisi de novo illum obtinuerit a Pontifice. Et ideo quando Papa dat novo Cardinali Titulum, in ejus digitum inserit Annulum sapphiro gemmatum, pro quo quingenti aurei Ducati solvuntur, quos Julius III. post mortem uniuscujusque Cardinalis ab Hæredibus numerari Camera Apostolicæ jusserat; Gregorius XIII. Collegio Germanico-Hungarico de Urbe pro summa decem millium aureorum assignaverat; ea verò a Sixto V. sublata. Tandem Gregorius XV. Congregationi de Propaganda Fide Constitutione sua eosdem attribuit a quolibet Cardinali solvendos intra mensem a die Creationis numerandum, etiamsi quis absens fuerit promotus, nec dum Romam advenerit; quod se facturos jurejurando promittunt Cardinales singuli, antequam Cardinalatus recipiant Insignia.

Est autem Titulus, ut notum est, Ecclesia, cui Presbyter quisque Cardinalis præficitur: Diaconi enim Cardinales juxta veterem loquendi usum Diaconiam non Titulum habere dicuntur, quamvis & ipsis modo concedatur Ecclesia; cum a sua cæteroquin institutione uni Urbis Regioni tantum præf-

præfessent, quia non Rectoria, neque animarum cura, sed tantum administratio bonorum & simplex beneficium de præbendis concedebatur, ut eleemosynas pauperibus illius Regionis distribuerent; idcirco Summus Pontifex in formula, qua utitur, & de qua nos infra loquemur, dum Diaconibus Ecclesias assignat, neque *Tituli* verbum usurpat, neque Cappellas addit. *Tituli* nomenclatura, quod ad rem nostram pertinet, sumitur vel a Crucis signo (idem namque sonat *Titulus*, ac *Signum*) quod erigimus in loco, quem Deo dicare volumus, vel a Tutela; quia consultò Ecclesiæ dantur Cardinalibus, ut eas suo præsidio, cura, tutelaque protegant atque defendant. Accipitur insuper pro *Memoria*; Unde Ecclesiæ super Martyrum memorias fundatæ ab eorum exuviis sortitæ sunt & nomen: quamquam & a Domino soli in quo erectæ, & a Fundatore cujus pecunia vel opera ædificatæ fuerant, sæpe nuncupentur.

Ante Sixti V. tempora incertus & varius fuit Titulorum numerus; quia a Romani Pontificis arbitrio pendebat quot creare vellet Cardinales, quibus deinde Tituli conferebantur: Sixtus IV., nulla habita ratione Decreti Concilii Basileensis, omnium Prædecessorum suorum primus Cardinalium numerum, ac proinde Titulorum maximè ampliavit. Nullus tamen, si Paulum IV. excipias, sexagesimum quintum excessit. Tandem laudatus Sixtus Papa V. septuagesimum numerum Cardinalium præfinit; & ita distribuit, ut sex Episcopi essent, quinquaginta Presbyteri, Diaconi quatuordecim: ac primis quidem Episcopatus suburbicarios totidem, Titulos totidem alteris, postremis Diaconias totidem assignandas decrevit. Antiquissimus inter ceteros est Titulus sanctorum Joannis & Pauli; annumeratur enim in iis viginti & octo, quos S. Silvester Papa anno reparatæ salutis tercentesimo decimo quarto auxit. Horum Sanctorum Ædem pænè a fundamentis restituit & largè ditavit religiosa Cardinalis Fabritii Paulutii liberalitas, qui Summi Poenitentiarii, aliisque præcipuis Romanæ Curiae muneribus functus, Episcopus Ostien. & Sacri Collegii Decanus extremum diem Romæ obiit. Ut igitur in novo Cardinali Camillo Paulutio Avunculi sui memoria revivisceret, Sanctissimus Titulum hunc ei tradidit simul & Annulum ita dicens:

Ad honorem Dei Omnipotentis, beatæ Mariæ semper Virginis, sanctorum Apostolorum Petri & Pauli, ac sanctorum Joannis & Pauli committimus tibi Ecclesiam sanctorum Joannis & Pauli cum Clero & Populo & Cappellis suis, secundam formam qua committi consuevit Cardinalibus, qui eandem Ecclesiam in Titulum habuerunt.

In nomine Patris, & Filii, & Spiritus † Sancti. Amen.

Recepto Annulo & Titulo novus Cardinalis adhuc in genua proclutatus, cum pedem & manum Pontificis osculatus fuisset, postea erectus oris osculo exceptus est. Ita Consistorio finis impositus.

Ut autem novis Cardinalibus os claudatur, vel clausum aperiatur, alterutra ex his formulis uti solent Summi Pontifices, videlicet: *Claudimus vobis*

uobis vel tibi os, ut neque in Consistoriis, neque in Congregationibus aliisque functionibus Cardinalitiis sententiam vestram dicere possitis. Vel: Aperimus uobis vel tibi os, ut in Consistoriis, Congregationibus aliisque functionibus Cardinalitiis sententiam vestram proferre valeatis. Ut tamen id fiat, non semper Consistorium requiritur; facultas est enim Papæ in Congregationibus aut locis ubi Cardinales congregari contingat, utramque cæremoniam dispensandi. Idem de Annuli ac Tituli traditione sentiendum est. Ex plurimis exemplis, quæ in promptu haberemus, unum sufficiat, ut, quid antiquitus factum sit, agnoscatur. Alexandrum enim sextum Philippo Lucemburgio Cardinali a se creato Titulum SS. Petri & Marcellini die 27. Januarii 1497. extra Consistorium & absentibus etiam Cardinalibus assignasse refert in suis Notis ad Ciacconium Oldoinus. Quinimmo inolevisse aliquando testatur Cæremoniale, ut ad contentiones dirimendas simul daretur Titulus novis Cardinalibus præsentibus in Curia, & peregrè commorantibus. Quid plura? Galerum rubrum Pontificalem una cum Annulo & Titulo nonne transmissum nuper vidimus Joanni Theodoro e Ducibus Baviaræ Episcopo Leodiensi post triennium a Creatione; Primus enim omnium & solus cum electus S. R. E. Cardinalis fuisset, publicatus deinde est in Consistorio die 17. superioris Januarii; SSimûs enim D. N. hunc Româ absentem R. P. D. Optatio Pallavicino Abbreviatori de Parco Majori, peculiari Nuntio ad id destinato atque ablegato, Cardinalatus Insigniis decoravit, & Ecclesiæ sancti Laurentii in Pane & Perna Titularem fecit. Quod non frequenter, sed admodum rarò concedi solet.

Non erit abs re hîc repetere, quæ de prædicti Præfulis Patruo Lazaro nempe Pallavicino Archiepiscopo Thebarum refert in Notis ad Platum in tractatu de Cardinalis dignitate & officio R. P. D. Tria Archiepiscopus Tyri. *Omni, inquit, laude dignus Lazarus Pallavicinus Thebarum Archiepiscopus, quamvis multas Ecclesiastici Status Civitates sapienter gubernaverit, Inquisitoris munus in Civitate Melitensi sapienter sustinuerit, Florentiæ non sine plausu Nuntii Apostolici muneris partes expleverit, ac singulari humanitate fide & diligentia Pontificii Cubiculi Præfecturam per decem serè annos, regnante Clemente XII. Pontifice Optimo Maximo exercuerit, adduci tamen minime potuit ad hanc eximiam dignitatem acceptandam, & ab ea, heroica humilitate, constantissimè semper se alienum ostendit, probè intelligens, se imparem esse iis oneribus, quæ cum Cardinalatu sunt conjuncta. Incassum cessere rationes, quas Sanctissimus Dominus Noster BENEDICTUS XIV. P. M. sua qua fulget sapientia etiam per alios adhibuit, ut illum ad Cardinalatus dignitatem suscipiendam flecteret, ut ipsemet Pontifex in Allocutione habita in Consistorio secreto die 9. Septembris anno 1743., quo alios plures viros insignes ad eandem dignitatem evexit, disertè testatur. Nec Clementissimus Pontifex BENEDICTUS erga Thebarum Archiepiscopum morte ablatum, tenacissimum suæ amicitiae vinculum dissolvit; nam privato ære in Ecclesia Deo dicata*

G

in ho-

in honorem sancti Francisci a Paula in Montibus nobile marmoreum
mausoleum sequenti incisa inscriptione erexit.

LAZARO PALLAVICINO
THEBARUM ARCHIEPISCOPO
IN SUMMA REI FRUMENTARIÆ
CARITATE
ANNONÆ PER PICENUM CURATORI
APUD MELITENSES ET FLORENTINOS
A. S. APOCRISARIO
CLEMENTIS XII. P. M.
ADMISSIONUM MAGISTRO
VIRO INTEGERRIMO ET INNOCENTISSIMO
BENEDICTUS XIV. PONT. MAX.
AMICO OPTIMO
CARDINALI AB SE DESIGNATO
QUOS HONORES VIVENS RECUSAVIT
MORTUO DEDIT
VIXIT AN. LX. D. XXV.

Pontificis studium in amicorum memoria æternitati consignanda pa-
ret etiam ex eo Monumento, quod in intimo Sacratio Templi beatæ Ma-
riæ de Victoria ad Thermas Sebastiano Cardinali Tanario ponendum cu-
ravit hac epigraphe.

SEBASTIANO ANTONIO TANARI BONONIENSI
S. R. E. PRESBYTERO CARDINALI
QUI PRIMO BRUXELLIS INTERNUNTIVS
MOX APUD USIOS LUSITANOS ET LEOPOLDUM CÆSAREM
SEDIS APOSTOLICÆ NUNTIVS
AB INNOCENTIO XII. INTER CARDINALES ADSCITUS EST
INDE LEGATIONI URBINATENSIS EJUSQUE ECCLESIE
ARCHIEPISCOPALI ADMINISTRANDÆ DIU PRÆFUIT
DEMUM OSTIENSIS AC VELITERNUS EPISCOPUS
ET SACRI COLLEGII DECANUS
OBIIT ROMÆ IV. NONAS MAII MDCCXXIV. ET. ANNO LXXIV.
ET IN HAC ÆDE SANCTÆ Mariæ DE VICTORIA SEPULTUS
BENEDICTUS XIV. P. M.
CIVI OPTIMO ET AMICO BENEVOLENTISSIMO
MONUMENTUM POS.
PONTIFICATUS SUI ANNO IV.

Hunc præterea honorem ab ipso Pontificatus sui initio deferre de-
creverat

creverat Eminentissimo Joanni Antonio Cardinali Devia in Templo sancti Laurentii in Lucina ; & eodem honestare meditatur hoc tempore Alexandrum Cardinalem Caprara , ne tanti Viri memoria sibi amicitia conjunctissimi in Ecclesia Archiconfraternitatis Suffragii de Urbe humi tantum supra Cadaver inscripta tam angustis limitibus coerceatur .

Non omittendum insuper est aliquid de novo additum in antiqua de Titulis assignandis formula. Oritur hæc additio a Decreto Sanctitatis Sux, quod integrum mox referam . Ubi enim Papa rescivit , Prælatos , qui Patriarchalibus vel Metropolitice aut etiam Cathedralibus Ecclesiis , in partibus Infidelium existentibus præerant , post acquisitam Cardinalitiam dignitatem illis Nuncium remittere nulla præcedente vinculi solutione , quamquam revera spirituale Conjugium inter ipsos & hujusmodi Ecclesias perduraret , jussit , ut posthac de præfata solutione eo ipso tempore haberetur mentio , quo Romanus Pontifex Titularem Ecclesiam novis Cardinalibus assignaret . En prædicti Decreti verba .

B E N E D I C T U S P A P A X I V .

„ CUM spirituale Conjugium, quod inter Episcopum & Ecclesiam, cui
 „ præficitur, contrahitur, initum intelligatur in Electione , ratum in
 „ confirmatione , & in Consecratione consumatum , sibi vindicet locum
 „ etiam in Episcopis , qui Titulares vocantur , & Ecclesiæ præficiuntur
 „ ab Infidelibus occupatæ . Qua de causâ cum hi ad aliam Ecclesiam
 „ transferantur , a vinculo prioris Ecclesiæ a Romano Pontifice absol-
 „ vuntur . Cumque de hujus vinculi absolutione nulla fiat expressa men-
 „ tio , quando aliqui ex dictis Titularibus Episcopis inter S. R. E. Cardi-
 „ nales cooptantur , quamvis de Ecclesiarum vacatione in terris Infide-
 „ lium , quibus ante Cardinalatum fuerant præfecti , nulla sit dubitatio ;
 „ Cardinales etenim easdem non retinent cum Cardinalatu , Summique
 „ Pontifices alios eisdem Ecclesiis , cum volunt, præficiunt ; Sanctissimus
 „ Dominus Noster BENEDICTUS XIV. ratus non decere , ut sine expressa
 „ vinculi absolutione in posterum præficiantur alii Episcopatibus sitis in
 „ terris Infidelium , quibus fuerant præfecti illi , qui in sacrum Cardina-
 „ lium Collegium cooptantur, ne in more positum esse videatur, ut Car-
 „ dinales prædictos retineant Episcopatus ; mandat , ut in Decreto assi-
 „ gnationis Tituli Cardinalitii hæc in posterum verba adhibeantur : *Au-*
 „ *toritate Omnipotentis Dei &c. absolvimus te a vinculo quo tenebaris Eccle-*
 „ *sia N. , & committimus tibi &c.* Die XI. Martii 1744.

Sanctissimus Pater cum Titularem Ecclesiæ SS. Joannis & Pauli Cardinalem Paulutium institueret , Archiepiscopum olim Iconii , eundem a vinculo præfata Metropoleos absolvit .

At satis de Titulis . Veniendum modò ad ea est , quæ Domini Consi-

storialis Aulae Advocati semel atque iterum de quinque Beatorum vita copiosè differuerunt coram Summo Pontifice, qui in duplici publico Consistorio eos separatim de more excepit & audivit.

Primum ex his indictum jam fuerat in sequentem feriam quintam, seu diem 21. Mensis Aprilis; proinde qui in eo locum habere solent, statim hanc schedulam a Cursoribus Pontificiis traditam accepere.

I N T I M A T I O

Per Cursores facienda etiam Domi dimissâ copiâ.

Feria quinta die vigesima prima presentis mensis Aprilis hora decima quinta in Aula Regia Palatii Apostolici Quirinalis erit Consistorium publicum pro proximis Canonizationis sollemniis Beatorum FIDELIS a SIGMARINGA Martyris Ordinis Minorum S. Francisci Capuccinorum, CAMILLI de LELLIS Clericorum Regularium Ministrantium Infirmis Fundatoris, & PETRI REGALATI Ordinis Minorum Observantium S. Francisci, Confessorum.

Eminentissimi & Reverendissimi DD. Cardinales in prædictum Quirinale Palatium sub eadem horam convenient, sumptisque Cappis violaceis in consueto loco ad Aulam Paramentorum accedent, unde SUMMUS PONTIFEX in præfatam Aulam Regiam deferetur.

Cum SANCTITAS SUA in Solio se composuerit, obedientiam ritè præstabunt.

Mox Sacri Consistorii Advocati seriem Vitæ, Virtutes, & Miracula eorundem trium Beatorum sequenti ordine referent.

Primam de beato FIDELI narrationem habebit D. Advocatus Virgilius Montecatinius, unaque illius pro Canonizatione ex more instabit.


Secundam de beato CAMILLO D. Advoc. Julius Caesar Fagnanus, qui & instantiam ut supra faciet.

Tertiam verò de beato PETRO D. Advoc. Joseph Ascevolinus non absimili modo instando.

Demum D. Cajetanus Amatus Apostolicarum Litterarum ad Principes Secretarius DD. Advocatis in genua provolutis SANCTITATIS SUÆ nomine e sinistro Solii latere respondebit.

Ideo intimentur omnes & singuli prædicti Eminentissimi & Reverendissimi DD. Cardinales; intimentur etiam Decani, seu Antiquiores Episcoporum Assistentium & non Assistentium, Protonotariorum, Auditorum Rotæ, Clericorum Camerae Apostolicæ, Votantium Signaturæ Justitiæ, Abbreviatorum, & Advocatorum Consistorialium, ut Collegas suos admoneant, & Cappis induti interfint; sicut etiam Secretarius Congregationis Sacrorum Rituum, & Promotor Fidei.

Intimentur quoque Gubernator Urbis Vice-Camerarius, Principes Solii, Confer-



1. Sedes Pontificia
2. Scamnia Cardinalium Diaconorum Assistentium.
3. Subsella Cardinalium.
4. Custodia Militum Helvetiorum.
5. Iarua ad Sacellum Paulinum.
6. Altera ad Mansiones, quas Principum vocitant.

7. Ingressus Aule ex parte Stalorum.
8. Iarua eminenti ad Architectura Concor diam.
9. Introitus ad commune Sacellum.
10. Iarua ad Cubicula Prefecti Domus Pontificie.
11. Fenestra versus viam publicam Quirinalis.

Scala Palmorum Rom.



Enochographia Aule Regie in Quirinali Palatio pro Consistorio publico.

Urbano Vignola Arch.

Joan Bapt. Sintes sculp. Romæ



Conservatores Urbis , Oratores Civitatum subditarum , Magister Sacri Hospitii , ceterique intimari soliti .

De Mandato Sanctissimi Domini Nostri Papæ

Ignatius Reali Apost. Cærem. Presf.

Aula Regia in Quirinali illa dicitur , quæ proxima Sacello Paulino est . Dum ad eam sacris pretiosis paludamentis rubri coloris indutus , & in Sellari compositus sacro purpuratorum Patrum Senatu , Conservatoribus Urbis , & Magno Comestabili Columna præcedentibus deferebatur Pontifex , per alteram Parafrenariorum Aulam transiens inspexit ibi ad Parietem appensa nova peristromata sanè magistra Artificum acu picta in Pauperum invalidorum Hospitio prope majorem Tyberis Ripam , ubi inter cetera summæ charitatis opera ab Innocentio XII. ibidem fundata atque conjuncta , cujusmodi sunt virorum ac mulierum laboribus non amplius aptorum perfugium; inopum puerorum ad opificia ediscenda gymnasium; periclitantium puellarum ad integritatem tuendam Gynæceum; hanc quoque texendorum stromatum artem Clementis XI. auspiciis inceptam ad hodiernum usque diem non modò non imminutam, sed mirificè auctam videmus . Fuerant hæc jussu Sanctissimi Patris contexta , ut iis convestirentur parietes , qui Chorum ambiunt Metropolitanæ Bononiensis , cujus administrationem factus Pontifex non dimisit, exemplum sequutus Clementis II. qui Bambergensem , S. Leonis IX. qui Tullensem , Victoris Nicolai , & Alexandri itidem II. qui Aicstettensem , Florentinam , & Lucanam , Pauli IV. qui Neapolitanam , & Benedicti XIII. qui hac ætate nostra Beneventanam retinuerunt Ecclesias . Ex his autem Peripetasmatis , quæ sex erant , Babylonico opere & ornamentorum varietate mirè conspicua , ut loco etiam cui suffigenda erant, aptè congruerent, quatuor quidem Fidei, Spei , Charitatis & Potestatis Ecclesiæ imaginibus singula singulis insigniebantur in aræ medio ; reliqua verò aliquot Principis Apostolorum , in cujus honorem Templum illud Deo dicatum est , illustriora vitæ facta repræsentabant ; duo vividis coloribus expressa , alterum cum Regni Cœlestis claves , alterum cum ovium agnorumque pascendorum curam ad testificandum amorem , quo Dominum prosequabatur , accepit a Christo , quibus adjacebant destrorsum & sinistrorsum alia quatuor ovalis figuræ & subobscuri violacei coloris , quæ intuentium oculis objiciebant Claudum ad speciosam portam Templi sanatum a Petro; & pecuniam, quam Simon obtulerat ab eo repudiatam ; aut cum ad custodes baptizandos aquam elicit è filice carceris ; aut cum mirabiliter contractis ab Angelo vinculis abivit ex Herodis custodia .

Hæc post Canonizationem comportata Bononiam sunt una cum vestibus multo gravibus auro & opere phrygio nobilibus , quas in tam solemni

lemni celebritate Sanctitas Sua, & qui ipsi adstabant ad Rem Divinam agendam Administri, encœniaverant: Ita priora beneficia, quæ statim ac Supremus Ecclesiæ Pastor creatus est plena manu effuderat in Clerum & reliquos Civium suorum Ordines, posterioribus cumulavit.

Hunc ipsum animum Anconitanæ etiam Ecclesiæ præstitit, quam ædificiis, muneribus, aliisque privilegiis ornavit, ut utraque Sedes, quam olim tenuerat, Pontificiam experiretur beneficentiam.

Jam verò in ipsa Tetragoni areâ descendens Pontifex de Sellari ad eminentem Solii Cathedram progressus, cum assedisset, Cardinales manum sub auriphrygio sibi deosculantes suscepit: mox eisdem Eminentissimis Patribus & Diaconibus etiam, qui Papæ adstabant, inter alios proprii Ordinis de more in præaltis scamnis confidentibus: Episcopis & Protonotariis ceterisque ex Prælatorum Collegiis hinc inde per Solii gradus dispositis: Pontifex primo Cæremoniarum Magistro mandavit, ut Advocatos acciret; quod ille flexo prius erga Sanctitatem Suam poplite exequutus est per verbum *Accedant*.

Tunc propius ii ad Solium progressi medium habentes Dominum Advocatum Virgilium Montecatinum Ferrariensis Civitatis, cum de genu omnes APOSTOLICUM adorassent, & in semicirculum se composuissent, ille omnium primus Orationem suam pro beato Fideli a Sigmaringa exorsus sic est.

„ **Q**UOD primis illis, BEATISSIME PATER, militantis Ecclesiæ sæculis
 „ tot Christiani inventi sint nominis ac roboris, qui pro vera Dei
 „ religione decertantes, parata sibi ab tyrannis immanissimis atrociora
 „ tormenta libenter subirent, & fidem quam divinitus hausissent ac feliciter
 „ profiterentur, sanguine etiam suo consecrarent: Magno id quidem
 „ semper excelloque animo datum est præterlabentia hæc & mutabilia in
 „ terris bona despicienti appetentique in Cœlis immortalia. Sed, vel in
 „ primo coronatorum martyrio hominum Stephano istiusmodi invictum
 „ robur suspiciamus, vel in consequentis ætatis martyribus, tum cum maxime
 „ sævitum in illos est gloriosos divinæ fidei assertores, qua virgis cæcos,
 „ qua rotis contortos, qua sagittis confossos, hic igne, illinc ferro,
 „ inde securi excruciatos, dilaniatos, absumptos; ipsum quidem Stephanum
 „ admiramur, sed tamquam posito sibi ob oculos recenti ac proximo
 „ Redemptoris æterni exemplo confirmatum; reliquos verò illustres
 „ eadem victoriâ viros alios aliorum vestigiis continenter insistentes, illosque
 „ præsentem illorum virtute vel excitatos, vel factos alacriores, tantum
 „ sibi decus comparasse. At ubi libera ab immitibus imperiis sese latius
 „ explicavit Ecclesia, summorumque sacrorum Antistitum Tui decessorum
 „ sollicitudine, quam æquè in Te exprimis, Divinus Christi Sermo
 „ delatus est ad gentes remotissimas, itaut Nationes integræ olim moribus
 „ asperæ, quæ longè a veritate aberrabant, sanctissimo Crucis ve-
 „ „ xillo

„ xillo se adjunxerint sub uno spectabili religionis moderatore Romano
 „ Pontifice ; tum verò , cum admodum rara se offerret causa martyrii ,
 „ durius fortasse illud atque impeditius videri potuit Christifidelibus in
 „ tranquillo religionis ipsius sinu altis agentibusque , quorum propterea
 „ animi desueta jam fere supplicia & funera magis quandoquidem perhor-
 „ rescerent . Verumtamen , ita quoque Deo permittente , nec in ipsa ab
 „ tyrannis respiratione atque pacatiorum temporum æquabilitate fortes
 „ omnino desuere , neque occasiones probandæ martyrio fortitudinis .
 „ Cum enim antiquus humani generis hostis in lætam cœlestis patrisfa-
 „ milias segetem lolium quodcumque potuit semper invexerit superse-
 „ veritque , dolo istiusmodi usus , ut aliquam Dominici frumenti partem
 „ inficeret ; factum exinde est , ut ipsa in florenti Ecclesia nonnulli sæpe
 „ insurrexerint nomine quidem Christiani , sed Apostolicarum traditio-
 „ num nequissimi osiores , errantes , insanientes , exleges , superbè sibi sa-
 „ pere existimantes præ ceteris , qui , furiis veluti agitati , numquam
 „ quieti consisterent novarum rerum miserè cupidi pertinacesque in fal-
 „ sis opinionibus , quibus totum bonorum ordinem obturbarent , vexa-
 „ rent , & si Deo placet , etiam confunderent : Sed huic tanto malo aut dis-
 „ sipando aut antevertendo vigilavit semper Romana Ecclesia , & Ponti-
 „ fices Optt. Maxx. supremam illius curam Jesu Christi vice in terris ge-
 „ rentes , Sacro præsertim ad id instituto ex Purpuratis , sibi que assidenti-
 „ bus PP. cætu , cui de Propaganda Fide nomen inditum est ; ac mirum
 „ quot inde Catholicæ rei commoda sint consequuta ; quot hæresum
 „ monstra intercepta vel profligata . Hinc superiori sæculo in Rhetia ma-
 „ gis magisque furere , qui , malo dæmone authore , ab hac firmissima
 „ Apostolica petra desciverant : ciere turbas : minas adversus Catholicos
 „ interferere : eas demum horrendo scelere exequi ausi sunt in beatum
 „ nostrum Fidelem a Sigmaringa vel primum a Propagandæ Fidei Colle-
 „ gio constituto ipsius martyrem , qui a præsidentibus venerando cætui in
 „ ea Germaniæ ora præfectus asserendæ Catholicæ veritati , ei , quam li-
 „ berè prædicabat , testimonium tantopere grave præbuit ac sollemne ,
 „ ut impiis hæreticis ad necem se conquirentibus alacriter pectus obtu-
 „ lerit , vitam libentius deferendo , quàm Catholica sacra vel voce viola-
 „ ret . Hunc itaque fortissimum virum omni bene actæ vitæ laude non
 „ modò clarum , sed heroicis virtutum splendoribus magis conspicuum ,
 „ miraculis præfulgentem , insignem martyrio cum Tibi , vigilantissime
 „ univērsalis Ecclesiæ Custos , ob oculos posuero , uti est certissimis moni-
 „ mentis legitimè comprobatum ; jure meritoque inde postulem , ut eum in
 „ beata pacis regione sempiterno gaudio diffluentem Sanctum sollemni
 „ ritu renuncies Deo in cœlis acceptum , ac propterea ejusdem memo-
 „ riam ceterorum more Sanctorum piè recolendam in terris , & interces-
 „ sionem fidenter implorandam ad opportunum divinæ gratiæ , per ipsius
 „ in Christo merita , promerendum auxilium .

„ Anno,

„ Anno, postquam Divinum Verbum idemque Deus verus humanam
 „ sumpsit carnem atque animam, quingentesimo supra millesimum sep-
 „ tuagesimo septimo, Sigmaringæ, quæ parva licet Constantiensis Diœ-
 „ cesis in Svevia Civitas, vel maximum tamen tenuit dignitatis locum ve-
 „ ræ religionis constantissimo cultu, beatus noster Fidelis natus est ex pa-
 „ tricia Reyorum familia, cui splendorem cumulavit genitor Joannes
 „ conjugio junctus cum Genovesa Rosenbergia æque nobili foemina, cum
 „ de sua prudentia ceterisque Christianis virtutibus commendatus, fellas
 „ curules haud semel in patria impleverit, & Consularia munera probè
 „ obiverit. Marcus infanti nomen fuit e sacro salutis fonte primam gra-
 „ tiam adepto, quam deinde procedentibus firmiori ratione annis adau-
 „ ctam sibi summo Dei beneficio suoque singulari studio sic retinuit, ut
 „ natalem ipsam innocentiam, ne levi quidem declinatione ad sensuum
 „ illecebras unquam amiserit; doctus a prima usque ætate temperare spi-
 „ rituum alacritatem, inanibus ludis bellum indicare, animo in Deum
 „ ferri, atque in eo dumtaxat sua quæque bona locare, sua gaudia quære-
 „ re. Hinc humanioribus litteris addictus, incredibile est, quantam a Deo
 „ meruerit addiscendi facilitatem; vix namque audita in ludo præcepto-
 „ ris voce, ea quæ sibi traderentur, miro statim tenebat ordine maxi-
 „ maque perspicuitate, quibus puer ipse ceteris adolescentibus facilè an-
 „ teibat. At enim cum propius & ille adolescentiam consalutavit, atque
 „ ad philosophica studia in celebri Friburgensi Academia se contulit; tum
 „ verò seu magis salebrosas quæstiones acri speculatione penetrando, seu
 „ eductas illarum veritates inter frequentes disputationes dilucidè ornatè-
 „ que ostendendo, tantam ingenii lucem præsetulit integerrimæ probitati
 „ excelsæque pietati conjunctam, ut quasi prodigii loco ea in ætate ha-
 „ beretur: Vigessimum quippe annum nondum impleverat, cum Philo-
 „ sophiæ stadio penitus emenso, inter ejus facultatis Doctores relatus est
 „ juvenis, quem suo quasi nomine condiscipuli ac præceptores vocarent
 „ *sapientem Christianum*, omnes demirarentur & amarent. Neque ideo ipse
 „ æque omnibus sese tradebat in amicitias, sed cum bonis dumtaxat ini-
 „ bat consuetudinem, iisque libenter se consociabat, cum probè teneret
 „ ac vellet ad sui utilitatem convertere illud divinæ vocis oraculum, quo
 „ edocebatur, virtutes a probis viris, vitia ab improbis contrahi.

„ Jamque ad sacrum Jus ac civile sua studia converterat, & celeri
 „ expeditoque cursu Jurisconsultorum sacra pervadebat; cum trium ex
 „ nobilioribus Sveviæ familiis amicorum precibus comes cooptatur agen-
 „ di per Europam universam itineris, quod bene e sententia credebant
 „ cessurum, si laudatissimus ex omni virtute Marcus adforet. Nec deesse
 „ ille voluit, certior nihilominus factus quod fuerit apud eorum parentes
 „ iter probatum. Instat itaque jam dies discessionis, ejusque officia per-
 „ solvuntur; cum Marcus prius quam viæ se daret, amicos congregatos sic
 „ alloquitur: Ego verò vobis in via comes adero libens & famulus si ma-
 „ „ velitis,

„ velitis , sed hæc sunt nostræ peregrinationis leges nusquam non servan-
 „ dæ : Deo primùm ut placere studeamus , ac deinde invicem nobis alter
 „ alteri : nullumque profecto ex itinere incommodum , sed voluptatem
 „ capiemus plane singularem & innoxiam , varia & multiplicia Dei mira-
 „ bilia contemplantes,quæ ad ejusdem referamus benedictionem nostrum-
 „ que corporis & animi utilitatem . Velitis itaque jubeatis , amici , hæc
 „ sanctè ac perpetuò custodiri ? Suam, uti rogabat , illi despondent fidem,
 „ & alacriter inde in viam se committunt ; iter aggrediuntur; percurrunt
 „ loca ; visunt Civitates; discurrunt provincias ; pervadunt regna ; per-
 „ scrutantur locorum situs , populorum ingenia , mores , industriam , re-
 „ rum omnium admirantur varietatem. Quid pluribus? In sextum annum
 „ peregrinatio producta est tam auspiciatò incepta , & plurimus illius
 „ constitit fructus . Etenim tres ii nobiles adolescentes in cooptato comi-
 „ te pietatem suspexere adeo ferventem , ut & ipsi ad imitandam jugi
 „ exemplo incenderentur unius Marci , qui prima quotidie luce primus
 „ assurgebat , atque in genua provolutus æternas meditabatur veritates :
 „ fundebatque Deo enixas preces , quibus seque comitesque commenda-
 „ bat , ne quid ea die detrimenti res eorum caperent , sed omnes tum co-
 „ gitationes tum voces actionesque , aspirante Numine , satius germina-
 „ rent fructus honestatis , atque ad illius gloriam dirigerentur , a quo bo-
 „ na cuncta procedere intelligebat . Sed nec ulla intercedit dies , quin
 „ convolaret ad templum, ubi summa cum religione sanctissimo omnium,
 „ quæ antea fuerunt, Sacrificio ita adstabat, ut post immolantem Sacerdo-
 „ tem , conceptis & ipse votis piacularem hostiam offerret . Unoquoque
 „ insuper die in Deiparæ laudes effundebat sese, quam proximè ab æterno
 „ rerum omnium Conditore venerabatur, cum recitaret omnino parvum,
 „ quod dicitur Beatissimæ Virginis Officium, totasque quindecim Angeli-
 „ carum Salutationum decades a viro sanctissimo Dominico Gusmano
 „ tanto pietatis incremento ac fidelium bono in Ecclesiam invectas , sa-
 „ crique Rosarii nomine insignes . Nulla defluxere Sabbata , quibus non
 „ ad absolutissimam carnis suæ submissionem uteretur & spiritus elatio-
 „ nem , solo pane & aquâ iis diebus contentus , quidquid adversus hæc
 „ suaderet contracta sæpe ex itineribus lassitudo ac reficiendarum virium
 „ necessitas . Annuum autem quadraginta dierum jejunium purificandis
 „ animis atque corporibus a Christo Domino sacratius institutum tanto-
 „ pere observavit , ut præter haud vetiti cibi potusque parcitatem, mem-
 „ bra ferreo cilicio prefferit , flagellis etiam noctu impetierit , ac sæpius
 „ cruentaverit . Levissimas quascumque animi sordes ex humanæ imbecil-
 „ litate naturæ contractas de mundano pulvere ipsis vel justis inevitabili ,
 „ pœnitentiæ sacramento frequenter detergebat ; divinæque indidem
 „ mensæ de mystico pane communicabat semel certè in mense , sed singu-
 „ lis præterea diebus festis alicui Deiparæ Virginis memoriæ dedicatis
 „ aliorumque Deo assidentium Sanctorum spirituum, quorum in tutelam

„ se fidentius recepiſſet . Quid autem reſeram effuſam in pauperes miſe-
 „ ricordiam ac liberalitatem, in ægrotantes publicis maximè hoſpitiis ex-
 „ ceptos benignitatem ac ſtudio prope ſingulare , cum illos atque iſtos
 „ frequentibus largitionibus omnibuſque officiis adjuverit atque ubique
 „ locorum ſolatus fuerit ? Quomodo ſacras omnes Ædes recenſeam a Di-
 „ vorum nomine & Reliquiis, a fidelium veneratione ac frequentia, a piiſ
 „ inſtitutis celebres, quas ille ubique pariter viſitaverit ? Et oh ſi ipſa hæc
 „ ampliſſima Urbs loqueretur , qua in Urbe diutius cum comitibus ipſe
 „ ſuis immoratus eſt , quæ & quanta præſerret ! Narraret beata iſthæc
 „ Apoſtolorum limina religionis potiſſimum gratiâ frequentiori ejus ac-
 „ ceſſu contrita: Scalam a Jeruſolymis huc advectam Jeſu Chriſti inceſſu
 „ & ſanguine ſacram iteratis de genu ipſius quoque aſcenſionibus preſſam,
 „ jugibuſque ex meditatione Dominicæ paſſionis lacrymis reſperſam :
 „ Septem Eccleſias & Martyrum Cryptas pia cunctatione ſæpius viſas; ne-
 „ que enim magnificentia ædificiorum ſupremo architecturæ miraculo in
 „ ſublime ſeſe attollentium , minusque picturarum aut ſignorum varie-
 „ tas ſummorum artificum induſtriâ & excellentiâ commendata ; nec au-
 „ ro , argento , gemmiſve nitentes aras, quæ omnia animos oculosque ob-
 „ lectare ſolent mortalium ; ſed ſacroſanctæ Lignum Crucis, in qua Salus
 „ mundi pependit Chriſtus Dominus ; Clavi, quibus confixus eſt ; Spinea
 „ corona , qua innocuum caput circumdatum ; Lancea , qua latus tranſ-
 „ verberatum ; Spongia amariffimo felle & aceto illita, ſitientique & ex-
 „ tremos jam anhelitus ducenti præbita ; Redemptoris ipſius imago , te-
 „ lâ divino vultui ſudore madido admotâ per Veronicam ſanctiſſimam
 „ foeminam, effigiata & impreſſa: Veneranda denique Principum Apoſtolo-
 „ rum aliorumque Sanctorum Corpora , Reliquiæ , monumenta feliciffi-
 „ mum advenam invitabant , incendebant , rapiebant ; dum ceteri comi-
 „ tes antiqua excelſiſſimæ Urbis decora quærerent , ornatiora palatia cu-
 „ rioſius colluſtrarent , amœniores villas circumirent .

„ Sed hæc prætereunda ſunt omnia, & religioſiſſimo viro in patriam
 „ revertenti plaudendum modò eſt . Rediit itaque felicior quàm diſceſſe-
 „ rat , ut qui tot commemoratis religionis actibus ampliores divinæ gra-
 „ tiæ opes ſibi comparaverat . Agunt ei gratias tres illi nobiles viri , qui-
 „ bus dum tam diuturna in peregrinatione dux & comes extiterat , ma-
 „ giſter etiam chriſtianæ perfectionis evaſerat . Ille verò ac ſi nulla ipſiſ
 „ beneficia reddidiſſet , quæ quidem maximè in eos derivavit ſuâ tam pru-
 „ dentiâ , quàm eximiæ virtutis exemplo , viciffim profiteri ſe maximè
 „ obſtrictum eorum comitati , qui ſuos fortè illiberales mores æquo ani-
 „ mo toleraſſent ; veniam deinde rogare ſi communes in itinere res minus
 „ commodè adminiſtraſſet ; ſi non eorum votis penitus ſatiſfecidiſſet : Quæ
 „ officii extrema amici diſſuſis charitatis lacrymis excepere , quas inter
 „ atque inter mutuos amplexus facta eſt tandem ſeceſſio . O admirabilem
 „ quoque egregii hujus viri humilitatem , cui ceu primo latiſſimoque
 „ funda-

„ fundamento tanta virtutum moles tam decora tam excelsa superextru-
 „ cta est , ut ad ultimum usque cœlum , ad ipsumque Dei Solium felix ,
 „ ac perpetuò mansurum fastigium intulerit !

„ Interea ad intermissa diu studia reducem revocabant sacra civi-
 „ lesque leges , in quas probè assequendas tanto vehementiori contentio-
 „ ne incubitum est , ut brevi non modò Friburgi Doctorum Insignia , sed
 „ egregium cum primis nomen in dicendis causis tuendisque aliorum ju-
 „ ribus sit assequutus . Verumtamen quid Jurisperitus ageret æternæ sa-
 „ lutis anxius , vel ad injuriæ aut nequitia nomen præ maxima innocentia
 „ exalbescens , si quando ruptis legum repagulis eversaque justitiæ lan-
 „ ce Forum jam universum perstreperet litibus varia interpretatione Juris
 „ ad opportunitatem distorti , sinistraque Judicum & Causidicorum
 „ seu voluntate , seu intelligentia quamdiutissime ampliatis ac prope-
 „ modum infinitis certo litigatorum damno , vel extremâ quandoque ja-
 „ cturâ ? Agebat quod quisque sapiens christianorum dogmatum aestima-
 „ tor ; ideoque recti tenax & honesti justitiam duntaxat ac veritatem ani-
 „ mo , voce , scriptis confectabatur ; cavillationes omnes omnesque
 „ inanes subtilitates veluti judiciorum pestem summopere reformidans ,
 „ ut in præclaro Advocato antiquam Jureconsultorum gloriam videres
 „ refflorescentem . Orphanis , Viduis , Pupillis , Ecclesiis , Egentibus de-
 „ nique omnibus præsto erat tutissimo semper ac fideli patrocínio suo .
 „ At enim cum de gravissima re gravissimo aliquando judicio contende-
 „ ret , instaretque celerius expediendo , utpote qui de more æquiores
 „ partem tueretur ; ecce tibi versutus adversarius defensor , cui utinam
 „ nulli unquam similes forent , quasi officii causa illum convenit dolet-
 „ que ludibundus tantam de negotio finiendæ curam susceptam : Ac-
 „ ctum , addit , de Jureconsultis esse , si lites cito absolverentur : Ec-
 „ quid enim tanta istiusmodi festinatio , nisi ut proprio causæ patronus
 „ cedat commodo , lucrumque amenter projiciat , quod diu foret mul-
 „ tumque consequuturus ? Temperet itaque sibi , & agere si causas velit
 „ sine sui damno , studeat potius instaurandæ ac differendæ pro viribus
 „ controversiæ , majores exinde opes relaturus , quàm partâ litigator vi-
 „ ctoria . Dictis inhorruit Marcus ; & impiè nequissimi hominis insti-
 „ gatione usus ad animi sui salutem , cui tot in aperto commercio para-
 „ tæ essent insidiæ ; abditiori propterea loco aliquo ac minus exposito sa-
 „ pienter censuit quæri oportere . Nec mora , ultimum Foro diem dicit ,
 „ ac de capeffendo Fratrum Capuccinorum Instituto secum deliberat .
 „ Religiosum virum ea tempestate in provincia Fratribus ipsis præsiden-
 „ tem supplex adit effligitatque , ut inter suos se recipiat . At prudens
 „ ille provincialium Capuccinorum moderator periculum tanti voti fa-
 „ cturus diem differt ; donec de constanti Marci proposito admonitus de-
 „ que divina voluntate , illum Ordinis sui Candidatis adnumerat . Inte-
 „ rea temporis clericali militiæ nomen dederat , ac per inferiores gra-

„ dus ad Sacerdotii dignitatem evectus , die divo Francisco Assisiensi sa-
 „ cra Friburgi in Ecclesia Capuccinorum primò ad aras immolaturus ac-
 „ cessit . Absoluto divino Sacrificio , aliud eodem loci obtulit Deo gra-
 „ tissimum sui ipsius holocaustum , suscepto , scilicet , Religiosi Ordini
 „ habitu novoque Fidelis nomine assumpto , ea sanè modestia & hi-
 „ laritate , ut cœlestis ignis , quo spiritus interiùs incendebatur , per ora
 „ diffusus in admirationem traheret suæ virtutis multitudinem , quæ illuc
 „ pii hujusce spectaculi rumore confluerat . Nihil patrimonii amplitu-
 „ do illi adblandiri potuit eumque immorari ; non patens undique se-
 „ veri Instituti asperitas detinere ; nec delicatior corporis habitus gene-
 „ ris claritati apprime respondens a bene concepto consilio valuit retar-
 „ dare . Et oh laudatas aliis opes ipsas , quibus affluebat , quanto dimisit
 „ & locavit melius ! omnes enim ferme destinavit alendis probis adole-
 „ scentibus ad sacrarum litterarum studia contendentibus , quorum et-
 „ iam usui suam ingenti librorum numero copiosam bibliothecam ad-
 „ dixit .

„ Quale autem novus homo Fidelis posuerit in sacro Ordine tiroci-
 „ nium ; quæ deinde fuerit ejus agendi ratio , postquam eo in ordine sol-
 „ lemnia vota Deo nuncupavit , ut aliquis orationi modus imponatur , in
 „ universum sufficit dicere , suam probasse tironem , continuo quasi con-
 „ centu , præ cæteris humilitatem , obedientiam , pietatem , innocen-
 „ tiam , integritatem ; deinceps semper quotidie magis virtutibus profe-
 „ cisse . Ab ipsa enim prima , quam sēsit , interiori voce diuinæ gratiæ
 „ se in hunc ordinem advocantis , quotidianis flagellis perpetuoque ci-
 „ licio carni instetit suæ , quam assiduo istiusmodi bello rationi plane
 „ subactam habuit , quinimmo obsequentissimam rationis ipsius sanctif-
 „ sima imperitantis asseclam . Toto quasi anno rigidiori ratione serva-
 „ vit jejunia , per septem nempe quadragesimas observationes a beato
 „ Francisco Fratribus propositas , quarum præcipuam a Jesu Christo Re-
 „ demptore institutam , atque alteram in tempore Dominici Adventus
 „ intercidentem pane transigebat modicisque fructibus , nihil inde co-
 „ cti serculi admittens . Ter per hebdomadam unica utebatur pulte ; pa-
 „ ne & aqua victitabat per Sabbata , ac per omnes tam Deiparæ festis ,
 „ quàm plurium Sanctorum proximè antecedentes dies vigiliarum more
 „ contra infernum hostem ab Ecclesia dispositas .

„ At verò quem de divinis litteris , quibus se totum tradiderat , fru-
 „ ctum uberrimum reportaverit , Rhetiam omnem appello testem , sa-
 „ cram istam Congregationem Propagandæ Fidei vigilantem ipsumque
 „ Martyris sanguinem sacrae tuendæ doctrinæ intrepidè datum . Cum e-
 „ nim in hac perdifficili oratoria arte multum jam profecisset adolescens ,
 „ atque in theologica etiam facultate plurimùm modò valeret , mirum
 „ quantis nervis pro concione dicendo divinum verbum intenderet , cui
 „ latiùs ferendo fuerat a suis rectoribus destinatus . Summa eloquentiæ

„ vi su-

„ vi supremoque probitatis exemplo ita edocebat populos, eliminabat vi-
„ tia, revocabat virtutes, ut magnum sibi nomen sanctitatis atque in
„ provehenda catholica veritate roboris comparaverit. Hinc a Purpura-
„ tis PP. Propagandæ Fidei propositis in Rhætiam mittitur novem sibi
„ adjunctis sui ejusdem Instituti sodalibus, quibus præficitur, serpentes
„ ut inibi hæresum errores convelleret puramque redderet christianam
„ doctrinam, quam pravis opinionibus contaminatam plures ex ea gente
„ profiterentur. Continuo igitur discedens suum prænuntiat Fratribus
„ martyrium, cujus diu flagraverat desiderio, ideoque quotidie a Deo
„ juxta aras petierat; deinde ingressus demandatam sibi provinciam,
„ quam ab impiis Religionibus expurgaret, tanta profecto alacritate
„ & sollicitudine tantopere efficaci sanctæ istius Sedis imperata facit, ut
„ si unquam alius, quamplures & ipse aberrantium hæreticorum greges,
„ ac præcipua quædam illorum capita in unius veræ sempiternæque Fidei
„ sensu & communione Romanæ Ecclesiæ reddiderit. Quæ autem non
„ tum odia subivit aliorum probatissimæ per eum veritati duro perspicua-
„ cique animo obsistentium, qui tanta persusi luce vellent tamen in per-
„ petua hæresis nocte versari? Exarserant enimvero ad internecionem,
„ quod cum Fidelem nostrum divini verbi propagatorem haudquaquam
„ lateret, nil ideo sui remisit studii in insectandis erroribus, queis po-
„ tius radicitus extirpandis majores in dies conferebat vires ac suam o-
„ mnem diligentiolem curam operamque locabat. Atque his permoti
„ hæretici, qui reliqui erant omnium nequissimi, intelligentesque, si tan-
„ ta ad Romanam Ecclesiam quotidie conversio fieret Fideli auctore ac
„ duce, falsam, quam profiterentur sectam, brevi jam concisuram & pe-
„ nitus in iis partibus deletum iri, cum ipsi quoque tot strenui viri co-
„ natibus fortiorumque argumentorum machinis expugnari, atque ad
„ invisum Romani Pontificis imperium vi tandem veritatis compulsi tra-
„ duci possent. *Iccirco diffecabantur cordibus suis, & stridebant dentibus in*
„ *eum*, quemadmodum in Actibus legimus Apostolorum primò inter ho-
„ mines martyri Stephano contigisse apud Judæos prædicanti. Quin, ut
„ & appositè utar verbis Augustini, tametsi ille de supremo animarum
„ conquistore Jesu Christo loqueretur, ipsi tot Fidelis laboribus, vigiliis,
„ orationibus virtutumque omnium exemplis in tutum Romanæ Eccle-
„ siæ sinum invitati hæretici *his omnibus curationibus ejus ingrati, & tam-*
„ *quam multa febre phrenetici insanientes in medicum, qui curare eos venerat,*
„ *cogitaverunt consilium perdendi eum.* Coeunt itaque; de ratione conve-
„ niunt; diemque tam immani patrando sceleri statuunt vigesimam quar-
„ tam Aprilis anni a millesimo sexcentesimo vicesimo secundi; simulataque
„ per summam perfidiam instanti ad catholicas partes conversione, Fide-
„ lem in Grucschensi vicino Oppido agentem Sevissium advocant, voce
„ ut sua hærentes adjuvaret, atque in via veritatis constabiliret. Promptè
„ ille accurrit, & quamquam dolum subesse vel coelitus præsciret se-
„ „ cumque

„ cumque reputaret , suggestum tamen alacriter conscendit , cui primo
 „ statim intuitu grandioribusque litteris , ut perspicui facillè possent , fue-
 „ rat superscriptum : *non alteram ab hodierna concionem habebis* . Diriguisset
 „ fortasse alius tanti facinoris horrore, extremique sibi instantis metu pe-
 „ riculi ; at ab illo supernâ gratiâ roborato tantum abfuit importunus ti-
 „ mor , ut ne expalluerit quidem . Quin e superiori loco intrepidus ar-
 „ gumentum dicendi posuerat illud Apostoli divinum effatum: *unus Deus,*
 „ *una Fides, unum Baptisma* ; iamque prima concionis emiserat verba, cum
 „ ab incepto desilire coactus esset ex oborta succlamatione , ne ultra di-
 „ cendo temere pergeret , & consequenti eidem crepitu ex igniti teli in se
 „ directi projectu , quo tamen , Deo sic disponente, ne leviter quidem ta-
 „ ctus esset, cum ad acrius & gloriosius certamen fortissimus catholicæ ve-
 „ ritatis Antesignanus servaretur . Ne itaque cruento sui sacrificio Tem-
 „ plum pollueretur , cum eductæ jam palam impiæ hæreticorum sicæ in-
 „ termicarent incresceretque seditionis fremitus ; satius ille duxit ad
 „ aram sese recipere, ubi sublati ad Cælum manibus luminibusque , con-
 „ secravit ultima vitæ hujus suæ mortalis momenta , Deum deprecatus
 „ per Christi merita , ut quoniam omnipotenti ejus voluntati jamdiu se
 „ totum fidentissimè subjecisset , gratiæ suæ robur adjiceret morituro ; &
 „ sanguini, quem libenter funderet, suo virtutem daret , quæ voci defuisset
 „ ad reliquos catholicæ religioni conciliandos hæreticos . Hæc dum
 „ ferventiùs oraret immobilis hærens beatus Fidelis ad aram, non Templi
 „ religio factiosos tenuit, ne in ipsum irruerent, neque Dei cogitatio, quem
 „ jam mente penitus excussissent , sed mansuetudo illa sustinuit catholici
 „ magistri , imperterrita constantia cohibuit , fulgentissima pietas com-
 „ pescuit ; quarum admiratio virtutum efferatis illorum animis illapsa ,
 „ primo statim appulsu , ipsa vel natura dirigente , eos ita cepit fregit-
 „ que , ut usquedum ratio novâ furoris eruptione a malo dæmone mini-
 „ strati corrupta non fuit ac perversa , prior illa tanti viri species sicario-
 „ rum dextras ad aliquod tempus exarmaverit & parata tela distulerit .
 „ Monitus propterea tum ne discederet , cum tutior ea statio videretur :
 „ O, inquit , fili ; pro æterna jam vita decertandum est , haud isthæc am-
 „ plius curanda misera & fugax, cujus ego instanti exitio propterea mini-
 „ mè terreor , eam enim , quam a Deo recepi , sanguine lotam magisque
 „ purgatam meo eidem reddere cupio ; at vereor , ne fiat sacer iste locus
 „ execrabili facinore profanus, ne adstantes Catholici etiam opprimantur
 „ mei odio; atque adeo uni mihi pro universorum salute in apertum pro-
 „ grediendum est . Dixit : eodemque gressu , hilaritate vultus eadem qui-
 „ bus Templum ingressus fuerat , de Templo egreditur . At verò ubi pe-
 „ dem in circumpositam sano planitiem infert , haud ab ea procul ad vi-
 „ ginti hæreticorum ferociore illum aggrediuntur , armatâque dextrâ
 „ instant , ni confestim trucidari illic velit , Romanam ut religionem ex-
 „ secraretur . Renuentem non modò , sed facis instar splendentis nitidiùs
 „ , dum

„ dum prorsus extinguitur , catholici dogmatis lucem magis proferen-
„ tem , retorto impius gladio impetit , sacrumque caput ferit , cumque
„ ictus non successisset ex animo , gravius geminato scindit usque ad os
„ medium . Alter ensis mucrone latus transverberat atrociori etiam vul-
„ nere , quo in genua concidit ; jamque oppido satis fuerat ad interimen-
„ dum corpus nullo amplius humano remedio convaliturum ; sed expleri
„ ea duntaxat crudelitate immane odium non potuit , modò ut pro se
„ ac persecutoribus orantem , sanctissimæque Jesu & Mariæ nomina su-
„ premis vocibus invocantem iterum invaserint , hastis trajecerint costas ,
„ apertumque mox caput ferreis fustibus secundum verticem conglobatis
„ in prominentes clavos prorsus tutuderint ac pessunderint ; gladiis
„ quâ punctim , quâ cæsim corpus deformaverint universum ; tribus sci-
„ licet & viginti plagis capiti inflictis , pectori viginti , quibus diutius
„ scrale spectaculum est protractum , graviorque confosso viro dolor tot
„ excitatus locis insedit . Verum ille omnia patienter perpeffus est , quin
„ & latissimo animo imperturbatoque ore , cujus etiam ad feros ictus
„ augeretur hilaritas , ut certo oculorum judicio pateret , quanto majori
„ acerbitate recrudesceret ficariorum rabies , tanto ardentiori charitate
„ illius ad astra spiritum ferri . quem meritis plenum solutumque tunc a
„ corpore , cui feliciori iterum nexu aliquando adjungetur in Cœlis ,
„ reddidit tandem Deo , pro cujus honore gloriosus Martyr detestabili hæ-
„ reticorum odio impetuque sublatus est .

„ At non ideo sublata est tantæ fortitudinis memoria conspicuæque
„ fama Sanctitatis longè latèque diffusa assiduisque miraculis a remune-
„ ratore D. O. M. illustrata : Quæ quidem miracula , quamquam innume-
„ ra fere sunt beati Fidelis intercessione ac meritis patrata , pauca nihi-
„ lominus breviter attigero , quæ certissimo vel sola argumento satis su-
„ perque designent immortalem purissimi illius modò spiritus gloriam
„ simulque gratiam , qua plurimum apud Deum valet . Relictis itaque
„ prodigiis inventi post sex ab interemptione menses sacri corporis incor-
„ rupti suaviusque præterea olentis , e cujus pectore ignotus usque adeo
„ flos assurgebat ceu lilium frondibus quasi sanguine aspersis variatum
„ atque odorem pariter spirans novum ; ea refero , quæ potiora fuerunt
„ apud Benedictum XIII. Pont. Max. antequam decimo septimo ab hinc
„ anno Beatum publicè renunciaret . Igitur haud ita multo post exhuma-
„ tum sacrum Corpus , excitato in Arce Majensfeldæ immani incendio
„ horrendoque boatu jam jam imminente ex everfione disjectuque muni-
„ tionis nitrato pulvere oppletæ , quam elata flamma circumlambebat ,
„ fidenter invocatum B. Fidelis auxilium illico depascentem ignem pro-
„ pullavit ; portentumque portento additum , quippe exinde reversi sta-
„ tionarii , qui ad non profuturi superioris periculi certitudinem longius
„ diffugerant , vel altioribus caveis sese abdiderant , parietum trabes inve-
„ nere ab interiori munitionis parte adhuc incensos proximèque insisten-
„ tes ni-

„ tes nitrato eidem pulveri non ideo tamen flammam concipienti ; tanto-
 „ que prodigio prius attoniti , deinde certiores facti de præsentī B.
 „ Fidelis ope , eorum aliqui ipsissimo pulvere usi sunt ad suffocandas pru-
 „ nas , eâdemque fiduciâ , qua extinguendis aquam adhibuissent . Quid
 „ verò de Cæcilia dicam Musingerinia virgine in Cisterciensi Ordine Deo
 „ devota , quæ ex vehementi dexteræ mamillæ inflammatione ad qua-
 „ tuordecim dies noctesque continenter discruciatâ , superpositâ demum
 „ particulâ vestis , quâ B. Fidelis operiebatur , de repente convaluit a pa-
 „ tente jam cancro hominibus immedicabili ? Aut quid mirabilius quam,
 „ quod infantulo accidit Francisco Papussinio , cui uno oculorum inflato
 „ primùm , ac deinde disruptâ pupillâ , beatus Fidelis statim ac fuit geni-
 „ tricis voto exoratus , integrum & lumen restituit , & ocellum , quo ma-
 „ trem ille intuens acri limpidissimoque obtutu insigne eidem ostentabat
 „ ostentum ? Gaspar quoque Stigherius quinquennali renum dolore cur-
 „ vus & planè torpens , annon se erexit iterum , ac pristino vigori red-
 „ ditus est , admoto vix renibus ense , quo B. Fidelis fuerat vulneratus ? At
 „ quid ego plura commemorem mirabilia , cum vel hisce solis certissimè
 „ sibi jam tum probatis , ipse Sanctissimus Pontifex Benedictus Fidelem
 „ decreverit Beati nomine invocandum , constitutoque in Ecclesia Marty-
 „ ribus officio colendum ?

„ Neque post ejusmodi cultum Beato adhibitum nova ex implorata
 „ ejus ope defuere miracula , eaque adduco , quæ anno ab isto secundo fue-
 „ runt indubitanter explorata Tibi omnium hac de re Romm. Pont. qui
 „ antesteterint maximo eruditissimoque , ut illa testantur tua verè aurea
 „ omnique doctrina referta quatuor volumina jam olim in publicam lu-
 „ cem emissa , ac modò Patavij recusa summo christianæ & litterariæ
 „ reipublicæ bono atque plausu : Alterum nempe quod Frater Candidus
 „ de Mediolano Sacerdos Ordinem Capuccinorum professus per Beati effi-
 „ giem capiti reverenter impositam extemplo evaserit ab inveterato fere
 „ per decennium morbo comitali & fontico , quo sæpius vexabatur , re-
 „ dintegratis absolutissimè destitutis antea viribus , ijsque ulterius non
 „ quassatis : Alterum verò quod Joseph Kirnerius puer quatuor natus an-
 „ nos cum genibus pedibusque foret infirmioribus constitutus quàm ut re-
 „ gendo reliquo corpori par esse posset , atque ideo minus consisteret , sed
 „ acclinaret caderetque , nec nisi subnixus , ægrè id quidem , incederet ;
 „ ductus a matre ad Ecclesiam & ante imaginem collocatus B. Fidelis ,
 „ inibi statim ita vigit plantis , ut lignea , quibus antea uteretur , susten-
 „ tacula dimiserit , pedesque redierit domum ac semper exinde firmus
 „ incesse-rit .

„ Quæ igitur commoda a B. Fideli , quæ ornamenta non profluxere
 „ in Ecclesiam catholicam , cui tantopere præluxit heroicis virtutibus
 „ dum vixit ; veræ fortitudinis exemplo dum martyr occubuit ; insignibus
 „ prodigiis postquam in Cœlo fuit emeritâ gloriæ palmâ a Deo coro-
 „ natus ;

„ natus ; ut habeant undequaque omnes quæ demirentur atque imitari
 „ satagant , quæque per ejus intercessionem bona sperare , & consequi
 „ possint ?

„ Hæc itaque, BEATISSIME PATER , per me usque adeo delibata , hæc,
 „ inquam, sunt gloriosi martyris præconia , quæ universum orbem perva-
 „ gata , Imperatores , Reges , Populos , complures etiam ex interfecto-
 „ ribus in illius venerationem impulere . Hinc , ut more majorum , San-
 „ ctorum eum fastis adscribas meritò postulat Sacra Propagandæ Fidei ad-
 „ vigilans Congregatio , quæ suum in B. Fideli prædicat primum Marty-
 „ rem : Idipsum rogat universa Capuccinorum Familia: Idem inclyta Mar-
 „ tyris natio , quorum omnium studiosissima vota mihi commissa sunt Ti-
 „ bi humillimè ut offeram ; cum , amplificato honorificentius Beati ipsius
 „ cultu in terris , major futura sit invocandi occasio , petendique præsidii
 „ fiducia . Atque , o utinam tam benemereri catholici omnes valeamus ,
 „ ut præcipuo hujus martyris patrocinio bellum deprecante , adveniat
 „ tandem lætissima pax , qua , sedato armorum tumultu hanc ipsam Euro-
 „ pam totam , quam ille peragravit , miserè usque adeo diripiente ac de-
 „ populante , conciliatisque invicem dissidentium Imperatorum , Re-
 „ gum , Rerumpublicarum , ac Principum animis , exoptatum diu otium
 „ reflorescat , in quo pietatis & religionis , virtutum denique omnia
 „ studia , vacuo a belli timoribus animo , quisque consecrari possit ac
 „ velit . Dixi ,

Absoluta Oratione secessit inde aliquantulum Advocatus Montecatini-
 nus , ne de Beato Camillo dicturum Advocatum Julium Cæsarem Fagnanum
 impediret . Tum iste a Cæremoniario admonitus his verbis : *Dicat*
alter ; ita effari cœpit ,

„ **Q**UÆ duæ res , BEATISSIME PATER , Oratoris cujuslibet animuna
 „ commovere vehementissime possunt , Causæ scilicet , de qua agi-
 „ tur , gravis conditio , & eorum , cum quibus agitur dignitas , & ampli-
 „ tudo , ex ambæ non solum nullo me modo perturbant , imò vero in-
 „ credibilem ad dicendum addunt alacritatem . Sive enim justissimæ , in
 „ qua nunc versor , Causæ conditionem intuear , agendum mihi video
 „ de beato Camillo de Lellis inter Coelites referendo , cujus quanta sint
 „ merita in grandibus illis tuis omnibus eruditionis , omnisque doctrinæ
 „ plenissimis Voluminibus Tu ipse , BEATISSIME PATER , abundantissimè
 „ declarasti : Sive illius , cum quo hæc agitur Causa , optimam volun-
 „ tatem considerandam mihi proponam , apud Te , BEATISSIME PATER ,
 „ rem mihi esse intueor , qui , cum eandem nescio quo fato intermor-
 „ tuam ab eo usque tempore , quo tanta cum laude Fidei Promotoris
 „ munereungebaris , strenuè ab interitu vindicaveris , ejusdem dici me-
 „ ritò potes & Patronus & Pater . Et revera cum inmensos eos ego re-
 „ cedor improbosque labores , quos pro stabilienda B. Camilli gloria

„ tunc sustinuiſti Clementis XI. P. M. juſſu , neminem præter Te tantæ
 „ parem ſuperandæ difficultati apertiffimè conſtitentis : Cum dies tot
 „ nocteſque conſidero in volutandis , legendis , digerendis , notandis
 „ immenſis illis proceſſuum voluminibus evigilatas , qui id tandem fieri
 „ poſſit , ut , aut huic Cauſæ diſſidam , aut ipſam animo minus alacri ag-
 „ grediar ? Quod cum facio tanta ſpe fretus , quæſo , obteſtorque , BEA-
 „ TISSIME PATER , ut ſi Camilli geſta pro ejus dignitate minimè comme-
 „ moravero , meæ quidem tenuitati , multo autem magis rerum ab eo
 „ geſtarum magnitudini putes eſſe tribuendum .

„ Atque hîc imprimis non inſciabor illud planè ipſum contigiffe
 „ Camillo , quod Principi Planetarum Soli aliquando conſpicimus eve-
 „ nire . Sicuti enim quandoque contingit , ut , dum ſupra Horizontem
 „ attollitur , & diſſectis undique tenebris terrarum Orbem clariffima luce
 „ perfundit , brevi emenſo ætheris ſpatio talem patiatur eclipſim , ut vel
 „ extinctus , vel extinguentus eſſe propemodum videatur : Ita Camillus
 „ cum Buclanici Regni Neapolitani loco honeſtiſſimo natus eſſet , pro-
 „ bèque Parentibus educatus optimæ indolis futuræque Sanctitatis ar-
 „ gumenta plurima præbuiſſet ; brevi tamen ita & Ipſe deficere viſus eſt ,
 „ ut & inanes ſpes ſuas Parentes meritò deplorarent , & ut perpetuæ in
 „ eo forent tenebræ , pertimeſcerent . Quid hîc eum memorem a vera
 „ virtutis laude remotum , otio unicè delectantem ? Quid adoleſcentiam
 „ & juventutis maximam partem aleis perditiffimè traducentem ? Quid
 „ proſtigatum quamcitiffimè patrimonium univerſamque domeſticam
 „ rem ludo conſumptam ? Quid viliffimis miniſteriis , & a ſuorum nata-
 „ lium conditione remotis victum ſibi comparare coactum ? Quemad-
 „ modum verò Sol poſt brevem illam veluti pugnam atque conflictum eò
 „ majori luce perfulſum ſe ſe nobis oſtendit , quò denſioribus tenebris
 „ paulo ante fuerat involutus : Ita etiam Camillus vitiorum tenebris ex-
 „ cuſſis atque eliminatis , repentina quadam ac pene incredibili Sancti-
 „ tatis luce refulſit . O fortunatiſſimam illam diem , qua alterum veluti
 „ Saulum ſpirantem adhuc minarum & cædis , vitiorum ſcilicet ſuorum
 „ ſemitam proſequi tunc maximè cupientem inopina circumfulſit de Cœlo
 „ lux , atque humi in via proſtratum , vas iræ in vas electionis Dominus
 „ immutavit ! Explicare quis ſatis poſſit , quibus tunc ille gemitibus præ-
 „ terita errata fuerit deteſtatus ? Quàm inſolabilibus lacrymis a Do-
 „ mino flagitaverit , ne ignorantias juventutis ſuæ recordaretur ? Quibus
 „ precibus , ſtatim ac domum reverſus eſt , Patres Capuccinos defatigave-
 „ rit , ut ſe in eorum ſodalitatem admitterent , in qua aſperrimo illo vi-
 „ vendi genere antea vitæ licentiam ulciſceretur ? O veram mutatio-
 „ nem dexteræ Excelli , qua alleator ceſſit in lucrum Domini , qua miles
 „ ſæculi factus eſt Athleta Chriſti fortiſſimus , qua mundi Affecla Pœni-
 „ tentiæ Humilitatis Charitatis victima evaſit !

„ Et revera Camillum vidiffes vix voti compotem factum , habitu-
 „ que

„ que Capuccinorum indutum tanta contentione Evangelicæ perfectio-
 „ nis stadium illico percurrentem , ut iis ipsi longo intervallo antecelle-
 „ ret , qui meliora carismata emulabantur : Vidisses corpus suum ciliciis
 „ flagellis inedia , omnique pœnarum genere adeo castigantem , ut in
 „ servitutem redactum adversus spiritum concupiscere non auderet : Vi-
 „ disses humilitatis præcipuè , quæ omnium virtutum parens est atque
 „ magistra , studio , tantam operam impendentem , ut non alio quàm
 „ humilis Fratris nomine vocaretur : Vidisses denique in continuas gra-
 „ tiarum actiones erga Dominum erumpentem , quod ex tantis sæculi
 „ tempestatibus in tutissimum Religionis portum tandem aliquandò eum
 „ impellere dignatus esset .

„ Fuerit tamen arduum , fuerit Sanctum , fuerit perfectissimum ejus
 „ vitæ institutum , quod Camillus amplectendum sibi censuerat : Illud
 „ certè non erat , ad quod a Domino fuerat ordinatus . Ad altiora pro-
 „ sectò longeque utiliora vocabatur . Quemadmodum enim Saulum
 „ persequentem supra modum Ecclesiam Dei jamdudum elegerat , ut no-
 „ men suum coram Gentibus portaret , ita quoque Camillum juveniliter
 „ infannientem elegerat , ut incredibili esset suis Fidelibus adjumento .
 „ Quid igitur miramur , si ab antiquo illo ulcere , quod Camillus itine-
 „ rando contraxerat , nullâ possit medicorum operâ convalescere ? Si eo
 „ magis magisque recrudescente austerissimo illi atque laboriosissimo vi-
 „ tæ generi reddatur impar ? Si , cum ferendis illius Instituti laboribus
 „ judicetur minus idoneus , ex eorum Patrum sententia semel & iterum
 „ dimittatur ? O investigabiles vias Domini ! Abreptam suam sibi dole-
 „ bat felicitatem Camillus , sibi que ipsi irascebatur , qui peccatis suis id
 „ effecisset , ut potius quàm abjectus esse in domo Domini , habitare in ta-
 „ bernaculis peccatorum mereretur . Contra verò per hæc eadem media
 „ ad majorem sui nominis gloriam amplificandam , ad Ecclesiam suam
 „ novo fortissimoque præsidio muniendam , ad Fideles suos ope auxi-
 „ lio utilitate maxima adjuvandos , fortiter suaviterque a Domino du-
 „ cebatur .

„ Neque verò multum temporis intercessit , quo se Camillo volun-
 „ tas diviua apertissimè manifestavit . Cum enim Romam venisset , atque
 „ in Nosocomio sancti Jacobi Incurabilium receptus fuisset œconomi mu-
 „ nere perfuncturus , tunc planè intellexit , se procurandæ cum corpo-
 „ rum , tum multo magis in animarum saluti a Domino destinatum . In-
 „ credibile est enim dictu , quantum ex pauperum ibi ægrotantium cala-
 „ mitatibus animo commoveretur , quanta commiseratione afficeretur ,
 „ quanto eorum sublevandorum desiderio teneretur . Cum verò mini-
 „ strorum quorundam incuriam ac negligentiam animadverteret , qui
 „ multa mercede conducti , ut Infirmis famularentur , iisque curandis
 „ omnem operam collocarent , suo muneri deerant , vel eo minus accu-
 „ ratè perfungebantur , satis certè explicari non potest , quàm id Camil-

„ lus egrè toleraret , quantoque studio huic malo occurrere conaretur .
 „ Parum ipsi itaque videbatur , si ea omnia sedulò procuraret , quæ ani-
 „ mabus corporibusque juvandis conferre posse cognosceret , si omnes
 „ etiam delicias , omnia etiam commoda diligentissimè investigaret , quæ
 „ ægrotis a morbi molestia aliquo modo relevandis prodesse posse animad-
 „ verteret , si nullis laboribus , nullis incommodis nullis sumptibus
 „ parceret , ut vel salus ammissa recuperaretur , vel recuperata confir-
 „ maretur : Parum si dies noctesque Infirmis semper adesset , si ab iis
 „ morbis , qui stomachum maximè provocant , victor sui non abhorreret ,
 „ si ulcera tabo sanieque manantia attrectaret , tergeret , circumliga-
 „ ret , foveret : Parum si monitis salutaribus Infirmorum animos confir-
 „ maret , si patientiam iis suaderet , si eos ad Dei cultum & amorem
 „ accenderet , si in charitate maximè stabiliret : Parum si in vitæ disci-
 „ mine constitutos spe erigeret , fide corroboraret , Sacramentali gratia
 „ reficeret & communiret : Parum si migrantes animas precibus adju-
 „ varet , easque suis quodammodo manibus in cœlestibus sedibus collo-
 „ caret : Parum , inquam , hæc illi omnia videbantur , nisi immensa illa
 „ charitas , qua ipse æstuabat , in omnium animos diffunderetur , & ad
 „ omnes ætates per totum orbem amplificata demandaretur . Hinc vo-
 „ torum suorum metam se consecuturum sperabat , si hominum aposto-
 „ licorum Congregationem instituendam curaret , qui ex peculiari insti-
 „ tuto in id unum incumberent , ut Infirmis omnibus , iis præcipuè , qui
 „ in Nosocomiis jacerent , opem omnem , omnem operam , diligentiam-
 „ que præstarent . Intelligebat siquidem Vir prudentissimus hoc ab iis
 „ aptè solum præstari posse , quos non terrenâ sed cœlesti mercede pro-
 „ positâ , divina illa , quæ patiens est atque benigna charitas informa-
 „ ret . Quod cum sancto Philippo Nerio a Confessionibus suis atque
 „ consiliis Camillus communicasset , quis possit exprimere , quantum in
 „ Domino senex sanctissimus exultaverit atque gessiverit ? Quo super-
 „ no concitatus ardore , divinitus inditam Camilli mentem affirmaverit
 „ & confirmaverit ? Quot illi addiderit stimulos , ut opus tam Sanctum
 „ & Ecclesiæ Dei non utile modò sed necessarium , maximis ceteroquin
 „ impeditissimum difficultatibus strenuè aggrederetur & perficeret ?

„ Aggreditur quidem forti alacrique animo divina duce charitate
 „ Camillus ; sed ex adverso aggreditur etiam insensibilis humani gene-
 „ ris hostis totis , quibus poterat viribus , ea ipsa evellere atque destrue-
 „ re , quæ Camillus jacere cœperat tanti operis fundamenta . Quam
 „ contra Camillum hominum potentissimorum subito non excitavit in-
 „ vidiam ? Quem contra Christi pusillum gregem non armavit furorem ?
 „ Quæ in illo novo agro Dominico zizania non seminavit ? Cum ta-
 „ men peculiaris hæc semper fuerit segetis Christi conditio , ut quò
 „ sevirioribus procellarum turbinibus agitur , eò uberior in dies cre-
 „ scat atque perfectior ; frustra improbus malorum artifex furit , fru-
 „ stra

„ *stra sævit, frustra bacchatur. Præsto de cœlo adest afflicto Operi suo*
 „ *opitulator Deus, eumque ipsius impetu obrutum pene atque prostra-*
 „ *tum relevat, tutatur, confirmat: Idem met Christus Dominus enixis*
 „ *Camilli precibus imploratus accurrit, eumque claris distinctisque*
 „ *vocibus ex imagine collocutus ad tanti operis perfectionem hortatur,*
 „ *movel, impellit. Videt hæc Christi opera tetrerrimus inimicus: Vi-*
 „ *det, irasciturque; dentibus suis fremit & tabescit: Videt egregios*
 „ *plures verè apostolicos viros Camilli virtute exemploque inflamma-*
 „ *tos ejusdem charitatis se se cum eo victimas libentissimè destinantes:*
 „ *Videt Camillum triginta duos annos natum, quò Sacerdotio initiari*
 „ *posset, scholas publicas frequentare, & in Grammaticæ rudimentis*
 „ *simul cum parvulis balbutire minimè erubescens: Videt sinapis*
 „ *granum in magnam arborem elevatum, pusillam scilicet Camilli Con-*
 „ *gregationem non modo summis omnium plausibus exceptam & ex-*
 „ *altatam, sed a Sixto summo Pontifice hujus nominis quinto litteris*
 „ *Apostolicis confirmatam: Videt eandem paulo post a Gregorio XIV.*
 „ *incredibili illius utilitate permoto in perfectam religionem erectam*
 „ *& stabilitam: Videt per Italiam, per Siciliam, exterasque Provin-*
 „ *cias brevi amplificatam, summisque votis ab omnibus concupitam:*
 „ *Videt quot ipse quantasque clades quotidie acciperet, quæque &*
 „ *quanta ipsi inferretur, uno Camillo auctore, pernicies: Videt hæc*
 „ *omnia, eoque majori rabie cruciatur atque corroditur, quò do-*
 „ *lorum suorum hæc tantum initia esse cognoscit, multoque majora*
 „ *atque certissima sibi impolterum autumat detrimenta. Et revera non*
 „ *fallitur.*

„ *Sine lacrymis eorum temporum adhuc recordari non possumus,*
 „ *quibus Civitas hæc Mundi Caput & Princeps anno quarto ab ipso*
 „ *Ordine constituto tot ac tantis illis calamitatibus affligebatur. Sum-*
 „ *ma Annonæ caritate cum laboraret, eodemque tempore pestis di-*
 „ *rissima Civium corpora immanissimè grassaretur: Cum neque esurienti-*
 „ *bus panis esset, neque ægrotantibus medicinam reperiretur: Cum la-*
 „ *ctens & parvulus deficerent in plateis, & languentium morientiumque*
 „ *gemitibus, tecta, fora, compita resonarent, quantus in ea luctus,*
 „ *quanta vastitas, quantus horror! Unoquoque aut morbi vi maximè af-*
 „ *fecto, aut de salute sua anxie cogitante, aut fuga aut tectis se se tueri*
 „ *studente, facta videbatur quasi vidua Domina gentium, viæque Sion lu-*
 „ *gere. Quale tamen interea (dicam hîc cum sancto Cypriano) quale in tan-*
 „ *ta temporis iniquitate, tantaque Urbis calamitate illud fuit spectaculum Do-*
 „ *mino, quam sublime, quam magnum, quam oculis Dei acceptum, quod Ca-*
 „ *millus ejusque Religiosi affectu præbuerunt. Fuit ne tota Urbe locus,*
 „ *fuit ne domus, Xenodochium, stabulum, crypta, quò Camillus cum*
 „ *suis non penetraret, jacentes inopes homines conquiriturus ac releva-*
 „ *turus? Fuit ne esuriens, cui panem non frangeret; ægrotus, quem in*
 „ *Noso-*

„ Nosocomia suis ipsis sublatum humeris non transferret ; sanus , cujus
 „ conservandæ salutis non provideret ? Quis fuit miser , cujus non curaret
 „ plagas , non abstergeret luem , non lectos purgaret ? Hic miserandum in
 „ modum infectos morbo suis ipse complexos manibus suas ipse inter ulnas
 „ aliò transferebat , novisque lectulis collocabat : Illic constitutos in mortis
 „ angustiis in Spe & Fide confirmabat . Hic migrantes ex hoc mundo ani-
 „ mas apud Deum Orationibus Sacrificiis precibusque juvabat . Illic vitâ
 „ functorum corpora suis manibus feretro imposita ad Templum suis hu-
 „ meris defererebat . Quid dicam de novis pluribus erectis in variis Urbis par-
 „ tibus Nosocomiis ? Quid de ipsa Religionis suæ domo in Xenodochium
 „ conversa ? Quid de innumeris propemodum sumptibus , quibus cum non
 „ posset sufficere Religionis suæ paupertas , gravissimo alieno ære illam
 „ gravare non dubitavit ?

„ Sed in hoc uno commemorando charitatis Camilli argumento
 „ quid diutius immoror , cum tantum semper illa patuerit , ut nec unius
 „ Urbis Romanæ ambitu contineri , nec locorum limitibus circumscribi ,
 „ nec temporum circumstantiis definiri , nec multitudine hominum
 „ coarctari potuerit ? Superatis arginibus Tiberis exundat ? Latèque per
 „ Urbem effusus inter ceteras domos , quas undis obruit , Sancti Spiritus
 „ Xenodochium invadens impetu repentino Infirmorum cameras occu-
 „ pat ? Nullæ possunt aquæ Camilli extinguere charitatem , nulla flu-
 „ mina obruere . In aquas scilicet ulceroso etiam crure profiliens hac il-
 „ lacque tamdiu discurrit , quamdiu Infirmis eorumque grabatis ad loca
 „ superiora suis humeris exportatis , consulat eorum salutem atque securi-
 „ tati . Mediolani pestem grassari significatur ? Nihil est , quo Camillus
 „ valeat retineri , quominus Genua ubi moram trahebat , in eam ipsam
 „ Urbem , quam alii diligentissimè declinabant , summa protinus advo-
 „ let alacritate . Correptam eodem morbo Nolanam Urbem intelligit ?
 „ Neapolim subito Camillus deserit , in eam Urbem iturus suamque ani-
 „ mam pro suis Fratribus positurus . Buclanicum Patriam suam summa
 „ premii annonæ caritate nunciatur ? Adest Camillus illicò , impetrata-
 „ que ubertate de Cœlo , insigni miraculo per plures dies esurienti po-
 „ pulo alimenta suppeditat . Vix denique ullus in tota Italia reperiri po-
 „ terit locus , in quo Camillus non reliquerit insigne aliquod charitatis
 „ suæ vestigium .

„ Et si verò in Infirmorum domibus ac Nosocomiis peculiari quodam
 „ modo illa emicuerit , non ita tamen ut in omne hominum genus effu-
 „ sa incredibili non fuerit omnibus adjumento . Quis enim recensere po-
 „ terit numerando vel Virgines congruis assignatis dotibus nuptui tradi-
 „ tas aut Cænobiis , vel Pupillos in suis juribus conservatos , vel Viduas
 „ vindicatas , vel Nudos opertos , vel Esurientes saturatos , vel Peregrinos
 „ hospitio receptos , vel Hæreticos ab erroribus revocatos , vel Infideles
 „ Romanæ Religionis conjunctos ?

Tanta

„ Tanta itaque æstuante in Camilli pectore charitate , mirari certe
„ poterit nemo, si ceterarum etiam virtutum agmen accefferit. Cum enim
„ Reginam sequantur Ancillæ ; ubi charitas est , deesse illæ non possunt .
„ Quid igitur dicam de insigni illa animi humilitate , qua Camillus de se
„ ipso tam abjectè sentiebat , ut a nullo unquam Ordinis Fundator & Pa-
„ ter appellari permiserit , ut domi patinas tergere , cubicula verrere ,
„ vasa immunda purgare , foris verò hostiatim emendicare familiarissi-
„ mum ipsi fuerit ; ut se se cunctis abjicere , aliorum pedes osculari , alio-
„ rum virtutem admirari , se solum despicere , se solum miserrimum , se
„ solum peccatorem maximum ac destinatum æternis ignibus titionem ex
„ animo reputare consueverit ; ut abdicatâ generali Ordinis Præfecturâ
„ inter ipsos quos enutriverat filios suos, in servi forma esse voluerit? Quid
„ d' illo Evangelicæ Paupertatis admirabili spiritu , quo terrena cuncta
„ despexit? Quid de singulari illa animi mansuetudine , qua labores
„ ærumnas injurias contumeliasque æquanimiter ad eò tulit , ut detra-
„ ctos suos omni amoris atque benignitatis sensu complexus , sibi Deo-
„ que amicissimos fecerit ? Quid de studio illo Orationis assiduo & con-
„ templandi consuetudine non interrupta , cui tanto animi sensu , etiam
„ cum Infirmis famularetur , vir sanctissimus incumberebat , ut & in admi-
„ rabiles ecstases sæpiissimè raperetur , & internum divini ignis ardorem
„ coelestis quædam in vultu flamma manifestaret ? Quid de tanta illa Re-
„ gularis disciplinæ observantia, quam a se ipso tanta cum severitate sem-
„ per exegit , ut quamquam tantis occupationibus tantis laboribus tan-
„ tis curis distineretur, nihil unquam de ea remittere passus sit ? Quid de-
„ nique de ceteris singularibus planè virtutibus , quibus ad eò excelluit ,
„ ut in Italia universa nullus esset , in cujus ore non foret maximum Ca-
„ milli nomen ; cujus animo maxima de Camilli sanctitate non insideret
„ opinio ; qui se Camilli orationibus non commendaret , ejusque precibus
„ apud Deum adjuvari non cuperet non postularet ?

„ Quamquam , ut verum fatear , simul cum Camilli virtutibus , iis
„ etiam frequentissimis insignibusque miraculis , quibus Servi sui sanctita-
„ tem Deus testatam omnibus faciebat ,tribuendum est , quod populi in
„ tantam admirationem ac devotionem excitarentur . Noverant quippe
„ & aquam ab ipso in optimum vinum fuisse conversam , & exiguo pane
„ tum ipsum tum multos opiparè saturatos : Noverant Angelicos ipsos
„ Spiritus de Cœlo ad Camilli obsequia descendisse : Noverant arcana in
„ penitioribus animi latebris delitescencia sæpiissimè penetrasse: Noverant
„ futura & absentia omni dubietate sepositâ prævidisse : Noverant pluri-
„ mos inveteratos morbos , nullisque remediis sanandos , brevi Camilli
„ prece vel etiam tactu depulso . Quis igitur ejus sanctitatem non admi-
„ raretur ? Quis ejus opem non imploraret ? Quis ejus patrocínio se non
„ commendaret, quem Deus tot tantisque miraculis mirificabat? Vidisses
„ igitur omnis generis omnis conditionis homines ad Camillum tam-
„ „ quam

„ quam ad insigne sanctitatis oraculum properantes : Vidisses Principes
 „ viros , Episcopos, Eminentissimos Cardinales Camilli cellulam frequen-
 „ tantes : Vidisses integras Urbes suis penè convulsas sedibus , ut Camil-
 „ lum inviserent , ut sua illi vota proponerent , ut ad obtinendas a Domi-
 „ no gratias ejus precibus adjuvarentur .

„ Jam itaque eò virtus Camilli devenerat, ut eam Terra non caperet,
 „ eaque solâ coronâ justitiæ, quam repromisit Deus diligentibus se, com-
 „ pensari in Cœlo jam posset . Quod cum Camillus , Domino revelante ,
 „ intellexisset , quibus lætitiæ signis non exultavit ! Quoties cum regio
 „ Propheta dixit : *Latatus sum in his quæ dicta sunt mihi , in domum Domini*
 „ *ibimus !* Quoties cum Apostolo exclamavit : *Cupio dissolvi & esse cum*
 „ *Christo !* Nimis profecto esset longum ea hîc omnia commemorare , quæ
 „ ad carissimos filios suos circa lectulum lacrymantes de exercenda erga
 „ Proximum Infirmosque potissimum charitate , de diligenda Evange-
 „ lica paupertate , de abjiciendis sæcularibus desideriis summo ardore
 „ spiritus peroravit : Quo pietatis sensu Ecclesiæ Sacramenta susceperit :
 „ Quàm devotè ipsemet suam Deo commendaverit animam : Quàm placide
 „ atque tranquillè in senectute bona suam cum Christo vitam ab-
 „ sconderit : Quantus subito concursus hominum factus sit , pretiosum
 „ Camilli cadaver invisere & venerari cupientium . Ne tuas igitur , BEA-
 „ TISSIME PATER diutius aures offendam , hæc omnia tacitus prætermittam .
 „ Quis verò silentio prætereat insignia illa portenta , quæ ad mani-
 „ festandam Camilli gloriam in Cœlis a Domino perpetrata Romam, imo
 „ verò Italiam universam incredibili admiratione compleverunt ? Neque
 „ hîc me loqui quis putet aut de Camilli vultu , austeritatibus , macie ,
 „ longaque triginta trium mensium infirmitate maximè deturpato , post
 „ mortem verò vivida quadam luce mirum in modum effulgente : Aut
 „ de ejus corpore post aliquot ab ejus obitus dies molli atque flexibili,
 „ imo etiam odorem suavissimum redolente : Aut de immundis spiritibus
 „ a corporibus eliminatis , & Camilli virtutem magna voce prædicare
 „ coactis . Utcumque hæc magna sint , ea hîc tantum referre libet , quæ
 „ Apostolicæ Sedis , tuoque potissimum BEATISSIME PATER confirmata
 „ judicio , fidem publicam meruerunt . Mirari igitur quis satis possit aut
 „ undennem puellam per septem menses afflictam dirissimo in naribus po-
 „ lypo ex solo fili Camilli subuculæ contactu subito convalescentem :
 „ Aut Catharinam Dondulam triginta annorum mulierem sexto gesta-
 „ tionis mense maligna febris correptam , in pleura atque pulmonibus in-
 „ flammata , in gutture infelicitè ulceratam , a Medicis omnibus con-
 „ clamatam ex solo aquæ haustu , in quo pulvis ex Camilli cubiculo fue-
 „ rat dissolutus , incolumem repente viribusque pristinis assurgentem :
 „ Aut , Camillo inter Beatos adscripto , Luciam Theresiam Petti ab ipsa
 „ nativitate asthmate , respirandique difficultate gravissima laborantem ,
 „ crescente postea ætate plurimorum morborum accessione gravatam ,
 „ imo

„ imo etiam oppressam , contracto insuper gibbo expuentem sanguinem
 „ una cum pure , ab omnibus Medicis derelictam , Camilli ope vix im-
 „ plorata a morbis omnibus expeditam , maximaque valetudinis firmita-
 „ te donatam : Aut Margaritam Castelli duodeviginti annorum puellam
 „ ulcere pessimo a planta pedis usque ad verticem capitis horribiliter oc-
 „ cupatam , ardentissima feбри insanientem , proximæ morti ab omnibus
 „ adjudicatam , invocato Camilli nomine , universa totius corporis cru-
 „ sta evanescente , auctis viribus sanitatem quam nunquam habuerat con-
 „ sequentem .

„ Quæ cum ita sint quid aliud hic superest , nisi ut Te BEATISSIME
 „ PATER orem obtesterque , ut qui tantis semper virtutibus claruit , qui
 „ tantis miraculis coruscavit , qui militantem Ecclesiam novo fortium
 „ exercitu communiuit , qui inter Beatos jure meritoque Te ipso annuen-
 „ te relatus est , eundem servato a Tuis Prædecessoribus veteri more San-
 „ ctorum fastis adscribas . Habeat præsens causa ab eo Summo Pontifice
 „ jam diu optatum exitum , a quo diligentissimo quondam Fidei Promo-
 „ tore faustum habuit fortunatumque principium . Hoc Christianæ uni-
 „ versæ Reipublicæ a Te postulant Principes : Hoc supplex Ministrantium
 „ Infirmis benemeritus Ordo : Hoc nostra , hoc publica omnium postu-
 „ lant vota . His si Tu annueris BEATISSIME PATER sperandum fore , ut
 „ qui ministrandis Infirmis tam strenuam quondam operam collocavit ,
 „ pro Christiana Republica , pro Sancta Dei Ecclesia , pro Tua ipsa Per-
 „ sona fiat apud Deum calamitosis præsertim hisce temporibus intercessor
 „ egregius .

Huic tertius successit D. Advocatus Joseph Ascevolinus . qui annuen-
 te ut supra Cæremoniarum Moderatore , beati Petri Regalati vitam hac
 methodo enarravit .

„ **C** Um res multæ sint , BEATISSIME PATER , quibus faciliè rebus osten-
 „ ditur extra unam , quam tenet docetque una hæc Sancta nostra
 „ Ecclesia omnium Ecclesiarum mater & magistra , sanæ sinceræque
 „ fidei professionem , nullam prorsus salutis spem reliquam esse homini-
 „ bus ; tum nihil audacissimos hæreticos aequè jugulat , atque sanæ illi-
 „ batæque doctrinæ , morumque Sanctissimorum in eadem Ecclesia haud
 „ unquam interrupta successio . Etenim cum illi duplici nos armorum ge-
 „ nere oppugnent , scelestâ nempe falsarum doctrinarum novitate atque
 „ ineptissimis calumniis , quibus nostrum omnium vitam moresque in
 „ Crimen vocant ; profecto illorum satis jam audaciam fregimus frange-
 „ musque procul dubio semper magis , dum Deus Omnipotens , quod
 „ adhuc fecit , nullum sinet tempus abire , quo non fratres innumeros det-
 „ quotidie Nobis , qui pietate , religione , doctrinâ , tum virtutibus omni-
 „ bus , totque etiam supra omnem naturæ ordinem editis signis Ecclesiam
 „ ipsam parentem nostram , quæ honestissima semper fuerit , reddant in

„ dies honestiorem . Quare divinitus e re nostra hunc tam diu esse morem
 „ inductum judico , ut ex tot clarissimis sanctissimisque nostris fratribus ,
 „ qui ex hac vita decesserunt , suaeque ipsi tempora ingenti sua virtute ,
 „ rerumque sanctissimè gestarum gloriâ illustraverunt , aliquorum saltem
 „ habito delectu , ritè interdum legitimèque memoria consecratur : recte-
 „ que per Te sapienterque factum P. B. cum datus a Deo gregi suo uni-
 „ verso summus Pastor , & Rector , ut consilia omnia illico inire coepisti ,
 „ quæ ad tuendam amplificandamque rempublicam christianam maxi-
 „ mè essent idonea ; tum in eo cum primis curam studiumque posuisti ,
 „ quomodo consecrationis quinque Beatorum , nostrique adeo inter illos
 „ Petri Regalati Sacerdotis familiæ Minorum Observantium sancti Fran-
 „ cisci susceptum jam negotium conficeres . Nunc quoniam insigni Dei
 „ beneficio , tuisque P. B. tot vigiliis ac laboribus eò res denique adducta
 „ est , ut abesse parum possit , quin decretos illis divinos honores ritu
 „ solemnè legitimoque sis redditurus ; coeptumque est eos de more lau-
 „ dari , atque ad me ventum est , qui de Petro ipso Regalato verba faciam .
 „ Illud modò oro quæsoque Te P. B. , ut si pro ejusdem Petri egregiis præ-
 „ clarisque factis , tam Divina vita & admirabili tantaque rerum ma-
 „ ximarum varietate , proque tanti hujus loci majestate & frequentia
 „ minus splendidum & illustre genus erit Orationis meæ , æquus tamen
 „ sis mihi & benignus ; illudque piè cum animo tuo putes , & id summi
 „ rerum moderatoris Dei voluntate evenisse , ut tam claro magnoque
 „ viro laudator obtingeret tam jejunos & impolitos ; quo nempe suo po-
 „ tiùs res ipsæ pondere , quàm Oratoris eloquentiâ stare videantur . Ve-
 „ rùm quid ego primùm de illo dicam ? An , quod plerumque in laudan-
 „ do uluvenit , a patriæ & gentis nobilitate , familiæ opibus & for-
 „ tunis , majorumque ejus Domi , forisque præclarè gestis rebus exordiar !
 „ Haud equidem faciam ; Neque enim est opus , si illud verum est , non
 „ egere alienis laudibus , qui abundet suis . Quamvis si hisce etiam exter-
 „ nis , & contemptis in rebus , ac ^a non potius gloriari nos oporteat in in-
 „ firmitatibus nostris , nec eam quidem laudem nostro defuisse Regalato
 „ facile possim ostendere . An non natus ipse est Vallisoleti in Urbe totius
 „ Castellæ princeps ? an non ex veteri gente , familiaque nobilissimâ ?
 „ non & iis genitoribus , qui cum genere ipso , dignitate , opibus , for-
 „ tunisque quàm maxime florerent ; tum pietate , ac religione , atque
 „ effusa in egenos Christique pauperes benignitate longè essent in Civita-
 „ te sua principes ! Sed hæc , atque hujusmodi pleraque alia prudens vo-
 „ lensque missa facio , ne eum ornare voluisse videar ex alienis virtutibus ,
 „ qui satis sit ipse ornatus ex suis ; atque ad eas accedam laudes , quæ to-
 „ tæ quantæcumque sunt , quæ certè maximæ sunt , totæ inquam , pro-
 „ priæque Petri ipsius nostri sunt : Exponamque primùm quibus olim gra-
 „ dibus ejus ætas ad summam virtutis officique perfectionem ascenderit ;
 „ „ quo.

[a] 2. Corinth. 12. v. 9.

„ quò, principiis cognitis, reliqua faciliùs intelligantur. Decennis adhuc
 „ puer erat Petrus, cum patre jam vitâ functo, nihil prorsus admirans
 „ fluxarum ac labilium hujus mundi rerum, cogitare de cœlesti patria,
 „ æternaque salute sua vehementius cœpit. Cumque divinitus vocari ipse
 „ sibi videretur in divi Francisci Assisnatis sodalitatem, atque in eam
 „ quàm celeriter ingredi cuperet, quandiu illum perdurasse credis P. B.,
 „ uti hanc orando obsecrandoque a matre sibi veniam impetraret? trien-
 „ nium perpetuum: Quæ res mira sanè iis omnibus videri debet, qui pu-
 „ tare secum velint, fieri nequaquam potuisse, quin interea loci omnes
 „ cum illo blanditiæ, omnes illecebræ, artes rationesque omnes adhi-
 „ berentur, quibus credibile fuerat commoveri puerum posse, ab eoque
 „ consilio revocari: Et nihilominus frustra ad eum vincendum omnia fuis-
 „ se; quinimo victam filii assiduitate & constantia matrem ipsam, rem
 „ tandem omnem ejusdem voluntati arbitrioque permisisse. Annum
 „ igitur agens Petrus noster decimum tertium Minorum familiæ in patrio
 „ Cœnobio nomen dedit; atque e vestigio ita ad virtutem incumbere, in
 „ eaque proficere cœpit, ut omnes omnium in se oculos converteret.
 „ Admirabile enim erat in illo assiduum orandi studium, admirabilis item
 „ obedientia, atque ad omnia, quæ sibi demandarentur, obeunda mune-
 „ ra alacritas. Præter hæc, disciplinæ severitatem & ipse amabat, cole-
 „ batque, quantum illis tunc in ædibus licebat, plurimum; quæ quoniam
 „ sensim dilapsa, antiquum splendorem jam amiserat, restitui illam &
 „ renovari in tota familia vehementer optabat. Huic perficiendæ rei
 „ commodum accidit, ut Petrus Villacretius ejusdem Familiæ Sacerdos,
 „ idemque Magister Theologiæ, præstantique Vir religione, Vallisoletum
 „ veniret; qui, cum novum quoddam asperrimumque vitæ genus inue-
 „ here inter suos statuisset, quærebat, volente Ordinis Præfecto, quos
 „ ad eam vitæ rationem sibi Socios adjungeret; namque initâ statim so-
 „ cietate, Regalatus noster eum alacri animo persequutus est ad illud ne-
 „ scio gurgustiolum verè dicam, an Cœnobium, quod non longè ab Aquil-
 „ leria extruxerat Villacretius; ubi incredibile dictu est, quantum brevi,
 „ eo Doctore & duce, profecerit. Semoti hîc ab omni turba, vili cibo
 „ victitare & parcissimo; dies, noctesque ferè perpetuas orando præ-
 „ candoque consumere; nullisque non afflictationibus^a corpus suum casti-
 „ gare & in servitutem redigere; ut mirum non sit, si tantæ virtutis fa-
 „ ma longè latèque pervagata tam multos brevi tempore advocaverit,
 „ qui rigidioris illius disciplinæ peterent societatem; & si tam brevi tem-
 „ pore, tantaque felicitate propagatum, auctumque fuerit rigidum illud
 „ institutum, novis etiam ædibus, quas extruxere solo in loco ad ripam
 „ Durii, quem Tribulum vocant. Quid ego nunc prædicem Regalati
 „ nostri innocentiam? quid animi mansuetudinem? quid comitatem, mo-
 „ destiam, temperantiam, cæterasque mitis benigne ingenii dotes?

[a] 1. Corint. cap. 9. v. 27.

„ Satis sit dixisse , neminem isto meliorem magisque idoneum visum Vil-
 „ lacretio , cui ipse ad Constantiense Concilium iturus , Aquilerienſis ,
 „ Tribulanæque Familiæ curam mandaret. Quam quidem procurationem
 „ tam ſapienter & ſanctè adminiſtravit Regalatus , tum illo peregrè
 „ agente , tum etiam poſt reditum vita functo , ut ſodales abſentis pri-
 „ mum , ac ſubinde mortui Villacretii deſiderium æquo animo ferrent ,
 „ quum alterius in altero omnes verè expreſſas virtutes viderent , & abun-
 „ dè ſibi omnia per Regalatum ſuppeterè , quæ conferre Villacretius con-
 „ ſueverat , tuendæque tam Familiæ , quàm diſciplinæ opus erant . Su-
 „ blato igitur è vivis Villacretio , in id impendio tunc magis incumbere
 „ aggreſſus eſt Petrus noſter , ut nè quid inde detrimenti ſocietas caperet ,
 „ ſed facta tecta omnia eſſent , quæ fuerant jam conſtituta , quod vel ma-
 „ ximè effecit in omnibus ſeipſum præbendo ^a exemplum bonorum ope-
 „ rum in doctrina , in integritate , in gravitate . Nam , cum Sacerdos
 „ Dei eſſet , cum primis caſtus & innocens , haud facile eſt memora-
 „ tu , quantâ cum Religione ſacris quotidie operaretur . Orandi autem
 „ precandique tam erat ſtudioſus , ut nihil potius haberet , quàm ſtatis
 „ diei noctiſque horis Redemptionis noſtræ Myſteria ſingula meditari ,
 „ ſeque cœleſtium rerum contemplatione reficere . Qua potiſſimum re
 „ fiebat , ut quæ ejus alioqui egregia eſſet Divinarum rerum ſcientia , vel
 „ etiam multo major eſſet ex hac tanta meditandi & commentandi aſſi-
 „ duitate . Quod clarè patuit tum ex ea , quam rectam ac verè catho-
 „ licam perpetuò ad mortem uſque retinuit de rebus Fidei credendi ac
 „ docendi regulam , tum quoque ex multis certaminibus , quæ fortiter ſu-
 „ bire haud veritus eſt pro deſenſione Religionis noſtræ ; tum deindè etiam
 „ ex ejus efficacitate orationis , quæ tanta erat , ut nihil non eloquendo
 „ pervinceret ac perſuaderet ; etſi ipſe ſolitus accepta omnia Deo re-
 „ ferre , nihil ſe ſcire judicaret , ^b niſi Jeſum Chriſtum & hunc Crucifixum .
 „ Magna ea quidem ſunt B. P. , ſed non ea tamen illico ſunt , quæ veram
 „ perfectamque conſtituant chriſtiani hominis formam , ſi verum illud
 „ eſt , quod cſl veriſſimum , virtutis laudem omnem in actione conſiſte-
 „ re . Tu modo perge B. P. benignè mihi aures præbere dum doceo non
 „ ex iis fuiſſe Petrum noſtrum vitæ morumque magiſtris , qui aliter vi-
 „ vunt , aliter præcipiunt ; ſed ad Jeſu Chriſti Servatoris noſtri exemplum
 „ omnia eum feciſſe , quæ docebat . Paupertatis Euangelicæ unus omnium
 „ cultor fuit ac cuſtos vigilantiffimus , famemque & nuditatem , & la-
 „ bores ærumnaſque omnes tam facilè patiebatur , ut quibus maximè
 „ rebus pertubantur homines , iis ille magnopere lætari oblectarique
 „ videretur . Ad hæc ^c mitis erat & humilis corde ; quæ ſanè virtus , quum
 „ una omnium maximè , ut mea quidem fert opinio , propria ſit magni
 „ erectique ad Cœlum animi ; hinc Vir Dei omnia infra ſe putare , nihil
 „ unquam arrogare ſibi ; quòque majore in honore haberetur & cunctis
 „ eſſet

[a] *Ad Tit. cap. 2. verſ. 7.* [b] *1. Corint. 2. verſ. 2.* [c] *Matth. cap. 5. verſ. 5.*

„ esset carior, eò amplius sibi displicere humiliterque agere, ac sese
 „ abijcere; & hinc pauperibus, aliisque miseris & calamitosi homini-
 „ bus, qui frequentissimi circumquaque ad se confluebant, egentes opis,
 „ auxilii, aut consilii, omnibus præsto esse, eosque benignè proli-
 „ xequè accipere, & quibus maximè posset atque oporteret, rebus
 „ juvare, lætosque abs se dimittere. Tum præterea insuper insigni
 „ & ipse fuit continentia, qui, quum semel Virginem Deo sese a
 „ parvulo dedidisset, Virgo permanfit in ævum: Insigni item atque
 „ incredibili socios & alumnos suos ac cunctos mortales benevolen-
 „ tiâ & charitate complexus semper fuit, ut ^a verè omnibus omnia
 „ factus videretur, atque ut uno verbo absolvam, nulla denique fuit res,
 „ in qua non rectè & sapienter, tum etiam fortiter & moderatè se gesserit
 „ in omni vita. Quarum virtutum satis sit genera ipsa attigisse, ne, si
 „ exempla omnia persequi velim, quæ ipse edidit ac sunt litteris tradita,
 „ oratio hæc mea modum excedat; atque id unum addidisse sufficiat ita
 „ eum floruisse in omni laudis & virtutis genere; ut nemo latè esset illis
 „ in Regionibus, cujus in ore non ^b magnum esset Regalati nomen; magna
 „ item & jugis sanctitatis ejus admiratio. Tandem quum instare sibi mor-
 „ tem prævideret Regalatus^c, sollicitus non quæ sua essent, sed quæ Jesu
 „ Christi, nihil habuit antiquiùs quàm Ficonedam Oppidum adire ad Lu-
 „ pum Salazarium, quo socio atque adjutore impigro assiduoque usus fue-
 „ rat in rigidiore illa invehenda ordinandaque disciplina; ad quem ut ve-
 „ nit, Fratres ei, ipsumque adeo Institutum custodiendum propagan-
 „ dumque, ex hac vita discessurus quàm diligentissimè commendavit. Cu-
 „ jus accepta fide, nihil eum prorsus neglecturum earum rerum, quibus
 „ maximè rebus nedum stare, sed augeri etiam propagarique posset nova
 „ ea Regula, lætus se Tribulum ad suos recepit, ubi rebus constitutis,
 „ Aquileriam ad alteram, quæ in ejus erat etiam procuratione, familiam
 „ discessit. Hic annis curisque confectus, cum decumbere cœpisset, in-
 „ gravescente tum morbo, die festo Paschæ Sacrà Coenâ resectus, adstan-
 „ tes Fratres ac suam vicem descentes, blandè consolatus est; tum illos ad
 „ pietatis studium atque ad eam, fortiter naviterque insistendam quam in-
 „ gressi erant asperiores vitam, tum ad pacem concordiam & charitatem
 „ multis verbis exemplisque est hortatus; ac postridie ejus diei, sacro Oleo
 „ perunctus, terrenam fragilemque vitam cum cœlesti æternaque alterâ
 „ commutavit anno ætatis suæ sexagesimo sexto. Divulgatâ ejus morte con-
 „ festim magnus concursus^d magnusque fletus factus est omnium omnis sexus
 „ ordinis atque ætatis hominum, qui turmatim undique convolantes con-
 „ ferti & stipati circa loculum, & ^e procumbentes supra corpus defuncti
 „ manus pedesque ejus osculari nunquam explebantur, dolentes maximè
 „ quod amplius faciem ejus non essent visuri. Cadaver autem ipsum primum
 „ flexile tum suavem quoque spirans odorem spectaculo fuit plures dies;
 „ quo

[a] 1. Cor. 22. [b] Ps. 77. [c] 1. Cor. c. 7. v. 33. [d] Act. 20. v. 37. [e] ibid. v. 38.

„ quo ferme tempore præsentem opem ex Regalati patrocínio alii in mor-
 „ bis , & suis in rebus angustiis alii etiam multi sensere . Ut non de nihilo
 „ esset , magnâ hominum frequentîâ ac religione sepulchrum ejus subitò
 „ celebrari cœpisse , cultumque illi divinum deinceps semper fuisse adhi-
 „ bitum . Venio nunc ad prodigia^a & signa, quæ data sunt illi facere , quò
 „ ejus & vivi & mortui testator esset sanctitas . Ex quibus tamen non
 „ exempla omnia quæ sunt mandata memoriæ, sed ea dumtaxat proferam,
 „ quæ legitimo certoque judicio probata sunt hujus sanctæ Sedis Aposto-
 „ licæ . Quorum illud primum , quod cum panis & carniū reliquias a
 „ cœna collectas aliquando deferret Regalatus ad pauperes , easque ceta-
 „ re Fratres studeret , qui paulò morosiores venerant in suspicionem ,
 „ questique etiam erant , modum ab illo in largiendo nequaquam servari,
 „ fortè accidit , ut offenderet in Vicarium præsidem Cœnobii , cui per-
 „ cunctanti quidnam esset quod sub palliolo gestaret , cum flores esse re-
 „ spondisset , jussus ostendere , quam securus illico sacculum produxit , in
 „ eoque rosas illi albas & purpureas visendas & attrectandas, ac etiam in-
 „ super auferendas præbuit . Quod factum vehementer admirati Fratres
 „ universi , quod non illud erat anni tempus quo rosæ ullæ aut flores esse
 „ possent, destiterunt ea in re illi ampliùs molestiam exhibere. Mirum & il-
 „ lud etiam atque illustre, quod semel Dei beneficio tanta fuerit agilitate,
 „ ut conficeret unius horæ spatio millia passuum quadraginta ab Aquile-
 „ riensi ad Tribulanum Cœnobium . At illud non semel sed frequens , ac
 „ prope dicam familiare, proptereaque magis admirabile, quod cum sæpe
 „ trajiciendus sibi esset annis Durius quotiescumque ad eum accederet ,
 „ neque navicula esset in promptu quâ reciperetur , nihil cunctando pal-
 „ lium ipse sibi detrahebat ex humeris , sternébatque illico super aquas ,
 „ eoque inscensò ad ripam alteram transmeabat . Enimvero homines qui
 „ animum semel applicuere ad illam æternam^b felicitatem , quam repro-
 „ misit Deus diligentibus se , dum fide excitati, spe & charitate eriguntur
 „ & junguntur quotidie magis ad Deum ipsum , horum profecto animis
 „ quàm minimum oportet esse commercii cum corporibus, ut mirum non
 „ sit , si tam faciliè ea sæpe aggrediantur , quæ humanas vires longissimè
 „ superant omnemque ordinem naturæ ; nisi etiam & illud sit , agi eos
 „ plerumque & moveri divinitùs, ut res audeant sæpenumero tam magnas
 „ & stupendas , quò magis^c appareat magnitudo virtutis Dei in illis. Nec
 „ minora ea quidem signa & prodigia fuerunt , quæ deinceps post obitum
 „ servi sui facere perrexit Deus ad illius magis illustrandam sanctitatem :
 „ Ex quibus illud erit ordine prius, quod priùs fuit tempore ; nam factum
 „ est paulò post ejus obitum atque ita se habuit : Quum mendicus quidam
 „ qui accipere & ipse solitus fuerat mensæ reliquias ex Petri manibus, ad
 „ janitorem aliquando venisset seriùs quàm ut quidquam esset reliquum
 „ quod dispensatum jam non esset in eos qui tempore adfuerant , eumque
 „ „ propte-

[a] *Apoc. c. 1. v. 14.* [b] *Jacob. 2. v. 5.* [c] *Ad Ephes. 1. v. 19.*

„ propterea vacuum dimitteret janitor , frustratus ille spe sua , famisque
 „ impatiens qua plurimum cruciabatur, cursim ingressus proximum Tem-
 „ plum , nixusque genibus ante Petri sepulchrum : Et o (inquit) ubi tu
 „ modo es pater optime ? nam si tu viveres non ego nunc morerer fame .
 „ Quod cum dixisset , mira sane res ? sepulchrum nemine moliente sponte
 „ sua illico se aperuit , manusque extare visa est , a qua panis porrigere-
 „ tur mendico ; quo is accepto stupens discessit , eamque rem , uti gesta
 „ erat , tum ipse tum alii qui testes fuerant Miraculi magnis clamoribus
 „ divulgantes effecerunt, ut ejus fama totam ferè Hispaniam, ad quam per-
 „ vasis, admiratione compleret . Hoc quantum sit , quàm admirabile at-
 „ que inauditum , & quot quantaque in uno miraculo sint miracula multò
 „ Tu meliùs PATER BEATISSIME pro divina prope tua ingenii vi & dexte-
 „ ritate , rerum omnium divinarum humanarumque prudentiâ ex te po-
 „ tes intelligere quàm ego dicere . Quare ne longus sim ad ea propero
 „ narranda duo alia miracula, quæ nuper per Te cognita, Tu ipse BEA-
 „ TISSIME PATER Apostolico tuo judicio probavisti . Quæ hujusmodi fue-
 „ re . Sacerdos erat quidam Didacus cognomento Placentia ; qui quum
 „ aliquando ad ignem staret calefaciens se , repente correptus comitiali
 „ morbo quo plerumque laborabat , cecidit in faciem suam super ignem
 „ ipsum , ollamque eo casu subvertit ferventis aquæ ; quo factum est , ut
 „ torridus indè illico excitatus vapor ejus & vultum combureret & cor-
 „ rumperet oculos , ac fieret propterea ille cæcus non videns Solem . In
 „ eo quum vires suas omnes ars medica menses aliquot ne quicquam esset
 „ experta , Didacus tandem ad Regalati præsidium, Deo movente, confu-
 „ git; petiitque afferri sibi illius cucullum, suisque affectis oculis admoveri:
 „ Qua in re, quum illi facile fuisset obtemperatum, statim lumen accepit,
 „ quo multò magis quàm antea vivido acutoque usus perpetuò fuit quoad
 „ vixit . Id autem contigit anno post Christum natum 1705. ; anno ve-
 „ rò 1735. Birgitta Ortega quam percusserat Deus ulcere pessimo , quod
 „ lateri adhærescens , sanie taboque costas ejus adeo corruperat , ut illas
 „ extrahere omnino necesse fuerit ; tandem quum videret nullam sibi am-
 „ plius spem superesse ab hominibus ad convalescendum , sese vertit ad
 „ Petrum nostrum , sperans fore ut ejus patrocínio sanitas sibi a Deo re-
 „ stitueretur . Quare consenso equo Aquileriam ad Petri ipsius invisen-
 „ dum sepulchrum adivit: Ubi quum sese ultrò multis effusis precibus illius
 „ tutelæ permisisset , postridie mane dum in patriam revertens aliquan-
 „ tum progreditur, repente sentit corpore quia sanata esset a plaga ; qua-
 „ re optimè se valere inclamat , & cum dicto exilit in pedes læta & ge-
 „ stiens præ gaudio . Aderat Maritus viæ comes & ipse arte Chirurgus ,
 „ qui properè accurrens ubi primùm fascias solvit, rem ita esse deprehen-
 „ dit uti mulier prædicabat ; nam nedum fistulam , quæ jamdiù ex ulcere
 „ facta fuerat alta atque horribilis , quàm bellè completam inductamque
 „ comperit ; verum & febrem ac doloris sensum omnem quibus illa antea
 „ pluri-

„ plurimum cruciabatur , etiam atque etiam inspiciendo , attrectando ,
 „ scrutandoque prorsus cessasse satis habuit exploratum . Ex eoque sanè
 „ tempore mulier viribus recuperatis habitu corporis firmiore deinceps
 „ fuit , atque ad omnia exequenda domestica munera cum primis idonea .
 „ Atque ea sunt quæ dicenda mihi putavi de B. Petro Regalato , quæ licet
 „ non omnia prorsus sint quæ dici poterant , nisi studendum etiam fuisset
 „ brevitati ; at sunt tamen ejusmodi , quæ facile probent , eam hominis
 „ fuisse vitæ innocentiam sui que abjectionem ; eam lenitatem & benigni-
 „ tatem ; eas virtutes omnes quæ comites administræque sunt perfectionis
 „ & sanctitatis ; easque denique divitias , quibus adhuc honestum fecit il-
 „ lum Dominus in Ecclesia Sanctorum , ut nemo nisi qui vecors amensque
 „ atque impius sit non illi divinos honores jure delatos putaverit . Quod
 „ reliquum est igitur , oro obtestorque Te PATER BEATISSIME , ut quem
 „ in Beatos jam retulit sa: me: decessor tuus Innocentius XI, Tuque adeo
 „ gravissimo certoque tuo judicio dignum censuisti , qui consecratur ad-
 „ scribaturque Sanctorum Fastis , hunc demum honorem velis ritè ei legi-
 „ timèque deferre . Orant hoc idem SANCTITATEM TUAM Serenissimi Hi-
 „ spaniæ Reges : Orat inclyta Hispana Natio universa : Rogat orat obse-
 „ cratque tota Minorum Familia, quorum quum tot præclara sint merita
 „ in rem Christianam atque in hanc Sanctam Se:lem , facies Tu quidem
 „ pro insigni Tua sapientia fide religione , si maturè animum induxeris
 „ ea in re illorum, meisque adeo precibus , ac bonorum omnium votis in-
 „ dulgere . Dixi .

Advocatorum Orationibus, quibus ab omni adstantium cætu plausum
 magnoperè est , paucis respondit SANCTITATIS SUÆ nomine D. Cajeta-
 nus Amatus Epistolarum ad Principes a Secretis , qui ab initio Consistorii
 rubrâ Cubiculariorum Cappâ indutus in planitie Solii ad sinistram Ponti-
 ficis constiterat .

Sanctissimus Pater ac Dominus Noster ab injecta sibi quotidiana omnium Ec-
 clesiarum sollicitudine aditaque suprema Catholicæ Ecclesiæ procuratore nihil
 optavit impensius ; atque in hac aspera præsertim temporum conditione ad compa-
 randa Christianis fidelibus inter tot angustias & calamitates assiduè versantibus nova
 ad salutem præsidia , fausta ad pacem auspicia , & uberiora ad imitationem exem-
 pla nihil esse intelligit opportuniùs , quam ut publicus Christiani populi cultus defe-
 ratur beato Fideli a Sigmaringa Ordinis Minorum S. Francisci Capuccinorum ,
 beato Camillo de Lellis Congregationis Clericorum Regularium Ministrantium In-
 firmis Fundatori , ac beato Petro Regalato ejusdem Ordinis Minorum S. Fran-
 cisci de Observantia ; quorum eximias & heroicas virtutes , admiranda facta ac
 prodigia tam disertis verbis tantaque cum dignitate exponere ; atque insimul sup-
 plicia Virorum Principum & Religiosorum Ordinum postulata edere studuistis .
 Fidelis siquidem non solum severiorem instituti , quod optimis moribus ac doctrinis
 appri-

apprimè præditus susceperat , disciplinam integerrimè servavit ; sed ingenti charitatis zelo fervens , animam quoque suam , consummato Martyrio , pro inimicis suis posuit . Camillus verò postquam de antea acta vita amarè fleverat , hanc præ ceteris aliam Urbem & cœlestium virtutum odore , & salutaribus perpetuisque ad curandas animas remediis subsidiis ac rebus mirificis cumulavit . Petrus demum in Hispania verbis exemplis ac miraculis maximè conspicuus , nedum Religiosos suos Alumnos , sed omnes etiam inflammavit , ut in viam mandatorum Domini dirigentes pedes suos aternam salutem consequerentur . Et si autem ipsos sanctos beatos Viros hisce piis cœlestibusque artibus tranquillam beatæ Hierusalem , quæ sursum est , stationem attigisse , atque in potentias Domini intrasse non est ambigendum ; tamen , ut gravissimum decernendi honoris hujusmodi judicium de splendoribus Sanctorum , atque ab ejus vultu prodeat , de cujus perenni fonte sanctitatis dona promanant , lumen ex alto implorandum esse SANCTISSIMUS PATER censet atque edicit . Itaque postquam Venerabilium Fratrum suorum S. R. E. Cardinalium , Patriarcharum præterea Archiepiscoporum & Episcoporum Romæ degentium in Consistorio semipublico suffragia exquisierit , atque cuncta pro laudabili Antecessorum suorum Romanorum Pontificum more , confirmatoque Apostolicæ hujus Sanctæ Sedis instituto perfecerit , oblatarum sibi precum , quibus ex vestra fide abundantia & gravitate insignis facta est accessio , rationem habebit . Mihi verò , ut hos animi sui sensus Vobis renuntiarem injunxit .

Post hæc consueta benedictione dimissis Cardinalibus Pontifex solo duorum Assistentium Cardinalium Diaconorum comitatu ac Conservatorum & Magni Comestabilis , ac præcedente Cruce cum Familiaribus ad contiguas mansiones quas Principum vocant , quod in his Magni Principes eorumve Oratores cum Romam veniunt ad obedientiam Apostolicæ Sedi præstandam , vel per Urbem transeuntes Neapolitani Pro-Reges , ut Clemente XII. Pontifice factum vidimus , hospitantur , pedibus digressus sacris vestibus ibi exutus est , & per Pinacothecam in interiora cubicula se recepit .

Proximæ erant supplicationes annuæ ab utroque Clero Sæculari scilicet & Regulari habendæ ; aderat enim jam dies & Majorum Litaniarum , quas sanctus Gregorius primus Papa anno Christi 590. ob pestilentiam eo tempore grassantem ampliavit vel instituit ; & Rogationum sive Litaniarum Minorum : quem morem Triduo ante Ascensionem Domini eas recitandi a Mamerto Viennensi in Galliis Episcopo primum institutum , & in Ecclesiæ suæ consuetudine ab eo positum , Leo Papa III. sub octavi sæculi finem in Urbem horribili terræmotu concussam traduxit . Tum Pontifex , ut cum Ecclesiasticis Viris suas quoque Populus conjungeret preces ad veniam petendam , exorandamque Pacem post belli tam diuturni calamitates ; quod peragi Canonizationis negotium vacuo tot curis animo posset , peculiare Indulgentias per id tempus addidit hoc Edicto proposito .

FR. GIO: ANTONIO del Titolo de' SS. Silvestro e Martino a' Monti
della S. R. C. Prete Cardinal Guadagni della Santità
di Nostro Signore Vicario Generale &c.

LA Santità di Nostro Signore considerando con suo estremo dolore le gravissime sciagure frà le quali da sì lungo tempo si trova involta l'afflitta Christianità, massime per la discordia fra Principi Cristiani; siccome sempre più brama in contingenze di tanto bisogno di essere incessantemente assistita dalle Orazioni de' Fedeli nella Chiesa Militante, così si studia di cercare, e di meritare l'ajuto di validi ed efficaci intercessori nella Trionfante. Quindi è, che approfittandosi la Santità Sua dell'opportunità delle Processioni e pubbliche preghiere solite a farsi in questi tempi secondo l'antichissimo costume della Chiesa, e desiderando inoltre di aumentarle e rin vigorirle con più devoto e numeroso concorso de' Fedeli, dà e concede Indulgenza di trent'anni ed altrettante quarantene a tutti li Fedeli dell'uno e dell'altro sesso, che nel giorno della Festa di S. Marco Evangelista 25. del corrente interverranno divotamente alla Processione, che per invocare secondo il solito con le Litanie Maggiori l'ajuto Divino, e l'intercessione della Beatissima Vergine e de' Santi si farà la mattina di detta Festa dalla Chiesa di S. Marco alla Basilica di S. Pietro in Vaticano, ovvero visiteranno in detto giorno l'una o l'altra delle sopradette due Chiese, ed ivi pregheranno Sua Divina Maestà, perchè si degni di assistere con l'abbondanza de' suoi lumi alla Santità Sua nella grave deliberazione, che è per fare della prossima Canonizzazione de' Santi, perchè voglia per sua infinita misericordia disporre li cuori de' Principi Cristiani ad una stabile e vera pace, dalla quale in conseguenza non solo non sia per risentire alcun danno la nostra santa Religione, ma per il contrario sia per riceverne ristoro e vantaggio; e in fine perchè si compiaccia di riguardare con occhio di clemenza tutte le altre presenti necessità della Chiesa, e di dare a Sua Beatitudine quell'Appostolico spirito che gli è necessario per ben governarla in tempi sì difficili e calamitosi.

Similmente concede Sua Santità la medesima Indulgenza a quelli, che pure interverranno divotamente a qualsivoglia delle tre Processioni dette delle Rogazioni da farsi conforme il solito nei tre giorni immediatamente antecedenti alla solennità dell'Ascensione del Signore, cioè la prima nel Lunedì 16. del prossimo mese di Maggio da S. Adriano a S. Maria Maggiore, la seconda nel Martedì seguente da S. Maria Nuova a S. Giovanni Laterano, e la terza nel Mercoledì 18. detto da S. Lorenzo in Damaso a S. Pietro in Vaticano, ovvero visiteranno in uno de' suddetti giorni la Chiesa da dove s'incammina, o quella dove termina la Processione di quel giorno, ed ivi pregheranno Sua Divina Maestà come sopra, unendo le Loro particolari alle comuni Orazioni secondo la pia intenzione della Santità Sua.

Vuole inoltre la Santità Sua, che le Monache, Oblate, Zitelle, ed altre Donne Secolari, che con licenza della Sede Apostolica dimorano ne' Monasterj o Conseruatorj approvati, possano conseguire la medesima Indulgenza se reciteranno le Li-

le Litanie solite ne' suddetti giorni , facendo divotamente la Processione per la loro Chiesa interiore , Oratorio , Clausura , o Casa rispettivamente , e pregheranno il Signore Iddio per li bisogni di sopra espressi .

Efortiamo però tutti i Fedeli a non trascurare l' acquisto di questo spirituale Tesoro , ed accompagnare queste sagre funzioni non solo colla dovuta modestia e devozione , ma con fare in detti giorni altre opere di Cristiana pietà per maggiormente meritare di ottenere dal Signore le grazie desiderate . Data in Roma dalla nostra solita residenza questo dì 21. Aprile 1746.

F. G. A. Card. Vicario'.

Gasparo Arciprete Ori Segretario .

Tam foeda autem Cœlo fulgurante atque tonante maximisque imbribus decidentibus coorta tempestas est eo ipso die , qui fuit 25. Aprilis , quo ad Vaticanam beati Petri Basilicam suppliciter eundum erat , ut eò progressuri Ecclesiasticorum Ordines extra divi Marci Templum , quò de more convenerant , pedem movere non possent : Quare Supplicatione prætermissa Litanie duntaxat ad principem Ecclesie Aram summâ Populi adstantis & respondentis frequentiam decantatæ fuerunt . Diebus tamen reliquis æquè ingens fuit hominum concursus tum ad Supplicationes tum ad Ecclesias , quas e Pontificis præscripto adiri oportebat .

Interea admoniti fuere omnes , qui in proximo publico Consistorio interfuerant , de altero quod SANCTISSIMUS PATER habere decreverat feriâ tertiâ vigesimâ sextâ die præfati mensis Aprilis pro Causis BB. Josephi a Leonissa & Catharinæ de Ricciis . Denuntiationis autem formula hæc est .

I N T I M A T I O .

Per Cursores facienda etiam Domi dimissâ copia .

Feria tertia die 26. labentis mensis Aprilis hora decima quinta alterum habebitur publicum Consistorium in Aula Regia Palatii Apostolici Quirinalis pro proxima futura Canonizatione beati JOSEPHI a LEONISSA Confessoris Ordinis Minorum S. Francisci Capuccinorum , ac beatæ CATHARINÆ de RICCIIS Virginis Sanctimonialis Professæ Ordinis S. Dominici juxta ritum in superiori publico Consistorio servatum .

In eo de vivendi utriusque BEATI ratione , deque ipsorum Virtutibus ac Miraculis per DD. Sac. Consistorii Advocatos sermo fiet , & pro Canonizatione instabitur .

Super Primo verba faciet D. Advoc. Philippus Maria Pirellius ; de Secunda autem sermocinabitur D. Advoc. Paulus Franciscus Antamorus .

D. Secretarius Apostolicarum Litterarum ad Principes eadem servata methodo instantiis eorum SANCTITATIS SUÆ nomine responsum dabit .

Ideo intimentur omnes & singuli Eminentissimi ac Reverendissimi DD. Cardinales , ut præfata sub hora ad Quirinale Palatium accedant Consistorio mox interfuturi Cappis violaceis induti .

Moncantur insuper Decani , seu Antiquiores Episcoporum Assistentium & non Assistentium , Protonotariorum , Auditorum Rotæ , Clericorum Camera Apostolicæ , Votantium Signaturæ Justitiæ , Abbreviatorum , & Advocatorum Consistorialium , quod Collegas suos certiores reddant , ut Cappis induti & ipsi interfint .

Intimentur quoque Gubernator Urbis Vice-Camerarius , Principes Solii , Conservatores Urbis , Oratores Civitatum subditarum , Magister Sacri Hospitalii , Secretarius Congregationis Sacrorum Rituum , Promotor Fidei , ceterique soliti .

De Mandato Sanctissimi Domini Nostri Papæ .

Ignatius Reali Apost. Cærem. Præf.

Edicta igitur die SS^{mus} D. N. sumptis in Paramentorum Aula amplo pallio rubro operis phrygii & mitra , ad Aulam Regiam sublimi in sella compositus evectus est , Cruce & Cardinalibus de more præeuntibus : Ubi Solium conscendit , & Eminentissimi Patres post consuetam observantiæ suæ significationem erga Pontificem assederunt in sedilibus ab utroque latere Solii excurrentibus per aream ; Dominus Advocatus Philippus Maria Pirellius stans inter Collegas suos hanc ad Summum Pontificem de Virtutibus eximiis B. Josephi a Leonissa Orationem habuit .

„ **Q**uod unum , PATER BEATISSIME , deerat Tibi ad gloriam , ut ,
 „ postquam sacrorum doctrinam scriptis clarissimis illustravisses ,
 „ in summum deinde rerum humanarum fastigium evectus , optimis legibus constituta republica , ad amplificandam magis religionem sapientissime Te converteres ; quod unum deerat votis nostris , ut
 „ adversus diuturnam hanc temporum asperitatem , postquam humana omnia experti sumus , novo tandem e Cœlo quæsito præsidio nos tuereris ; id præstas nobis cumulatissime , qui pro Tua incredibili providentia de augendo numero Cœlitum , dum malis undique conflictamur , opportunissime decrevisti . Tertium heic ergo inter
 „ eos , qui publica religione sunt consecrandi , divi Francisci filium Tibi fulto , quem eo honore dignissimum , ac apud Deum immortalem deprecatorem pro nostris periculis acceptissimum judicemus , necesse est . Si quam etenim es admiratus in *Sigmaringio* asserendæ religionis constantiam , si quod in *Regalato* disciplinæ exactioris studium ,
 „ dium ,

„ dium, in unum ea collecta audies *Josephum Leonissanum*, de quo nunc ego
„ dicturus sum ; cujus ipsa nullo verborum ornamento exulta narratio
„ vitæ totam perficit laudationem , sive morum sanctimoniam cum sum-
„ ma corporis afflictatione conjunctam , sive ad excitandos atque in-
„ flammandos in Dei cultum animos ardorem ac firmitatem nullo mortis
„ periculo & cruciatuum sensu perterrefactam , sive in eo cœlestium mu-
„ nerum copiam signis prodigiisque clarissimis divinitus comprobata
„ suspiciamus . Rem omnem , ne Tuâ abutar in audiendo patientiâ ,
„ intra præfinitum mihi temporis spatium , quàm brevissimè potero , ab-
„ solvam .

„ Illustrium virorum , qui dum terras incolerent , cœlestem quan-
„ dam vitæ rationem instituerunt , vel ipsa ætatis primordia adeo divino
„ quodam munere plerumque novimus claruisse , ut ad quam virtutis
„ maturitatem essent postmodum perventuri , non obscuris indiciis si-
„ gnificarent . Quod si unquam ab omni memoria vetustatis repetita re-
„ rum experientia sciamus compertum fuisse , in hoc de quo loquimur
„ viro beatissimo omnino contigisse non ambigendum . *Leonissa* etenim
„ apud *Vestinos* loco non ignobili quum natus esset , non defuere infanti
„ prodigia , quibus a præpropere interitu servaretur , nec significationes
„ aliquæ vel in lactente , quæ futuræ temperantiæ specimen exhi-
„ berent .

„ Vix autem septenni major , quam de eo cuncti præceperant con-
„ jecturam multò quàm expectari posset , cumulatus ratam fecit : Nam
„ stans quibusdam in annum diebus præter-frustulum panis ab omni victu
„ temperans , a ludicris omnino abhorrens , exinde verò in deliciis ha-
„ bens religionis officia diutius meditari , diu in Templis ad orandum in-
„ cumbere , & nulla adhuc labe inquinatum corpusculum flagris cedere ,
„ haud facile dictu est , quantum bene exactæ pueritiæ laudem laudatiori
„ cumulaverit adolescentiâ non ad ludum , non ad jocum , sed ad gravio-
„ ra & severiora studia naturæ ipsius habitu prope divino perductus , ita
„ ut inter ipsas lubricæ ætatis illecebras , vel ejus in pauperes benignitas ,
„ vel mansuetudo , vel pudor , vel nitor gratiæ , vel ab inanibus rerum
„ mortalium simulacris fuga atque fastidium longè manifestius , qualis
„ quantusque is in posterum futurus esset , portendere viderentur .

„ Hæ certò erant artes studiaque omnium præstantissima , quibus
„ in dies ornatior adolefcebat : Ea verò est indoles litterarum , ut ipsam
„ interdum pietatem in quam inciderunt , egregiè juvent perficiantque ;
„ ideoque nihil profecto mirandum est , si quum præclarior ad hæc om-
„ nia accessisset postmodum ratio conformatioque doctrinæ , is Viterbii ,
„ ubi apud patrum diligentem litteris navabat operam , ad honestissi-
„ mas impulsus nuptias non modò puellæ elegantiam divitiasque de-
„ spexerit ; sed perpetuò servandam virginitatem confestim Deo dicans ,
„ haud secus quàm si ab latente inter segetes angue insidias præsentiret ,
„ peri-

„ periculi horrore percitus in non levem morbum inciderit ; quamobrem
 „ extemplo in patriam confugiens , nec multo post inde abiens , in di-
 „ vi Francisci familiam , quam vocant *Capuccinorum* , tanquam in portum
 „ tutissimum se receperit .

„ In immortalitatem scilicet prospiciens rerum humanarum con-
 „ temtor animus , qui sine ulla labe mortalium cupiditatum contagio-
 „ nem evaserat , ea sanè ratione procul a populi erroribus reliquam vi-
 „ tam sibi habendam decrevit , ut integrum ac sincerum , quod a natura
 „ acceperat , ingenium penitus servaret ac retineret , totumque se Deo
 „ dederet dicaretque , quem ab ineunte pueritia unicè sibi quærendum
 „ statuerat . At , ne in tanta rerum affluentia ac varietate dicendi impe-
 „ tu divagemur , utque magis distributè viri beatissimi vitæ cursum cum
 „ laudatione conjunctissimum prosequamur ; incredibile quidem est me-
 „ moratu quæ in ipso sanctioris militiæ tirocinio satis ampla & immota
 „ jecerit fundamenta brevi ad summum perfectionis culmen perventuræ
 „ virtutis ; quantâ constantiâ propinquorum impetum eum a proposito
 „ deturbantium refutarit ; quantâ se post gesserit innocentiam & modestiam
 „ vitæ , in omni ordine officioque assiduitate , obedientiam ; quàm ar-
 „ ctè quàm duriter , cœlesti quoque ostento monitus sese habuerit , nihil
 „ unquam laxamenti aut veniæ sibi sumens sese fregerit atque contriverit ;
 „ quem ex animo retineret intimè sui contemptum ; quantam in res divi-
 „ nas intentionem , ita profecto , ut non multum inde abuisse visum sit ,
 „ quin fociis omnibus non modò tanquam perfectæ virtutis exemplar
 „ splendidissimum proponeretur ; verum etiam plurimis eorum severio-
 „ ris disciplinæ acrius amplexandæ summam cupiditatem ingenerarit .

„ Miremur ne igitur omni virtutum genere non minus quàm litte-
 „ ris , a quibus , & præsertim sacris , nunquam abhorruit , instructum
 „ adeo magnoque animo juvenem jam tum præaltis visceribus conceptam
 „ pietatem in populos latissimè effundentem , ac levitatem , libidinem ,
 „ avaritiam , ceterasque animorum pestes , quæ exemplo , quæ monitis ,
 „ quæ concionibus acriter insectantem , eo deinceps alienæ salutis procu-
 „ randæ ardore conflagravisse , ut exæstantem in ossibus charitatis flam-
 „ mam non amplius sustinens , Bizantium pergere constituerit , quò non
 „ modò christianos captivos contineret in officio , sed barbaros ad veræ
 „ pietatis disciplinam pertraheret , aut saltem inter obfirmatos barbarie
 „ animos pulcherrima morte veræ pietatis doctrinam per cruciatus &
 „ vulnera profiteretur .

„ Sentio heic , PATER BEATISSIME , in ipso suo cursu increfcere
 „ orationem , ut viri egregii arduam in omnibus fortitudinem constan-
 „ tiamque demirer summum in discrimen coniectam , amplissimis sanè
 „ laudibus celebrandam . Neque ego verò enarrandam heic loci credo
 „ navigationem prodigiis plenam , & sedatam divinitus tempestatem , &
 „ viaticum nautis prodigio auctum , & ducem pedestris itineris e cœlo
 „ missum ;

„ missum ; quæ præclara in aliis atque magnifica , in Josepho vel intacta
 „ præteruisse non indecorum , vel summis saltem labiis delibasse sit satis ;
 „ quemadmodum nec ulla eloquentiæ vi exornandum , quantum ibi ad
 „ egregium opus , in quod intenderat , adlaborarit ; quot in excolendis ,
 „ sive ab impietate excutiendis animis industriæ ac diligentiae fructus
 „ perceperit , quot æumnas , quot ludibria constantissimo animo de-
 „ vorarit .

„ Ad majora evocor atque inflammor , ut virum fortissimum per-
 „ sequar omnis planè moræ jaundiu impatientem , dum ipsum imperii ty-
 „ rannum adeundum ratus , in intima regiarum ædium penetralia numi-
 „ ne divino instinctus , Christum regio in conspectu palam & publicè pro-
 „ fessurus , pedem inferre tentat : Qui dum captus vinctusque in arctam
 „ primùm custodiam , ad supplicium deinde trahitur , ac pede manumque
 „ uncis ferreis e sublimi suspensus , crudelissimo pœnæ genere lacerandus
 „ atque interimendus relinquitur , se atrocissimam pro Christo mortem ,
 „ quam concupierat , oppetere mirificè lætabatur .

„ Crederent fortasse qui in ipso cruciatus anhelitu lætum ac felicem
 „ se , quandiu torqueretur , prædicantem , & christianæ pietatis veri-
 „ tatem vocibus pene intermortuis confirmantem audiissent , beatitudinis
 „ laureâ mox donandum , ad æternum Dei immortalis domicilium cursu
 „ expeditissimo convoluturum .

„ At o veri nescias ac nimium ab æterno Dei consilio alienas atque
 „ aberrantes mortalium hominum cogitationes ! Dum is adhuc suspensus
 „ animam ageret , neque , igne fumoque subjectis , potuisset unquam a
 „ testanda impensius religione prohiberi , post triduum *tanquam dormiens*
 „ *excitatus est Dominus : misit Dominus Angelum suum* , qui pendentem ab
 „ uncis protinus liberaret , faucium curaret , viribus lassum reficeret ,
 „ atque Italiam repetendam moneret : Quo jubente Italiam reversus est .

„ Quid enim ultra ageret inter barbaros ad necem undique petitus
 „ homo , quem Deus omnipotens & immortalis insigni in omnem poste-
 „ ritatem prodigio ab ipsis mortis faucibus eripuerat ? Italiam itaque
 „ reversus est , ipso quidem *Assisinate* parente suo sanctissimo , quem olim
 „ in Syriam navigantem fuerat imitatus , in omni peregrinatione felicior ;
 „ quum & martyrii occasionem fuerit nactus , & fortia meruerit pro Chri-
 „ sto perpeti usque ad mortem , a qua sola ipsius Dei liberatoris manu
 „ servatum viderant ; atque Antistitem græcum , qui ob abjectam religio-
 „ nem summi ordinis præfecturam apud Turcas acceperat , ad meliorem
 „ mentem revocatum secum tanquam opima spolia reportaverit .

„ Præclarissima hæc quidem sunt , sed majora etiam alia virum con-
 „ stantissimum in posterum tempus manere quis dubitaverit ? Nunquid
 „ etenim eximii beneficii lōco Deus liberalissimus emerito victori lau-
 „ ream in ipso apparatu triumphi eriperet , nisi ad aliam certaminum glo-
 „ riam ita servasset , ut , ei novis ipsis auctior atque illustrior pompa
 „ splen-

„ Splendidiori , quæ præteritam tarditatem impleret , triumphus post-
 „ modum adornaretur ?

„ Intellexit profecto longa rerum divinarum contemplatione vir
 „ cœlis , quàm terris conjunctior , se reliquâ vitæ usurâ , tanquam alie-
 „ nâ , fruiturum , eam de se sustinendam suscepisse expectationem , quæ
 „ omnino decebat martyrem ; (nemo jure succenseat credo , si hunc juxta
 „ veterem patrum morem , statosque ritus , saltem heic inter orandum ,
 „ martyrem nominemus) Intellexit, inquam, planè, quam virtutis lucem
 „ esset populis exhibiturus , dignus habitus olim qui suum pro Christo
 „ sanguinem pene omnem profunderet , ac nihil sibi esse in posterum nisi
 „ de salute hominum cogitandum : quam de se injectam omnibus exspe-
 „ ctationem non egregie sustinuit modò , verum etiam cumulatifsimè su-
 „ peravit .

„ Hinc vidisses interritæ constantiæ virum religiosissimum , ad suos
 „ jam regressum , nullam sibi a prorsus impervio novarum virtutum cur-
 „ sū accipere vacationem ; nullum divini verbi diffeminandi finem inve-
 „ nire , præsertim ubi in *plurima* quidem *messe operarii* essent *pauca* , per vi-
 „ cos nimirum , per agros , per castella , & quater , & quinquies , & se-
 „ xies , & duodecies quandoque in die , diversis in locis , populos concio-
 „ nibus ab vitiis revocantem , ad virtutes inflammantem , nullâ vel æ-
 „ ris intemperie , vel imbrium niviumque copiâ , non locorum viarum-
 „ que asperitatibus , non debilitate naturæ , non adversa valetudine , in-
 „ ter contumelias interdum ac verbera , præpeditum .

„ Adspexisses docentem pueros , & rusticos ad pietatem instituen-
 „ tem , & undique inveteratas familiarum similitudines componere , popu-
 „ lorum contentiones compescere , & inter armatos pro aliena salute
 „ prorueret , ac quum iis laboribus fructus uberrimus responderet , non
 „ ad sanandos tantummodo animos incumbere , verum hinc abluere pe-
 „ des peregrinantium , purgare vestes , capillos tondere , hinc solari , &
 „ collecto ostiatim victu , egentes alere , reficere ægrotantes , aptare le-
 „ ctos , tabida ulcera libando curare , hinc perpetua pene ubique loco-
 „ rum pauperibus subsidia constituere , templa a fundamentis exstruere ,
 „ instaurare , ornare decentius , aliaque permulta eximia quidem omnia
 „ in omni vita agere , perficere , meditari , quæ neque heic recenseri no-
 „ tissima necesse esset , neque hoc præstituto loquendi spacio satis apposi-
 „ tè commendarentur .

„ Cerneret inter hæc autem veterem disciplinæ rationem eum mor-
 „ dicus retinere , abiecta quamvis & operosa munia summâ alacritate
 „ subire , nunquam in culcitrà , catenâ & loricâ ferrea perpetuò præcin-
 „ ctum , flagris attritum inediâ labefactari , acriorem in dies sui corpo-
 „ ris castigationem urgere , donec tandem longa atque admirabili labo-
 „ riosissimi instituti patientia , tot confectus curis , tot cruciatibus fra-
 „ ctus ac lancinatus , non minus quam ardentiori divinæ charitatis impe-

„ tu

„ tu absumtus , sexto supra quinquagesimum ætatis anno , ad eum , quem
 „ tota mente complexus fuerat , Deum immortalem , e corporis vinculis
 „ tanquam e carcere sublatus est .

„ Unde id ego nunc mihi sumam , PATER BEATISSIME , ut viri cla-
 „ rissimi exitum vitæ sanctissimè actæ maximè consentaneum digna pro-
 „ sequar laudatione ; ac satis pro rei dignitate commemorem , quot mu-
 „ neribus Deus munificentissimus perspectæ virtutis hominem ornaverit ,
 „ quot signis prodigiisque virtutem hominis & sanctimoniam apertissi-
 „ mè comprobaverit ?

„ Familiare ei quidem fuerat , dum inter homines ageret , arcanos
 „ animorum sinus excutere , futurarum rerum eventus certo præfagio si-
 „ gnificare , morbos e corporibus , insaniam a mentibus depellere , in ari-
 „ do aquæ fontem sitientibus aperire , bovem demortuum revocare ad
 „ opus laboris , indomitum bruti genus vocis imperio compefcere , pau-
 „ peribus pluries victum prodigio augere , fluvios aquis intumescences sic-
 „ co pede trajicere ; ut omnino videri posset , non modò homines natu-
 „ ræ habitu vitiisque ferociores , ac bruta animantia , sed etiam ventos ,
 „ tempestatesque ejus voluntatibus obtemperasse .

„ Eaque , postquam ab hominibus excessit , nullo umquam tempo-
 „ re intercidit , imò illustrior accrevit gloria ; adeo quidem ut non so-
 „ lum *Amantricii* incolis , ubi supremum diem oppetiit , sed finitimis quo-
 „ que populis funus illustre , viscera suavissimè olentia , digitus Medici
 „ curantis cadaver a præsentis vulnere repente sanus , mulier e morbo ex-
 „ templo convalescens , atque , ut alia hujus generis clarissima omni tem-
 „ pore patrata prodigia prætermittam , *puero* ab nativa cæcitæ facultas
 „ videndi impertita , asperum vulnus in genu *saucio* cuidam repente oc-
 „ clusum , *puer* alius toto corpore debilis mirificè roboratus , *mulier* ab
 „ desperatæ curationis fistula , statim ad valetudinem reducta tot virtuti-
 „ bus aliunde prius quæsitam Viro eximio celebritatem nominis latissimè
 „ confirmarint . Quæ omnia , ab insignis memoriæ principe Clemente XII.
 „ decessore Tuo ut Beatorum nomine appellaretur , abs te verò uti inter
 „ cœlites , rectè , atque ordine , solemniter adnumerandus judicaretur ;
 „ PATER BEATISSIME , perfecerunt .

„ Sed neque ea inconcinno prorsus stilo hisque angustis præfinito
 „ essent jejuniùs sortasse , quàm rerum magnitudo exposceret pertractan-
 „ da ; & jam nos tempus & locus admonet , ut longiùs quàm par erat præ-
 „ tergressam contrahamus Orationem . Quoniam verò huc fortè perveni-
 „ mus , ut in tuam de beato Viro sententiam incideremus , illud a me non
 „ prætereundum intelligo , quod ad ipsum tuum de ea re judicium perti-
 „ nuisse dicendum est .

„ Diem , ut probè poteris meminisse , summa olim felicitate insignem ,
 „ quo quinto ante anno in hoc divinum amplitudinis & dignitatis fasti-
 „ gium veneras , in eam rem elapsis retro mensibus consultissimè præsti-

„ tuisti , ut de hoc Viro cœlestibus honoribus consecrando primum ape-
 „ rires nobis elegantissimè Edictum tuum , id eo certissimo precatore Tibi
 „ sperans præstandum esse , ut Deus optimus & immortalis tui *Ministerii*
 „ *tempora benignus aspiceret ac Te suarum ovium pastorem* volenti lubentique
 „ animo servaret ac tueretur . Tua planè est tuisque verbis prolata sen-
 „ tentia , quam Te dicente a nobis omnibus plausu mirifico exceptam , ite-
 „ randam equidem Te audiente suscipimus libentissimè . Imploramus ita-
 „ que nunc fidem tuam , ut ea , quæ recepisti , quàm citissimè absolvas ;
 „ quò dum tuis Vir beatissimus annuat votis , nos tandem ab impendentium
 „ malorum impetu ac malorum formidine liberemur .

„ Hoc Capuccinorum Familiæ de re christiana optimè meritæ voci-
 „ bus , hoc & universæ christianæ Reipublicæ nomine postulamus , quot-
 „ quot heic adsumus ante Te in obsequium provoluti , immortalibus Tibi
 „ devincti beneficiis collegæ olim tui : Qui dum tuo munere de novis Viro
 „ sanctissimo a Te decretis honoribus publica communique voce amplif-
 „ simè gratulabimur , illud fortasse a nostris temporibus non longè absu-
 „ turum confidimus , quod ad tuam potissimum laudem sit referendum ,
 „ ut ejus nimirum præsentis auxilio in pace nunc compositis dissidentibus
 „ Regnis , religiosissimi Principes , eo post desuper ducente signa , Bizan-
 „ tium , toties votis communibus quæsitum frustra , (O stultas nostras con-
 „ tentiones !) Bizantium tandem aliquando pro causâ Fidei christiana in-
 „ ferant arma , quò ut Religionem inferret , Eum , dum viveret , neque
 „ cruciatus , neque vulnera , neque ipsam præsentissimæ mortis faciem
 „ novimus perhorruisse .

Non sine plausu excepta est tum hæc D. Pirelli , tum altera D. Ad-
 vocati Pauli Francisci Antamori Oratio , qui statim post eum vitam B. Ca-
 tharinæ de Ricciis tam innocenter ductam , & a Deo tot signis illustratam
 eleganter hoc ordine recitavit .

„ **S**I quum aliquam , BEATISSIME PATER , summi ponderis momenti-
 „ que rem a Viro dignitate maximo impetrare contendimus , satis
 „ esset rei ejusdem æquitas veritasque perspecta ad nostrum animum , ne
 „ prorsus timeret excitandum atque inflammandum ; non modò sanè ho-
 „ dierno die minimè formidarem , quin potius inusitatâ quadam alacrita-
 „ te proreptus gestirem , exultarem , triumpharem . Petiturus enim a Te ,
 „ quem penes omnia jure ac ratione penduntur : Petiturus , inquam , ut
 „ beata Catharina de Ricciis in Sanctorum numerum cooptetur , non vi-
 „ deo quid metuendum , si mira constat ipsius virtus , mira pietas , mira
 „ religio . At facere non possum quin commovear & totis prope artibus
 „ contremiscam , quum SANCTITATEM TUAM & summæ majestatis , &
 „ inauditæ sapientiæ splendore undequaque fulgentem intueor , & tot
 „ cum doctrina tum dignitate delectissimorum virorum coronam conside-
 „ ro : eorum præsertim , quos optimè de universa Ecclesia meritos tutif-
 „ simos

„ simos ejusdem Ecclesiæ cardines esse conspicio . Ad hoc etiam accedit,
 „ quod qui ante me admodum copiosè dixerunt, Oratores tantâ eloquen-
 „ tiâ præditi visi sunt , ut ego omnium postremus neque arte , neque in-
 „ genio , neque exercitatione sim cum illis comparandus . Illud tamen in
 „ tanto , quo perturbor , metu me recreat & reficit, quod quantum B. P.
 „ sapientiâ vales , tantum clementiâ abundas , quâ quidem ut mihi pri-
 „ mum hodie hunc amplissimum laudis aditum aperuisti, ita tacitâ volun-
 „ tatis significatione denotasti, imbecillitatem meam pari benignitate sub-
 „ levaturum . Minuit etiam perturbationem meam ipsius Orationis con-
 „ ditio, quæ tota in percensendis integerrimæ Virginis præclarè gestis oc-
 „ cupata, purum quoddam & candidum requirit dicendi genus, quod ejus-
 „ dem morum simplicitati pariter æqualiterque respondens ab omni ver-
 „ borum fuco figurarumque pigmento prorsus abhorreat . Itaque cum
 „ non tam exornare dicendo , quam numerando enarrare debeam beatæ
 „ Catharinæ de Ricciis præclara facinora , non admodum difficilis sese
 „ ostendit Oratio, ut penitus timere desinam; Te potissimum B. P. ingenii
 „ mei tenuitatem excitante , qui quantum justitiæ dare soles, tantum cle-
 „ mentiæ concedis .

„ Non a Patria licet florentissima , non ab opibus licet copiosissimis,
 „ non a genere licet clarissimo faciam , ut plerique solent , initium . Una
 „ est enim virtus , vera nobilitas , veræ opes , vera gloria , unaque sancti-
 „ tas veræ laudis fons , & una porro commendanda . Hisce igitur , omni-
 „ bus ultrò silentio prætermisissis, animi tantum ornamenta adducam, quæ
 „ sola bona , sola plurimi habenda putamus . Ut itaque , unde par est ,
 „ exordiar , Florentiæ totius Hetruriæ Urbe Principe , præclarâ ditique
 „ Ricciorum familiâ orta est B. Catharina de Ricciis, quam primum Ale-
 „ xandram nuncupatam fuisse accepimus . Jam a pueritia facilè dignosci
 „ potuit quænam ipsa olim esset futura ; quippe quæ nondum primo suæ
 „ ætatis luitro confecto eam coepit vitæ rationem , quæ sanctitatem por-
 „ tenderet omnino singularem ; nam ludis omnibus , unde puerilis ætas
 „ delectationem petere solet , omnino neglectis, solâ oratione oblectaba-
 „ tur ; cui quidem ut diligentius vacaret , remotiori secretiorique pater-
 „ næ domus angulo latitabat . Qua in re illud præcipuè mirandum puto ,
 „ quod in Dominicæ Passionis contemplatione potissimum occupata adeo
 „ commovebatur , ut dolorum particeps fieri cupiens membra compone-
 „ ret sua eo fermè modo , quo Christum in spiritu intuebatur , nunc ma-
 „ nus ad Cælum attollens , nunc caput tenens , nunc brachia post terga
 „ retorquens , seque ita aptans , ut Illum & orantem in horto , & Spincâ
 „ Coronâ redimitum, & Columnæ alligatum, & Cruci denique affixum &
 „ animi & corporis conformatione prosequeretur . Hinc Angelus Domi-
 „ ni familiariter ipsi se visendum præbuit , viamque docuit tutissimam ,
 „ ne a suscepta vitæ ratione abstraheretur .

„ Itaque cum Monialibus suburbani Asceterii sancti Petri e Monticu-

„ lis nuncupati commissâ foret sub Amitæ disciplinâ, tantum virtute pro-
 „ fecit, quantum ætas minimè patiebatur ; quippe parcissimè atque duris-
 „ simè vitam sustentans vix somno paulisper membra concedebat , cum
 „ sensibus evocata & dies & noctes Crucifixi Reparatoris nostri pœnas
 „ doloresque acerbissimos meditaretur . Hinc de eodem quem deperibat,
 „ unus erat ipsi sermo idemque frequens idemque sollicitus . Cujus qui-
 „ dem rei testimonium occurrit sanctissima Eiusdem imago , quæ ipsam
 „ sæpenumero alloquuta fertur , quæque tanti prodigii memor servatur
 „ adhuc ibidem immortalitati consecrata .

„ At Virgo, quam commendamus, arctioris disciplinæ studiosior inde
 „ discedit, Sororibusque omnibus valedicit ingenti luctu & mœrore con-
 „ fectis . Monasterium Pratense sancti Vincentii Tertii Ordinis Prædica-
 „ torum sibi delegit, ibique statuit sibi perpetuò commorandum . Id verò
 „ Pater , qui eam nobili viro jungendam decreverat , ægrè admodum tu-
 „ lit atque acerbè . Hinc neque precibus neque minis pepercit, donec tan-
 „ dem interposito de celeri reditu fidei sacramento inde domum abduxit
 „ omnia expertus, ut eandem a proposito dimoveret . Cum verò ille post
 „ dies conventos fidem falleret , squalere , mœrere , afflictari visa est de-
 „ cepta Virgo ; quamobrem præ nimia animi ægitudine in febrim inci-
 „ dit , cui tamen affuit visibili specie Christus , Deiparâ Matre , Cæciliâ ,
 „ & Theclâ , præcipuis ægræ puellæ Patronis , comitantibus , salutemque
 „ pollicitus recreavit afflictam spe certâ mox eam relicta claustra repeti-
 „ turam . Convaluit itaque , & Genitore, qui digitum Dei in re cognove-
 „ rat , annuente rediit ad Pratense Monasterium , ubi annos tredecim na-
 „ ta religiosæ vitæ ingressa est tirocinium , & perfectionis iter arduum .
 „ Quanta tunc temporis , quo aurum in fornace probatur , præconiis di-
 „ gna præstiterit , satius fore existimo si præteriero , ne flores , cum sup-
 „ petant fructus uberrimi , colligere videar . Illud tamen silentio obvol-
 „ vere minimè possum , quod ipsa de se humillimè sentiens, ut Monialium
 „ numero adscriberetur, maximè verebatur . Qua de re sollicita admodum
 „ singulas flagitare, singularum pedibus se supplicem abjicere ne repudia-
 „ retur , visa est , singulisque polliceri sibi precanti non defuturum a Deo
 „ auxilium , quo sancitas a Dominico leges executioni mandaret .

„ Verum ad ea jam festinat Oratio , quæ solemnibus votis emissis
 „ edidit documenta virtutum sanè inaudita , de quibus cogitans facere
 „ non possum , quin summam rapiar in admirationem . Quæ tamen nè
 „ huc illuc vaganti sermone afferam , bipartibor Orationem meam , &
 „ quibusdam quasi cancellis constringam . Et quoniam virtus omnis , ac
 „ Sanctitatis perfectio duobus in mandatis ferè vertitur , a quibus lex
 „ pendet universa , in amore scilicet adversus Deum , & charitate erga
 „ Proximum , adeo in utroque B. Catharinam de Ricciis excelluisse o-
 „ stendam , ut cum omnia argumenta protulero , æqua SANCTITATI TUE
 „ postulatio nostra profecto videatur ,

„ Si per

„ Si per singula , quæ B. Catharina dedit , Divini amoris testimo-
 „ nia percurrere statuissem , dies porro me ante deficeret , quàm oratio.
 „ Itaque faciam more pictorum , qui magnam hominum multitudinem
 „ in exigua tabella concludere coacti , quorundam dimidiam corporis
 „ partem , aliorum summa capita , nonnullorum os vultumque osten-
 „ dunt , reliqua verò occultant . Alia igitur delibabo , leviterque osten-
 „ dam , alia autem de industria præteribo . Quod aliter præstare ne-
 „ queam propter rerum dicendarum copiam , ex iis , quæ nuper attigi ,
 „ futuræ virtutis rudimentis , facile potest cogitatione complecti . Ja-
 „ ctis enim fundamentis mirificè tota moles visâ est respondere , quam
 „ cœptam perfecit , consumavit . Revera tota illa dicata Deo , cui se
 „ votis alligarat , in id incubuit unum , ut eidem placeret , eo sanè
 „ pacto , quo de sacra Sponsa in Canticis prædicatur . Illius enim in-
 „ star anxia , sollicita , irrequieta videbatur ; quam non quies , non
 „ remissio , non æqualium studia delectarent , cum nihil in vita expe-
 „ tendum putaverit , nisi quod esset cum perfecta charitate conjunctum .
 „ Quamobrem id unum sibi erat negotii , ut orando & contemplando ad
 „ Deum , quem sibi Sponsum delegerat , propius accederet . Propterea
 „ Eucharistico pane serè quotidie pascebatur , in quo quem sua anima
 „ diligebat inveniens amore languebat . Ibi enim myrrham cum aro-
 „ matibus , ibi savum cum melle , ibi vinum cum lacte Christi Sponsa su-
 „ mebat , & inebriabatur . Hinc dulcissima amoris deliquia , hinc inau-
 „ ditæ ecstasæ , hinc raptus mirifici , quibus Sponsum osculo oris sui os-
 „ culabatur . Incredibile dictu est quanto ardore illa flagraret , quantis
 „ coelestium gaudiorum deliciis illa frueretur , in qua sicut passiones
 „ Christi abundabant , ita & per Christum abundabat consolatio .

„ At ad singularia quædam neque hæctenus audita veniamus , quibus
 „ ejusdem charitas mirum in modum declaratur . Jam nonum & deci-
 „ mum attigerat annum felicissima Virgo , quum ei subjecta sensibus fa-
 „ cta est visio mirabilia præferens . Nam ipsi Altare , quod in horto Cœ-
 „ nobii erat , Crucifixi Salvatoris effigie ornatum , invisenti tres ibidem
 „ Cruces spectandæ sese exhibuerunt , earumque in medio ipsemet Jesus
 „ spineâ Coronâ circumdatus , undanti sanguine perfusus , latusque trans-
 „ fixus eâdem quidem specie tristissimâ , quâ trepidus Calvariæ locus ipsum
 „ quondam aspexerat . Tum illa acerbi spectaculi dolore percussa animo-
 „ que deficiens semiviva procubuit , ut quæ Virginis Matris dolorem sen-
 „ serat , defectum quoque pateretur . Sed si Mariæ Matri & Magdalene
 „ condoluit , cum Matre & Magdalene congaudere merita est die ipso so-
 „ lemni festoque Paschatis , quo ei apparuit Jesus gloriâ coruscans eâdem ,
 „ quâ ex mortuis resurrexit , seque eidem ut Mariæ Matri & Magdalene
 „ videndum præbuit , & vulnera sua deosculari concessit .

„ Quid verò charitas non operatur ? Catharina seorsum ab aliis An-
 „ gelico pane refici , seorsum comedere , seorsum orare jubetur , quippe
 „ quæ

„ quæ quidquid præstaret extra se ipsam rapiebatur , nec diu consistere
 „ poterat eodem loco formâ & aspectu , ut palam videretur cœlesti ar-
 „ dore correpta . Hoc autem tum præsertim patefactum est , cum in tri-
 „ bus illis supplicationibus , quas ad expianda hominum peccata perage-
 „ re Jesus illi præceperat , tot tantosque passa est mentis excessus , quot
 „ quantosque dicere atque enumerare non possim . Videres Eam Crucem
 „ manu gestantem huc illuc vultu exultanti vagantem , modò euntem ,
 „ modò redeuntem ad Aram , rei peractæ immemorem rursus eandem re-
 „ petentem , ac omnia tantâ spiritus alienatione præstantem , ut omnino
 „ obstupesceres . Revera omnes quæ astabant Sorores rem tantam prodi-
 „ gii similem putarunt , quarum oculis splendidissima lux offerebatur cir-
 „ cum se volvens os , aspectumque Catharinæ mirifica varietate colorum .

„ Sileant verò domestici testes , cum aliunde tutissimam iis , quæ de
 „ tanta charitate diximus , fidem parare possimus . Enim verò testis am-
 „ plissimus Bavarix Ducis Filius , qui Patris jussu ipsam adiit , vidit , ad-
 „ miratus est tanquam divinitus de Cœlo demissam ; cujus ex ore pendens
 „ arcana audivit , quæ non licet homini loqui , de mysteriis Epiphaniæ ,
 „ de mirabili Magorum adventu , de prima Christi manifestatione , cujus
 „ eo die recolebatur memoria . Qua in re illud præterea admirandum vi-
 „ detur , quod sermonis cum eodem diutius habiti nihil prorsus inde me-
 „ minerit , ut dubium minimè sit , quin Deus esset in ore ejus , daretque
 „ quid in illâ horâ loqueretur . Testis etiam pietate celeberrima Hetru-
 „ scorum Princeps Eleonora , quæ sæpius Catharinam alloquuta facilè in-
 „ tellexit se cum eâ verba facere , quæ utrum in corpore esset , an extra
 „ corpus ignorabatur . Testes denique puellæ omnes (ne innocentissimæ
 „ ætatis testimonium relinquam) Testes , inquam , rei tam novæ , qua sa-
 „ nè singularem eandem putamus . Cum illæ juvenili quodam impetu ul-
 „ tro citroque concursantes Ædiculæ sacre , qua orabat Virgo , sortè impu-
 „ lissent Ostium , in caput ejusdem immotæ nescientes impegerunt tantâ
 „ quidem vi , ut percussum iterum clauderetur : Cujus rei causâ perspe-
 „ ctâ noverunt simul hærentem Virginem inconsulto ictu malè affectam ,
 „ nec tamen excitam . Etenim tam altè sublata erat in Deum , ut vix de-
 „ nique se levi capitis dolore laborare senserit , cum illinc in Ecclesiam
 „ fuisset delata . Quibus tamen de rebus non est cur magnopere miremur ,
 „ cum de more suo per octo & viginti horas assiduas quâlibet hebdomadâ
 „ nixa genibus orans persistaret , ac porro ita sensibus amota , ut divinâ
 „ movente vi sæpissimè sublata solo singulare sui exhiberet ac mirabile
 „ portentum .

„ Utinam verò id facere sibi semper licuisset , & assiduâ rerum divi-
 „ narum meditatione versari ! coacta est sibi temperare , ut Cœnobii quieti
 „ consuleret . Eò quippe , quò nondum clausurâ aditus prohibebatur ,
 „ ita frequens confluebat undique populus , ut Moniales summâ molestiâ
 „ afficerentur . Quare dilectum sibi Sponsum rogare jussa est , nè hujus-
 „ „ modi

„ modi ecstases incommodum Sororum quieti importantes deinceps elar-
„ giretur . Facta est quidem illa sui voti compos , non ita tamen , ut cha-
„ ritate diminutâ ab ipso deserta arefceret , vel jucundissimo ejusdem af-
„ pectu careret ; quin potius in corde suo ardens vehementius , quo mi-
„ nus solemni , eo arctiori dulciorique alloquio fruebatur . Quapropter
„ quæ Senensem Catharinam in suæ mentis alienationibus referebat , ean-
„ dem quoque expressit ceteris privilegiis muneribusque de cœlo præ-
„ stantissimis , quibus ipsam a dulcissimo Jesu largè donatam fuisse accepi-
„ mus . Tulerat illa in corpore suo Christi stigmata ; hæc tulit nostra Vir-
„ go : Passa fuerat illa spineam in capite Coronam ; hujus quoque caput
„ spinæ perfoderunt ; adeout parem utramque in omnibus fecerit Jesus ,
„ quippe utramque sibi dilectam delegerat , utramque annulo desponsa-
„ rat . Quæ cum ita sint , satis liquidò constare arbitror , quantâ in Deum
„ charitate flagraret B.Catharina , quam in eo & vixisse fideliter , & man-
„ sisse constanter carnis desideriis prorsus semotam planè intelligimus .

„ Sed quoniam (Auctor Apostolus) plenitudo legis est Proximi di-
„ lectio , ut qui eum diligit , penitus legem implet ; iccirco num tanta
„ Virgo , quam satis pro dignitate laudare non possumus , id quoque ,
„ quâ par est , ratione præstiterit , breviter consideremus . Ac profecto ,
„ quod pauperes omni ope sustentaret , victum pro illis quæriraret , suum
„ met iisdem distribueret , neminem vacuum , quum Monasterio præerat ,
„ dimitti juberet ; vulgaria sunt pietatis documenta . Quod Patribus
„ S. Dominici Pratenſis vel omnibus , vel singulis subveniret , infirmis So-
„ roribus præsto esset , flexis genibus cibos ipsis ministraret , non admo-
„ dum mirum videtur . Quod etiam somni quietisque jacturâ ægræ Mo-
„ nialium valetudini nunc lectulos sternens , nunc cibos præparans servi-
„ ret , quod earum pedes etsi labe infectos fuisset manibus ablueret , ab-
„ lutosque oscularetur , quod ulcera putri sanie manantia quadam cum
„ voluptate tractaret ; rarum quidem pietatis genus existimo . Illud ta-
„ men novum atque inauditum , quod semet ipsam hostiam Deo offerre
„ pro animarum salute non dubitaret , quod ferventissimas effunderet ipsi
„ preces , ne peccatores cum labe criminis decedere pateretur , quod cum
„ eo denique , ut ita dicam , pacisceretur se ultro pœnas laturam , quas
„ ejusdem justitia pro illorum expiatione statuisset . Qua quidem eximia
„ charitate complexa est animas omnes ubique terrarum & locorum ex
„ hac vita demigrantes sive Hæreticorum , sive Infidelium , nedum Ca-
„ tholicorum ; ut anathema pro omnibus fieri libentissimè vellet , pro
„ omnibus libentissimè quodvis subire supplicium . Adeo scilicet Pro-
„ ximi amore concitabatur , adeo erat de ipsius salute sollicita , adeo de
„ universi humani generis futura in cœlis beatitate cogitabat .

„ Hinc , ut ad singularia deveniam , vix dici potest quanta fecerit ,
„ quanta tulerit , ut nonnulli hominum perditissimi ad Deum converte-
„ rentur ; Orcique faucibus eriperentur . Ex hoc numero ille largas pro-
„ pter

„ pter eleemosynas optimè de S. Vincentii Cœnobio meritis, quem in
 „ tenebris pervicaciter ambulanti ad veram vitæ lucem revocavit, de-
 „ duxitque morientem ad gloriæ coronam. Ex hoc latronum quidam in-
 „ festissimus, qui ad ultimum supplicium petitus, spe omni æternæ salu-
 „ tis abjectâ, jam jam in manus diaboli tradebatur, quique tamen Catha-
 „ rinæ operâ resipiscit, pièque moritur: Catharinæ, inquam, quæ im-
 „ piam ob ejusdem desperationem tacta dolore cordis intrinsecus sustulit
 „ se lecto, quo jacebat infirma, Patremque misericordiarum eousque ro-
 „ gavit, donec pereuntis misereretur in copia gratiarum. Ex hoc alii
 „ quamplures, quibus propter diuturnas Catharinæ ad Deum obsecra-
 „ tiones facta est salus, quosque in hac brevitate temporis recensere mini-
 „ mè possem.

„ Id autem ea potissimum de causa factum est, quod ipsa tandem
 „ aliquando precibus lacrymisque obortis a Deo obtinuerit, ut a se ipsa
 „ adhuc viva omnes repeterentur poenæ, quas jure illis debebantur:
 „ Propterea cum latronem nuper commemoratum salvasset, integro qui-
 „ dem triennio intensissimo dolore capitis laboravit: Propterea cum Vi-
 „ rum dignitate Principem purganti flammâ liberasset, acerba sustulit:
 „ Propterea cum innumeros justis poenis traxisset, innumeros passa est
 „ toto corpore cruciatus, innumeris iisdemque vehementissimis afflicta
 „ doloribus, qui naturali causa minimè prodeuntes Medicorum scien-
 „ tiam curamque fefellerunt. Qua in re prætereunda non est Cathari-
 „ næ patientia, qua non solum obmutuit, ut mortua sensibus videretur,
 „ sed mulieris revera fortis exhibens speciem, hilari vultu lætoque ani-
 „ mo cuncta sustinuit.

„ Cum igitur tanta fuerit Catharinæ in Proximum, nedum in Deum
 „ charitas, ut de heroicâ ejusdem sanctitate jam sit minimè dubitandum,
 „ finem Orationi meæ, prout a principio pollicitus sum, faciendum in-
 „ telligis, BEATISSIME PATER. Sine tamen, quoniam pro benignitate tua
 „ tam diligenter me audis, sine, obsecro, ut paucissima de sui contemptu
 „ ante degustemus.

„ Quis igitur vel de se sensit humilius, vel suum corpus tractavit
 „ asperius? Quæ se omnium infimam, nec ceterarum consortio dignam
 „ putabat; quæ ovis & carnibus suâ mensâ rejectis, solo pane & aqua
 „ plerumque sustentabatur; quæ ad inediam usque severissimè jejunabat;
 „ quæ laboribus, quæ vigiliis corpus macerabat; quæ omni denique fla-
 „ gellorum genere sua membra vexabat, cruciabat, dilacerabat. Neque
 „ hac durissima vitæ ratione per dies aut menses persistisse credas, sed
 „ puta per annos octo & quadraginta. Quamobrem tam rigidam suo
 „ corpore in servitutem redacta, non sensit aliam sensus legem suæ men-
 „ tis legi repugnantem, nec cum carne luctata est, quam integerrimam,
 „ & Canticorum Sponsæ candori simillimam ad mortem usque servavit.

„ Hisce de causis fuit plurimis & maximis divinitus insignita donis,

„ ut

„ ut arcana cordium penetraret , remota videret , futura prænoscere ,
 „ infirmos sanaret , se ipsam multiplicaret . Id patuit , quum Mariæ Me-
 „ dices regias nuptias adhuc infanti prænunciavit , innumeris mulieribus
 „ pollicita est prolem , infinitis prope animi consilia detexit , plurimis
 „ varia morborum labe affectis sanitatem restituit , pluribus maximâ lo-
 „ corum distantîâ segregatis apparuit . Quod extremum quò mirabiliùs,
 „ eò clariùs constat , cum eandem in Pratenfi Cœnobio versantem & Soro-
 „ ribus , & Puellis in altero Prati Monasterio commorantibus , & laicis
 „ Personis , & Mariæ Magdalene de Pazzis Florentiæ , & Philippo Nerio
 „ Romæ se videndam præbuisse certa fide sciamus .

„ Plura adhuc hoc loco commemoranda suppeterent ; sed mihi de
 „ clarissimæ hujus Virginis præstantia & dignitate dicenti , & plura
 „ etiam dicere paranti novus tristisque rerum aspectus sermonem abrum-
 „ pit . Video enim infaustam novi syderis lucem super Catharinæ cubicu-
 „ lum recto radio coruscantem , mortemque ipsius portendentem . Video
 „ Moniales omnes , factâ Catharinæ jamjam obeunti coronâ choroque
 „ virgineo ; Video , inquam , omnes squalore obsitas mœrere , lugere ,
 „ lamentari . Audio per aera Angelorum concentum citharas præ ma-
 „ nibus habentium & clamantium : Veni Sponsa Christi . En igitur Spon-
 „ sa Christi Eucharistico pane refecta , Dominicæ Passionis meditandæ in-
 „ tenta ad imaginem Crucifixi Domini sua membra componens , expirat ,
 „ evolatque ad immarcescibilem , quò vocatur , coronam die B. Virgini
 „ Purificatæ consecrato , millesimo quingentesimo nonagesimo a Christo
 „ nato , suæ ætatis septimo & sexagesimo .

„ Hic ego quot tum admiranda contigerint , ut ejus facies diuturnâ
 „ maceratione consumpta refluoruerit , ut corpore toto & splendor cla-
 „ rissimus & odor suavissimus emanare cœperit , silentio obvolvam .
 „ Quantâ miraculorum gloriâ ipsius sanctitas declarata fuerit , ut ipso-
 „ rum fama ad terrarum longinqua devenerit , piosque populos unde-
 „ quaque conciverit , minimè commemorabo . Illud unum dicam , quo
 „ omnia continentur , duos Pontifices Optimos Maximos , Benedictum
 „ scilicet XIII. , & Clementem XII. amplissimis Decretis atque Judiciis
 „ tantæ Virginis pietatem eximiam comprobasse , quorum alter de ipsius
 „ virtutibus in gradu heroico constare pronuntiavit , alter , duorum præ-
 „ sertim miraculorum veritate perspecta , Beatificationis diploma jussit
 „ expediri .

„ Ad hæc autem duo præterea accedunt recentiora miracula , quo-
 „ rum utrumque Te coram æquis ponderibus examinatum plenè appro-
 „ bandum censuisti . Illud nimirum , quod Mariæ Clementinæ Staccioli
 „ factum fuisse recordaris , cui jamjam morituræ Catharinæ pileo ex pa-
 „ leis delato , & pectori imposito reddita est integra sanitas , sublato mi-
 „ rificè cancro exulcerato , cujus acerbitate per octo annos vexata fuerat
 „ atque excruciatâ . Alterum verò , quod Mariæ Magdalene Fabris in

„ Augustano S. Catharinae Coenobio divinitus datum est , quæ cum vix
 „ nostræ Virginis opem implorasset , a molestissima Arthritide in infernis
 „ artubus fixa , qua per triennium detinebatur , in pristinam salutem fuit
 „ subito revocata , omni soluto , quo carebat , motu membrorum .

„ Quæ cum ita se habeant, reliquum est, BEATISSIME PATER , ut tuis
 „ pedibus provolutus orem obtesterque per vigilantiam Tuam studium-
 „ que sollicitum , quo Dei Ecclesiam tueris , foves , auges , amplificas ;
 „ Orem , inquam , obtesterque , ut spectatissimam Virginem hanc Catha-
 „ rinam de Ricciis jam inter Beatos a san. mem. Clemente XII. Anteces-
 „ fore tuo relatam , nova prodigiorum luce aucta , Tu modò , una cum
 „ tot præclarissimis Viris , quorum jam causa confecta est , solemniter de
 „ more ritu Sanctorum fastis adscribas . Id per me unum postulant lectis-
 „ simæ Sorores omnes Monasterii S. Vincentii Pratenfis ; id inclytus Præ-
 „ dicatorum Ordo cum de Ecclesiastica re , tum de hac S. Sede optimè
 „ meritis ; id Pratum & Florentia piissimæ civitates , & unâ Hetruria
 „ omnis ; id demum universus catholicus Orbis , cui per Te unum in
 „ Catharina addi potest nova lux , nova tutela , novum subsidium . Spe-
 „ randum est enim , ut hæc omnium præconiis celebranda Virgo , ubi pu-
 „ blico solemnique cultui ac venerationi proposita fuerit , unitatem tuea-
 „ tur Ecclesiæ ; optatam , jamque diu bellis ereptam pacem mundo con-
 „ ciliet ; Teque & Principem munificentissimum , & Pastorem vigilantis-
 „ simum diu multumque nostrum omnium felicitati & votis servet inco-
 „ lumem sospitemque . Dixi .

Orationibus absolutis , Sanctitas Sua , non per semetipsum , sed per Secretarium Litterarum Apostolicarum ad Principes hoc dedit responsum.

Quæcumque non minus ingentes sacrosancti Apostolatus curas in dies pro-
 pter temporum asperitatem magis magisque increbescerent non levi solatio
 lenire , quàm opportunum in tribulationibus levamen , certum apud omnipotentem
 Deum in periculis præsidium & salutare ad virtutes incitamentum comparare
 consueverunt : Omnia SANCTISSIMUS PATER ac Dominus noster in heroicis vir-
 tutibus , rebus præclare gestis ac miraculis beati Josephi a Leonissa , ac beatæ Ca-
 tharinae de Ricciis . Vobis tanta cum vestra eloquentia , judicii , doctrinaque laude
 enarrantibus , lætus excepit . In serie equidem Actorum beati Josephi ac beatæ
 Catharinae par laudatur innocentiae candor ad mortem usque tantopere servatus ;
 par narratur morbus , non alia contractus causa , quàm ut terrenas nuptias , ad
 quas adigebantur , constantes despicerent ; & coelesti Virginum Sponso Jesu Christo,
 qui pascitur inter lilia , suum virginitatis florem in horto concluso Religionis , hæc
 quidem Monialium S. Dominici , ille vero Minorum S. Francisci Capucino-
 rum per slemnia vota dedicantes , intactum custodirent . Hujus aurem sangui-
 num Sponsi imaginem in se ipsis representare cupientes præter assiduos cruciatus
 sibi ultro illatos , Catharina sacra Redemptionis Stigmata sinistro laeri , ma-
 nibus pedibusque cum sanguineis rutilantibusque notis insculpta , spinosum capiti
 infixum diadema , & sacrosanctæ Crucis signa dorso profundè impressa non sine
 intimis

intimis doloribus gerebat ; Iosephus pede manuque dexteris unco ferreo pro catholica Fide Constantinopoli e sublimi trabe suspensus , per triduum horribili supplicio , fame ac fumo Martyrium fecisset ; nisi Angeli beneficio ereptus curatusque , ad maiora in Italia ac mirabilia pro Christi nomine efficienda facinora fuisset reservatus . Porro pro egenorum subsidiis , pro rudium disciplina , pro odiorum extinctione , pro perditorum hominum reditu , pro animarum salute , pro divini demum honoris incremento idem utrique ardor , idem studium , eadem sollicitudo atque eadem ferme ab ipsis patrata miracula . Hec sanè omnia atque alia quamplurima etsi Iosephum & Catharinam cum Christo ejusque Matre beatissima Virgine Maria & Angelis , quibuscum in terris etiam frequentissimè versari & colloqui meruerunt , sempiternam in coelis vitam ducere certissimè manifestant ; non ante tamen Sanctissimus Pater de publico sollennique cultu iisdem deferendo agere censeret , quàm invocato consilii & veritatis spiritu , sine quo nihil est validum , nihil sanctum , in huiusmodi gravissima deliberatione coeleste lumen ostendatur . Eapropter laudatissimis Romanorum Pontificum Antecessorum suorum exemplis insistens , primum quidem Os Domini consulere , deinde verò in Consistorio semipublico tum Venerabilium Fratrum suorum S.R.E. Cardinalium , tum Patriarcharum , Archiepiscoporum & Episcoporum Romæ degentium sententias exquirere existimat ; ut exoptatam tandem , postulatisque olim a Regibus & Principibus , ac sæpe a Religiosis Ordinibus cum iteratis precibus a Vobis modò editis maximè expetitam lætitiâ ritè sanctèque possit indicare . Hasce animi sui significationes Sanctissimus Pater jussit me disertissimis Orationibus vestris subicere .

His peractis SANCTISSIMUS PATER recessit ab Aula Consistorii . Post aliquot verò dies Castrum Gandulphi tertio decimo ab Urbe lapide distans divertit ; non tam ut Pontificatus curis distentum relaxaret animum , & salubritate coeli propriæ consuleret valetudini , quàm ut liberiùs apud Deum de tota Canonizationis quæ jam imminebat , ratione cogitaret . Ob id redeuntibus sacræ Pentecostes feriis , triduo publicas ibi preces haberi voluit . Archipresbyterali igitur eo Templo damascenis aulæis convestito , & in Ara principe exposito inter undique collucentes faces Augustissimo Eucharistiæ Sacramento Veliternos, Tusculanos, Albanos, aliosque finitimos Populos invitavit , plenariam peccatorum Indulgentiam iis omnibus largiens , qui Sacramentali confessione expiati , & coelesti cibo refectioni per aliquod temporis spatium in eo Templo piæ Pontificis voluntati Deum precibus propitiarent .

Dici vix potest quantus illico Virorum ac Mulierum concursus fuerit ad Templum eo toto triduo , quousque sub meridiem Sanctissimus Pater solemni ritu Pontificali Eucharistiâ in Crucis formam ter circumductâ omnibus benediceret : Exciverat autem e patriis domibus tantam hominum multitudinè cum ipsa celebritas ad quam vocabantur , tum supremi Pastoris erga omnes benignitas & planè perspecta religio , cujus cum viderent impressa ubique vestigia , mirum non est , si ad omnem pietatis sensum eorum animos excitarentur .

Interea quinque Beatorum qui adscribendi Sanctis erant, compendiarie narratione Vitæ descriptæ jam fuerant. Excerpi hæc solent ex publicis Tabulis, quæ penes Sacrorum Rituum Congregationis Secretarium servantur. Eas igitur separatis libellis impressas R. P. D. de Valentibus Fidei Promotor jussu Pontificis, qui nondum Romam redierat, ad Eminentissimos Dominos Cardinales, Patriarchas, Archiepiscopos & Episcopos, quorum non pauci in Urbem peregre veniebant, transmittere curabat, ut ex hujusmodi Beatorum Vitis agnoscere quisque posset quid sibi ad majorem Dei gloriam & catholicæ Fidei incrementum circa eorundem Canonizationem consulendum Sanctissimo expeditiùs tutiùsque videretur. Hæc quæ sequitur superaddita libellis erat Instructio in unoquoque ex quinque ordinatim habendis semipublicis Consistoriis adamussim servanda.

METHODUS SERVANDA

In semipublicis Consistoriis ante proxima indictæ Canonizationis sollemnia, ex ritu habendis.

IN singulis hujusmodi Consistoriis de uno tantum Dei Servo ex quinque in Sanctorum numerum cooptandis tractabitur prout infra:

In primo agatur duntaxat de beato FIDELI a SIGMARINGA Martyre Ordinis Minorum S. Francisci Capuccinorum; In secundo; de beato CAMILLO de LELLIS Clericorum Regularium Ministrantium Infirmis Fundatore; In tertio; de beato PETRO REGALATO Ordinis Minorum Observantium S. Francisci; In quarto; de beato JOSEPHO a LEONISSA pariter Ordinis Minorum S. Francisci Capuccinorum, Confessoribus; & in quinto; de beata CATHARINA de RICCIIS Ordinis Prædicatorum Virgine.

Eminentissimi Domini Cardinales Cappis violaceis ex camellotto induti erunt.

Reverendissimi Patriarchæ, Archiepiscopi & Episcopi omnes in Urbe præsentés, necnon DD. Protonotarii, duo antiquiores Rotæ Auditores, & Camera Apostolica Procurator Fiscalis eas respectivè deferent Cappas, quibus in Pontificio Sacello uti solent.

Sanctissimi Domini Nostri brevis allocutio Actioni dabit initium, eaque Fratrum suffragia exquiret.

Eminentissimi Cardinales, ac Reverendissimi Patriarchæ, Archiepiscopi & Episcopi, suo proprio servato ordine, paucis suum sensum aperient.

DD. Cardinales dum sententiam prodere incipient, sigillatim nudato capite assurgent, eamque bireto tecti prosequantur sedentes.

Superiùs recensiti Præsules, ferentibus suffragia Eminentissimis Patribus, sedebunt capite aperto: Stabunt verò cum Summus Pontifex verba faciet.

Surgent autem ipsorum singuli, statim ac primus Patriarcha sententiam dicturus assurgat; Sicque jugiter permanebunt, donec ultimus Episcoporum loqui desierit. Auditis cunctorum Placitis, iterum Papa sermocinabitur.

Mox

Mox Procurator Fiscalis Camera consueta forma adstantes DD. Protonotarios rogabit, ut publicum Actorum documentum conficiant.

Eorundem Decanus ad Pontificis Familiares conversus illos advocabit in Testes; sicque Consistorium absolvetur.

Meminerint omnes Eminentissimi Cardinales, alique Reverendissimi Suffragatores, quod propriam quisque sententiam scriptam atque subscriptam tradere debet singulis vicibus eadem in Aula Consistoriali Reverendissimo Secretario Congregationis Sac. Rituum, vel ejus loco uni ex Apostolicarum Cæremoniarum Magistris.

Ideo &c.

COMPENDIUM

Vitæ, Virtutum, Martyrii, & Miraculorum, necnon Actorum in Causa Canonizationis BEATI FIDELIS a Sigmaringa Sacerdotis Professi Ordinis Fratrum Minorum sancti Francisci Capuccinorum, Præfecti Missionis Apostolicæ in Rhætia, & Sac. Congregationis de Propaganda Fide Protomartyris.

Ex Secretaria Congregationis Sacrorum Rituum.

„ **S**igmaringæ Constantiensis Diœcesis Oppido satis nobili in Sæviæ
 „ Ducatu ex non obscurâ Rojorum familiâ genitus Fidelis in lucem
 „ prodiit anno a partu Virginis millesimo quingentesimo septuagesimo
 „ septimo. Sacro Baptismatis fonte cœlo renatus, & a prima ætate a piis
 „ catholicisque parentibus iis studiis addictus, quibus ætas puerilis ad hu-
 „ manitatem informari solet, singulari morum candore & honestate aper-
 „ tum dedit de futura sanctitate præsagium. Adolescens ad Friburgensem
 „ Academiam missus, cum ibi studia scientiarum cum magno pietatis ar-
 „ dore conjungeret, brevi in utroque ita profecit, ut non minus virtute
 „ quàm doctrinâ ceteris omnibus antecelleret. Cum verò præter Philo-
 „ sophiæ, Theologiæ, & utriusque Juris peritiam accessisset etiam exte-
 „ rarum linguarum singulare ornamentum, factum est, ut nobilissimi ali-
 „ quot inter Germanos eum seligendum putaverint tanquam magis ido-
 „ neum, cui Magistro, Custodi, atque Rectori Filios committerent in Ita-
 „ liæ Galliæque itinere peragendo. Eorum precibus cum se Fidelis fa-
 „ cilem præbuisset, ita se in eo munere præstitit, ut & Deo & hominibus
 „ probaretur. Sex enim annorum spatio, quibus iter illud confectum fuit,
 „ commissos sibi Adolescentes ita gubernavit, rexit, erudivit, ut in Pa-
 „ triam cum fuissent reduces, non minùs insigni in Deum pietate imbu-
 „ tos eorum parentes confessi sint, quàm multiplici rerum cognitione
 „ versatos.

„ Friburgi paulò post ritu solemniori utriusque Juris laureâ ceterisque
 „ doctri-

„ doctrinæ insignibus decoratus in Allatiam perrexit , ut Enfishemii Ad-
 „ vocati munere fungeretur . Vix tamen in Fori lucem egressus Fidelis
 „ fuerat , causasque cœperat agitare , cum animadvertens inane esse atque
 „ vanissimum quidquid honoris , quidquid dignitatis aut lucri a Forensi
 „ exercitatione se aliquando consecuturum sperare poterat , imò etiam
 „ quanti alea illa in animæ suæ perniciem foret plena periculi , nuncium
 „ illi remittere statuit , seque totum divini Numinis obsequio mancipare .
 „ Per arduum igitur virtutis iter incedere cupiens , cum aliquot ex rigi-
 „ dioribus Ordinum Institutis consideranda sibi ob oculos proposuisset ,
 „ illud potissimum feligendum putavit , quod Patribus Capuccinis est pe-
 „ culiare , quodque proposito sibi fini assequendo omnium aptissimum vi-
 „ debatur . Neque cunctatus ; Cum , ut in eam Religionem admitteretur
 „ infimis precibus postulavisset , facilem aditum apud eos Patres doctri-
 „ næ & virtutis ejus minimè ignaros invenit . Antequam verò tam diffici-
 „ le perfectionis iter ingrederetur , quasi ascensiones in corde suo disposi-
 „ turus , sacris prius Ordinibus voluit initiari , seque Domino per Sacer-
 „ dotium consecrare . Die igitur ipsa quæ Seraphico Patriarchæ Franci-
 „ sco sollemnis est primum fecit Sacrum incredibili spiritus sui fervore :
 „ Quo peracto veterem expoliatus Hominem cum actibus suis , novum-
 „ que simul cum habitu Religionis indutus , qui secundum Deum creatus
 „ est , nova ingressus fuit tirocinia evangelicæ perfectionis . Quo tempo-
 „ re cum deposito quo antea vocabatur Marci nomine , Fidelis appellari
 „ maluisset , Magister Novitiorum quasi prophetico illustratus lumine ,
 „ quid de Fidei futurum erat , divinaret : *Et tu (inquit) esto Fidelis usque*
 „ *ad mortem , & accipies coronam vitæ .*

„ In eo stadio cum se positum Fidelis cerneret , quod tot votis ar-
 „ dentibus concupiverat , mirum est , quantum ad currendam viam exul-
 „ taverit sicut Gigas . Seraphici Patris imitator egregius tot edere statim
 „ cœpit humilitatis , obedientiæ , ac ferventissimæ devotionis exempla ,
 „ ut & Tyronibus & illis emeritæ sanctitatis hominibus præluceret .

„ Expleto itaque tot inter incrementa virtutum tempore Probatio-
 „ nis tanto pietatis sensu emisit Vota sollemnia , ut inter principaliora be-
 „ neficia , quæ Deo referebat accepta , votorum Religiosorum gratiam re-
 „ censendam putaret , & de agendis pro ea Domino gratiis , quàm de ipsi-
 „ met peccatis suis illum sollicitudo major urgeret . Hinc sermo illi fami-
 „ liarissimus postmodum semper fuit de commemoranda eorum felicitate ,
 „ qui in domo Domini plantati sunt , sui que cordis explicando dolore ,
 „ quod ex seculi tempestatibus in tutissimum Religionis portum se citius
 „ non recepisset .

„ Fidelem interea novis votorum stimulis ad altiora perfectionis
 „ culmina properantem singulari quodam amore atque benevolentia Su-
 „ periores Ordinis complectebantur . Admirabantur in eo siquidem præ-
 „ stantissimam Juris utriusque peritiam cum insigni animi humilitate
 „ conjun-

„ conjunctam , juvenilem ætatem cum peculiari morum gravitate atque
 „ prudentia copulatam , exactam disciplinæ Regularis observantiam ab
 „ humanitate , officio , comitate minimè segregatam . Hinc raro inter
 „ Capuccinos exemplo maturius quàm fieri soleat Christifidelium Con-
 „ fessionibus excipiendis addictus est , ipsique commissum Apostolicum
 „ Concionatoris munus . Utrumque autem tanta assiduitate , diligentia ,
 „ & Religionis zelo Fidelis exercuit , ut plures miseras animas vitiorum
 „ cœno involutas a Diaboli servitute , in qua diù multumque jacuerant
 „ vinculis voluntariis adstrictæ , omni prius labe purgatas , in filiorum
 „ Dei libertatem feliciter asseruerit . Neque enim aut humana prudentiæ
 „ carnis dictamina , aut Potentum invidia , aut voces Malevolorum , aut
 „ conatus Hæreticorum efficere potuerunt , ne poscentibus Pœnitentiæ
 „ Sacramentum domi forisque ministraret , ne contra Peccatores invehe-
 „ retur , ne contra Hæreticos declamaret , ne totis quibus poterat viribus
 „ malos mores evellere conaretur . Hinc ejus operâ laboribusque plurimi
 „ hæreseos infecti ad Ecclesiæ sinum reducti : perditissimi homines ad me-
 „ liorem frugem revocati : inveteratæ compositæ simultates : jussæ a Fi-
 „ delium ore exulare blasphemias : compositæ ad omnem modestiam mu-
 „ lieres : a Christianorum cordibus atque corporibus eliminata luxus , su-
 „ perbiæ , luxuriæ vitia . Licet enim bellum implacabile peccatis omni-
 „ bus indixisset , tamen explicari non potest quanto animi ardore , assidui-
 „ tate dicendi , eloquentiæ conatu , modis omnibus hæc præsertim vitia ,
 „ quæ tunc temporis in iis Regionibus grassabantur , infectaretur .

„ Cum verò in Fideli zelum fortem quidem Superiores Ordinis ani-
 „ madverterent , non tamen asperum illum atque humanitatis expertem ,
 „ sed cum admirabili quadam prudentia conjunctum , simul publicæ Fide-
 „ lium & privatæ Ordinis utilitati consulere volentes , eum Vitchyrchien-
 „ sis Cœnobii regimini admoverunt . Quo munere non ambitus vitio , sed
 „ obedientiæ virtute suscepto , nihil antiquius habuit quàm ut forma fie-
 „ ret gregis , singulasque Regularis disciplinæ Magistri partes impleret .
 „ Ipse igitur divinis laudibus persolvendis statis horis semper adesse : om-
 „ nia etiam humillima Religionis munia promptius obire : per multum
 „ temporis spatium in publica mensa se flagellis sæpissimè cedere : Ægro-
 „ tis inservire in abjectissimis ministeriis , eisque omni ope præsto esse &
 „ auxilio : Afflictos recreare : Errantes corripere : Valentes corpore avo-
 „ care a desidii : Ferventes cogere ad requiem : suave Christi jugum omni-
 „ bus allevare : omnes in sanctam animorum societatem & perfectam
 „ Christi charitatem unire : omnes ad currendum Religiosarum virtutum
 „ stadium verbo exemploque animare .

„ Interea verò sollicitus , ne dum aliis præerat dignitate & impe-
 „ rio , rebellis adversus spiritum caro sibi ipsi dominaretur , ciliciis , ine-
 „ diâ , vigiliis atque omni poenarum genere ita eam afflixit , ut in ser-
 „ vitudinem perpetuam planè redegerit . Cum tot apud Capuccinos solem-

„ nia

„ nia jejuniorum tempora sancitâ lege servantur , ut jejunando anni pars
 „ maxima ab iis Patribus transigatur , multò tamen plura Fidelis addidit :
 „ A die scilicet festo beatæ Mariæ Virginis in Cœlum assumptæ usque ad
 „ eum , qui S. Michaeli Archangelo sacer est , ita jejunare consuevit , ut
 „ neque in itinere constitutus de hujus jejunii rigore voluerit unquam re-
 „ mittere : singulis totius anni secundis , quartis , & sextis feriis , ab omni
 „ prorsus carne exactâ observatâ abstinentiâ , paucis tantùm leguminibus
 „ utebatur : Adventus verò & Quadragesimæ tempore , sicuti etiam in
 „ omnibus Apostolorum Sanctorumque nonnullorum vigiliis tam rigi-
 „ dum sibi jejunium indixerat , ut modicâ panis vinique quantitate con-
 „ tentus , nullis præterea cibis calidis vesceretur ; Quin etiam , ut omni-
 „ bus beatæ Mariæ Virginis suique Ordinis Sanctorum festivis diebus
 „ puriori ferventiorique spiritu se præpararet , in eorum pervigilio , præ-
 „ ter modicum panis & aquæ haustum , nihil aliud sibi penitus permit-
 „ tebat . Nec illud silentio prætereundum , quòd jejuniorum tempore eam
 „ sibi præscripserat rigidissimam legem nulla unquam ratione violandam ,
 „ ut ad vespertas , nisi fortè sequenti die concionaturus , à cibis omnibus
 „ abstineret . Neque magis indulgit somno , quàm cibo ; Eo enim usus est
 „ ita parco , ut , cum orationi , lectioni scribendisque concionibus ma-
 „ ximam noctis partem tribueret , tres , ad summum quatuor horas in
 „ sacco stramineo provolutus dormitando consumeret .

„ Adeo igitur mortificatus carne cum foret , illud Fidelis est conse-
 „ cutus , ut spiritu vivificatus non solùm intactum illibatumque ab omni
 „ mortifera peccati labe corpus animumque servaverit , sed promptior
 „ alacriorque in Deum elevaretur . Usque enim adeo oratione cum voca-
 „ li , tum mentali delectabatur , ut nec diu , nec noctu invictum ab ea
 „ spiritum relaxaret . Præter horas canonicas ab Ecclesiæ , & Francisca-
 „ næ Familiæ Ritu præscriptas , quas simul cum ceteris Fratribus gravi-
 „ ter decenterque psallendas in choro curabat , ea etiam officia recita-
 „ re solitus , quæ beatæ Mariæ Virgini , sanctoque Francisco sunt pecu-
 „ liaria , ab iis nullis unquam diebus abstinuit ; quin etiam post comple-
 „ tas nocturno tempore eas laudes , quæ Matutinæ dicuntur , ceteris cu-
 „ bitum repetentibus , ipse in Ecclesia coram Sanctissimo Sacramento fle-
 „ xis genibus perseverans , sanctæ orationis studia usque ad auroram pro-
 „ sequebatur . Divina verò mysteria tanto mentis ardore , tantâ sui spiri-
 „ tus suavitate meditabatur , ut contemplatione aliquando defixus atque
 „ in Deum raptus immobilis multo tempore permaneret . Porro qualem
 „ ac quantum suavitatis odorem Fidelis orationes emitterent coram Do-
 „ mino , ex eo facile dignosci potest , quòd , duo solitus cum fuisset ab
 „ eodem enixis precibus postulare , scilicet , ut vitam ab omni peccato
 „ immunem traduceret , fidemque suo sanguine confirmaret , utriusque
 „ voti compos effectus est .

„ Neque verò in hac claustrali tantùm , atque domestica vivendi ra-
 „ tio-

„ tione , quam non interrupto exercitio virtutum usque ad exitum vitæ
 „ est profecutus , ultimam perfectionis atque virtutis suæ metam sitam
 „ esse Fidelis voluit ; sed , quod magis mirandum est , eam cum admira-
 „ bili quadam Proximorum charitate conjunxit . Nunquam igitur magis
 „ exultare in Domino videbatur , quàm cum ægrotos inopes Homines in-
 „ viseret , solaretur , blandis piisque sermonibus recrearet : Detentis
 „ in carcere ea , quæ poterat , cum animæ , tum corporis solatia confer-
 „ ret : Collectis ex Divitibus eleemosynis aliorum inopiam omnium ipse
 „ pauperrimus sublevaret : Viduarum & Pupillorum causas apud ipsos
 „ etiam Principes promoveret . Austriacas Copias pestilens quidam gra-
 „ veolensque morbus invaserat , quo correpti miserandum in modum Mi-
 „ lites squalore confecti , viribus debilitati , omni destituti auxilio , vel
 „ in nuda humo , vel super tabulas , ut apud Milites moris est , decum-
 „ bere cogeantur . In hac tanta miserorum Hominum calamitate expli-
 „ care quis satis possit , quantum Fidelis charitas emicuerit ? Quos enim
 „ alii seu metu morbi , seu incredibili corporum sœtore repulsi diligen-
 „ tissimè declinabant , eos ipse singulos sæpissimè invisere , eorum ulcera
 „ pertractare , eorum tabem abstergere , eorum pedes lavare , eorum
 „ confessiones in terram pronus excipere , eorum sanitatem collectis un-
 „ dique delicatioribus cibus , conquisitis undique opportunioribus medi-
 „ caminibus procurare , eorum necessitatibus subvenire omni , qua pote-
 „ rat , ope tamdiu non destitit , quamdiu calamitas illa Vitchyrchii per-
 „ severavit .

„ Verùm nullum unquam majus , præclariusque Fidelis dedit suæ in
 „ Proximos ardentissimæ charitatis argumentum , quàm invicto illo , quo
 „ usus est , zelo in evellendis radicitus ab eorum animis perversis quibus-
 „ dam moribus , & orthodoxâ inter eos Religione tuendâ . Cum enim
 „ frequentissimis concionibus suis induratum scelestorum quorundam Ho-
 „ minum Mulierumque pervicaciam infringere minimè potuisset , nihil
 „ veritus eorum minas , vitæ periculum nihili faciens , omni conatu ad-
 „ hibito , ab iis , quibus gubernanda commissa fuerat Civitas , decretum
 „ obtinuit , quo cavebatur , ut vel resipiscerent , vel Senatus consulto de-
 „ leti a Civium numero in posterum exularent . Quin etiam cum plures
 „ Hæreticorum libri per Germaniam Italiamque postea evulgandi ad
 „ Vitchyrchieneses Mercatores transmitterentur , publicèque prostant ,
 „ non modò effectum est Fidelis operâ , ut hoc illis eodem Senatus con-
 „ sulto fortiter inhiaberetur , sed ubicumque in privatis etiam ædibus li-
 „ bros hujusmodi reperiret , eos ipsemet suis manibus tollere secumque
 „ abducere non dubitabat .

„ „ Voluntariis hisce frequentibusque veluti pugnæ atque confli-
 „ ctibus exercebat sese Athleta Christi fortissimus , preparabatque ad ma-
 „ gnum illud periculosumque certamen , quod erat paulò post pro am-
 „ plicanda Religione catholica subiturus . Non multos ante annos Rhæ-

„ ti , qui illam incolunt Alpium partem , qua Germania ab Italia dividi-
 „ tur , ex nimia cum Pagis Helveticis vicinitate , hæreseos peste contra-
 „ ctâ , infeliciter tabescebant . Quin etiam , cum jam prope esset , ut in
 „ vicinas catholicas Valles penetraret , maximè verendum erat , ne ob
 „ assiduam cum illis Populis consuetudinem & mercimoniorum commo-
 „ ditatem sensim omnem Cisalpinam Galliam labefactaret . Huic tam
 „ gravi morbo tantoque vitando periculo , cum magno præsentique
 „ remedio opus esset , re diligenter a Summis Pontificibus Paulo V. , &
 „ Gregorio XV. consideratâ , statutum est , doctos aliquot religiososque
 „ Viros in Rhætiam esse mittendos , qui Religionis zelo inflammati &
 „ evellerent , & dissiparent , & plantarent , & ædificarent . Quoniam
 „ autem diuturno experimento compertum fuerat , Capuccinos , sicuti
 „ Apostolicam vivendi formam adeo egregiè & fideliter imitantur , ita
 „ omnium aptissimos esse Apostolicis hisce muneribus obeundis , ii potis-
 „ simùm inter ceteros delecti sunt , quibus id muneris committeretur .
 „ Cum verò inter Capuccinos ipsos morum integritatè , scientiarum splen-
 „ dore , vitæ sanctimoniâ , prudentiæ luce , linguarum peritiâ , Reli-
 „ gionis zelo unus Fidelis omnibus emineret , dubitandum diu non fuit ,
 „ cui inter alios , tamquam Duci , hujuscemodi Provinciam Superiores
 „ Ordinis demandarent .

„ Eam autem quàm forti alacrique animo Fidelis susceperit , quàm
 „ egregiè præconceptæ de sua virtute opinioni responderit , norunt ii
 „ omnes , qui imperterritâ quâdam corporis animique constantiâ & diu-
 „ turnos maximosque exantlantem labores viderunt , & certissima capi-
 „ tis pericula subeuntem : Novit Ecclesia , quæ tot errantes miseros filios
 „ in viam salutis Fidelis operâ revocatos in sinu suo lætissima excepit : No-
 „ runt Hæretici ipsi , qui , cum Spiritui sancto per Fidelem loquenti re-
 „ sistere minimè possent , egregium de ejus doctrina , sanctitate , zelo te-
 „ stimonium summâ ipsius laude ferre coacti sunt . Et revera , ne pretiosis-
 „ simo Christi Sanguine redemptas animas lucrifaceret , suumque ministe-
 „ rium impleret , non hyemales montium asperrimorum altissimæ nives ,
 „ non intentatæ ab Hæreticis minæ , non fames , non nuditas , non sitis ,
 „ non frigus , non persecutio , non gladius deterrere potuerunt . Imbre
 „ madidus , sudore persusus , viribus destitutus montana quælibet ardua
 „ conscendebat , loca omnia nivibus & glacie quantumvis obsita pene-
 „ trabat , & in ipsis Hæreticorum Templis catholicæ Fidei dogmata præ-
 „ dicare non verebatur .

„ Inter hæc verò , ut propositum sibi finem faciliùs assequeretur , &
 „ universam Provinciam brevissimo tempore ab omni hæreseos labe pur-
 „ garet , in eo præcipuam operam duxerat collocandam ; ut Principes , &
 „ nobilissimi Regionis illius Homines ad saniolem mentem , ejuratis er-
 „ roribus , primò revocarentur ; ut ii , qui apud Hæreticos Prædicantes
 „ vocantur , supremo Edicto Principis ab universa Rhætia exulare jube-
 „ ren-

„ rentur ; ut omnes bis in hebdomada adesse catholicis dogmatibus expli-
 „ candis audiendisque concionibus cogerentur . Quæ omnia cum ipsi
 „ feliciter contigissent , stratum sibi gaudebat sanctissimus Vir amplissi-
 „ mam viam ad victoriam certissimè consequendam . Neque spe suâ fru-
 „ stratus est ; licet enim eam inde victoriam non omnino fuerit consecu-
 „ tus , quam animo reputabat , triumphum tamen inde in semetipso re-
 „ tulit singularem . Inde scilicet factum est , ut scelestissimi quidam in ter-
 „ Hæreticos pertinacissimi , cum de rebus suis diffiderent , si diutiùs Fi-
 „ delis viveret , furore in sanctissimum Virum amentes de ipso mactando
 „ nefarium consilium inirent , atque executioni mandarent .

„ Vitchyrchio , quò se ad paucos dies contulerat , redux in Rhætiam
 „ Fidelis , peragratis aliquot Oppidis , pluribusque concionibus habitis ,
 „ in Pago quodam (Luceyn Incolæ dicunt) tunc fortè contiterat con-
 „ cionaturus . Interea ex vicino Seviensi Pago delecti sunt , qui Fidelem
 „ pietatis simulatione adeuntes rogarent , ut Dominicâ primâ ad eorum
 „ Ecclesiam sese conferret concionem ad Populum instituturus . Quin
 „ etiam , quò faciliùs scelestissimi Homines voti compotes fierent , mul-
 „ tis pollicentur , se dicto audientes futuros , nihilque prætermisuros ,
 „ quod ipse faciendum præstandumque proponeret . Intellexit quidem
 „ Vir prudentissimus , se fraudibus & insidiis circumveniri , quod po-
 „ stea ipso rei exitu probatum est . Sive verò , quam tamdiu concupive-
 „ rat , Martyrii palmam sibi tandem oblatam respuere minimè vellet , sive
 „ Apostolico , quoungebatur , muneri aliqua ex parte deesse videri nol-
 „ let , illorum simulationi morem gerendum putavit .

„ Postero itaque die , cum in primis Rem Deo sacram fecisset , pro-
 „ fectus ad Ecclesiam in Sevis concionem ad frequentissimum Populum
 „ habiturus suggestum ascendit . Ibi verò patefactis subitò insidiis , tem-
 „ pus illud præsens esse cognovit , quod prophetico illustratus lumine
 „ venturum sæpe prædixerat , quo scilicet sibi erat , illatâ ab Hæreticis
 „ crudeli nece , obeundum . Vix enim in Rostris fuit , cum hæc verba
 „ certissimum imminentis mortis indicium ibi inscripta perlegit : *Hodie*
 „ *prædicabis , & non amplius* . Qua tamen re ceteri animum despondissent ,
 „ & periculi magnitudine territi mente concidissent , tantum absuit , ut
 „ Fidelis commoveretur , quin etiam cœlesti inflammatus charitate ere-
 „ ctus & confirmatus est . Divinâ igitur virtute fretus , majoremque
 „ præter consuetudinem alacritatem ostendens , impavidus concionem
 „ sacram aggreditur : Cum subitò armata hominum Hæreticorum manus
 „ impetu repentino in Ecclesiam irrumpit , altissimos insanosque cla-
 „ mores tollit , ingentique concitato tumultu adstantem Populum incre-
 „ dibili terrore & confusione perturbat : Quin etiam audacior quidam
 „ & furibundus , ignito globulo contra Fidelem exploso , eundem in ipso
 „ suggesto trajicere conatus est . Cum verò globulus , eo inoffenso , con-
 „ tra Sicarii mentem fuisset aliò delatus , Fidelis periculo , quod decli-

„ nare non poterat , animadverso , invictum sedatumque animum gerens
„ inter Populi strepitum clamoresque descendit , & ante majorem aram
„ flexo utroque genu procumbens , certissimè moriturus se , Catholicos ,
„ suosque ipsosmet hostes hæreticos Domino commendavit . Veritus ve-
„ rò , ne in tantâ rerum perturbatione atque tumultu multi , qui ex Ca-
„ tholicis aderant , sui causâ mali aliquid paterentur , per patentem ex
„ Ecclesiæ latere portam egressus est . Vix autem secesserat aliquantulum
„ e Templi foribus , cum furore amentes , crudelitatem rabiemque toto
„ ore spirantes nefarii quidam Fidelem circumveniunt , ensibus ferratis-
„ que fustibus immanissimè cædunt , & repetitis frequenter ictibus tamdiu
„ contundunt , quamdiu vulneribus supra viginti faucibus suo sanguine fœ-
„ dissimè maculatus , oculis ad Cælum , quoad poterat , paulò sublati ,
„ animam , plaudentibus & mirantibus Superis , exhalavit octavo Kalen-
„ das Maji anno salutis nostræ millesimo sexcentesimo vigesimo secundo .

„ Porro quanta fuerit in obeundâ morte Fidelis animi magnitudo ,
„ ipsi Hæretici fati norunt atque testati sunt . Cum enim quidam ex illa
„ Sicariorum cohorte gloriabundus in omnium cœtu narraret , Fidelem
„ præsentissimæ mortis aspectu nec territum , nec perturbatum , imò hi-
„ lari lætoque vultu in suo corpore vulnera quælibet excepisse , Hæreti-
„ cus præco tantâ commotus animi fortitudine , ejuratâ illico hæresi ,
„ Catholicus effectus est .

„ Sacrum Martyris corpus prope eundem locum , ubi fuerat inte-
„ remptus , primò sepultum , ad Ecclesiam deinde Curiensem ab Austria-
„ co exercitu triumphali pompâ delatum est die quintâ Novembris ejus-
„ dem anni , Clero universo Populoque euntibus obviam , illudque eâ
„ insigni veneratione prosequentibus , quæ tanto Christi Martyri debe-
„ batur .

„ Hæretici verò diuturnam ex tanto facinore voluptatem capere mi-
„ nimè potuerunt ; Cum enim a Leopoldo tunc temporis Austriæ Archi-
„ duce per summum nefas defecissent , collectisque copiis adversus Au-
„ striacos arma cœpissent , dum signa cum ipsis conferunt , sese illis , tam-
„ quam Austriaci exercitus Caput , spectandum Fidelis præbuit divino
„ lumine circumfusus , ensē manu vibrantem aspectuque eos terribili
„ minitantem : Quem cum inter ceteros ipsemet Hæreticorum Dux fuisset
„ intuitus , territus & semianimis fugam statim capeffere coactus est .
„ Cujus rei fama multorumque insignium miraculorum , quæ ad mani-
„ festandam sui Martyris gloriam a Deo patrata fuerant , longè latèque
„ vagata , summo postmodum fuit Principibus Populisque incitamento ,
„ ut tanti Martyris patrocinio se multis precibus commendarent . Quo-
„ niam verò eos inter Operarios , qui excolendam vineam Domini jussu
„ Sacræ Congregationis de Propaganda Fide susceperant , primus Fidelis
„ fuerat , qui eam proprio sanguine irrigaverat & fœcundaverat ; Hinc ,
„ ut etiam de seipsa tam benemerito Protomartyri suo majores , quas in
„ „ terris

„ terris poterat , grati animi vices eadem Congregatio rependeret , ejus-
„ dem operâ subito factum est , ut de eo inter gloriosiores Christi Marty-
„ res recensendo ageretur . Quod ut citius obtineretur , dato ad Urba-
„ num VIII. Pontificem Maximum supplici libello , Sacra eadem Con-
„ gregatio impetravit , ut omissis iis Processibus , qui auctoritate ordi-
„ naria fieri consueverunt , Apostolici tantum conficerentur .

„ Ii verò probè ritèque confecti cum fuissent , & ad Urbem delati ,
„ cumque ad rigidissimum examen de more revocata fuissent cum marty-
„ rium & causa martyrii , tum signa atque miracula , quæ ipsum fuerant
„ consequuta , demum in generali Rituum Congregatione coram Bene-
„ dicto XIII. Pontifice Optimo Maximo habitâ die vigesimâ quartâ Men-
„ sis Februarii anni millesimi septingentesimi vigesimi noni decretum est :
„ *Constare* , quòd in odium catholicæ Fidei interemptus verè Fidelis fue-
„ rit ; quatuorque ex pluribus adprobata miracula . Primum est , quòd
„ exorto in arce Majenfeldensi maximo incendio , post invocatam Fidelis
„ opem statim extinctum est . Secundum , quòd cum Soror Cæcilia Mun-
„ singerin Sanctimonialis Ordinis Cisterciensis mamillam dexteram hor-
„ ribili quodam modo inflammata haberet , doloresque acerbissimos pa-
„ teretur , invocato Fidelis auxilio , statim tumor omnis , omnis dolor
„ evanuit . Tertium , quòd , cum infantulus Franciscus Papussin vix in
„ lucem editus dexterum oculum primò fluentem , mox densâ suffusio-
„ ne obnubilatum habuisset , foramen quoque in medio ocelli conspectum
„ de humore crySTALLINO profluente suspicionem maximam ingessisset , Me-
„ dicus verò , tamquam re desperatâ , opem ferre recusavisset , Matre ad
„ Fidelis opem confugiente atque vovente , se diem vigesimam quartam
„ Aprilis , qua martyrium passus fuerat , inter solennes habituram , solu-
„ to voto , Puer ita sanatus est , ut nullum in oculo remanserit præteritæ
„ infirmitatis indicium . Quartum denique , quòd , cum Gaspar Stigher
„ ex Pago Gisingensi quinque annorum spatium laterum tergorumque tam
„ acerbo dolore fuisset afflictus , ut cuique labori , imò etiam motui im-
„ potens esset , postquam se Fidelis patrocinio commendavit , eoque gla-
„ dio contactus fuit , quo dicebatur fuisse percussus , illico pristinæ sani-
„ tati primisque viribus restitutus est .

„ Quapropter , cum Sacra eadem Congregatio Servum Dei inter
„ Beatos solenni Ritu recenseri posse dixisset , idem Benedictus XIII. ,
„ dato diplomate , die decimâ secundâ Mensis Martii anni millesimi se-
„ ptingentesimi vigesimi noni de Fidei Beatorum fastis adscribendo De-
„ cretum emisit , indulgitque , ut in universo Ordine Minorum S. Franci-
„ sci Capuccinorum , in Urbe Curienti , Sigmaringæ , Friburgi , atque
„ Vitchyrchii in ejus honorem Officium ac Missa de communi unius
„ Martyris quotannis anniversariâ illius mortis die recitaretur . Percre-
„ brescente verò postmodum illius sanctitatis famâ , Pontificia sanctione
„ permixtæ sunt propriæ de beato Fidei martyre Lectiones a Sacra Ri-

„ tuum

„ tuum Congregatione , audito Fidei Promotore , adprobata , ejusque
 „ nomen una cum illis , quæ in Romano Martyrologio leguntur , annu-
 „ meratum .

„ Causâ iterum reassumptâ , novi paulò post efformati fuerunt Apo-
 „ stolicâ auctoritate Processus , ut , quæ post cultum indultum diceban-
 „ tur patrata , miracula probarentur . Itaque post perpenfam diligenter
 „ admissamque eorum validitatem , ad examinandam eorundem miracu-
 „ lorum veritatem atque substantiam deventum est : Cumque in pluribus
 „ Congregationibus fuissent bene discussa , & in ultima generali duo ex
 „ quatuor plenis Patrum suffragiis adprobata , tandem aliquando die de-
 „ cimâ octavâ Mensis Januarii anni millesimi septingentesimi quadragesimi
 „ quarti Sanctissimus Dominus Noster BENEDICTUS XIV. Pontifex
 „ Optimus Maximus peculiari Decreto suo Apostolicæ confirmationis iis
 „ robur adjunxit . Primum ex iis fuit Fr. Carolus a Mediolano ex Ordine
 „ Capuccinorum Professus a morbo epileptico , quo per decennium labo-
 „ raverat , momento sanitati pristinae adeo restitutus , ut infirmus fuisse
 „ nullatenus videretur . Alterum in Josepho Kirner Puero quadrienni pa-
 „ tratum est : Hic enim ob rachitidem triennalem omnem pedum usum
 „ amiserat ; sed a Matre ad Ecclesiam Capuccinorum cum fuisset ductus ,
 „ beatoque Fidei ante ejus imaginem fervidis precibus commendatus ,
 „ consolidatæ subitò sunt bases ejus , relictisque , quibus corpus regebat ,
 „ fulcris , ita rectè ambulavit , ut suis ipse pedibus Domum redierit , sa-
 „ nusque semper incesse- rit .

„ Postremò , cum die vigesimâ quartâ Mensis Martii ejusdem anni in
 „ generali Congregatione coram Sanctitate Sua solennem beati Fidelis
 „ Canonizationem tutò perfici posse Patres unanimes affirmassent , eadem
 „ Sanctitas Sua preces priùs ipsa fundere statuit , & ut a Christifidelibus
 „ funderentur indixit . Die demum vigesimâ quartâ Mensis Aprilis , qua
 „ Martyrii beati Fidelis anniversaria memoria recolitur , cum in Ecclesia
 „ Capuccinorum fecisset Sacrum ad illud Altare , quo ejusdem beati Mar-
 „ tyris Reliquiæ erant expositæ publicæ Fidelium venerationi , Decretum
 „ expediri mandavit , ut Sanctorum Albo idem Fidelis adscribi posset . Pro
 „ cujus Decreti executione post Regum , Principum , Sacræque Congre-
 „ gationis de Propaganda Fide supplicationes usque a causæ initio sanctæ
 „ Sedi porrectas , humillimas etiam preces suas reverenter exponit tota
 „ Capuccinorum Familia .



C O M P E N D I U M

Vitæ , Virtutum , & Miraculorum , necnon Actorum in Causa
 Canonizationis BEATI CAMILLI de Lellis Fundatoris
 Clericorum Regularium Ministrantium Infirmis .

Ex Secretaria Congregationis Sacrorum Rituum .

„ **B** Uclanici , quod Oppidum satis honestum est Theatinæ Diœcesis in
 „ Regno Neapolitano , natalem diem sortitus est Camillus de Lellis
 „ octavo Kalendas Junii anno salutis millesimo quingentesimo quinquage-
 „ gesimo . Qualis autem futurus esset , divinis pluribus præfagiis , ante-
 „ quam nasceretur , ostensum est: Inter quæ illud est celeberrimum, quòd,
 „ dum eum Mater haberet adhuc in utero , visa est sibi Puerum peperisse
 „ gestantem Crucem in pectore , quem præeuntem , veluti Ducem , se-
 „ quebatur ingens puerorum turba eâdem Cruce condecorata . Et revera
 „ tanto præfagio certa spes visa est effulgere . Sacro siquidem fonte renatus ,
 „ & a Parentibus piè ingenuèque educatus , tale de se Puer specimen
 „ præbuit indolis facilitate & morum integritate , ut verè præventus
 „ a Domino in benedictionibus dulcedinis judicaretur . O tamen difficilem
 „ in adolescentia Hominis viam ! Nondum pubertatis annos Camillus
 „ attigerat , cum sensim in vitia deflectens , ita perditè cœpit aleis
 „ indulgere , ut dies noctesque in iis impenderet . In qua pessima sequenda
 „ vitæ ratione cum se postea eo tempore confirmasset , quo Patrem
 „ secutus nomen militiæ dedit , multò tamen adhuc vehementiùs ,
 „ Patre paulò post morte sublato , summo suo jure ad otium & aleas
 „ abusus est . Quo tempore illud maximæ fuit omnibus admirationi , quod
 „ ab execrando blasphemix vitio semper abhorruit . Divino tamen judicio
 „ atque permissu sortem adeo insensam & iniquam in aleis expertus fuit ,
 „ ut , profligato quamcitissimè patrimonio , universâque domesticâ re
 „ consumptâ , debuerit Romæ in Nosocomium sancti Jacobi Incurabili-
 „ lium secedere non tam , ut ab ulcere , quod in tibia itinerando contracterat ,
 „ convalesceret , quàm ut Infirmis famulando in abjectissimis ministeriis
 „ suorumque natalium conditione alienissimis sibi victum quomodolibet
 „ procuraret . Cum verò naturâ , voluntate , consuetudine ad aleas raptus
 „ se ab iis cohibere non posset , & Superiorum monitis nihil proficeret ,
 „ ne simili peste ceteros labefactaret , a Nosocomio dimissus est .

„ Româ in Dalmatiam profectus cum esset , & Castra Veneta contra
 „ Selymum Turcarum Tyrannum secutus , a præsentissimis , quæ in
 „ variis conflictationibus obiit , mortis periculis divinitus liberatus ,
 „ anno tandem millesimo quingentesimo septuagesimo quarto in Regiis tri-
 „ remibus

„ remibus Neapolim appulit . Illic reliquâ suâ re omni in aleas projectâ ,
 „ ne ipso quidem excepto , quo operiebatur , indusio , seminudus & re-
 „ rum omnium egentissimus Manfredoniam secessit . In ea Urbe ex Pa-
 „ trum Capuccinorum charitate in eorum Cœnobio receptus , cum ad
 „ vilissima quæque Conventus ministeria adhiberetur , brevi laboriosæ
 „ ejus vitæ pertæsus , pristinam libertatem & antea vitæ licentiam
 „ animo meditabatur . Clementissimus tamen Dominus , a quo Camillus
 „ ad tantam Proximorum utilitatem suique ipsius gloriam præordinatus
 „ fuerat , ut diutiùs erraret in invio , non passus est .

„ Ex Castro sancti Joannis , quò Superioris jussu se Camillus contu-
 „ lerat , jumento insidens quadam die Manfredoniam revertebatur : Cum
 „ ejus animum nunquam magis quàm eo tempore a meliori fruge re-
 „ motum inopinata & vehemens circumfulsit de Cœlo lux , antea vitæ
 „ vitæ ignorantias objecit ipsi ante oculos contemplandas , permovit ,
 „ perterrefecit , eaque specie concussum ac deturbatum humi prostra-
 „ vit : Tum in salutarem ipsum compulit doloris amaritudinem ; qua ex
 „ Saulo in Paulum , ex vase iræ in vas misericordiæ illico pertransiret .
 „ Vera mutatio dexteræ Excelsi ! cum deinceps ne leviter quidem ampliùs
 „ deliquisse perhibeatur . Ut ergo stetit ex eo lapsu , Manfredoniam re-
 „ versus ad Superioris pedes provolutus , de induendo ejus Religionis ha-
 „ bitu qua precibus qua lacrymis impetravit .

„ Vix itaque compos voti factus , orationis , poenitentiae , præcipuè
 „ verò evangelicæ humilitatis studio ita brevi profecit , ut proprio quasi
 „ nomine Frater Humilis appellaretur . Interim verò pristino illo ulcere
 „ in tibia recrudescente , cum in eo curando omnis Medicorum opera eva-
 „ deret irrita , proindeque austero illi ac planè laboriosissimo vitæ Insti-
 „ tuto impar judicaretur , ex eorum Patrum sententia dimissus semel &
 „ iterum fuit . Rem æquo quidem animo tulit Camillus , ut erat Deo
 „ conformis ; sed Capuccinos novis adhuc precibus etiam atque etiam
 „ rogare tamdiu non destitit , quamdiu ex Dei voluntate non esse intelli-
 „ gens , ut in illo viveret Ordine , Romam iterum cogitavit .

„ Huc ut venit , cum is , qui hominum corda regit Deus , res ita di-
 „ sposuisset , ut eidem Nosocomio , a quo paucos ante annos ignominiosè
 „ exulaverat , nunc honorificè OEconomus præficeretur , dici vix potest ,
 „ quàm sedulum diligentemque sese in tali munere præstiterit admini-
 „ strum . Non solùm siquidem ea omnia Infirmis remedia procurabat ,
 „ quibus tum corpus ad salutem juvaret , tum spiritum ad Deum erige-
 „ ret , sed eas omnes delicias diligentissimè conquirebat , quibus a morbi
 „ molestia relevarentur . Hinc ipsemet iis semper adesse : Eos , qui maxi-
 „ mè stomachum provocarent , morbos minimè fastidire : Ulcera tabo ma-
 „ nantia attrectare , tergere , circumligare , fovere : Omnes adhortari ad
 „ patientiam : Omnibus quàm vehementem poterat Dei amorem insi-
 „ nuare & ingerere : Eos potissimum , qui in vitæ discrimine versarentur ,
 „ sacra-

„ sacramentalis gratiæ refectione stabilire in gratia & charitate : si pen-
„ derent animis , revocare in spem : si benè rebus suis confiderent , con-
„ firmare : vindicare a rugitu circumeuntis Leonis , liberare a perditione ,
„ ac planè rapere ad gloriam .

„ Hæc autem ipse dum ageret sponte solisque impulsus stimulis
„ charitatis , vehementissimè non poterat non dolere , quòd ii , qui multa
„ mercede conducebantur , ut in Infirmorum cura omnem impenderent
„ operam , negligentius & minùs accuratè , quàm par erat , suo munere
„ fungerentur . Hinc mercedem si ipse proposuisset æternam , tum demum
„ intelligebat , fore ut idipsum , quod a lucro temporali præstari non po-
„ terat , sola illa , quæ omnia suffert , omnia patitur , patiens est atque
„ benigna , charitas facilè assequeretur . Re communicata cum S. Phi-
„ lippo Nerio , quo & Confessario & Consiliario in rebus omnibus uteba-
„ tur , paucisque aliquot ejusdem Nosocomii Ministris , facilè omnes ad
„ Camilli accessere sententiam , consenseruntque ineundam aliquam ex
„ Laicis hominibus societatem , qui solo ducti spiritu charitatis in id
„ unum incumberent , ut Infirmis jacentibus in Nosocomiis opem omnem ,
„ omnem operam diligentiamque præstarent . Cum igitur ii ipsi , qui
„ consilio adhibiti fuerant , Nosocomii Ministri primi post Camillum in
„ eam Sodalitatem (Confraternitatem ipsi vocabant) dedissent nomen ,
„ erecto in quodam ejusdem Nosocomii cubiculo devoto Altari , apposi-
„ tâque Christi Domini de Cruce pendentis imagine , illuc cum iis con-
„ venire Camillus coëpit , & prima veluti designare amplissimi Ordinis
„ fundamenta . Crebris porro ibidem pietatis orationis & pœnitentiæ
„ exercitationibus spiritum reficientes , castigantesque corpus , dici vix
„ potest , quantâ deinde alacritate gestientes , quantâ charitate æstuan-
„ tes Evangelici jam planè homines illinc Infirmis ministraturi egrede-
„ rentur .

„ Verùm qui stat exadverso operum Christi inimicus Belial , quas
„ non movit in novam hanc Christi segetem tempestates , quas turbas non
„ excitavit , quæ neglexit superseminare zizania ? Despondisset profectò
„ Camillus animum , ejusque promovendi Instituti omni spe decidisset ,
„ nisi , quo auctore sanctum facinus capeffere non dubitaverat , eum-
„ dem non habuisset in supremis angustiis vindicem ac planè statorem
„ Deum .

„ Ante Crucifixi imaginem sese Camillus quadam die provolverat ,
„ eumque enixis precibus orabat obsecrabatque , ut præsto esset afflicto
„ operi suo , opem necessariam afferret , & ab hostium impetu jam fer-
„ mè obrutum relevaret , tutaretur , confirmaret . Hæc autem cum inter
„ lacrymas supplex Camillus effunderet , claris distinctisque vocibus ex
„ eadem imagine sibi loquentem audire Christum Dominum meruit , se-
„ que non adhortantem modò , sed etiam penè increpantem his verbis :
„ *Eja pusillanimis , quid times ? inceptum opus prosequere .* Ex quibus Christi

„ Domini vocibus quantam Camillus acceperit alacritatem, luculenter factis ostendit summa illa, qua deinceps in rebus difficillimis usus est, animi fortitudo atque constantia.

„ Ac primò quidem ex gravissimo S. Philippi Nerii consilio initiari Sacerdotio cum determinasset, nec ignoraret magnum in regno Cœlorum vocari nullum posse, nisi qui similis parvulis efficeretur, hinc minime puduit hominem triginta duo annos natum in Collegio Romano scholas adire & frequentare, ut non solum, prout ibi moris est, in litteris proficeret, sed quod summopere optabat, majora in dies ad pietatem incitamenta referret. Summa igitur auctus Sacerdotii dignitate, cum jam certum constituisset in quadam Urbis parte Congregationis suæ domicilium, & quamplures alii egregia virtute Ecclesiastici viri ad Camillum accessissent voluntariæ ejusdem charitatis victimæ, binas a Sixto Pontifice Maximo hujus nominis Quinto obtinuit Apostolicas Litteras: Primas quidem, quibus eam esse voluit & declaravit piorum hominum Congregationem, cui qui nomen darent, voluntariam paupertatem, castitatem & obedientiam sponte nullaque votorum sponsione proficerentur, addictique pauperum quorumcumque aegrotorum famulatui iis sublevandis tempore etiam pestis occuparentur: Alteras verò quibus peramanter indulgit, ut Cruce pectus insignirent. Cum verò frequentior in dies ad Crucis vexillum multitudo conflueret, & in ampliorem domum ad sanctam Mariam Magdalenam in Regione Columnæ Congregatio migrasset, Gregorius XIV. incredibili illius in christianum populum utilitate permotus anno Domini millesimo quingentesimo nonagesimo primo eam in perfectam Religionem erexit. Quo factum est, ut maximum subito sumpserit incrementum, & brevi per Italiam universam, per Siciliam exterasque Provincias amplificata fuerit & stabilita.

„ Quàm verò opportunè eo tempore hujusmodi novum Ordinem per Camillum Deus excitavisset, non multò post Italia universa & ipsa potissimum Roma planè intellexit atque experta est. Cum enim anno quarto ab ipso Ordine constituto ea Urbs summâ annonæ caritate laboravisset; dirissima inde consecuta fuisset pestis, quâ aliquot hominum millia consumpta sunt, explicare quis satis possit quantâ in Proximos exarserint charitate hujusmodi Religiosi homines Camilli virtute exemplo inflammati, quot susceperint pro omnium salute labores, quot præsentissima adiverint mortis pericula, quot ab ipsis mortis faucibus eripuerint, quot eorum ope insidias Dæmonum frustrati sint, quot terrenum exilium cum cœlesti patria commutarint? Foeda profectò tunc erat Urbis facies; ubique vastitas, ubique horror, ubique luctus; plena languentibus Nosocomia, plenæ semitæ, plenæ domus; tecta, compita, fora morientium gemitibus resonabant. Quin etiam eò calamitatis deventum erat, ut quibus pestem evadere datum fuerat, fame occumbere cogerentur, multique reperti sint, qui bestiarum more ex crudis
„ nullo-

„ nulloque habito delectu herbis viverent & vescerentur . In tam luctuo-
 „ sa verò Urbis calamitate Camillus Religiosique ejus affectu quàm pul-
 „ chrum atque jucundum de semetipsis Deo & Angelis præbuere spe-
 „ ctaculum ! Quo enim tempore incredibilis quidam terror atque formi-
 „ do cunctorum pervaserat animos , cum de sua quilibet salute anxius co-
 „ gitaret , cum alii fugâ , alii tectis sese tueri studerent , Camillus agmen
 „ ducens suorum Religiosorum pro salute publica se devovit . Ipse con-
 „ quirere in stabulis cryptisque jacentes inopes homines : Ipse iis si esuri-
 „ rent panem frangere , si ægrotarent suis sublatis humeris in Xenodo-
 „ chia transferre : Ipse nova erigere Nosocomia , necessariisque instruere
 „ rebus omnibus tum in ipsa Religionis suæ domo , tum in ea quæ est ad
 „ sanctum Sixtum Regione , tum in Rhedarum via : Ipse non solum omni-
 „ bus Nosocomiis adesse , sed privatas etiam quaslibet domos invisere ,
 „ portisque occlusis per fenestras , scalis adhibitis , penetrare : Ipse singu-
 „ lorum plagas curare , luem abstergere , lectos purgare : Ipse eos qui mi-
 „ serandum in modum morbo inficerentur , suis ipse complexos manibus ,
 „ suas ipse inter ulnas aliò transferre , novisque lectulis collocare : Ipse
 „ denique ubique voce , ubique opera , ubique animo , ubique omnibus
 „ præsto esse consilio : Jacentes recreare , valentes alere , constitutos in
 „ mortis angustiiis in spe & fide confirmare , migrantesque ex hac vita
 „ animas apud Deum orationibus , sacrificiis precibusque juvare ; omnium
 „ bono consulere , sibi soli deesse , se solum negligere , omni posthabita
 „ sui corporis suæque valetudinis ratione .

„ Singularia profectò sunt hæc in Camillo argumenta ardentissimæ
 „ charitatis : Non sunt tamen unica . Cum anno millesimo quingentesimo
 „ nonagesimo octavo eo usque intumisset Tiberis , ut primas in Xenodo-
 „ chio sancti Spiritus cameras , ubi jacebant Infirmi , jam occupasset , ac in
 „ altiora contendere minaretur , in hac recenti atque inopina Infirmorum
 „ calamitate quid non aggressus est pro eorum salute Camillus ? Impavi-
 „ dus in aquas ulceroso etiam crure profiliens per tres integros dies in
 „ hac una fuit molestissima plenaque immensi laboris opera , ut Infirmos
 „ eorumque grabatos suis humeris exportatos in tutiora atque salubriora
 „ loca transferret , mirantibus cunctis , quod aquæ multæ non potuissent
 „ Camilli extinguere charitatem .

„ Neque verò unius Urbis ambitu immensa tantæ charitatis ampli-
 „ tudo finiri potuit ac circumscribi ; sed Italiam universam complexa
 „ incredibili fuit omnibus adjumento . Buclanicum Oppidum Patriam
 „ suam cum vehementer annonæ caritate affligi intellexisset , adfuit Ca-
 „ millus illico , opemque de Cœlo tulit & ubertatem , insigni miraculo
 „ Domino comprobante quàm sibi Camilli charitas foret accepta . Fa-
 „ ctum enim est , ut exiguus fabarum agellus non solum integro esurien-
 „ tique Populo alendo esset satis per multos dies , sed ex eo insuper ,
 „ quanta nunquam sperari poterat , earumdem copia colligeretur . Ge-

„ nuæ aliàs cum foret , audissetque pestem Mediolani grassantem , quam
 „ Urbem alii diligentissimè declinabant , in eam ipse summâ advolavit
 „ alacritate , ibique ea omnia , quæ Romæ expleverat , charitatis officia
 „ abundantissimè præstitit . Neapoli verò cum ageret , atque Nolanæ
 „ Urbi dirissimus morbus cœpisset ingruere , Camillus illico accurrit
 „ ejusdem summæ charitatis vi atque impetu actus ac planè compulsus ,
 „ ut animam suam pro Fratribus suis poneret & devoveret .

„ His tamen ceteroquin amplissimis non contenta confiniis Camilli
 „ charitas , extra etiam Infirmos & Nosocomia effusa est . Egenis igitur
 „ opitulari Virginibus , derelictos tutari Pupillos , Viduas vindicare ,
 „ Nudos operire , Esurientes saturare , hospitio Peregrinos accipere , o-
 „ mnibus omnia fieri , ut omnes lucrifaceret Christo in spiritu patientiæ
 „ & charitatis , fuerunt jucundissimæ Camilli deliciæ . Quorum charita-
 „ tis munerum obeundorum usque adeo amantissimus fuit , ut , cum innu-
 „ meris propemodum sumptibus sufficere minimè posset Religionis suæ
 „ paupertas , gravissimo ære alieno in Domino confusus illam sæpe gra-
 „ vare non dubitaverit . Imò etiam illatas sibi a plurimis eorum causâ in-
 „ jurias cuntumeliasque non modò æquanimiter tulit , sed detractores
 „ suos humilitate , charitate , patientiâ ita lenivit , ut ex infensis sibi
 „ Deoque amicissimos fecerit . Eâ enim semper fuit mente , eoque consi-
 „ lio omnia facinora capebatur , ut & prodesset hominibus , & gloriam
 „ Dei totis viribus procuraret . Hoc vel inde maximè intelligi potest ,
 „ quòd , si qui hæresi infecti in Nosocomiis aut alibi occurrerent homi-
 „ nes , eos ipse quoad poterat , libentissimè primò juvabat , tum postea-
 „ quam in suam eos traxerat amicitiam atque familiaritatem , ita sensim
 „ alliciebat ad Catholicæ Matris Ecclesiæ sinum , ut ii occultâ quadam
 „ divinæ lucis vi ab errore ad veritatem sese avocari & rapi quodam-
 „ modo faterentur .

„ Ceterum cum Camillus tam præclarè de omnibus mereretur , se-
 „ metipsum negligentius , injuriosiusque tractabat . Hinc , cum omnium
 „ morbis , omnium egestatibus majori , quo poterat , præsto esset auxilio ,
 „ sevisissimam interim illam , quam ipse in crure ab adolescentia acceperat ,
 „ plagam , molestissimamque herniam non solum ad mortem usque negle-
 „ xit , imò verò singularem ex iis videbatur capere voluptatem : Hinc
 „ nullis unquam vestibus uti voluit , nisi maximè attritis , nullâ supelle-
 „ ctili , nisi quæ paupertatem Evangelicam redoleret : Hinc inedia , &
 „ vigiliarum usque adeo patiens fuit , ut & perrarò ad vesperam sese resi-
 „ ceret , & simplicissimos eos cibos , qui afferebantur ad prandium , ma-
 „ xima ex parte cum Pauperibus communicaret , nec plures , quàm qua-
 „ tuor horas ad quietem somnumque capiendum permetteret corpori :
 „ Hinc Regularis disciplinæ severissimus sui ipsius exactor nihil unquam
 „ de suarum Constitutionum observantia remittere voluit , tametsi famu-
 „ lando Infirmis occupatissimus .

„ In

„ In tanta tamen virtutum omnium luce id certè mirandum quàm
 „ maximè, quòd de se rebusque suis tam abjectè sentiret, ut nec Ordi-
 „ nis Fundator a quoquam vocari vellet, & semetipsum non alio honori-
 „ ficentiori nomine & appellaret & crederet, quàm peccatorem inter
 „ peiores pessimum, hominem indignum, qui inter homines viveret, ac
 „ planè destinatum æternis ignibus titionem.

„ Neque verò abjectissimam hanc, quam de se proferebat, opinio-
 „ nem oretenus solùm, sed etiam ipsâ re testabatur. Cum enim genera-
 „ lem adhuc Religionis suæ Præfecturam haberet, domi patinas tergere,
 „ cubicula verrere, vasa immunda purgare, foris verò ostiatim emendi-
 „ care, hæc demum ministeria decere in primis dignitatem suam existi-
 „ mabat; Non enim per contentionem, neque per inanem gloriam, sed
 „ per humilitatem Superiorem se esse oportere cum Apostolo arbitra-
 „ tur. Quin etiam posteaquam Religionem jam constituerat & stabili-
 „ verat, posteaquam laudatissimis per Summos Pontifices Constitutioni-
 „ bus exornaverat, posteaquam viginti septem annorum spatio contra
 „ omnem tenebricosi hostis impetum summo labore, studio, constantia re-
 „ xerat, auxerat, amplificaverat, tum demum Præfecturâ generali se ab-
 „ dicare, & inter ipsos, quos enutriverat & exaltaverat, Filios suos in
 „ forma servi esse voluit, petiit, & impetravit. Quo quidem tempore
 „ illud maximâ admiratione dignissimum visum est omnibus, quòd, cum
 „ Ordinis Fundator fuisset & Pater, talem se tamen Superioribus præsti-
 „ tit, ut verum obedientiæ & humilitatis exemplar Religiosis omnibus
 „ præluceret.

„ Summam porro, qua afficiebatur in Proximos, charitatem, sin-
 „ gularem, qua de se modestissimè sentiebat, humilitatem, immensus ille,
 „ quo ferebatur in Deum, vehementissimus amor penitus cumulavit. In-
 „ finitas sibi animas exoptabat, quas in diligendo Deo unicè impenderet.
 „ Quo factum est, ut, sive cum suis sive cum exteris sermonem haberet,
 „ nil nisi quod Deum saperet, divinamque beneficentiam commendaret,
 „ alloqueretur, rebusque omnibus, quæ ipsius oculis obversabantur, ad
 „ divinas laudes celebrandas, & ad cœlestem pulchritudinem contem-
 „ plandam excitaretur. Cum verò vel verba de Deo faceret, vel ejus im-
 „ mensitatem meditaretur, tanto cor ejus æstuabat ardore, ut, cum in-
 „ tra suos fines contineri non posset, foras etiam in vultum erumperet,
 „ seque divino quodam splendore longè latèque radiante manifestaret.
 „ Quin etiam in aera quandoque elevatus atque suspensus mirabiles ecsta-
 „ ses patiebatur, in quibus & arcana cœlestia penetrabat, & eximiis a
 „ Deo gratiis illustrabatur. Divinæ siquidem bonitati consentaneum erat,
 „ ut, qui pro gloria Dei & Proximorum utilitate in vinea Domini adeo
 „ laboraverat, amplissima hinc etiam in terris præmia, fructusque perci-
 „ peret. Quocirca prophetiæ, curationum, discretionis spirituum gra-
 „ tias cumulativè illi impertitus est Deus, quibus humilem voluit ipsius
 „ spi-

„ spiritum exaltare. Occultissima igitur quæ putabantur , tamquam ante
 „ oculos posita intueri , arcana in penitioribus animi latebris delitescencia
 „ penetrare , morbos brevi prece , vel etiam solo tactu depellere , fami-
 „ liarissimum Camillo fuit . Imò etiam in summa rerum necessitate at-
 „ que egestate cum maximâ fide jactasset cogitatum suum in Domino , ab
 „ eodem meruit mirabiliter enutriri . Cujusce rei ut unum exemplum
 „ adducam , multis aliis omittis : Ad Capuccinos in quodam loco , nocte
 „ ingruente , cum iter faciens divertisset , ii verò summâ tum vini , tum
 „ panis penuriâ laborarent , Camillo orante , factum narratur , ut & aqua
 „ in optimum vinum converteretur , & exiguo pane tum ipse , tum multi
 „ opiparè saturarentur .

„ Neque verò res solùm inanimas Camilli voluntati obsecundarunt ,
 „ sed ipsi etiam Angelici Spiritus ad ipsius obsequia sæpissime descende-
 „ runt . Genuâ quondam Florentiam proficiscens in altissima quadam pa-
 „ lude cum jam penè demergeretur , ab Angelo in forma juvenis appa-
 „ rente ab interitu unâ cum Sociis ereptus traditur . Deturbatus aliàs ex
 „ equo cum esset , & in maximo versaretur vitæ periculo , ne ad lapidem
 „ offenderet pedem suum , ab ipsis Angelorum manibus perhibetur ela-
 „ tus . Genuæ cum itidem esset , & ad Nepotem suum Buclanici tunc
 „ temporis commorantem dedisset epistolam , eadem die , qua scripta
 „ fuerat , ea reddita est : quod etiam Angelorum ministerio evenisse faci-
 „ le putari potest . His gravissima accedit sancti Philippi Nerii auctori-
 „ tas & testimonium ; Ipse enim se oculis suis Angelos vidisse testatus
 „ est ipsorum etiam Camilli Religiosorum lateri adstantes , eaque omnia
 „ eorum auribus suggerentes , quæ dicebantur ab ipsis , dum Infirmis as-
 „ sisterent , & præsertim morientibus spiritualem opem afferrent .

„ Interea tamen tempus illud advenerat , quo coelestes iidem Spiri-
 „ tus , qui hîc in terris Camillo inservire gestiverant , eundem secum
 „ transferre in coelestem Patriam festinabant . Quod cum coelitus sibi nun-
 „ ciatum esset , satis explicari non potest , quanto spiritus sui fervore per
 „ actus certissimæ fidei , sincerissimæ spei , fervidissimæ charitatis , assi-
 „ duâque rerum coelestium contemplatione in occursum Domini se præ-
 „ paraverit . Per triginta tres igitur menses lentâ molestâque febris pa-
 „ tientissimè toleratâ , cum adesse jam intelligeret optatissimam illam
 „ diem , qua dissolveretur , & esset cum Christo , convocatis Religiosis
 „ suis , veniam ab iis humillimè prius postulavit de cursu suo , ut ajebat ,
 „ pessimè consummato ; deinde verò plurima salutis monita circa Dei
 „ Proximique , præcipuè verò Infirmorum charitatem , æstu divini cu-
 „ jusdam fervoris plenissima communicavit . Postea verò Ecclesiæ sacra-
 „ mentis summo pietatis & religionis sensu susceptis , brevi tolerato
 „ mortis agone , abscondit cum Christo vitam suam in Deo anno salutis
 „ millesimo sexcentesimo decimo quarto , die decima quartâ Julii , ætatis
 „ suæ sexagesimo quinto .

„ Att-

„ Audito ipsius obitu , cum maxima subito omnis ordinis multitudo
 „ confluxisset ad Templum Sanctæ Mariæ Magdalenæ pretiosum ejus ca-
 „ daver veneratura , clementissimus Deus multis miraculis , & insignibus
 „ beneficiis Sanctum suum voluit illico mirificare ; Inter quæ silentio
 „ præteriri non debet , quòd ad simplicem Camilli contactum , quotquot
 „ ab immundis spiritibus vexati ad ejusdem accedere cadaver , fuerunt
 „ illico liberati , iisdem spiritibus insignem Camilli virtutem & gloriam
 „ voce maximâ prædicare coactis .

„ Cum postmodum cœlesti lumine circumfusus se plurimis spectan-
 „ dum præbuisset , ejusque gloriam multis testari miraculis Deus minimè
 „ destitisset , agi cœptum est paulò post ejus obitum de eo inter Cœlites
 „ recensendo . Porro multis confectis ordinariâ & Apostolicâ facultate
 „ Processibus , eorumque validitate approbatâ , iisque de more benè di-
 „ scussis , post longum diuturnumque silentium , tandem a Benedicto XIII.
 „ P. O. M. die vigesimâ quartâ Julii anno millesimo septingentesimo vi-
 „ gesimo octavo , constare de Camilli virtute in gradu heroico declara-
 „ tum est .


„ Tum verò , cum miracula , quæ post obitum perpetraverat , in
 „ quæstionem producta fuissent , iis omnibus ritè validèque confectis , be-
 „ nèque perpenſis , quæ ex Summorum Pontificum Decretis sancita sunt
 „ in solitis Congregationibus , die demum vigesima sextâ Septembris anni
 „ millesimi septingentesimi quadragesimi primi BENEDICTUS XIV. P.
 „ O. M. duo ex novem propositis approbavit . Quorum primum est de
 „ undenni Puella , quæ cum Viterbii per septem menses afflicta fuisset di-
 „ rissimo in naribus polypo , ex solo fili Camilli subuculæ contactu con-
 „ valuit . Alterum verò de Catharinâ Dondula triginta annorum muliere ,
 „ quæ cum Romæ sexto gestationis mense malignâ feбри correpta , inflam-
 „ mata item in pleura atque pulmonibus , imò etiam in gutture infelicitè
 „ ulcerata , ideoque fuisset ab omnibus Medicis conclamata , ex solo aquæ
 „ hauſtu , in quo pulvis ex cubiculo beati Camilli fuerat dissolutus , re-
 „ pente incolumis , viribusque pristinis assurrexit . Virtutibus itaque mi-
 „ raculisque luculenter probatis , cum tutò ad Camilli Beatificationem
 „ procedi posse Sacra generalis Congregatio Rituum judicasset , idem
 „ Summus Pontifex Decretum Beatificationis edidit die secundâ Februarii
 „ anni millesimi septingentesimi quadragesimi secundi , die verò septimâ
 „ Breve expediri mandavit .

„ Camillo itaque paulò post solenni ritu inter Beatos adscripto , cum
 „ a Deo ad Servi sui majorem gloriam nova quotidie miracula fierent , no-
 „ vique super his Processus Apostolicâ auctoritate constructi fuissent , post
 „ approbatam eorundem validitatem de iis in pluribus Congregationi-
 „ bus actum est . Delatâ postmodum causâ coram Sanctissimo Domino
 „ Nostro die decimâ sextâ Martii anni millesimi septingentesimi quadra-
 „ gesimi quinti , ex tribus propositis duo censuit approbanda die primâ
 „ Maji

„ Maji ejusdem anni . Primum est instantanea salus Luciae Theresiae Petti
 „ ex oppido Caprarolae . Hæc cum asthma laborasset ab ipsa nativitate,
 „ adeoque gravissimam respirandi difficultatem haberet , crescente postea
 „ ætate , tali ac tantâ variorum morborum accessione gravata fuit ac
 „ penè oppressa , ut fractis viribus omnibus miserandum in modum exte-
 „ nuata levissimis etiam laboribus esset impar : contracto insuper gibbo ,
 „ cum sanguinem unâ cum pure coepisset expuere , Medicorum judicio
 „ de ejus salute desperatum est : cum verò illa invocato beati Camilli no-
 „ mine ejus opem implorasset , repente a morbis omnibus expedita , in
 „ tali ac tantâ constituta est valetudinis firmitate , tamquam si nullo un-
 „ quam morbo laboravisset .

„ Alterum verò miraculum contigit Margaritæ Castelli duodevigin-
 „ ti annorum Puellæ . Hæc siquidem hereditariam a Genitrice infecta
 „ quamdam traxerat ægritudinem , qua erumpentibus in diversis corpo-
 „ ris partibus pustulis sanie taboque manantibus , toto deinde corpore per
 „ sanguinem labefactato , hæ ita coaluerant in unum ulcus , ut corpus a
 „ plaga minimè distingueretur : accedente postmodum acuta febris , cum
 „ nullus pharmachis locus esset , & Medicorum judicio brevi moritura
 „ crederetur , ejus funeri necessaria jam parabantur : Interim tamen bea-
 „ ti Camilli ope a Matre , & a Sororibus imploratâ , illico tumor omnis
 „ a corpore inflato , tabentes crustæ a membris omnibus , febris a sangui-
 „ ne evanuerunt : quin etiam de lecto statim prosiliens , auctis integris
 „ viribus , eam valetudinem , quam nunquam habuerat , consecuta est .

„ Approbatis hisce miraculis , habitaque denuo coram Sanctitate
 „ Sua generali Congregatione die tertia Augusti ejusdem anni , cum una-
 „ mini consensu tutò ad Canonizationem procedi posse Patres existimas-
 „ sent , eadem Sanctitas Sua die ipsâ anniversariâ exaltationis suæ ad Pe-
 „ tri Cathedram , quæ est decima septima ejusdem mensis , Decretum
 „ pro beato Camillo canonizando , & inter Sanctos referendo publicum
 „ fecit . Pro cujus Sanctissimi Decreti executione & complemento ,
 „ præter Reges & catholicos Principes , enixè & humillimè supplicat
 „ universa Infirmis Ministrantium Familia .



C O M P E N D I U M

Vitæ , Virtutum , & Miraculorum , necnon Actorum in Causa
 Canonizationis BEATI PETRI Regalati, Sacerdotis Professi
 Ordinis Minorum , Regularis Observantiæ inter
 Hispanos Restitutoris .

*Ex Relatione Rotali , Decretis Sac. Rituum Congregationis ,
 & Summorum Pontificum INNOCENTII XI.
 & BENEDICTI XIV.*

„ **I**N Urbe antiqua , ac celeberrima Vallisoleti in Regno Castellæ natus
 „ est Petrus Regalatus anno salutis nostræ millesimo tercentesimo no-
 „ nagesimo ex Parentibus optimis , nec minùs generis nobilitate conspi-
 „ cuis , quàm christianâ virtute clarissimis . De iis siquidem memoriæ pro-
 „ ditum est , quòd inter ceteras , quibus excellebant , præclaras christia-
 „ noque homine dignas animi dotes , adeo eos effusa in pauperes liberali-
 „ tas commendaret , ut rem domesticam non procurare ad usus suos , sed
 „ administrare ad sublevandos inopes viderentur . Qui igitur hujuscemodi
 „ beneficentiæ hostiis maximè promeretur Deus , antequam adeo miseri-
 „ cordes animæ centuplum in Cœlis acciperent , talem iis impertitus est
 „ Filium , in quo uno hîc etiam in terris duplicia reportarent de manu
 „ sua , quique plenissimum ipsorum gaudium esset atque corona . Ablu-
 „ tus enim sacramentali fonte Baptismi nondum Petrus emerferat ab in-
 „ fantia , cum pietate erga Deum , observantiâ erga Parentes , morum in-
 „ nocentiâ atque candore quàm bonam fuisset a Domino sortitus animam ,
 „ non obscure significavit . Tam præclaræ indolis facilitati egregia Ma-
 „ tris institutio cum accessisset (ea enim , Patre paulò post morte sublato ,
 „ Filium susceperat christianis virtutibus informandum) brevi factum est ,
 „ ut Cœlites omnes , præcipuè verò Deiparam Virginem cultu singulari
 „ prosequeretur , & eo , qui est initium sapientiæ , sancto timore Domi-
 „ ni supra suam ætatem mirabiliter emineret : Quin etiam Evangelicæ
 „ jam tum perfectionis iter arripiens , non modò corpusculum continere
 „ in spiritus servitute , crebrâ oratione Deum interpellare , juvenculo-
 „ rum declinare consortia diligentissimè satagebat ; verùm etiam si quid
 „ puerile , quodque ætatem suam saperet , vel patrasset in opere , vel de-
 „ liquisset in sermone , adeo statim contristabatur ad pœnitentiam , ut sui
 „ ipsius rigidissimus vindex eas sibi pœnas indiceret , quæ magnis crimini-
 „ bus expiandis satis esse potuissent .

„ Decennis cum foret , ea nempe ætate , qua Parentum blanditiis ,
 „ mundique illecebris allici primùm Pueri solent , & irretiri , tantum ab-
 „ fuit , ut Petrus ab his caperetur , quin iis aditum interclusit . Domesti-

Q

„ cas

„ cas igitur cœpit apertius fastidire res omnes , avitos aspernari Regalatae
 „ gentis honores , universas , quæ ex mundo sunt , despiciere vanitates .
 „ Hinc mundo , opibus , nobilitati , ipsi etiam sibi charissimæ Genitrici
 „ vale dicere statuit , ut Crucem simul cum Christo Domino ad ardua
 „ Evangelicæ perfectionis culmina bajularet . Matrem itaque cum etiam
 „ atque etiam efflagitasset , ut se in Fratrum Minorum Cœnobium sece-
 „ dere pateretur soli Deo famulaturum ; illa verò molestissimè ferens ,
 „ quòd is , quem maximè diligebat , Filius tam immaturè a se divellere-
 „ tur , moras innecteret , atque protraheret , usque adeo per triennium
 „ eam precibus defatigare non destitit , donec tertio decimo ætatis suæ
 „ anno voti compos effectus , mundo nuntium remittere permissus est .
 „ Itaque in Patrio Cœnobio Franciscanæ Familiæ dedit illico nomen , at-
 „ que uno post anno unanimi Religiosorum suffragio solennibus emissis
 „ votis (quod ante Tridentinum impuberi licuit) semetipsum Domino
 „ mancipavit . Tum verò religiosis virtutibus excolendis adeo incubuit ,
 „ ut cum brevi perfectissimum evasisset eorum exemplar , omnium in se
 „ oculos animosque converteret , ac planè in magnam raperet admiratio-
 „ nem . Evangelicum enim stadium tanta percurrebat animi contentione ,
 „ ut iis etiam longo intervallo antecelleret , qui meliora charismata æ-
 „ mulabantur , si quæ mundum aliquo modo sapere viderentur , ea non
 „ abjicere solum , sed perhorrescere : quæ verò ipsius animum ad Deum
 „ erigerent , ea studio maximo investigare & consecrari : si quandoque
 „ ejus virtus laudibus efferretur , conqueri & stomachari : si verò inju-
 „ riosius tractaretur , ex ipso sui contemptu summam capere voluptatem :
 „ corpus flagellis , inediâ , vigiliis , ciliciis , atque omni pœnarum ge-
 „ nere excruciare : spiritum verò oratione continua reficere & recreare .

„ Quoniam verò non ignorabat , magnum in Regno cœlorum vo-
 „ cari neminem posse , nisi qui & faceret , & doceret , hinc , quam in se
 „ efformaverat divinam sanctitatis imaginem , eam in aliorum animos
 „ altè imprimere contendebat . Quamobrem , cum sanctissimam sui Or-
 „ dinis disciplinam ex humanæ naturæ infirmitate collapsam magna ex
 „ parte absolevisse animadverteret , nihil unquam antiquius habuit , quàm
 „ ut omne studium , omnem animum , cogitationem omnem in id potissi-
 „ mum conferret , quo eam ad integritatem & splendorem pristinum re-
 „ vocaret . Quam quidem mentem Regalato divinitus inditam fuisse ex
 „ eo maximè patuit , quòd , dum ipse tanti momenti facinus animo ver-
 „ saret , accidit peropportunè , ut Villacretius vir ex eodem Ordine cum
 „ vitæ sanctitate , tum rerum divinarum cognitione clarissimus Vallisole-
 „ tum veniret . Cum non minori , quàm Regalatus , teneretur is etiam
 „ studio renovandi antiquum illud asperrimumque vivendi genus , quod
 „ suis indixerat Patriarcha Franciscus , facultate a Præfecto Ordinis im-
 „ petratâ , tunc fortè illuc idcirco venerat , Socios , quos sibi ad Institu-
 „ tum adjungeret , quæsiturus . Re itaque cum Regalato communicatâ

„ satis

„ satis explicari non potest , quantâ concordēs animæ alacritate gestiverint , quàm sanctum in Deo fœdus iniverint , quàm forti animo tot difficultatibus impeditissimum opus aggressi sint .

„ Probè autem cum intelligerent , non urbanam frequentiam , sed solitudinem a Domino fuisse delectam , ut ad cor hominum loqueretur , ad domicilium quoddam non procul ab Oppido Aquileriæ , permissu Oxomensis Episcopi a Villacretio constructum ambo unanimes secessere . Porro in eo loco quàm sanctam , quàm austeram vitæ rationem aggressi sint , ex eo conjici faciliè potest , quòd universa supellex , de qua secum asportanda unicè cogitarunt , Breviarium fuit atque flagellum : Illud quidem , quo horas canonicas inter diutissimas meditationes & lacrymas persolventes , voce & spiritu cum Domino communicarent : Hoc verò , quo corpus singulis noctibus castigatum , quominus concupisceret adversus spiritum , in officio continerent .

„ Interea verò tantæ virtutis famâ per loca Urbesque finitimas percrebrescente , exemplo tam præclaro alii plures illecti tum ex Minorum Familia , tum Presbyteri Seculares , ut in eorum contubernium admitterentur , infimis precibus postulaverant & impetraverant . Cum itaque Aquilerienfes ædes crescenti in singulos dies novorum Religiosorum numero impares redderentur , novæ apud Abrocom , quod alii Tribulum vocant , in deserta quadam planitie ad ripam Durii constructæ sunt . Hinc pro restaurati Ordinis feliciore progressu hoc unum videbatur jam desiderari , ut , quas pro Aquilerienfi , ac Tribulana Familia sanciverant novas austerissimæ vitæ leges , eæ supremâ Romanæ Ecclesiæ auctoritate confirmarentur . Occasionem igitur nacti Constantiensis Concilii , quod per id temporis celebrabatur , in eam mentem unanimes consensere , ut Villacretius Constantiam proficisceretur , rem in eo Concilio apud Pontificem eligendum pertractaturus : Regalatus verò interim Aquileriensibus , ac Tribulanis Fratribus præsideret . Quo quidem munere tam sapienter , tam prudenter , tam sanctè perfunctus est , ut cum in eo Villacretii imaginem non adumbratam leviter , sed verissimis expressam coloribus intuerentur , absentis desiderium Fratres æquo animo ferrent .

„ Villacretius Constantiæ re benè gestâ , & a Martino Summo Pontifice hujus nominis Quinto summâ sui cum laude iis omnibus impetratis , quæ communibus cum Regalato votis vehementissimè optaverat , in Hispaniam sese recipere festinavit . Verùm sanctissimus Senex non multò post , quàm fuerat Aquileriam reversus , gravissimo correptus morbo , quasi ex inopinato supremum diem obivit . Nihil acerbius Religiosis , atque amantiſſimis Filiis contingere profectò poterat , quàm tanti Patris , atque Magistri interitus . In tanta tamen animi ægritudine atque dolore id eos unicè relevabat , quòd , qui Villacretium consilio atque operâ maximè semper juverat , ipsis superesset Regalatus , a quo

„ accepta ex illius obitu jactura abundè compensaretur . Quamobrem
 „ unanimi utriusque Familiæ suffragio illico factum est , ut in Villacretii
 „ locum Regalatus sufficeretur , & præstantissimam ceteroquin Villacre-
 „ tii virtutem diligentiamque non exæquaret modò , sed longo etiam in-
 „ tervallo superaret : Quod enim Villacretius per Pontificem Maximum
 „ probari curaverat , ut scilicet ex restaurato Ordine novi Fratres per
 „ summam paupertatem , per vigilias , per orationes , per inediam , per
 „ patientiam certam facerent vocationem , & salutem suam operarentur ,
 „ id omne & accuratissimè ipse perfecit , & , ut perficeretur , exemplo
 „ suo absolutissimo operâque diligentissimâ Regalatus est consecutus .
 „ Ut enim a privata domesticaque vivendi ratione ducamus initium , no-
 „ vem illa jejuniorum tempora , quibus Patriarcha Franciscus maximam
 „ anni partem explebat , non solùm ipse etiam una cum ceteris observa-
 „ vit ex integro , sed summam hanc ipsam abstinentiam singulari quâdam
 „ austeritate perfecit ; cum scilicet rarò admodum aut vinum biberet ,
 „ aut carnem gustaret , atque ut plurimùm pane & aquâ unicè vescere-
 „ tur , tum , si obsonii loco cruda olera adjiceret , sibi convivari opiparè
 „ videbatur . His etiam addendum est , quòd , nisi festis diebus , quibus
 „ duntaxat ob Dominicam celebritatem modico pane uti consuevit , re-
 „ liquis diebus omnibus nihil omnino sub vesperam manducabat , & inte-
 „ gros etiam dies orans vigilansque persæpe transigebat , absque eo quòd
 „ ullo prorsus cibo reficeretur . Somno verò ita raro brevique utebatur ,
 „ ut vel insomnes orando sæpe traduceret integras noctes , vel si defatiga-
 „ to & deficiente corpore paululum decumbere cogeretur , id non ali-
 „ ter faceret quàm humi prostratus , ut non tam conquiescere , quàm
 „ ipsammet quietem suo corpori molestam facere videretur .

„ Huic tantæ vigiliarum & jejuniorum austeritati parem spiritus
 „ paupertatem Regalatus adjunxit : Eam siquidem usque adeo in deliciis
 „ habuit , ut quantum ditissimis in seculo quibuscumque Sodales sui pau-
 „ pertate eminebant , tantum ipsis etiam Sodalibus suis longè antecelle-
 „ ret Regalatus . Cum enim & attritissimâ præ ceteris tunicâ uteretur ,
 „ & pallio quàm maximè lacero , tum in eo planè admirandum dedit sum-
 „ mæ paupertatis exemplum , quòd , ut majora ab ea sentiret incommoda ,
 „ nullum unquam calceorum genus adhibere voluerit usque ad ingrave-
 „ scentem ætatem , ipsisque etiam repudiatis , ut vocant , sandaliis , pedi-
 „ bus semper nudis incedere .

„ Hinc mundanis opibus quibuscumque expeditus cum foret , iisque
 „ rebus omnibus liber , quæ aggravant animam , dici vix potest quantâ
 „ assiduitate , quantâ animi promptitudine , quanto fervore mentis in
 „ Deum Regalatus assurgeret . Coelestium enim contemplationi cum per-
 „ petuò inhæreret , tum statis potissimùm diei noctisque temporibus ita
 „ defixo , ita sublimi animo singula nostræ salutis mysteria commentaba-
 „ tur , ut si patientis Christi commisereretur , erumpens ubertim in lacry-

„ mas

„ mas cum ipso compateretur , ac veluti commoreretur ; si verò mox
„ Christi ipsius resurgentis gloriam recogitaret , cœlesti quâdam perfusus
„ dulcedine gestiret & exultaret ; si eam intueretur , quam præparavit
„ Deus diligentibus se , immarcescibilem coronam gloriæ , in atria Do-
„ mus Dei rapi atque elevari quodammodo videretur ; si verò mox æter-
„ nos illos hominum reproborum cruciatus considerandos sibi propone-
„ ret , totis artubus contremisceret . Id certè ipsi familiarissimum fuit
„ atque perpetuum , ut , cum infinitam erga genus humanum charitatem
„ Dei mente recoleret , abstraheretur illico a sensibus , atque divinâ quâ-
„ dam suavissimâ vi in ecstasim raperetur ; cum verò perversam erga Deum
„ ipsum nequissimorum hominum voluntatem recordaretur , indoleret
„ gravissimè , seseque in uberrimos diutissimosque fletus effunderet .

„ Ceterùm , cum tanto æstualet divini amoris ardore , illud interim
„ vehementer optabat , curabatque diligentissimè , ut eandem cœlestem
„ flammam Religiosis suis omnibus communicaret . Hinc suaviter adeo
„ cum suis Alumnis de Deo divinisque rebus continuò colloquebatur , ut
„ & ignavi , si qui essent , in perfectionis stadio redderentur alacriores , si
„ qui verò jam currerent , non quasi in incertum , sed ita currere , ut
„ comprehenderent , animarentur . Quod si casu aliquo contigisset , ut
„ ex Fratribus quisquam aut ex incuria deficeret , aut ex humanæ con-
„ ditionis debilitate delinqueret , præsto aderat Regalatus forma gregis
„ factus , non ut ille in spiritu iræ atque superbiæ confunderetur , sed ut
„ in spiritu patientiæ & lenitatis tamquam filium charissimum admoneret ,
„ & tamquam fratrem in Domino lucraretur . Utrumque enim præstabat
„ Vir prudentissimus , & ut suam , qui peccasset , culpam agnosceret , &
„ ut agnitam exprobratamque maximè perhorresceret , humanitatem
„ cum æquitate ita conjungens , ut nihil facilitas de auctoritate , nihil
„ austeritas de humanitate detraheret .

„ Hactenus de Regalati virtutibus in domestico vivendi modo . Bre-
„ viter commemoranda ea nunc sunt , quæ pro vitiis exterminandis , pro
„ virtute in exteris etiam gentes amplificandâ a Regalato gesta fuisse tra-
„ duntur . Quidquid igitur reliquum a domesticis curis ipsi temporis erat ,
„ id omne ab eo in Proximorum salutem impendebatur . Cum plurimi ad
„ ipsum quotidie confluerent tamquam ad insigne sanctitatis oraculum ,
„ non tam hospitio solebat eos excipere , quàm ad virtutem Deique cul-
„ tum totis conatibus inflammare . Si quos verò haberet obvios elephan-
„ tiasi laborantes , eos ad hospitium secum unâ deductos tergere a sordi-
„ bus , fovere linteis , esculentis reficere , & quorum alii conspectum ferre
„ non poterant , ipsorum ulcera manibus attrectare ; imò etiam quando-
„ que deosculari , & saniem lambere minimè dedignabatur : Quæ quidem
„ pietatis officia in eos potissimum conferre solebat , qui vel in Nosoco-
„ miis graviore aliquo morbo afflicterentur , vel in carceribus , vel in Tur-
„ carum vinculis , inediâ & squalore conficerentur . Cum enim singulari
„ „ apud

„ apud divites esset gratiâ , nihil curabat magis , quàm ut , opportunâ ex
 „ eorum eleemosynis collatâ stipe , inopes ab angustiis sublevarentur , in-
 „ firmi relevarentur a morbis , captivi numeratâ Barbaris pecuniâ in li-
 „ bertatem assererentur ; ac proinde omnes a culpa arcerentur , & ad ho-
 „ nestam vivendi rationem quâ hortationibus , quâ obsecrationibus , quâ
 „ opportunis auxiliis impellerentur . Eò siquidem spectabant omnia Re-
 „ galati consilia , ut , quæ perierant a Christo , oves ad Christi gregem
 „ reducerentur , & quæ in pascuis salutis erant , de manu Christi nullâ
 „ inimici hominis vi raperentur .

„ Dum verò eos omnes , quibuscum versabatur , ut manerent in Deo ,
 „ qui charitas est , ardentissimè hortaretur : illud interea , in quo alterum
 „ legis mandatum situm est , minimè negligendum putabat , ut scilicet
 „ ipsa Fraternalitatis charitas apprimè diligeretur . Hinc tantam hac in re
 „ curam semper adhibuit & diligentiam , ut si quos infesto in Proximum
 „ animo esse cognosceret , eos statim adiret , alloqueretur , & tamdiu ver-
 „ bis instaret omni ancipiti gladio penetrabilioribus , quoadusque sublatis
 „ inimicitiiis , compositis simultatibus , spiritualia æmulantes , diligentes
 „ alterutrum , charitatem sincero animo sectarentur .

„ Neque verò iis tantum , qui adhuc in hoc seculo peregrinabantur
 „ a patria , cujuscumque conditionis hominibus suam dabat opem atque
 „ operam Regalatus , sed singulari etiam pietate ad eas juvandas animas
 „ commovebatur , quæ a corporis vinculis expeditæ beatam spem in Pur-
 „ gatorii ignibus expectabant : Non enim assiduas solum , ut eis suffraga-
 „ retur , ad Deum preces fundere solitus fuit , sed & ubertim flere , & je-
 „ junare assiduè , & flagellis ad sanguinem usque se duriter cedere , & o-
 „ mni suppliciorum genere sese immaniter excruciare , donec æternam
 „ ipsis pacem promereretur .

„ Inter hæc verò , quoniam jam senio confectus erat & laboribus
 „ fractus , neque procul abesse sentiebat adventum Domini , in id ultimò
 „ cogitationem suam contulit , ut , quam ipse stabiliverat vitæ austerissi-
 „ mæ sanctissimæque disciplinam , eam fideli prudentique Ministro vindi-
 „ candam , conservandamque committeret . Cum itaque Lupo Salazario ,
 „ qui id temporis in Oppido Ficonedæ acerrimum Instituti Custodem age-
 „ bat , deferre id muneris decrevisset , ex Tribulano Cœnobio per centum
 „ & quadraginta passuum millia ipsum convenit , suoque cum eo commu-
 „ nicato consilio , ad rem sanctè in Domino fortiterque gerendam gravi
 „ oratione adhortatus , in suam sententiam faciliè traxit .

„ Ab eo colloquio Tribulum rediit Regalatus , rebusque illic probè
 „ compositis , Aquileriam profectus est . Ibi cum ineunte Quadragesimâ
 „ cœpisset vitio stomachi conflictari , per totum ejusdem intervallum de-
 „ cubuit . Solenni Paschatis die cum cœlesti pane sese refecisset , multa
 „ subinde ad Fratres suos circa lectulum lacrymantes de vita Christi imi-
 „ tanda , de diligenda paupertate , de abjiciendis secularibus desideriis ar-
 „ den-

„ dentiffimè peroravit . Pofterâ verò die cum difficilem jam omnino , at-
 „ que impeditiffimum anhelitum traheret , fanctumque Oleum ad extre-
 „ mam illi impertiendam unctionem fuiffet allatum , eos ut paululum ces-
 „ farent precatus eft , admonens , Palentinum Epifcopum mox adfutu-
 „ rum , de cujus manu ultimum hoc facramentum fufciperet : Tum a Præ-
 „ fecto Cœnobii cum impetraffet , ut viliffimam inter omnes lacernam ſibi
 „ permetteret , oculis in Cœlum ſublatis , animoque in instantem gloriæ
 „ coronam defixo , ſuam in Dei manus commendans animam , iifdem vo-
 „ cibus , quibus moriens in Cruce Jeſus Dominus Patrem oraverat , inter
 „ Fratrum ſuorum preces & lacrymas placidiſſimâ Juſtorum morte ſuam
 „ in Deo vitam abſcondit anno ſalutis noſtræ milleſimo quadrigentefimo
 „ quinquageſimo ſexto , tertio Kalendas Aprilis , ætatis ſuæ ſupra ſextum
 „ ſexageſimo .

„ Vulgatâ ipſius morte , cum ingens illico hominum concursus fie-
 „ ret ad Cœnobium , id primò omnibus ſpectaculum fuit , quòd Regalati
 „ corpus poſt aliquot dies non modò molliuſculum foret atque flexibile ,
 „ ſed odorem etiam ſuaviſſimum redoleret . Mox verò , cum peractis rite
 „ exequiis in communi Fratrum ſepulcro humatum eſſet , ex implorato
 „ Regalati nomine præſentiſſimam ejus opem plures experti ſunt . Et re-
 „ vera Deus Optimus Maximus , qui in Sanctis ſuis mirabilis ſemper fuit ,
 „ non modò cum adhuc viveret Regalatus , ad teſtandam ejus ſanctitatem
 „ in terris , omnipotentia ſuæ divitiis eum abundantiffimè cumulaverat ,
 „ ſed poſtquam obierat , ad ejus gloriam maniſeſtandam in Cœlis , miracu-
 „ lis etiam eum mirificare dignatus eſt . Quæ cum ſingula recenſeri non
 „ poſſint , ea tamen quatuor prætermittenda non ſunt , quæ jam pridem
 „ rite probata tanti ponderis fuerunt , ut , cum de Regalato inter Sanctos
 „ referendo poſtmodum ageretur in Sacra Rituum Congregatione , heroi-
 „ cæ ejus virtutes ſatis per ea confirmatæ declararentur . Cum enim juxta
 „ legum præſcripta oculatis teſtibus ob temporis antiquitatem amplius
 „ probari eæ non poſſent , Sacra Rituum Congregatio peculiari Decreto
 „ ſuo , edito die decimâ ſextâ Novembris anni milleſimi ſexcentefimi tri-
 „ geſimi ampliſſimè declaravit , per hæc quatuor miracula teſtimonium
 „ quodlibet ſatis abundè ſuppleri .

„ Primum in eo ſitum eſt , quòd , cum procuratis quondam Aquile-
 „ rianæ Familiæ negotiis , Tribulanum domicilium pro ſuo munere Re-
 „ galatus conſtituiſſet inviſere , ſeque horâ ſeptimâ una cum Socio con-
 „ tuliffet in viam , divinitùs factum eſt , ut horâ octavâ in Tribulano Con-
 „ ventu reperiretur , quadraginta paſſuum millibus nudis pedibus unius
 „ horæ ſpatio conſectis . Quo certè agilitatis miraculo ſummam fidelis
 „ atque prudentis miniſtri ſui diligentiam , qui ipſum conſtituerat ſuper
 „ familias ſuas , Dominus luculentiffimo veluti teſtimonio comprobavit .

„ At illud fortaiſè mirandum magis , quòd ſingularem Regalati erga
 „ pauperes charitatem a moroſis quibuſdam hominibus reprehendam , no-

„ vo inu-

„ vo inusitatoque portenti genere vindicare Deus voluit, & honestare .
 „ Erant inter Regalati Fratres , a quibus ipse , quòd nullum in elargiendis
 „ eleemosynis teneret modum , temerè incusaretur . Contigit igitur ali-
 „ quando ; ut , dum collecta ex communi mensa panis & carnis frustra de-
 „ ferret ad pauperes , ipsi obviùs Vicarius occurreret , & ab eo quid habe-
 „ ret in sacciperio importunus percunctaretur : Divino tunc Regalatus
 „ afflatus spiritu omnipotentis Dei , qui ea , quæ non sunt , tamquam ea ,
 „ quæ sunt , pariter vocat : Flores se habere , respondit . Quoniam verò
 „ ea erat anni tempestas , qua nulli certè flores , nisi divinitus vernare po-
 „ terant , ideoque ad hanc Petri vocem videretur hædere Vicarius , saccu-
 „ lum continuò Petrus explicuit ; neque jam , quas verè detulerat , panis
 „ carnisque reliquias , sed recentissimas in eo candidas purpureasque rosas
 „ ostendit . Cujus rei fama cum longè latèque finitima loca omnia pervas-
 „ sisset usque Vallisoletum , incredibile dictu est , quantam erga Regala-
 „ tum excitaverit universarum gentium existimationem .

„ Sed his etiam longè majora sunt , quæ in extento Servi sui brachio
 „ a Deo facta fuisse signa dicuntur . Quod enim de Apostolo Petro tra-
 „ dunt Evangelia , ut super maris undas ad Dominum ambularet , id usi-
 „ tatum planè fuit Regalato & familiare , ut Durii aquas sicco pede tra-
 „ jiceret ; Quoties enim accideret , ut flumen illud superaturo navicula
 „ in promptu non esset , posito Regalatus pallio , eoque super undas ex-
 „ tenso , supra illud insitens trans fluvium gradiebatur . Ex quibus , aliis-
 „ que miraculis , quæ Dei virtute Regalatus operabatur , tanta de eo con-
 „ secuta jam fuerat populorum opinio , ut in ipsum tamquam in absolutis-
 „ simum Apostolici Instituti hominem intuerentur .

„ Rei autem novitate ac magnitudine omnium excellentissimum il-
 „ lud fuisse videtur , quod post ejus obitum patratum est . Mendicus qui-
 „ dam Cœnobii Janitorem adierat , reliquias mensæ , uti assolet , acceptu-
 „ rus : Cum verò cæ omnes in egentium turbam jam fuissent a Janitore an-
 „ tea distributæ , miser ille vacuus atque hians dimissus est . Is verò cum
 „ & vehementer esuriret , & aliàs a Regalato eleemosynam quotidie cer-
 „ tam soleret accipere , Templum gemebundus ingressus , & ad Regalati
 „ sepulcrum in genua provolutus : *Si tu viveres* (inquit) *Regalate , non ego*
 „ *sanè duriter adeo viverem , nec mihi , quo pascerer , nunc deesset .* Vix hæc
 „ Mendicus : Continuò sepulcrum , mortalium nullo molliente , apertum
 „ est ; manum Regalatus exeruit , & pane Supplici dato , confestim retra-
 „ xit . Porro tanti miraculi magnitudine mirum in modum perculsi tum
 „ Mendicus , tum reliqui , qui aderant , spectatores primò quidem obstu-
 „ pescere , tum in altissimas lætitiæ voces erumpere , postremò per uni-
 „ versam Hispaniam rem evulgare , eamque incredibili admiratione com-
 „ plere .

„ Sepulcrum igitur Regalati jam inde ab ejus obitu magnâ populo-
 „ rum frequentia cœptum est celebrari , ejusque Reliquiæ magno semper
 „ in ho-

„ in honore habitæ sunt . Hinc trigesimo sexto post ejus obitum anno Elisabetha Castellæ Regina Aquileriam profecta loculamentum corpori
„ fanè elegans ex alabastrite marmore excitandum curavit , ubi quatuor
„ ea miracula , quorum ante meminimus , anaglyptico opere affabre visuntur expressa . Quò factum est , ut ejus cultus per insequentes ætates
„ mirum in modum fuerit amplificatus . Hoc autem rite approbato , Innocentius XI. Pontifex Optimus Maximus Officium & Missam in ipsius
„ honorem quotannis celebrari permisit , anno millesimo sexcentesimo octogesimo quarto Kalendis Martii : Cum in eam rem orando instandoque Carolus eo nomine secundus Hispaniarum Rex Catholicus , Regina Uxor , ejusque Mater , Ludovicus Portocarrerus Cardinalis amplissimus , pluresque insignes Episcopi vehementer incubuissent . Triennio post , cum in Templo Aquilerienti Sacellum cultu magnifico fuisset
„ excultum , & Regalato dicatum , in illud ejus ossa solenni pompâ delata sunt , eodem Pontifice permittente .

„ Anno post sexagesimo , cum de Regalato in Sanctorum catalogum referendo ageretur , BENEDICTUS XIV. Pontifex Optimus Maximus , idemque cum rerum omnium , tum earum præcipuè scientiâ , quæ in Divorum consecratione legitimâ positæ sunt , faciliè princeps , nova
„ quædam miracula , quæ post indultam venerationem , Petri ope invocata , acta fuisse ferebantur , in examen vocavit . Ea autem in solitis pluribus Congregationibus probè riteque discussa cum fuissent , die tandem decimâ quartâ Julii anni millesimi septingentesimi quadragesimi quarti Apostolicâ ejusdem Summi Pontificis declaratione duo , quæ
„ sequuntur , probata sunt & publicata .

„ Anno millesimo septingentesimo quinto Didacus quidam Sacerdos cognomento Plasentia , cum morbo comitiali affectus esset , epileptico paroxismo quodam die repente correptus , in domesticum focum prunis
„ ardentibus maximè tunc fortè refertum in præceps ruit , plenamque ollam ferventis aquæ cum subvertisset , cum cetera membra , tum oculi
„ præcipuè ex eo casu ita labefactati sunt atque caligaverunt , ut cæcus omnino fieret . Frustra adhibitis per aliquot menses medicaminibus , ejus salus conclamata jam per Medicos fuerat , animumque Didacus ipse
„ desponderat ; Implorato tamen Regalati auxilio , ejusque cucullo oculis admoto , ita luci restitutus est eo contactu , ut quoad vixit , multò
„ quàm antea vividiores habuerit oculos , acieque meliores .

„ Anno verò millesimo septingentesimo trigesimo septimo Birgittæ Ortægæ in sinistra , ut appellant , lumborum regione vitiatis carnibus ex interclusa sanie , quæ priùs ex quodam tumore manabat uberrima ,
„ ulcus ita horrendum erupit , ut & aliquæ costæ pure corruptæ omnino fuerint extrahendæ , & ulcere hiante renes nudi apparerent . Medicatione admodum longâ , & operosâ non solum nihil est actum , sed ulcus in fistulam conversum est ita periculosam , ut peritiores manum ipsi

„ admove auri non sint ; febris etiam cum mulier arderet , & summâ do-
 „ loris acerbitate afficeretur , rebus accisis ac prope perditis , ad Rega-
 „ latum confugere , Deo interiùs incitante , constituit . In equo igitur ,
 „ ut potuit , leucarum sex hispaniensium itinere ad Aquileriam contendit
 „ Petri Reliquias veneraturâ , ejusque opem imploratura . Quod cum fe-
 „ cisset majori , quo poterat , fervore spiritus , seque postea dedisset in
 „ viam in patriam reversura , vix aliquantulum progressa fuerat , cum
 „ equo desiliens gestiensque præ gaudio , valere se optimè inclamavit ,
 „ nullisque aut renum , aut lumborum doloribus ultra cruciari . Et re-
 „ vera a Marito itineris comite , arte Chirurgo , etiam atque etiam reco-
 „ gnitâ fitulâ deprehensum est , eam cicatrice modicè obductâ penitus
 „ coaluisse , & morbum morbiq̃ reliquias omnes momento temporis
 „ absterfas esse : quin etiam auctis eodem tempore pristinis viribus , habi-
 „ tu corporis firmiore deinceps fuit , suisque muneribus , ut antea fecerat ,
 „ exequendis cum primis idonea .

„ Hæc ea sunt , quæ pluribus aliis omissis in antiquissima hac causâ ,
 „ tamquam omnium certissima , referenda esse putatum est . Illud unicum
 „ remanet observatu dignissimum , quod a Sanctissimo Domino Nostro
 „ factum est in hujus causæ favorem , quo , cum summum eidem decus
 „ auctum fuerit & ornamentum , tum quanti ea sit meriti luculentissimè
 „ declaratur . Sanctissimus siquidem Dominus Noster pro summa sua illa ,
 „ ac penè incredibili cognitione , quam in hujus præcipuè generis causis
 „ assiduo tot annorum studio , improboque labore sibi acquisiverat , æquis-
 „ simè non minùs , quàm sanctissimè stabiliverat die vigesimâ secundâ
 „ Aprilis anni millesimi septingentesimi quadragesimi primi , ut Servis
 „ Dei , quorum virtutes heroicæ oculatis essent testibus destitutæ , hono-
 „ res divini nequaquam decernerentur , nisi quatuor post mortem patra-
 „ ta miracula Apostolicæ Sedis judicio comprobarentur . Hoc igitur ipso
 „ vitio Regalati causa cum laboraret , solennis ejusdem Canonizatio ha-
 „ beri minimè poterat , nisi quatuor priùs fuissent rite asserta miracula .
 „ Animadvertens verò idem Summus Pontifex in heroicis Regalati virtu-
 „ tibus confirmandis oculatorum testium auctoritatem quatuor miracu-
 „ lorum testimonio fuisse suppletam , hinc ejusdem causam in earum nu-
 „ mero , de quibus in suo Decreto loquutus fuerat , minimè comprehendi
 „ amplissimè declaravit die secundâ Augusti ejusdem anni .

„ Cum itaque duobus præfatis miraculis Apostolicæ confirmationis
 „ fuisset robur adjunctum , & in generali Rituum Congregatione habita-
 „ coram Sanctitate Sua die vigesimâ secundâ Septembris anni millesimi
 „ septingentesimi quadragesimi quarti ab omnibus Patribus unanimi sensu
 „ affirmatum , tutò posse beatum Petrum Regalatum in Sanctorum nu-
 „ mero recenferi : post effusas ad Deum plurimas preces , & imploratam
 „ in re tam gravis momenti cœlestis luminis opem , die tandem sextâ
 „ Octobris ejusdem anni beatum eundem Petrum Regalatum Sanctorum
 „ „ fastis

„ fastis adscribi posse publicè declaravit . Hoc autem ut fiat , Catholicæ
 „ Hispaniarum Familiæ Reges , & universus Minorum sancti Francisci
 „ Ordo preces ab initio causæ huic Sanctæ Sedi porrectas & confirmant ,
 „ & augent .

C O M P E N D I U M

Vitæ , Virtutum , & Miraculorum , necnon Actorum in Causa
 Canonizationis BEATI JOSEPHI a Leonissa Sacerdotis
 Professi Ordinis Minorum sancti Francisci
 Capuccinorum .

Ex Monumentis Sacræ Rituum Congregationis .

„ **J** Oseph in Baptismate nuncupatus Euphranius , Leonissæ Aprutii Op-
 „ pido non ignobili natus anno Domini millesimo quingentesimo quin-
 „ quagesimo sexto , pridie nonas Januarii , Joanne de Desideriis & Fran-
 „ ciscâ de Paulinis ingenuis honestisque parentibus , quàm sublimiter
 „ electus fuisset in sortem Domini , singulari eidem collato ab ipsis incu-
 „ nabilis beneficio , divinitus manifestatum fuit . Cum enim parùm ab-
 „ fuisset , quàm adhuc lactens a matre dormiente incautè suffocaretur in
 „ lecto , eâ gravi alapæ ictu invisibili manu percussâ , & a somno exper-
 „ ectâ , imminentis mortis periculo ereptus est . Puer verò , ubi primùm
 „ per ætatem licuit , honestè a parentibus institutus , & vultu totiusque
 „ corporis conformatione coelestem planè indolem spirans , coepit eximia
 „ futuræ sanctitatis indicia præseferre . Ab iis siquidem oblectamentis ,
 „ quibus ætas puerilis duci maximè solet , vehementissimè abhorrens , de
 „ nulla alia re magis delectabatur , quàm de invisendis frequenter Eccle-
 „ siis , & singulari quâdam animi voluptate jam tum sedulam orationis stu-
 „ dio operam impendebat . Vix annos septem natus , cum miro quodam
 „ amore silentii , incredibili erga inopes misericordiâ , & perpetuâ qua-
 „ dam , sibi que semper constanti morum suavitate & gravitate commen-
 „ daretur , tum in puero planè mirandum , quòd in pervigiliis beatissimæ
 „ Dei Genitricis , & sextis quibusque feriis tam rigidum sibi jejunium in-
 „ dixit , ut solo pane & aquâ vitam libentissimè toleraret . Grandior
 „ postea natu factus , castigatior etiam in dies evalit atque perfectior .
 „ Cum enim in Societatem Sanctissimi Salvatoris dedisset nomen , non so-
 „ lum corpus flagellis coepit acriter cædere , divinis sese frequentius Sa-
 „ cramentis munire , aliisque christiano homine dignis operibus impen-
 „ sius incumbere , sed etiam (quod in ea ætate admiratione dignissimum
 „ est) æquales suos , quâ poterat , ad pietatis studium hortari , & pro
 „ viribus suadere , ut coercendis pravis animi cupiditatibus primo tem-
 „ pore assuescerent , & a choreis præsertim , ceterisque ejus generis ob-
 „ „ le-

„ lectamentis , quibus in summum periculum adducitur spiritus , tem-
 „ perarent .

„ , Parentibus e vita sublati , Viterbium profectus , ut apud Patrum ,
 „ qui in ea Civitate magna cum laude publico docendi munere fungeba-
 „ tur , liberalibus disciplinis animum coleret , litterarum studium cum
 „ religione , pietate , innocentia arcè adeo copulavit , ut ab eo uberri-
 „ mum retulerit fructum , his verò admirationem in omnibus excitaret .
 „ Castimoniæ & pudicitia eò usque amans fuit , ut , cum idem Patruus
 „ honestissimarum nuptiarum cum opulenta , ac nobili genere nata virgi-
 „ ne ipsi molestissimus esset auctor , non modò eas constantissimè repudia-
 „ rit , perpetuâ Deo votâ virginitate , sed eo urgente atque sollicitan-
 „ te , tantùm fuerit animo commotus ac perturbatus , ut iniquo morbo
 „ correptus , eo in dies ingravescente , reverti in Patriam coactus sit .
 „ Ibi omni timore vacuus , omni etiam morbo brevi convaluit . Cum ve-
 „ rò de novo vitæ genere secum ipse statim deliberasset , qua maximâ po-
 „ terat celeritate sacrae Capuccinorum Familiae nomen dare constituit .
 „ A quo Religionis proposito cum multis Domesticorum blanditiis , pre-
 „ cibus , minisque sæpe tentatus deduci minimè posset , lætus tandem
 „ & victor in eorum Patrum Sodalitatem adscitus est .

„ Tirocinio absoluto , solennibus emissis votis , egregiâque navatâ
 „ operâ tum Philosophicis , tum Theologicis disciplinis , concionandi
 „ provinciam ab Ordinis Superioribus ultro sibi commissam obedientia
 „ virtute , ac penè invitus accepit ; Quam quidem , cum singulari Reli-
 „ gionis reparandæ augendæque pietatis zelo succensus esset , fortiter
 „ maximâque populorum utilitate sustinuit . Cum verò interea contigis-
 „ set , ut quidam ex eadem Capuccinorum Familia non ita pridem vitâ
 „ functus sese ipsi videndum dedisset , ut vivens , Deo annuente , promi-
 „ ferat , & ab eo de summa divini iudicii severitate multa intellexisset ,
 „ tanto metu atque terrore perculsus est , ut quasi ad virtutem lento tunc
 „ pede progredieretur , de ineundo asperiori ac perfectiori vitæ genere
 „ deliberaret . Animo igitur reputans , se certissimam privatam salutem
 „ suam operaturum , si pro publica Christianorum , & Infidelium ani-
 „ mam suam devoveret & poneret , Constantinopolim cogitavit , ubi &
 „ opem ferret nostris hominibus in molestissimam captivitatem abductis ,
 „ & alienos a vera pietate populos Romanæ Religioni conjungeret , aut
 „ certè pro lege Christi crudelissimam mortem oppeteret . Facultate
 „ post diutinas preces a Superioribus impetratâ , cum maritimo itineri se
 „ commisisset , non unum habuit divinae erga se voluntatis atque bene-
 „ volentiae evidentissimum argumentum . Exortâ siquidem repente horri-
 „ bili tempestate , cum navis in immensum crescentibus fluctibus operire-
 „ tur , Nautis omnibus animum despondentibus , non modò solus Ioseph
 „ tamquam vir magnæ fidei non dubitavit , sed omnium admiratione pre-
 „ cibus suis obtinuit , ut subito fieret in mari tranquillitas magna . Cum
 „ , via-

„ viaticum paulò post fuisset exhaustum , pauculas quasdam , quæ Josepho
 „ fortè supererant , panis reliquias ad ejus preces adeo Deus amplificavit
 „ & auxit , ut omnibus ad vescendum illæ suppetere . Egressus autem e
 „ navi , cum reliquum itineris pedibus conficere constituisset , quàmque ver-
 „ sum sibi foret eundem penitus ignoraret , Fratris Filium jam pridem e
 „ vivis in Oppido Leonissæ sublatum sibi habuit occurrentem , qui , Pa-
 „ truo ejusque Sodalibus ad quoddam beatæ Virginis Templum Urbi Con-
 „ stantinopolitanæ conterminum ductis , ex omnium conspectu improvi-
 „ sus evanuit .

„ Divinis hisce lætus auguriis Urbem Joseph ingressus , nullis incom-
 „ modis , nullis laboribus , nullis difficultatibus frangi potuit aut retar-
 „ dari , quo minùs christianos homines in miserrima illa captivitate ja-
 „ centes omni , qua poterat , ope levaret , erigeret , solaretur . Quin etiam
 „ cum ea spe teneretur , si ad ejurandam Maumetanam superstitionem su-
 „ premus ipse Turcarum Tyrannus adduci potuisset , fore ut facilè Popu-
 „ lus universus voluntati exemploque Principis se conformaret , vehe-
 „ mentiori quodam Religionis studio inflammatus eum adire constituit ,
 „ eique se ducem esse & auctorem ad amplectendam Christi doctrinam .
 „ At verò , dum magno animo , fidentique expleturus consilium suum in
 „ intima Principis cubicula pedem tentat inferre , regii Satellites con-
 „ cursu facto hominem comprehendunt , & pugnis , calcibus , verberibus ,
 „ omnique contumeliarum genere cruciatum in arctam custodiam detru-
 „ dunt . Gaudebat Athleta Christi fortissimus , quòd dignus habitus esset ,
 „ qui contumelias atque tormenta pro Jesu nomine pateretur , nihilque
 „ illi gratius poterat evenire , quàm si inter supplicia quælibet acerbissi-
 „ ma Christianam fidem suo sanguine confirmaret . Votis ejus arrisit Deus :
 „ Latâ enim in eum mortis sententiâ sævissimo quodam supplicio peri-
 „ mendus Satellitibus traditur , a quibus pede manuque dexteris unco
 „ ferreo e sublimi suspensus est ea lege , ut tamdiu ex ea trabe penderet ,
 „ quamdiu dolore & fame confectus crudelissimo mortis genere animam
 „ exhalaret . Spe tamen sua frustrati sunt ; Quamvis enim neque ipse mar-
 „ tyrio , neque martyrium ipsi defuerit , sola tamen ea mors defuit , quam
 „ unam , ut dissolveretur , essetque cum Christo , ardentissimè cupiebat .
 „ Postquam scilicet triduo hujusmodi crudele supplicium invictò animo
 „ toleraverat , fidemque catholicam elatâ voce testatus fuerat , Satelliti-
 „ bus igne fumoque supposito , frustra obnitentibus , ut voce interclusâ
 „ halituque prohibito vel interiret , vel concionari desineret ; factum est ,
 „ ut Angeli in forma pueri beneficio vinculis solutus ex unco deponere-
 „ tur . Curatis subinde ab eodem de repente vulneribus , viribusque cibo
 „ aliquantulum reparatis , in Italiam jussus est remeare , aliud martyrii
 „ genus pro bono christianæ Reipublicæ subiturus . Cui cum vir sanctissi-
 „ mus paruisset , iterque repeteret , Græcum Antislitem , qui turpiter a
 „ Religione defecerat , atque in impietatis præmium gerendam prima-
 „ riam

„ riam acceperat Præfecturam , ab errore suis concionibus revocatum se-
 „ cum victor abduxit .

„ Itaque in Italiam reversus , satis explicari non potest , quàm assi-
 „ duum fortemque legis divinæ præconem sese præberet , & quantus in
 „ eo esset , ut malè affectos Fideles reduceret ad sanitatem , probos verò
 „ acriùs ad virtutem & pietatis studium accenderet . Cum verò prospice-
 „ ret abundè semper in Urbibus sacros suppetere Concionatores , qui ani-
 „ marum saluti religionique consulerent ; contra autem in Pagis , Villis,
 „ locisque campestribus , ubi messis est multa , paucos esse Operarios , qui
 „ ambulantes in umbra mortis Evangelicæ veritatis lumen afferrent ;
 „ hos ipse sibi erudiendos , informandos , evangelizandos studiosè propo-
 „ suit . Totius igitur anni curriculo , quadragesimali præsertim tempore
 „ per Vicos & Castella circumiens Vir verè Apostolicus tanta æstuabat
 „ erga Proximos charitate , ut & dies integros a solis ortu usque ad oc-
 „ casum itineribus , concionibusque consumeret , & sexies , septies , un-
 „ decies etiam aliquando , atque duodecies diversis locis , diversis populis ,
 „ diversis argumentis eodem semper fervore spiritus , eâdem semper men-
 „ tis alacritate quotidie concionaretur . Mirandum planè , quòd vir tot
 „ austeritatibus penè consumptus , sacco indutus , cilicio , loricâque ser-
 „ reâ præcinctus , solo quandoque panis frustulo ab Agriculis pauperri-
 „ mis emendicato sub vespèram paltus , imbre sæpissime madidus , vehe-
 „ mentissimo æstu solis exustus , ardenti etiam febris aliquando cruciatus ,
 „ ut Christo lucrificaret animas , tot itineribus non lassaretur , tot labo-
 „ ribus non frangeretur , nullâ aeris intemperie perterreretur , nullâ
 „ corporis ægritudine retardaretur .

„ Neque tamen his solùm confiniis , licèt amplissimis charitatis ejus spa-
 „ tia contineri potuerunt ; sed ea usque adeo extendi voluit , ut cum tot flu-
 „ mina emitteret aquæ vivæ ad irriganda Fidelium corda e suggesto , non
 „ ideo tamen sibi acquiescendum putaret . Si quos enim præterea a veritatis
 „ tramite errantes intellexisset , eos ipse in privatis etiam eorum domibus ,
 „ in publicis etiam semitis convenire non dubitabat , eosque exhortando ,
 „ obsecrando , increpando in omni patientia & doctrina , transferre de
 „ tenebris & umbra mortis in Regnum filiorum Dei totis viribus cona-
 „ batur . Quin etiam intelligens , quemlibet adolescentem juxta viam
 „ suam , etiam cum senuerit , ab ea non recessurum , puerisque rite insti-
 „ tutis perennem fieri pietatem , ad eos etiam instruendos informandos-
 „ que charitatis suæ viscera dilatavit . In Ecclesiis igitur , in plateis , in
 „ vicis , in domibus , in ipsis montium cavernis quos invenire & congre-
 „ gare poterat , rusticos pueros & Pastores primis fidei elementis instrue-
 „ re , necessaria Religionis mysteria edocere , salutaribus monitis confir-
 „ mare , sancto timore Domini imbuere , patientiâ incredibili summâque
 „ sui spiritus suavitate , quoties licuit , minimè prætermisit .

„ Porro , cum tantis laboribus pro Fidelium utilitate susceptis con-
 „ gruum

„ gruum foret , ut fructus amplissimus responderet , mirum esse non de-
 „ bet , quòd Josepho in vinea Domini strenuè adeo laborante , plantante,
 „ rigante , Deus maximum dederit incrementum . Certum enim est, quòd
 „ homines flagitiosissimi ad sanam frugem revocati fructus poenitentiae di-
 „ gnissimos ediderunt ; quòd mulieres libidinis cœno sepultæ a peccandi
 „ consuetudine feliciter emerferunt ; quòd & privatae Personæ , & Fami-
 „ liæ quamplures , & integri penè populi cum odiis acerbissimis inter se
 „ multo tempore dimicassent , iis extinctis in gratiam fide optimâ redi-
 „ verunt ; quòd blasphemiiis ad Infernum detrusis omnium ora Dei laudi-
 „ bus resonarunt ; quòd Tempia in pluribus locis aut reparata , aut sacrâ
 „ suppellectili decenter ornata , aut etiam a fundamentis extructa sunt ;
 „ quòd alexæ vitium eliminatum ; quòd repressa chorearum licentia ; quòd
 „ bacchanaliorum consuetudines extirpatæ .

„ Interea , cum tot tantasque quotidianas clades acciperet insensissi-
 „ mus humani generis hostis , & tanta ipsi inferretur , uno Josepho aucto-
 „ re , perniciës , incredibile dictu est , quantâ in eum indignatione excan-
 „ desceret , quantas ipsi moliretur insidias , quantas contra illum excita-
 „ ret tempestates . Quoniam verò collectam diu rabiem ipse per se in Jo-
 „ sephum effundere prohibebatur , effecit , ut hoc ipsum per improbos
 „ quosdam homines ministros suos , quorum vitia moresque corruptos
 „ Apostolicâ libertate reprehendebat , abundantissimè consequeretur :
 „ Itaque cum innumeris fuisset ab iis lacessitus injuriis , maximisque con-
 „ tumeliis affectus , eò tandem furoris insanixque devotum est , ut in pu-
 „ blico omnium conspectu , medioque Oppidi foro barba ipsi per sum-
 „ mam injuriam avelleretur , verberibus & colaphis immaniter cædere-
 „ tur , & parùm absuerit , quin a scelestissimo quodam , arrepto utrâque
 „ manu caputio , eoque collo arcè perstricto , elisisque faucibus præfoca-
 „ retur . Quæ tamen omnia tam æquabili invictoque animo vir verè Chri-
 „ stianus toleravit , ut charitatis , patientiæ , humilitatis exemplar evase-
 „ rit admirandum . Gaudio siquidem in tribulatione pro Christo super-
 „ abundans cum malediceretur benedicebat , cum persecutionem patere-
 „ tur , sustinebat , cum blasphemaretur , obsecrabat ; & Christi Jesu mor-
 „ tificationem in corpore suo circumferens , ejusque consilium peragens
 „ percutienti maxillam , alteram protinus offerebat .

„ Neque verò constanti adeo voluntate æternam tantùm animarum
 „ salutem Josephus operabatur , sed dici vix potest quantam susceperit
 „ etiam corporum curam , quantoque amore inopes omnes complectere-
 „ tur . Hinc non solùm eos cibos , qui sibi contingebant , majori ex parte
 „ cum pauperibus communicabat , & omnes communis mensæ reliquias
 „ diligentissimè colligebat egenis impertiendas , sed non exiguam insuper
 „ horti aream de Superiorum licentiâ suis ipse manibus colens , quidquid
 „ inde aut fructuum accipiebat aut olerum , id omne amantissimè pau-
 „ peribus elargiebatur . Guardianus porro cum fuit , etsi nunquam domo
 „ , diver-

„ diverteret , quin secum deferret aliquid , quo obvios in via pauperes solaretur , quandoque tamen cum nihil sibi præterea reliquum foret , eò usque voluit esse misericors , ut suis ipse vestibus tremantes ex frigore pauperes operiret . Si verò quandoque Apostolico muneri incumbens in aliquo extra Conventum hospitio degeret , (quod sæpissimè contingebat) tum in illud pauperes turmatim compellere , ibi eos a capitis vestiumque sordibus purgare , pedes eorum tergere , plagas curare & osculari gaudebat ; tum lautioribus , quibus poterat , esculentis reficere , somnoque opportuno in præparatis lectulis recreare . Quin etiam in ipsas se insinuans secretissimorum carcerum obscuritates , confectos ibi squalore ac fame homines , omni quocumque modo poterat , relevare satagebat ; si quem verò eorum vel innocentem deprehenderet , vel mortui destinatum intelligeret , illius causam apud Judices agere ; hunc verò omni , quo posset , officii genere apud Deum juvare & consolari studebat . Cum autem vehementissimè optaret , ut , qua ipse æstuabat , singularis charitas in omnium animos diffunderetur , & ad futuras etiam ætates transmitteretur , a ditioribus quibuscumque , quâ precibus , quâ monitis , quâ minis , quâ pollicitationibus impetravit , ut suam in sublevandis pauperibus operam collocarent . Quo factum est , ut ex eleemosynis collatâ pecuniâ , plura in diversis Oppidis vel instauraverit , vel excitaverit pauperum & peregrinantium Hospitia , & certos perpetuoſque Pietatis , ut vocant , Montes solertissimè stabiliverit , quorum fructus in egenorum beneficium erogarentur .

„ Hæc autem pietatis officia Deo fuisse acceptissima pluribus insignibusque miraculis Deus ipse testatus est : Inter quæ illud non est prætermittendum , quod Oculi summâ omnium admiratione patratum est . Ibi enim cum esset Joseph , habuissetque sermonem de eo Christi miraculo , quo quinque panibus & duobus piscibus quinque hominum millia saturaverat , quoniam summâ id temporis annonæ caritate ii Populi laborabant , suâ in Deum fide Josephus obtinuit , ut ex perexigua farina , quam acceperat ex eleemosyna , tanta panis copia conficeretur , quanta sufficeret integro illi populo , finitimisque , quæ ad concionem confluxerant , gentibus abundantissimè saturandis . Borbonii item , cum in summa pariter rei frumentariæ angustia de eodem Christi miraculo verba fecisset , & perexiguam farinæ eleemosynam accepisset , nedum eâ millè sexcentorum hominum famem explevit , sed etiam tanta panis copia superfuit , quanta esset fatis , ut postero die toti populo distribueretur .

„ Hactenus de eo spiritu Domini ferventissimo , quo vir Apostolicus ferebatur in eos omnes , quos sibi conjunxerat christiana charitas . De iis modò virtutibus pauca subdenda sunt , quibus in excolenda domestica vitæ ratione mirificè effulsit : Inter quas cum principem sibi vindicet locum humilitas , hinc non immeritò , cum magnum ab initio construe-

„ re cu-

„re cuperet ædificium sanctitatis, de jaciendo prius cogitavit alto funda-
 „mento humilitatis. Quamobrem & internam animi demissionem vigi-
 „lantissimè coluit, & contemptus hominum ardentissimè concupivit;
 „oblatus in Religione honores & gradus, quoad potuit, constantissimè
 „recusavit, eosque obedientiæ virtute susceptos citiùs, quo potuit, di-
 „mittendos curavit: Et quemadmodum domum verrere, terram effode-
 „re, lances in coquina detergere, exportare vasa in contumeliam, vilio-
 „ra quæque præstare, tamquam qui omnium abjectissimum se putabat,
 „jucundissimum illi fuit: ita, cum maximum se ex animo crederet pec-
 „catorem, ceterorum precibus se commendare consuevit,

„Porro ex hac tantæ humilitatis radice suam traxit originem cæca
 „illa obedientia, qua adeo Josephus excelluit, ut, cum Christum Do-
 „minum fide non fictâ in suis Superioribus intueretur & coleret, cum
 „iis non aliter quàm flexis genibus nudoque capite colloqueretur, ne-
 „que eorum imperium sibi duceret expectandum, sed voluntatis indicia
 „perscrutanda.

„Tantam verò crucis mortificationem in corpore suo portavit, ut
 „cum pane durissimo mucidoque, & putrescentibus aquis se durissimè,
 „ut plurimum, sustentaret, ad lautitiem aliquando unum aut alterum
 „vini cyathum adhiberet cineribus prius benè corruptum, & semiuistis
 „quibusdam putridis aspersisque fuligine leguminibus, vel crudis quan-
 „doque oleribus uteretur. Ciliciis etiam diversi generis cum castigaret
 „corpus, ferreâ quadam catenâ dies noctesque ita constringebatur, ut,
 „cum tumescentibus membris caro labefactata putrescere inciperet, for-
 „cipe fuerit obtruncanda. Tum in abditissima domus sylvæque loca se-
 „cedens, remotis arbitris, inusitatis flagellorum generibus corpus suum
 „ita diverberabat, ut sui ipsius crudelissimus carnifex laniusque ab ipsis
 „Fratribus & vocaretur & esset. Quo factum est, ut legem in membris
 „suis repugnantem legi mentis suæ sentire minimè videretur, & quò car-
 „ne mortificatâ depressior, eò spiritu vivificato sublimior in rerum cœ-
 „lestium contemplationem assurgeret: Huic enim sic erat deditus vir re-
 „ligiosissimus, ut vix possit intelligi, quonam pacto & orationis assidu-
 „tati, & unâ Proximorum salutis tantopere posset incumbere. Siquidem,
 „ut orandi satietatem expleret, sæpe insomnes traducebat integras no-
 „ctes, & meditationibus jugiter vacans ex visibilibus quibuscumque, in
 „quæ oculus incidebat, ad invisibilia Dei vel invitatus rapiebatur. Hinc
 „ante sanctissimam Christi Domini de Cruce pendentis imaginem plures
 „horas consistere visus est, aliquando brachiis extensis atque sublatiis, ali-
 „quando verò in sublime raptus e terra, radiosque ex vultu emittere lu-
 „cidissimos. Acerbissimam verò ejusdem Passionem tam attentâ mente
 „animoque sollicito contemplabatur, ut dolor, quo intus afficiebatur,
 „per varias totius corporis distortiones verè summus esse cognosceretur.

„Tot tantarumque virtutum odoratus Dominus suavitatem odoris,

„ ut Servi sui sanctitatem omnibus manifestaret, insignium charismatum dona illi largiri dignatus est, multorumque miraculorum gloriâ condecorare. In spiritibus itaque discernendis, in secretis cordium abditissimis penetrandis, in rerum eventibus longè in posterum prospiciendis, in gravissimis morbis simplici tactu, prece, imperio expellendis, in bestiarum feritate edomanda, in elementis ad arbitrium suum moderandis, atque flectendis illum mirabilem sic Deus fecit, ut cum numerando non possint singula recenseri, necesse sit ex iis summam aliqua delibare. Truentum igitur expanso super aquas pallio unâ cum Socio transegit: Marojam fluvium sicco pede calcavit: In Templo triturantibus comminatus, cum, extincto bove, poena illico subsecuta esset, illum paulò post Agricolaë pauperrimi lacrymis precibusque commotus ad pristinae vitæ munera revocavit: Ex arido monte ad Socii sui sitim sedandam cum aquæ venam aperuisset, eâque subitò exsiccata, locus paulò post a quibusdam indagaretur, ubi miraculum contigisset, aquæ iterum eruperunt, quibus epotis nullum amplius visum est aquæ vestigium.

„ Interea tempus illud advenerat a Josepho multò ante præscitum, ac prænunciatum, quo repositâ coronâ justitiæ, quam repromisit Deus diligentibus se, in triumphanti eum patria Dominus coronaret, quem bonum certamen certantem tantis charismatum donis jam coronaverat hic in terris. Plurimis igitur acerbissimisque cum cœpisset affligi doloribus, & intelligeret horam novissimam appropinquare, satis explicari non potest, quàm totus in id incumberet, ut animo præparato venienti Domino lætus occurreret. Quamdiu per vires licuit, licèt infirmus, immaculatam Deo hostiam offerre non prætermisit: Quod postmodum cum peragere acerbioris morbi vi prohiberetur, illud saltem solatii capere nitebatur, ut ante horas matutinas e lectulo suo confurgens ad Ecclesiam descenderet, ibique de Superioris manu sanctissimâ Eucharistiâ reficeretur. Ubi verò morbo invalescente e Cella egredi minime potuit, illud obtinuit, ut expiatâ per Exomologesim conscientiâ, immaculato Christi corpore, tamquam salutarî vitæ immortalis pignore, diebus singulis in sui domicilii vestibulo flexis genibus cibaretur. In meditanda interea Passionis Dominicæ historia, in precibus recitandis, in persolvendo divino Officio reliquas diei partes devotissimè transigebat: Donec instante novissimo mortis agone, Ecclesiæ Sacramentis summo pietatis ac Religionis fervore susceptis, Christi Domini amantissimè osculatus effigiem, dum corpus oculosque tamquam in Cœlum properaturus attollit, placidâ serenâque fronte cursum felicissimè consummavit in Amatricis Oppido, die quartâ Februarii anno millesimo sexcentesimo decimo secundo, ætatis suæ quinquagesimo septimo.

„ Mirum quantâ speciei venustate florere subitò cœperit beati cada-
veris facies, quæ antea, cum esset vivens, morborum diuturnitate vitæque austeritate squalibat! Mirum quantâ odoris suavitate ipsa etiam
„ intima

„ intima dissecti corporis viscera redolerent ! Mirum quàm vivida , quàm
 „ flexibilia , quàm mollia membra conservarentur ! Quin etiam ipsa cor-
 „ poris intestina excrementitiis sacibus divinitus , ut creditum fuit , de-
 „ purgata fragrantissimo inventa sunt humore lacteo redundare . Quæ
 „ dum miratur Chirurgus , Deumque in Sancto suo mirabilem prædicat ,
 „ Josephi sanctitatem sibi ipsi beneficam expertus est ; cum enim inter se-
 „ candum novacula sibi digitum gravi vulnere sauciaisset , opportunissi-
 „ mam in Josephi sanguine medelam invenit , qua illico sanaretur .

„ Evulgatâ autem felici Josephi morte , ad visendum venerandum-
 „ que sanctum illius Corpus tanta multitudo sanctitatis ejus famâ ac re-
 „ ligione succensa in Oppidum Amatricis confluit , ut finitimæ Regio-
 „ nes omnes suis propemodum convulsæ sedibus viderentur ; quibus Jose-
 „ phus Apostolicâ illâ charitate adhuc incensus , qua semper exarserat hic
 „ in terris , innumera obtinuit ab omnipotenti Domino beneficia . Quot
 „ enim diuturnis affectos morbis in pristinam valetudinem incolumita-
 „ temque restituit ! Quot ab obsessis corporibus spiritus immundos ejecit !
 „ Quot intimum cordis dolorem ingessit , quo peccatorum veniam a Do-
 „ mino consequerentur !

„ Quamobrem cum , famâ sanctitatis , gloriâ miraculorum , & po-
 „ pulorum devotione ubique percrebrescentibus , votis omnium haberetur
 „ dignissimus , de quo ageretur inter Cœlites referendo , plures formati
 „ sunt de ejus virtutibus miraculisque post mortem , ordinariâ primùm ,
 „ deinde Apostolicâ auctoritate Processus : Quibus rite discussis , iisque
 „ adamussim servatis , quæ in re tanti momenti Summorum Pontificum
 „ Decretis præscripta sunt , Clemens XII. P. O. M. die decimâ quintâ Ju-
 „ lii anni millesimi septingentesimi trigesimali quarti sacre generalis Ri-
 „ tuum Congregationis judicium de heroicis Josephi virtutibus Decreto
 „ Apostolico confirmavit ; die verò octavâ Junii anni millesimi septin-
 „ gentesimi trigesimali septimi duo miracula comprobavit : Puer siquidem ,
 „ qui ab ipsa nativitate palpebras ita simul habebat unitas , ut ad viden-
 „ dum perpetuò impos judicaretur , Josephi ope illico luce donatus est :
 „ Laurentius verò Novellus cum fuisset in genu gravissimè vulneratus , in-
 „ vocato Josephi nomine , momento temporis ab omni vulnere sanatus
 „ fuit . Hinc , cum Sacre Congregationis judicio inter Beatos recenseri
 „ posse declaratum fuisset , idem Clemens XII. Summus Pontifex Jose-
 „ phum Beati nomine insigniri , ejus Reliquias publicè venerari , & in ali-
 „ quibus locis de eo Officium recitari , Missamque Confessoris non Ponti-
 „ ficis juxta Breviarii Romani rubricas celebrari permisit .

„ Novis postea Processibus efformatis , ut , quæ post indulti cultus
 „ concessionem nova miracula supervenerant , more solito probarentur ,
 „ eorumque validitate discussâ , duo in generali Congregatione coram
 „ Sanctissimo Domino Nostro BENEDICTO XIV. P. O. M. habitâ plenis
 „ calculis Patres approbavere : Josephus scilicet Dionysius annorum duo-

„ rum puer tantam corporis debilitatem ab ipso vitæ exordio contraxe-
 „ rat , ut stare nullo modo posset ; carnis verò fibras adeo lentas habebat
 „ atque flexibiles , ut ad modum lintei complicarentur : Cum eum Mater
 „ delatum ad Templum super illud Altare collocavisset , sub quo jacebat
 „ Josephi corpus , Puerumque illius patrocinio maximâ fide commenda-
 „ visset , tantâ roboris firmitate consolidatæ sunt illico bases Pueri , & tam
 „ perfectâ virium integritate corpus ejus donatum est , ut ex seipso subitò
 „ incedere , deambulare , & currere sine ulla difficultate potuerit .

„ Antonia item Morellia quâdam fistulâ tam graviter laborabat , ut
 „ non solum sanies ex ea permixta sanguine flueret , sed ea hiante tam ve-
 „ hemens erumperet ventus , ut candelæ sufficeret extinguendæ : Acceden-
 „ tibus postmodum tussi , feбри acerbissimisque doloribus , de ejus sanitate
 „ fuerat conclamatum . Vix autem oleo , quod ante sacrum beati Josephi
 „ corpus ardere consueverat , oblinita ea fuit , cum eodem momento tem-
 „ poris fistulâ evanescente , feбри , tussi doloribusque cessantibus , integrè
 „ fuit pristinis viribus restituta . Quæ duo miracula Sanctissimus Dominus
 „ Noster Apostolicâ auctoritate firmavit die primâ Maji anni millesimi
 „ septingentesimi quadragessimi quinti .

„ Cum autem die tertiâ Augusti ejusdem anni idem Summus Ponti-
 „ fex in generali Congregatione ab universis Patribus intellexisset , locum
 „ esse , ut tutò cœlestes in terris beato Josepho decernerentur honores ,
 „ post adjutorium cœlestis luminis , suis aliorumque Christifidelium pre-
 „ cibus imploratum , die decimâ septimâ ejusdem mensis Sacræ Congre-
 „ gationis Secretario , & Fidei Promotori jussit , ut Canonizationis beati
 „ Josephi Decretum emitteretur . Pro cujus Decreti executione precibus
 „ in vestibulo causæ olim a Regibus , & Principibus christianis quamplu-
 „ rimis devotè porrectis , suas modò humillimas supplicationes addit omnis
 „ Fratrum S. Francisci Capuccinorum Familia .

COMPENDIUM

Vitæ , Virtutum , & Miraculorum , necnon Actorum in Causa
 Canonizationis BEATÆ CATHARINÆ de Ricciis Florentinæ ,
 Monialis Professæ Ordinis Prædicatorum .

Ex Monumentis Sacræ Rituum Congregationis .

„ **C**atharina de Ricciis Florentiæ in Hetruriâ nata octavo Kalendas
 „ Maji anno salutis millesimo quingentesimo vigesimo secundo , Pa-
 „ rentibus pietate & nobilitate conspicuis , ab ipsâ infantiâ complura
 „ dedit non exiguæ sanctitatis exempla . Puerilia siquidem oblectamenta
 „ mundique illecebras respuens , silentio , solitudine & oratione adeo de-
 „ lectabatur , ut Angeli sui Custodis aspectu & consuetudine frui , ejus col-
 „ „ loquiis

„ loquiis frequentissimè recreari , eundemque habere meruerit Præcepto-
 „ rem in Rosarii , ut vocant, precibus recitandis . Ex qua precandi metho-
 „ do , in contemplandis Dominicæ vitæ mysteriis jugi meditatione defixa
 „ cum esset , incredibilem illum traxit divini amoris ardorem , quo postea
 „ tam vehementer toto vitæ suæ tempore æstuavit . Monialibus suburbani
 „ Asceterii Divi Petri e Monticulis nuncupati instituenda cum fuisset tra-
 „ dita , ita supra suam ætatem cœlestium rerum contemplationi se dedit ,
 „ ut non in terris sed in cœlis vivere videretur ; præcipuè verò tanto
 „ mentis ardore , tantâ lacrymarum vi Christi Domini de Cruce pendentis
 „ imaginem singulosque ejusdem cruciatus assiduè contemplabatur , ut &
 „ de eis assiduè colloqueretur , & eos variis sui corporis actibus effingere
 „ conaretur , & præ doloris magnitudine conficeretur . Quo factum est ,
 „ ut Christum Dominum audire meruerit sibi voce clarâ atque sensibili
 „ ex eadem imagine colloquentem . Decennem ex eo Monasterio cum Pa-
 „ ter eam vellet abducere , facultate impetratâ , ut antequam ad domum
 „ paternam reverteretur , commorari per decem dies sibi liceret in Mona-
 „ sterio Pratenſi S. Vincentii Ordinis Prædicatorum . nec precibus , nec
 „ minis adduci potuit , ut inde egrederetur , nisi interposito sacramento
 „ fidem suam Genitor obligavisset de celeri reditu permittendo . Cum verò
 „ promissis ille non staret , & dilationem reditus variis prætextibus causa-
 „ retur , tanta ejus animum ægritudo corripuit , ut ex febris decumbere
 „ coacta fuerit . Hoc argumento voluntate Dei manifestatâ , omnique co-
 „ gitatione depositâ de ea in matrimonium tradenda , ut ad Pratenſe Mo-
 „ nasterium rediret , tandem aliquando permisit Pater . Ibi igitur trede-
 „ cim annos nata Religiosæ vitæ tirocinium ingressa arduum perfectionis
 „ iter , quod a teneris annis jam arripuerat , tantâ animi alacritate proſe-
 „ cuta est , ut jam tum virtutum exemplo senioribus omnibus præluceret .
 „ Præcipuè verò , cum rerum cœlestium contemplationi multò , quàm
 „ antea vehementius instaret , in Deum frequentissimè rapta tam admira-
 „ biles ecstases patiebatur , ut omnino destituta sensibus judicaretur . Illud
 „ autem in ea multò admirabilius , quod hoc ipso tempore , quo tam sin-
 „ gularibus gratiis illustrabatur a Domino , tam demissè humiliterque de
 „ se ipsa sentiebat , ut metueret , ne tamquam minus idonea & omnium
 „ imperfectissima a Monasterio dimitteretur .

„ Expleto Probationis tempore , quam tamdiu concupiverat , voto-
 „ rum solennem professionem emisit , in qua , cum antea Alexandra nun-
 „ cuparetur , Catharinæ sibi nomen assumpsit . Rata verò in suscepto san-
 „ ctioris vitæ instituto sibi acrius incumbendum religiosarum virtutum
 „ studio , satis explicari non potest , quantâ animi contentione gloriosas
 „ illas , quibus Ordo Prædicatorum abundat & illustratur , gloriosas Vir-
 „ gines æmulari , & secum ipsâ certare niteretur , ut in dies melior evade-
 „ ret atque perfectior . Sollicita , ne ignis ille divini amoris , quo erat ac-
 „ censa , terrenis curis & cupiditatibus implicatus & suffocatus tepeſce-
 „ ret,

„ ret vel etiam extingueretur , id unum semper præ oculis habuit , ut
 „ nihil loqueretur nisi de Deo , nihil ageret nisi ad gloriam Dei , nihil
 „ nisi Dei clementiam , iustitiam , sapientiam , pulchritudinem , omni-
 „ tentiam meditaretur . Quo factum est , ut , cum nec ipsa se avellere pos-
 „ set a Deo , nec aliò a rebus exterioribus avocari , quidquid sibi ob oculos
 „ obversaretur , quidquid acciperet auribus , quidquid attingeret sensibus ,
 „ omnia illam in Deum quasi violenter raperent , maioremque semper es-
 „ cam suppeditarent , qua suus ille ignis immensum evaderet in incendium .
 „ Hinc voces illæ continuæ , continua illa suspiria , quibus interni ignis
 „ exhalare conabatur ardorem : Hinc tot illi defectus corporis & tam
 „ longa deliquia , quibus jugiter charitate vulneratâ languebat : Hinc cre-
 „ bræ illæ protestationes , quibus se quidem indignam esse asserbat , quæ
 „ igne divino accenderetur , fieri tamen minimè posse , ut sine eo vitam
 „ traduceret : Hinc uberes illæ gestientis animi voluptates & cœlestium
 „ gaudiorum deliciæ , quas , cum diutius inter angusta pectoris sui confi-
 „ nia continere non posset , in vultum identidem erumpebant divino splen-
 „ dore longè latèque radiantem : Hinc ecstases illæ admirabiles , quibus
 „ per dies integros sensibus destituta , & in aera quandoque sublata unicè
 „ cum Deo conversabatur , & miro quodam splendore micabat : Hinc lux
 „ illa cœlestis speciesque coruscantis cujusdam flammæ , quam ex ore ocu-
 „ lisque emittebat , cum vel Dominicæ Passionis mysteria recoleret , vel
 „ sacræ Eucharistiæ pabulo reficeretur : Hinc denique servidissimæ illæ
 „ adhortationes omni gladio ancipiti penetrabiliores , quibus sæpissimè in
 „ ipso mentis excessu de Sponso suo divino tam alta , tam præclara , tam
 „ magnifica prædicabat , ut amoris divini flammam in ipsis etiam lapideis
 „ cordibus excitavisset .

„ Neque verò cœlestis Sponsus , qui gratiam suam Servis suis dat af-
 „ fluenter , minora passus est hic in terris exhiberi Sponsæ suæ argumenta
 „ maximæ charitatis : Sacra siquidem Redemptionis Stigmata Catharinæ
 „ sinistro lateri , manibus pedibusque sanguineis quibusdam rutilisque
 „ notis insculpta : Spinosum Diadema , quo caput Catharinæ transfixit :
 „ Crucis vestigia Catharinæ tergo profundè impressa : Suimet ipsius exte-
 „ rior species a Catharinæ vultu vivâ quâdam similitudine aliquando , eo
 „ permittente , expressa atque repræsentata : Acerbissima Passionis suæ
 „ tormenta per duodecim annos singulis hebdomadis ab hora decima octa-
 „ va feriæ quintæ usque ad vigesimam secundam feriæ sextæ tum corpori
 „ extrinsecus , tum cordi intrinsecus communicata , non minus Catharinæ
 „ erga divinum Sponsum charitatem , quàm Sponsi divini erga suam Spon-
 „ sam amorem singularem abundè testantur .

„ Hæc autem , tametsi amplissima sint & planè singularia , non sunt
 „ tamen præclariora illa argumenta , quibus mutua Catharinæ Sponsi-
 „ que cœlestis charitas e vincatur . Majora siquidem & multò splendidio-
 „ ra remanent recensenda charismata , quæ , ut tantæ charitati vicem re-
 „ pen-

„ penderet cœlestis Sponsus in Catharinam , voluit uberrima derivari .
„ Memoriae siquidem proditum est , quòd , cum aliquando orationi fer-
„ ventius esset intenta , se ipsam sæpe Deipara conspiciendam contem-
„ plandamque illi præbuerit , nec dulcissimos modò cum ea sermones ha-
„ buerit , sed eum ipsum Puerum Jesum , in quem desiderant Angeli pro-
„ spicere , in ejus sinu amantissimè collocaverit , ut eum tenerrimè am-
„ plecteretur atque oscularetur , & cum illo familiarissimè colloquere-
„ tur atque deliciaretur : Quodque eademmet Deiparâ Virgine pronubâ
„ ab ipso Redemptore, datâ dexterâ, pretiosissimo cœlestique annulo fue-
„ rit desponsata . Nec silentio prætereundum est , quòd , cum quadam die
„ ante Christi Domini de Cruce pendentis imaginem prostrata jaceret ,
„ fervidasque de more suo sunderet preces , brachia clavis confixa revel-
„ lens idem Dominus in dulcissimos amplexus Catharinæ proruerit, quam
„ cum dulcissimo Sponsæ nomine compellasset , ejus preces sibi acceptis-
„ simas esse affirmavit .

„ Ex his autem tam sublimibus charismatibus , quibus Sponsam suam
„ tam abundè Christus Dominus insignire voluit & cumulare , sejungi mi-
„ nimè debet propheticum illud lumen , quo illustrata & futura , & ab-
„ sentia sæpe vidit ; & quod summum est , cordium secreta aliquando fun-
„ ditus penetravit . Quod adeo familiare illi fuit , ut , cum sæpissimè ar-
„ cana cordium perlegisset , quidque Sorores animo cogitassent , quid
„ mente voluissent , omni dubietate sepositâ , maximâ earumdem admira-
„ tione patefecisset , unaquæque sibi metueret , ne si aliquid minùs rectum
„ vel perpetrasset , vel concepisset , a Catharina , cui nihil erat occultum,
„ objurgaretur . Ex quo illud consequebatur , ut suaviter salubriterque
„ tum apud Deum tum apud homines in officio continuerentur .

„ Mirum autem videri non debet, quòd tantam in semetipsa constru-
„ xerit fabricam celsitudinis , cum tantum priùs de fundamento cogitavisset
„ humilitatis ; neque quòd Deus talia ac tanta in ea congesta esse vo-
„ luerit dona cœlestia , cum non potuerit non respicere humilitatem An-
„ cillæ suæ . Hæc enim virtus , quæ ceterarum omnium est parens atque
„ magistra , quàm profundas fixisset in ejus corde radices , ex eo satis co-
„ gnosci potest , quòd divinis charismatibus tam liberaliter locupletata ,
„ summis Populorum , Magnatum , Principum laudibus exaltata , adhuc
„ tamen tam demissam humilemque de semetipsa opinionem habebat , ut
„ se maximam peccatricem , communi luce indignam , inutile terræ pon-
„ dus , vas foetidum & immundissimum non prædicaret modò , sed ex
„ animo reputaret . Hinc aliarum Sororum precibus enixissimè se com-
„ mendare , iis diligentissimè samulari , eorum pedes amplecti atque de-
„ osculari consuevit : Hinc summam capiebat animo voluptatem , si abje-
„ ctioribus ministeriis addiceretur , si uteretur vilioribus indumentis : Hinc
„ quidquid in sui gloriam & laudem vel apud domesticos , vel apud ex-
„ teros cedere posse videbat , alto perpetuòque silentio premendum cautè
„ cura-

„ curabat ; quidquid verò ingerere contemptum sui, publicum omnibus
 „ esse volebat & manifestum . Quod quidem , ut cetera prætermittam ,
 „ ex hoc uno clarè liquet exemplo . Catharinæ virtutes , res gestas , & sin-
 „ gulares , quas a Domino acceperat , cœlestes gratias volumine compre-
 „ hensas diligenter Moniales collegerant , ut posteris vel imitandæ , vel
 „ admirandæ proponerentur : Vix autem tale quid ad ejus cognitionem
 „ devenit , incredibile dictu est , quanto dolore molestiâque affecta fuerit
 „ Catharina . Tamdiu orare , obsecrare , instare humillima Virgo non de-
 „ stitit , ut liber ille conculcicaretur , laceraretur , combureretur , quoad us-
 „ que tandem aliquando in suas manus casu cum devenisset , vehementi hu-
 „ militatis instinctu agitata flammis subito tradidit comburendum . Ne-
 „ que tamen humilitatis ejus postremus hic extitit terminus , sed eò usque
 „ progressa est , ut a cœlesti suo Sponso multis precibus lacrymisque summi
 „ beneficii loco petierit & impetraverit , ut universis privaretur externis
 „ sanctitatis indicis & argumentis .

„ Ex hujusmodi tam profundæ humilitatis radice , veluti legitimus
 „ fructus , exactæ obedientiæ virtus originem traxit , quæ , teste sancto
 „ Gregorio , ceteras virtutes menti inserit , insertasque custodit . Cum di-
 „ dicisset ex sancto Bernardo , quòd : *Fidelis obediens nescit moras , fugit cra-*
 „ *stinum , ignorat tarditatem , præripit præcipientem , parat oculos visui , aures*
 „ *auditui , linguam voci , manus operi , itineri pedes , totum se colligit , ut impe-*
 „ *rantis colligit voluntatem* ; nihil antiquius habuit Catharina , quàm ut
 „ hæc omnia prompto alacrique animo adamussim exequeretur . Neque
 „ solum id præstitit vel in rebus facilibus , vel quæ juxta Monasterii mo-
 „ rem & institutum a Monialibus omnibus fieri consueverant , sed nihil
 „ unquam de prompta ad exequendum voluntate remisit , etiamsi difficilli-
 „ mis sæpe numero probaretur experimentis ; & ardua quæque , & ejus
 „ vires prope excedentia juberentur . Revera ab ejus conscientiæ Mode-
 „ ratore fuit quondam illi imperatum , ut sincerè fideliterque cuidam
 „ ex probatoribus illius Monasterii Sororibus aperiret quidquid sibi a
 „ cœlesti suo Sponso creditum fuerat ; vel in posterum crederetur . Hu-
 „ militati suæ profundissimè inflicto vulnus vehementer admodum sensit
 „ Catharina ; tantum tamen absuit , ut mandatum non faceret , vel in eo
 „ faciendo moras innecteret ; quinimo id subito fidelissimè præstitit , sua
 „ nequidquam reluctantæ humilitate .

„ Cum verò obedientiam , ceterasque virtutes cum singulari quadam
 „ prudentia conjunctas in Catharina Superiores Ordinis intuerentur , rati
 „ cam , quæ aliis subesse , atque parere tam bene didicerat , non minori
 „ cum laude rerumque spiritualium emolumento Monasterii regimini
 „ præfuturam ; annuentibus , approbantibus , plaudentibus Sororibus
 „ omnibus , unâ duntaxat Catharinâ id agrè ferente , illam huic muneri
 „ admoverunt ; in quo tam prudenter , justè , moderatèque se gessit , ut
 „ Superiorum eorundem jussu ad quadraginta duos annos , raro atque uni-
 „ „ co for-

„ eo fortasse inter Moniales exemplo, summa cum animi sui molestia illud
 „ protraheretur .

„ Constituta autem a Domino super familiam suam , nihil magis
 „ cordi habuit , quàm ut omnes vota redderent in conspectu Domini ,
 „ quàm ut mutuam inter se charitatem haberent , quæ est vinculum per-
 „ fectionis , quàm ut ascensiones in corde suo disponerent , irentque de
 „ virtute in virtutem , quàm ut Martham , & Magdalenam agentes ora-
 „ tionem cum operatione conjungerent , quàm ut denique quidquid ver-
 „ bo docebat , suo ipsamet firmaret exemplo . Comis , facilis , blanda ,
 „ mitis omnes intimis charitatis visceribus , & maternâ quâdam sollicitu-
 „ dine complectebatur ; sedulò incumbens , ne quam tristitia affligeret ,
 „ ne quam cogitatio secularis urgeret , ne aliqua nimia quiete torpescer-
 „ ret , ne nimio labore aliqua premeretur : Cumque esset omnium Mater ,
 „ nullibi magis auctoritatem suam adhibuit , quàm ut sibi abjectissima
 „ quæque Monasterii munera reservaret . Sordes igitur verrere , com-
 „ muni mensæ inservire , lances in coquina detergere familiarissimum ipsi
 „ fuit .

„ Præcipuè verò singulari erga Infirmas charitate resplenduit . Iis
 „ siquidem famulari usque adeo in deliciis habuit , ut non modò lectulos
 „ sternere , cibos propriis manibus præparare , flexis ipsis genibus mini-
 „ strare , earum pedes abluere solita fuerit , sed neque ab earum ulceribus
 „ sanie manantibus , sordidoque quolibet ministerio sui victrix abhorrue-
 „ rit : Si quæ verò in vitæ discrimine versarentur , nullum erat pietatis
 „ officium , quod ab ea non impenderetur . Cibi somnique prorsus obli-
 „ ta , nec diu , nec noctu veluti a commissa custodia discedebat : Sacra-
 „ mentali gratiâ refici jugiter satagebat , & a Dæmonis vexationibus li-
 „ berare ferventiùs nitebatur : Cumque jam eo viderentur adductæ , ut
 „ cum morte conflictarentur , talibus apud Deum precibus migrantes ani-
 „ mas adjuvabat , ut in ecstasim rapta non priùs sensibus restitueretur ,
 „ quàm illæ objissent , & ad æternæ salutis portum feliciter appulissent .
 „ Neque tamen idcirco solis his finibus circumscribi Catharinæ charitas
 „ passa est , sed conquiescere minimè poterat , donec a Purgatorii pœnis
 „ ad cœlestem Beatorum Patriam eas ipsa suis quodammodo manibus
 „ transtulisset . Vix enim concipi potest quot fuis ad Deum precibus la-
 „ crymisque , quot proprii corporis afflictationibus pro iisdem divinæ ju-
 „ stitiæ satisfacere niteretur : Illud etiam a Domino enixis precibus pete-
 „ re solita , & impetrare omnium judicio , ut eas pœnas a se ipsa adhuc
 „ viva repeteret , quæ iisdem pro perpetratis culpis levibus debeban-
 „ tur .

„ Quà quidem planè heroicâ , & singulari charitate non eas tantùm
 „ animas complectebatur , quæ in Pratenfi Monasterio , sed universas
 „ etiam , quæ in toto Orbe ex hac vita in Domino commigrabant : Quin
 „ etiam viscera charitatis suæ dilatans erga Peccatores , Hæreticos , & In-

„ fideles eorum perditionem tam amarè deflebat, ut se ad quælibet pro
 „ illorum salute tormenta libentissimè Domino offerret, & voluntarios
 „ proprii corporis animique cruciatus pro eorundem conversione dica-
 „ ret. Quo factum est, ut, Domino Servæ suæ precibus annuente, per
 „ multum temporis gravissimis afflicta fuerit morbis acerbissimisque do-
 „ loribus. quos præter naturam fuisse Medicorum judicio declaratum
 „ fuit. His hominum suspiciones, perversa judicia, calumniæ, contu-
 „ meliæ addendæ sunt. Quæ tamen non solùm fortè & æquo animo cun-
 „ cta sustinuit, sed mirifico dilectionis affectu persecutores suos omni be-
 „ nignitatis testimonio complexa, charitatis, patientiæ, humilitatis
 „ hostia Deo viventi in odorem suavitatis evasit.

„ „ Omnibus his, quibus vel Catharinæ votis satisfacere Deus voluit,
 „ vel ejus virtutem tamquam aurum in fornace tribulationis diu multum-
 „ que probare, acceperunt voluntariæ corporis afflictationes. Cilicio,
 „ flagellis, frigore, inediâ, vigiliis, atque omni pœnarum genere per
 „ quadraginta & octo annos semetipsam Virgo innocentissima cruciari
 „ non desistit. Quo tempore non solùm ab ovis & carnibus, Deo juben-
 „ te, semper abstinuit, sed tantâ cum severitate jejunare consuevit, ut
 „ plerosque dies solo pane & aquâ transigeret. Hinc est, quòd tam glo-
 „ riosum reportavit de seipsâ triumphum, ut vel omnino extincto, vel
 „ oppresso libidinis sensu, nullum in suo corpore passa fuerit motum pu-
 „ dori virgineo reluctantem, & integritatis candorem ad mortem usque
 „ intactum illibatumque servaverit.

„ Hic tamen iterum revocat me Catharinæ charitas erga Proxi-
 „ mum, singularis illa præcipuè erga pauperes misericordia, de qua
 „ usque adhuc nullam video a me factam fuisse mentionem. Hæc porro
 „ tanta fuit in Catharina, ut, cum ære proprio eorum egestatibus sub-
 „ venire non posset, & intra Monasterii septa conclusa, quæritandis
 „ eleemosynis ad eos sublevandos minùs idonea videretur, inops tamen
 „ Virgo ab omnibus segregata ingeniosâ charitate perfecit, quod multi
 „ simul liberi divites facere minimè potuissent. Ut enim prætermittam
 „ innumeras eleemosynas, quas non solùm Pratenfibus, sed totius He-
 „ truriæ pauperibus in dies singulos erogabat, constat, plures inopes vir-
 „ gines, congruis dotibus assignatis, nuptui aut Cœnobio tradidisse, ne
 „ earum pudicitia periculum pateretur.

„ „ Tantarum verò virtutum fama cum intra Pratenfis Monasterii
 „ septa contineri non posset, per Hetruriam, Italiam, Galliam, Ger-
 „ maniam longè latèque vagata percrebuit. Ad eam igitur undequaque
 „ Populi confluebant, vel ut a languoribus sanarentur, vel ut ab immun-
 „ dis spiritibus liberarentur, vel ut ad gratias spirituales obtinendas ejus
 „ precibus adjuvarentur: Neque unquam votis inanibus discedebant.
 „ Paulus etiam hujus nominis Tertius Pontifex Maximus summam famæ
 „ adjunxit auctoritatem: Cum enim Roberto Cardinali Pucci o Episco-

„ po

„ po Pistoriensi commisisset , ut tam evulgatam Catharinæ sanctitatem
 „ ad rigidum examen revocaret : Ille verò in hanc rem tanti negotii viros
 „ secum adhibuisset doctrinâ , dignitate , pietate præstantes , factum est ,
 „ ut ea & maximè probaretur , & omnes in summam raperet admiratio-
 „ nem . Incomparabiles quoque viri S. R. E. Cardinales amplissimi Cervi-
 „ nius , Mediceus , Aldobrandinius , qui omnes deinde ad Petri Cathe-
 „ dram assumpti sunt : Nicolinius , Caffarellius , Justinianus , Alexan-
 „ drinus sancti Pii Quinti Nepos , alique Præsules benè multi : Hetru-
 „ riæ , Baviaræ , & Mantuæ Principes illam religionis & venerationis
 „ causâ adiverunt , tamquam ad omnis sanctitatis magistræ absolutæque
 „ perfectionis exemplar . Sanctus quoque Philippus Neri , & sancta
 „ Maria Magdalena de Pazziis , cum tam admirabilem sanctitatem non
 „ tam celebritate famæ , quàm Deo auctore intellexissent , amicitiam &
 „ litterarum commercium cum ea inire voluerunt . Quinimo S. Philippus
 „ cum Romæ moraretur , illius tamen aspectum habuisse præsentem , &
 „ cum ea pios dulcesque inseruisse sermones tum ipse testatus est , tum lu-
 „ culenter satis in ejus Bulla Canonizationis declaratum legimus in hæc
 „ verba : *Cum in Urbe maneret , tunc in humanis agentem Catharinam Ric-*
 „ *ciam &c. Monialem Prati in Hetruria commorantem longo temporis spatio est*
 „ *allocutus .* Quod profectò aliter contingere minimè potuit , nisi cum am-
 „ bo in ecstasim rapti (quod illis familiare admodum fuit) ambo etiam
 „ coram Domino in spiritu commorarentur . Id ipsum autem , cum BE-
 „ NEDICTUM Decimumquartum Pontificem Optimum Maximum pro
 „ omnigena sua eruditione cum in rebus omnibus , tum præcipuè in histo-
 „ riis Servorum Dei , latere minimè posset , in causa fuit , cur diem ipsam
 „ sancto Philippo Nerio dicatam elegerit , qua a se beatæ Catharinæ mi-
 „ racula approbarentur .

„ Catharinam interea agentem jam sexagesimum septimum annum
 „ mortiferus idemque acerbissimus invasit morbus ex nimia , ut prodi-
 „ tum est , vitæ austeritate contractus . Quapropter , ut in occursum
 „ divini Sponsi plenâ lampade Virgo prudentissima se præpararet , nihil
 „ curavit magis , quàm ut sanctissima Ecclesiæ sacramenta devotissimè su-
 „ meret . Adstabant interea Catharinæ lectulo Monasterii Sorores tantæ
 „ Matris jacturam lacrymis inconsolabilibus deplorantes , quas Catharina
 „ ad Religiosæ vitæ observantiam , ut Christum lucrifacerent , majori
 „ quo poterat , animi fervore exhortans , frustra consolari in Domino
 „ nitebatur : Cum repente auditis per aera dulcissimis Angelorum con-
 „ centibus proximæ mortis Catharinæ prænunciis , animi quodam stupore
 „ correptæ a fletu aliquantulum conquiescere coactæ sunt . Catharina ve-
 „ rò nunquam magis . quàm eo tempore , intenta contemplandis Domi-
 „ nicæ Passionis doloribus , manibus pedibusque in Christi Crucifixi simi-
 „ litudinem positis , ad Sponsi sui cœlestis amplexus inter plaudentes An-
 „ gelorum choros feliciter evolavit die secundâ Februarii anno millesimo

„ quingentesimo octogesimo nono. Quo temporis momento non solum
 „ facies ejus diuturnorum morborum macie & pallore foedata insolitâ
 „ quâdam venustate reffloruit, sed mirus quidam ab universo corpore splen-
 „ dor emitti, mirus quidam odor efflari cœpit, qui, eo etiam in sepul-
 „ cro jam posito, maximâ omnium admiratione perseveravit. Quanto
 „ autem in cœlesti Patria excepta fuerit gaudio quantoque beatæ illius
 „ Curia triumpho, satis sit, multis aliis omiſſis, sanctæ Mariæ Magdale-
 „ næ de Pazziis testimonium, quæ se tantæ solennitati, Deo adeo illi fa-
 „ vente, interfuisse Confessario suo narravit.

„ Ut verò mortis illius rumor ad Pratenſem Urbem vicinasque He-
 „ ruria Civitates, & Oppida allatus fuit, incredibilis subito ad viſendum
 „ illius Cadaver concursus hominum factus est, cupientibus certatim sin-
 „ gulis aliquam ex indumentis ejus habere particulam, qua ad impetran-
 „ das a Domino gratias uterentur. Percrescente postmodum magis ma-
 „ gisque sanctitatis illius famâ, eamque multis insignibus beneficiis mi-
 „ raculisque Domino comprobante, digna omnium votis habita est, de
 „ qua inter Cœlites referenda ageretur.

„ Instructis igitur anno millesimo sexcentesimo decimo quarto, &
 „ millesimo sexcentesimo vigesimo tertio, ordinariâ atque Apostolicâ au-
 „ ctoritate Processibus, tribus Sacrae Romanae Rotæ Auditoribus, ut erat
 „ in more tunc positum, discutienda causa committitur, qui de ea lato ju-
 „ dicio & documentorum auctoritatem probarunt, & Catharinæ virtutes
 „ gradum heroicum attingisse affirmarunt, & miracula supra communem
 „ naturæ usum patrata fuisse dixerunt.

„ Evulgatis tamen interea ab Urbano Octavo Pontifice Maximo no-
 „ vis legibus super hujusmodi causas, novi subinde de non Cultu, ut ajunt,
 „ condendi fuere Processus. Quibus rite constructis anno millesimo sex-
 „ centesimo septuagesimo quinto, de omnimoda Decretorum observantia
 „ constare Episcopi Pistoriensis, & Sanctæ Sedis judicio declaratum est an-
 „ no millesimo sexcentesimo septuagesimo octavo.

„ Siluit postmodum Causa usque ad annum millesimum septingente-
 „ simum decimum quintum, quo Sacrae Rituum Congregationis Decreto,
 „ annuente Clemente XI. Pontifice Optimo Maximo, instauratum fuit
 „ virtutum examen, quæ Sacrae Rotæ Auditorum judicio jampridem fue-
 „ rant approbatæ: Cumque nonnullæ fuissent exortæ novæ difficultates,
 „ iis probè ritèque discussis, Benedictus XIII. Pontifex Optimus Maxi-
 „ mus Ordinis Prædicatorum Apostolico lato Decreto die septima Martii
 „ anno millesimo septingentesimo vigesimo septimo, de virtutibus Ca-
 „ tharinæ de Ricciis in gradu heroico ad effectum, de quo agebatur, con-
 „ stare pronunciavit.

„ Quibus peractis, ad novum etiam examen revocata cum fuissent
 „ Catharinæ miracula, in generali Sacra Rituum Congregatione coram
 „ Clemente XII. P. O. M. habitâ die vigesimâ secundâ Aprilis anni mille-
 „ „ simi

„ simi septingentesimi trigefimi quarti, duo plenis calculis approbata sunt:
 „ Scilicet sanitas momento temporis impertita Sorori Catharinæ de Bon-
 „ sis Moniali Professæ in Monasterio Pratenfi S. Vincentii Ordinis Prædi-
 „ catorum, ab Aneurismate: Et Sororis Elisabeth Cherubinæ Catani Mo-
 „ nialis Conversæ in Monasterio Pratenfi S. Claræ subita item salus ab I-
 „ schiade. Datoque de eorum approbatione Decreto die trigefimâ Aprilis
 „ anni millesimi septingentesimi trigefimi secundi, idem Clemens XII.
 „ Beatificationis diploma expediri mandavit die primâ Oct. ejusdem anni.

„ Expeditis postea litteris, quas Remissoriales & Compulsoriales vo-
 „ cant, pro consuetis conficiendis Apostolicâ auctoritate Processibus su-
 „ per novis miraculis, quæ post Catharinæ Beatificationem patrata fue-
 „ rant, eisque ad Urbem delatis, eorumque validitate recognitâ, præmis-
 „ sis consuetis Congregationibus Antepreparatoriis & Preparatoriis,
 „ ad BENEDICTUM XIV. P. O. M., quem diu sospitem Deus faciat ad
 „ majorem Ecclesiæ suæ utilitatem & incrementum, novum miraculo-
 „ rum examen delatum est: Et in Congregatione generali coram ipso ha-
 „ bitâ, duo rursus plenè approbavit.

„ Primum est absoluta & perfectâ sanitas Mariæ Clementinæ Stac-
 „ cioli puellæ Florentinæ ab exulcerato atque immedicabili Cancro in
 „ dextera mamilla, quod septem primò valvulis seu cavitatibus, mox
 „ duabus per octo annos ita sævierat, ut ex eo Infirma non multò post cer-
 „ tissimè moritura judicaretur.

„ Alterum verò fuit repentina salus Sororis Mariæ Magdalenæ Fabris
 „ Monialis Professæ in Monasterio S. Catharinæ Civitatis Augustanæ Or-
 „ dinis Prædicatorum ab Arthritide pertinaciter fixâ in artubus inferiori-
 „ bus, ex qua eorum motus impediabatur, quæque Medicorum judicio
 „ erat prorsus insanibilis.

„ Quæ cum peracta fuissent, habitâ iterum coram eodem Summo
 „ Pontifice generali Congregatione, discussum est, an tutò procedi pos-
 „ set ad solennem beatæ Catharinæ Canonizationem; & Patribus omni-
 „ bus voto unanimi consentientibus, post aliquot dies, quibus in re tam
 „ gravi a Patre luminum divinum censuit postulandum auxilium, die de-
 „ mum sextâ Octobris anni millesimi septingentesimi quadregesimi quar-
 „ ti Decretum de peragenda Canonizatione publicè pronunciavit. Quod
 „ ut executioni mandetur, novumque sibi decus accedat per solemnem
 „ hujus Virginis Canonizationem, humillimas offert preces universa Præ-
 „ dicatorum Familia.

V I I I. Idus Junii e Gandulphi Castro ad Arcem Romani Imperii re-
 dux Princeps Apostolici Senatus, per sequentem schedulam ob majorem
 commoditatem typis impressam, ut & in reliquis factum est inferiùs ap-
 ponendis, a Cursoribus delatam commoneri præcepit Cardinales & Præ-
 sules, quotquot Romæ tunc aderant, de primo semipublico Consistorio
 post biduum habendo.

I N T I M A T I O

Per Cursores facienda etiam Domi dimissâ copiâ .

Feria 4. die 8. Junii . In Aula , quæ loco Ducalis est in Quirinali Palatio , habebitur Consistorium semipublicum sub hora decimatertia . In eo servata Methodo juxta schedulam jam distributam Sanctissimus Dominus Noster BENEDICTUS Papa XIV. tam Eminentissimorum DD. Cardinalium , quàm Reverendissimorum Patriarcharum , Archiepiscoporum & Episcoporum suffragia excipiet pro futura Canonizatione beati FIDELIS a SIGMARINGA Martyris Ordinis Minorum S. Francisci Capuccinorum .

Intimentur idcirco omnes , & singuli Eminentissimi , & Reverendissimi DD. Cardinales , necnon Reverendissimi DD. Patriarchæ , Archiepiscopi & Episcopi in Urbe præsentēs , ac Domini Protonotarii Apostolici , duo antiquiores Rota Auditores , Sacrorum Rituum Congregationis Secretarius , Promotor Fidei , & Procurator Fiscalis Camera Apostolica .

De Mandato Sanctissimi Domini Nostri Papæ

Ignatius Reali Apost. Cærem. Præf.


In Ædibus Quirinalibus pro Aula Ducali accipitur ea , quæ ascendentibus per scalam Regiam in Palatium prima occurrit , & in qua Parafrasarii commorantur . Ad caput igitur Aulæ istius posuerant Pontificis Cosmetæ (vulgus *Florerios* appellat) Papalem Cathedram , supra quam ampla pendebat Umbella , fericâ culcitram coloris rubri auro contextâ obductam ; parietem autem posticum , cui ipsa sedes hærebat , damasceno serico rubro circumvestierant ; scamna præterea Consistorialia , in quibus Cardinales assiderent , disposuerant hinc & inde in rectam lineam porrecta , & in quadrum desinentia , aperto tamen aditu e regione Sedis Pontificiæ relicto : Pro Præsulibus verò Assistentibus ad Solii dexteram ; pro non Assistentibus , ad sinistram post Cardinalium sedilia eodem ordine distribuerant quamplura alia scamna ex nudo alboque ligno sine postergali , in quibus & Protonotarii & Auditores etiam Rotæ assidere debebant ; ut in hac Ichno-graphia apparet .

His dispositis statutâ die & horâ convenire in præfatam Aulam Purpurati Patres & Præsules omnes , quorum nonnulli ex Orientali Regione huc appulsi jussu Papæ præter cibaria ab ipsius Promo quotidie suppeditata , Rhedam quoque , qua vectarentur , a Pontificii Equilis Præfecto Marchione Pyrrho Vasè Pietramelara illustri ac probò Viro Bononiensi accipiebant .

Ad eos exiit Pontifex , duorum Diaconorum Cardinalium , qui in Aulam

1. Sedes Pontificia
2. Scam-
na Car-
dinalium
Duce-
norum
Assisten-
tium ad
ornatu
tantum
3. Sedilia
Cardi-
natum
4. Scam-
na pro
Patriar-
chis, Ar-
chiepi-
scopis, et
Episco-
pis As-
sistenti-
bus.
5. Similia
pro Pa-
triar-
chis, Ar-
chiepi-
scopis,
et Epi-
scopis
non As-
sistenti-
bus.
6. Alia pro
Protono-
tariis.
7. Alia pro
Audito-
ribus
Rotæ.
8. Locus
Secreta-
rii Cong-
Sacra-
tum.
9. Suppli-
cum Li-
bellorum
a Secre-
tis, et Cu-
biculo
Præfæ-
loci ex
Speciali
Sua San-
ctitatis
gratia.

10. Aposto-
licarum
Cæremo-
niarum
Præfæ-
ctus.
11. Cæteri
Cæremo-
niarum
Magi-
stri.
12. Promo-
tor Fi-
dei.
13. Procu-
rator
Fiscalis.
14. Secreta-
rius Sa-
cri Col-
legii.
15. Cleri-
cus Na-
tionalis
16. Janitor
ad inte-
riora
cubicu-
la.
17. Introi-
tus in
Aulam
ex par-
te Sca-
larum.
18. Fenes-
træ ver-
sus Atri-
um Qui-
rinalis.
19. Alia
versus
Virida-
rium.
20. Infu-
ribu-
lum.



Ichonographia Aulae Parafrenariorum loco Ducalis in Quirinali Palatio ad Consistoria semipublica pro Canonizatione

Aulam Paramentorum opportunè ob id fuerant acciti , ministerio jam indutus Amictu , Albâ , Cingulo , Stolâ violaceâ , Pluviali simplici coloris rubri cum Formalio ex unionibus , ac Mitrà ex textili auro redimitus . Pedes incedebat præcedente Cruce ab Auditore Rotæ delatâ cum Cappa: Vestimentorum ejus anteriores fimbrias duo Protonotarii ; posteriores verò Cubicularii duo Assistentes elevabant . Cum Se aptasset in Solio , jussi sunt de Aula egredi , quibus locus non erat in eo Conventu ; iisque qui foris clauso ostio remanerent , vetitus in posterum ingressus . Speciali tamen summi Pontificis gratia constiterunt prope ejus sedem in sinistro latere R. P. D. Joseph Livizzani Protonotarius supra numerum , utpote SANCTITATIS SUÆ a supplicibus Libellis , & R. P. D. Vincentius Malvezzi , eidem Protonotariorum participantium Collegio adjunctus , Apostolico Cubiculo Præfectus , ambo nobilitate generis , prudentia , comitate apprime commendati .

Sessiois initium fecit Pontificia hæc Allocutio .

VENERABILES FRATRES . Maximam Nobis hic amplissimus confessus jucunditatem affert , in quo Pontificum Prædecessorum nostrorum vetus consuetudo renovatur . Siquidem , cum de gravissimis negotiis agendum ac deliberandum erat , in consilium vocabant Primores ex Clero Romano , Episcopos Suburbicarios & ceteros Antistites , qui casu aliquo Romæ versabantur . Materiem pariter , quam Vobis examinandam ac dijudicandam proponimus , sacræ vetustati omnino consentaneam judicamus . Et enim Causa Martyris Fidelis a Sigmaringa Vobis exhibetur ; & cognitum satis est perspectumque universis , quàm diligenter accuratèque Prædecessores nostri Clemens , Fabianus , & Antherus colligi jussissent eorum Acta , qui pro Fidei Catholicæ defensione vitam profundebant . Actorum collectioni judicium succedebat , quod *vindicationis* appellabatur , quodque institui solebat ab Ecclesia ad fraudes & ambi-

ambiguitates evitandas, de quo iudicio verba facit Optatus Milevitanus Scriptor quarti seculi, cum illustre facinus Cæciliani Archidiaconi commemorat, qui superbam foeminam Lucillam vehementer objurgavit, eo quod ossa *hominis mortui, etsi Martyris, sed necdum vindicati*, osculari consueverat, priusquam Divinam Eucharistiam perciperet. Quod si aliquid paulò alienum ab antiquitate reperitur in examine, quod habetur hodierna die, illud profecto est, quod in Actis & narrationibus rerum gestarum a Fideli a Sigmaringa, quæ Vobis exhibitæ fuerunt, & quas antea Nos ipsi perspeximus ac diligentissime expendimus, in his, inquam, Actis non solum agitur de Martyrio, ejusque Causa, sed etiam recensentur signa ac Miracula, quæ beato Fideli intercedente Deus patravit. Etenim vestram eruditionem minimè latet gravissima disputatio, quam seculo nono Ecclesiæ magnâ cum laude sustinuit S. Eulogius Martyr ac Toleti Archiepiscopus in suo præclaro Libro, qui inscribitur: MEMORIALE SANCTORUM: pro Cultu Cordubensium Martyrum, magnopere contendens illis exhibendum esse Martyrum Cultum, etiamsi nulla Miracula ob eorum intercessionem obtigissent. Attamen id minimè nos avocat ab instituto Nobis gratissimo venerabilis antiquitatis, cum in nostris Commentariis DE CANONIZATIONE SANCTORUM, qualiacunque fuerint, planè ostenderimus, propositis cujuslibet seculi monumentis & exemplis, nunquam Sedi Apostolicæ in more positum fuisse, ut Cultum publicum Martyris ulli concederet,

aut permissivum & pro aliquibus tantum locis, vel præceptivum & pro universa Ecclesia, nisi postquam Martyrium ejusque Causam perpendisset ac probasset, juxta vetus adagium, nempe MARTYREM NON FACIT POENA, SED CAUSA, & postquam Miracula etiam in examen adduxisset ac probasset. Siquidem tutiorem in hac re sententiam amplectendam censuit, nec ullam diligentiam omnino prætermittendam, ut de gravissimo hoc negotio judicium ferret, cum præsertim nulla necessitas ejusmodi judicium postularet. Equidem Vobis ante oculos proposita sunt omnia, videlicet, vita, mors ejusque causa, signa ac Miracula beati Fidelis a Sigmaringa. Interea vestras sententias exquirimus, utrum ad ipsius Canonizationem deveniendum putetis.

Post quam DD. Cardinales singuli, & post eos juxta proprii Ordinis gradum & dignitatem Patriarchæ, Archiepiscopi, & Episcopi de beati Fidelis causa suffragium tulerunt, prout infra.

FRANCISCUS Tit. S. Marie Translyberim Presb. Card. Burgheusius.

AN non Ego tot gravibus ac sapientibus Collegis meis assentiar, qui in hac rogatione tua BEATISSIME PATER ante me sententiam dixerunt, qui omnes ad unum disertis verbis consilium tuum de B. Fideli a Sigmaringa in Divos referendo tantopere & jure quidem ipsi laudaverunt? Assentior Ego sanè; & quem gloriâ & honore coronavit Dominus, ejusdem per Te PATER BEATISSIME solemnique ritu coronandam consecrandamque memoriam censeo.

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili.*

Martyrium Sanctos aut invenit, aut facit; quandoque expiat antea actæ vitæ culpas & detrimenta; quandoque conceditur in præmium meritorum. In beato Fideli a Sigmaringa virtutum omnium præstantiam coronavit palma Martyrii. Excelluit quidem ab adolescentia morum candore

dore vitæque innocentiam, & abnegatis secularibus desideriis humillimum Ordinem Capuccinorum amplexus est, laboribus & vigiliis corpus suum in servitutem redigens, ne terreno rebellis carnis pondere animus ad Deum anhelans retardaretur. Itaque sobriè, justè, ac piè sanctèque vitâ peractâ, Regularis disciplinæ diligentissimus Custos ac catholicæ Religionis acerrimus propugnator, quam diu desideraverat, meruit gratiam Martyrii accipiens coronam de consummatione virtutis. Æquum itaque est, ut beatus Fidelis, qui, & tot virtutum splendore & triumphi nobilitate ceteris præstat, primusque fuit, qui institutæ a sancta Sede Congregationis de Propaganda Fide mandata impigrè ac fortiter exequens catholica dogmata contra insensissimos Novatores proprio sanguine confirmavit; primus etiam decreta hinc in terris summæ virtuti præmia a SANCTITATE VESTRA consequatur.

*Fr. JOANNES ANTONIUS Tit. SS. Silvestri, & Martini
ad Montes Presbyter Cardinalis Guadagni.*

EXigunt præclaræ virtutes B. Fidelis a Sigmaringa miraculis a Deo comprobatae ac Sacrorum Rituum Congregationis examine discussæ, ut S. V. Divinæ vocis Interpres illi decernere dignetur Sanctorum honores in terris, qui jam similis factus est in gloria Sanctorum in Cœlis. Justa prorsus retributio; beati enim Fidelis in pauperrimo strictioris Observantiæ S. Francisci Instituto integerrimam morum innocentiam præfulgens, primus inter sacros Operarios ad excolendam vineam Domini a sacra Congregatione Fidei Propagandæ adscitus ad Rhætiæ Regionem Zuinglii, & Calvini erroribus infectas orthodoxam Religionem indefesso labore propagavit: Ministerii sui cursum feliciter consummavit; atque Fidem catholicam usque ad ultimum vitæ agonem profuso sanguine sartam tectamque servavit. Imponatur itaque Aris, qui profligatis hæresum monstris Aras Deo restituit; qui venerandum heroicæ constantiæ ac fortitudinis Apostolicis Operariis reliquit exemplum, ut novum adesse in Cœlis Patronum agnoscat Ecclesia, quo amotâ præsentium temporum acerbitate optatæ pacis serenitas illucescat, ac avita Religionis dogmata in difficilis remotisque Regionibus reflorescant.

TROJANUS Tit. S. Cæcilia Presb. Card. de Aquaviva.

NOVUM planè, BEATISSIME PATER, ac permagnum pietatis spectaculum beatus Fidelis a Sigmaringa nobis exhibuit, qui dum ab impiis interficiebatur, tanta vultus hilaritate tamque humili patientia, ac erga interfectores ipsos summa charitate splendescere visus fuit, ut unus ipso- rum cum hæc in ejusdem immani cæde accidisse narraret, hoc facinore detestato ejurataque hæresi, statim fuerit orthodoxam fidem amplexus.

Qua-

Quapropter cum Deus Optimus Maximus Sanctitatem Servi sui tot tantisque probatis miraculis testatam voluerit, jure merito illum inter Sanctos a S. V. cooptandum esse arbitramur.

DOMINICUS Tit. SS. XII. *Apostolorum Presb. Card. Riviera.*

ARbitror, SANCTISSIME PATER, beatum Fidelem a Sigmaringa, qui per omnes heroicas Confessorum virtutes traductam vitam pro catholica veritate amplificanda & tuenda, invictus nostrorum temporum Martyr, amisit, in Sanctæ Romanæ Ecclesiæ præsidium & decus inter Sanctos esse referendum.

JOANNES BAPTISTA Tit. S. Mariæ Angelorum Presbyter
Cardinalis Spinula.

ÆQUUM est, BEATISSIME PATER, ut eos corona honoris lætificet in terris, quos jam Dominus fertis gloriæ ornavit in Cœlis. B. Fidelem de Sigmaringa postquam in domestica suæ Religiosæ Familiæ palestra omnium virtutum genere exercitum, sortem suæ Fidei Athletam sibi formaverat Deus, accerrimum etiam reddidit per vitæ contemptum & profusionem proprii sanguinis catholicæ Religionis Assertorem. Imperterritum se exhibuit verè Fidelis Dei servus non tantum heterodoxorum hominum insidiis, sed & armis & neci sibi illatæ; exemplum Nobis relinquens ad omnia perferenda pro Fide & Dei gloria. Jure igitur & merito cum Martyris coronam consequutus fuerit, reliquum est, ut eorundem Martyrum Fastis adscriptus, honorem illum, quem in Cœlis obtinet, & quem per signa & miracula Deus comprobavit, habeat etiam & in terris ad Fidei propugnaculum, & ad Religionis orthodoxæ incrementum & decus.

RAYNERIUS Tit. S. Sabine Presbyter Cardinalis de Ilcio.

NULLA major profectò veræ Sanctitatis probatio afferri potest, quàm quæ reddit hominem conformem imagini Filii Dei. Hanc ipse probationem de Sanctitate beati Fidelis a Sigmaringa in medium profero, ut meum de eodem referendo, in sanctorum Martyrum Album sententiam explicem. Et quidem adeo perfectè & fideliter imaginem ille Christi Domini in se expressit, ut vita Jesu in eo manifestata videretur, sive spectares humilitatem, sive paupertatem, sive obedientiam, sive virtutes omnes, quibus in gradu heroico ditatus fuit.

Nec ab eo, quod sibi proposuerat exemplo, in vita sequendum, voluit in morte differre: Vestigiis quippe Reparatoris nostri inhærens, qui mundum redemit in sanguine suo, ipse pariter pro salute animarum, &

Hæreticorum conversione strenuè laborans , Martyrii palmam assequutus est , Deo confirmante sequentibus signis .

Meritò igitur honores, quibus veri Martyres in Ecclesia honorari consuevere , decernendi sunt ei , qui tum in morte , tum in toto vitæ suæ cursu factus est similis illi , qui caput est Martyrum .

DOMINICUS Tit. S. Bernardi Presbyter Cardinalis Passioneus .

Pretiosus sanguis beati Fidelis a Sigmaringa clamat ad Te, BEATISSIME PATER , ut Vindex sis , non illatæ sibi crudelissimæ necis , sed Vindex gloriæ , quam fortiter constanterque pro nomine Jesu , truculentam sui corporis cædem sustinendo , promeruit . Quanta enim adhuc vigeat suorum meritorum memoria & fama , sibi undequaque consentiens , cuncta Testis est Rhætia Catholica : Testes quotquot eodem spiritu repleti in procuranda animarum salute ibi desudant : Testis denique & Ego , qui decem & ampliùs annos , licèt immeritus , Apostolica Legatione functus , non semel perlustravi & suspexi ea Rhætorum , scopulis impendentia, loca, quæ fortissimus Christi Miles præceptis excoluit , monitis instruxit , virtutibus fovit , odore Sanctitatis implevit , ac demum sanguine decoravit . Exaudi ergo , BEATISSIME PATER , hujus sanguinis vocem per tot horrida vulnera ad Te clamantem , & solemnî Ritu sanctorum Martyrum Coetui , novum hunc Athletam , adscribi decerne , quatenus hoc exemplo Helveti , & Rhæti Fideles magis roborentur in fide , a fide extorres ad sinum Ecclesiæ matris revertantur , & Nos discamus , nunquam digniùs mori posse Sacerdotem Christi , quàm cum indignè occiditur pro fidei causa & defensione .

SYLVIVS Tit. S. Priscæ Presbyter Cardinalis Valenti .

Quamvis viri Sanctitate conspicui BEATISSIME PATER postquam immortalem adepti sint repromissionem cultu hominum non indigeant , copiosa enim eorum merces est apud Deum , solennes tamen iis ab Ecclesia decernuntur honores , ut fidei splendorem , qui foris sunt , venerentur , & præclara illorum gesta fidelibus exemplum præbeant atque incitamentum .

Quæ cum ita sint, B. Fidelis a Sigmaringa Ordinis Minorum S. Francisci Capuccinorum sacro ritu exornandus jure merito mihi videtur , qui peculiari quodam divinæ providentiæ consilio nuperis temporibus datus , ut præter ceteras eximias virtutes quammaximè heterodoxorum salutis , & religionis propagandæ studium ad athleticam usque sanguinis effusionem universo Christifidelium Orbi, novi ad instar syderis elucesceret: Quamobrem nihil sanè obstat BEATISSIME PATER , quin Martyrum choro cooptatus censeatur , cujus Sanctitatem narrent populi , & laudem universam annunciet Ecclesia .

FR. JOA-

FR. JOACHIMUS Tit. SS. *Quatuor Coronatorum*
Presbyter Cardinalis Portocarrero.

Fortem ac invictum Martyrem habet Ecclesia, BEATISSIME PATER, Beatum Fidelem a Sigmaringa e sanctissimi Patriarchæ Francisci Castris prodeuntem. A seculi enim curis in gratiam ille adlectus, & Ministerium Apostolatus, loricam Justitiæ indutus, Fideique scutum assumens, exiit ad opus suum, & virtute robusta præliatus est prælia Domini, dissipando, evellendo, ac ædificando: Utque tanti muneris partes dignè undecumque adimplerentur, jugiter in suo corpore Crucis circumferens mortificationem, non vincula, non tribulationes veritus, nullum vitavit periculum, nullum horruit supplicium, sed ad confusio- nem & injurias, dici posset cum Chrysostomo, ob prædicandi studium, magis quàm ad oblectamenta bonorum properabat, donec vitam illustri ac pretioso certamine consummavit. Æquum igitur est, ut illi sanctorum Martyrum a SANCTITATE VESTRA decernantur in terris honores, qui occisus pro Christo, & prodigiorum luce coruscans, jam gloriæ accipere coronam promeruit in cœlis.

CAMILLUS Tit. SS. *Johannis, & Pauli Presbyter*
Cardinalis Paulinus.

Inter ceteras, quibus beatus Fidelis a Sigmaringa heroicè floruit, virtutes, admirabilis profectò fuit sollicitudo illa, qua nullo vel laborum incommodo, vel propriæ vitæ discrimine deterritus perditissimos homines ad meliorem frugem revocare, & qua orthodoxam Religionem conservare atque propagare adeo constanter studuit, ut ipsimet Hæretici de illius Sanctitate & zelo testimonium summâ ejus laude deserire coacti fuerint. Plura quidem beatus Fidelis in vinea Christi excolenda peregerat; at parum fecisse fortassis præcogitans, nisi proprio etiam sanguine irrigaret, tam impavidè, tantaque animi magnitudine martyrii palmam ab insensissimis Heterodoxis reportavit, ut illimet, qui crudelem ipsi mortem intulerunt, asserere palam debuerunt, quod non solum nulla animi perturbatione, verùm hilari lætoque vultu sui necem subierit. Si itaque beatus Fidelis majus atque præstantius argumentum sui pro Religione heroici zeli præbere nequit, quàm pro ea animam suam dare, justum propterea censeo, BEATISSIME PATER, quod idem Sanctorum Albo per SANCTITATEM VESTRAM describatur.

*CAROLUS ALBERTUS Tit. S. Mariæ de Pace Presbyter
Cardinalis Guidobonus Cavalchini.*

BEATISSIME PATER. Gloriosissimum Christi Athletam virtute præcinctum ex alto, Virum verè magnum secundum nomen suum lætantes suspicimus ac veneramur in præstantissimo Sacerdote B. Fideli a Sigmaringa. Fuit is frumenti granum, quod catholicæ fidei tuendæ causa cadens in terram mortuum est, & multum fructum attulit: Quis autem non confidat uberiores adhuc esse allaturum, si tu jubeas, BEATISSIME PATER, ad vehementius incitandos evangelici verbi præcones, Pugilem istum in conspectu filiarum Hierusalem a Deo jam coronatum summis, qui supersunt, honoribus etiam in terris cumulari?

FRIDERICUS Tit. S. Pancratii Presbyter Cardinalis Lantes.

BEatum Fidelem a Sigmaringa Capuccinorum familiæ decus & ornamentum, cujus nec nomen quidem vacuum laudis fuit, censeo BEATISSIME PATER sanctorum Martyrum Fastis jure esse notandum. Hominis Sanctitatem novit Ecclesia, quæ tot errantes in viam salutis ipsius operâ revocatos in sinu suo lætissima excepit; norunt Hæretici ipsi, qui egregium de ejus doctrina cum summa Religione ac zelo conjuncta testimonium ferre non dubitarunt; novit Rhætia prope omnis, quam inter hyemales brumas, inter altissimas nives & frigora (igne tamen charitatis æstuans), pedibus peragravit, ut oves ad Dominicum Gregem reduceret. Non illum Hæreticorum minæ, non persecutio, non gladius ab officio Evangelici Præconis potuit deterrere. Quid igitur prohibet, quominus eum, qui tot nominibus Sanctus fuit, qui pro catholica Fide sanguinem suum fudit, Sanctum & Martyrem venerationem?

FRANCISCUS Tit. S. Mariæ de Populo Presbyter Cardinalis Riccius.

BEATISSIME PATER. Inter plurimas & pereximias virtutes, quibus B. Fidelis a Sigmaringa tam in seculo, quàm in Claustris Capuccinorum eluxit, præcipuum locum obtinuerunt zelus, constantia & studium in propaganda catholica Fide per Rhætiâ, quarum intuitu, non solum colluctandum illi fuit ferè toto vitæ curriculo cum errorum & falsitatum Sectariis, sed mortem ipsam inhumana crudelitate sibi intentam, invicto fidentique animo amplexam, in gloriosissimum Martyrii triumphum commutavit.

Quæ omnia miraculorum accessione plenissimè comprobata, justissimè postulant, ut adeo emeritus orthodoxæ Religionis Athleta a SANCTITATE VESTRA novi & amplissimi cultus complementum assequatur.

D. FOR-

*D. FORTUNATUS Tit. S. Matthæi in Merulana Presbyter
Cardinalis Tamburinus .*

Fidelis a Sigmaringa virtutum merita adeo clara & aperta sunt , ut ea commemorare , ac persequi minimè oporteat . Unum id retulisse sufficiat , Fidelem , ut divinorum mandatorum viam inoffenso pede percurreret , arctiore S. Francisci regulæ servandæ voto inter Capuccinos se obstrinxisse ; ad quam cum mores suos omnemque vitæ rationem ita formandam & componendam curaverit , ut ne parumper quidem ab ea unquam deflexerit , Sanctitatis apicem eum attigisse compertum est & exploratum . Hinc magna exempla humilitatis & obedientiæ , magna abstinentiæ & charitatis argumenta in Proximos aliarumque Virtutum , quæ christianum Heroem verè declarant , in hoc sanctissimo Viro jure , ac merito miramur , atque suspicimus . Hisce Virtutibus , præsertim verò catholicæ Religionis propagandæ studio ad Martyrii certamen fortis Athleta se se comparaverat . Atque hinc factum est , ut dum nihil eorum reliquum facit , quæ ad hæresim profligandam conducirant , & ad Hæreticorum conversionem efficiendam pertinerent , crudelissimam necem ab impiis Hæreticis sibi illatam invictâ animi constantiâ pertulerit , & gloriosam Martyrii palmam promeritus sit . Non est igitur cur tardes BEATISSIME PATER eum in Sanctorum numerum referre , qui sanctam Christi Ecclesiam effuso sanguine decoravit ; ut ipsum vicissim Ecclesia veneretur , ac summo omnium donorum largitori Deo gratias agat , qui in hoc Servo suo fortiter pugnavit , & vicit .

D. JOACHIM Tit. S. Crucis in Jerusalem Presbyter Cardinalis Besutius .

Diversas esse Justorum vias ad Cœlum SANCTITATI VESTRÆ , totique huic celeberrimo confelsui notum est : Alias virtutum exercitio longiores , compendiosiores alteras , ut in Martyrio . Utrasque B. Fidelis a Sigmaringa sanctissimo cursu , pede inoffenso , heroico animo , cum consummaverit ; idque Cœlum ritè probatis Miraculis testatum fuerit , idcirco , iis qui Fideles fuerunt usque ad mortem , jure meritoque annumerandum existimo .

CAROLUS S. Mariæ in Via lata Diaconus Cardinalis Marinus .

EX plurimis illis in sortem Domini vocatis Alumnis , qui a sacra Congregatione Propagandæ Fidei , vel ad infidelium Regiones Evangelii prædicandi causa mittuntur , vel revocandis ad catholicam Religionem Hæreticis destinantur , vel hic Romæ singulari Pontificiæ liberalitatis exemplo , in optimis quibuscumque disciplinis instituuntur :

Primus omnium beatus Fidelis a Sigmaringa purpureum illud triumphantis

phantis Fidei vexillum erigit , sub quo , dum in Rhæticiis Fideles aliquos ad constanter in Fide perseverandum , exemplo & monitis hortaretur , Hæreticosque nonnullos ad eorum hæresim ejurandam inducere , jugi oratione & prædicatione satageret ; Impiorum hominum gladiis , per summum scelus occubuit , sui que sanguinis aspersione , nedum memoratam de Propaganda Congregationem , de hac adeo insigni illius triumphi gloria benemeritam , in futuram etiam cœlestium retributionum sociam consecravit ; sed illi quoque interim gloriosissimo matris Martyrum titulo appellari posse promeruit .

Unde si modò SANCTITAS VESTRA beatum hunc Virum , tot non minùs virtutibus , quàm triumphali hac palma insignitum Sanctorum Albo , dignari velit , inscribere : Et Missionariis illustre , quod imitentur , exemplar maxima hac retributione exhibebit , & Collegium hoc Urbanum gloriâ primi Martyris illustrabit .

ALEXANDER S. Mariæ ad Martyres Diaconus Card. Albanus .

Fortissimus Christi Athleta beatus Fidelis a Sigmaringa in Reformato Seraphicæ Familiæ Ordine (Capuccinorum dicunt) Institutum austerioris vitæ professus non modò virtutum splendore enituit , sed præclarissimum , & quo majus haberi non potest , perfectissimæ in Deum & homines charitatis , firmissimæ fidei & invictæ spei edidit testimonium , dum pro catholica Religione amplificanda Hæreticorum gladiis in Rhætia confosus mira animi magnitudine de morte ipsa gloriosus triumphavit . Cœlestem itaque Virum merito infallibili SANCTITATIS VESTRÆ Oraculo Sanctorum cultu decorari decet in terris , ut ubi verus Christi miles bonum certamen certavit , consummato cursu post acceptam in triumphante Ecclesia coronam justitiæ , etiam in militante coronam gloriæ assequatur .

NERIUS S. Eustachii Diaconus Cardinalis Corsinus .

Quum & varietate linguarum & rerum scientia , qua præditus erat B. Fidelis a Sigmaringa , usus semper fuerit ad ingenuorum adolescentium mores per tot itinera informandos ; ac deinde miros in virtutibus heroicis profectus fecerit , & catholicam Religionem adversus Hæreticos asseruerit , ac tandem pro ea sanguinem & vitam alacri atque invicto animo fuderit , auctor profectò sum , BEATISSIME PATER , ut quoniam hæc omnia ritè & evidenter probata sunt , ipse B. Fidelis in sanctorum Album cooptetur .

AGAPITUS S. Agathæ Gethorum Diaconus Cardinalis Mosca .

Cognitus est in verbis suis Fidelis & invocavit Dominum omnipotentem in oblatione Agni invictati ^a; ut Rem Deo sacram in Sevis apud Rhætiam peragendo , se se pro catholica Fide Hæreticorum furore jam jam immolandum , Deo secum intus loquente præsentiens , acceptabilem sui corporis hostiam immortalī seculorum regi adoleret . Tantā igitur ope fretus Fidelis , non modò pro catholicā Ecclesiā fortiter obeundo mortem , sed ipsā pene morte devictā , Catholicorum militum ducem , superno fulgentem lumine spectandum se præbens , hæreticorum copiis injecto metu fugatis , testimonium præbuit in conspectu Domini , & Christi & ostendit se velle delere impietatem ^b . Tantum propterea pro Fide studium , quod vel ipsa post funera , hic fortis Athleta Christi præsetulit ; signorumque splendor , quo in dies coruscat , Sanctorum cœtui eundem adscribendum a Te fore , BEATISSIME PATER , præstolantur .

MARIUS SS. Cosmæ , & Damiani Diaconus Card. Bolognæ .

DE præclaris beati Fidelis a Sigmaringa pro catholica Fide gestis BEATISSIME PATER hodierna luce dicturi ^c multa dicemus , & deficiemus in verbis ^d : appellabo Martyrem , prædicavi satis . Ubi ergo Fidelis in Rhætinis arvis Evangelicum serendo semen , catholicam Fidem plantaverat , proprio etiam sanguine , mortem pro Christo fortiter obeundo , rigore illam voluit , ut Divino imbre fecundata deinde succresceret , & incrementum acciperet . Succrevit sanè in Rhætinis agris , & Fidelis irrigata sanguine incrementum catholica Fides accepit : hinc hæretico mortis ejus præcone redeunte ad Ecclesiam ; inde hæreticorum copiis a Fideli superna luce consperso , cum Duce suo fugatis ^e . Annon coronabitur qui sic certaverit ? Quem ergo Deus gloriā coronavit in cœlis , huic B. P. ^f honorem tribue Sanctificationis in terris .

PROSPER S. Georgii in Velabro Diaconus Card. Columna de Sciarra .

Postquam revocata sunt ad severissimum examen Martyrium & causa Martyrii , tum signa & miracula , quæ testatissimā Dei Opt. Max. ope ad invocationem B. Fidelis , ante & post indultam Beatificationem patrata sunt ; nihil modò reliquum est , quàm ut Beato eidem solemnis de more sanctificatio infallibili SANCTITATIS VESTRÆ judicio decernatur ; ut qui usque modò in beatorum Albo adscriptus est , inter Sanctos accenseatur .

X

tur.

^a Ecclesiast. cap. 46. vers. 13. ^b Ibidem vers. 22. & 23. ^c Ecclesiast. cap. 42. v. 29.

^d Ambrosius lib. 1. de Virginibus . ^e Bernardus serm. 1. in Festo omnium Sanctorum.

^f Lib. 2. Machab. cap. 15. vers. 2.

tur . Hoc a Te petimus & expectamus , ut habeat inclytus Ordo Capuccinorum , de quo gloriatur ; habeat Ecclesia univēsa , quem in Fidei confessione imitetur ; & impleatur tandem Divinum Redemptoris vaticinium , quo promissa est glorificatio illis omnibus , qui in terris per mortem suam nomen confiteri non erubuerunt .

ALEXANDER S. Mariæ in Aquiro Diac. Card. Tanarius .

BEATISSIME PATER . Excellentis fortitudinis Virum , qui primò se ipsum , deinde mundum , postremò Fidei hostes mirabiliter vicit , in beato Fidei a Sigmaringa jure ac merito venerandum censeo . Atque arbitror æquissimum utilissimumque fore , eum publico Canonizationis Decreto cunctis Fidelibus ad imitandum proponere , ut catholica Religio nostra , pro qua tot tantosque labores subiit , animoque impavido sanguinem & vitam glorioso Martyrio dedit , latius diffundatur , luculentius illustretur , fructusque ferat uberiores .

HIERONYMUS S. Adriani Diaconus Cardinalis de Bardis .

BEATISSIME PATER . Divitiarum & honorum contemptu , abstinentiâ , vigiliis , orandi & contemplandi studio , proximorum salutis curâ , mirificè tum in seculo tum in sacra Capuccinorum Familia vitam degens beatus Fidelis excelluit . Ob eas virtutes in retribuendo Deus manum ^a extendit suam , & in capite ejus de lapide ^b pretioso coronam posuit . Nam cum contra hæreticam pravitatem fortissimus Christi miles pugnaret , insurrexerunt iniqui ^c adversus eum , & morte illum crudelissima pluribus confossum vulneribus affecerunt . Stare illum ante Tronum ^d , & in conspectu Agni tum signis & prodigiis magnis in populo factis , tum sanctæ istius Apostolicæ Sedis judicio constat .

Illud propterea a S. V. humiliter quæso , ut beatum Virum de catholica Religione tam præclarè meritum , & Congregationis de Propaganda Fide Protomartyrem invictissimum , solemni Canonizationis ritu in Ecclesia Plebis ^e exaltet ; sic enim Evangelicis ministris incitamento esse poterit , ut animosius eos ^f qui veritati resistunt , corripiant ; & pro Christi nomine , quandocumque opus fuerit , etiam in carcerem & in mortem ire parati sint .

DOMI-

a Ps.54. b Ps.20. c Ps.85. d Apoc.7. e Ps.106. f 2. Timot.

DOMINICUS SS. Viti, & Modesti Diac. Cardinalis Urfinus.

BEATISSIME PATER. Fidelis a Sigmaringa Ordinis Capuccinorum non tam virtutum pondere, quàm prodigiorum gloriâ mirabilis, Crucis mortificationem jugiter in suo corpore portavit, semper agens, semper orans, nec proximos propter Deum, nec Deum propter proximos relinquens: Primus autem ad excolendam vineam Domini per sacram Congregationem de Propaganda Fide selectus, uberrimis illam fructibus adeo illustravit, & foecundavit, ut Hæretici ipsi præclarum de ejus doctrinâ, sanctitate & zelo testimonium ferre non dubitarint: Quos demum verbo & exemplis informaverat, proprio sanguine in Religione & Fide confirmavit, Martyrium passus: Hunc ergo, qui verè fidelis fuit usque ad mortem, & accepit coronam vitæ, Sanctorumque Fastis reor adscribendum.

MUNDILLUS Urfinus Patriarcha Constantinopolitanus Assistens.

BEATISSIME PATER. Beatus Fidelis a Sigmaringa non solum mortis sacræ compendio, sed & omni vita sanctissimè traducta æternam beatitudinem possidet. Nam antequam Religionem ingrederetur præclarissimis virtutibus Deo & hominibus se maximè probavit, & Capuccinorum Ordine mancipatus ad Instituti sui, ceteroquin severissimi perfectionem summa laude pervenit; & procurandæ animarum saluti tum sua sponte, tum Superiorum imperio addictus Apostolici muneris partibus plenissimè satisfecit. Quo quidem in munere ea demum charitate flagravat, qua nulla major est, ut nimirum animam suam poneret pro amicis suis. Quamobrem æquissimum censeo, ut hic Fidelis Servus & prudens, cui dedit Dominus in tempore æqualem tot præstantissimis meritis coelestis gloriæ mensuram, cunctis Fidelibus, præsertim verò iis, qui ad Fidem Propagandam incumbunt, colendus & imitandus a S. V. per solemnem ejus Canonizationem proponatur.

ANTONIUS MARIA Pallavicinus Patriarcha Antiochenus Assistens.

OMni virtutum genere conspicuus beatus Fidelis ad oves Dominici gregis, quæ in hæresi perierant, suscitandas, potens in opere & sermone totus intendit, ac pro iis, illatâ sibi nece a nefariis catholicæ Fidei hostibus, animam ponere non dubitavit. Mira quoque patravit signa, ut meritò sanctorum Martyrum Fastis adscribi possit.

ALEXANDER Borgia Archiepiscopus Firmanus Assistens.

BEATISSIME PATER. Præreptam recentioribus seculis Italiæ ac finitimis Regionibus martyrii palmam, superiori seculo B. Fidelis a Sigmaringa restituere in Rhætia visus est, ubi Missionibus Fratrum suorum, quos Capuccinos dicunt, ex potestate sibi facta ab instituta tunc Propagandæ Fidei Sacra Cardinalium Congregatione præerat, impias expertus hæreticorum manus furentium in medicum, qui ab hæresis infania liberare illos, & in catholicæ Ecclesiæ gremium revocare summo studio conabatur. Virum hunc præclara morum honestate in seculo, eximia integritate in Foro, summâ abstinentiâ in Claustris, ardentissimo propagandæ Fidei nostræ zelo inter Hæreticos versatum, verè fidelem usque ad mortem, accedentibus e Cœlo, ut accepimus, novis signis jure merito existimo a Te, BEATISSIME PATER, sanctorum Martyrum Canonis inferendum fore, postquam ille a Benedicto XIII. Prædecessore tuo, cujus memoria in benedictione est ac semper erit, Beatorum nomen & cultum accepit. Erit ipse in exemplar iis omnibus, qui prædicandi Evangelii causa a Sacra Congregatione ad Infideles mittuntur, quod sanè præclarissimum opus, si cetera deessent, vel hoc uno quam sibi gratum acceptumque sit, Auctor Fidei nostræ Deus satis superque monstravit. Sit præterea beatus Fidelis sacrarum Missionum apud Deum Protector; sit in hac acerbitate temporum Catholicæ rei, quæ non uno in loco periclitatur vel opprimitur, novum ac jure præsidium; & hæreticorum re-ditum ad Ecclesiæ sinum, quem in terris omni studio, labore ac effuso etiam sanguine quæsit, modò precibus suis a Deo obtineat in Cœlis.

JOSEPHUS MARIA Ferroni Archiepiscopus Damascenus Assistens.

AD Cathedram SANCTITATIS VESTRÆ sistit B. Fidelis a Sigmaringa, verè fidelis usque ad mortem^a, qui, ut Orthodoxos in fide roboraret, & aberrantes ad Christi ovile reduceret, perduellium enses non metuit, sanguinem liberaliter fudit, animam pro fratribus posuit^b. Laudetur itaque Vir fidelis^c, & qui coronam vitæ^d, reddente Domino, in Cœlis obtinet, gloriam pariter, SANCTITATE VESTRA decernente, in terris assequatur.

MICHAEL de Palma Archiepiscopus Teatinus Assistens.

Multiformiter Servos Dei insigniri honore martyrii egregiè admonuit S. Augustinus. Alios etenim facit Vita, alios consecrat Mors: Qui secuti sunt Redemptorem usque ad Sanguinis effusionem, hos Mors

atrox

^a Apoc. cap. 2. ^b Jo: 15. 13. ^c Proverb. 27. ^d Apoc. loc. cit.

atrox Martyres fecit : Qui verò eundem sequuntur arctiori virtutum ac perfectionis proposito , eos cooptat Martyres Evangelicæ rigor disciplinæ . *Tota quippè Vita* (sancti Doctoris alloquor verbis) *Christiani Hominis , si secundum Evangelium vivat , Mors est atque Martyrium .*

Utriusque generis insigne Martyrium sustulit B. Fidelis a Sigmaringa; Vita Martyr , quia Evangelicæ perfectionis rigidus cultor : Morte Martyr , quia in testimonio veritatis persistens , gloriosissimo fine , e manu Domini accepit coronam victoriæ . Martyrio vitæ exscitavit ad meritum ; Martyrio Mortis provocavit ad Palmam . Miracula crebra patrata dum viveret , & quæ sequuta sunt funus , conflictum duplicem geminamque heroicam victoriam mirè testantur ; adeo ut de B. Fideli a Sigmaringa exscribere liceat , quod de S. Victore Bernardus asseruit : ^a *Ascendit cum immensa suppellectili meritorum clarus triumphis , miraculis gloriosus .*

Cumque ita sit PATER BEATISSIME optimo fretus jure , sacer Ordo Capuccinorum ante Solium majestatis tuæ supplex exorat : Quatenus ex Cathedra veritatis prænunciare digneris , quod B. Fidelis a Sigmaringa per invictam martyrii passionem *penetravit* ^b *in Sancta , similis factus in gloria Sanctorum* ; dignus proinde , ut solemnissimo ritu in sanctorum Martyrum Dipthycis , Te præcipiente , scribatur .

STANISLAUS Poliastri Archiepiscopus Rossanus Assistens .

BEati Fidelis a Sigmaringa , qui ex illustri Rojorum Familia in lucem editus , rejectoque Marci , quo in sacro Baptismatis Fonte renatus nomine , decorabatur , illud Fidelis fideliter assumpsit . Qui Vitchyrchio in Rhætia martyrio coronatus , & a Benedicto XIII. inter Beatos relatus ; quique hodie beato lumine undique circumfusus , dum eidem Sanctitati Vestræ antiquissimas , & ab ipso pene causæ suæ exordio humillimas preces sanctæ Sedi porrectas renovare non desinit tota Capuccinorum Familia ; miris , sed veris modis exultat Fidelis & fulget : Si morum integritatem , si intactum Corpus illibatumque ab omni labe gravis peccati : Si animi candorem & desideria , quibus ab ineunte ætate se totum divini Numinis obsequio mancipandi æstuabat incendio , mente spectemus . Ab ipsa pene infantia perarduum virtutis iter aggressus tanto animi ardore , tanta spiritus alacritate veterem hominem expoliatus , novo Seraphicæ Religionis indumento , novis votorum stimulis altiora perfectionis culmina fuit properator egregius : Si ingenii suavitatem cum divinarum rerum peritia & scientiarum splendore : Si exterarum ornamenta linguarum cum ingenti humilitate conjuncta : Si Religionis zelum cum imperterrita quadam Corporis animique fortitudine , in diuturnis maximisque difficultatibus : Si Apostolicum munus & implacabile bellum contra hæreticam pravitatem vitiorumque omnium extirpationem cum assidua , & inexpli-

^a S. Bernard. *Serm.* 2. *de S. Victore* . ^b *Idem uti supra* .

plicabili carnis afflictione, rigidoque, quod sibi indixerat jejunio, cogitare velimus: Hæc Beatorum erunt præclarissima Stemmata & charismata meliora. Si charitatis flammæ, si Ecclesiarum sollicitudines & propagandæ Fidei cupiditates, si martyrii constantiam æstimare studuerimus: Quis unquam erit, qui voluntarios frequentesque labores, in quibus veluti pugnis atque conflictibus exercebat sese Athleta Christi fortissimus, præ oculis habens Sanctitatis fastigium jam attigisse non dixerit? Si orationis studium, contemplationes & raptus, quibus aliquando defixus, atque in Deum elevatus immobilis multo tempore permanebat: Si miracula, quibus ante & post mortem clarus rutilat atque coruscat, inspicemus: Nemo est, qui jure merito Sanctorum Fastis referendum esse non sentiat. Quæ cum ita sint! Quodque reliquum est? Hoc unum pro mea sententia & voto humiliter rogo! Ut pro exequutione Decreti a SANCTITATE VESTRA in ipsa Capuccinorum Ecclesia, & in eo præsertim Altare, in quo beati Fidelis Reliquiæ Fidelium venerationi publicè erant expositæ, Sacrum faciente prolati; ut Sanctorum Albo idem Fidelis adscribi possit. Eadem SANCTITAS VESTRA sancti Spiritus radiante fulgore, adscribat quæso Fidelem, & faveat.

FERDINANDUS MARIA de Rubeis Archiepiscopus Tarfi Assistens.

HABENT BEATISSIME PATER, in beato Fideli Regularis Observantiæ Alumni, quem imitentur. Habent veritatis vindices ac Fidei orthodoxæ propagatores clarissimum Christi athletam ac Martyrem. Habet itaque, cum perinde sit Sanctum ac Martyrem dicere; habet, inquam, Ecclesia, quem Sanctorum tabulis meritò addat, & cui condignos in terris decernat Martyri honores.

JOANNES ANDREAS Tria Archiepiscopus Tyri Assistens.

ARduum negotium aggredimur, & omnium aliorum in Republica christiana fortè maximum, ubi agitur de Canonizatione Sanctorum: Ea tamen in B. Fideli a Sigmaringa concurrunt suæ Sanctitatis testimonia, ut ipsum tutò in Album sanctorum Martyrum referri posse censeam.

Missa facio quæ de virtutum exercitio dici possunt, utpote qui in omnibus, & quidem in gradu heroico semper emicuit, cum in seculo, tum in Statu Regulari, quem in Seraphico Ordine Minorum S. Francisci Capuccinorum mutato sibi nomine Marci, eoque Fidelis assumpto, professus fuit.

Prætermitto pariter de orationis studio verba facere, in quo ita erat intentus, ut aliquando e terra sublatus, & in Deum raptus, immobilis permanebat.

Corpus suum inedia, ciliciis, vigiliis aliisque diversis cruciatibus macerabat.

Hac

Hac in re unum pro omnibus mihi sufficere videtur, quod nempe Martyr occubuit, & misericors Dominus ejus Sanctitatem miraculis comprobavit.

Martyres enim sunt veræ fidei margaritæ omni honore digni; & Ecclesiæ constans mos fuit & est, eorum intercessionem invocare.

Ceterum me submitto sapientissimo judicio, & supremo oraculo SANCTITATIS TUE.

MICHAEL MARIA Vincentini Archiepiscopus Theodosiæ Assisens.

Heros a Sigmaringa Fidelis, adeò omnium excelluit splendore virtutum, ut meritò SANCTITAS VESTRA, solemnis Canonizationis ei honores decreverit. At cum per scelestorum Hæreticorum sævitiam, effuso sanguine, & tantâ miraculorum omnis generis copiâ illustrarit Ecclesiam Dei, Sanctorum illum Cultum promereri, & gloriosis Martyrum Fastis adscribi posse, inficiari nemo unquam poterit,

SIMON Gritti Archiepiscopus Tyanen. Assisens.

BEATISSIME PATER: Beatus Fidelis a Sigmaringa Seraphici Patris Alumnus revera inclytus, adeo enixè cœlesti suffultus adjutorio suæ vitæ primordia sub jugo Religionis Altissimo sacrasse compertus est, ut ampliores in dies subinde in corde suo in hac certè lacrymarum valle multifariè disponendo ascensiones, eas per universos progrediendo virtutum gradus, quarum exactissimâ de more trutinâ discussa est series, ac mirificâ sanè decreta est consensione, in finem usque divîno planè perduxerit æstu, ac martyrio demum, indubiam profectò intentissimamque Dei testante charitatem, consummarit, propriique obfirmarit cruoris effusione: Qui propterea fidelem se usque ad mortem nedum nomine, verum etiam heroicis facinoribus, omnem procul dubio naturæ ordinem excedentibus, communi calculo præbet pronunciandum, atque SANCTITATI VESTRÆ ex Petri Cathedra oracula promenti, haudquaquam errori obnoxia, inconcussam in Sanctorum numerum referendi suppeditat argumentum, exposcitque Decretum; quod lætanter, ut vel inde trahat præsidium in hac turbulentissima christianæ Reipublicæ, ac tristissima quidem facie circumquaque squalore gemituque perfusa, Catholica (pro cujus puritate doctrinæ, hæretica obnitente rabie, imperterritus Christi Athleta pugnavit fidelissimè, fidentissimeque occubuit) efflagitat Ecclesia; ut diuturna, tanti Martyris intercessione, amaritudine mitigata, suavitate levaminum quandoque hujusmodi proposito sibi Patrono contingat recreari.

NICOLAUS Carafa Archiepiscopus Philippensis Assistens.

Beatus Fidelis zelum Sacrae Congregationis Propagandæ Fidei primus in Rhætiam invexit, ac proprio sanguine illustravit. Tanto ergo invicto Viro, qui martyrium non modò pro confessione Fidei, sed pro Apostolico, quoungebatur munere subiit, publicos sacros honores in Ecclesia Dei decernendos censeo; Si SANCTITATI TUAE opportunum videbitur.

D. FERDINANDUS Romvaldus Guiccioli Archiepiscopus Ravennæ Assistens.

Dignum & æquissimum est, BEATISSIME PATER, Apostolicum Virum ac Martyrem Domini, beatum Fidelem a Sigmaringa, Cœlitum Fastis adnumerari. Apostolum enim illum testantur tum omnia, quæ Mundi sunt, derelicta, ut Christum sequeretur, atque ejus Crucem tolleretur; tum reparati Christianorum mores, divinus cultus restitutus, Fides propugnata, ac tot Peccatorum ad pœnitentiam, tot Hæreticorum ad veritatem conversio, difficillimis temporibus, zelo, charitate, constantia pene incredibili. Martyrem verò Domini gloriosum apertissimè eum prædicant pro Fidei confessione ac defensione effusus sanguis, mors asperrima, quam heroicâ animi magnitudine, hilari constantique vultu, impiorum manibus sibi illatam est passus. Duo hæc altissimæ Sanctitatis argumenta, Apostolatus scilicet ac martyrium ad evidentiam usque evexerunt illustria, quæ Deus per hujus beati Viri intercessionem dare dignatus est signa ac miracula: Quapropter illum Sanctorum honoribus prosequi & cupit & petit Ecclesia universa, pacem sibi, Fidei incrementum, Regibus & Principibus suis concordiam & tranquillitatem ex novi hujus Sancti meritis ac protectione, se de Dei bonitate confidens, impetraturam.

FELIX Solatus Archiepiscopus Thebarum Assistens.

Candor vitæ beati Fidelis a Sigmaringa, profunda ejusdem humilitas, exacta sui Instituti observantia, effervens charitas erga Deum & Proximum, & gloriosus demum Sanguis pro prædicatione Evangelii & profligandis hæresibus effusus, ut ex Actis, illum Nobis, & Sanctum virtutibus omnibus in statu heroico ornatum, & Martyrem multis miraculis ante & post obitum patratis clarum ostendunt. Hunc igitur Athletam Christi, BEATISSIME PATER, qui in agone, ad instar Capitis sui, flagella non timuit, quem inter sanctos Martyres regnare dicimus in Cœlis, etiam intra eorundem Ordinem colendum in terris Apostolico tuo infallibili judicio definire digneris.

ANTONIUS Fonseca Episcopus Æsinus Assisens.

VERÈ, BEATISSIME PATER, Fidem, quam etiam nomine præfert, beatus Fidelis a Sigmaringa illustravit moribus, prædicatione, martyrio. Fide namque affectus sperandarum rerum præstantiam terrena quæque abiecit, amplexus rigidioris vitæ Institutum, jejuniis & corporis afflictationibus summopere deditus, omniumque virtutum splendore coruscans. Fidem evangelizavit pauperibus, propugnavit adversus hæreses, & Apostolico muneri sedulo incumbens mirificè amplificavit: Fidei demum testimonio probatus, quam vitæ integritate decoraverat, & Evangelii promulgatione statuerat, confirmavit effuso sanguine. Adeptum itaque repromissionem & coronam iustitiæ, quam subeunti bonum Fidei certamen paraverat Deus ante Mundi constitutionem, catholica Ecclesia debet inter gloriosos Fidei Athletas venerari; ut Fidei propagationi, cui totum se dedit, præmissis exemplo, præsentis gloria & futura intercessione magis magisque præfulgeat.

FR. PAULUS Alpheran de Buffan Episcopus Melitenfis Assisens.

BEATISSIME PATER. Beatus Fidelis a Sigmaringa Ordinis Capuccinorum eos inter Operarios, qui ad excolendam vineam Domini a Sacra Congregatione de Propaganda Fide mittuntur, primus ille fuit qui eam, ut verus Christi Athleta, proprio sanguine irrigavit & sæcundavit; & ideo Protomartyr est nuncupandus. Martyrio & causa martyrii, tum signis atque miraculis a supremo SANCTITATIS VESTRÆ oraculo adprobatis, in cœlestium Civium numero colendus gloriosissimus Christi miles mihi videtur, ut qui posuit animam suam pro dilatanda Fide exemplo sit Operariis in vinea Domini.

ALEXANDER de Abbatibus Episcopus Viterbiensis, & Tuscanensis Assisens.

PRETIOsa mors, quam B. Fidelis a Sigmaringa pro Religione orthodoxa sibi alacri animo expectavit, prophetico Spiritu prænunciavit, hilari vultu excepit, eidem Martyrii lauream promeruit. Quamquam & asperrimum anteaetæ vitæ cursum jure dixerim martyrium. Prius namque charitatis, quàm furoris victima diutinum sui sacrificium pro Dei honore ac Proximorum salute vivens obtulit, moriens consummavit. Ecce autem, BEATISSIME PATER, vox Sanguinis pro vera Christi Ecclesia effusi clamat de terra, quam feliciter irrigavit; clamat de Cœlo, ubi Fidelis iste usque ad mortem accepit coronam vitæ; clamant & miracula luculentissimi testes Sanctitatis, ut in Sanctorum Album referatur Protomartyr Congregationis de Propaganda Fide.

NICO-

NICOLAUS FRANCISCUS *de Bonhome Episcopus Carpathiensis Assistens.*

PLenè clarificavit beatus Fidelis a Sigmaringa nomen, & omen sibi in ingressu familiæ Patrum Capuccinorum a Magistro Novitiorum inditum, nempe Fidelis *esto fidelis usque ad mortem*: Fidelis utique fuit nomine, fidelis quoque fuit in opere & sermone, fidelis in minimo, fidelis in maximo, atque fidelitatem suam usque ad iteratas sanguinis effusiones, imò & usque ad mortem in Christo Jesu patienter toleratam & subsecutam, comprobavit: Quapropter Dominus Deus fidelis in omnibus verbis suis iustusque iudex reddidit ipsi in Cœlis promissam fidelibus usque ad mortem coronam gloriæ & iustitiæ, ac insuper prodigiis quamplurimis adimplementum verborum suorum manifestavit in terris, ut honores sancto Martyri debiti fideliter beato Fideli exhibeantur: Quare illum inter sanctorum Martyrum Fastos adscribendum censet, & adscribi humillimè SANCTITATI VESTRÆ supplicat.

LUDOVICUS ANTONIUS *Valdina olim Cremona Episcopus
Hermopolitanus Assistens.*

CORONET SANCTITAS VESTRA corona Sanctitatis & gloriæ, & inter sanctos Martyres solemni ritu adscribat beatum Fidelem a Sigmaringa. Fuit enim fidelis Servus & prudens, qui a Domino meruit accipere coronam vitæ. Jesu Christi perpetuus imitator ab ipsa pueritia semper profecit sapientiâ, ætate & gratiâ apud Deum & Homines. Grandior natu, quam Christus Dominus professus est vitam, ipse manifestavit in carne sua mortali in Patrum Capuccinorum Familia, in qua mortificationem Jesu semper circumferens, mortem tandem pro Christo obiit furentium Hæreticorum vulneribus sauciûs, similem illi, quam tulit Stephanus lapidantium Judæorum saxi oppressus; & sicut Stephanus Ecclesiæ est Protomartyr, ita beatus Fidelis est Protomartyr Sacræ Congregationis de Propaganda Fide.

FABRICIUS *Borgia Episcopus Ferentinus Assistens.*

BEATISSIME PATER. Præclara sanè laus cujuslibet Christiani hominis est, ita se immaculatum custodire ab hoc seculo, ut possit ante Tribunal Christi exhibere innocentiae stolam, quam per Baptismum accepit, aut pœnitentiæ operibus lavit. De hoc quippe homine scriptum est: *Beatus Vir, qui inventus est sine macula*; sed hujusmodi innocentiae stolam, cujus nulla satis digna est æstimatio, fuso præterea pro Christi fide sanguine purpurare, hoc enim verò decus est perinsigne maximèque admirabile. Utrumque hujus laudis ornamentum B. Fideli a Sigmaringa

ex iis quæ accepimus peculiari Dei beneficio collatum est, primum in Claustris Alumnorum Divi Francisci, quos Capuccinos dicimus, secundum in Acie cum armatus gladio spiritus, verbo scilicet Dei, contra Hæreticos in Rhætia pugnaret, a quibus ex Religionis nostræ odio pluribus vulneribus acceptis interiit. Quocirca duplici titulo gaudet, cur in Album sanctorum Heroum meritò referatur.

D. PAULUS THOMAS Marana Episcopus Asculanus in Picensi Assistens.

BEatus Fidelis a Sigmaringa Vir humilitate magnus, charitate major, Apostolico zelo animarum & fidei orthodoxæ propagandæ ardore maximus fuit sanè re, & nomine fidelis usque ad mortem proprio Sanguine per martyrium condecoratam: Quapropter cum jam sine dubio illi coronam de lapide pretioso in Apocalypsi pollicitam imposuerit Deus in Coelis, æquum est, ut SANCTITAS VESTRA tali laurea redimitum publicæ fidelium venerationi proponat in terris.

F. SILVESTER Merani Episcopus Porphyrien. Assistens.

BEatus Fidelis a Sigmaringa supra modum refulsit in Dei Ecclesia ob exactam severioris Instituti observantiam, ob egregium animarum zelum, ob martyrium pro Fide orthodoxa constanter ac feliciter expletum. Huic ergo multiplici catholicæ Religionis Heroi, de Missione Romana optimè ac præclarè merito, cum & ipsa Dei Omnipotentia eximiam illius virtutem miraculorum testimonio confirmaverit, justum est, ut condigni Religiosi honores, in tota Ecclesia semper mansuri, decernantur a S. V., cujus Factis dictisque debetur immortalitas.

ANTONIUS Cantoni Episcopus Faventinus Assistens.

MAturo Congregationis Sacrorum Rituum iudicio testatum habemus B. Fidelem a Sigmaringa duo solitum fuisse a Deo enixis precibus postulare, scilicet ut vitam ab omni peccato immunem traduceret, Fidemque orthodoxam suo sanguine confirmaret, & utriusque voti compositionem effectum esse. Tantam Viri laudem ritè probata implevere miracula. Gratulari licet ergo BEATISSIME PATER, omnia in hac causa abundè suppetere, quæcumque desiderari poterant, ut SANCTITAS VESTRA solemnî Decreto suo inter Sanctos referat præstantissimum Congregationis Propagandæ Fidei Protomartyrem.

PAULUS Bonavisa Episcopus Spoletanus Assistens.

PAcem sequimini cum omnibus & sanctimoniam, sine qua nemo videbit Deum: Hac Epigraphe Sanctitatem conclusit Apostolus ad Hebræos 12.: Per pacem cum omnibus denotavit perfectissimam charitatem erga proximos: Per sanctimoniam, sine qua nemo videbit Deum, duo indicavit: Primò munditiam cordis ab omnibus terrenis affectibus, quæ necessaria est, ut mens ita vacua conjungi valeat Deo suo ultimo fini: Secundò immobilem applicationem & adhæSIONem mentis Deo, quod est proprium speciale sanctimonix, juxta quod de se dixit Apostolus ad Romanos: *Neque mors, neque vita nos separabit a charitate Christi.* Sanctus igitur est p̃jissimus Sacerdos Fidelis a Sigmaringa, cum pacem profecutus sit cum omnibus, dum etiam illos, qui ei adversabantur charitate, mansuetudine & patientia emollire, & flectere sibique & fidei catholicæ conciliare studuit, pro iis etiam orando, dum mortem ab iis inflictam se una fronte patientissimè & constantissimè subijt.

Sanctimonix pariter virtute excelluit, quia puritatem cordis maximè excoluit, immunis ab omni labe gravis peccati & ab omni sorde, quæ coinquinat hominem, qua puritate ornatus mentem suam immobiliter applicuit Deo, & per illam meruit Deum videre, dum per martyrii agonem purissimus ejus spiritus evolavit ad cœlum servante Christo fidem datam in Evangelio Matthæi cap. 5. ad 8. illis verbis: *Beati mundo corde, quoniam ipsi Deum videbunt.*

Regnat itaque in Cœlis inter agmina sanctorum Martyrum adscriptus, visioneque divinæ essentix perenni fruitione consolatus exultat:

Sed quia proprium divinæ bonitatis est, gloriosos reddere in terris eos fideles servos, quos singulari corona justitiæ coronavit in Cœlis: Ideo voluit invocato nomine Fidelis plura beneficia & dona in populos diffundere, quibus Sanctitas sui Fidelis Servi omnibus innotesceret: Dum igitur sic loquitur Deus, oportet sequi vocem ejus, & describere in Albo sanctorum Martyrum beatissimum Fidelem, quem jam in libro vitæ scriptum, & singulari laureola redimitum tot prodigiis dignatus est Christus ostendere; si tamen Sanctitati Vestræ visum fuerit, ad quam pertinet supremo & finali Decreto sacris Fastis fideles Dei Servos adnumerare.

CÆSAR Bonajuti Episcopus Pharensis Assistens.

BEATISSIME PATER. Elegit B. Fidelis a Sigmaringa, abiectus esse in domo Dei; propterea, Oraculum suum, qui se humiliat exaltabitur, Altissimus in Servo suo Fidei opere comprobavit, dum egregius fuit Seraphici Patris imitator, obedientix & ferventissimæ devotionis exemplar, catholicæ Fidei defensor & hæresis usque ad extremum vitæ
termi-

terminum acerrimus oppugnator. Imò non solùm in abiectissimis ministeriis assiduè ægrotis inserviando, afflictos recreando, errantes corripiendo, dies suos cum virtute traduxit, sed etiam contempsit vitam mundi & ardentissimè imperterritâ corporis animique constantia, jejunio, oratione, puritate & exemplo Deo servivit, ac omnes vitæ suæ virtutes martyrio coronavit.

Restat nunc BEATISSIME PATER, ut ille miraculis clarus Sanctorum Fastis adscribatur, & solemni ritu militanti Ecclesiæ publicè proponatur ad summarum virtutum incitamentum.

MARIUS Maffei Episcopus Fulginas Assistens.

F Austam fortunatamque auspicari licet, BEATISSIME PATER, incundam Canonizationis celebritatem. Primus inter eos, qui ad hujus gloriæ bravium, Te promovente perveniet, occurrit Fidelis a Sigmaringa, qui eam præsetulit *charitatem, qua majorem nemo habet, ut animam suam ponat quis pro amicis suis*. Ipse sanguinem suum fudit, ut quas invenerat Dominici gregis oves in Rhætia, eas in catholicâ veritate firmaret; errantes verò ad ovile Christi reduceret. Parum videbatur Fideli hortari Catholicos verbo, nisi constantis animi in subeundâ pro Christo morte firmaret exemplo. Parum quoque ei videbatur hortari verbo & exemplo firmare; nisi in Martyrum numero primus inveniretur, qui Apostolicam in Rhætia missionem sanguine suo illustraret. Parum denique ei visum est tantæ charitatis exemplum dedisse in terris, nisi catholicæ Fidei patrocinium apud Superos se gerere, Hæreticorum militum districto ense fugando Ducem, ostendisset e Coelis. Fidelis igitur^a, *in terris visus est, ut esset exemplo; in Cælum levatus est, ut sit patrocinio. Hic informavit ad vitam; illic invitat ad gloriam*. Qui ergo Mundi Principe triumphato, supra mundum victor ascendit, hunc digneris, BEATISSIME PATER, ad augendum militantis Ecclesiæ decus inter Martyres recensere.

GUIDO Ursellus Episcopus Casena Assistens.

EX hæcenus in causa B. Fidelis a Sigmaringa Sacræ Congregationis de Propaganda Fide Protomartyris tanta cura, diligentia, maturitate deductis atque discussis satis apparet, quam piè ac sapienter faciat SANCTITAS VESTRA, cum eum in Sanctorum Album referendum censuerit; sive enim ejus in tota antea vita pietas atque innocentia spectetur, sive in Apostolico Missionarii & Concionatoris munere obeundo fervor atque strenuitas, seu denique in acerbissima morte pro Christi fide apud Hæreticos Rhætios oppetenda fortitudo atque constantia, Salvatoris nostri in Apocalypsi c. 2. gravissimum illud multoque difficillimum præceptum

^a San. Bernar. Sermone 2. de S. Victore.

ptum omni ex parte impleſſe cognoscitur: *Eſto fidelis uſque ad mortem*. Accedit quod Deus multis iisdemque graviffimis patratis miraculis ſatis teſtatus eſt, quàm ſibi de beatiffimi Viri vita ac morte placuerit. Qua de re, PATER SANCTISSIME, cum fortiſſimo Martyri Sanctorum nomen & cultum Apoſtolica voce decernat Sanctitas Veſtra, videtur divinæ voci magnam ipſius gloriam, qua in Cœlis fruitur, enarranti conſentire.

LEO LUCAS Vita Episcopus Oppidenſis Aſſiſtens.

BEATISSIME PATER. Nedum ſanctorum Martyrum Faſtis adſcribi poſſe crederem beatum Fidelem a Sigmaringa, ſed ut id quam citiſſimè fiat, expedit ad maiorem Dei gloriam, Eccleſiæ decorem & aliorum exemplum; ſuſtinuit enim patienter fortiſſimus hic Athleta Chriſti mala pro bonis & odium pro dilectione, quam exercuit erga proximos, pro quibus animam ſuam poſuit, eo potiſſimum tempore, quo in evellendis radicibus ab eorum animis perverſis moribus, & orthodoxa inter eos Religione tuenda pariter & amplificanda nitebatur.

ÆGIDIUS ANTONIUS Iſabelli Episcopus Alliphanus Aſſiſtens.


Non amplius BEATISSIME PATER, Fidelis homo perquirendus eſt proverbiorum verbis: *Virum autem fidelem quis inveniet?* Jam enim nomine & reiſſa extat Sigmaringæ Conſtantienſis Diœceſis Oppido non vulgari, & ſimilis non inventus eſt illi; quemadmodum ergo Fidelis hic Servus quæ tradidit ei Dominus *talenta quinque*, non piger, nec otioſus in terram abſcondit, ſed accuratè & abundè multiplicavit, & auxit, jam *alia quinque ſuperlucratus* jejuniis, vigiliis, aſteritatibus, orationibus, ſtudiis atque indefeſſa adoleſcentium juvenum inſtructione & aſſidua præſertim in infideles populos prædicatione: Ita poſtquam pro afferenda catholica Fide, eaque firmiùs ſtabilienda, ſanguinem proprium conſtanter effundens intravit in *gaudium Domini ſui*, verè dignus cenſeri debet, qui in Sanctorum tabulam referatur, ut aliis ad fideliter operandum in vinea Domini Sabaoth illuſtre præbeat exemplum.

JOANNES ANTONIUS Bachetoni Episcopus Anagninæ Aſſiſtens.

Clamat ad Te de terra BEATISSIME PATER, Servi Dei Fidelis a Sigmaringa ob confeſſionem hujus unicæ & inconcuſſæ Pontificiæ Sedis, ex qua jure fulges & doces, effuſus Sanguis; cujus voces etſi probatum jam fecerint ſermonem, nil minus ad eum complendum, præclara etiam ſupervenere miracula, ſuumque & ipſa ritè rectèque ſcrutatum addixere ſuffragium. Æquum igitur & congruum eſt, ut ex hac ipſa, pro qua fortiter occubuit, Petri Sede ſœnus illi BEATISSIME PATER,

TER, vicemque rependas, ac tanto ex præclaro Capuccinorum Ordine Militi emeritam martyrii coronam palmasque decernas: Ejusque sanguinem suscites, & ex Albo Sanctorum præbeas rutilantem iis, qui Apostolico addicti muneri evangelizare mittuntur, ut Jesum Christum & hunc crucifixum in simplicitate & puritate doctrinæ, alacriter fidenterque annuncient.

SCIUM ILUMURI AT.



Æ hæmet, lævdimet, eʒè atò Kyæ caa pæsuana præ feenæ tæ Chrifstut robby i tən ʒoti Fiʒeli caa Sigmaringa na dæstognanæ me aʒt, se ay Kyæn caa i vertet, i miræeʒe i befæs ndæ ʒtæpiit tən ʒoti, eʒe stolifanæ meta ggiʒʒ lævdimet tæ Apostolllyet. Ktæ tæ vertet desc vet ʒotæn te dæstton me scegnet Kyæ caa bæn gner ʒod præ tæ falurit, e præ tæ luturit atiy vet tæ lumurit gnerii. Tasc po duhet, vece faa scnuhet emæny itiyh me sceitanat. Aʒtù e martenæ me mbndemia tæ paa diiturat, e aʒtù ʒʒom paa fare frik.


Josefi Schirò Archiscupu i Durrfit, eʒe Vicar
Apostolycu i Hymarrs ndæ Arbænit.

Ejusdem Versio latina.

JOSEPH Scirò Archiepiscopus Dyrrhachinus, & olim Vicarius
Apostolicus Cimaræ in Epiro.

BEATISSIME PATER. Gestæ, virtutes ac martyrium Servi Dei Fidelis a Sigmaringa satis, superque demonstrant hunc fuisse verè bonum & fidelem Ministrum in domo Domini, & insuper omnibus Apostolicis virtutibus exornatum. Hoc idem dignatus est Deus ipse testari per signa & prodigia ab eo hucusque patrata precibus & meritis ejusdem beati Viri. Reliquum est, ut ejus nomen Sanctorum numero adscribatur. Ita humillimè censeo, & indubitanter affirmo.

Բ
ԻՂ ԼՁՄԵՆԱԿԵՐԱՍՊԱՆԸ՝ ԱՐԲԱՊՅՆ ՀԱՅՐ , և ԵՐԼԵՂԻ
ԵԴՂԻ ԱՅԵ ԵԿԻՂԵՅ :



սնդի որովհետև զսնաղան ԼՁՄԱՔԻՆՍԵԹԻՆՔՆ ,
և պէսպէս Աբանչէլադործութիւնքն Երանեցե
լոյն Ֆիտէլի Լիմարիսկայ քահանային՝ Կար
դէ ԱՅԵ Ֆրանչիսկոսի ԵԴՄԱՔՈՒՃԻՍԱՅ Եղելոյ՝
Թորց իմիք Երկբայութե հաստատեցեալք Եղին ,
ի ձեռն Ճմարտապատում , տպադրութե , որ աստ
ի Հռոմ : Յաղաղս որոյ , ամի՛ն Կերպի՛ն վայե
լէ և պատկանի՛ դի Լիբբութի ձեր սկսանիցի ի Արբադուցանել՝ զնա
ի պայծառութի ԱՅԵ ԵԿԻՂԵՅ , և ի յօգուտ հաւատացելոյ : Եւ
մահաւանդ արժան իսկ համարելի է ի յայսպիսում ժամանակի տու
նելլայս՝ յորում աստեղացեալէ իյարուելեան կողմունս հարածմուն
քն ԲԵԼԳՊԱՓԱՈՍՑ՝ ի ձեռն հերետիկոսաց , և հերձո՛ւածողաց :
Քանզի ունիմ յոյս ի բարձրեալն ԼՁԾ , և ի բարեխօսութի Երա
նեցելոյս այսորիկ . Օհ ոմ տոյս ինքն սահատակեցաւ մարտիրո
սութե վո՛ր ուղղափառ հաւատոյն ի ձեռաց հերետիկոսաց . տոյս
պէս աղօթիւք նորին դադարեցին հալածմունքն իյ ԲԵԼԳՊԱՓԱ
ՈՍՑ . և ես՝ ի յազդէն Հայոց : ԼՁՂԼ հերետիկոսք , և հերձո՛ւա
ծողք դարձցին ի ծոց , և ի յատինս ԱՅԵ ԵԿԻՂԵՅ , առ ի լինել
մի Հօտ , և մի Հոգի :

Աարդիս ԼՂԼԵՐՍԱՆԴՐԵՆ . ԼՁՐՔ Եպսեփոս
Կեսարիոյ Կապադովկեան , Հայոց :

Ejusdem Versio Latina .

SERGIVS Alexandri Armenus Archiepiscopus Cesareæ Cappadociæ .

Q Uum virtutes martyrium & miracula beati Fidelis a Sigmaringa
Ordinis Fratrum Minorum Capuccinorum Sacerdotis jam sint
apud sanctam Sedem comprobata , sicut ex Compendio typis edito , &
mihi per fidum Interpretem armenicè reddito colligitur ; hæsitandum
minimè puto , quinimo æquum justumque cenfeo , ut a SANCTITATE VE
STRA in Sanctorum Albo describatur ; his præsertim temporibus , quibus
catholicæ Fidei Cultores , ac mei præcipuè gentiles Armeni , a Schisma
ticiis , & Hæreticis in Oriente sævissimè exagitantur . Futurum enim con
fido , ut eo inter Sanctos relato atque invocato , qui ab Hæreticis pro
fide

fide orthodoxa mortem sustinuit, & persecutio heterodoxorum cesset, & ipsi etiam heterodoxi ad sinum Matris suæ Romanæ Ecclesiæ revertantur, atque ita fiat, ut unum sit Christianorum omnium ovile, & unus Pastor.

STEPHANUS Evodius Assennanus Archiepiscopus Apamea.

S *Eminanti*^a *justitiam merces fidelis*. Hanc SANCTISSIME PATER, sibi comparavit beatus Fidelis a Sigmaringa, inclyti Capuccinorum Instituti Alumnus, qui^b bibit aquam de Cisterna sua, & fluente putei sui; fontesque suos foras derivavit, & in plateis aquas suas divisit. Obversantur, prohi dolor! ob oculos teterrima illa & perpetuæ oblivioni mandanda tempora, quibus Ecclesiam Dei^c exterminabat Aper de Silva, eamque depascebatur singularis ferus. Verùm exsurgit Dominus, videt & visitat vineam suam; fitque manus ejus super virum dexteræ suæ, beatum Fidelem, qui^d succinctus lumbos suos in veritate, & indutus lorica justitiæ, calceatus pedes in præparatione Evangelii pacis, sumto Fidei scuto, galea salutis & gladio, quod est Verbum Dei, Rhætiam circumlustrans in perenne Religionis monimentum vertit^e; dumque zelat zelum Legis^f, stolam suam dealbens in sanguine Agni, receptus est in Cælum. Cœlitibus itaque, fremente eo, qui ex adverso stat, plaudente verò, qua latè patet, catholica Religione, quæ semper & ubique una & eadem sibi easdem, quas primævi Christiani, ex Athletis suis congratulatur victorias: Cœlitibus inquam, a SANCTITATE VESTRA censeo esse adscribendum, qui heroicarum virtutum gloriâ & miraculorum claritate conspicuus Sacræ Congregationis de Propaganda Fide Protomartyris lauream præripuit.

THOMAS ALEXIUS de Rubeis Episcopus Aprutinus.

Sententiam in hac re gravissima doctissimorum Patrum ita laudo BEATISSIME PATER, ut non videar mihi posse meliorem adjungere. Stupiditatis esset, hoc non cognoscere; ambitionis & philantiæ alia superdicere.

Beatus Fidelis a Sigmaringa sexti decimi seculi Martyr egregius, zelum, constantiam, charitatem antiquorum & forsitan Apostolorum, etsi non exæquaverit, saltem non minori ferme gloria dignus est appellari.

Non cymbam, non retia, non paupertatem pro divino cultu reliquit, sed in foris gloriæ, in domo divitiis, honoribus in aulis missum dedit, ut paupertatem amplecteretur.

Pauperrimus Capuccinus, licet humilitate demissus, cilicio, flagellis, vigiliis, inedia confectus: Gravis attamen & comitate & exemplo

cete-

a Prov. 11. 18. b Prov. 5. c Ps. 79. d Eph. 6. e 1. Mach. 2. f Apoc. 7.

ceteros ad meliora perduxit; in scribendis concionibus noctes integras consumavit, ut Magister ad colendos homines in Religione, in moribus institutus meritò videretur.

Mirum dictu de ejus charitate , quod inter pestilentis auræ pericula vitam suâ sponte dederit exitio .

Hereticorum libri ne proflarent venales in Fidelium perniciem , maximo labore curavit .

Videbatur equidem ignem suæ charitatis omnia , quæ sequerentur mala devorare voluisse ; dum etenim e suggesto concionabatur , calculo ignito percussus , illæsus evasit . Deinde cum præ foribus staret , & hæreticam conficeret suis Concionibus pravitatem , ensibus & fustibus appetitus , martyrium gloriosus obivit .

Idcirco jure quoque optimo inter Martyres accenseri, SANCTISSIMUM PATREM, & Magistrum obtestamur.

BERNARDINUS Vari Episcopus Civitatis Castellane & Hortæ.

BEATISSIME PATER . Beatus Fidelis a Sigmaringa etsi fuerit omnimodâ pietate insignis , ac regulari strictissimâ observantiâ præcipuus ; hæc tamen aliasque virtutes ad culmen heroicæ perfectionis evexit ardentissimo catholicæ Fidei propagandæ studio ; dum Hæreticos prædicationibus suis adortus , cum plurium conversione auxisset Ecclesiam , aliorum in se odium excivit : Quo tamen minimè territus , pro eadem Fide eo ipso tempore , quo eandem impavido ardore conabatur extendere , ab ipsis Hæreticis innumeris vulneribus confossus gloriosissimè Martyr occubuit . Tantus igitur fidei testis , qui nostris ferme temporibus Ecclesiam exornavit , meretur omnino , ut postquam per miracula martyrii sui testimonium accepit a Cœlo , solemne testimonium per Canonizationem ab Ecclesia recipiat .

Прѣѡсфниці'те ПЗрннѣ .



А Е брѣме чє нꙋнъ май мѡлтѣ ѿнодѡмѣ дє фаптеле чѣлє
вꙋне, шн̄ минꙋнеле, кѡ каре атоть пѡтерникꙋль дмїнес
зєх саз мнлостнѣнтъ ѧ ѿподобѣ прє юентꙋль сѣх рѡ-
бѣ, прє Феринтꙋль фиделе Прєстꙋль Ермонꙋхъ дннь
чѣта Ынстѣнциѡрь Патѣри Калꙋцннѣ , прє кмьсѣ
бѣдє дннь сꙋма вѣщѣн лꙋн : Гзндескѣ , кѡ Прєссфинциѧ тѧ поцн̄
фѣрѣ дє ничє ѿ ѿнодѡмѣ спрє Канонизѧцїѧ лꙋн ѧ пѡрчєдє шн̄ ѿптрѣ
Сфинци аль нꙋмѣрѣ, шн̄ Крецинниѡрь спрє оꙋрмаре альпꙋне .

Іоанъ Ін: Клеінь Єпискупъ Дѣла Фѣзрашъ.

Ejusdem Versio latina .

JOANNES INNOCENTIUS Episcopus Fagarasiensis .

CUM non sit amplius dubium de eximiis virtutibus , martyrio & miraculis , quibus Omnipotens Deus dignatus est condecorare dilectum Servum suum beatum Fidelem , Sacerdotem Professum Ordinis Reverendorum Patrum Fratrum Minorum sancti Francisci Capuccinorum , quemadmodum ex ejusdem vitæ Compendio videtur ; censeo SANCTITATEM VESTRAM tutè posse ad ejus Canonizationem procedere , eumque Sanctorum numero adscribere , & Christi Fidelibus imitandum proponere.

JACOBUS PHILIPPUS Consoli Episcopus Amerinus .

BEATISSIME PATER . Ex Joannis sententia satis atque abundè edocemur charitatem sufficere , ut Regnum Dei consequi & possidere mereamur : Quæ autem major charitas , testante Domino , cum animam suam ponit quis pro amicis suis ? Hoc verbo docuit & exemplo beatus Fidelis a Sigmaringa Capuccinorum Ordinis ; is enim , cum ex tot tantisque Apostolicis præconibus , quos in Mundum universum ad Evangelii veritatem disseminandam Universalis Congregatio , a sancta Sede negotiis de Propaganda Fide præposita , in dies mittere consuevit , primus omnium charitate ductus Evangelicam prædicationem suo sanguine confirmaverit , nemo est , qui dubitet ejus martyrii merito , Martyrum gloriam ritu solemnè adjiciendam , atque decernendam esse : Tanti ponderis hoc esse eadem SANCTITAS VESTRA firmavit in suo absolutissimo Opere de Beatificatione & Canonizatione Sanctorum *lib. 1. cap. 2. & 3. per tot.* , ut solemnè Canonizationis honores beato Fideli debiti , non modò tamquam Martyri , sed tamquam Protomartyri videantur ; sed quid dicendum , cum tot populos , tot Provincias , innumeris exantlatis laboribus ac periculis , ab hæreseos labe purgaverit , omnes in gradu heroico virtutes & miraculorum fama toto catholico Orbe celeberrima , ejusdem martyrio accedant ? Talia hæc profecto sunt , ut jure merito cum Beatum illum dixerint omnes generationes , Beatumque Sancta hæc Apostolica Sedes ex Decreto S. Mem. Benedicti XIII. appellandum indulserit , Sanctum mox venerandum SANCTITAS VESTRA ex Cathedra item decernere dignetur .

Gens sancta id exoptat , populusque fidelis ea spe ductus hoc idem expectat , ut dum illius merita exaltantur in Terris , contra hæreses , quas vivens profligavit , patrocinium assequatur in Cœlis .

JOSEPH Coppola *Episcopus Aquilanus*.

Repromissam certantibus vitæ coronam in Cœlis^a, de qua Jacobus Apostolus loquitur, in beato Fideli a Sigmaringa meritò completam videmus^b. Religiosam namque sollicitudinem ad augendam, provocandamque fidei observationem juris præmio affici debere, etiam Ethnici Cæsares rescripsere. Superest ergo, ut quem certè Sanctorum consortio perfrui credere licet, infallibili Tuo judicio, ad Omnipotentis Dei gloriam firmiùs innotescat. Et consilium quod toties in hac re præbuiſti, & quomodo, quibusve auxiliis dandum sit disertè docuiſti, benigno suscipere animo non dedigneris.

HIERONYMUS Lorenzi *Episcopus Acernensis*.

Cum vitæ ratio, tum mortis genus, BEATISSIME PATER facilè ostendunt, quanta extiterit in beato Fideli a Sigmaringa virtutum eximiarum complexio. Ita enim vixit, ut in summa vitæ austeritate morumque innocentia Deum unicè spectaret & Proximorum salutem: ita sanguinem profudit, ut pro tuenda catholica fide animam poneret. Verè quod olim de Samuele dictum est, suscitavit sibi Deus novissimo hoc etiam tempore Sacerdotem fidelem: Cum igitur tam strenuè cucurrerit, ut comprehenderit; tam legitimè certaverit, ut coronam mereatur: quod ipsum edita post ejus mortem miracula testantur; æquum censeo BEATISSIME PATER in sanctorum Martyrum numerum eundem adscribi.

JOANNES FRANCISCUS Cavallini *Episcopus Alatrinus*.

Beatum Fidelem a Sigmaringa tot virtutum ac miraculorum laude conspicuum, atque ad martyrii usque palmam verè fidelem Sanctorum Fastis a SANCTITATE VESTRA jure meritoque adscribendum puto, lubentique animo ceterorum Patrum suffragiis meum quoque votum adjicio.

NICOLAUS Cioffi *Episcopus Soranus*.

Longè dignissimum inter præclara Sacrosancti Apostolatus tui opera illud esse censeo, ut sanctorum Martyrum Fastis per supremum SANCTITATIS TUE Oraculum adscribatur beatus Fidelis a Sigmaringa. Hic enim non solum tot eximiis tam in seculo, quàm in severiori suo Capucinatorum Instituto virtutibus, ac doctrinis mirum in modum præfulsit, verum etiam incredibiles pro æterna Christifidelium ac præsertim Hæreticorum

^a Jacob epist. 1. ^b Diocl. & Maxim. in l. 1. Cod. Pro quibus causis ferri pro præm. lib.

reticorum salute procuranda, catholica Religione promovenda, divinoque cultu adaugendo labores suscepit sustinuitque; ac tandem animam suam pro inimicis suis consummato martyrio ponere non dubitavit. Unde immarcescibilem in Coelis coronam adeptum esse miracula ipsa ab Omnipotenti Deo patrata pro manifestanda Servi sui immortalis gloria ostendunt.

JOANNES ANTONIUS Castellii Episcopus Catharensis.

TAm fuit insignis beati Fidelis a Sigmaringa virtus tantaque animi magnitudo, ut eam ne longa quidem oratione celebrare quisquam si cupiat possit, neque si possit, quoniam conspicua omnibus est, opus esse videatur. Testata namque res est, eum cum in seculo esset, inter æquales & doctrinæ & pietatis integritatisque morum laude unum omnium maximè floruisse; ac post, ubi Ordini Minorum Capuccinorum nomen dedit, adeo pium, castum, pauperem, dicto Superiorum obedientem, prudentem, perfectum denique virum fuisse, ut ceteris, qui se tum in instituendis Christifidelibus, inque ministerio apostolico exercebant, mirum in modum sanctitatis nomine antecelleret. Charitatis autem ardore ita eum fuisse inflammatum constat, ut & curarit operâ, labore, difficillimis itineribus, jejuniis, vigiliis, precibus Christo proximorum animas in cœno vitiorum, aut in errore versatas lucrifacere; quod est ope divinæ gratiæ consequutus; & expleto martyrio pro veritate orthodoxæ Religionis vitam sanguinemque profuderit. Quare censeo virum heroica virtute ac miraculorum dono illustrem dignum esse, qui a SANCTITATE VESTRA in sanctorum Martyrum numerum referatur.

NICOLAUS MARIA Calcagnini Episcopus Civitatis Ducalis.

SAtis quidem beati Fidelis a Sigmaringa merita prædicata censeo, ut Sanctus dici, haberi colique jure possit, si solam charitatem, quæ perfectionis vinculum est, sic eum coluisse dicam, ut pro Dei amore ac fidei testimonio sanguinem suum fundere non detrectaverit, ipsum Deum pro suis offensoribus exorando. Verùm, licet præcipua hæc sit fortissimi hujus Christi Domini Athletæ virtus, non tamen unica est; ceteras enim exercuit etiam in gradu heroico, nedum inter sacra Fratrum Minorum, quos Capuccinos vocant, Claustra, sed illis præsertim temporibus, quibus apud Rhætos moratus, in reducendis ad catholicam Religionem hæreticis operam suam summo studio collocavit: Equidem, qui Servatoris nostri vestigia sequutus tantopere adlaboravit, ut cum eodem regnaret in Coelis, æquum est, ut in terris respondentem meritis suis Sanctorum gloriam a SANCTITATE VESTRA consequatur.

Statimac novissimus Episcoporum Orationi suæ finem imposuit ; hæc subdidit Papa , suffragia commendans , jejunia & preces , quas edixerat , palam faciens .

VENERABILES FRATRES. Summam voluptatem percepimus ex vestris suffragiis , quæ tulistis de proposita Canonizatione beati Fidelis a Sigmaringa . Priusquam tamen ultimo deliberemus , ad Deum supplices confugere volumus , & simul hortari Fideles omnes , ut eadem vota concipiant , videlicet ut cœleste lumen in hoc gravissimo negotio Nobis elargiatur , judicium laturis de Canonizatione beati Fidelis a Sigmaringa , atque aliorum quatuor Beatorum , quorum Causæ in quatuor sequentibus Consistoriis Semipublicis in examen adducuntur . Porro Cardinalis noster in Urbe Vicarius de more promulgabit jejunia , Ecclesias visitandas , preces & alia pietatis opera præscripta & suscipienda ab illis , qui consequi volunt plenariam Indulgentiam , quam Nos impertiti sumus universis , qui preces effundent eo modo , quem statuimus , ut Deus scilicet Opt. Max. suæ lucis claritate mentem nostram illuminet .

Ubi Summus Pontifex siluit , Procurator Generalis Camere Apostolicæ Joannes Philippus Toppi his verbis Protonotarios adstantes rogavit , ut unum , vel plura de Consistorialibus Actis Instrumentum , vel Instrumenta conficerent .

Ego Johannes Philippus Toppi Sanctissimi Domini Nostri & Camere Apostolicæ Procurator Generalis rogo Vos omnes Protonotarios & Notarios Apostolicos hic presentes , ut de sententiis , consilio & unanimi consensu Reverendissimorum DD. S. R. E. Cardinalium , necnon Patriarcharum , Archiepiscoporum , & Episco-

& Episcoporum , deque Summi Pontificis Oratione ac deliberatione præbabitur super solenni Canonizatione beati Fidelis a Sigmaringa , unum vel plura publicum , seu publica conficiatis instrumentum , vel instrumenta ad perpetuam rei memoriam.

Tunc R. P. D. Antonius Maria Erba Pro-Decanus Protonotariorum Apostolicorum de numero participantium sui Collegii nomine respondit , *Conficiemus* ; deinde Cubicularios & ceteros , qui circa Solium Pontificis stabant , Testes appellans dixit : *Vobis Testibus* ; Domumque reversus integram Actionem , prout infra , in suis tabulis adnotavit . Confessus ita solutus est .

Instrumentum a Pro-Decano Protonotariorum rogatum pro primo Semipublico Consistorio .

IN NOMINE DOMINI AMEN.

Cunctis omnibus præsens hoc Instrumentum lecturis pariter & audituris evidenter pateat ubique notumque sit : Quod Sanctissimus Dominus Noster BENEDICTUS Divina providentia Papa XIV. ut inoffenso pede , prout rei gravitas & dignitas postulabant , devenire posset ad solemnem Canonizationem beatorum Fidelis a Sigmaringa Martyris Ordinis Minorum S. Francisci Capuccinorum , Camilli de Lellis Confessoris Clericorum Regularium Ministrantium Infirmis Fundatoris , Petri Regalati Confessoris Minorum Observantium S. Francisci , Josephi a Leonissa Confessoris Ordinis Minorum S. Francisci Capuccinorum , & Catharinæ de Ricciis Sanctimonialis Professæ Ordinis S. Dominici Anno Dominicæ Incarnationis millesimo septingentesimo quadagesimo sexto , Indictione nona , Pontificatus ejusdem Sanctissimi Domini Nostri Papæ anno sexto , die verò octava Junii Feriâ quartâ pro explenda causa excipiendisque suffragiis super Canonizatione beati Fidelis a Sigmaringa primum habuit Consistorium semipublicum in Aula , quæ loco Ducalis est , in Quirinalli Palatio .

Sanctitas Sua superrecensita die ex Aula Paramentorum Pluviali rubro induta , ac simplici Mitrâ redimita , præeunte Papali Cruce cum solito comitatu , ad eandem Aulam , quæ pro Ducali habetur , se contulit : Ibi in Sede composita , Consistoriali Actioni brevi dissertaque Allocutione initium dedit , & a Venerabili tam Eminentissimorum DD. S. R. E. Cardinalium , quàm Reverendissimorum Patriarcharum , Archiepiscoporum , & Episcoporum Pontificio Solio Assistentium , & non Assistentium Confessu super re tanti momenti , consilium & sententias exquisivit .

Facta propterea suffragandi copia Eminentissimus Burghesius Presb. Tit.

Tit. S. Mariæ Transtiberim utpote inter Cardinales , qui intererant , omnibus antiquior , primus Sanctissimo Domino sententiam suam aperuit , eundemque enixè rogavit , ut beatum Fidelem a Sigmaringa sanctorum Martyrum numero adscribere dignaretur .

Non absimili fanè voto ceteri omnes , qui aderant Eminentissimi Patres , apud Sanctitatem suam institerunt pro solemni ejusdem beati Fidelis Canonizatione : videlicet .

Antonius Xaverius Tit. S. Stephani in Monte Cœlio S. R. E. Presbyter Cardinalis Gentili .

Fr. Joannes Antonius Tit. SS. Silvestri & Martini in Montibus S. R. E. Presbyter Cardinalis Guadagni .

Trojanus Tit. S. Cæcilie S. R. E. Presbyter Cardinalis de Aquaviva .

Dominicus Tit. SS. XII. Apostolorum S. R. E. Presbyter Cardinalis Riviera .

Joannes Baptista Tit. S. Mariæ Angelorum S. R. E. Presbyter Cardinalis Spinula .

Raynerius Tit. S. Sabinæ S. R. E. Presbyter Cardinalis de Ilcio .

Dominicus Tit. S. Bernardi S. R. E. Presbyter Cardinalis Passionei .

Silvius Tit. S. Priscæ S. R. E. Presbyter Cardinalis de Valentibus .

Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero .

Camillus Tit. SS. Joannis & Pauli S. R. E. Presbyter Cardinalis Paulutius .

Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus .

Fridericus Tit. S. Pancratii S. R. E. Presbyter Cardinalis Lantes .

Franciscus Tit. S. Mariæ de Populo S. R. E. Presbyter Cardinalis Riccius .

D. Fortunatus Tit. S. Matthæi in Merulana S. R. E. Presbyter Cardinalis Tamburinus .

D. Joachimus Tit. S. Crucis in Hierusalem S. R. E. Presbyter Cardinalis Befutius .

Carolus S. Mariæ in Via lata Diaconus S. R. E. Cardinalis Marini .

Alexander S. Mariæ ad Martyres Diaconus S. R. E. Cardinalis Albanus .

Nerius S. Eustachii Diaconus S. R. E. Cardinalis Corsinus .

Agapitus S. Agathæ in Suburra Diaconus S. R. E. Cardinalis Mosca .

Marius SS. Cosmæ & Damiani Diaconus S. R. E. Cardinalis Bolognetus .

Prosper S. Georgii in Velabro Diaconus S. R. E. Cardinalis Columna de Sciarra .

Alexander S. Mariæ in Aquiro Diaconus S. R. E. Cardinalis Tanarius .

Hieronymus S. Adriani Diaconus S. R. E. Cardinalis Bardi .

Dominicus SS. Viti & Modesti Diaconus S. R. E. Cardinalis Urfinus .

Absolutis Purpuratorum Patrum suffragiis , Reverendissimi DD. Patriarchæ , Archiepiscopi , & Episcopi Pontificio Solio Assistentes , & non Assistentes (stantes dum loquebantur , & initio a primis in Ordine desumpto) suas quoque sententias in medio protulerunt . Nempe .

Mundillus Urfinus Patriarcha Constantinopolitanus .

Antonius Maria Pallavicinus Patriarcha Antiochenus .

Thomas Cervini Patriarcha Hierosolymitanus .

Gabriel Eva Archiepiscopus Cypri Syrus , Patriâ prius , deindè latinâ linguâ suffragium emisit .

Alexander Borgia Archiepiscopus Firmanus .

Joseph Maria Ferronus Archiepiscopus Damascenus .

Michael Palma Archiepiscopus Teatinus .

Stanislaus Poliaftri Archiepiscopus Rossanensis .

Ferdinandus Maria de Rubeis Archiepiscopus Tarsensis .

Joannes Andreas Tria Archiepiscopus Tyri .

Michael Maria Vincentini Archiepiscopus Theodosiæ .

Simon Gritti Archiepiscopus Tyanen .

Nicolaus Carafa Archiepiscopus Philippenfis .

D. Ferdinandus Romualdus Guiccioli Archiepiscopus Ravennatenfis .

Felix Solatius Archiepiscopus Thebarum .

Antonius Fonseca Episcopus Æsinus .

Fr. Paulus Alpheran de Buffan Episcopus Meliten.

Alexander de Abbatibus Episcopus Viterbien. & Tuscanen.

Nicolaus Franciscus de Bonhome Episcopus Carpasien.

Ludovicus Antonius Valdina olim Cremona Episcopus Hermopolitanus .

Fabricius Borgia Episcopus Ferentinus .

D. Paulus Thomas Marana Episcopus Alculanus in Picens .

Fr. Silvester Merani Episcopus Porphyriensis .

Antonius Cantoni Episcopus Faventinus .

Paulus Bonavisa Episcopus Spoletinus .

Cæsar Bonajuti Episcopus Pharenfis .

Marius Maffei Episcopus Fulginatenfis .

Guido Ursellus Episcopus Cesenæ .

Leo Lucas Vita Episcopus Oppidenfis .

Ægidius Antonius Isabelli Episcopus Alliphan.

Joannes Antonius Bachetoni Episcopus Anagninus .

Joseph

Joseph Schirò Archiepiscopus Dyrrhachinus , Patrio prius , deinde latino idiomate suffragium emisit .

Sergius Aleffandri Armenus Archiepiscopus Cæsareæ Cappadociæ , Patriâ prius , latinâ deinde linguâ suffragium emisit .

Stephanus Assëmanus Archiepiscopus Apameæ .

Thomas Alexius de Rubeis Episcopus Aprutinus .

Bernardinus Vari Episcopus Civitatis Castellane & Hortæ .

Joannes Innocentius Episcopus Fagarasiensis , Patrio prius , deinde in latino idiomate suffragium emisit .

Jacobus Philippus Consoli Episcopus Amerinus .

Joseph Coppola Episcopus Aquilanus .

Hieronymus Lorenzi Episcopus Acernen.

Joannes Franciscus Cavallini Episcopus Alatrinus .

Nicolaus Gioffi Episcopus Soranus .

Joannes Antonius Castelli Episcopus Catharensis .

Nicolaus Maria Calcagnini Episcopus Civitatis Ducalis .

Suffragiis itaque non minus Eminentissimorum Cardinalium , quàm Patriarcharum Archiepiscoporum & Episcoporum , qui ut supra aderant , in eundem penitus sensum pro solemni videlicet , & sollicita beati Fidelis Canonizatione unanimiter convenientibus , & ad finem tandem perductis , Sanctissimus Pater Actionem brevi altera Allocutione complevit ; & tunc stantibus adhuc Prælatiis , & sedentibus Cardinalibus Procurator Generalis R. C. A. rogavit Nos Protonotarios Actioni præsentés , ut de sententiis , consilio & unanimi consensu Eminentissimorum DD. S. R. E. Cardinalium nec non Patriarcharum , Archiepiscoporum , & Episcoporum , deque Summi Pontificis oratione , ac deliberatione præhabitis super solemni Canonizatione beati Fidelis a Sigmaringa Martyris , unum vel plura , publicum seu publica conficeremus Instrumentum , vel Instrumenta , ad perpetuam rei memoriam .

Ad hujusmodi supradicti Procuratoris Generalis Reverendæ Cameræ instantiam Ego Antonius Maria Protonotarius Erba inter Protonotarios eidem Consistorio præsentés antiquior tam proprio , quàm meorum Collegarum & Collegii nomine respondi : *Conficiemus* : & subinde ad Pontificios Familiares , qui adstabant , conversus , eos in Testes vocatos , adhibui his verbis : *Vobis Testibus* .

Acta sunt hæc in Quirinali Palatio die , mense & anno , quibus supra : Adstantibus DD. Paulo Zani Bononiensi , & Josepho Maria Puoti Neapolitano ab intimo Sanctitatis Sux cubiculo Testibus ad hoc specialiter adhibitis atque rogatis &c.

In quorum fidem Nos Protonotarii Apostolici de numero Participantium requisiti & rogati præsens hoc Instrumentum subscripsimus , & publicavimus , solitique Collegii nostri Sigilli impressione muniri , & in nostro Archivio , ut futuris temporibus horum omnium semper extet

documentum , Secretario nostro perdiligenter asservari & subscribi mandavimus . Actum ubi supra , præsentibus quibus supra Testibus ad præmissa vocatis habitis atque rogatis .

Antonius Maria Protonotarius Erba Sub-Decanus .

Loco † Signi .

Franciscus Dominicus Clementi ejusdem Collegii Secret.

Quoniam verò verba fecerat Pontifex de jejunio servando , de Ecclesiis adeundis , aliisque pietatis operibus suscipiendis pro adeptione Indulgentiæ , quam Cardinalis Urbis Vicarius Sanctitatis suæ iussu promulgaverat ; ut Cardinales Pastoresque animarum omnes injuncta ob id onera perlegere possent & facilius cognoscere , unicuique ab Aula descendentis Cæremoniarum Magistri exemplar Notificationis obtulerunt papyro impressum , cui , cum dabatur Cardinalibus , alia insuper schedula , per quam color vestium in diebus jejuniorum adhibendus significabatur , addita erat : Quæ ut commodius asservarentur , serica vitta coloris violacei circumligatæ jam fuerant .

FR. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

LA Santità di Nostro Signore Papa BENEDETTO XIV. concede Indulgenza Plenaria e remissione di tutti li peccati a tutti i Fedeli Cristiani dell' uno e l' altro sesso , i quali digiuneranno Mercoledì Venerdì e Sabato 15. , 17. , e 18. del corrente mese di Giugno , e Confessati , e Comunicati , visiteranno almeno una volta una delle due Basiliche , di S. Giovanni Laterano , e di S. Pietro in Vaticano , o la Chiesa di S. Maria sopra Minerva in luogo di S. Maria Maggiore (impedita) mentre ne' seguenti descritti giorni vi sarà esposto il Santissimo SAGRAMENTO , e devotamente pregheranno la Divina Maestà , che ispiri Sua Beatitudine , e le assista nella grave deliberazione della Canonizzazione de' Beati FEDELE da SIGMARINGA Martire dell' Ordine de' Capuccini , CAMILLO de LELLIS Fondatore de' Cherici Regolari Ministri dell' Infermi , PIETRO REGALATO dell' Ordine de' Minori Osservanti , GIUSEPPE da LEONESSA parimente del suddetto Ordine de' Capuccini , e di CATERINA RICCI dell' Ordine Domenicano .

Et a Regolari dell' uno e l' altro sesso , anche chiusi in perpetua Clausura & a tutti gli altri , tanto Laici . quanto Ecclesiastici , Secolari e Regolari , parimente dell' uno e l' altro sesso , esistenti in Carcere , o da qualche infermità corporale oppressi , che non potranno adempire le cose di sopra espresse , possa il Confessore commutarle in altre opere di pietà , & imporgli quelle cose , che i Penitenti potranno fare .

IL

IL SANTISSIMO SARA' ESPOSTO.

Nella Basilica di S. Giovanni Laterano Domenica 19. del corrente mese di Giugno fino a mezzo giorno del Martedì 21. detto.

Nella Basilica di S. Pietro dalla mattina del Martedì 21. detto, fino al mezzo giorno del Giovedì 23. detto.

Nella Chiesa di S. Maria sopra Minerva dalla mattina del detto Giovedì 23. fino al mezzo giorno del Sabato 25. detto,

Dato in Roma dalla nostra solita Residenza li 8. Giugno 1746.

Fr. G. A. Card. Vicario.

Gasparo Arciprete Ori Segretario,

EMINENTISSIMO E REVERENDISSIMO SIGNORE.

N Ei tre prescritti giorni di digiuno, cioè: Mercoledì 15., Venerdì 17., e Sabato 18. del corrente mese di Giugno, a riserva del primo giorno Mercoledì, che per esser entro l' Ottava del Corpus Domini sarà eccettuato, e vestirà degl' abiti Cardinalizj di color rosso, negl' altri due giorni poi parimenti determinati per il digiuno si osserverà la prescritta generale regola del colore intorno agl' abiti Cardinalizj, ed usará tanto in Casa, che fuori quello di color Pavonazzo.

Qui præditi ex S. R. E. Cardinalibus, vel Præsulibus Ecclesiarum a Consistorio abfuere, licet in Urbe commorarentur, Summi Pontificis jussu sententiam propriam scriptam Sacræ Rituum Congregationis Secretario, ut in ejus Tabulario perpetuò una cum aliis extaret, quisque transmisit; singulæ hic itidem adjiciuntur ad gestorum complementum.

THOMAS Episcopus Ostien. & Veliternen. Sacri Collegii Decanus
Vice-Cancellarius Cardinalis Rufus.

Illuſtris & glorioſa militiſia fuit beati Fidelis a Sigmaringa vita ſuper terram. Docente enim Domino, manus ejus ad prælium prætervexit inculpate florentis ævi annos, devictoſque Mundo dedit venerabili Capuccinorum Ordini nomen; in quo ad regulæ nutum ſeſe exactiſſimè componendo, humilitatis viam terendo, laborioſiora ſubeundo, ceteraſque virtutes exercendo, facem omnibus præferebat. Jamque magis Seraphico igne invaleſcens, erubeſcebat ſub cruentato capite expertem doloris & ſanguinis vitam agere, ſitiebatque proinde ad mortem pro Chriſto cruentari. Nec mora: Vix accedente Summi Pontificis mandato, Fidelis,

lis, indutus virtute ex alto, Rhætorum fines promptè ingreditur: Hæreses ibi & vitia verbo exemplo, industria primus adoritur; per aspera quæque per abrupta, per nivosa montium juga pedes incedens omnia oculis, animoque lustrat, ut omnes Sanctæ Romanæ Ecclesiæ lucrifaciat: Tandem in catholicæ Doctrinæ odium plurimis vulneribus transfossus, totidem veluti palmis onustus, victor occumbit. Qui igitur vita, morte & miraculis accuratissimè expensis, prodigium factus est multis, fiet omnibus adiutor fortis, si invictum Christi Athletam Fidelem a Sigmaringa cunctis fidelibus pia imitatione colendum, precibusque exorandum SANCTITAS VESTRA solemni ritu proponere dignabitur.

*ANNIBAL Episcopus Portuensis Cardinalis Albanus
Sancti Clementis nuncius.*

Beatus Fidelis a Sigmaringa SANCTISSIME PATER, Vir fuit oppidò doctus, nec tantum exoticarum linguarum peritiâ, verum etiam utriusque juris scientiâ, itemque Philosophicis ac Theologicis studiis eruditus. Christiana tamen virtute evasit illustrior. Religiosumque Minorum Capuccinorum Institutum professus omnibus numeris & partibus eximiam Sanctitatem præsetulit. Humilitate, abstinentia, corporis afflictatione, sui ipsius contemptu, atque operosa in Deum ac Proximum charitate potissimè præstitit. Ad aliorum procurandam salutem Apostolicæ Missionis addictus ministerio verbo & exemplo multos ad orthodoxam Religionem & veritatis viam, longè verò plures ad bonam frugem adduxit. Dilatandæ catholicæ Fidei studio flagravat quàm maxime, ejusque incrementa non unâ viâ provehens, in Rhætia, invicta ac digna Apostolico pectore fortitudine Martyr occubuit. Multis subinde miraculis Servi sui gloriam Deus ostendit, quæ una cum heroicis ipsius virtutibus, quoniam Beatitudini Tuæ probè explorata atque e ritu comperta sunt, dignus profectò B. Fidelis censetur, qui Sanctorum Catalogum augeat. Hoc BEATISSIME PATER, complures catholici Orbis Populi cum suis Episcopis, hoc viri Principes, hoc sacra Congregatio de Fide Propaganda enixè postulant; hoc item ego demissè flagito.

*VINCENTIUS Episcopus Prænестinus Cardinalis Petra
Major Pœnitentiarius.*

Magnum profectò ac singulare decus Instituti Minorum Capuccinorum fuit beatus Fidelis a Sigmaringa. Etenim literarum studiis ac pietati in seculo diligenter incubuit, in eum deinde Ordinem cooptatus, nihil potius habuit, quàm ut humilitatem, obedientiam, paupertatem, morum castitatem, Religionem erga Deum Deiparam Virginem Sanctosque studiosissimè coleret. In eo adhuc juvene tanta fuit
& ad-

& admirabilis doctrina, virtus, prudentia quoque ac zelus, ut Sacerdotio vix initiatus, confessiones Fidelium audire, & conciones habere coactus fuerit. Incredibile dictu est, quot ille peccatores ad poenitentiam, quot hæreticos ad veram Religionem colendam induxerit. Dubitandum diu non fuit, quin inter ceteros Religiosos a vigili cura Sacrae Congregationis de Propaganda Fide in Rhætiam mittendos ad animarum culturam & conversionem, Fideli præcipuè in eo munere obeundo partes darentur. Non imbris, non fame, non siti, non frigore, non aliis denique doloribus & laboribus deterri ab incœpto potuit, sed fretus Dei auxilio magnum incolarum numerum Ecclesiæ orthodoxæ restituit, quæ de re sævissimorum hominum scelere interfectus, martyrii palmam est consequutus. Quare cum primus omnium sanguine suo foecundaverit agrum Sacrae eidem Congregationi de Propaganda Fide commissum, ac primus corona martyrii fuerit redimitus; nedum dignum reputo, qui Sanctorum Fastis adscribatur, sed ego munus sustinens Præfecti ejusdem Sac. Confessus, suppliciter etiam exoro, ut patronus præcipuus B. Fidelis a Sigmaringa Apostolicis Missionibus apud Deum dignetur adesse.

PETRUS ALOYSIUS Episcopus Albanensis Cardinalis Carafa.

Explorata res est, quod ^a *Sanguis Martyrum semen est Christianorum*: interest propterea quàm maximè, tum catholicæ Ecclesiæ tum verò Congregationi, quæ Propagandæ Fidei præsidet, cui me gloriôr adscriptum, ut beatus Fidelis a Sigmaringa vindicatis Martyribus adnumere-
tur. Ipse siquidem, cum esset omnibus religiosæ vitæ virtutibus insignis, primus fuit ex iis, qui ab ipsa Sacra Congregatione ad fidei damna reparanda, & ad hæreses extirpandas missus totus incubuit, Hæreticis convertendis, hæresibus profligandis, pravis dogmatibus convellendis, & deviis ad fidei unitatem reducendis: Idque Deo adspirante consecutus est, plurium annorum labore Concionibus flagrantissimis, imperterrito animi robore ac tandem proprii sanguinis effusione. Ut itaque sanguis ab ipso effusus possit esse uberrimum Catholicorum semen in iis præsertim Regionibus, in quibus etiamnum hæreses vigent, maximè opportunum existimo, si hujus sanctæ Sedis Oraculo, consummati Martyris gloria beato Fideli vindicetur.

JOSEPHUS Episcopus Tusculanus Cardinalis Accorambonus.

Altissimum perfectionis culmen, ad quod beatus Fidelis jugiter properavit, & propagandæ catholicæ Religionis zelus, quem magnis sublati periculis cum præclara animi fortitudine ad martyrium usque servavit, sacrarum paginarum eloquium: *esto fidelis usque ad mortem, & acci-*

^a *Tertullianus in fine Apologetici.*

accipies coronam vitæ ; exactissimè in eo impletum esse demonstrant . Ut igitur tantis laboribus debitus fructus respondeat , iustissimum censeo , si præclarissimo Sancti titulo & cultu a SANCTITATE VESTRA decoretur .

VINCENTIUS Episcopus Sabinensis Cardinalis Bichius .

Triumphum & martyrium sancti Petri Martyris in seculo decimo tertio patratum , verè renovavit in seculo decimoseptimo beatus Fidelis a Sigmaringa Sacerdos Professus Ordinis Fratrum Minorum sancti Francisci Capuccinorum nuncupati , & Congregationis de Propaganda Fide Missionarius , qui servens amator Fidei cultor præcipuus & Propugnator ardentior , ut ea quæ de catholica Fide Hæreticis verbo prædica-
bat , firmaret exemplo , ac de pugna tam strenua specialem Palmam reportaret , non timuit mortem sibi in odium catholicæ Fidei paratam præcognitam atque illatam per cruciatus & vulnera lætanter subire ; sic Martyr Christi & Protomartyr Congregationis de Propaganda Fide gloriose constitutus . Ad hujus Beati memoriam erubescant fallaces Hæretici , & impudentes frontes decidant jam confusæ , cum ille , cujus veracem instructionem & salutaria monita renuebant , cuique mortis intulere supplicium , in Cœlo jam regnet inter agmina Beatorum . Convenit itaque , ut quem Dominus in Cœlo magnificat , Mundus colat .

*NICOLAUS Maria Tit. S. Petri ad Vincula Presbyter
Cardinalis Lercarius .*

Catholica universalis Ecclesia postulat , ut beatus Fidelis a Sigmaringa , qui non modò opere & sermone , sed sanguine suo in odium orthodoxæ fidei interemptus de ejus veritate constantissimum præbuit testimonium , Sanctorum Fastis adscribatur : Ipse verè fidelis fuit usque ad mortem , & sicuti in Cœlis accepit coronam vitæ , ita sacris Altarium honoribus martyrii palmâ decoratus , ac miraculis clarus universalem catholicæ Ecclesiæ venerationem promeretur .

RAPHAEL Cosinus Tit. S. Marcelli Presbyter Cardinalis de Hieronymis .

BEATISSIME PATER . Redolet Germania fragrantia & virtute signorum , quæ per merita illius beati Viri Fidelis a Sigmaringa quondam Sacerdotis Professi Ordinis Capuccinorum omnipotens Dominus operatur , & universa lætatur fidelium christiana Religio pro eo , quod ille qui est mirabilis & gloriosus in Sanctis , Sanctum suum post mortem clarificavit , cujus vita laudabilis multâ fuit gloriâ meritorum , & tandem martyrio consummata est glorioso . Quamvis autem de sanctitate ipsius dubitare non possit , qui ejus vitam & laudabilem conversationem attendit ,

dit, gloriosamque considerat passionem; voluit tamen Salvator noster ejus sanctitatis insignia magnificis irradiare miraculis, ut qui pro Christo insuperabilis virtutis constantiâ necessitates & pericula pertulit, sui laboris & certaminis in æterna beatitudine cognoscat ab omnibus percipisse triumphum. Eum itaque si SANCTITAS VESTRA pro Apostolatus sui munere sanctorum Martyrum Fastis adscribere dignabitur, id Ecclesiæ decori futurum arbitror ac incremento.

ANTONIUS Tit. S. Silvestri in Capite Presbyter Cardinalis Rufus.

A Dimpleo ea, quæ defunt passionum Christi, inquit Apostolus: BEATISSIME PATER adimplevit sanè in omnibus viis suis Jesu Christi Coadiutor B. Fidelis a Sigmaringa; in seculo vivens per illibatam innocentiae custodiam; in sortem Domini vocatus per exactam suæ religionis disciplinæ observantiam, ut vel provectioribus exemplo præluceret: Apostolicum munus apud Rhætos exercens eximiis charitatis officiis & ardentissimo zelo dilatandæ custodiendæque fidei. Quemadmodum enim super fundamentum, quod Christus est, superædificavit, non lignum, non fœnum, non stipulam, sed argentum aurum lapidesque pretiosos heroicarum virtutum, quas proprio sanguine consecravit & illustravit: Ita æquum est, ut summis Ecclesiæ honoribus decoretur is, qui coronâ aureâ a Christo Domino in Cœlis jam donatus est.

*CAROLUS Tit. S. Mariæ de Ara-Cœli Presbyter
Cardinalis Calcagninus.*

B Eatus Fidelis a Sigmaringa egregius fuit Christi miles, cujus præclara gesta ab omnibus Christi fidelibus imitanda sunt. Adolescens mirâ innocentiam ac pietate ornatus omnibus Christianæ virtutis ac vitæ austerioris exemplis admirabilis fuit. Religionem Minorum Capuccinorum amplexus tantum inde virtutis incrementum fecit, ut arctioris disciplinæ imaginem referens, ceteris Religiosæ perfectionis cupidis miraculum esset & exemplar: Nihil ei fuit arduum, quia patiens, nihil asperum, quia humilis; in oratione assiduus, in opere sollicitus, durus ad labores, fortis ad pericula, illecebris invictus, charitate flagrans, afflictis & moerentibus solamen; denique omnia factus, ut omnes Christo lucrifaceret: Verum ejus virtus intuenda contra hæreticos catholica Religione maximè enituit, tantoque dilatandæ fidei ardore incensus fuit, ut pro ea asperissima quæque magnâ animi alacritate toleraret, ac mortem subire optaret ardentem. Voti tandem compos effectus animam suam pro Christo invictâ constantiâ ponens totum effudit sanguinem, ac nomen Sacræ Congregationis de Propaganda Fide Protomartyris jure meritò est adeptus: Quæ omnia D. O. M. pluribus confirmavit miraculis ab ipso pa-

tratis tam in vita , quàm post mortem , & post publicatum Beatificationis Decretum : Ne igitur tantus Christi Miles diutius sub modio deliteat , tot probitatis insignia , tot corruscantia miracula petunt & exposcunt , ut adnumeretur in Sanctorum numerum , sic decernente SANCTITATE VESTRA in commune Christiani Orbis bonum ac in sanctæ Matris Ecclesiæ lætitiâ .

*PHILIPPUS MARIA Tit. S. Agnetis extra moenia Presbyter
Cardinalis de Montibus .*

BEatum Fidelem a Sigmaringa divinæ beneficentiæ charismatibus emicuisse faciliè mihi persuadeo satis constare . Ille enim suscepto sacro æquè ac pauperrimo Instituto ad Evangelicæ perfectionis bravium anhelans , cum a Sacra Congregatione de Propaganda Fide adscitus esset inter primos Operarios suos , Apostolici ministerii partibus obeundis in Rhætia totus intentus plures heterodoxos erutos de potestate tenebrarum transfudit in Regnum filiorum Dei ; atque ob sanctissima ad sartam tectamque catholicam Religionem servandam statuta , infractâ animi constantiâ publicis concionibus propugnata ab hæreticis confossus , consummato glorioso pro Christi fide certamine , charitatis victima consecrari promeruit . Hunc itaque invictissimum Christi Athletam in Album SS. Martyrum merito jureque optimo credimus recensendum præcipuè , ut sacris Missionariis per totum Orbem ab eadem Sacra Congregatione de Propaganda Fide adlectis præsidium sit & eximiæ charitatis exemplar .

*HIERONYMUS S. Angeli in Foro Piscium Diaconus
Cardinalis Columna .*

Signa Apostolatus beati Fidelis a Sigmaringa facta fuisse BEATISSIME PATER , in omni patientia , in prodigiis & in virtutibus nemo dubitaverit , qui paulo attentius expenderit sanctissima ejus Gesta , quibus & Dei gloriam & Ecclesiæ fidem mirificè illustravit , spectaculum factus Christo Angelis & hominibus . Omnia sanè detrimentum fecit propter Christum , illi inhærens per charitatem , quæ patiens est , quæ benigna est , quæ omnia suffert & sustinet . Ac profectò omnia sustinuit , cum non modo mortificationem Jesu in suo corpore circumferret , in vigiliis ac jejuniis multis ; sed & peccantibus ad purioris vitæ tramitem revocandis , & Hæreticis ad Fidem catholicam traducendis continuo insudaret Apostolicus Concionator in laboribus plurimis , per arma justitiæ a dextris & a sinistris , nihil unquam veritus improborum fraudes , minas , contumelias , neque animam suam faciens pretiosorem quàm se , ad heroicarum virtutum normam sua omnia composuit . Sed quoniam B. Hieronymo teste , illud est verum testimonium , quod inimici ore profertur , nihil fuit quod æquè laudaverit Apostolicum Virum ,
quàm

quàm Hæreticorum furor , qui erroribus suis nimium metuebant , nisi B. Fidelem e vivis nece illata eripientes , tanto hoste hæresim liberarent. Hoc testimonium ut deessent cetera , satis esse debet , ut sanctorum Martyrum Catalogo accenseatur , *cujus fortis fuit ut mors dilectio* , imò supra ipsam mortem , quam victoriâ longè nobilissimâ debellavit .

JOANNES FRANCISCUS *Stoppanus Archiepiscopus Corinthi Assistens.*

DE sanctitate Servi Dei Fidelis a Sigmaringa , tam virtutibus in gradu heroico clarè perspecta , quàm signis luculenter comprobata satis abundè constat ; proindeque ipsi sacro Canonizationis Ritu summos in Ecclesia honores decernendos dignum justumque videtur , attamen , si ab hac Apostolica Sede ita dijudicetur , peculiari providentiæ Dei semper mirabilis in Sanctis suistribuendum erit , quod de partibus Germaniæ nuperis hisce temporibus , sicuti Joannes Nepomucenus sacramentali silentio , ita confessione veræ fidei Fidelem a Sigmaringa gemini Christi Athletæ in Sanctorum Albo sint relati cum ad augendam firmandamque catholicam fidem , tum ad evincendam ac refellendam hæreticorum proterviam atque ad totius militantis Ecclesiæ decus & præsidium .

JOSEPHUS MARIA *Rufus Archiepiscopus Capuanus Assistens.*

Nihil in beato Fideli a Sigmaringa reperitur , quod non sit admiratione dignum , non sit commendatione dignius . Hic in Seraphici Patriarchæ Francisci Familiam incunctanter admissus a Novitiorum Magistro , quasi prophetico afflato lumine audire meruit : *Et tu esto fidelis usque ad mortem , & accipies coronam vitæ* ; unde veterem expoliatus hominem , novumque cum habitu Religionis indutus exultavit , ut gigas ad currendam Evangelicæ perfectionis viam ; statimque tot humilitatis obedientiæ ac ferventissimæ charitatis omniumque virtutum exempla præstitit , ut omnibus emeritæ sanctitatis sociis præluceret . Orationi adeo assiduus , ut nec diu noctuque invictum ab ea spiritum relaxaret ; precationum verò suarum vota minimè suus Pater cœlestis frustratus est ; nam cum hæc duo semper peteret , scilicet vitam ab omni peccato immunem , fidemque suo sanguine confirmare , utriusque voti compos effectus est , quoniam non angustia , non fames , non nuditas , non periculum , non persecutio , non gladius , non altitudo neque profundum , neque creatura potuerunt ipsum separare a charitate Dei , atque Athleta Christi fortissimus pro amplificanda catholica Religione martyrii palmam meruit obtinere : Quapropter cum SANCTITATIS VESTRÆ ineluctabili Decreto Servum Dei beatum Fidelem Albo Sanctorum rite adscribi posse pronuntiatum sit : Hoc ipsum fieri exopto , expedireque censeo , si SANCTITATIS SUE nutus accedat . Et ita &c.

FR. ANTONINUS *Camarda Episcopus Reatinus Assistens.*

EXultat BEATISSIME PATER & meritò quidam exultat, induitque vestimenta gloriæ suæ Sacra Propagandæ Fidei Congregatio super inclyto suo strenuissimoque Protomartyre B. Fideli a Sigmaringa, quem utpote Servum fidelem etiam in modico, constituit Dominus super multa, similemque ob sanctitatis excellentiam fecit in gloria Sanctorum, & præcipuè in gloria D. Protomartyris Stephani, cum & ipse ad fidelem ejus imitationem plenus gratia & fortitudine fecerit prodigia & signa magna in populo, & charitatem pro armis habuerit, & per ipsam charitatem victoriam ubique feliciter obtinuerit. Per charitatem Dei sævientibus fidei hostibus non cessit. Per charitatem Proximi pro occisoribus intercessit. Unde stolâ immortalitatis indutus meretur, ut a SANCTITATE VESTRA solemni ritu connumeretur inter Agmina Sanctorum dealbatorum, qui laverunt stolas suas, & candidas fecerunt in sanguine Agni.

NICOLAUS *Simoni Episcopus Marcianensis Assistens.*

Vitam plenam laboris omnique virtutum genere ornatissimam catholicæ Religioni amplificandæ, & alienæ salutis procurandæ impendit tandem strenuus Christi Martyr Fidelis a Sigmaringa. Quare e re Religionis esse puto, ut Apostolica auctoritate maximis clarissimisque virtutibus repletum, miraculorum gratiâ illustrem ac beata melle meritum divitem publicis precibus invocemus.

NICOLAUS *Spinelli Episcopus Aversanus Assistens.*

COEnobiticæ disciplinæ servandæ ac constabiliendæ studium, & admirabilis rerum divinarum commentatio, id effecere, ut beatus Fidelis a Sigmaringa Tironibus exemplo, Perfectis incitamento esset, ceterisque omnibus admiranda morum integritate, patientia, mansuetudine ac præsertim animi demissione ad veras christianasque virtutes comparandas præluceret; sæpissimè improborum hominum divina humanaque miscentium conatibus compressis, ac furentis hæreseos viribus profligatis. Quibus omnibus rite probatis ac singulatim ad trutinam revocatis censerem, dummodo supremum SANCTITATIS TUE judicium accedat, in Sanctorum numerum posse cooptari.

*MARCUS ANTONIUS Amalphytanus Episcopus Ortonen.
& Camplen. Assistens.*

BEATISSIME PATER. Beatus Fidelis a Sigmaringa re & nomine fidelis Dei Servus & prudens fuit; nam sparsis adhuc in hoc spinoso seculo virtutum omnium seminibus, admirabiles deinde in Sacra Capuccinorum Religione protulit fructus charitatis erga Deum & Proximum, patientiæ humilitatis, obedientiæ, mortificationis, pœnitentiæ, paupertatis, ac heroicæ sanctitatis Apostolicum Concionatoris munus sibi commissum tanto Religionis zelo exercuit, ut plures etiam perditissimos homines a peccatis ad pœnitentiam a vitiis ad virtutem revocarit. Fidem in Baptismo susceptam idem Fidelis servavit integram, illiusque propagator & sortis propugnator fuit. Per multos hæreticos ad sinum Sanctæ Romanæ Ecclesiæ reduxit. Hæresim grassantem jamque alicubi erumpentem summo studio curavit reprimere. In catholica fide promovenda adeo erat impavidus, ejusdemque fidei ardore tanto erat incensus, ut pro ea mortem subire optaret, jamque Hæretici iracundiâ furentes necem, quam ex insidiis paraverant, & paulo ante concionando sibi prædixerat, illi intulerunt. Per quæ omnia & alia innumera virtutum incrementa a Deo miraculis comprobata, sicuti jam prius sanctæ mem. Benedictus XIII. de Fidei Beatorum Fastis ascribendo Decretum emisit, ita ad apicem Canonizationis inter inclytos Martyres, si SANCTITATI VESTRÆ placuerit, venit idem recensendus.

NICOLAUS Mancinforti Episcopus Anconitanus Assistens.

BEatus Fidelis a Sigmaringa in triplici vitæ genere se admirabilem reddidit. In seculo enim doctrinam cum morum integritate conjunxit, in Claustro pietate erga Deum, charitate erga Proximum summopere enituit, in orthodoxæ demum Religionis discrimine *pro lege Dei sui certavit usque ad mortem*; unde eximius Christi Athleta plurimis clarus miraculis dignus videtur, qui in Sanctorum numerum referatur,

D. PLACIDUS Pezzancheri Episcopus Tiburtinus Assistens.

BEatus Fidelis a Sigmaringa piissimè exactis in seculo septem lustris, Institutum Minorum Capuccinorum amplexus, ivit de virtute in virtutem, liliisque virginitatis, quam summo studio coluit, rosas intexens martyrii, quod consumaturus cursum suum & ministerium verbi a Sacra Congregatione de Propaganda Fide ipsi injunctum, primus omnium pugilum ejusdem Sacræ Congregationis invicto alacrique animo subiit duplici redimitus laureolâ. Cœli gaudiis fruitur; ut plura, quibus illustra-

tur, miracula probant, evincunt. Reliquum ergo est, ut SANCTITAS VESTRA, pro suprema qua pollet ligandi atque solvendi potestate, illum SS. Martyrum Fastis adscribat.

NICOLAUS XAVERIUS *Santamaria Episcopus Cyrenensis Afsistens.*

INter Operarios qui excolendam atque expurgandam a noxiis hæresum vepribus vineam Domini in Rhætia, jussu Sacrae Congregationis de Propaganda Fide susceperant, B. Fidelis a Sigmaringa Sacerdos Capuccinus primus eam proprio sanguine fecundavit; enixis ejus precibus exauditis a Deo, quibus assidue postulaverat, ut vitam ab omni peccato immunem traduceret, fidemque catholicam suo sanguine confirmaret. Mortem autem quam in odium ejusdem fidei vicinam præsenferat, non inermis & nudus, sed protectione corporis & sanguinis Christi munitus subiit; & ad nostri Salvatoris exemplum non repugnando, immo pro hostibus orando, tanquam unus de dominicarum ovium grege laniari se ab hæreticis, velut ab irruentibus lupis passus est. Si Martyrem, ut S. Augustinus docuit, non facit poena, sed causa, B. Fidelis, qui cum causa poenam conjunxit, quare Martyris nomine & honore privabitur. Pium igitur & justum videtur B. Fidelem, cujus veri martyrii consummatio, & gloria in Cœlis adepta quasi digito manifestatur, contestante eam Deo signis & portentis, inter Martyres vindicatos Apostolico Oraculo adscribere, ut magis magisque confundatur hæreticorum perversitas, & divina Catholicorum fides augeatur.

BERNARDUS ANTONIUS *Pizzella Episcopus Constantiæ Afsistens.*

QUæ duo præ ceteris sibi proponit Alma Mater Ecclesia, ut quis de christiana Religione optimè meritus in Sanctorum numerum rite cooptetur, virtutum scilicet heroica exercitatio & miraculorum probata veritas, duo hæc sunt satis explorata de beato Fidele a Sigmaringa Ordinis S. Francisci Capuccinorum Alumno; etenim vitæ integritatem, regularis disciplinæ observantiam aliasque virtutes, potissimum verò singularem in Deum & Proximum charitatem ac fidei zelum coluit mirabiliter, ex quo martyrii palmam meruit obtinere. Virtutibus insuper miracula composuit. Superest igitur ut nobilis Christi Athleta sanctorum Martyrum triumpho donetur in terris, qui gloriosus exultat in Cœlis.

HYACINTHUS *de Silvestris Episcopus Nepesinus & Sutrinus Afsistens.*

BEATISSIME PATER. Beatum Fidelem a Sigmaringa cum infensissimis christianæ Reipublicæ hostibus adeo acriter decertantem olim spectavit Rhætia, ut certaminis sui præmium ab ipso jamdiu expetitur.
mor-

mortem atrocissimam sit consecutus. Gratulabatur profectò sibi S. M. Ecclesia, dum Heroem hunc vetustissimorum Martyrum assecclam atque imitatorem intueretur: At nimium doleret, si ejus martyrio rite jam comprobato debita martyrii merces non responderet. Sentiatur igitur Orbis universus lucis hujus contemptoribus animis, Martyribusque fortissimis etiam nunc Ecclesiam catholicam illustrari; debitumque honor ei rependatur, qui tantam laudem vitæ & sanguine bene emi posse arbitratus est.

FRANCISCUS ANTONIUS *Spadea Episcopus Aquinas*
& *Fregellanus Afsistens.*

BEATISSIME PATER. Tanta in B. Fideli a Sigmaringa Ordinis Capuccinorum Alumno exuberant veræ sanctitatis argumenta, ut etiam si deficeret causa martyrii, ad illum in Sanctorum Album deferendum abundè sufficerent. Inter seculi curas mirum quàm innocenter justè & piè vitam traduxerit. Regulare Institutum amplexus, statim apparuit perfectionis metam attingisse jampridem, nemoque illo in omnium virtutum genere sui abjectione, corporis afflictatione, obedientia fuit & paupertate præstantior. Ad Apostolici Missionarii munus vocatus, directusque in Rhætiæ Provinciam plurimùm hæresi infectam, quisnam explicare valeat Viri Dei studium dilatandi catholicam fidem, hæreticos ad Ecclesiæ sinum revocandi? Quisquam attingere queat quo zelo, quo fervore, quo spiritu & fortitudine immensos exantlavit labores, tot incommoda & pericula vitæ subierit, ut zizania quæ inimicus superfeminaverat homo, convelleret, & vera Christi dogmata complantaret? re & nomine verè fidelis, fidelis servus & prudens; fidelis usque ad mortem, qua bonum certamen certavit, cursumque fideliter consummavit, ideo palmam & coronam tamdiu concupitam meruit obtinere martyrii. Reliquum est BEATISSIME PATER, ut sicut a Deo miraculis rite probatis testatam accepimus Servi sui gloriam perennem in Coelis, sic dignum & justum est, ut SANCTITAS VESTRA Canonizationis ejus triumphum illi decernat in terris, ut hæresis ipsa, quem impiè prostravit, victorem agnoscat, & quantum gloriæ Fideli illata nece contulerit, & confundatur. Ut Rhætiæ populi ejus intuentes exitum & gloriam imitentur & fidem: Ut inclytus Capuccinorum Ordo tanto excelsum sui filii congaudeat honore: Ut sacri ejusdem apostolici ministerii Consortes ex eo zeli ac fortitudinis exempla desumant; ac tandem ut sacra Propagandæ Fidei purpuratorum Patrum Congregatio hoc suo Protomartyre glorietur.

HIPPOLYTUS e Rubeis Sancti Secundi Episcopus Senogallienfis Afsistens.

DEi Servi re & nomine Fidelis a Sigmaringa mores planè Angelici, & Apostolici labores: Vis præsertim atque animi ardor in vitiis, lux superbiæ & luxuriæ insectandis: Zelus inexplibilis animarum adversus helueticam hæresim, imperterrita denique fortitudo atque constantia admirabilis, Chirographo necis sibi paratæ e suggestu conspecto, crebra quoque inter vulnera sibi a nefariis satellitibus in odium orthodoxæ fidei usque ad interitum illata; tot ac tantæ virtutes, quibus insignis gloria miraculorum accedit, maximè suadent ejusmodi Viro, jam Beatorum Fastis adscripto, Sacræ Congregationis de Propaganda Fide strenuo Protomartyri novam sanctitatis coronam per irrefragabile Pontificium Oraculum esse decernendam.

POMPEJUS Compagnoni Episcopus Auximanus & Cingulanus.

QUOD ait Joannes Chrysostomus adesse clementissimum Deum, qui desiderantibus suis martyrium præbeat; id ego BEATISSIME PATER in beato Fideli feliciter contigisse video, hoc ipsum scilicet enixis precibus dum viveret, postulare solito, ut catholicam fidem suo sanguine confirmaret. Quum igitur & ipse tanti muneris dignitati per bona opera sese idoneum præstiterit, & Deus Opt. Max. vel in ipsa quodammodo Ecclesiæ pace eum sibi Martyrem designaverit; æquum esse censeo secundum ea quæ proponuntur, ut solenni ritu ab Ecclesia quoque vindicetur.

LUDOVICUS Savageri Episcopus Tempensis.

BEATUM Fidelem a Sigmaringa gloria & honore coronatum, in cœlesti Patria versari, certiores Nos faciunt BEATISSIME PATER, quas vel ab ipsa adolescentia excoluit virtutes, jejunia, flagella studiumque illud, quo suscepto Capuccinorum Instituto corpus in spiritus servitutem redegit, quos pro fide tuenda & amplianda suscepit labores, invicta in perferendis cruciatibus patientia, cui Paulo teste *parata sunt repromissiones*, & summa illa charitas, qua mirabili quadam animi alacritate pro orthodoxa fide martyrium subiit, atque tot miracula confirmant, quibus eum Deus glorificavit. Itaque non dubito, quin eo cultu ac publica illa veneratione sit dignus, qua Ecclesia reliquos prosequitur Sanctos. Nunc verò ut infallibili auctoritate tua decernatur, expedire omnino videtur: Rogat enim supplex Capuccinorum Familia, petunt fideles, postulant Eminentissimi de Propaganda Fide Cardinales, instant Principes, eget Ecclesia infelici hac nostra ætate novo hocce orthodoxæ fidei vindice ac defensore.

ANTONIUS Franci Episcopus Grasseti.

Beatus Fidelis a Sigmaringa sacrae Franciscanae Familiae Alumnus, in ipso Religionis limine raro humilitatis, & obedientiae exemplo, futurae sanctitati praelusit. Hinc coelestis vivendi ratio Tirocinii laudes & merita exceperit & longius excessit: Nam charitate fervens, precibus assiduus, asperitatibus invictus, Seraphici candoris aemulator, virtutum omnium cultor eximius Deo propior, quam homini visus est. Catholicae demum fidei tutandae augendaeque ardentissimum desiderium cruentus testis & Martyr gloriosus exhibuit. Quapropter cum SANCTITATIS VESTRAE ineluctabili Decreto Servum Dei beatum Fidelem Albo Sanctorum rite adscribi posse firmatum sit: Hoc ipsum fieri oportere censeo, si SANCTITATIS SUAE nutus accedat. Et ita &c.

JOSEPH Rossi Episcopus Venafranus.

Legitimè qui certavit BEATISSIME PATER, fidelis usque ad mortem coronam justitiae a Domino in Coelis jam accepit, dignus propterea est, cui & condigni decernantur honores in terris. Fidelis a Sigmaringa Seraphici Capuccinorum Ordinis est Servus ille bonus & fidelis, qui missus in vineam Domini a Sacra Congregatione de Propaganda Fide, illam proprio sanguine foecundavit: Inter praedicandum namque aggressus, tandiu ensibus ferratisque fustibus fuit caesus, ut felix & pretiosa in conspectu Domini victima fuerit immolatus. Defecerunt porro impiorum iniquitates in verbis, quae suggesto inscripserant: *Hodie praedicabis & non amplius*: Vox enim tanti Martyris clamavit ad Dominum, & exaudita fuit, dum Austriacis signa conferentibus cum Rebellibus Haereticis copiis praesto fuit, & divino lumine circumfusus terruit, & in fugam Rebellium Ducem vertit: Gaudeat igitur sancta Mater Ecclesia Sanctum venerari, quem Deus fidei quasi propugnaculum constituit.

INNOCENTIUS Gorgoni Episcopus Pinnensis & Hadriensis.

Beatus Fidelis a Sigmaringa a primis annis christianas virtutes excolere incepit; Capuccinorum deinde suscepto Instituto, severiori vitae genere & superno quodam ac eximio salvandarum animarum desiderio excelluit, eaque charitate, qua major sub Coelo dari non potest, succensus pro orthodoxa servanda & propaganda Fide, plurimis exantlatis laboribus, ac vario tormentorum genere ab heterodoxis vexatus Martyr occubuit, eumque cum in vita, tum post mortem multis Deus miraculis condecoravit; quam ob rem Sanctorum Fastis, si SANCTITATI Tuae videatur, adscribendum esse censeo.

Morem antiquitus traditum, ut hac de causa publico fidelium cultui proponatur in Patriarchalibus Basilicis Eucharisticum Sacramentum, intermitteri Pontifex passus non est; sed Ecclesiam S. Mariæ supra Minervam substituit in locum Basilicæ S. Mariæ ad Præsepe operariis cæmentisque quamplurimis impeditæ: Cum enim Sanctissimus Pater decorem domus Dei diligens, meridionali latere ad communes Canonorum ædes excitato, Porticu & Fronte a fundamentis erecta, & quatuor Sanctorum Prædecessorum suorum Sixti & Gregorii III., Paschalis I. ac Pii V. de Liberiano Templo optimè meritorum, duorum item Archipresbyterorum Cardinalium sancti Caroli Borromæi, & beati Nicolai Albergati signis ornata, ampliato complanatoque Foro, Basilicam hanc tribus ab hinc annis exterius nobilitasset; eandem modò interius tam mirificè sarcit ac renovat, ut quidquid ceteri contulerunt ad ejus elegantiam & amplitudinem, id unus complexus BENEDICTUS sit, longèque superaverit.

Potiora tanti Principis beneficia hoc duplici inscripto marmore testati hætenus Canonici sunt.

BENEDICTUS XIV. PONT. MAX.
LIBERIANI TEMPLI FRONTEM AC PORTICUM
IN HANC AMPLITUDINEM EXCITAVIT
ANNO MDCCLIII. PONT. SUI III.

BENEDICTO XIV. PONT. MAX.
QUOD LIBERALITATE OPTIMI PRINCIPIS
LIBERIANÆ BASILICÆ FRONTEM
A FUNDAMENTIS EREXERIT
IMPOSITIS SIGNIS ORNAVERIT
LABENTEM PORTICUM RESTITUERIT
COMMUNES CANONICORUM ÆDES
A SOLO EXCITAVERIT
EXTERIORES GRADUS
AD AVERSAM ABSIDIS PARTEM REPARAVERIT
TECTUM VETUSTATE CORRUPTUM REFECERIT
CAPITULUM ET CANONICI MUNIFICENTISSIMO PRINCIPI
P. P.

Eadem die 8. Junii pomeridianis horis celebratæ sunt ex more primæ Vesperæ solemnitate Corporis Christi in Sacello Paulino Palatii Apostolici Quirinalis. Adstitit Papa in Solio paramentis albis pretiosis indutus, qui post manus osculum a Cardinalibus acceptum, illas præcinuit: Thure imposito adolevit Aram; orationem recitavit, & Pontificalem Benedictionem impertivit in fine. Eminentissimi Patres cappis purpureis usi sunt; Præsules verò cum Assistentes, tum non Assistentes, quo-

quorum numerus solito frequentior fuit, ceterique locum habentes in Cappella consuetis proprii Ordinis insigniis amicti interfuere.

Apud Vaticanum interea viarum, per quas mane postridie procedendum ritu supplicis erat, eam quisque partem, quæ æquabiliter sibi obtigerat, Cardinales Romæ commorantes ornandam curaverunt aulæis picturis & fertis virentibus. Ut tamen inspicerent, parata ne essent omnia, aut quidpiam, quod minus deceret, in Stromatum figuris esset, easdem vias equitando circumvivere R. P. D. Marcus Antonius Columna Protonotarius de numero Participantium Patruum loco, dum tali se munere is abdicaverit, designatus Apostolici Palatii Præfectus: Marchio Joannes Patritius, Marchionis Alexandri Capponi Florerii Majoris cum jure successionis Coadiutor, & D. Franciscus Diversini unus ex Ceremoniarum Pontificiarum Moderatoribus; omnes quotidiano habitu amicti, & manu Militum Helvetiorum stipati. Eos pari linea incedentes prosequabantur consuetâ soldanâ laneâ violacei coloris induti Cubicularii ad fores, quas *Bussulam* vocant: Cubicularii extra Cameram, & Scutiferi Papæ bini incedentes inter equitandum. Præibant verò Helvetiæ Cohortis Dux, ac quatuor Inservientes armorum, quos *Mazzieri* appellamus, cum argenteis clavis & ipsi equis insidentes.

Post vespertas Sanctissimus D. N. paucis duntaxat ex suis familiaribus eum comitantibus e Quirinali perrexit ad Palatium in Vaticano, ut ibi ea nocte quiesceret. Postero die per interiorem scalam Apostolico Sacrario contiguam mane descendens, venit in Sixti IV. Sacellum, ubi genuflexus super faldistorium, consuetam antiphonam: *Ne reminiscaris* cum Psalmis, & Orationibus, ut se pararet ad Missam, quam deinde sine cantu celebravit, privatim perlegit. Completo Sacrificio, Sacramentum a se confectum & intra pretiosam custodiam clausum supra Thalamum compositus, & a Parasfrenariis sago rubro indutis in altum elatus, detulit per stata Processionis loca usque ad Aram maximam Basilicæ Vaticanæ, ex qua post iteratam Sacramenti thurificationem & post recitatam diei Festi collectam eodem Sanctissimo Sacramento ter Crucem signans Populo benedixit; sacrisque vestibus depositis ad superiora cubacula remeavit.

Compendiaria narratione hæc pauca de summo Ecclesiæ Capite leviter attigimus: Cetera, quæ ejus diei solemnitatem respiciunt, nemo est, qui ignoret, cum facile unicuique sit, singulis annis id ipsum oculis intueri. Supervacuum propterea visum est, aut tot Cleri utriusque turmas referre sub Crucis vexillo gradientes summa gravitate ac modestia, aut multitudinem pene infinitam hominum, qui Vacabilia officia obtinent (Ea verò Tituli quidam sunt, qui cum quibusdam redditibus, unde hi profluunt, ita coeuntur a Camera Apostolica, ut utrique cessent Emptoris morte, nec hæredem sequantur) aut Cancellariæ Datariaque variis muneribus addictorum, qui quaterni cum quadrilibribus singuli

facibus procedebant juxta ordinem & præcedentiam a san. mem. Gregorio XIII. jandudum præfinitam.

Omittenda pariter est sedula Cardinalis Proto-Diaconi cura apud Apostolici Palatii Portam cum baculo in signum jurisdictionis una cum Gubernatore Urbis Vice-Camerario, & ejusdem Palatii Præfecto ad supplicationem instruendam assidentis: Nec recensendi hoc loco Scutiferi, Procuratores Ordinum, Cubicularii tam extra Cameram, quam Honorarii & Intimi cum intortitiis procedentes; duobus autem his novissimis coetibus præeuntes Cappellani cum Mitris; quamquam, ut aliqua de his rebus mentio fieret, petere videretur nupera Sanctitatis Suae Constitutio, quæ Consistorialis Aulæ Advocatis præter alia ejus Collegii privilegia vel confirmata, vel aucta, digniorem præterea in Cappella & in Processionibus supra ipsosmet Intimos Cappellanos Pontificis locum assignat; ita ut non amplius humi in conspectu Pontificii Throni, sed in scamnulo post Cubicularios Intimos, & Honorarios inodò assideant, eosque inter eundum immediatè præcedant. Reliquum esset potius de nobiliori supplicationis hujus parte, in qua Antistites amplius octoginta totque augustissimi Sacerdotii Senatores eminebant, aliquid dicere: Erat id quidem documentum christianæ magnificentiae & pietatis sanè præclarum, & quod nusquam alibi spectari possit quam Romæ. Sed ab aliis omnibus, quæ movere eos poterant, aversi, quot aderant in summum duntaxat Pontificem BENEDICTUM intenderant oculos, qui Sacerdos Populi sui a Deo constitutus, in tempore precantes manus protendebat ad Sacerdotem in æternum Christum Dominum, quem sub specie panis velatum genuflexus in Thalamo portabat, eo oris ac totius corporis habitu, ut ambigi meritò ab omnibus posset, majestatem nè magis optimi Principis, an religionem mirarentur.

Hastas Umbellæ, quæ supra Sacramentum & Papam obtendebatur, mutatis ex condicito vicibus detulerunt primò Referendarii, secundò & quartò Equites S. Petri, tertiò Magistri viarum, quintò Senenses, postremò ante ingressum Basilicæ, quoniam Senator Urbis aberat, ad quem pertinuisset primam hastam deferre, Conservatores Urbis, una cum Oratore Bononiæ, & Capitoliæ Curiae Judicibus: Cui quidem Oratori pridem indulserat Pontifex, ut Senatoriæ, qua patrio more utitur, vestimenta antea prorsus nigræ fascias posset aureas superaddere; hac tamen cautione, ut eam adhiberet in solemnioribus duntaxat functionibus, & præcisè tunc, quando aureas quoque togas induunt prædicti Romani Populi Conservatores, ut eo die factum est.

Ad quatuor Baldacchini angulos incedebant a latere totidem Clerici Ceroferarii Cappellæ Pontificiæ singuli singulas Laternas argenteas hastis præfixas gestantes; cum enim quæ deferri solent lumina, etsi copiosa, in aperto sint, eaque non rarò, vento aut pluvia superveniente extinguantur; ne quid tale contingeret, quod debitam tanto Sacramento venerationem

tionem aliqua ex parte minueret; visum fuit Benedicto Papæ XIII. perenni memoria dignissimo statuere in Concilio Romano^a, ut in posterum tam in hac, quàm in alia, quæ haberi opus fuerit, Sanctissimi Corporis Christi Processione quatuor saltem hastis præfixæ Laternæ cum candelis intus semper accensis hinc inde portarentur prope Sacerdotem, qui Sacramentum deferret: Quam institutionem Pontificia Cappella, ut ceteris esset exemplo, statim amplexa est, & ad hanc diem servat diligenter.

Hac lege lata prædictus Pontifex institit Prædecessorum suorum vestigiis, qui tantopere in Festi hujus diei recolenda memoria semper excellerunt; ut nihil, quod ad augendum Eucharistici Sacramenti externum cultum conducere, nihil, quod ad Christiani populi pietatem erga illud promovendam valere posset, unquam neglexerit: Urbanus enim Papa Sextus edixit, ut in locis etiam, ubi interdictum sacris esset, liceret die Festo Corporis Christi, (quam celebritatem Urbanus IV. jampridem instituerat) rem divinam facere apertis januis. Cum autem per ea tempora nondum tam latè invaluisset consuetudo, quæ ubique recepta modò est, palam deferendæ per vias Eucharistiæ; sed in Ecclesiis duntaxat adoranda proponeretur tempore divinorum Officiorum; Martinus V. centum dies singulis annis de injunctis poenitentiis benignè iis relaxavit; qui die Festo Corporis Christi, cum vivificum hoc Sacramentum deferretur publicè, Processionem comitarentur. Ac Nicolaus quidem V. omnium primus inter Pontifices Romæ pedibus gradiens publicè per vias Sacramentum detulit in ipsius Festo; ut de eo testatur in suis Diariis Stephanus Inseffura anno 1447. die 8. Junii.

„ Lo di del Corpo di Cristo Papa Niccolò V. fece la Processione in „ San Pietro, e portò lui con le sue mani lo Corpo di Cristo da S. Pietro „ fino a Porta Castello, e andarono tutti li Cardinali, Arcivescovi, e „ Vescovi e tutte le Chiese di Roma, e andone a vedere tutto lo Popolo; „ perchè da quì innanzi mai fu veduta simile cerimonia, che alli dì nostri.

Novum autem Leone X. Apostolicum Clavum tenente, Sacer hic procedendi ritus incrementum accepit; quamplures enim ex eo tempore Pontifices, licet intermissa serie, cum nonnulli pedibus voluerint incedere, Ministrorum humeris subvecti, atque in sublimi sella ad dignitatem supremi Magisterii sui ostendendam compositi, custodiam cum Sacra Hostia, propriis complectentes manibus coeperunt deferri. Quod non sine superno Dei afflatu, instinctuque factum credendum est; ut triumphali isto apparatu inter affusas adorantium turbas per vicos & plateas verum Christi Corpus circumferretur, eo tempore, quo impius Lutherus Vicariam Christi Personam in terris a Romano Pontifice sustineri, realemque item Christi Domini in Eucharistiæ Sacramento præsentiam impudentissimè negabat.

Morem autem ad hæc usque tempora traductum, qui sanè aptior
est

^a Tit. xv. de celebrat. miss. cap. 7.

est & laudabilior, ut Papa non sedens bajuletur, sed provolutus in genua innixusque scabello, cui Tabernaculum quoque cum Hostia est impositum, quis prior instituerit, incertum est. Si Mutulo testi fides danda esset; Alexandro VII. oporteret id tribui, qui duplex numisma cudit argenteum aureumque, in quibus Sacramentum exhibetur ab ipso Pontifice tali modo delatum cum lemmate: *Precidamus, & adoremus in spiritu & veritate*. Verum si diligenter expendantur encomia, quibus Paulum IV. laudat Oldoinus in suis Notis ad Ciacconium, huic Pontifici mos hic adscribendus videbitur; ait enim memoratus Scriptor, „ Quo die Sa- „ cra Eucharistica celebrantur, ac publica supplicatione deferitur a Ro- „ mano Pontifice velatum Numen, ut Vaticanam etiam Regionem Ur- „ bemque Leoninam, quâ pompa circumfertur, oppansum latè velum „ inumbraret; ne instructum agmen læderet solis ardor, auctor ipsemet „ fuit, primusque qui ob defectas senio vires, tum ad augendam Myste- „ rii majestatem, gestari cum ea Fruge sellâ voluit: Quod & consequen- „ tes plerique postmodum Pontifices fecere. Ad divini cultus elegantiam „ lampades etiam excogitavit, quæ cera, non oleo concinnarentur, „ easque ardere in Pontificio Sacello voluit, Munus illas parandi pertinet modò ad Clericos ejusdem Sacelli, qui vicissim singulis mensibus die noctuque ipsas ante Sacramentum ibi custoditum incendere tenentur & accensas servare.

Sanctissimus etiam Dominus Noster BENEDICTUS XIV. cura & studio pari inter quotidianas, quibus distinetur, omnium Ecclesiarum sollicitudines præclare providit, ne supplicationis hujus a Prædecessoribus Pontificibus tam aucta celebritas ullo umquam casu aut tempore minueretur. Cum enim intellexisset, Apostolica Sede vacante Clerum utrumque ad supplicationem habendam in duas partes dividi, si dies Festus Corporis Christi in id tempus incideret, quarum una Lateranensem Basilicam peteret; altera Vaticanam; ita imminuto Cleri numero, supplicationis quoque utriusque majestatem imminui, Constitutione edita statuit, ut sicuti Sede plenâ unica celebratur eo recurrente die Processio apud Vaticanum, ita eadem Sede Apostolica vacante, ubi solemnitas prædicta contingat, unica pariter supplicatio ibidem habeatur: En Pontificia Sanctio.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

Pastoralis sollicitudinis officium, quantum Nobis ex alto conceditur, omni ex parte implere satagentes, non solum ea, quæ sub oculis nostris geruntur, opportunis legibus aptè ordinare atque dirigere studemus; verùm etiam providentiæ nostræ intuitum ad ea intendere non omittimus, quæ post expletum a Nobis hujusce mortalis vitæ cursum, ubi Omnipotenti Deo qui numeravit dies nostros, ita placuerit, aut fieri necessario debere, aut evenire posse prospicimus.

Sanè ex quo in hac Romana Urbe a prima fere ætate diversis in gradibus commorati sumus, meminimus, non semel, sed iterum ac tertio jam contigisse, ut vacante per obitum Romani Pontificis Apostolica Sede solemnitatis Corporis Christi recurreret, in qua, ex pia Urbani Papæ IV. Prædecessoris Nostri institutione ac lege, & fructuosâ universæ catholicæ Ecclesiæ consuetudine, post exacta Paschatis & Pentecostes sollemnia, vivificum Eucharistiæ Sacramentum, continuatâ per dierum octavam celebritate & publicis supplicationibus a Christifidelibus percolitur. Cumque hujusmodi supplicationibus sive Processionibus, vivente Romano Pontifice, initium det prior illa & solemnior supplicatio, quæ incipiens ab ipso Pontificiarum Ædium Vaticani Sacello, præeuntibus & subsequenter omnibus tam secularis, quàm Regularis Cleri, Romanæque Curiae & Pontificiæ Aulæ Officialium Ordinibus, per congruum viarum ambitum, ad Basilicam Principis Apostolorum procedit, ibique terminatur; vacante ut prædiximus, Apostolica Sede, Nobisque post mortem recol. mem. Prædecessorum nostrorum Benedicti Papæ XIII., & Clementis Papæ XII. intra Apostolicorum Comitiorum septa commorantibus, quæstionem hanc non sine sententiarum atque studiorum varietate audivimus agitari; an scilicet in eodem Vaticano, an verò in Lateranensi Patriarchio solemnis illa & generalis, de qua supra dicebamus, supplicatio peragenda esset. Et quidem præmissis in casibus, nostris primùm oculis aspeximus, deinde etiam aliorum relatione audivimus, præfatæ sollemnitatis celebritatem duplici supplicatione inchoatam fuisse, quarum altera in Basilica S. Joannis in Laterano, altera verò simul eodem tempore in Basilica S. Petri in Vaticano habita fuit; divisionem autem factam fuisse eorum, qui primæ hujusmodi generali supplicationi interesse tenebantur; nonnullis videlicet ad unam, aliis verò ad alteram ex prædictis Basilicis accedentibus, prout vel ratione, vel imperio, vel etiam propria voluntate atque arbitrio adducti fuerunt.

Quod

Quod quum Nostrâ & aliorum etiam complurium sententiâ , nec Ecclesiasticis regulis ac ritibus , nec piæ Prædecessorum nostrorum menti consentaneum esse judicaverimus ; neque verò absque notabili Divini cultus imminutione & populi scandalo reipsa fieri contigerit : Nos , cupientes tantæ solemnitatis initia , communibus omnium ordinum studiis , eoque maximo cultus splendore , quo potissimum fidelium mentes ad debitum erga divinæ bonitatis mysteria venerationis affectum excitantur , omni tempore concelebrari , Motu proprio & ex certa scientia , post maturam deliberationem hac de re habitam , hanc in posterum præcepti nostri formam volumus esse perpetuam , quâ de Apostolicæ potestatis plenitudine statuimus atque mandamus , ut sicuti Sede plena de mane Feriæ V. post Festum Sanctissimæ Trinitatis unica supplicatio , sive Processio generalis SS. Corporis Christi in Urbe peragi consuevit , ita eâdem Apostolica Sede vacante , ubi solemnitatem prædictam , anno vertente , celebrandam esse contingat , unica pariter in Urbe generalis Processio habeatur cum interventu omnium & singulorum , qui de cetero hujusmodi supplicationi generali adesse tenentur ; quorum nomina & incedendi ordo , aliis Nostreis Apostolicis Literis hac ipsa die manu nostra subscriptis distinctius expressa reperiuntur .

Dum autem pro hujusmodi generali supplicatione Sede vacante , ut præfertur habenda congruum opportunumque locum deligere , & constituere mente animoque versabamur ; illud Nos maximè permovit , quod animadvertimus , in ceteris per christianum Orbem Civitatibus , tempore Episcopalis Sedis vacantis , nihil mutari solere circa locum , aut Ecclesiam , in quo , seu qua Episcopo vivente , quotannis præcipua hujusmodi Processio Corporis Christi celebrari solet . Itaque quemadmodum in Urbe , Sede plena Processio generalis hujusmodi in Vaticano celebratur , quantumvis Pontifex in ejusdem Vaticani Ædibus actu non commoretur , sed in Quirinali Palatio degat , vel etiam eundem extra Urbem moram trahere contingat ; ita nihil ob stare censemus , quominus etiam defuncto Pontifice , Processio generalis die Festo Corporis Christi in Vaticano pariter celebretur ; quin potius id satis congruum & opportunum fore judicamus , habita ratione tum Vaticani Conclavis , in quo Collegium S. R. E. Cardinalium , ad maximum in terris opus peragendum , tunc temporis permanet , tum frequentiæ populi , qui hac de causa per eos dies ad Vaticanum confluit .

Inchoanda igitur erit prædicta supplicatio generalis a Basilica Vaticana ea hora , quæ a Congregatione Cardinalium in Ordine Priorum indicetur . Et quidem Missæ Sacrificium per eum , a quo Sanctissimum Eucharistiæ Sacramentum , ut infra deferendum erit , ad Altare Cathedræ S. Petri celebrabitur . At quoniam plures causæ obstant , quominus tempore Sedis vacantis amplior ille ambitus , atque splendidior viarum apparatus servetur , qui vivente Pontifice , sive is præsens sit , sive absens ,

obser-

observari consuevit ; statuimus prædictam supplicationem per brevius illud iter procedere , eodemque apparatu perfici , quo jam aliàs vacante Apostolica Sede , in eodem Vaticano factam fuisse conitat : In ejus quoque regressu volumus , omnes & singulos , qui in Processione interfuerint , cum intortitiis accensis intra eandem Basilicam de more dispositos , usque ad extremum manere : ac demum Sanctissimo Sacramento super Altare majus , Confessionis videlicet Principis Apostolorum , per manus Diaconi Episcopo adstantis collocato , & consuetis precibus devotè decantatis , ab ipso Episcopo celebrante trina benedictione cum eodem Sacramento super Populum data , augustam sanctamque celebritatem absolvi .

Et quia prædicta supplicatio , quæ sic ut præmisimus , Nostræ hujus ordinationis vigore celebranda erit , nequaquam habenda est pro peculiari Processione Basilicæ Vaticanæ ; quæ quidem Basilica propriam supplicationem peragit in die Octava Corporis Christi ; sed locum tenere debet generalis illius supplicationis , quam Sede plena Romanus Pontifex celebrare solet , & in qua Sanctissimum Eucharistiæ Sacramentum ab ipso Pontifice , vel eo impedito , ab antiquiore ex S. R. E. Cardinalibus deferretur , hinc est , quod Sede Apostolica ut præfertur vacante volumus , ut a Collegio prædictæ S. R. E. Cardinalium , hoc est a Congregatione trium Cardinalium in quolibet Ordine Priorum , & a Cardinali ejusdem S. R. E. Camerario , triduo ante solemnitatem Corporis Christi , aliquis eligatur & deputetur , qui præfatum Augustissimum Sacramentum deferat ; unus nimirum ex Patriarchis , sive Archiepiscopis , aut Episcopis in Romana Curia præsentibus ; cui ministrare debebunt Sacri illi Ministri , qui in Cappellis Cardinalitiis Officio Diaconi & Subdiaconi sunt perpetuò addicti .

Acolythi pariter Cappellæ Pontificiæ , necnon ejusdem Cappellæ Clerici , alique inferiores Ministri in propriis Officiis rite ministrabunt , sub directione eorum ex Pontificiis Cæremoniæ Magistris supranumerum , qui juxta Constitutionem a san. mem. Decessore Nostro Clemente Papa XII. de rebus Sede vacante peragendis editam , cum aliis ingredi Conclave non permittuntur .

Item Cantores ejusdem Cappellæ Pontificiæ Hymnos & Laudes de more concinentes , & Missæ celebrationi intererunt , & totam supplicationem in suo gradu & ordine prosequuntur .

Umbellam verò seu Baldacchinum iidem fere suis respectivè vicibus deferent , qui vivente Pontifice ejusmodi decorantur prærogativâ . Ejusdemque Umbellæ latera , tam Officiales virgæ rubeæ cum intortitiis , quàm Servientes armorum , sive *Mazzerii* Papæ nuncupati , cum Mazis argenteis , & Milites Helvetici cum suis Decurionibus atque Tribunis , militari ritu armati claudunt & respectivè custodient .

Nullam verò peculiarem Crucem volumus elevari , sub qua tota supplicatio incedat ; sed propriam Crucem a singulis tam Secularis , quàm Re-

gularis Cleri, Capitulis, Ordinibus five Corporibus, ex quibus Processio componitur, de more erectam deferri. Cursores etiam Cardinalis pro tempore Urbis Vicarii, quemadmodum Sede plena mos est, totum Processionis ordinem dirigere mandamus.

Sacræ autem Vestes, necnon Ostenforium, Thuribulum, Candelabra argentea, Funalia, Umbella, seu Baldacchinum & reliqua supellex ad sacram functionem necessaria, ab Apostolico Sacrario, seu respectivè a Pontificia Floreria subministrari debet. Cerei quoque quotquot necessarii erunt, sumptibus Cameræ Apostolicæ provideri; ac demum Porticum Vaticanum & reliqui ambitus apparatus, Apostolicarum Ædium Auleis, ut vivente Pontifice moris est, & in reliquo ejusdem Cameræ Apostolicæ sumptibus, adornari præcipimus.

Denique Pontificios Milites Urbanos per totum Processionis iter dispositos de more adesse, eandemque subsequi & custodire jubemus.

Quapropter omnibus ad quos spectat, & ad quos in casu pro tempore spectabit, committimus & mandamus, ut quæcumque ad divini Cultus & Religionis incrementum ac decus hac nostra Constitutione statuimus & ordinavimus, singuli pro virili parte respectivè impleant, & ab aliis impleri curent. Specialiter autem Venerabilibus Fratribus Nostriis S. R. E. Cardinalibus, iisque potissimum, qui pro tempore in quolibet Ordine Priores existent, una cum ejusdem S. R. E. Cardinali Camerario injungimus, ut opportuna mandata atque præcepta pro præmissorum omnium executione expediant. Itemque ejusdem S. R. E. Cardinalibus pro tempore Camerario Vice-Cancellario, & Majori Pœnitentiarario, ut omnes sibi respectivè subditos Ministros & Officiales, eorumque Collegia five Ordines, qui hujusmodi Processioni generali de more adesse debent, sub consuetis præceptis & pœnis adesse compellant: Ac demum Cardinali, qui pro tempore in Urbe ejusque districtu, Romani Pontificis Vicarius existet, ut omnes Cleri Secularis & Regularis Ordines, qui vivente Pontifice eidem pariter supplicationi interesse solent Collegia, Capitula, etiam Basilicarum Patriarchalium, & Collegiatarum etiam insignium, aliosque omnes etiam necessariò exprimendos, sub consuetis pariter præceptis ac pœnis auctoritate sibi a Nobis in perpetuum harum tenore delegata jubeat interesse.

Has enim Nostras literas & in eis contenta quæcumque perpetuò firma, & efficacia existere volumus, suosque plenarios & integros effectus sortiri & obtinere, atque ab omnibus, ad quos spectat & pro tempore quandocumque spectabit plenissimè observari; sublata omnibus & quibuscumque etiam S. R. E. Cardinalibus prædictis, eorumque Collegio & Ordinum respectivè Prioribus, & S. R. E. Camerario, aliter decernendi & statuendi facultate; & non obstantibus, si quæ in contrarium facientes adesse dicantur, Apostolicis Constitutionibus & Ordinationibus quibuscumque; necnon quarumcumque Ecclesiarum, Basilicarum, etiam Patriarchalium,

triarchalium , & Collegiatarum insignium , & quorumvis Ordinum , Congregationum , Institutorum , Collegiorum , Communitatum ipsiusque Cleri Urbis , & Personarum singularium etiam juramento , confirmatione Apostolica & quavis alia firmitate roboratis privilegiis , Statutis , Constitutionibus , usibus , & consuetudinibus etiam inmemorabilibus , etiamsi de iis eorumque respectivè tenoribus expressa & individua mentio habenda foret ; quibus omnibus & singulis , aliàs in suo robore permansuris , hac vice duntaxat ad præmissorum effectum plenissimè & amplissimè motu pari derogamus , & derogatum esse volumus , ceterisque contrariis quibuscumque .

Nulli ergo Hominum liceat paginam hanc nostrarum Constitutionis , Ordinationis , voluntatis , & derogationis infringere , vel ei ausu temerario contraire . Si quis autem hoc attentare præsumpserit , indignationem Omnipotentis Dei & beatorum Petri & Pauli Apostolorum ejus se noverit incursurum .

Datum Romæ apud sanctam Mariam Majorem Anno Incarnationis Dominicæ millesimo septingentesimo quadragésimo quarto , quartodecimo Kalendas Martii Pontificatus Nostri Anno Quinto .

D. Card. Passioneus .

J. Datarius .

V I S A

de Curia I. C. Boschi .

L. Eugenius .

Registrata in Secretaria Brevium .

Schedula Motus proprii , de qua fit mentio in Constitutione .

B E N E D I C T U S P A P A X I V .

Motu Proprio &c.

Omnibus & singulis Officialibus Romanæ Curiae , qui aliàs juxta antiquum ejusdem Curiae morem & ritum in generali Pontificia Processione Sanctissimi Corporis Christi cum albis intortitiis , Apostolicâ Sede plena , interesse solent ac debent , quoties Processionis celebritatem hujusmodi tempore prædictæ Sedis vacantis occurrere contigerit , quemadmodum illius tunc peragenda formam Apostolicis nostris literis hac ipsa die sub Plumbo datis in perpetuum præscripsimus , ita præsentis nostri Motus proprii &c. Scheda dillicte præcipiendo mandamus ,

mus, ut ipsi pro eorum debito & condigna erga tantum Sacramentum veneratione celerique & tranquilla actus hujusmodi expeditione, sub poena privationis a perceptione emolumentorum ratione suorum respectivè Officiorum per duos continuos menses ex tunc proximè futuros eis obvenientium, aliisque arbitrio tunc existentium Sanctæ Romanæ Ecclesiæ Cardinalium, quibus dictarum literarum nostrarum executionem injunximus, in contrascentes infligendis in eadem Processione ordine infra assignando, absque ulla contradictione aut replicatione, vel interpellatione incedere debeant. Nos etenim eisdem Officialibus atque omnibus & singulis eorum Ordinibus, ac Collegiis quibuscumque super quæstionibus & controversiis quoad procedendi Ordinem, silentium imponimus, donec aliter a Nobis aut Successoribus nostris Romanis Pontificibus, vel competentibus Judicibus definitum fuerit in Judicio petitorio, quod eis earumdem tenore præsentium reservamus.

Officiales autem Camerae, Cancellariæ & Pœnitentiariæ Apostolicarum, quibus consuetum in eadem Processione locum præservamus, volumus eodem incedere Ordine, quo descripti reperiuntur in Rotulo a Nobis sub initio, & quolibet Pontificatus Nostri anno subscribi solito, seu in aliis Rotulis a Romanis Pontificibus Successoribus nostris pro tempore subscribendis: Quorum Rotulorum seriem & ordinem, ne vacante Apostolica Sede prædicta de eorum vigore & subsistentia hæsitari contingat, ad præmissorum effectum tantum ex nunc, prout ex tunc, & e contra confirmamus & approbamus: Ac quandocumque casus obvenerit, hujusmodi Ordinem seu seriem Rotuli ultimo loco a Romano Pontifice tunc proximè defuncto subscripti, illiusque integrum tenorem ante ipsum Processionis prædictæ initium per unum ex Pontificiis Cursoribus de more legi, & recitari præcipimus. Quo verò ad alias personas, de quibus in dictis literis meminimus, earum nomina, Officia, & incedendi Ordinem, ut infra præscribimus, videlicet.

Præcedentibus Alumnis Hospitii Apostolici & Orphanotrophii, tum Ordinibus Regularium, Parochis Ecclesiarum Urbis cum Stolis, Clero, atque Capitulis Ecclesiarum etiam Collegiatarum Insignium, & Basilicarum etiam Patriarchalium ordine suo.

Officiales Cancellariæ Apostolicæ, necnon Camerae, Pœnitentiariæ, aliique in consueto Rotulo descripti, juxta Ordinem ibi adnotatum.

Cantores Papæ.

Gubernator Conclavis)

Gubernator Urbis) Simul.

Ambo cum Rocchetto & Mantelletta nigra, & cum intortitiis, quæ ab aliquo ex ipsorum Familiaribus Nobilibus deferri poterunt.

Duo Acolythi cum Funalibus argenteis.

Duo alii Acolythi cum Candelabris.

Acolythus cum Navicula.

Aco-

Acolythi duo cum duobus thuribulis .

Duodecim ex Officialibus virgæ rubæ cum intortitiis a lateribus .

Servientes Armorum a lateribus .

Item a lateribus Milites Helvetici cum suis Tribunis .

Antistes deferens Sanctissimum Sacramentum cum Diacono & Subdiacono sub Baldacchino .

Duo alii Acolythi cum Funalibus argenteis .

Minister de Mitra .

Auditor Camerae)
Thesaurarius Generalis) Simul .

Patriarchæ .

Archiepiscopi .

Episcopi .

juxta eorum gradum & respectivam antianitatem nulla ratione habita Assistentiæ Solio Papæ .

Protonotarii Apostolici Participantes tam de numero , quàm supernumerum , aliique in eorum scamno locum habentes .

Abbates habentes locum in Cappella .

Generales Ordinum habentes locum ut supra .

Auditores Rotæ , cum Magistro Sacri Palatii .

Clerici Camerae ejusdemque Præses .

Referendarii Votantes Signaturæ Justitiæ , cum ejusdem Auditore .

Abbreviatores de Parco majori .

Advocati Consistoriales cum Procuratore Fiscali , & Commissario Camerae .

Procuratores Ordinum .

Referendarii Baldacchinum deferent ab Altari Cathedræ S. Petri usque ad Portam Basilicæ .

Officiales Collegii sancti Petri a Porta Basilicæ usque ad Catenam Palatii .

Magistri Viarum aliique ejusdem Officii Ministri a Catena ad finem Peristylii .

Officiales Collegii sancti Pauli ab una ad alteram extremitatem Peristylii .

Natio Florentinorum per aliud Brachium Peristylii usque ad Portam Ferream .

Natio Senensium a Porta Ferrea usque ad Altare Confessionis sancti Petri .

Servientes Armorum & Cursores Cardinalis Vicarii cum suis Mazziis totam Processionem custodiant , & hortentur ad procedendum , & non permittant sub finem aliquos exire cum intortitiis , nec ea extinguere , nisi data per Antistitem Benedictione super Populum cum SS. Sacramento .

Mili-

Militum Urbanorum turmæ Processionem sequantur atque custodiant, & fiant solitæ mortariorum explosiones in consuetis locis.

Quocirca Gubernatori Conclavis, & Gubernatori Urbis ejusdemque Urbis Vicegerenti tunc & pro tempore existentibus per easdem præfentes committimus & mandamus, ut in consuetis respectivè locis adstantes, necnon illis Cæremoniarum Apostolicarum Magistris Supranumerum, qui etiam tunc & pro tempore extra Conclave existent, ut pro eorum Officii debito præsentis Mandati nostri schedulam & in eis contenta quæcumque singuli pro virili parte exequi & observari faciant: Notariis quoque Camera Apostolicæ, ut prædictis Conclavis & Urbis Gubernatori, ac Vicegerenti assistant, describentes nomina singulorum contumacium & inobedientium, quos præmissis & gravioribus etiam pro excessuum qualitate pœnis puniri & mulctari volumus. Præfentes quoque, & desuper si videbitur expediendas literas semper validas & efficaces fore & esse, suosque plenarios & integros effectus sortiri, & obtinere & ab omnibus, ad quos quomodolibet spectat & spectabit in futurum, inviolabiliter observari; sicque & non aliàs per quoscumque Judices &c. etiam prædictæ S. R. E. Cardinales, sublatæ &c. judicari &c. debere, irritumque &c. attentari. Non obstan. quatenus opus sit, nostra & Cancellariæ prædictæ regula de jure quæsito non tollendo, & privilegiis ac indultis & literis Apostolicis Collegiis prædictis eorumque singularibus personis, etiam in limine eorumdem Collegiorum erectionis concessis, ceterisque Constitutionibus & Ordinationibus Apostolicis, ac prædictorum Collegiorum etiam juramento &c. roboratis statutis &c. ceterisque contrariis quibuscumque; cum clausulis opportunis.

Fiat motu proprio P.

ET quod dictæ Regulæ, necnon privilegiorum & Indultorum prædictorum quomodolibet concessorum tenores etiam veriores ac Datæ habeantur pro expressis, seu in toto vel parte exprimi possint in literis etiam per viam de Curia, si videbitur expedien. Et de perpetuis mandato, commissione, derogatione, vel voluntate aliisque præmissis, ut supra in dictis literis latissimè extenden. Volumus autem, quod sola præsentis nostri Motus proprii Schedulæ Signatura sufficiat, & illius quoque exempla, seu transumpta etiam impressa manu alicujus Notarii publici subscripta, & personæ in Ecclesiastica dignitate constitutæ Sigillo munita, ubique fidem faciant in judicio, & extra illud, Regula quacumque contraria non obstante.

Datum Romæ apud sanctam Mariam Majorem quartodecimo Kalendas Martii Anno Quinto.

Fiat P.

Alte-

Altera quæ hic apponitur, ea est, quæ nonnullas Advocatis Consistorialibus prærogativas decernit.

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam.

INter conspicuos Ordines, quibus Romana Curia toto terrarum Orbe celeberrima constat atque conflatur, & quorum aliqui pro gerendo universæ Ecclesiæ Catholicæ regimine per inscrutabilem divini consilii altitudinem humilitati nostræ concredito, alii pro temporali nostro, seu veriùs beatorum Apostolorum Patrimonio administrando, consilium atque operam suam Nobis assiduè præstant; alii verò Ecclesiarum, sive Universitatum, aut privatorum controversiis, quæ ad nostram hanc Urbem & Curiam undique deferuntur, cognoscendis atque dijudicandis; alii denique in concertantium juribus & causis sustinendis, defendendis, agendis, scientiam suam atque labores impendunt; provida Prædecessorum nostrorum cura a remotissimis usque temporibus extare voluit illustre Advocatorum Consistorialium Collegium, ex præclaris compositum virtute ac doctrina Viris, quibus propter scientiæ præstantiam ac rerum usum atque prudentiam, ex omni Advocatorum cœtu delectis, singulare jus ac privilegium attribuerunt perorandi coram Romano Pontifice, in supremo Justitiæ Solio, adstantibus Venerabilibus Fratribus suis S. R. E. Cardinalibus solemniter confidente; in sacro nimirum Consistorio, in quo pleræque olim gravioris momenti causæ, ad Apostolicæ Sedis iudicium ex omni parte delatæ, discutebantur; & plures adhuc vel examinantur, vel si illæ extra Consistorium agitæ ac discussæ jam fuerint, in ipso tamen Consistorio definiuntur ac terminantur. Quod quidem Advocatorum prædictorum Collegium, singularesque personæ vertentibus annis eidem adscriptæ, industriam atque operam suam præfatis Prædecessoribus nostris ita probarunt, ut & gravissimorum munerum, quæ ad retinendam sanctiorum iudiciorum religionem, ad Apostolicæ Sedis jura tuenda & conservanda, ad calamitosorum salutem & defensionem, ac promovendam Juris & bonarum artium scientiam pertinerent, proprium sibi, atque ut vocant, privativum exercitium adjudicari; necnon amplissimis gratiis, privilegiis atque favoribus, plurium Summorum Pontificum beneficiâ cumulari, & cohonestari meruerint.

Quum autem hujusmodi privilegia, eximiis ipsorum meritis elargita, alia quidem aliis temporibus indulta reperiantur; nonnulla verò, licet longissimi temporis usurâ, optimo jure eisdem acquisita esse dignoscantur, attamen propter remotissimam fortasse concessionum vetustatem,

tem, incertis videantur principiis & originibus innixa, aliorum denique usum & quasi possessionem contrariis nonnunquam actibus interturbari & labefactari contigerit; optandum profectò videbatur, ut unicâ aliquando eorundem collectione peractâ, eademque inviolabili Apostolicæ auctoritatis robore munitâ, & ipsius Collegii splendori ac dignitati, & juri ex Pontificia liberalitate eidem competentium firmitati ac securitati consuleretur. Nos itaque, qui concessum nobis olim a felic. recordat. Prædecessore nostro Clemente Papa XI. in eodem Collegio locum multos annos tenuimus, eundemque primum nobis in Romana Curia honoris gradum fuisse, & validum ad studia laboresque nostros in Apostolicæ Sedis obsequia collocandos incitamentum, aptissimamque ad superiora munera & præmia adipiscenda occasionem extitisse, non sine jucunditate & grati animi sensu nobiscum recolimus, & palam profiteamur: Cum jam eidem Collegio peculiaria quædam indulta & privilegia per alias nostras literas in forma Brevis sub annulo Piscatoris expeditas benignè concesserimus; ut illustre ac perenne extaret nostræ erga prædictum Collegium existimationis & benevolentiae argumentum, eadem indulta & privilegia tum a nobis, ut præfertur tributa, quàm alia, quorum concessiones diversis Prædecessorum nostrorum literis consignatæ reperiuntur, vel quæ ex inveterata consuetudine ipsi Collegio competere dignoscuntur, in unum veluti corpus redigere, eaque omnia Apostolica nostra auctoritate firmata & roborata, atque etiam, sicubi opus fuit, declarata & ampliata, præsentibus nostris literis perpetuò valituris comprehendere constituimus. Igitur dilectos filios modernos Aulæ nostræ Consistorialis Advocatos, eorumque Collegium prædictum amplioris gratiæ favore prosequi volentes, & a quibusvis excommunicationis, suspensionis & interdicti, aliisque Ecclesiasticis sententiis & poenis a jure, vel ab homine quavis occasione vel causa latis, si quibus quomodolibet innodati existunt, ad effectum præsentium tantum consequendum, eorum singulares personas harum serie absolventes & absolutas fore censentes, Motu proprio, non ad Collegii, & Advocatorum prædictorum, vel aliorum pro ipsis nobis super hoc oblata petitionis instantiam, sed de nostra mera liberalitate, & ex certa scientia, deque Apostolicæ potestatis plenitudine, omnia infra scripta privilegia, indulta, jura, facultates, honores, munera, præminentias & prærogativas ipsi Collegio earundem tenore præsentium in perpetuum asserimus, approbamus, confirmamus & innovamus, eaque novo Apostolicæ nostræ auctoritatis robore communimus, simulque, ut infra decernimus, statuimus, declaramus atque sancimus.

Atque in primis duodenarium ipsorum Advocatorum numerum a Prædecessore nostro Sixto Papa IV. in suis hac de re posteriore loco expeditis literis præfinitum, iis modo & forma, quibus ad hæc usque tempora servatum fuit, firmum perpetuò & stabilem esse volumus; ita scilicet, ut septem ex iis, qui juxta admissionis ordinem in Collegio antiquiores

quiores erunt, Seniorum atque Participantium nomine & juribus fruuntur; reliqui verò quinque, Juniores & Supranumerum nuncupari & haberi pergant. Si qui verò ex Pontificia dispensatione, justis suadentibus causis, alicui ex duodecim Advocatis Coadjutores cum futura successione deputati fuerint, hi quidem, prout nunc in more habetur, omnia exercere valeant, quæ reliqui de numero possunt; sed durante Coadjutoris munere, & quousque successioni locus factus non fuerit, tam vocæ, quam emolumentis in Collegio careant.

Porro in hujusmodi duodenario Advocatorum Consistorialium numero Civitas nostra Bononiensis, immemorabilis possessionis jure obtinuit & gaudet, ut uni semper ex ipsius Civibus locus sit, propter eximiam fortasse celebritatem ipsius Bononien. Civitatis & Universitatis, in qua bonas artes atque scientias omnes, ac genuinam potissimum solidamque juris prudentiam, seculo duodecimo ex diuturna obscuritate, in qua præcedentium temporum barbarie miserè jacuerat, in lucem tandem feliciter revocatam, proprias veluti fixisse sedes, indeque cum ad reliquas scholas, tum ad Tribunalia dimanasse, omnium consensu perhibetur. Alius verò locus hujusmodi a fel. record. Pio Papa IV. per Apostolicas literas datas anno Incarnationis Dominicæ millesimo quingentesimo sexagesimo, octavo Idus Julii, perpetuò assignatus reperitur uni ex Collegio Doctorum Civitatis Mediolanen., quem Romanus Pontifex pro tempore duxerit eligendum ex tribus, ab ipso Mediolanensium Doctorum Collegio, eidem Romano Pontifici præsentatis, seu nominatis. Item rec. mem. Clemens Papa VIII. & Paulus Papa V. alium locum in prædicto Collegio uni Civi Ferrariensi saltem ex privilegio effecto, seu creato itidem perpetuò assignarunt, ac pro tempore concedi voluerunt; quam sanè concessionem cumulavit piæ mem. Urbanus Papa VIII. per suas etiam in forma Brevis expeditas literas datas die decima septima Decembris anni millesimi sexcentissimi vigesimi quinti, dum Civitati nostræ tunc suæ Ferrariensi per easdem literas indulgit, ut hujusmodi locus nonnisi Civibus Ferrariensibus verè originariis, quorum nominatio ad Magistratum Ferrariæ spectaret, pro tempore concedi & assignari deberet. Aliumque pariter locum in prædicto Collegio ex Apostolica concessione fel. record. Innocentii Papæ XII. Cives Neapolitani obtinere dignoscuntur, quibus prædictus Innocentius per suas literas in simili forma Brevis sub datum die decimaquarta Novembris anni millesimi sexcentissimi nonagesimi septimi desuper expeditas indulgit, ut occurrente pro tempore prædicti loci, sic eis ut præfertur, concessi vacatione, ab Electis illius Civitatis tres Cives Neapolitani Juris utriusque Doctores Romano Pontifici pro tempore existenti nominarentur, ex quibus idem Romanus Pontifex unum ad hujusmodi Advocati Consistorialis munus præligeret & assumeret, prout in singulis eorundem Pii, Urbani, & Innocentii Romanorum Pontificum Prædecessorum nostrorum memoratis literis latius & uberius continetur.

Quæ quidem omnia prædictis Civitatibus, Collegiis, seu Universitatibus, vel a Prædecessoribus nostris, ut præfertur, expressè concessa, vel antiquæ consuetudinis jure acquisita, Indulta & Privilegia, ut scilicet ex eisdem unus pro tempore juxta præscriptas respectivè formas electus, in prædictum Advocatorum Consistorialium Collegium cooptetur, atque ad exercenda munera eidem Collegio & Advocatis competentia servatis servandis admittatur, approbamus & confirmamus, & quatenus opus sit, innovamus, & tanquam ex integro præsentium tenore concedimus & indulgemus.

Volentes ut reliqui, ad explendum duodenarium prædictum Advocatorum Consistorialium numerum, ex omni Advocatorum Romanæ Curiae coetu eligantur, qui vel Almæ Urbis nostræ, vel alterius Civitatis Apostolicæ Sedis Ditioni in temporalibus subjectæ, Cives existant, ac necessariis probitatis, doctrinæ, experientiæ, natalium, aliisque requisitis dotibus & qualitatibus præditi sint: Ita tamen, ut quandocumque locus aliquis vacaverit in prædicto Collegio, qui Civibus alicujus ex prædictis Civitatibus addictus non sit, vel cui antea per deputationem Coadjutoris provisum non fuerit, ipsi Advocati Consistoriales collegialiter congregati, pro ipsorum fide, & notitia eorum, qui in Romana Curia laudabilem in Advocati munere operam navant, tres viros ex iis, qui vel Romanæ, ut præfertur, vel alterius Civitatis Ecclesiasticæ Ditionis, Cives existant, quosque in illustre ipsorum Collegium adscribi dignos censuerint, Romano Pontifici pro tempore existenti exhibeant, qui pro suo arbitrio unum ex illis in Aulæ suæ Consistorialis Advocatum eliget ac deputabit; atque ita in posterum servari mandamus, non obstante fel. record. Prædecessoris nostri Clementis Papæ XII. Decreto edito in Consistorio secreto diei vigesimæ secundæ Januarii anno millesimo septingentesimo trigésimo primo, in quo aliam pro hujusmodi Advocatorum delectu formam præscripsit; cujus Decreti tenorem pro præsentibus inserto, ac de verbo ad verbum expresso habentes, eidem in hac parte, motu, scientia & potestatis plenitudine paribus expressè derogamus, illudque, ac si nunquam emanasset, cassamus, irritamus & annullamus, ac pro cassato, irrito & annullato in posterum haberi volumus & jubemus.

Collatum verò semel Advocati Consistorialis Officium, excepto casu spontaneæ dimissionis, aut juridicæ privationis, nullatenus vacare intelligatur, nisi per promotionem ad Auditoratum Caesarum sacri Palatii, aut Episcopatum cum residentia onere eidem adnexo, aut ad Cardinalatus dignitatem.

Electis autem juxta formam a Nobis supra præscriptam Advocatis Consistorialibus, quamvis minimè liceat propria hujusmodi Officii munera exercere, nisi post expletas omnes functiones, quæ in eorum admissionibus de more peragendæ sunt, quæque fortasse, sicut etiam pro electis causarum sacri Palatii Auditoribus, novam atque meliorem nor-

nam,

nam, Deo favente, a Nobis accipient: Antianitatis tamen jura eisdem acquiri statuimus ab eo die, quo nostram, seu nostrorum pro tempore Successorum de eorundem electione schedulam, Motus proprii nuncupatam, in Collegio præsentaverint. Coadjutores verò eandem antianitatem desument ab eo die, quo post prædictas omnes functiones expletas, antianitatem prædictam sibi ab ipsorum Collegio assignari petierint & obtinuerint per decretum ejusdem Collegii, Apostolicis deinde literis in forma Brevis expeditis, si Nobis & Successoribus nostris placuerit, approbandum & confirmandum. Quæ omnia in eum finem expressè disposita sunt, ut liquidò appareat quibusnam in occurrentibus optionis casibus debeatur locus inter septem Seniores seu Participantes, & cui pariter totius Collegii Decanatus pro tempore sit deferendus.

Quod quidem Decanatus officium, Nos inhærendo decretis aliàs ab ipso Collegio conditis, neque a Junioribus aut Coadjutoribus ullo modo, neque a Senioribus absentibus obtineri volumus; sed nec ab iis, qui vel Episcopali caractere insigniti, vel aliàs inter Curia nostræ Prælatos adscripti reperiantur; sed ad eum deferri debere statuimus, qui inter Seniores in Romana Curia præsentis, & non Prælatos, antiquior esse dignoscatur. Eveniente autem casu, quo omnes Advocati Seniores in Romana Curia præsentis, vel Episcopatu vel Prælatura decorati reperiantur, is qui antiquior inter eos erit, Pro-Decani titulo, muneribusque fruatur; donec in septenarium Participantium numerum subingredietur aliquis non Prælatus, ad quem Decanatus hujusmodi Officium jure deferatur.

Ex privilegiis verò seu prærogativis, quibus hujusmodi Advocatorum Consistorialium nobilis Ordo, ex concessione Prædecessorum nostrorum & veteri consuetudine fruitur, nostræque demum voluntate in posterum gaudere debet, alia pertinent ad ipsius Ordinis decora & ornamenta; alia verò ad exercitium non unius generis munerum, quæ eidem Collegio privativè sunt demandata. Cum enim prædicti Aulæ nostræ Consistorialis Advocati veri sint & indubitati nostri, & Romani pro tempore Pontificis Familiares & continui Commensales, neque porro ad instar aliorum familiarium hujusmodi, sed pariformiter & æquè principaliter cum aliis Familiaribus & Commensalibus prædictis habeantur, & haberi debeant; unde etiam panem honoris ex quotidiana nostra & Romani pro tempore Pontificis liberalitate percipiunt; atque in ejusdem Romani Pontificis iter agentis comitatu, quemadmodum in associandis S. R. E. Cardinalibus Legatis de Pontificio Latere missis, nec non occasione obviam eundi Imperatoribus, Regibus, & Principibus Viris ad Curiam venientibus, una cum reliquis Pontificiæ Aulæ Prælati & Familiaribus incedunt; non solum reliquis omnibus Romanæ vel alterius Curia causarum Advocatis, Patronis, Procuratoribus atque Causidicis, omnibusque tam Romanæ, quàm alterius cujuscumque Universitatis Licentiatis, Doctoribus, Antecessoribus,

celloribus, atque Magistris, etiam antiquioribus, honoris & dignitatis prærogativâ præcellunt, sed reliquis etiam tum Clericis tum Laicis, quantumvis ex nobili genere procreatis, & quocumque officio seu dignitate præstantibus, aliorumque Principum Familiaribus antecedunt; & tam in Cappellis, quàm in Consistoriis, & Pontificalibus aliisque supplicationibus seu Processionibus, equitatibus ceterisque publicis functionibus locum habere debent, immediatè post Cubicularios nostros utriusque Aulæ tam secretæ, quàm honoris nuncupatæ, nimirum supra ipsos Intimi Sacelli nostri Cappellanos secretos aliosque inferioris Ordinis, prout jam de expresso mandato nostro, omni sublata dubitandi occasione, in usu positum est; & nihilominus Nos idem perpetuis futuris temporibus observari, præsentium tenore mandamus atque statuimus. Easdemque Cappellas & Functiones omnes prædicto Advocatorum Consistorialium Collegio, quemadmodum aliis Collegiis in eisdem locum habentibus, per Cursores intimari; atque in eis Candelas, Palmas, & Ceras benedictas, *Agnus Dei* appellatas, in pari quantitate & qualitate cum reliquis Familiaribus nostris, ipsis distribui; necnon eosdem ad audiendas prædicationes verbi Dei, quæ statis temporibus in Palatio nostro habentur, unacum Prælatiis Romanæ Curiae aliisque Familiaribus nostris, quemadmodum consueverunt, admitti volumus & jubemus.

Sessiois verò locum, quem in Cappellis, quæ in Basilica nostra Vaticana celebrantur, hætenus obtinuerunt, nimirum in inferiori Pontificii Solii gradu, infra Almæ Urbis nostræ Conservatores, idem in posterum in prædictis aliisque Cappellis, quæ pro loci amplitudine eodem ritu disponi poterunt, eisdem assignari decernimus. Ubi verò Cappellæ in Pontificiis nostrarum Ædium Sacellis habeantur, seu in aliis Ecclesiis & locis eodem ordine disponantur, quo in prædictis Ædium nostrarum Sacellis ordinari consueverunt; firmam eisdem & ratam esse volumus concessionem sedilis seu scamni ad ipsorum usum, ante scamnum seu sedile pro nostris ad honorem Cubiculariis apponi solitum, de nostro expresso mandato semel positi & assignati, ac deinde per alias nostras in forma Brevis literas die quinta Martii anni millesimi septingentesimi quadregesimi secundi expeditas in perpetuum attributi, itaut ab ejusdem scamni seu sedilis usu & possessione a nemine quavis auctoritate ullo unquam tempore valeant amoveri. Ubi verò pro deferenda Umbella seu Baldachino in supplicationibus Pontificiis, necessarius fortè numerus non adsit dilectorum Filiorum utriusque Signaturæ nostræ Referendariorum, quibus hujusmodi honorem privativè concessum esse dignoscitur, hujusmodi numerum, præsentè Pontifice ab ipsius Cubiculariis secretis, vel his etiam deficientibus, ab aliis ejusdem Cubiculariis, honoris nuncupatis; eodem verò Pontifice absente, ab Advocatis Consistorialibus suppleri debere decernimus.

In Conciliis autem tam Generalibus, quàm Provincialibus, aliisque,

que, in quibus eisdem Aulæ nostræ Consistorialis Advocatos, seu tanquam præsentis fortè Pontificis Familiares Romanam Curiam sequentes, seu tamquam de Legati Apostolicæ Sedis comitatu, vel etiam tamquam Decretorum, aut Juris Civilis Doctores, quemadmodum in more positum esse dignoscitur, locum & sessionem habere contingat; easdem omnino præminentias ac prærogativas tam respectu Officialium Romanæ Curiae, quàm aliorum quorumlibet, eisdem competere volumus, quas in Palatio nostro, atque in Romana Curia & Urbe obtinere solent.

Habitus porro formam eisdem usitatam Advocati prædicti in posterum etiam perpetuò retineant, tam in Pontificalibus aliisque solemnioribus functionibus, Cappellis, Consistoriis, Processionibus, Equitationibus, quàm in ipsorum actibus Collegialibus; laneam scilicet talarum Cappam, coloris violacei, rubris undequaque futuris fulcitam, & Holoferico rubro subsutam, cum Capputio ab anteriori parte rotundo, a tergo verò prolixiori, Holoferico pariter rubro intrinsecus, eodem verò etiam extrinsecus æstivo tempore; hiemali autem armellinis pellibus respectivè subsuto, eoque vel aperto, vel clauso pro functionum diversitate gestando. Habeant etiam Pluvialis usum in die Coronationis Romani Pontificis, & in altera die, qua novus Pontifex Constantinianæ Lateranensis Basilicæ possessionem solemniter capit; ut scilicet, dum ad decantandum laudes fausta que omnia novo Pontifici de Cælo adprecanda, præcinente supradicta quidem Coronationis die S. R. E. Cardinali Diaconorum Priore, in die verò Possessionis altero ejusdem S. R. E. Cardinali Priore Presbyterorum, una cum Subdiaconis Apostolicis procedunt, Pluvialibus transversis induantur; itaut pars aperta Pluvialis remaneat supra humerum dextrum, circa collum autem supra Pluviale Capputium de more deferant: Extra verò prædictas functiones, usualem gestationem Vestis Talaris nigri coloris, cum simili Mantellono rotundo, ab Alexandro Papa VII. Prædecessore nostro per speciale Decretum sub die vigesima septima Novembris anni millesimi sexcentissimi quinquagesimi quinti eidem Advocatorum Consistorialium Collegio privativè concessam, approbamus & confirmamus; ita scilicet, ut nemini liceat similibus Vestibus & Insigniis uti, ipsisque electis Auditoribus Causarum sacri Palatii Cappellanis nostris vetitum sit hujusmodi habitum assumere, nisi de licentia Collegii prædicti Advocatorum Consistorialium, juxta antiquam observantiam, ab eodem Collegio per supplicem libellum expressè petenda & respectivè concedenda; quemadmodum Nos omnibus & singulis, & specialiter Auditoribus electis præfatis, non obitante quacumque consuetudine in contrarium forsan inducta, per hæc Apostolica scripta vetamus atque interdicimus.

Utque præterea ex Alma Urbe nostra aliò proficiscentibus prædictis Aulæ nostræ Consistorialis Advocatis debitus honor ab omnibus habeatur; quod jam vivæ vocis oraculo eisdem concessimus, ut scilicet habitu vi-

torio

torio ad formam habitus per Prælatos & Familiares nostros extra Urbem gestari soliti, servato tamen nigro colore, Advocati prædicti uti possint & valeant, præsentium quoque tenore expresse concedimus & indulgemus.

Præcipua verò & propria eorum Collegii munera ea sunt, quæ circa Consistorium, & actus atque negocia in eo gerenda atque tractanda, versantur: Quæ quidem ita ipsorum Advocatorum Consistorialium propria sunt, ut ad ipsas functiones pro hujusmodi Advocati munere in Consistorio peragendas nequidem admittantur ex eodem Collegio illi, qui inter Romanæ Curiae Prælatos adscripti reperiuntur, nisi Prælatitio habitu deposito, habitum Advocati Consistorialis in eum finem induere consentiant. Cum igitur aliqua majoris momenti causa in Consistorio secreto veteri more judicialiter agenda erit, non alii, quàm Advocati Consistoriales prædicti ad deducenda Partium jura sunt admittendi. Et quoniam inter majores causas, quæ a Romano Pontifice cum Venerabilium Fratrum suorum consilio definiuntur, Beatificationes Servorum Dei, ac Beatorum Canonizationes meritò recensentur, congruum propterea visum est, ut prærogativa scribendi in Jure in hujusmodi causis Collegio Advocatorum Consistorialium reservaretur; quamvis habita ratione plurium Officiorum, quæ illis incumbunt, opportunè quoque statutum sit, a Congregatione Sanctæ Romanæ Ecclesiæ Cardinalium Sacris Ritibus præposita, duodecim alios e celebrioribus Romanæ Curiae Causarum Advocatis ad hunc effectum approbari & deputari, ad hoc ut Causarum hujusmodi Postulatores earum Patrocinium alicui ex illis, pro ipsorum libitu, servatis servandis valeant demandare.

Ad ipsos tamen Aulæ Consistorialis Advocatos privativè spectat publicas in Consistorio instantias proponere pro Servorum Dei Beatificatione, aut Beatorum Canonizatione, hoc est in Consistoriis publicis, quæ in traditione Pilei Cardinalitii novis Cardinalibus creatis, seu in receptione Legati Sedis Apostolicæ ad Urbem redeuntis, aut alicujus Principum Oratoris ad præstandam Obedientiam Sedi Apostolicæ missi celebrantur, Orationes habere super meritis ac virtutibus prædictorum Servorum Dei & Beatorum, instando apud Summum Pontificem, ut eorum Beatificationis aut Canonizationis Causæ committantur, seu ulterius promoveantur, aut respectivè expediantur; quemadmodum abrogato veteri more minus decenter inducto, declamandi scilicet de rebus profanis, & plerumque de atrocioribus criminibus confictis & imaginariis, per Urbani Papæ VIII. Prædecessoris nostri Decretum sub die vigesima septima Januarii anni millefimi sexcentefimi trigefimi primi editum, subsequutâ deinde circa methodum in hujusmodi Orationibus servandam peculiari institutione firmatum fuit. Pro quibus Orationibus peragendis, quæ in duo aut ad summum in tria Consistoria singulæ dividi consueverunt, quæque non solum a Senioribus & Participantibus, sed etiam a Junioribus & Coadjutoribus per turnum, servato antianitatis ordine, & a Coadjutoribus præ-

prædictis tam ex propria , quàm ex Coadjuti persona haberi solent , decem scuta auri in auro Advocato peroranti pro qualibet vice , ex maleficiorum proventibus , expedito Mandato a Notario Charitatis , eoque a Governatore Almæ Urbis nostræ subscripto persolvi debent .

In iis pariter publicis Consistoriis , quæ pro alicujus Beati Canonizatione coguntur , ad Advocatum pertinet Consistorialis Aulæ , vitam , virtutes , atque miracula Servi Dei fusè integrèque enarrare , atque instantias Ecclesiarum , Principum , & Populorum pro ejusdem Servi Dei Canonizatione Summo Pontifici repræsentare . Idemque paratus esse debet prædicta omnia , si opus sit , in sequenti Consistorio semipublico strictim referre . Deinde in die solemni Canonizationis in Vaticana Basilica peragendæ , iterum pro definitivæ sententiæ prolatione coram Summo Pontifice publicè instare . Pro quorum omnium implemento is , qui ea gesserit , ex emolumentis , quæ occasione Canonizationis Advocatorum prædictorum Collegio debentur , triginta scuta monetæ percipiet ; a Postulatore autem causæ , eidem dono dabitur Imago depicta Servi Dei inter Sanctos relati .

Quotiescumque demum Summo Pontifici in Consistorio sedenti supplicandum fuerit , sive ii , quorum res agitur in Curia præsentis sint , sive absentes , dummodo non sint Imperatoriæ , Regiæ , aut Cardinalitiæ dignitatis , & in ipso Consistorio personaliter constituti ; id nonnisi alicujus Advocati Consistorialis voce & opera peragendum erit . Ipsique S. R. E. Cardinales , ubi suæ dignitati renunciare , eamque in manibus Summi Pontificis dimittere voluerint , per Advocatum pariter Consistorialem a Collegio de ipsorum assensu deputandum , præsentibus eorundem Procuratoribus legitimum mandatum habentibus , instantiam suam in Consistorio proponi facere debent : Qua de causa centum Ducati auri de Camera ad Collegii creditum antea depositi , eidem Collegio præstandi sunt , iique inter Participantes æquis portionibus dividendi .

Similiter Patriarchæ , Archiepiscopi , & nonnulli ex Episcopis , qui vel ex Ecclesiarum suarum juribus , vel ex personali concessione honore Pallii decorantur , illud in Consistorio secreto per interpositam Advocati Consistorialis personam postulabunt . Ideoque si Patriarcha , Archiepiscopus , sive Episcopus , ut supra Pallio donandus , in Romana Curia præsens existat , in Consistorio prædicto coram Pontifice se sistet , medius inter Advocatum pro eo perorantem a dextris , & Magistrum Cæremoniarum a sinistris ; si verò Prælatus extra Curiam moretur , illius Procurator dextrum , Magister verò Cæremoniarum sinistrum , Advocatus autem Consistorialis medium locum tenebit ; atque hic pro suprascripti Pallii concessione demissas Pontifici preces exhibebit . Et nisi agatur de Ecclesia in partibus Infidelium existente , vel cui ad instantiam , & juxta Decretum Congregationis S. R. E. Cardinalium negotiis de Propaganda Fide præpositæ de Pastore provisum fuerit , Advocatus prædictus decem

Duca-

Ducatos auri de Camera , qui præcedenter depositi esse debent , pro hujusmodi petitione percipiet . Ad has verò petitiones in Consistorio proponendas soli admittentur septem Advocati Seniores seu Participantes , per turnum , exclusis Junioribus & Coadjutoribus , nisi ex persona aliqujus ex Senioribus prædictis ad postulandum accefferint .

Alterum verò Officiorum genus , quod eidem Advocatorum Consistorialium Collegio privativè incumbit , ad hujusce Almæ Urbis nostræ Archigymnasii & studii generalis regimen spectat : Cujus Gymnasii Rectoratus cum olim uni ex Prælatiis Romanæ Curiae ad ejus vitam concedi & assignari solet , a Sixto Papa V. Prædecessore nostro per ejus literas anno Incarnationis Dominicæ millesimo quingentesimo octuagesimo septimo , decimo Kalendas Septembris sub Plumbo datas , pluribus ex causis animum ipsius moventibus , nec non in compensationem certæ pecuniarum summæ a prædicto Advocatorum Consistorialium Collegio in eum finem persolutæ , eidem Advocatorum Consistorialium Collegio cum omnibus & singulis illius Officii juribus , redditibus & emolumentis , nec non cum quibuscvis honoribus , oneribus , jurisdictionibus , facultatibus , & privilegiis supradicto Rectori Prælato aliàs competentibus , perpetuò unitum , annexum & incorporatum fuit .

Quam proinde unionem & perpetuam annexionem & incorporationem Officii Rectoratus hujusmodi , una cum facultatibus ipsum Gymnasium ejusque Ecclesiam , Scholas & Bibliothecam regendi , asservandi , & gubernandi , unumque ex proprio Collegio in singulos annos studiorum Rectorem , atque alterum Bibliothecarium , tum etiam Bibliothecæ prædictæ Custodes aliosque Gymnasii prædicti Officiales & Ministros , respectivè eligendi & deputandi ; salvo eorum jure , quibus vel oneroso , vel alio legitimo titulo nonnullorum Officialium hujusmodi deputatio competere dignoscatur ; necnon ejusdem Bibliothecæ libros permutandi , statuta quoque , ordinationes & provisiones pro Gymnasii prædicti meliori regimine & utilitate condendi , faciendi & publicandi , atque illa seu illas , toties quoties eisdem seu eorum majori parti expedire videbitur , mutandi & innovandi , sicuti per Prædecessores nostros Sixtum V. , Clementem VIII. & Alexandrum VII. Romanos Pontifices eisdem aliàs concessæ fuerunt , approbamus & confirmamus , & quatenus opus sit , de novo concedimus & indulgemus .

In eligendis autem per concursum , quoties ita Nobis & Successoribus nostris placuerit , tam Juris Canonici , & Cæsarei in Archigymnasio prædicto Antecessoribus , quàm aliorum Theologiæ , Linguae sanctæ , aliarumque Linguarum & eloquentiæ , necnon rationalis & experimentalis Philosophiæ Medicinæ , & ceterarum artium & facultatum , quæ in Archigymnasio hujusmodi publicè traduntur , & explicantur , Professoribus atque Lectoribus ; volumus , ut concurrentium examini coram Ven. Fratre nostro Annibale Episcopo Portuensi S. R. E. Cardinali Camerario ,
& ejus-

& ejusdem Archigymnasii atque Universitatis studii generalis Cancellario, S. Clementis nuncupato, ejusque in Officio Camerariatus hujusmodi Successoribus habendo, Advocati prædicti collegialiter semper assistant; & pro eorum, qui examinati fuerint, electione una cum Camerario prædicto, qui tamen duplicis suffragii jure gaudere debeat, iidem Advocati Consistoriales suffragium ferant. Et quidem examen eorum, qui ad obtinendas Cathedras in Decretis, seu in jure civili scientiam & peritiam suam profitentur, ab ipsis Advocatis Consistorialibus peragendum erit. Ad aliarum verò scientiarum, sive facultatum, aut Linguarum Lectores Candidatos experiendos atque probandos, ab Archigymnasii Rectore pro tempore deputato, cum prædicti S. R. E. Cardinalis Camerarii participatione & assensu, alii assumuntur Assessores in scientiis, facultatibus, & linguis hujusmodi præstantes, juxta quorum consilium atque sententiam tam Camerarius, quam Advocati prædicti in suffragiis ferendis super Concurrentium peritiâ judicia sua dirigere valeant. Ac denique totius examinis, sive concursus, & suffragiorum latorum relatio, Nobis seu Romano pro tempore Pontifici fiet; ut vacanti Cathedræ, sive lecturæ, de persona habili & idonea, auctoritate Apostolica provideatur.

Firmamque præterea & ratam perpetuò esse volumus privativam facultatem Candidatos in utroque seu alterutro Jure Canonico & Cæsareo experiendi, probandi, eisdemque Doctores in utroque seu alterutro Jure prædictis in Romana Curia & Urbe creandi, eisque Doctoratus hujusmodi insignia conferendi, supradicto Advocatorum Consistorialium Collegio tum antiquæ consuetudinis & possessionis jure competentem, tum etiam expressis Prædecessorum nostrorum Indultis & privilegiis multoties concessam & attributam, præsertim verò a sel. record. Sixto Papa IV., Julio Papa III., Sixto Papa V., & Clemente Papa VIII., prout in eorum literis decima octava Septembris anni millesimi quadringentesimi octuagesimi tertii, sexta Februarii anni millesimi quingentesimi quinquagesimi secundi, tertia Septembris anni millesimi quingentesimi octuagesimi septimi, & duodecima Septembris anni millesimi sexcentissimi primi, respectivè datis plenius disponitur & continetur. Asserta verò privilegia, indulta, licentias & facultates, quorum prætextu aliæ personæ, seu Collegia cujuscumque status, gradus, conditionis & præeminentiæ, id sibi licere contendunt, licet aliàs a prædictis aliisque Prædecessoribus nostris declarata, moderata, seu respectivè revocata, annullata, & viribus vacuata fuerint: Nos etiam, quacumque auctoritate & potestate, & quibuscumque ex causis, etiam ex titulo oneroso, & sub quibusvis verborum formulis, expressionibus, clausulis & Decretis, etiam per Nos & Prædecessores nostros Sedemque Apostolicam, eadem prædictis concessa forent, & quantumvis longæ & immemorabilis consuetudinis usu ab eisdem sive personis, sive Collegiis possessa & obtenta fuerint,

præsentium pariter tenore , quatenus opus sit , revocamus , annullamus & viribus perpetuò vacuamus .

Et nihilominus attendentes , quod inter dilectos Filios Collegium nostrorum & Sedis Apostolicæ Notariorum , Protonotariorum nuncupatorum , de numero Participantium , ex una , prædictumque Collegium nostræ Consistorialis Aulæ Advocatorum , ex alia parte , lis , & causa super facultate promovendi ad gradum Doctoratus in utroque vel altero Jurium , tam in Urbe ejusque districtu , quàm extra illam & illum , in Causarum Palatii nostri Apostolici Auditorio , coram certo illius Auditore introducta , adhuc pendet indecisa : Nos , qui jura , rationes , & exceptiones utriusque partis , tam voce nostris auribus insinuata , quàm scripto deducta , per Nos ipsos accuratè examinavimus , & matura consideratione perpendimus : Volentes ab utroque Collegio tam Notariorum , quàm Advocatorum hujusmodi , quorum singulares personæ familiares nostri existunt , omnes & quascumque super hac relites , & controversias penitus e medio tollere , eorumque respectivè jura , facultates & privilegia certis congruisque limitibus præfinire ; Motu , scientia , & potestatis plenitudine paribus , prædictam ac quamcumque aliam , si qua sit , litem & causam , in prædicto Auditorio , vel alio quovis Tribunali coram quocumque Judice , & in quacumque instantia , inter utrumque Collegium hujusmodi super præmissis pendentem (illius respectivè statum , merita & alia quæcumque etiam de necessitate juris vel facti omnino exprimenda , necnon utriusque Collegii prædicti concessionem , indulta , privilegia , & literas Apostolicas , eorumque totales & integros tenores satis Nobis cognitos & perspectos , præsentibus pro plenè & sufficienter expressis , ac de verbo ad verbum insertis habentes) , harum serie ad Nos advocamus , penitusque & omnino supprimimus , & extinguimus , perpetuumque desuper silentium imponimus , atque os occludimus . Eisdem verò Notariis de numero prædicto nullatenus licuisse , aut licere statuimus & declaramus , obtentu & vigore literarum fel. record. Sixti Papæ V. Prædecessoris nostri incipien. *Laudabilis* super eorum privilegiis editarum , sub datum videlicet nonis Februarii Pontificatus sui Anno Primo , vel quarumvis aliarum literarum Apostolicarum sub quacumque forma eidem Collegio concessarum , examinationem cujusquam , Doctoratus gradum in altero vel utroque jure suscipere cupientis , ad Partes , & extra Urbem committere , nec sub aliena fide , & relationibus examinationis hujusmodi , absentem quemquam cum clausula , ac si esset præsens , prout sæpius hætenus factum fuisse intelligimus , ad hujusmodi Doctoratus gradum in eadem Urbe promovere ; sed tantummodo Notarios nostros prædictos , eorumque Collegium quatuor personas singulis annis , easque in Urbe prædicta verè , & realiter præsentem , prævio riguroso examine personaliter , & collegialiter per ipsosmet Notarios faciendo ,
& non

& non aliter, nec alio modo, ad normam Indulti Apostolici a rec. mem. Urbano Papa VIII. etiam Prædecessore nostro eidem Collegio concessi, per suas literas datas sub Annulo Piscatoris die quinta Septembris Anni millesimi sexcentissimi vigesimi noni, ad Doctoratus gradum hujusmodi promovere, liberè & licitè posse præsentis nostræ declarationis oraculo definimus: Decernentes sic, & non aliter intelligendas, & interpretandas fuisse, atque in posterum intelligi, & interpretari debere eorundem Sixti, & Urbani Prædecessorum literas prædictas, quas pro majori cautela, & quatenus opus sit, eatenus limitamus, revocamus & abolemus, quatenus præsentibus nostris literis in aliquo adversentur, easdem in omnibus & per omnia ad viam & terminos earundem præsentium reducetes; ne in re, quæ tanti momenti est pro recto ac felici Sanctæ Ecclesiæ & Reipublicæ gubernio, vel periculum immineat, quod sub aliena fide & relationibus, ad gradus hujusmodi promoveantur indocti, & qui si diligentem examinationem per ipsosmet Notarios personaliter & collegialiter adhibitam subjissent, minus idonei forsan reperti fuissent: Vel id, quod absurdum reputamus, sequatur, ut scilicet prædicto Notariorum nostrorum Collegio, cui de verè & realiter præsentibus in eadem Urbe, nonnisi quatuor singulis annis diligenti præmisso examine, juxta memoratum Urbani Prædecessoris Indultum, ad gradum prædictum promovere concessum fuit; id ipsum in numero indefinito permissum censeatur, quoad eos, qui ab eadem Urbe absentes, & in remotissimis fortasse regionibus constituti permaneant.

Ad consulendum tamen indemnitati eorum, qui hætenus a dilectis Filiis Sedis Apostolicæ Notariis prædictis extra Urbem, & in absentia contra præsentis nostræ declarationis tenorem, Doctoratus gradum in utroque vel alterutro jure susceperint; omnes & singulas hujusmodi promotiones ad hunc diem peractas auctoritate nostra perpetuò revalidamus; & quascumque promotionum hujusmodi nullitates, ex potestatis duntaxat defectu provenientes, earundem præsentium tenore sanamus: Easdemque promotiones & gradus hætenus ita collatos, & respectivè susceptos, ad omnes effectus, ad quos de cetero valere censebantur, eisdem sic, ut præfertur promotis in posterum etiam suffragari debere statuimus.

Quia verò illustre & perantiquum eorundem Notariorum de numero Participantium Collegium hujusmodi, ob grata devotionis & familiaritatis obsequia, quæ Nobis & Apostolicæ Sedi incessanter impendit, aliaque illius & Notariorum prædictorum merita, speciali benevolentia protequimur, volentes aliquam propensæ nostræ erga illud voluntatis significationem exhibere, eisdem Notariis de numero prædicto, eorumque Collegio plenam liberamque licentiam, facultatem & potestatem per easdem præsentibus tribuimus & impertimur, ut ipsi de cetero in perpetuum singulis annis, non quatuor duntaxat personas, easque familia-

res & pauperes , prout in dictis Urbani Prædecessoris literis præscriptum reperitur , sed vigore præsentium , sex quidem personas , etiam si non familiares , nec pauperes (dummodo tamen in Urbe præsentibus existant , aliaque necessaria requisita illis suffragentur) ad prædictum gradum Doctoratus in altero , vel utroque jure promovere possint & valeant : Ita quod sic per eos pro tempore promoti , & laureati omnibus & singulis favoribus , honoribus , gratiis & privilegiis , quibus similes Doctores in publico Archigymnasio Sapientiæ Urbis laureati de jure , usu , privilegio , consuetudine , aut aliàs quomolibet utuntur , fruuntur & gaudent , pariformiter & æquè principaliter uti , frui , potiri , & gaudere possint & debeant , ac ad omnes & quoscumque effectus , etiam Ecclesias Cathedrales assequendi , ab omnibus ubique censerì , haberi , & reputari , ac si in prædicto Archigymnasio verè promoti & laureati fuissent : Ampliantes & extendentes quoad hæc utrasque Sixti & Urbani Prædecessorum literas prædictas , de cetero in suo robore permanfuras .

Volumus autem , quod iidem Notarii eorumque Collegium prædictum in promotione & creatione dictorum sex , alterius , vel utriusque Juris Doctorum , omnia & singula ad præscriptum dictarum Urbani Prædecessoris & nostrarum præsentium servanda & adimplenda , omnino servare & adimplere teneantur : Et quod numerus dictorum sex , & non ultra , quavis de causa uno anno non completus , non possit , nec valeat subsequenter annis compleri vel reintegrari : Quodque nota rogitus promotionum , cum nominibus & cognominibus ac Patria promotorum , intra mensem ex tunc proximum , a die cujuscumque promotionis computandum , ad Archivium Urbanum , ad instar aliorum rogitorum , per Secretarium Collegii hujusmodi , vel per ipsos promotos & laureatos , deferri omnino debeat : Et tunc solum videlicet , postquam nota prædicta ad Archivium Urbanum delata fuerit , & non antea , talis promotus pro Doctore se gerere , & pro legitimè laureato & promotus ad quoscumque Juris effectus haberi possit ; aliàs promotus ipse pro Doctore publice , vel privatim se gerens , poenam falsi ipso facto & jure incurrat .

Omnes verò alias promotiones & creationes Doctorum in utroque , seu altero Jurium , atque Insignium Doctoralium traditiones ab aliis , quàm Advocatis Consistorialibus prædictis , etiam per Comites Palatinos , aut per ipsos Notarios de numero Participantium , eorumque Collegium , præter vel contra præscriptam formam , & ultra præfinitum numerum , in Romana Curia & Urbe prædicta in posterum factas vel faciendas cum omnibus inde secutis & sequendis quibuscumque , irritas & inanes nulliusque roboris vel momenti esse & fore , ac pro nullis & infectis haberi & censerì , neminique ad quoscumque effectus ullo unquam tempore suffragari debere , ipsosque ab aliis quàm Advocatis prædictis , etiam per eosdem Notarios de numero prædicto , ultra sex præfatos , ad gradum Doctoratus hujusmodi nulliter & attentatè promotos vel assumptos ,

ptos, pro non Doctoribus haberi, eadem Apostolica auctoritate statui-
mus, atque decernimus.

Præterea supradictos nostræ Consistorialis Aulæ Advocatos, eorum-
que Collegium amplioribus favoribus & gratiis prosequi, & tam præ-
dicti Archigymnasii Almæ Urbis nostræ splendori & dignitati, quàm feli-
ciori atque utiliori Romanæ Curiae statui & regimini plenius consule-
re & providere volentes, simulque dignum rationique consonum reputan-
tes, ut quicumque ad Dignitates, Prælaturas, Magistratus aliaque mu-
nia & Officia dictæ Curiae, quæ in eadem Curia, & in Romana Urbe
consistunt, & in ea exercentur, & quæ Doctoratus gradum in utroque
vel altero Jurium annexum habent, aut quomodolibet requirunt, pro
tempore assumi, & promoveri desiderant, eorum doctrinæ & idoneita-
tis in prædicto Archigymnasio publicum præbeant experimentum; Apo-
stolica auctoritate prædicta, motuque, scientia, & potestatis plenitudine
paribus, statuimus atque sancimus, ut ii quidem, qui ante diem publi-
cationis præsentium ad hujusmodi Doctoratus gradum in quacumque pu-
blica & approbata tam Status ecclesiastici, quàm extera Universitate stu-
dii generalis, legitimè promoti extiterint, ad Prælaturas, Magistratus,
Judicaturas, Lecturas & Dignitates etiam Ecclesiasticas dictæ Urbis,
necnon ad facultatem scribendi tam in jure, quàm in factis, & patrocina-
nandi uti Procuratores in causis coram prædicto Rotæ Romanæ Audito-
rio, dummodo cetera necessaria requisita illis aliàs respectivè suffragen-
tur, admitti, illasque & illos seu illa recipere, retinere, & exercere li-
berè & licitè possint & valeant, nec ob id eundem Doctoratus gradum in
dicto Archigymnasio iteratò suscipere cogantur. Contra verò ii, qui an-
te diem publicationis earundem præsentium literarum nondum doctora-
lem gradum, ut præfertur, suscepisse comperti fuerint, ad aliquam ex
dignitatibus, vel aliquod ex beneficiis Ecclesiasticis in Basilicis, aut Col-
legiatis, vel aliis Ecclesiis ejusdem Urbis consistentibus, pro quibus asse-
quendis, obtinendis, vel retinendis ex Sacrorum Canonum, aut Gene-
ralium Conciliorum, vel Constitutionum Apostolicarum, seu aliarum
Sanctionum dispositione, vel etiam ex lege foundationis, gradus & qua-
litas Doctoralis requiratur, ac etiam ad Prælaturas, Magistratus, Judi-
caturas, etiam alieno nomine exercendas, & Lecturas publicas Urbis &
Curiae prædictarum, nec non ad facultatem patrocinandam tanquam Pro-
curatores in causis coram eodem Rotæ Auditorio, aut respondendi de ju-
re, seu scribendi pro Advocati munere coram quocumque Judice, seu
Tribunali; ac demum ad quodcumque munus vel Officium Urbis & Cu-
riæ prædictarum in ipsa Urbe exercendum, quod de jure pariter, vel sta-
tuto, aut ex aliqua Apostolica Constitutione & Ordinatione, vel etiam
ex longa & inveterata consuetudine gradum & qualitatem Doctoralem hu-
jusmodi exigat, vel requirat, non possint, nec valeant recipi, vel ad-
mitti, illasque ac illos & illa respectivè obtinere vel exercere; etiam si
Præ-

Prælaturæ & Judicaturæ prædictæ ejusdem Rotæ, Camerae, & Cancellariæ Apostolicæ, Signaturæ nostræ, Populi Romani, vel cujusvis Collegii etiam privilegiati & privilegiatissimi, ac specialem & specialissimam ac specificam & individuum mentionem & expressionem requirentis existant; nisi ante admissionem & receptionem hujusmodi, vel quoad prædicta beneficia & dignitates Ecclesiasticas, infra tempus a jure vel Constitutionibus & Canonicis Sanctionibus prædictis, aut in fundatione respectivè præfixum, Doctoratus gradum in ipso publico Urbis nostræ Archigymnasio susceperint: Decernentes & eadem auctoritate statuentes, quod gradus Doctoratus hujusmodi post earundem præsentium publicationem in alia quavis studii generalis Universitate tam externa, quam Status nostri Ecclesiastici, quantumvis publica, approbata, celebri & famosa, ac specialissima mentione digna, datus & receptus, ipsis graduatis ad quemcumque alium, non autem unquam ad effectum assequendi supradictas Dignitates, Prælaturas, Judicaturas, Lecturas, Munera & Officia prædicta in Curia & Urbe nostra, suffragari de reliquo valeat; immo pro effectû præmissorum Doctoratus gradus alibi datus & receptus, habeatur & haberi debeat, ac si nullo modo datus ac receptus fuisset.

Ab hac tamen generali lege illos duntaxat exceptos esse volumus, quos in vim Apostolici privilegii seu Indulti alicui Nationi, Civitati, Universitati, seu Collegio ab hac S. Sede concessi, vel ad munus Advocati Consistorialis, ut supra, vel ad Auditoratum Causarum Palatii nostri Apostolici nominari, & Nobis seu Romano Pontifici pro tempore existenti, præsentari, seu aliàs juxta Indultorum hujusmodi tenorem eligi & deputari contingat: Ut scilicet, si illi qui ad prædicta Officia nominati seu electi fuerint, in aliqua conspicua Universitate illius Nationis, aut Civitatis, vel in ea respectivè Universitate aut Collegio, quibus indulta hujusmodi, seu privilegia concessa fuerunt, ad Doctoralem gradum in utroque jure promoti fuisse dignoscantur, hujusmodi gradus ab iis, ut præfertur susceptus, juncto illius seu illorum testimonio, qui eos præsentaverint, necnon Pontificis judicio, qui eosdem ad prædicta Officia elegerit & deputaverit, satis eisdem suffragari censeatur, ad effectum assequendi hujusmodi Officia, eaque servatis servandis exercendi, absque eo quod ad iteratam prædicti gradus susceptionem in dicto Sapientiæ Archigymnasio compelli possint.

Ut igitur ordinatio & statutum nostrum hujusmodi perpetuis futuris temporibus inviolabiliter observetur Ven. Fratribus nostris Thomæ Episcopo Ostien. & Velitern. S. R. E. Cardinali Vice-Cancellario Ruso, & Anibaldi Episcopo Portuen. ejusdem S. R. E. Cardinali Camerario S. Clementis; necnon dilecto Filio nostro Nereo S. Eustachii prædictæ S. R. E. Diacono Cardinali Corsino nuncupatis, Signaturæ nostræ Justitiæ Præfecto, eorumque in dictis Officiis Successoribus; & dilectis præterea Filiis, Collegiis Notariorum Apostolicorum, Protonotariorum nuncupatorum
de nu-

de numero Participantium , & Cappellanorum nostrorum , Causarum S. Palatii Auditorum , necnon Clericorum Camerae nostrae Apostolicae , & Signaturae Iustitiae Referendariorum Votantium , atque Abbrviationum de Parco Majori , ipsorumque Aulae nostrae Consistorialis Advocatorum , & Procuratorum Causarum Sacri Palatii , eorumque respectivè Decanis ; Capitulis quoque , seu Collegiis Basilicarum , Collegiatarum , & aliarum Ecclesiarum dictae Urbis , aliisque Superioribus & Personis praesentibus & futuris , ad quos nunc quomodolibet spectat , & pro tempore spectabit , per haec eadem scripta committimus & injungimus , quatenus ordinationi & statuto praedictis humiliter intendentes , praemissa observari & adimpleri curent , nec quemquam in posterum ad Dignitates , Praelaturas , Magistratus , Judicaturas , Lecturas , Munera , Officia , & Beneficia praedicta , qui Doctoratus gradum in praedicto Archigymnasio non susceperit , extra casus a Nobis , ut supra exceptos , admittant seu recipiant , neque contra ordinationis & statuti nostri hujusmodi seriem , dispositionem & tenorem a quoquam quavis auctoritate scienter vel ignoranter attentari ullo unquam tempore permittant .

Quaecumque demum Romanae Curiae munera praedicto Advocatorum Consistorialium Collegio tam expressis Praedecessorum nostrorum concessionibus , quam longae consuetudinis usu privativè , ut praesertur , attributa esse dignoscuntur , ea omnia & singula ita supradicto Collegio addicta & acquisita esse declaramus , ut perpetuis futuris temporibus neque munus Promotoris Fidei ; de quo Decretum adest Urbani Papae VIII. sub datum die decima tertia Januarii anni millesimi sexcentissimi trigessimi primi , in favorem ipsius Collegii haecenus inviolabiliter observatum ; & quo Nos ipsi , dum in minoribus constituti , in eodem Collegio locum obtineremus , plures annos perfuncti fuimus ; neque Officium Advocati Pauperum , aut aliud Advocati Fisci & Camerae nostrae Apostolicae ; quae olim Seniori de Collegio praedicto pro tempore incumbabant , deinde verò arbitrio Summi Pontificis , in aliquem tamen de ipso Collegio semper conferri consueverunt ; nec illud pariter Advocati Fabricae Basilicae Apostolorum Principis , aut illud Advocati Senatus & Populi Almae Urbis nostrae , vel denique munus Commissarii Conclavis Sede vacante , alteri cuiquam personae , praeterquam alicui ex dicto Collegio Advocatorum Aulae nostrae Consistorialis , quacumque in contrarium consuetudine , si quae fortè circa aliquod ex praemissis muneribus allegari posset , minimè obstantè , concedi debeat aut assignari .

Volumus tamen praedicta Officia Promotoris Fidei & Advocati Fisci , quae duo olim ab una eademque persona conjunctim obtineri & exerceri consueverant , sed a recol. mem. Praedecessore nostro Clemente Papa XI. iustis & rationabilibus de causis ab invicem disjuncta & separata fuerunt , per ejus literas perpetuò valituras die septima Aprilis anni millesimi septingentesimi septimi in forma Brevis expeditas , sic etiam in posterum separatim

paratim conferri, & a duobus respectivè Advocatis Consistorialibus exerceri; quidquid deinceps in praxi servatum fuerit, & obtineat de præsentī in persona dilecti Filii Magistri Ludovici de Valentibus moderni Fidei Promotoris, & Fiscī Advocati, per specialem gratiam eidem a fel. record. Prædecessore nostro Clemente Papa XII. concessam, & ultra ipsius personam nullatenus extendendam. Proindeque assignationem portionis panis & vini, necnon scutorum tercentorum monetæ Romanæ, quæ deinde laudatus Clemens Papa XI. per alias suas in simili forma literas datas die trigesima Aprilis anni millesimi septingentesimi decimi quarti, ex salariis & emolumentis Advocati Fiscī detracta, una cum hujusmodi portione panis & vini prædicto Fiscī Advocato ex Palatio Apostolico antea dari solita, Promotori Fidei pro tempore existenti de cetero persolvere mandavit, auctoritate prædicta & harum serie approbamus, confirmamus & innovamus, atque in posterum, quum casus evenierit demandatæ separationis reipsa iterum exequendæ, perpetuò servari mandamus.

Præterea districtè præcipimus, ut quicumque ex prædictis Advocatis ad munus Advocati Fiscī & Cameræ Apostolicæ, itemque ad aliud Advocati Pauperum deputati fuerint, omnino abstineant a suscipiendo Patrocinio aliarum Causarum, quæ ad Officium sibi respectivè commissum minimè pertineant; quacumque pariter in contrarium consuetudine minimè obstante.

Ut autem tot tantisque publicis gravissimisque muneribus assiduam operam impendere Advocati prædicti commodè valeant, & spirituali simul eorundem consolationi per Apostolicæ benignitatis favorem consultum sit, quod jam per alias nostras in forma Brevis literas sub die vigesima octava Februarii anni millesimi septingentesimi quadragesimi secundi expeditas, eisdem elargiti fuimus, id etiam præsentium tenore, & auctoritate prædicta confirmamus & innovamus, ut scilicet eisdem Advocatis Consistorialibus eorumque Coadjutoribus nunc & pro tempore quandocumque existentibus, in privato Domus cujuslibet eorum habitationis, etiam in hac Alma Urbe nostra, Oratorio ad hoc decenter muro extructo & ornato, seu extruendo & ornando, ab omnibus domesticis usibus libero, per dilectum Filium nostrum in eadem Urbe ejusque Districtu Vicarium in spiritualibus Generalem, quoad Oratoria in dicta Urbe, & quoad alia extra eandem Urbem per Ordinarium loci respectivè prius visitando & approbando, unam Missam pro unoquoque die, dummodo in Domo hujusmodi celebrandi licentia, quæ adhuc duret, alteri concessa non fuerit, per se ipsos, si Sacerdotes fuerint, celebrare, seu per quemcumque Sacerdotem approbatum Secularem, vel de Superiorum suorum licentia Regularem, sine tamen quorumcumque jurium Parochialium præjudicio, ac Paschatis Resurrectionis, Pentecostes, & Nativitatis Domini Nostri Jesu Christi, aliisque solemnioribus anni festis diebus exceptis, in sua ac quatenus conjugati existant, in eorum respectivè

ctivè Uxorum, necnon in eorundem Filiorum, Consanguineorum, & Affinium secum infimul in eadem Domo habitantium, ac cujuslibet eorum Familiæ præsentia, celebrari facere liberè & licitè possint, ita tamen ut Uxores, & nati, ac Consanguinei & Affines supradicti prædictam unicam Missam ipsis quidem Advocatis præsentibus audire tantummodo, nunquam verò celebrari facere valeant, quodque Familiares eorum servitiis non necessarij ibidem Missæ interessentes, ab obligatione audiendi Missam in Ecclesia diebus Festis de præcepto liberi minimè censeantur. Utque hujusmodi gratia ii duntaxat ex Advocatis Consistorialibus fruantur, qui super illa Apostolicas in forma Brevis literas ad uniuscujusque favorem expediendas petierint, atque obtinuerint & non aliàs.

Præterea omnia & singula supra expressa, atque alia Collegio Advocatorum hujusmodi concessa Privilegia & Indulta, necnon ejusdem Collegii laudabiles stylos, usus & consuetudines, ordinationes quoque Constitutiones, atque Statuta pro ipsius Collegii felici regimine & gubernio facta & condita, licita tamen & honesta, ac sacris Canonibus & Concilii Tridentini Decretis, Constitutionibus Apostolicis & præsentium tenori ac dispositioni minimè contraria, Apostolica auctoritate earundem tenore præsentium perpetuò confirmamus & approbamus, illisque plenariæ & inviolabilis Apostolicæ firmitatis robur adjicimus, ac omnes & singulos tam juris, quàm facti, necnon solemnitatum quarumcumque quomodolibet omiffarum, aliosque defectus, si qui forsan intervenerint in eisdem, supplemus, illaque omnia auctoritate & tenore prædictis innovamus, & de novo concedimus, ac ab omnibus & singulis personis, ad quas pro tempore spectat & spectabit in futurum, inviolabiliter perpetuò servari volumus & mandamus. Utque supradicta eorum Statuta, Constitutiones, ordinationes, stylos, usus, & consuetudines pro rerum tempore & personarum qualitate, ac quoties eis expedire videbitur, abrogare, cassare, mutare, alterare, & alia illorum loco facere, condere, edere, & servare liberè & licitè valeant, quæ postquam facta, condita & edita fuerint, dummodo, ut præmittitur, licita & honesta, sacrisque Canonibus & Decretis dicti Concilii, Constitutionibus Apostolicis, ac præsentium tenori contraria non existant, eo ipso dicta auctoritate confirmata sint, ac ab omnibus & singulis, quos ea concernunt, in futurum sub pœnis in eis contentis observari debeant: Insuper ut ipsorum Collegii Secretarium, aliosque Officiales & Ministros pro suo arbitrio eligere & deputare, amovere, dimittere, & mutare valeant, quoties id eis expedire videbitur; eisdem auctoritate & tenore præsentium, etiam perpetuò concedimus & indulgemus, plenamque, liberam & omnimodam facultatem & auctoritatem impertimur, quacumque in contrarium consuetudine minimè obstante.

Decernentes easdem præsentis literas, & in eis contenta quæcumque, etiam ex eo, quod quilibet in præmissis, seu eorum aliquo jus, vel

interesse habentes, seu habere quomodolibet prætendentes, cujusvis status, gradus, ordinis, præminentiae, vel dignitatis existant, sive alias specifica & individua mentione & expressione digni, illis non consenserint, nec ad ea vocati & auditi, neque Causæ, propter quas eadem præsentibus emanaverint, adductæ, verificatæ, vel sufficienter, aut ullo modo justificatæ fuerint, aut ex alia qualibet, etiam quantumvis juridica & privilegiata causa, colore, prætextu & capite etiam in corpore juris clauso, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus aliove quolibet, etiam quantumvis magno, ac formali & substantiali defectu, notari, impugnari, infringi. retractari, in controversiam vocari, aut ad terminos juris reduci, seu adversus illas apertitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut etiam motu pari, & de Apostolicæ potestatis plenitudine simili concessio vel emanato quempiam in iudicio, vel extra illud uti, seu se juvare ullo modo posse: Sed ipsas præsentibus semper firmas, validas & efficaces existere & fore, ac dicto Collegio & Advocatis pro tempore existentibus in omnibus & per omnia, etiam perpetuò suffragari, ipsumque Collegium ad verificationem seu justificationem præmissorum, vel partis eorum minimè teneri, aut ullo modo quacumque auctoritate compelli debere; sed easdem, & in eis contenta quæcumque ab omnibus, ad quos spectat, & pro tempore quodcumque spectabit, inviolabiliter & inconcussè servari.

Sicque & non aliter in præmissis censerì, atque ita per quoscumque Iudices Ordinarios & Delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & Apostolicæ Sedis prædictæ Nuntios, aliosve quoslibet quacumque præminentia ac potestate fungentes & functuros, sublata eis, & eorum cuilibet aliter judicandi & interpretandi facultate, judicari, & definiri debere, ac irritum & inane, si secus super his a quoquam quavis auctoritate scienter vel ignoranter contigerit attentari.

Quocirca eisdem Ven. Fratribus nostris Thomæ Episcopo Ostiensi & Veliterno S. R. E. Cardinali Vice-Cancellario Rufo, & Annibali Episcopo Portuen. ejusdem S. R. E. Cardinali Camerario S. Clementis respectivè nuncupatis; necnon dilecto Filio Magistro Flavio Chisio Causarum Curiae Camerae nostræ Apostolicæ Auditori Generali, eorumque pro tempore in Officiis hujusmodi Successoribus, per hæc Apostolica scripta mandamus, quatenus ipsi, vel duo, aut unus eorum, per se, vel alios, seu alium, auctoritate nostra prædictis Aulæ nostræ Consistorialis Advocatis, eorumque Collegio in præmissis omnibus & singulis, efficacis defensionis præsidio assistant, faciantque eos, & eorum singulos, quoties pro ipsorum parte super hoc fuerint requisiti; omnibus & singulis præfatis pacificè frui & gaudere, non permittentes eos, & eorum aliquem, per quoscumque

cumque desuper quomodolibet indebitè moleſtari , inquietari , aut impediri . Contradiçtores quoslibet & rebelles cujuſcumque ſtatus , gradus , ordinis , dignitatis , vel præ eminentiæ fuerint , per Cenſuras Eccleſiaſticas , & pecuniarias poenas , aliaque opportuna juris & facti remedia , appellatione poſtpoſita compeſcendo .

Non obſtantibus noſtra & Cancellariæ Apoſtolicæ regula de jure quaſito non tollendo , necnon præmiſſis omnibus , aliisque Apoſtolicis , ac in Univerſalibus , Provincialibus , & Synodalibus Conciliis editis generalibus vel ſpecialibus Conſtitutionibus & Ordinationibus ; necnon quibuſvis Almæ Urbis noſtræ Collegiorum quorumcumque , Tribunalium , Univerſitatum , necnon prædicti Advocatorum Conſiſtorialium Collegii , & Gymnaſii , etiam juramento , confirmatione Apoſtolica , vel quavis firmitate alia roboratis ſtatutis & conſuetudinibus etiam immemorabilibus ; privilegiis quoque , exemptionibus , & Indultis etiam in corpore juris clauſis , aut literis Apoſtolicis quibuſvis perſonis & eiſdem Urbi , nec non dilectis Filiis Populo Romano , aliisque Civitatibus & locis , Collegiis quoque , Tribunalibus , Univerſitatibus , aliisque quibuſlibet ſpecifica & individua mentione dignis , etiam ſub quibuſcumque verborum tenoribus & formis , ac cum quibuſvis etiam clauſulis & Decretis , etiam irritantibus in genere , vel in ſpecie , etiam motu ſimili , & de Apoſtolicæ poteſtatis plenitudine , ſeu Conſiſtorialiter , ac aliàs quomodolibet in contrarium præmiſſorum conceſſis , ac pluries confirmatis , approbatis , & innovatis . Quibus omnibus & ſingulis , etiamſi pro illorum ſufficienti derogatione de illis , eorumque totis tenoribus ſpecialis , ſpecifica & individua mentio , ſeu quævis alia expreſſio ad id ſervanda foret , illorum tenores , formas , cauſas , & occaſiones præſentibus pro plenè , & ſufficienter expreſſis , & exactiſſimè ſervatis & ſpecificatis reſpectivè habentes , illis aliàs in ſuo robore permanſuris , hac vice duntaxat , ad præmiſſorum effectum pleniffimè & ampliſſimè motu pari derogamus , & derogatum eſſe volumus , ceterisque contrariis quibuſcumque .

Volumus inſuper , & eadem auctoritate prædicta mandamus , ipſas præſentes , ſeu earum tranſumpta in locis ſolitis Almæ Urbis noſtræ per aliquem ex Curſoribus noſtris , ut moris eſt , publicari , & affigi , ſicque publicatas & affixas omnes & ſingulos , quos concernunt , ſeu concernent in futurum , perinde afficere & arctare , ac ſi unicuique illorum perſonaliter intimatæ & notificatæ fuiſſent .

Utque earundem præſentium tranſumptis , ſeu exemplis etiam impreſſis , manu alicujus Notarii publici ſubſcriptis , ac ſigillo Perſonæ in Eccleſiaſtica Dignitate conſtitutæ munitis , eadem prorsus fides tam in judicio , quàm extra illud ubique locorum habeatur , quæ ipſis præſentibus haberetur , ſi forent exhibitæ vel offenſæ .

Nulli ergo omnino Hominum liceat paginam hanc noſtrarum confirmationis , approbationis , innovationis , voluntatis , mandati , ſtatuti ,

decreti, declarationis, ampliationis, & extensionis infringere, vel ei ausu temerario contraire. Siquis autem hoc attentare præsumpserit, indignationem Omnipotentis Dei, & beatorum Petri & Pauli Apostolorum ejus se noverit incursum.

Datum Romæ apud sanctam Mariam Majorem Anno Incarnationis Dominicæ millesimo septingentesimo quadragesimo quarto, quarto Kalendarum Septembris Pontificatus Nostri Anno Quinto.

D. Card. Passioneus.

J. Datarius.

V I S A

de Curia I. C. Boschi.

L. Eugenius.

Registrata in Secretaria Brevium.

E Vaticano redeundum modò est ad Quirinalem alterum Conven-
tum in posterum diem a Cursoribus Pontificiis indictum: Tenor Admoni-
tionis erat.

I N T I M A T I O

Per Cursores facienda etiam Domi dimissâ copiâ.

Die 10. Junii Feria 6. hora decima tertia in enunciata Palatii Quirinalis Aula alterum erit Consistorium semipublicum pro futuris Canonizationis solemnibus beati Camilli de Lellis Confessoris Clericorum Regularium Ministrantium Infirmis Fundatoris.

In suffragiis ferendis eadem servabitur Methodus, quæ pro non absimili Consistorio fuit jam aliàs præscripta.

Ideo intimentur omnes & singuli Eminentissimi & Reverendissimi DD. Cardinales, necnon Reverendissimi DD. Patriarchæ, Archiepiscopi, & Episcopi in Urbe presentes, ac Domini Protonotarii Apostolici, duo Antiquiores Rotæ Auditores, Sacrorum Rituum Congregationis Secretarius, Promotor Fidei & Procurator Fiscalis Camera Apostolicæ.

De Mandato Sanctissimi Domini Nostri Papæ.

Ignatius Reali Apost. Cerem. Præf.

Iisdem cæremoniis, quas nudius tertius significavimus, iisdem ferme Personis adstantibus, quæ adfuerant in superiori, hoc quoque Consistorium peractum est. Pontifex præfari ita cœpit.

V E N E-

VENERABILES FRATRES . Post causam beati Fidelis a Sigmaringa , quam Vobis in præcedenti Consistorio proposuimus , alteram beati Camilli de Lellis in hoc præsentì Consistorio Vobis exhibemus ; & quemadmodum in causa beati Fidelis sacram antiquitatem , & hujus sanctæ Sedis disciplinam ante oculos habuimus , ita profectò mentem eandem idemque Institutum in proponenda causa beati Camilli hodierna die retinemus . Equidem inter Martyres ipse non recensetur , sed inter Confessores , eo quod præclarissimis sanè virtutibus , ac meritis exornatus ex hac mortali vita in Coelum migraverit , naturali tamen mortis genere ; neque in odium christianæ Religionis interfectus vitam amiserit . Quamvis autem Confessorum cultus post Martyrum cultum inductus fuerit , tamen illum pariter antiquum esse , minimè est dubitandum ; cum ex seculo quarto hujus rei monumenta certissima suppetant , etiamsi illorum sententiam sequamur , qui sacram antiquitatem magis accuratè diligenterque perscrutantur . Hanc opinionem Nos amplexi sumus in Commentariis nostris DE CANONIZATIONE SANCTORUM , omittentes eam disputationem , quæ viros eruditos in duas partes dividit , utrum cultus sancti Hilarii Pictaviensis , an sancti Martini Turo-nensis Confessorum antiquior in Ecclesia dicendus videatur .

Hæc quoad sacram antiquitatem : Verum quoad hujus Sanctæ Sedis disciplinam , nemo ignorat ,

Mona-

Monachos primos fuisse, qui consilia Evangelica sibi penitus imitanda proposuerint, deinde Mendicantium Ordines hanc viam ingressos esse, ac postremò eos coetus, qui Clerici Regulares appellantur. Illud etiam cognitum est omnibus perspectumque, Sedem hanc Apostolicam semper proclivem fuisse, ut inter Sanctos referret Ordinum Regularium Fundatores, si illi virtutibus heroicis gloriaque miraculorum post obitum, uti necessario requiritur, maximè excelluerint; non una tamen semper eademque ratione, cum antiquiores ritu antiquiori, tacito videlicet Summorum Pontificum assensu, ceteri recentiori ritu, expresso videlicet assensu, immo prolata a Summis Pontificibus definitiva sententia, fuerint Sanctorum Fastis adscripti, juxta duplicem canonizandi modum, de quo in recensitis nostris Commentariis luculenter egimus, epochas temporum statuendo, quod an feliciter fuerimus affecti, aliorum esto judicium.

Porro juxta primum Canonizationis morem, cultum publicum in Ecclesia universali obtinuerunt Paulus, Antonius, Basilius coetuum Monachorum Fundatores in Oriente, Augustinus, Benedictus, Columbanus eorundem coetuum Monachorum Fundatores in Occidente; juxtaque secundum Canonizationis morem, ceteri Ordinum Regularium Institutores Canonizationis honorem sunt affecti, ut ex Tabulis Ecclesiasticis & monumentis, quæ in Vaticanis Tabulariis asservantur, & a Nobis sæpe perlecta sunt, planè desumitur.

Alexander etenim III. solemnī ritu Sanctorum numero adscripsit Bernardum Fundatorem, ac Parentem totius Familiæ Monachorum Clarævallenſium; Clemens III. Stephanum Fundatorem Ordinis Grandimontensis in Aquitania; Cœlestinus III. Joannem Gualbertum Institutorem Congregationis Vallisombrosæ, ac Giraldum Parentem Monachorum Sylvæ majoris in Gallia Aquitanica; Gregorius IX. Franciscum Aſſiſinatem, & Dominicum, quorum primus Fratres Minores, alter verò Fratrum Prædicatorum Ordinem instituerunt; Clemens V. inter Sanctos adnumeravit Cœlestinum V. Congregationis Cœlestinae Fundatorem; Leo X. Franciscum de Paula Parentem Fratrum Minimorum; Gregorius XV. Philippum Nerium, ac Ignatium de Loyola, quorum primus Presbyteros Oratorii nuncupatos, alter Societatem Jesu constituerunt. Postremò Clemens X. Catalogo Sanctorum addidit Nomen Cajetani Ordinis Regularis Theatinorum Fundatoris; Alexander VIII. nomen Joannis de Deo, qui Fratres servientes pauperibus infirmis in suis Nosocomiis instituit; Clemens XII. nomen Vincentii de Paulis Fundatoris Sacerdotum, qui sacris Missionibus addicuntur.

Cum hæc ita sint, hodie proponitur Vobis beatus Camillus de Lellis Clericorum Ministrantium Infirmis Parens atque Institutor. Vobis exhibita fuit ante oculos series ipsius vitæ, corporis cruciatus, continuum virtutum summè præstantium exercitium, & coetus Regularis non solum Institutio, sed etiam

propagatio in varias Orbis terræ partes cum maxima Fidelium spirituali ac temporali utilitate, postremò descripta perpendistis miracula, quæ Deus ob illius intercessionem ac nomen patravit. Quamobrem sententias vestras expectamus, utrum solemnis beati Camilli Canonizatio decernenda videatur, ejusque nomen inter Sanctos coetuum Regularium Fundatores publico consuetoque ritu sit adscribendum.

Cardinales, Patriarchæ, Archiepiscopi & Episcopi hoc ordine Canonizationi B. Camilli suffragantes ejus sic merita extulere.

PETRUS Aloysius Episcopus Albanensis Cardinalis Carafa.

Beatus Camillus de Lellis Christi Domini, tum præcepta, tum consilia secutus ad tam heroicam sublimitatem pervenit, ut dum Se suosque Affeclas ad ministrandum Infirmis in extremo laborantibus devovit, non humanam solum, sed planè Angelicam excellentiam, videatur attigisse; ait enim Apostolus de Angelis loquens ^a: *Omnes sunt Administratorii spiritus propter eos missi, qui hæreditatem capiunt salutis*; non videtur quippe opus hominum, sed Angelorum, ministrum agere alienæ salutis, Infirmosque in extremis periculis constitutos, juvare ad eam hæreditatem capefendam, a qua deturbari facile possent ab eo Adversario, qui semper ^b *circuit quærens quem devoret, & cui jubemur resistere fortes in fide*. Angelicarum igitur virtutum præstantiam, Cœlo per miracula plaudente, adeptus beatus Camillus ex ministerio Infirmis præstito, jure quodammodo suo exposcit, ut Angelorum Civis & socius Ecclesiæ judicio declaretur.

*FRANCISCUS Tit. S. Mariæ Translyberim Presbyter
Cardinalis Burghesius.*

Quum tanti intersit, quanti Tu BEATISSIME PATER pro incredibili sapientia tua probè nosti, catholicæ Religionis viros eos, qui vitæ sanctitate, & optimis Institutis de re christiana præclarè sunt meriti, in Divos referre; non equidem video, quid esse causæ amplius possit, quamobrem non eum honorem, PATER BEATISSIME, nunc tandem attribuas nostro Camillo de Lellis. Quàm benè hic meritis sit de Ecclesia tum rebus aliis, tum longè maximè præcipuâ illâ, qua ipse fuit, suosque discipulos

^a *Epist. ad Hebr. cap. 1. v. 14.* ^b *1. Petri cap. 5. v. 8. & 9.*

pulos esse iussit benignitate atque assiduitate in ægrotos homines, norunt sanè omnes; ut mirum non sit, meam adhuc sententiam cum iudicio sententiisque aliorum congruere, qui universi Camillum ipsum hoc honore dignissimum censent.

*ANTONIUS XAVERIUS Tit. S. Stephani in Monte Coelio
Presbyter Cardinalis Gentili.*

Effudit divitias suas charitas Dei in beatum Camillum Ordinis Ministrantium Infirmis Institutorem; ideo divino igne succensus factus est spectaculum mundo, Angelis & hominibus; Mundo quidem cujus illecebras post poenitentiam reliquit, sprexit, despexit; Angelis quorum vigilem curam, & assiduum ministerium in animarum salute procuranda anxia animi sollicitudine est imitatus; Hominibus demum, quos docuit, & docet adhuc per Alumnos suos inter extremas corporis angustias, superatis infernalis hostis insidiis, pretiosam in Domino mortem obire. Beato itaque Dei Servo tot virtutibus illustri, & adeo de christiana Republica benemerito, communi omnium plausu SANCTITAS VESTRA publicos solemnesque honores decernet.

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni.*

Quamquam supernis Servorum Dei charismatibus exornetur Ecclesia, & ædificetur ex lapide pretioso omnis circuitus muri ejus, beati tamen Camilli de Lellis Clericorum Ministrantium Infirmis Fundatoris eo splendidiùs sanctitate decoratur, quo ceteris præluxit ut norma virtutum. Deo siquidem afflante de laxiori perditionis via ad arctam salutis semitam revocatus, tam ardentem esurivit & sitivit iustitiam, ut per reliquum vitæ cursum, de proximorum salute sollicitus in adjuvandis potissimum ægrotis in extremis vitæ periodis constitutis, Apostolici viri rationem retinuerit, ac per ardentem in Deum & Proximum charitatem Evangelicæ legis plenitudinem impleverit. Reliquum igitur est, ut beatum Camillum de Lellis virtutum meritis cumulatam, ac miraculis a Deo post indultam eidem Beatificationem illustratam SANCTITAS VESTRA Vicariam Christi in terris gerens potestatem Sanctorum Fastis adscribat; habeantque ejus Alumno Infirmis ministraturi in hoc pietatis officio splendidiùs virtutum exemplar, ac Fideles in extremo agone certantes efficacius in Cœlo præsidium.

TROJANUS Tit. S. Cæciliæ Presbyter Cardinalis de Acquaviva.

CUm Te jubente BEATISSIME PATER ad trutinam vocata maturoque judicio perpenſa fuerint miracula, quæ Auctor bonorum omnium Deus, verè mirabilis in ſervis ſuis, ad ſanctitatem beati Camilli de Lellis illuſtrandam patravit; duoque jam plenis ſuffragiis ſint probata: Inſtantanæ ſcilicet ſanationes Luciæ Thereliæ Petti, & Margaritæ Caſtelli, quæ incurabili prorsus morbo laborantes in ultimo vitæ discrimine verſabantur: Quid aliud remanet, niſi illum juxta ſapientiſſimum SANCTITATIS VESTRÆ Decretum in numero Sanctorum deſcribere? Quod ut fiat enixè precamur; & ita fieri abſque ulla hæſitatione ſentimus.

DOMINICUS Tit. SS. XII. Apoſtolorum Presbyter Cardinalis Riviera.

Admirabilis planè fuit BEATISSIME PATER, vita beati Camilli de Lellis, qui pluries humana infirmitate in ſiniſtram deſlectens, pluries manifeſto Dei digito fuit revocatus in dexteram, donec per virtutum omnium gradus, præcipuè verò ardentiffimæ erga Deum atque homines charitatis, aſcenſiones in corde ſuo diſponens, Ordinis adeo de chriſtiana Republica benemerentis fuerit Inſtitutor & Auctor.

Porro a Deo, qui magnificus eſt in ſanctitate, eo impetrante, tot ſigna in dies ac prodigia eduntur, ut meo quidem judicio minimè ſit dubitandum, quin Ei SANCTITAS VESTRA ſupremos in terris honores Apoſtolica Auctoritate decernat.

*JOANNES BAPTISTA Tit. S. Mariæ Angelorum
Presbyter Cardinalis Spinula.*

BEATISSIME PATER. Mirabilis Deus in iis, quos eligit ſibi ad gloriam ſui nominis amplificandam, Proximique tum animæ, tum corporis curandam ſalutem, excelsæ dexteræ ſuæ mutatione fecit virtutem in B. Camillo de Lellis. Is licèt prius Adoleſcens erraſſet in invio ad tantam nihilominus heroicarum virtutum amplitudinem præordinatus fuit, ut nova Eccleſiam prole ſœcundaverit, a qua erga Proximum a nemine antea ex tot ſacrorum Ordinum Inſtitutoribus excogitatum extremæ charitatis officium opusque exercetur. Sicuti itaque in huiusmodi inſigni virtute Deus ipſe legis ſuæ baſim totumque fundamentum conſtituit: nil mirum, quod illa omnium aliarum heroicarum virtutum genera B. Camillo contulerit, quibus vivens emicuit, ut tamquam lumen in Candelabro poſitum ceteris luceret. Præſtantiffimum propterea omnibus dedit exemplum, præſertim verò cum vix Ordine inſtituto, graſſante pelle ſe ipſum Deo, ſuoſque Alumnos pro publica ſalute devoveret. Æquum porro eſt,
ut a

ut a SANCTITATE VESTRA inter Coelites adnumeretur, quorum consortio jam gaudet.

RAYNERIUS Tit. S. Sabinae Presbyter Cardinalis de Ilcio.

QUOD in corporum curatione ad coeleste prodigium refertur, cum hæc in instanti contingat, potiori jure de animarum instantanea sanatione asserendum videtur. Hujusmodi Divinae misericordiae prodigium expertus est beatus Camillus de Lellis, qui inopinata & extraordinaria de Coelo luce perflatus de repente in novum hominem mutatus de Belial ad Christum transitum fecit. Ut autem anteactæ vitæ crimina plenius expiaret, asperrimum Capuccinorum Institutum amplexus est, sed cum ob valetudinis imbecillitatem in eo permanere non posset, molestissimo & pleno laboris Infirmorum servitio se adlixit, in quo maxima charitatis, humilitatis & patientiæ præstitit argumenta, quæ magis ac magis patefacta fuere in dirissimis illorum temporum calamitatibus, quibus Roma afflictabatur.

Eandem in obeundis perfectissimæ charitatis muneribus sanctissime obijt, tot ejusdem charitatis hæredes relinquendo, quot instituta ab eo Religio de christiana Republica optimè emerita Sacerdotes & Alumnos enumerat.

Cum autem Beati hujus sanctitatem Deus ipse, qui est mirabilis in Sanctis suis, innumeris post mortem signis comprobaverit, ut planè testatur frequentissimus ad ejus Aras concursus, sapientissimo Sacrae Generalis Rituum Congregationis judicio, quæ tutò ad ejus Canonizationem procedi posse judicavit, libenti animo adhæreo.

DOMINICUS Tit. S. Bernardi Presbyter Cardinalis Passioneus.

GLORIOSA filia Regis Ecclesia, scilicet sponsa Christi, exhibetur nobis in Psalmo Prophetico *Circumdatus varietate*, eximiis nempe maximisque virtutibus undequaque ornata atque præcincta. Ne quid verò deesset ad tantæ pulchritudinis dignitatem & speciem, inventus est Camillus de Lellis, qui divino ductus consilio, post tot exhibita ab aliis per omnem ætatem Ecclesiæ & Proximo christianæ charitatis officia, cum animadvertisset Messiem multam & Operarios paucos, aptissimum, quem superesse viderat, modum adhibuit, quo in ultimo agone Certantibus faciles aditus ad æternitatem pateret, instituta ad hoc tam arduum & tam salutare opus Societate, quæ dante Domino incrementum longè latèque fuit propagata. Cum igitur præcipui sacrarum Familiarum Institutores a Prædecessoribus tuis in Sanctorum Albo relati sint, æquum est, BEATISSIME PATER, ut auctoritate & doctrina, qua ceteris antecellis, Vi-

ro adeo insigni & de æterna animarum salute tam benè promerito, idem deferatur honor, ac eodem amplissimo & immortalis præmio donetur.

*Fr. JOACHIMUS Tit. SS. Quatuor Coronatorum
Presbyter Cardinalis Portocarrero.*

INter sanctos Viros, qui nova militantem Ecclesiam prole amplificaverunt, meritò locum BEATISSIME PATER petitur beato Camillo de Lellis esse adscribendum. Habet enim ille testimonium in bonis & magnis operibus, ejusque miserationes ascenderunt ante conspectum Domini. Ab errore namque viæ suæ in libertatem vocatus Filiorum Dei, magnas virtutes operatus est, & prodigium factus est multis. Ignorantiam verò anteactæ vitæ, ac maculas tanta dilectione operuit & emendavit, ut alterum vas electionis fieri promeruerit. Cumque vera charitas nunquam excidat, Ordinem Religiosorum hominum instituit, in quo perenne illius in Deum immensæ & Proximum charitatis eluceret testimonium. Superest igitur, ut heroicam tanti Viri sanctitatem per signa & prodigia a Coelo comprobata, ampliori excolendam cultu universæ SANCTITAS VESTRA enunciet Ecclesiæ.

CAMILLUS Tit. SS. Joannis & Pauli Presbyter Cardinalis Paulutius.

AD solemnem beati Camilli de Lellis Canonizationem esse procedendum BEATISSIME PATER, humillimè censeo. Hanc enim exposcit heroicitas illa, qua cum primum ipse coelesti quadam luce fuit circumfusus, Paulo simillimus veterem statim exuens, novumque indutus hominem, christianarum virtutum exercitio continuò jugiterque vacavit: Ad hanc impellunt miracula ab Altissimo ipsius intercessione patrata.

Eximia verò, quæ singillatim recenseri possent de ejusdem virtutibus, & de æstuanti præsertim in Deum & Proximum charitate argumenta clarè satis elucent in fundatione novæ Religionis, qua spiritali Morientium incolumitati consulere studuit; quæque faciliorem profectò semitam sternit, ut ille qui vitæ sanctitatem Populorum utilitati conjunxit, Sanctorum Fastis adscribatur.

*CAROLUS ALBERTUS Tit. S. Mariæ de Pace Presbyter Cardinalis
Gvidobonns Cavalchini.*

BEATISSIME PATER. Miserator & omnipotens Deus, qui patienter agens non vult aliquos perire, sed omnes ad poenitentiam reverti, magnificavit profectò misericordiam suam in B. Camillo de Lellis. Facta scilicet in eo mutatione dexteræ Excelsi nihil illi sævum, nihil immane visum est, quod pro Dei gloria sustineret, pro salute hominum operaretur

tur. Præstat igitur BEATISSIME PATER, eximium hunc Virum solenniori, qua licet, pompa Sanctum & Electum Dei in Ecclesia declarare, ut ii præsertim, quos Camillus in arduo Infirmorum ministerio sollicitudinis suæ hæredes voluit, impensius quotidie fervidam ejus charitatem æmulari non desinant^a: *Armantur enim filiorum animi, dum Patrum recensentur triumphi.*

FRIDERICUS Tit. S. Pancratii Presbyter Cardinalis Lantes.

Infirmi accincti sunt robore, siquidem B. Camillus, qui dum viveret^b firmus imbecillitates infirmorum sustinuit, quique etiam hodie per suos Alumnos, ipso videlicet e Coelis auspice, haud cessat levamento eis esse ac solatio, inter Sanctos solemniori ritu est referendus. Id censeo jure optimo factum, si facis BEATISSIME PATER, ac more institutoque majorum: Quandoquidem id non flagitat modò testata miraculis beati Viri sanctitas, judicio etiam eoque gravissimo Philippi Nerii, quem honoris causa nomino, comprobata; sed in primis postulant insignia ipsius, quæ nobis reliquit monumenta virtutum.

FRANCISCUS Tit. S. Mariæ de Populo Presbyter Cardinalis Riccius.

BEATISSIME PATER. Quo tempore B. Camillus de Lellis militaribus stipendiis vacabat, coelesti lumine mirabiliter illustratus, antea vitæ libertatem & secularia desideria illico abhorrens, non propriæ tantum sed Proximorum salutis, & præcipuè ægrotorum in extremo vitæ discrimine laborantium summo opere sollicitus, nihil intentatum reliquit, quod eorum spirituali auxilio opportunum esse crediderit. Opus verò tam pium & laudabile noluit angustissimo suæ vitæ curriculo circumscribi, sed posteritatis bono consulens, novam Familiam instituit ad ejusdem operis firmitatem & complementum, quam sanè nostris oculis conspiciamus totis viribus æmulantem virtutes omnes emeritissimi Fundatoris, cujus amplissima merita miraculorum testimonio pluries comprobata, jure optimo postulant, ut ejus præclarissimum nomen SANCTITATIS VESTRÆ Oraculo Sanctorum Albo adscribatur.

ANTONIUS Tit. S. Silvestri in Capite Presbyter Cardinalis Rufus

EQuitati consentaneum est BEATISSIME PATER, ut qui pro gloria Dei & Proximorum utilitate in agro militantis Ecclesiæ laboravit, uberrimosque fructus collegit, mercedem recipiat. Sanè si Apostolus pro bono certamine certato & cursu consummato coronam justitiæ sibi a justo Judice præparatam expectabat exoptabatque: Cum B. Camillus de

^a S. Eucher. Lugdunen. in homil. de SS. Petr. & Paul. ^b Paul. ad Rom. cap. 15.

lus de Lellis pariter bonum certamen certaverit, cursumque feliciter consummaverit, a Te PATRE BEATISSIMO justo Iudice Christi in terris Vicario, Canonizationis coronam expectat.

Quanta enim verò & qualia Beatus iste cumulaverit merita, ut hujusmodi consequeretur coronam, ex iis quæ hujusce sanctæ Sedis iudicio comprobata extant, luculentissimè constat; de profunda videlicet humilitate, de invicta fortitudine, de ardenti in Deum & Proximum charitate. Novit olim Roma, novit Janua, Mediolanum, Buclanicum item & Neapolis noverunt, quanta flagrantis charitatis dederit argumenta, ut Proximum a peste cum animæ, tum corporis vindicatum cerneret.

Quare sicut non abs re existimaverim beatum hunc Virum id martyrii genus, quod propriè Confessorum est, plenè consummasse, de quo præclarè loquitur sanctus Bernardus: *Horrore quidem mitius, sed diuturnitate molestius*; ita spes omnium effulget, ut SANCTITAS TUA eo, quo polles, superno lumine ad sacras Aras admoveas, ad Fidelium incitamentum & ad S. R. E. præsidium.

D. FORTUNATUS Tit. S. Matthæi in Merulana
Presbyter Cardinalis Tamburinus.

AB eo, quem malè instituerat, vitæ cursu divina ope revocatus Camillus de Lellis, induit novum hominem, qui secundum Deum creatus est in iustitia & sanctitate veritatis (*ad Ephes. 4.*) Cujus quidem iustitiæ veræque sanctitatis Camilli luculentissima argumenta fuerunt virtutes, quibus excelluit, sed præ ceteris ardens amor in Proximos. Quo amore ad æternam eorum salutem procurandam, dum in supremo vitæ discrimine versantur, adeo exarsit, ut Ordinem Religiosorum hominum instituerit pijsimo huic operi præsertim addictum. Quo facto maximum sanè Fidelium animis ad salutem impetrandam adjumentum attulit, totamque sibi Camillus devinxit Ecclesiam; quæ proinde jure abs Te petit BEATISSIME PATER, ut honores sanctis Viris debitos in eum conferendos existimes, ejusque memoriam piè semper & sanctè recolendam decernas.

D. JOACHIMUS Tit. S. Crucis in Jerusalem
Presbyter Cardinalis Besutius.

BEatum Camillum de Lellis, qui se cœtumque suum publicæ saluti devovit: illaque heroicâ charitate, qua majorem nemo habuit, ut animam suam poneret pro Fratribus suis donatum: cujus sanctitatem gravissima sancti Philippi Nerii auctoritas comprobavit: virtutes in gradu heroico & miracula, post mortem quoque, legitimè constant: inter Sanctos meo quoque suffragio jure annumerandum decerno, quodque suo
Decre-

Decreto SANCTITAS VESTRA hoc ipsum Ecclesiæ toti pronuntiet , demissè humiliterque exoro .

CAROLUS S. Mariæ in Via lata Diaconus Cardinalis Marinus .

CUm (Deo ipso testante) majorem nemo habeat charitatem , quàm qui suam animam pro amicis suis ponere non recuset : Quanto excellentior illa erit , qua beatus Camillus de Lellis , non se ipsum tantum pro omnibus Nosocomiorum Infirmis , quocumque etiam tabido & diffusivo morbo laborantibus , assiduo ejus vitæ discrimine in hostiam Deo placentem exhibuit .

Sed meritissimum etiam Religiosorum Ordinem , ad hoc idem præcisè munus instituit , ut ad quoscumque privatarum quoque domuum ægrotantes , in mortis agone positos , adjuvandos , & in hoc omnium maximo æterni mali discrimine in salutis viam dirigendos , die noctuque per pluvias , frigora & æstus , (quocumque posthabito vitæ periculo) statim occurrerent , & per hoc perpetuum de se Proximo sacrificium renovarent .

Cum verò hunc eximium charitatis apicem , non modò insigni prodigio , Christi Domini effigies , sermone a se promanante illustraverit : Verùm etiam inaudito prorsus exemplo tot crebris , aliis insignibusque miraculis , intra solum modicum quatuor annorum spatium , a die privati cultus ab eo obtenti patratis ; binisque ex illis rite approbatis : Manifestiùs idem Dominus se modò velle explicaverit , ut quemadmodum hic Beatus totius Orbis saluti prospexit ; ita ipse pariter in omnibus Orbis plagis solemnioris ritus glorificatione claresceret .

Hanc adeo perspicuam SANCTITAS VESTRA vocem Domini non audiret , si nunc hujusmodi meritissimam illius triumphæ ampliationem diutius differre vellet .

ALEXANDER S. Mariæ ad Martyres Diaconus Cardinalis Albanus .

DIvino sanè consilio factum puto , quod SANCTITAS VESTRA ad militantis Ecclesiæ præsidium & triumphantis ornamentum , B. Camillum Sanctorum Fastis meditetur adscribere . Direxit eum siquidem Dominus in vias rectas , ipsoque Jesu hortante , & S. Philippi Neri usus consilio , aggressum iter alacriter prosequens , ut omnes Christo lucrificeret , egenis opem , viduis auxilium , tutelam pupillis , peregrinis hospitium , ægrotis , quorum præcipua ei fuit cura , assiduum præstitit ministerium . Quin & Ordinis , cujus ipse Auctor fuit , Religiosos asseclas Infirmorum Ministros esse voluit , qui promptum corporibus levamen & coelestem animis afferrent medelam . Quare unum hoc superest , ut nempe piis fidelium votis indulgens SANCTITAS VESTRA , solemnes publici cultus honores illi decernat .

EN-

NERIUS S. Eustachii Diaconus Cardinalis Corfinus .

Tanta fuit charitas , quæ miris modis diffusa est in corde B. Camilli de Lellis , primum erga Deum , deinde erga Proximos , & præcipuè Infirmos , etiam pestilenti morbo laborantes , ut ne ea unquam excideret , Religionem instituerit , quæ perpetuò iis usque ad extremum vitæ præsto foret ; ex illa autem charitatis radice , quum omnium etiam virtutum propagines emanaverint , jure ac merito BEATISSIME PATER , ipsum in Sanctorum cœtum cooptandum putarem .

AGAPITUS S. Agathæ Gothorum Diaconus Cardinalis Mosca .

Vidit Granatense Xenodochium Joannem de Deo impavidum inter flammâs incedentem , ut ægrotantes e flammis eriperet ; & inde sensit christianus Orbis signiorem in eum fuisse ignem , qui foris ufferat , quàm qui intus accenderat . Vidit quoque Xenodochium sancti Spiritus Urbis Camillum de Lellis per tres dies impavidum in aquas , ulceroso etiam crure profilientem , ut Infirmos eorumque grabatos a succrescentibus tiberinis undis ad tutiora loca , humeros supponendo transveheret ; & inde christianus Orbis intellexit , aquas multas non potuisse extinguere charitatem ipsius . Charitas igitur qua in Deum atque in Proximum & corporis & animæ in procuranda omni studio salute flagravat Camillus , reliquarum præterea virtutum fastigium , ad quod vitam agens conscendit ; Signorum denique splendor , quo ad hanc usque ætatem coruscat , postulant BEATISSIME PATER , ut eundem in Sanctorum Albo recenseas .

*CAROLUS MARIA S. Mariæ in Porticu Diaconus
Cardinalis Sacripantes .*

IN beato Camillo de Lellis admirabilis certè fuit , BEATISSIME PATER dextera Excelsi , quæ post tenebras ejus tantum lumen suæ gratiæ in eo coruscare dignata est , ut vir electus a Deo inextinguibili æstuans charitatis ardore totum Orbem & hanc Urbem præ ceteris accenderit , ac mirabiliter illustraverit , omnibus omnia factus & animis corporibusque sanandis fidelis Servus ab ipso Domino constitutus . Igitur quia multa bona operatus est , dignus mihi sanè videtur , ut consequatur etiam in terris coronam gloriæ , quam ipsi reddidit justus Judex in Cœlis .

MARIUS SS. *Cosmæ & Damiani Diaconus Cardinalis Bolognettus.*

DIu latuit sacrificiorum ignis, & fatifcentibus annis jam in aquam crassam abierat. Verùm ubi ^a tempus affuit, quo Sol refulsit, qui prius erat in nubilo, accensus est ignis magnus, itaut omnes mirarentur. Diu quoque latuit Camillus de Lellis. Verùm ubi tempus affuit, quo in bonum Ecclesiæ omen supremam Petri Cathedram BEATISSIME PATER conscendisti, Camillus, qui prius videbatur in nubilo, protinus heroicarum virtutum memoria atque probatione reffloruit, signorumque claritate refulsit. Tibi ergo uni BEATISSIME PATER, qui pro Sanctorum Causis agendis, tot transegisti vigilias, tot impendisti labores, Camilli Causam Divino penè consilio reservatam fuisse intelligimus, ut nimirum eam ^b ad perfectionem Sanctificationis Suae expostulantibus omnium votis perducere dignareris.

PROSPER S. *Georgii Diaconus Cardinalis Columna de Sciarra.*

Miracula, quæ ad invocationem B. Camilli patrata temporibus nostris penè vidimus, atque audivimus, habent, teste Augustino Tract. 24. in Joannem, linguam suam & quamdam Dei eloquentiam præferunt; ideoque certam reddunt SANCTITATEM VESTRAM, Deum velle, ut in Ecclesia militanti colatur B. Camillus, de cujus solemni sanctificatione agitur in præsentiarum, quæ si modò infallibili SANCTITATIS VESTRÆ judicio discernatur, gloriabuntur Fideles imitari illum, quem veluti Heroem in virtutibus, & præcipuè in charitate in Proximum admirati sunt, quemque solemni voto obstrictum Infirmis, & præsertim pestifero morbo afflictis inserviendi, labores plurimos pro Proximorum salute suscepisse, præsentissima mortis pericula adivisse, palam omnibus factum est illo genere probationum, cui fidem detrahere piaculum reputatur.

ALEXANDER S. *Mariæ in Aquiro Diaconus Cardinalis Tanarius.*

BEATISSIME PATER. Beatus Camillus de Lellis, ut in rectam mandatorum Dei semitam, a qua deflexerat constantissimè ambularet, luce de Cœlo facta, in admirabilem perfectumque misericordiarum virum mutatus est. Quantà verò deinceps singularis vitæ sanctimoniâ claruerit, & quàm luculenta immensæ charitatis in Proximos & ardentissimi amoris in Deum dederit testimonia: Tum ea, quæ hac in Urbe, alibique locorum pestilentia præsertim grassante, hominesque absumente ipse perfecit: Tum ea, quæ a Sociis novâ etiam pro æterna ægrotantium salute, Religiosorum hominum Congregatione institutâ perficienda curavit, manifestissimè ostendunt. Quamobrem cum omnia diligenter peracta sint,

I i

quæ

^a Lib. 2. Machab. 1. ^b Numer. cap. 6. vers. 21.

quæ ad illius Canonizationem ab hac sancta Sede postulantur ; nihil aliud superesse video , quàm ut Eum veracissimo tandem SANCTITATIS TUE Oraculo Sanctorum Fastis adscriptum veneremur .

HIERONYMUS S. Adriani Diaconus Cardinalis de Bardis .

IN primo quidem ætatis cursu B. Camillus de Lellis de via mandatorum deflexerat ; sed satis in tempore ^a misericordiam suam Deus super illum effudit , ^b ut anteactæ vitæ annos in amaritudine animæ recogitaret ; jam inde autem tantos in heroicis virtutibus progressus fecit , ut ^c veteri homine secundum pristinam conversationem deposito , novum planè in iustitia & sanctitate veritatis indueret .

Ex qua quidem ^d dexteræ Excelli mutatione , cum multos cepit Ecclesia fructus , hunc in primis , quod eo auctore Ordo Clericorum Ministrantium Infirmis extiterit . Ad eam ille rem sanctissimi Philippi Nerii Confessarii sui consiliis usus plurimum , immo & Christi Domini ipsius ^e , facie ad faciem loquentis voce excitatus , subsidiarias quasi copias Religiosorum suffecit , qui ad assequendam coronam gloriæ Fidelibus ceteris in extremo vitæ certamine periclitantibus præsto essent . Quæ quidem præclara facinora cum & Apostolicæ istius sanctæ Sedis iudicio & clarissimis de Cœlo signis comprobata jam fuerint , ut beatum hunc Virum non solum de militante Ecclesia , sed etiam de triumphante optimè meritum inter sanctos illos Cives Jerusalem cœlestis adscribat , a SANCTITATE VESTRA precibus omnibus oro atque obsecro .

DOMINICUS SS. Viti & Modesti Diaconus Cardinalis Urbinus .

BEATISSIME PATER . Præclaro cœlestis gratiæ lumine Camillus velut alter Saulus in itinere percussus , ex vase iræ in vas electionis commutatus est , & ad virtutes omnes heroicè excitatus , ardentissimo præsertim flagravat amore in Deum & Proximum suum , ad cuius perennem perpetuamque utilitatem divino planè consilio Clericos Regulares Infirmis ministrantes instituit : Quàm charus Hominibus , Angelis ipsis admirabilis , & dilectus Deo fuerit Camillus , innumera ferme prodigia ab ipso patrata plenissimè obtestantur : Quare meritò inter Cœlites numerandus est ad gloriam triumphantis Ecclesiæ militantisque præsidium .

MUNDILLUS Urbinus Patriarcha Constantinopolitanus Assistens .

BEATISSIME PATER . Innumeras easque omnes heroicas beati Camilli virtutes , quibus Regnum Dei possidere meruit , libenter præteribo . Illud tantum dicam ; neminem fortasse reperiri posse , qui cum venerit
Filius

^a Eccles. 18. ^b Iſa. 38. ^c Ephef. 4. ^d Psal. 76. ^e Exod. 33.

Filius hominis in sede maiestatis suæ , verba illa potiori jure auditur us sit : *Venite Benedicti Patris mei, possidete paratum vobis Regnum a constitutione Mundi; esurivi enim & dedistis mihi manducare; sitivi & dedistis mihi bibere; hospes eram & collegistis me; nudus & cooperuistis me; Infirmus & visitastis me* : Ejus enim vita in hoc potissimum versata est , ut Fratribus Domini hæc universa præstaret , atque adeo Domino ipsi præstitisse sit meritò existimandus . Quare maximè congruum est , ut supremi Judicis sententiæ , qua beatus Camillus inter Electos extrema die advocabitur , SANCTITAS VESTRA quæ Judicis ejusdem vices meritissimè gerit , sententia sua præire ; atque ut ita dicam , præcludere jam nunc constituat .

ANTONIUS MARIA Pallavicini Patriarcha Antiochenus Assistens .

B eatus Camillus de Lellis in Nosocomiis sancti Spiritus , & sancti Jacobi Incurabilium insignia præbuit ardentissimæ in Deum & Proximum charitatis exempla : Et ne unquam usque ad consumationem seculi deficerent , Congregationem instituit , quæ assiduò ministrans Infirmis illum quodammodo redivivum , immo in pijs Filiis multiplicem redderet . Additis insuper reliquis ejusdem virtutibus a Deo Opt. Max. plurimis signis comprobatis , censerem tutissimè posse SANCTITATEM VESTRAM beatum Camillum sanctorum Confessorum non Pontificum Albo adscribere .

THOMAS Cervini Patriarcha Hierosolymitanus Assistens .

Q uoniam Jacobi sententia hæc est : *Qui converti fecerit fratrem suum, salvabit Animam ejus* ; ad eximium heroicæ dilectionis splendorem pervenisse dicendus est beatus Camillus de Lellis , qui tanta exarsit in Proximum charitate , ut se suosque Infirmorum ministerio perpetuò dicaret , ad æternam eorundem salutem , ubi major urget necessitas , spiritualibus subsidiis procurandam .

Hæc autem & alia excelsa beati Camilli merita insignibus miraculis comprobata eundem Sanctorum gloriâ dignissimum probant .

meæ ad S. Elpidium ad mare, mox cum esset Firmi exemplo Alumnorum divi Francisci, quos Capuccinos dicunt, commotus primitias spiritus sensit, votoque pollicitus est eo in Ordine se Deo famulaturum. Dilata ex adolescentiæ erroribus res, bis deinde tentata coeptumque Institutum, at ex tibiæ vulnere dimittere coactus, novo Clericorum Infirmis ministrantium Ordine Ecclesiam auxit. Nec ægris tantum corporibus, sed & animis consuluit, cum peculiare sibi suisque esse voluit, periclitantibus Christifidelibus in extremo agone subvenire. Urbs hæc præcipuum olim Camilli stadium, in quo ipse ad justitiæ coronam cucurrit, quæque flagrantem adhuc in Discipulis ejus charitatem erga agentes animam quotidie experitur, meritò gessit Camillum colere Sanctorum Fastis adscriptum; idem postulat Ecclesia mea Firmana, ut illi quem in stadium misit, Coronato plaudat. Utrique censeo annuendum, præsertim cum omnipotens Deus postquam Tu, SANCTISSIME PATER, Virum hunc dixisti ritè Beatum, novis ad invocationem ejus patratis miraculis ratum id acceptumque habuisse demonstret.

JOSEPH MARIA Ferronus Archiepiscopus Damascenus Assistens.

A Pud Deum notæ sunt & apud homines eximiæ B. Camilli virtutes: Præ cæteris verò longè effulget divina charitas, qua per se suosque Alumnos Infirmis in supremo vitæ agone versantibus, morte ipsa contempta prospexit. Cœlestes itaque honores eidem meritò constituendos existimo: *Si quis enim mihi ministraverit, Dominus ait, honorificabit eum Pater meus*^a.

MICHAEL de Palma Archiepiscopus Teatinus Assistens.

M Aluit Deus^b PATER BEATISSIME, de malis bonos facere, quàm nullos esse malos permittere; Sicut enim inde humanæ fragilitatis manifestatur conditio, ita misericordiæ divinæ largitas innotescit. Imperscrutabili æterno judicio Dei, id actum esse dubitat nemo, in B. Camillo de Lellis, inclyti Ordinis Ministrantium Infirmis Fundator & Pater. Primæ ætatis femitas incauto pede cucurrit, & inter juveniles laxitates diu hæsit, intemperans Aleator: At aleis ludentem devicit tandem sagaciùs ludens in Orbe gratia divina; & Virum manè per vitia rapientem, ad vespertas de thesauro virtutum effecit spolia dividendum. Hinc mira fuere, quæ dixit, gessit sive in Ecclesia, sive in Proximis suis. Ecclesiam quippe nova sobole auxit, ornavit. Proximos verò infatigabili charitatis officio refecit, roboravit, adjovit. Profunda humilitate sui contemptor. Asperrimâ pœnitentiâ sui infecutor: Altissima contemplatione supernarum mentium extitit æmulator: Dignus cui Angeli sancto Philippo Nerio spectante assisterent,

^a Jo. 12. 26. ^b S. August.

rent, famularenturque; ejusque felicissimam animam corpore tandem exutam, in sempiternam efferrent gloriæ claritatem.

Pretiosam mortem Sancti sui mirabilem etiam reddidit Deus signis atque prodigiis, quæ permota SANCTITAS VESTRA eò tandem devenit, ut pronunciaret: *Tutò procedi posse ad solemnem B. Viri Canonizationem.*

Supereff nunc PATER SANCTISSIME, ut id ipsum, quod fieri posse non est dubitatum, firmissimo Oraculo compleas & exequaris, beatumque Camillum de Lellis inter sanctos Confessores præcipias esse venerandum. Hoc a Te expectat catholicus Orbis; id fidens implorat Ministrantium Infirmis benemeritus Ordo. Id ipsum denique enixius efflagitat, qui coram Beatitudine Tua humillimè eloquitur, Archiepiscopus Theatinus, in cujus diœcesis Oppidum Bucclanici clauditur, quod Sanctissimo Heroi natale præstitit solum. Ibiq; veluti e conspectu deprehendere licuit, religiosum cultum Populorum crebrescentem in dies famam sanctitatis & frequentium gloriam miraculorum. Adeo ut tanquam de re propria sollicitior evaserit animi ardor, ad expetitam solemnem Canonizationis gratiam a SANCTITATE TUA feliciter reportandam.

STANISLAUS Poliastri Archiepiscopus Rossanen. Assistens.

DUm suprema illa & admirabili, qua super omnes auctoritate & eloquentiâ eminet SANCTITAS VESTRA, divinæ vocis interpres: Et ex sublimiori, quo præsidet Apostolico Solio, beati Camilli de Lellis verba faciebat; dumque tanti Viri heroicas virtutes innumeris a Deo illustratas miraculis, debitis laudibus prosequendas debitisque celebrandas honoribus; mira, qua pollet ingenii sublimitate, dicendi fœcunditate, & raritate prudentiæ nobis ingerebat sectanda vestigia, nosque docebat, tunc demum pro merito congruis ille afficietur honoribus, cum publico Apostolicæ Sedis judicio divinaque auctoritate Sanctorum Lauream feliciter consequetur: In ipsum Beatum, in ipsam Camilli præclarissimis virtutum omnium gestis ornata, innumerisque cœlitus roborata miraculis eximiam sanctitatem, mentis & oculorum aciem conjeci; cumque jam cogitare cœpisssem, quæ & quanta in uno admirentur charismatum dona, quæ & quanto sensu suo unusquisque sortitus erit gaudere triumpho, statim compertum habui, quàm digna res esset, quàm felix nostra conditio, si in Sanctorum agmine adscriptum haberemus Camillum! Et quidem profectò. Nam si fortiter ea, quæ in Camillo errante, in Camillum pœnitentem, sicuti de Saulo in Paulum inscrutabilis egerat divina Providentia, Errantibus ut in viam possint redire justitiæ & veritatis, Camillus spem tribuit & lumen ostendit^a: Si ægrotis, ut ad portum sanitatis possint pervenire; Virtus Domini erit in illo ad sanandos eos. Si in mortis articulo constitutis omnimodam eis æternæ salutis fiduciam,

^a Luc. cap. 5.

ciam, Coadiutoremque fidelem comparare velimus; Camillus egregiæ Religionis Ministrantium Infirmis Institutor sollicitus præsto erit & verbo & auxilio, ut ipso mortis agone in fide inveniantur stabiles, & in opere efficaces. His igitur SANCTITATI VESTRÆ reverenter expositis, cum superna benignitate cautum sit atque dispositum, ut qui in terris positus ut esset exemplo, in Cœlum levatus ut esset Patrocinio; vota excipiat & oret, quancitiùs pro nostro omniumque præsidio, inter Sanctos relatum liceat, ut veneremur obsequio.

FERDINANDUS MARIA de Rubeis Archiepiscopus Tarfi Assistens.

Supremus ille omnium arbiter, qui toties ^a *substinuit in multa patientia vasa iræ, apta in interitum, ut ostenderet divitias gloriæ suæ in vasa misericordiæ, quæ præparavit in gloriam*; sicut ex Saulo Paulum fecit, ita ex perditio Aleatore Camillum sanctum fecit exemplum bonorum operum. Adeo malè transacti temporis usuram sarcivit, ut quæ reliquit virtutum specimina, jure postulent, sacris dypticis ipsius nomen adscribi. Ita qui prodigium factus est multis, fiet in Cœlis omnibus adiutor fortis.

JOANNES ANDREAS Tria Archiepiscopus Tyri Assistens.

Camillus de Lellis ex Saule in Paulum conversus illico charitatis theatrum aperuit, & copiosam Christi fidelium multitudinem post se trahens, virtutum omnium director evasit. Communicato consilio cum S. Philippo Nerio ejus Confessario Religiosam professionis suæ familiam in Populorum salutem instituit, ac per Provincias propagatam reliquit. Misericors autem Dominus, qui mirabilis est in Operariis suis, multiplicibus donis Camillum illustravit. Inter alia in aere elevatus arcana cœlestia penetrabat, morbos solo tactu curabat, aquam in vinum convertit, exiguo pane multos opiperè saturavit, Angelorumque consortium testante eodem S. Philippo Nerio meruit.

Hinc veteri Instituto servato, SANCTITAS VESTRA Camillum miraculis vivum, & post mortem clarum in Beatorum Catalogum retulit: Cum autem omnia alia fuerint expleta, quæ ad ejus Canonizationem sunt necessaria, tutò ad illam perveniri posse humillimè censeo: Sicque Religiosorum Ministrantium Infirmis Familia hoc perfectionis exemplum, & ducem, ac christiana Respublica contra præsentis temporis nequitias apud Deum invictissimum intercessorem habebit.

MICHAEL MARIA Vincentini Archiepiscopus Theodosiæ Assisens .

QUIS de B. Camilli de Lellis Canonizationis merito ambigerit , cum pensata conversione , inspectis virtutibus , perpenso de adjuvandis Infirmis opere , de Eo inter Confessores adscribendo excogitatum sit a SANCTITATE VESTRA ? Confirmant æquissimam sententiam crebra miracula , Coelumque ipsum ob prodigiorum frequentiam inter cœlestes Cives connumerandum Camillum conclamat .

SIMON Gritti Archiepiscopus Tyanensis Assisens .

BEATISSIME PATER . Omnipotens Dei nostri , ac a fine usque ad finem sortiter pertingens , suaviter mirabiliterque disponens dextera suæ immensæ virtutis , ubique in dies vel in minimo sinapis grano collucentes prodit effectus , quorum ubertas quem lateat in beato Camillo de Lellis ? Qui a primævo aliquandiu digressus innocentiae tramite , ut Deo excitante cognovit , in veritatis viam ab eo , qui a longè cognoscit , revocatus in maximum exarsit subinde charitatis incendium , quo nedum præteritas purgavit , ac in favillas penitus redegit maculas suo iniustas juventutis flori ; verùm etiam eo usque ad consummationem est progressus , ut vitam quoque suam aliorum spirituali potissimum , necnon temporali posthabuerit tuitioni , ac prorsus vilissima quæque , atque periculis plena eum in finem huc , illuc vel in remotissima accurrendo , amplexus ministeria visus sit profudisse , sui præterea Instituti habere voluerit Alumnos , in quibus adhuc vigere deprehendit ? Eximius sanè in Proximos portentus Camilli ardor ; in quo quàm maximè sibi complacuerit , tot miraculorum in vita & post obitum ostensione comprobavit Altissimus : proptereaque tutissimum inde SANCTITATI VESTRÆ Camillum Sanctorum Fastis adscribendi promanat iudicium , ut det illi de fructu manuum suarum , quem laudant & glorificant in Sion opera ejus .

JOSEPH MARIA Rufus Archiepiscopus Capuanus Assisens .

QUÆ ad veræ sanctitatis vestigia premenda , quæque ad Virum sanctum in Ecclesia Dei perficiendum maximopere optanda sunt ; beatus Camillus de Lellis ex Bucclanici Oppido Theatinæ diœcesis in Regno Neapolitano Fundator Clericorum Regularium Ministrantium Infirmis vitæ suæ cursu feliciter præstitit . Tantus enim radiante Dei gratia virtutum poenitentiae , orationis charitatis in Deum Proximumque suum , & præcipuè humilitatis cumulus in eo præfulsit , ut tanquam lignum , quod plantatum est in vinea Domini secus decursus aquarum Proximis suis , ubere-
rem

rem admirationis, utilitatis, imitationis ac profectus de virtute in virtutem suo tempore fructum dare non destiterit.

Nec Servo Dei defuere hic etiam in terris cumulatissimæ prophetiæ, curationum, discretionis spirituum gratiæ, ac post ad beatam Patriam transitum probata miracula; quibus Cœlestis Pater humilem ejus spiritum exaltare voluit: Quapropter cum per SANCTITATIS VESTRÆ publicum, ineluctabile Oraculum sub die decima septima Augusti 1745. visum fuerit, beatum Camillum fore canonizandum, ac inter Sanctos referendum, nunc benignè etiam supplicationibus Infirmis Ministrantium Familiæ pro hujus sanctissimi Decreti exequutione fore respondendum, tutò confidimus, ut novus Christi Servus præsentibus calamitatibus præsidio sit toti Orbi catholico. Et ita &c.

NICOLAUS Carafa Archiepiscopus Philippensis Assistens.

IN nostra sancta Religione non ab initio, neque a medio, sed ex fine, maximum nostræ salutis negotium unicè pendet. Huic singulariter beatus Camillus consuluit in extremo vitæ agone per seipsum, etiam peste laborantibus; utque firma remaneret in toto catholico Orbe tam salubris institutionis regula, hæredes instituit Alumnos suos, a quibus non parvum beneficium christiana Respublica experta est. Ideo Sanctorum numero adscribendum censeo; si SANCTITATIS TUE consensus accesserit.

D. FERDINANDUS ROMUALDUS Guiccioli Archiepiscopus
Ravennæ Assistens.

BEATISSIME PATER. Si in Dei & Proximi dilectione ex Christi Jesu testimonio, tota lex pendet, & Prophetæ, & si qui hæc fecerit & docuerit, magnus vocabitur in Regno Cœlorum; hinc meridianâ luce clariùs apparet, maximam fuisse beati Camilli de Lellis tum perfectionem sanctitatis, dum viveret, tum coronam gloriæ post consummationem. Charitatis enim ejus in Deum, quæ narrantur argumenta non stupore tantum, sed suavi quodam ardore animos perfundunt, erigunt, inflammant: Quæ verò de charitate in Proximos, fidem omnem humanumque conceptum pene dixerim, superant atque excellunt. Hæc autem cum præcipuis Italiæ urbibus experta & admirata est Roma ipsa, Mundi ac Religionis Caput, atque animo versat adhuc teterrimis pestis ac famis temporibus innumeros cives servatos, quos temporalibus subsidiis morti ereptos, quos spiritualibus pabulis cœlo donatos: Nosocomia etiam digito signat, domos, vias ipsas, sollicitam Camilli adhuc repetentes charitatem.

Verùm ista non fecit solummodo admirabilis Heros, docuit etiam in odorem unguentorum charitatis suæ innumerabiles verbo & exemplo

trahens affeclas, atque Ecclesiam nova prole fœcundans, quæ tanti Patris pietatem, amorem, dilectionem in Proximos & in Deum præsefert in præsens quoque, ejusque viscera amantissimè dilatat. Quare canonizationem tanti Viri a SANCTITATE VESTRA, BEATISSIME PATER, publicis expetitam votis, toti christianæ Reipublicæ felicem faustamque fore arbitror & confido.

FELIX Solatus Archiepiscopus Thebarum Assistens.

Incomprehensibilis Dei misericordia, quæ non permittit desperandum de aliquo, in beato Camillo de Lellis admiratur: Errantem enim illum ad se reduxit, cadentem erexit, stantem sustentavit, & perseverantem in arduo christianæ poenitentiae & perfectionis stadio ad gloriam introduxit. Reversus ad semitas salutis, ferventiori spiritu incensus ut ostenderet, quod ubi abundavit iniquitas, superabundavit & gratia, præclaro animarum corporumque profectu ad inserviendum Infirmis, etiam dum atrox pestilentia in Urbe grassaretur, incredibili charitate sese exercuit, relicto aliis præsertim sui Instituti Alumnis, ad præeuntem impigrè sectandum exemplo. Tantum igitur Virum BEATISSIME PATER, virtutum omnium laude ornatissimum & miraculis clarum, ut ex Actis ad majorem Dei miserentis gloriam, & ut nemo etiam vitiorum suorum enormitate desperet, tutò in Fastis Sanctorum collocandum censerem.

ANTONIUS Fonseca Episcopus Æfinus Assistens.

Divinae gratiæ largitor BEATISSIME PATER, Camillum de Lellis vocavit, justificavit, glorificavit. Vocavit, ut esset vas electionis, percussus infirmitate humique prostratum: Justificavit ut ecclesiasticæ militiæ adscriptus ascenderet ad Altare, & in tempore iracundiæ fieret reconciliatio: Glorificavit laudibus Pauperum misericordiam illius enarrantes, Infirmorum deprædicantium ejus sollicitudinem, & religiosorum Virorum servantium ipsius Institutiones. Continuo Roma, Genua, Mediolanum, Nolana aliæque Urbes, quæ in præsentissimis pestilentiae, famisque periculis expertæ sunt maximam illius charitatem, Camilli celebrant merita, invocant nomen, auxilium implorant. Eja tandem exaudiantur Pauperum desideria: Sanctorum consequatur honores, ac tanti Viri laudes universa enuntiet Ecclesia.

NICOLAUS MICHAEL Abbati Episcopus Scyllacii.

Exclusa omni patriotica affectione, ut verbis Cassiodori Scyllacii Civis utar, dignum censeo Catalogo Sanctorum adscribi beatum Camillum de Lellis, de cujus virtutibus in gradu heroico, & signanter de charitate

ritate erga Proximum ac de miraculis satis constat. Ut sicut, dum in terris ageret, magno fuit Christifidelibus morti proximis præsidio, sic in Coelis cum Christo regnans iisdem opituletur patrocinio.

NICOLAUS XAVERIUS *Santamaria Episcopus Cyrenensis Afsistens.*

Mandatum ^a Dei novum, *ut qui diligit Deum, diligit & fratrem suum*, cumularissimè implevit beatus Camillus. Ipse enim Mundi vincula blandientis dirumpens, non tantum semetipsum abnegavit, & carnem inedia, nuditate, vigiliis macerando, obtulit Deo in holocaustum; verum diffusa quoque in corde suo charitate, viam mandatorum Domini, qua verbo & exemplo, qua saluberrimis præceptis & institutis percurrere docuit, admirabilem instituens Religionem Ministrantium Infirmis, quæ & Ecclesiam spiritualium aromatum odore perfunderet, & animarum saluti advigilando ægrotis in extremo præsertim agone luctantibus operam omnem diligentiamque præstaret. Cum itaque ad justitiæ coronam & palmam in Coelis ipse pervenerit, Deo in diebus nostris loquente, & Servi sui heroicas virtutes eximiamque Sanctitatem confirmante sequentibus signis, sanctorum Confessorum cultu & honoribus colendum in terris, ex publico Sedis Apostolicæ judicio æquissimum videtur, ut christiano populo prodesse pergat meritis, precibus adsit, & in tempore tribulationis, in mortis angustiis fiat reconciliatio.

BERNARDUS ANTONIUS *Pizzella Episcopus Constantia Afsistens.*

Quibus virtutibus mirificè præfulserit, & miraculis claruerit beatus Camillus de Lellis Clericorum Regularium Infirmis Ministrantium Fundator, neminem latet, dum in sortem Domini, veluti Paulus ex Saulo vocatus charitatem, quam Paulus supra ceteras virtutes opere & sermone extulit, præcipuum sui Instituti fundamentum ponere, & mirabili exemplo exercere studuit: Factus enim omnibus omnia, & adiutor in opportunitatibus, in tribulatione, non semel Pastoris ad instar, morbis & æumnis confectos fovit, adjuvit, sanitati restituit. Quod virtutum & laborum in Coelo mercedem receperit, non ambigitur; ut in Sanctorum Album sicuti par est, Camillus accenseatur, Tuum est perficere BEATISSIME PATER, cui Christus Dominus supremam contulit auctoritatem.

Fr. PAULUS Alpheran de Buffan Episcopus Melitenfis Afsistens.

BEATISSIME PATER. Ardentissima Dei & Proximi charitas diffusa in corde beati Camilli de Lellis Ordinem Ministrantium Infirmis excitavit, erexit, solidavit. Quid nempe sanctius quàm Infirmis præsertim morientibus opem spiritualem afferre momento, unde pendet æternitas? Mirificavit enim Dominus Servum suum multis signis & miraculis; ea propter censeo tam præclarum Fundatorem in Sanctorum Album a SANCTITATE VESTRA esse referendum.

*ALEXANDER de Abbatibus Episcopus Viterbiensis
& Tuscanensis Afsistens.*

Christi Domini exemplo alienos serebat languores B. Camillus de Lellis factus Infirmus pro Infirmis, ut Infirmos lucrificaret, illudque assequi studens, ut sua ipsius suorumque Regularium virtus in aliorum vel pestiferis infirmitatibus perficeretur. Nemini non compertum est, quàm indefessa sollicitudine sese ille devoverit Ægrotantium ministerio, eorum cum primis, quorum æterna salus periclitabatur. Ipsi nunc in tuta Coeli statione collocati frequenti corona circumstant suæ felicitatis auctorem, Deumque enixè rogant, ut supremus Ecclesiæ Hierarcha debitos tanto Sospitatori honores decernat. Accedunt Superiorum votis exaudienda vota mortalium adhuc in terris peregrinantium, ut prævio insuper miraculorum suffragio Camillus de Lellis, quem paucis ab hinc annis SANCTITAS VESTRA inter Beatos recensuit, ampliore jam cultu Sanctorum Fastis adscribat.

NICOLAUS FRANCISCUS de Bonhome Episcopus Carpasienfis Afsistens.

DE repente, ac prodigiosè conversus B. Camillus de Lellis Fundator Ordinis Ministrantium Infirmis exultavit ut gigas ad currendam viam, & brevi temporis spatio complevit tempora multa, secutusque specialem Christi doctrinam: discite a me quia mitis sum & humilis corde, heroice mitis fuit benefaciendo inimicis suis, & adeo humilis ut frater humilis ab aliis vocaretur, atque super hoc duplici solidissimo fundamento omnes virtutes, ac præcipuè ardentissimam charitatem magnificè superædificavit, cum qua mirificè, & in gradu perfecto exercuit opera misericordiæ, & maximè erga Infirmos, exponendo etiam multoties animam suam, ut eis spiritualiter & corporaliter succurreret, ita ut ipsum retributionem opera misericordiæ exercentibus pollicitam a Christo; venite Benedicti Patris mei possidete paratum vobis regnum a constitutione mundi, adeptum esse non veniat dubitandum, præsertim, quod

quod Dominus Deus multis signis & miraculis illud testari ad conversionem in Peccatoribus & refrigerentem charitatem in cordibus fidelium excitandam dignatus est; hinc cum super ejus Canonizatione acta processum sint rite peracta, ad ejus executionem tutò posse procedi existimo, & ita a SANCTITATE VESTRA exoro.

LUDOVICUS ANTONIUS *Valdina olim Cremona Episcopus
Hermopolitanus Afsistens.*

SANCTITAS VESTRA, cui a Christo Domino quodammodo datum est scribere digito Spiritus Sancti, sequetur, arbitror, ejusdem infallibilem ductum, si solemni Canonizatione Fastis Sanctorum adjungat beatum Camillum de Lellis. Hunc antequam nasceretur, præmonstravit Dominus Matri parituræ Cruce insignitum in pectore, & ducem innumerae turbæ eadem Cruce decoratæ. Ut præsagium non falleret eventus, quem mundi caligo inimicum reddiderat Crucis Christi, lux improvisa de Cœlo ad terram afflixit, & de Saul erexit in Paulum, ut de vase iræ & contumeliæ vas electionis efficeretur, ex quo per universam Ecclesiam odor diffunderetur agri pleni, religiosæ scilicet Familiæ, in qua virtutum omnium flores redundant ad uberem Populorum utilitatem. Collocet ergo SANCTITAS VESTRA hoc vas in Altari Sanctuarii, ut Fideles omnes currant in odorem unguentorum illius.

FABRICIUS *Borgia Episcopus Ferentinus Afsistens.*

BEATISSIME PATER. Laudatam in sacris literis Tobie pietatem, qui popularibus suis in servitutem adductis, nec alimenta vivis, nec sepulturæ honorem defunctis deficere passus est, in B. Camillo de Lellis accepimus refluuisse, & sanè præstantius quod morituris quoque ipse consuluit eo temporis momento, a quo pendet æternitas. Virum hunc a SANCTITATE TUA superioribus annis Beatum rite appellatum, cum novis ad invocationem ejus patratis miraculis Deus illustret, censeo modò sanctis Confessoribus adscribendum, ut sicut ejus Alumni pugnantibus in extremo Agone monita salutis ministrant in terris, ita ille ampliori cultu invocatus, sit e Cœlo fortis adiutor.

NICOLAUS *Spinelli Episcopus Aversanus Afsistens.*

QUoniam in beato Camillo de Lellis præ ceteris id eluxit Fidei Propagandæ animarumque salutis, quod apprime optabat, consulendi studium, ut illum neque asperitas viarum, neque longitudo itineris, neque debacchantis pestilentie vis, neque intumescens aquarum Tiberis impetus, & extrema quæque minitantiæ retardaverint; imò magis magisque

gisque ad susceptum opus perficiendum inflammaverint , Domino coeperante , & ipsius res præclarissimè gestas signis confirmante ; idcirco in id consilii descendo , ut Sanctorum numero adscribatur , ac publicæ Christianissimorum venerationi proponatur .

*HIPPOLYTUS e Rybeis Sancti Secundi Episcopus
Senogalliensis Afsistens .*

IMpletum habetur in beato Camillo de Lellis evangelicum effatum : Gaudium erit coram Angelis Dei super uno peccatore poenitentiam agente : Dissipaverat enim ille ad instar prodigi adolescentis omnem substantiam suam indulgendo aleis ceterisque vitiis ; at ubi surgens rediit ad Patrem , stolam primam recepit , & cum Angelis Coeli visus est adhuc in terris conversari . Angeli conversari cum illo ; quin etiam ab ipso Angelorum Domino confirmari se audivit ad prosequendum eximiae humilitatis & charitatis opus ministrandi Infirmis jacentibus in Nosocomiis . Modò iterum gaudium Coelo erit & Mundo , quatenus SANCTITAS VESTRA illi statuatur superos honores , quem Angelorum Dominus amplexus est poenitentem , quem Clericorum Regularium Ministrantium Infirmis dedit Parentem , quem postremò miris in vita & post obitum signis coruscantem suorum Angelorum consortio associavit in gloria .

*D. PAULUS THOMAS Marana Episcopus Afculanus
in Piceno Afsistens .*

BEATISSIME PATER . Quod a Divo Ambrosio de S. Apostolorum Principe Petro scriptum est ; fidelior factus est Petrus , postquam fidem se perdidisse deslevit , atque ideo majorem gratiam reperit , quàm amisit : De B. Camillo de Lellis prædicari posse arbitror , qui ex juvenili errorum umbra mediante divinæ gratiæ adjutorio , quæ de tenebris facit lumen splendescere , perspicuam de se poenitentiae lucem non sub modio , sed super candelabrum hac in Urbe posuit : Memor insuper doctrinæ Christi Domini , ad quem toto corde & viribus se convertit , Dei scilicet amorem a charitate erga Proximum nunquam esse sejunctum , spirituali corporalique Infirmorum saluti totum se cum aliis sibi charitatis & obedientiæ vinculo conjunctis perpetuò devovit . Quapropter si ipse dum in terris esset , indurus est viscera misericordiae , benignitatem , humilitatem , patientiam ardentemque charitatem , quæ omnia electionis & sanctitatis signa juxta Apostoli sententiam præferunt , congruum puto , ut universo christiano Orbi infallibili BEATITUDINIS VESTRÆ Oculi in posterum clariùs eluceat tam insigne poenitentiae & charitatis exemplar .

Fr. SIL-

Fr. SILVESTER Merani Episcopus Porphyrien. Afsistens.

AD Ecclesiæ catholicæ decus, ad Ecclesiasticorum exemplum, ad Fidelium ædificationem & utilitatem, & ne Deo tot signorum ac prodigiorum vocibus loquenti videamur aures non præbere, congruum & æquum est, ut quantocius per SANCTITATEM VESTRAM in Sanctorum Canonem referatur B. Camillus de Lellis ægrotantium Pater optimus, morti proximorum singulare solatium, Christi denique in miserorum & languentium omnium cura imitator præcipuus.

NICOLAUS Manciforti Episcopus Anconitanus Afsistens.

QUàm inscrutabilia sunt judicia Dei? quid non est ab ejus gratia expectandum! Beatus Camillus de Lellis in adolescentia sua a bono opere quocumque deflectens, de repente ad viam salutis reducitur, & virtutibus omnibus adeo præstat, ut ceteris fiat exemplum & Magister. Charitas autem, quæ virtutum maxima est, ita in eo præfulsit, ut in hac ipsa Urbe peste grassante, pro periclitantibus Civibus *animam suam ponere non dubitaverit*: Quamobrem æquum omnino arbitror, ut SANCTITAS VESTRA Beatum ipsum eximiis miraculis undique circumfultum, benemerentis Ordinis Fundatorem, Fidelium votis inhærendo Sanctorum Factis adjiciat.

ANTONIUS Cantoni Episcopus Faventinus Afsistens.

ÆMulatus est charismata meliora B. Camillus de Lellis, omnes christianas virtutes mirè sectatus, eamque potissimum, quæ ceteris major est, charitatem. Porro tanti Viri sanctitas, quam nobis suadet Religiosi Ordinis ab eo instituti præstantia, quamque probata miracula rite testantur, alterius quoque Sancti testimonio commendatur, nimirum sancti Philippi Nerii, qui ipsius lateri adstantes vidit angelicos Spiritus, ut quorum ministerio in terris est usus, eorum ope ad cœlestem Patriam deductum esse non dubitemus. Meritò igitur SANCTITATIS VESTRÆ definitiva sententia in memoriam vertatur hominum, qui ad gaudium transiit Angelorum.

PAULUS Bonavisa Episcopus Spoletinus Afsistens.

Plissimus Sacerdos Camillus de Lellis per plurima & heroica bona opera sua certam vocationem & electionem suam facere studuit: Nam jugiter in membris suis mortificationem Crucis Christi portavit, inediis vigiliis aliisque austeritatibus corpus suum in servitutem Christi redigendo.

do: Non dubitavit etiam ponere animam suam pro fratribus & amicis suis inserviando Infirmis peste laborantibus monitisque salutis instruendo: Charitate erga Deum ita efferbuit, ut per admirabiles ascensiones obtinuerit elevari ad intimam unionem divinam pluribusque donis prophetiæ discretionis spirituum aliisque charismatibus cumulari: Quàm fuerit inde pretiosa mors ejus oculis divinæ majestatis plurima prodigia rite probata luculentissimè testantur, quorum luce directus crederem cœlestem hanc lucernam locandam esse in altissimo Ecclesiæ candelabro, ut luceat omnibus, qui in domo Dei sunt, si SANCTITATI VESTRÆ ita placuerit.

CÆSAR BONAÛUTI Episcopus Pharensis Afsistens.

Virtutes istæ BEATISSIME PATER, jucundissimæ semper fuere Camilli de Lellis delitiæ: Jacentes recreare, laborantes in extremis ope & fide confirmare, omnium bono consulere, sibi tantum defuit, se solum neglexit. In spiritu patientiæ & charitatis, Virginibus, Pupillis, Infirmis præcipuè, Peregrinis & Esurientibus præsto semper fuit. Iste verè contra omnes Adversarios scutum timoris Dei tandiu infatigabiliter tenuit, donec ad victoriam, quam ardentissimè optabat, feliciter pervenit. Utilius est enim BEATISSIME PATER hominum magis memoriæ laudem dare, quàm vitæ; Ideo B. Camillus de Lellis in Sanctorum Choris adscribi meretur, ut nomen ejus vivat in generationem & generationem, charitatem suam sectentur Populi, & laudes ejus nunciet Ecclesia.

MARIUS Maffei Episcopus Fulginas Afsistens.

Non est major misericordia^a BEATISSIME PATER, quàm quæ exercetur circa Infirmos. Ibi enim pascitur esuriens, potatur sitiens, vestis nudo paratur, lectus fatigato subvenitur extraneo, visitatur ligatus vinculis infirmitatis . . . & sic in hoc opere misericordiæ, omnia opera adimplentur. Hæc porro omnia charitatis opera mirum in modum Camillus de Lellis perfecit dum viveret; hæc usque modò Filiorum suorum perficit ministerio. Camillus igitur de Lellis ita disposuit sermones suos in judicio, ut quia esurienti cibum, sitienti potum, nudo vestem, peregrino xenodochium, Infirmo nosocomium, cunctis denique opem paraverit, æternâ justorum memoriâ recolatur. Hinc quia misericors Deus dives est in miserationibus suis, Camilli in Proximi charitatem admirandis probatisque signis sibi demonstravit acceptam. Tuum propterea est BEATISSIME PATER, Camillum de Lellis Sanctorum Fastis adscribere, ut quem opitulatorem sensit christianus Orbis in terris, intercessorem experiatur in Cœlis.

GVI-

^a Venerabilis Humbertus de Romanis V. Magister Generalis Ordinis Prædicatorum, expositionem in regulam S. Augustini par. 4.

GUIDO Ursellus Episcopus Casenæ Assistsens.

C Amillus de Lellis cum religiosum coetum Infirmis ministrantium instituit, adeo bene de christiana pietate, atque hominum salute meritus est, ut quæ in antea vita peccavit, tanto eximiæ charitatis invento satis superque deleverit: Accedit, quod ceteris summæ hujus charitatis Sociis atque Administris virtutibus, supra quam dici possit, ornatus & excultus omnem sanctitatis verticem attigisse videatur. Qua de re si talem ac tantum Virum miraculis etiam clarissimum Sanctorum Factis adscribat SANCTITAS VESTRA, habebit christiana Respublica universa & quod tanti Pontificis sapientiam magis magisque demiretur, & quod beatissimum Virum quasi divinum aliquod virtutum omnium exemplar sibi ad imitandum proponat,

LEO LUCAS Vita Episcopus Oppidenfis Assistsens.

BEATISSIME PATER. Prætermisiss virtutibus & miraculis, quibus satis superque ad solemnem beati Camilli de Lellis Canonizationem deveniri posset, id unum præ ceteris sufficere censeo, quod Camillus dum sensim in vitia declinaverat, & ex castro Sancti Joannis Manfredoniam revertebatur, velut alter Saulus jumento insidens, insolita luce de Cœlo periussus, in terram prostermitur, atque antea vitæ errores animo reputans, statim dolore percitus in Virum alterum transmutatur, & exinde totum se Deo, ac in animarum lucra convertit; quapropter præ nimia, qua flagrabat charitate erga Proximum, Congregationem Clericorum Regularium instituit, quarto addito voto Infirmis omnibus etiam peste infectis ministrandi, & extremo agone degentibus, piis precibus & cohortationibus opem ferendi.

 *ÆGIDIUS ANTONIUS Isabelli Episcopus Alliphanus Assistsens.*

BEATISSIME PATER. *Quam bonus Israel Deus*, qui vocando nos in admirabile lumen suum, charitatis propriæ viscera ostendit; præclarum hujusce rei extat exemplum in B. Camillo, qui a viis peccatorum supremâ abductus providentiâ, tantis charismatum donis fuit postea illustratus, ut amore præsertim erga Deum & Proximum æstuans, veræ charitatis holocaustum evaserit: Cum enim ex toto corde suo, & ex tota anima sua Deum diligens, atque Proximum supra seipsum, legem ille cumulativè impleverit; quemadmodum retributionem jam habuit in Cœlis, ita par est, ut nunc per SANCTITATEM VESTRAM in Sanctorum Albo referatur, ut ita Deus, *qui vera charitas est*, in eo, ac per eum magis glorificetur.

JOANNES ANTONIUS Bachetoni Episcopus Anagninæ Assistens.


E Micat SANCTISSIME PATER, beati Camilli de Lellis foecunda ac prolifica charitas ex Institutione eorum Regularium Clericorum, qui in novissima hora exeuntes & undequaque cursitantes, quotquot inveniunt malos & bonos de sero colligunt; & de plateis aliisque latioribus viis, ad arctam & angustam reductos, ad coenam magni Patrisfamilias intrare compellunt. Erga Deum & Proximum tam mira charitas, aliarum etiam virtutum stipata satellitio cumulatissimè incescit: quibus illustrandis roborandisque non pauca accessere miracula, alia ex instantaneo beati Viri Iconis contactu; alia ex ejusdem Cellæ operosi pulveris haustu, ut egomet, tanquam ex missis Judicibus unus, cognovi, miratus sum, retuli. Hæc eadem & plura, BEATISSIME PATER vidisti, & lætatus es. Ad totam itaque militantem descendat Ecclesiam visibilis capitis sui lætitia hæc tanta, & cujus prolem extremis adesse cupimus, in Sanctorum Fastis nunc gratulemur venerari Parentem.

*FRANCISCUS ANTONIUS Spadea Episcopus Aquinas
& Fregellarum Assistens.*

BEATISSIME PATER. Sicut gaudium magnum fuit in Cœlo coram Angelis Dei super B. Camillo de Lellis poenitentiam agente, sic ejus vita maxima est in terra Peccatoribus causa lætandi, cum cernant quid cum eo egerit Dei omnipotentis miseratio, discantque quid etiam cum ipsis actura sit, si ut Camillus respondeant. In eo alter apparet Saulus humi prostratus, & Paulus erectus, & e vase ignominiae in honoris vas immutatus. A plagis animæ, cum se a Christo Domino Samaritano Evangelico curatum agnovit, quasi sibi dictum fuisset: vade, & tu fac similiter: hoc unum sibi imitandum proposuit, ut Proximorum infirmantium animarum & corporum saluti consuleret, accedente sancti Philippi Nerii consilio, qui sibi a Confessionibus erat. Mira porro sunt, quæ iste Vir Dei divina charitate succensus, in Urbis non tantum Xenodochiis, sed etiam spurcissima peste grassante per vicos, & plateas per domos & compita, etiam in aliis Italiae Urbibus egit, ut ægros a prima non minus, quàm a secunda morte præriperet; immo ne tam magnum pietatis opus cum sua vita deficeret, Alumnos collegit, & Crucigerorum Institutum fundavit, quo per futura etiam secula, præcipuè luctantibus cum morte succurreret. Auctus præterea fuit B. Camillus curationum dono, aliisque tam vivens, quàm post obitum adeo refulsit, ut ipsa Roma Urbs fortitudinis nostræ, quæ charitatis ejusdem ac admirabilium operum meruit esse theatrum, summoperè exoptat, & cum ea universus catholicus Orbis VESTRAM SANCTITATEM exorat, ut dignetur B. Vi-

B. Virum summo decorare Canonizationis honore ; cujus in dies intercessionis gaudet effectibus , & sui præclari Instituti spiritualibus consovetur auxiliis .

SCIUMÆ ILUMURI AT.



Se tæ ggiḡḡato caḡḡsc Ky'duhenæ præ tæ scietanua-
næ tæ lumænæ Camil de Lellis yan bænæ gner taḡet
fort Miræ me hijr tæ tænaḡ ḡoti , e me tæ Maḡenæ
urtæḡij tænde . Gnæ punæ vetamæ duhet , faa scnuhet
æmbni ithih me tæ tieræ scetæna . Kæið ndeer i tu-
con me ggiggæ , pḡe pat scium lavdime , e scium
tæ dasciunæ præi tænaḡ ḡoti , o prei sciocunæ , e
schignanæ . Kæyð edasciunæ duron ḡod , e ggiḡḡ monæ præ tæ ma-
ḡenæ sciokærij , ayð kia scær ben ta sæmurturit . ḡotæn caa scium
dæstuaræ tæ maḡenæ scietnii etiyaḡ me scium scegne . Andai i lumu-
ri At tæ lutemi , e tæ falemi ggiḡḡ faa iemi , eḡe unæ præ pies tæ
Arbænit tæ scruaḡe eḡe kætæ ndæ tæ tieræ scietana .

Josefi Schirò Archiscopu i Durfit , e Vicar Aposto-
licu i Hymarræ ndæ Arbænit .

Ejusdem Versio latina .

JOSEPH Schirò Archiepiscopus Dyrrhachinus olim Vicarius Apostolicus
Cimarræ in Epiro .

BEATISSIME PATER : Cum quæ ad solemnem Canonizationem B. Ca-
milli de Lellis pertinent , sint ea omnia hæctenus peracta rite ac
rectè , Deo auspice , ac excelsa sapientia Tua : Unum superest , ut ejus
gloriosum nomen aureis notis , si fas erit , tandem aliquando scribatur
in sacris dypticis , ubi ceterorum Sanctorum nomina recensentur .

Hocce honoris signum in terris videntur expetere , & quidem jure
meritò : Primo , omnes ejusdem B. Viri eximie virtutes , præcipuè ve-
rò immensa illa charitas , quâ erga Deum & Proximum , & flagrabat
quoad vixit , & adhuc operatur , tota plaudente Ecclesia , per amplissi-
mum Ordinem ab ipso institutum , ut Infirmis omnem opem , omnem-
que operam alacriter impendat ; deinde insignia miracula , quibus Deus
Optimus Maximus dignatus est comprobare excellam Servi sui Sanctita-
tem . Hanc gratiam BEATISSIME PATER jamdiu ingenti desiderio optat
& Urbs & tota christiana Respublica ; hanc ipsam exoptat augustus
iste Senatus ; & pro ista ego quoque , licet omnium indignissimus , ve-

nerabundus sistens coram Tuo Apostolico Throno, humillimas fundo preces, etiam nomine totius Epiri, sive Albaniae ex qua originem duco, uti jam benignissimè excepisti loquentem proprio Idiomate.

Ը

ԲՆՎ ԱՐԲԱՂՆԱԴՈՂՆ ԼՁՄԵՆԱԳԵՐԱՓԻԱՆ ՀԱՅՐ
ԴԵՐԵՐԱՆԵՅԵԱԼ :



ԼՎ ԱՐԲԱՂՆԱԴՈՂՆ ԼՁՄԵՆԱԳԵՐԱՓԻԱՆ ՀԱՅՐ ԴԵՐ
ԵՐԱՆԵՐԻ : Օհ անա Երանելին քամիլոս հըն
չակեցեալ եղև բաղմազան ԼՁԱՐԵԽՆՈՒԹԷ, և
լուսափայլեցաւ մեծամեծ Աբանչելեօք : Բայց
առաւելապս եղակաւացաւ ԲղորմուԹԷ, և
գԹուԹԷ առ ընկերս քանզի՝ Հիմադրելով՝ ըզ
Լյարդն սպասաւորուԹԷ հիւանդաց, յատկա
ցոյց այսու՝ զի նշանս սբյ խաչին՝ ի կուրծս իւրաքանչիւրոյ եղ
բարց կրիցի : ԲԼԱՍԻ համարիմ Թէ՝ նոյն իսքն ԼՁՄԵՆԱԲԱՐԻՆ
ԼՂԾ՝ իւրով ԼՂԾայնով կարգադրուԹԷն, պահեալ իցէ զսրբա
ցուցանելս սորա՝ զս այսպիսւոյ ժամանակի, յորում աշխարհն
կայ ի մեջ մեծի ալեկոծուԹԷ ի նեռն հոգւոր, և մարմնաւոր պա
տերազմաց, Թէ՝ ի յարեմուտսն Թէ՝ ի յարեւելս : ԲՆՎ զի՝ բարեխո
սուԹԷ այսորիկ սրբացուցանելի երանւոյս, համայնք ախտա
ժեւեցեալք ի հոգւոր և ի մարմնաւոր պատերազմաց՝ և ախտից,
կատարելապս բժշկեսցին : Եւ բարձրացեալ պայծառասցի նշանս
սբյ խաչին՝ ող ի յարեմուտս, նոյնպս ի յարեւելս :

Աարդիս ԼՂԵՐՍԱՆԴՐԵՆ, ԼՁՐԷ Եպսկոս
Լյեսարիոյ Լյապատովկեան, Հայոց :

Ejusdem Versio latina .

SERGIUS ALEXANDRI Armenus Archiepiscopus Casarea Cappadociae .

Multa quidem sunt, quibus beatus Camillus excelluit virtutum ac miraculorum insignia, quae in ejus vitae Compendio recensentur : Sed illud praeter ceteris magis aptum & opportunum videtur, quod in praesenti calamitosa rerum Orientalium, & Occidentalium statu commemoretur ; quod nimirum & Infirmis ille ministrare in deliciis habuerit, & Ordinem amplissimum a se institutum tam pio ministrandi Infirmis officio distinguendum voluerit, & Crucis in pectore gerendae formae exornandum . Jure igitur postulamus, ut ipsum SANCTITAS VESTRA in
ter

ter Sanctos enumerari decernat: Hoc præsertim tempore, quo totus terrarum orbis teterrimo veluti bellorum ac tumultuum morbo languet, & Crucis vexillum in Oriente, ubi augustissimè olim fulgebat, sævissima Infidelium potestate cogitur tamquam sub modio lucerna delitescere. Fore enim confidimus, ut isto in terris auctus Sanctorum honore, cujus inter Sanctos fors est in Coelis, morbos auferat, bella avertat, & sanctissimæ Crucis signum, sicut in Occidente, sic & in Oriente triumphare faciat.

STEPHANUS Evodius Affëmanus Archiepiscopus Apameæ.

Nescit tarda^a molimina Spiritus Sancti gratia, BEATISSIME PATER, quare autem^b illum trahat, & non illum trahat, judicare noluit, ne erraret beatus Camillus; at semel accipiens intelligensque se nondum trahi, oravit ut traheretur, & subito^c circumfulsit eum lux de Coelo. Is verò haud moram anceps innectit, suprema Domini verba recolens^d: *In hoc cognoscent omnes, quia Discipuli mei estis, si dilectionem habueritis: Et illa^e: Majorem hac dilectionem nemo habet. ut animam suam ponat quis pro amicis suis; quum^f charitas nunquam excidat; sed amplissimum Clericorum Regularium Infirmis Ministrantium Ordinem, ceu arborem^g illam magnam, in cujus ramis requiescerent volucres Coeli, saturus ægros omnes colligit, collectorum vulnera alligat^h, infundens oleum & vinum, fovet & recreatⁱ, curans gentem suam, & liberans eam a perditione: Circa illum autem^k corona Fratrum, quasi plantatio Cedri in Monte Libano, & quasi rami palmæ ad consummationem Sanctorum^l, in ædificationem Corporis Christi. Divinæ itaque vocis Interpres SANCTITAS VESTRA celeberrimum Patriarcham publico dedat Fidelium cultui, qui se salutis publicæ victimam devovit; æquum enim est, ut cujus heroica gesta, nec non frequentia miracula Ecclesiam illustrarunt, Is ab eadem Ecclesia, supernis repensum custodibus suis, honorem sibi ultro delatum glorietur.*


BERNARDINUS Vari Episcopus Civitatis Castellane & Hortæ.

BEATISSIME PATER. Quantus & qualis fuerit beatus Camillus de Lellis, licet conicere ex illis verbis, quibus Christus Dominus in extremo judicio Electos est allocuturus^m: *Infirmus eram, & visitastis me: Quod si divinus Judex Infirmos utcumque visitantibus æternum gloriæ præmium est redditurus, quantam cœlestis gloriæ magnitudinem necesse est retribuerit beato Camillo, qui infinitos propemodum Infirmos visita-*
vit,

^a S. Ambr. l. 2. de Sp. Sancto. ^b S. August. Tract. 2. 6. in Jo. ^c Act. 9 ^d Job. 13. 35. ^e Job. 15. 13. ^f 1. Cor. 13. ^g Luc. 13. ^h Luc. 10. ⁱ Eccl. 50 ^k Ibid. ^l Eph. 4. ^m Matth. 1. 25. v. 36.

vit, & ut a Suis visitarentur constituit, qui eosdem orationibus juit, subsidiis spiritualibus munivit, & ut æternam salutem consequerentur curavit? Quocirca si tam eximia illius merita peculiarem omnino mercedem a Christo Domino reportarunt, ut miracula ipsa, etiam in mea Dioecesi patrata testantur, necesse est ut ab Ecclesia quoque peculiarem honorem solemnii judicio reportent.

Префернчѣ Пѣрнчѣ.



Нтрѣ чѣлѣ Мннѣнчѣ, шнѣ фѣрѣ нѣмѣрѣ фѣпѣ
бѣнѣ, кѣ кѣрѣ сѣх ѣнѣподобѣнѣ Фѣрнчѣнѣхѣ Камнѣ
Дѣ Лѣлѣ чѣ мѣнѣ тарѣ мѣнѣ сѣ парѣ аѣнѣ кѣ кѣрѣ
днѣнѣ сѣфѣтѣхѣ чѣлѣ бѣнѣ аѣлѣ сѣфѣнѣтѣхѣнѣ Фнѣ
лнѣнѣ Нѣрѣнѣ адѣнѣнѣ дѣ ѣамѣнѣнѣ темѣторѣ дѣ Днѣ
ѣѣхѣ аѣ рѣнѣдѣнѣнѣ, кѣрѣнѣ кѣ лѣгѣтѣхѣ лѣгѣнѣдѣ
сѣ тѣтѣхѣрѣ бѣлѣнѣбѣнѣсѣрѣ, ѣнѣкѣ шнѣ чѣмѣмѣшнѣсѣрѣ сѣ сѣлѣжѣсѣкѣ.
Ачѣстѣ адѣнѣнѣ лѣ чнѣнѣ дѣ сѣѣѣрѣшнѣнѣ Грегѣрѣѣ аѣлѣ дѣ. ѣ рѣдѣнѣ
кѣтѣ. аѣлѣ ѣнѣ Тнѣторѣ ѣнѣ фѣпѣ, шнѣ мнѣнѣнѣ бѣстѣнѣ кѣ ѣнѣнѣ вѣрѣ.
мнѣнѣ нѣлѣстрѣ Бѣнѣднѣкѣ аѣлѣ дѣ. ѣнѣтрѣ сѣфнѣнѣнѣ сѣлѣ нѣмѣрѣ днѣнѣ
сѣфѣтѣхѣ чѣлѣ Днѣѣсѣкѣ аѣнѣ гѣнѣдѣсѣкѣ. Папа чѣлѣ марѣ дѣ аѣкѣрѣѣ
скрѣнѣ. орѣнѣ пнѣнѣтрѣ Фѣрнчѣнѣрѣ Фѣрнчѣнѣнѣсѣрѣ, шнѣ Канѣнѣнѣзѣцѣѣ сѣфнѣнѣ
нѣсѣрѣнѣ нѣ мнѣрѣмѣ. сѣфнѣнѣцѣѣ тѣ Внѣ фѣчѣ кѣмѣ аѣнѣ ѣнѣѣѣцѣѣтѣ.

Іѣѣнѣ Інѣ Кѣлѣнѣ сѣпнѣкѣнѣхѣлѣ Дѣлѣ фѣѣгѣѣрѣшѣ.

Ejusdem Versio latina.

JOANNES INNOCENTIUS Episcopus Fagarasensis.

INter admirandas tamque innumeras virtutes, quibus beatus Camillus de Lellis excelluit, illa maxima mihi fuisse videtur, qua ex gravissimo S. Philippi Nerii consilio Congregationem religiosorum Hominum instituit, qui solemni voto ad inserviendum Infirmis omnibus etiam peste infectis sese obstringerent. Hanc Congregationem olim in perfectam Religionem Gregorius XIV. erexit. Ejusdem Fundatorem virtutibus & miraculis insignem, ut nostris diebus BENEDICTUS XIV. inter Sanctos referret, divino consilio dispositum existimo: Summus inquam ille Pontifex, cujus doctissima de Servorum Dei Beatificatione & Beatorum Canonizatione scripta admiramur. SANCTITAS VESTRA faciet quod ipsa docuit.

POM-

POMPEJUS Compagnoni Episcopus Auximanus & Cingulanus ,

Quum charitas, teste Apostolo Paulo, sit vinculum perfectionis, nihil ego non perfectum video in B. Camillo, cujus sanctissima opera uni planè innituntur vinculo charitatis. Quid enim in ægros præsertim languentes ac morti proximos & vivens ipse præstiterit, & per Ordinem a se fundatum perenni beneficio adhuc præstet, partim est nobis luculenter expositum, partim verò experientiâ ipsisque oculis usurpamus. Accedentibus itaque & Miraculis rite probatis, censeo, secundum ea quæ proponuntur, B. Camillum supremis Cœlitum honoribus cumulandum.

JACOBUS PHILIPPUS Consoli Episcopus Amerinus.

ID potissimum in beato Camillo de Lellis cujus Sanctificationis causa agenda est, BEATISSIME PATER evenisse conspiciamus, quod in psalmo 50. Regius Propheta testatur: *Cor contritum & humiliatum, Deum scilicet non despicere*. Ipse enim adhuc juvenis juvenili ardore ductus eoque a recta via declinaverat, quo interitus ei parabatur æternus, nisi manus Domini facta esset super eum. Hinc culparum suarum mœrore tactus, flevit amarè, & Deus quoque peccatum ejus transtulit, avertitque faciem suam a peccatis illius, & ejus omnes iniquitates delevit; Oh vera mutatio dexteræ Excelsi! ut qui Saulum errantem secutus fuerat, Paulum inde poenitentem sequeretur. Huic propterea tam mirandæ divinæ miserationi, qua culparum suarum poenitentia, ut carnem suam in servitutem redigeret, quo zelo, quave charitate, ut omnes lucrificeret Christo, beatus Camillus responderit, hoc unum recensere sufficiat, quod in se ipso sic sæviit acerrimè, ut in admirabile poenitentiae transiret exemplum; sic omnes adjuvit, ut nullos labores, pericula nulla refugerit, eumque instituerit Ordinem, cujus Alumni Infirmis peste quoque infectis inservire solemni voto obligantur, eam indubitanter recepturi mercedem, quam patiens atque benigna repromittit charitas.

Hunc igitur Fundatorem PATER SANCTISSIME, hisce ceterisque in gradu heroico virtutibus clarum, ne Sanctum dubites, tot signa, tot miracula præcefferunt, quod dederit Altissimus vocem suam; ut Sanctum dicas, universa Infirmis Ministrantium Familia humiliter deprecatur; gens tota exoptat, catholicus orbis expectat. Exaudire proinde SANCTITAS VESTRA dignetur tam cumulata vota, & sic gaudium, quod Angelis jam pridem super eo factum est in Cœlo, nobis equidem erit mox hic in terra commune.

JOSEPH Coppola Episcopus Aquilanus.

MOnens Ecclesiasticus^a: Non te pigeat visitare Infirmum, ex his enim in dilectione firmaberis, ecce quod in plena dilectione, Dei scilicet in charitate & Proximi, beatum Camillum de Lellis excitavit fortiter, constanter firmavit. Quem quidem ardentem dilectionis ignem, aquæ multæ neutiquam extinguere potuerunt. Convenit igitur, ut Roma, sicut D. Philippo Nerio (utpote de se benemerentissimo) gratiorem in dies se exhibet, sic quoque B. Camillum, qui in ordine charitatis post eum abiit, & obsequentissimè consilia secutus est, debit nunc sanctitati lætetur honoribus decorari.

JOSEPH Rossi Episcopus Venafranus.

BEatus Camillus de Lellis Fundator Clericorum Regularium Ministrantium Infirmis, BEATISSIME PATER, est SEIVUS ille fidelis & prudens, quem constituit Dominus super familiam suam, ut det illis cibum in tempore; ipse enim Domino præcipiente & dicente: *inceptum opus proseguere*; sanctum & Christo Domino placitum Institutum summa animi fortitudine ad optatum finem perduxit, ut animabus pretioso Christi sanguine redemptis, & per adoptionem cooptatis inter filios Dei cibum daret in tempore, quo colluctatio est adversus Rectores tenebrarum in extremo mortis agone; cibum fortitudinis & salutis æternæ, quo ad coelestem patriam perducantur. Servus itaque Dei Camillus, qui in charitate perfecta mansit, in Deo est, & inter Cœlites recensendus, ut Christiani, qui tantum beneficium in ejus Instituto receperunt, Patronum & Adjutorem in mortis agone dignis honoribus proseguantur in terris.

HIERONYMUS Lorenzi Episcopus Acernensis.

BEATISSIME PATER. Præter ceteras B. Camilli virtutes summus ejus erga Deum amor vel ex ea proditur tam insigni erga Proximos charitate, qua motus ita ille se totum animis ægrorum curandis devovit, ut ad tanti operis perennitatem Clericorum etiam Ordinem instituerit. Hæc duo charitatis præcepta, a quibus universa lex pendet, tam sanctè a B. Viro servata, duo illi sunt ex Augustino denarii, quos non ad unius faucii medelam, sed ad plurimorum salutem Evangelicus iste Samaritanus, quoad vixit, ubique protulit. Hujus igitur Viri misericordiæ, cujus in semine permanent bona, ut laudes nunciet Ecclesia, quas tot ad hanc diem miracula celebraverunt, censeo sanctis Confessoribus eundem meritò esse adnumerandum.

JOAN-

^a Eccl. c. 7.

JOANNES FRANCISCUS *Cavallini Episcopus Alatrinus.*

BEatus Camillus de Lellis Clericorum Regularium Ministrantium Infirmis Fundator, eximia in Deum charitate, maximo in Proximum amore adeo efferbuit, ut totus Deo pro hominibus, totus hominibus pro Deo se præbuerit: Cujus rei virtutum ac miraculorum numero propemodum singulari, in hac præsertim Urbe Roma monumenta omnibus nota reliquit: Quapropter dignissimum reor, ut Sanctorum Fastis adscribatur, quemadmodum etiam atque etiam a SANCTITATE VESTRA supplex exposco.

NICOLAUS *Cioffi Episcopus Soranus.*

MUtatio equidem fuit BEATISSIME PATER, dexteræ Excellsi, qui Camillum de Lellis de diuturna pravaque vivendi ratione eductum deduxit per vias rectas, ac tam uberi coelestium charismatum copiâ replevit, ut minimè sit ambigendum, quin illi, post arduum tot christianarum virtutum curriculum, quod a principio alacris ingressus fuerat, ad mortem usque sanctissimè obitum majoribus semper passibus confectum, sempiternæ etiam gloriæ bravium donaverit. Quod & idem ipse bonorum omnium largitor, qui Servum suum glorificavit per frequentia itidem miracula ad beati Camilli deprecantis invocationem patrata contestari dignatus est. Itaque existimo SANCTITATEM TUAM tutò procedere posse ad ipsius Canonizationem.

JOHANNES ANTONIUS *Castelli Episcopus Catharensis.*

BEatus Camillus de Lellis omnium virtutum laude, & præcipuè maximâ, qua erga Proximos charitate flagrabat, mirum in modum excelluit; novo autem, quem instituit Ordine christianæ Reipublicæ utilis & salutaris fuit. Mitto prodigia, quæ per eum a Deo Optimo Maximo patrata sunt, ærumnas, calamitates, miserias, quas pro nomine Jesu æquo animo pertulit, atque innumerabilia animi ornamenta, quæ illi singularia esse videntur: Quare humillimè censeo, dignum ipsum esse, qui solemnî ritu a SANCTITATE VESTRA Sanctorum Fastis adscribatur.

NICOLAUS MARIA *Calcagnini Episcopus Civitatis Ducalis.*

EX mundi illecebris terrestrique militia vocatus ad Clericalem, atque hujusce sæculi contemptum beatus Camillus, cum fuit inopinato ac vehementi omnipotentis Dei lumine circumfusus, & velut alter Saulus in Apostolum Gentium conversus, anteactum vitæ suæ genus

M m

terven-

ferventiori charitatis studio compensavit . Quæ enim pro Infirmorum præsertim salute tum spiritali , tum corporali gesta ab ipso sunt , ardentissimam præferunt charitatem , qua inflammatus se præsentissimis objecit mortis periculis , ut Christifidelibus præsto esset , etiam pestifera labe infectis , quibus inserviendis peculiari solemni voto se , suosque Alumnos voluit esse obstrictos . Cum autem B. Camillus animam pro amicis suis ponere non dubitaverit , majorem certè charitatem habere non potuit , juxta Divinum Oraculum . Quapropter fidelem hunc Dei Servum ac novi Ordinis auctorem multis decoratum in terris charismatum donis ac prodigiis , inter Sanctos per infallibile SANCTITATIS VESTRÆ Oraculum recensendum censeo , ut hoc duce hominibus ad imitandum proposito , charitas nostris hisce temporibus elanguescens adaugeatur , istiusque exemplo Christifidelium corda ad misericordiæ opera erga Proximum alacrius exercenda inflammentur .

Subdit Papa post novissimi Episcopi sententiam .

VENERABILES FRATRES . Suffragia Vestra de Canonizatione beati Camilli de Lellis magnam Nobis lætitiā attulerunt : Quam ob causam nihil aliud respondemus , nisi peragendas esse preces , quas jam indiximus , ut Deus elargiatur Nobis opem suam , ac coeleste lumen ad ea rite perficienda , quæ pro futura Beatorum Canonizatione requiruntur .

Procurator Generalis Cameræ ubi Summus Pontifex dicendi finem fecit , iisdem verbis , quæ in primo Consistorio retulimus , nomine Beati duntaxat immutato Protonotarios rogavit , ut publica super his Actis Instrumenta conficerent : videlicet .

Ego Johannes Philippus Toppi Sanctissimi Domini Nostri , & Cameræ Apostolicæ Procurator Generalis rogo Vos omnes Protonotarios , & Notarios Apostolicos hic præsentēs , ut de sententiis , consilio & unanimi consensu Reverendissimorum DD. S. R. E. Cardinalium , necnon Patriarcharum , Archiepiscoporum , & Episcoporum , deque Summi Pontificis oratione & deliberatione præhabitis super solemni Canonizatione beati Camilli de Lellis unum , vel plura , publicum , seu publica conficiatis instrumentum , vel instrumenta ad perpetuam rei memoriam .

Quibus

Quibus auditis R. P. D. Franciscus Maria Riccardi Protonotarium Participantium Collegii Decanus, ante Sanctitatem Suam genibus flexis Collegarum nomine dixit: *Conficiemus*: Statimque surgens adstantes Solio propiores adhibuit Testes consuetis verbis: *Vobis Testibus*: ita iste quoque Consistorialis Conventus, qui magnæ voluptati Sanctissimo Patri fuit, solutus est.

Instrumenti a Protonotariis in Causa B. Camilli confecti exemplar hîc accipito transcriptum.

*Instrumentum a Decano Protonotariorum rogatum
pro secundo semipublico Consistorio.*

IN NOMINE DOMINI AMEN.

ANno reparatæ salutis Millesimo Septingentesimo Quadragésimo sexto Indictione nona, Pontificatus autem Sanctissimi Domini Nostri BENEDICTI Divina Providentia PAPÆ XIV. Anno Sexto, die x. Junii Feria sexta. Idem Sanctissimus Dominus pro habendis excipiendisque suffragiis Eminentissimorum S.R.E. Cardinalium, necnon Reverendissimorum Patriarcharum, Archiepiscoporum & Episcoporum, in Causa peragendæ Canonizationis beati Camilli de Lellis Ordinis Clericorum Regularium Ministrantium Infirmis Fundatoris, semipublicum (juxta suorum Prædecessorum morem) Consistorium habuit in Aula, quæ loco Ducalis est in Quirinali Palatio.

Sanctissimus Pater sacris Vestibus indutus, ac simplici Mitra redimitus ex Aula, quæ Paramentorum dicitur, inter duos antiquiores Diaconos Cardinales Carolum nempe Marini, & Alexandrum Albani Papali Cruce solitoque præeunte comitatu prodiit in eandem Ducalem Aulam, ibique congregatis Patribus prius Papali benedictione de more elargita, Sedem deinde conscendit & Consistorialis Actionis facturum initium, paucis disertisque verbis, ab amplissimo Purpuratorum Senatu, & sacro Patriarcharum, Archiepiscoporum, & Episcoporum Confessu, quæ de prælaudato Camillo de Lellis Sanctorum Fastis adscribendo, ut tutius ipse tanto operi supremam manum admovere posset, eorum consilia & sententiæ torrent, exquisivit.

Tunc Eminentissimus Carafa Episcopus Albanensis inter præsentis Eminentissimos Cardinales antiquior, Sanctitatis Sux votis obtemperans, primus judicium suum protulit, & Sanctissimum Dominum, ut quàm citius eidem beato Camillo, sicuti & eximia ejus merita & Fidelium pietas exposulabant, Sanctorum cultus & honores decernerentur, humiliter exoravit.

In eodem penitus sensu steterunt suis posthac delatis non minus sententiis quàm precibus ceteri, qui intererant Eminentissimi Cardinales, nempe.

Franciscus Tituli S. Mariæ Transtiberim S. R. E. Presbyter Cardinalis Burghesius.

Antonius Xaverius Tit. S. Stephani in Monte Coelio S. R. E. Presbyter Cardinalis de Gentilibus.

Fr. Joannes Antonius Tit. SS. Silvestri & Martini in Montibus S. R. E. Presbyter Cardinalis Guadagni.

Trojanus Tit. S. Cæcilie S. R. E. Presbyter Cardinalis de Aquaviva.

Dominicus Tit. SS. XII. Apostolorum S. R. E. Presbyter Cardinalis Riviera.

Joannes Baptista Tit. S. Mariæ Angelorum S. R. E. Presbyter Cardinalis Spinola.

Raynerius Tit. S. Sabinæ S. R. E. Presbyter Cardinalis de Ilcio.

Dominicus Tit. S. Bernardi S. R. E. Presbyter Cardinalis Passionei.

Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero.

Camillus Tit. SS. Joannis & Pauli S. R. E. Presbyter Cardinalis Paulutius.

Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus.

Fridericus Tit. S. Pancratii S. R. E. Presbyter Cardinalis Lantes.

Franciscus Tit. S. Mariæ de Populo S. R. E. Presbyter Cardinalis Riccius.

Antonius Tit. S. Silvestri in Capite S. R. E. Presbyter Cardinalis Rufus.

D. Fortunatus Tit. S. Matthæi in Merulana S. R. E. Presbyter Cardinalis Tamburinus.

D. Joachimus Tit. S. Crucis in Hierusalem S. R. E. Presbyter Cardinalis Befutius.

Carolus S. Mariæ in Via Lata Diaconus S. R. E. Cardinalis Marini.

Alexander S. Mariæ ad Martyres Diaconus S. R. E. Cardinalis Albanus.

Nereus S. Eustachii Diaconus S. R. E. Cardinalis Corfinus.

Agapitus S. Agathæ in Suburra Diaconus S. R. E. Cardinalis Molca.

Carolus Maria S. Mariæ in Porticu Diaconus S. R. E. Cardinalis Sacripantes.

Marius SS. Cosmæ & Damiani Diaconus S. R. E. Cardinalis Bolognetus.

Prosper S. Georgii in Velabro Diaconus S. R. E. Cardinalis Columna de Sciarra.

Alexander S. Mariæ in Aquiro Diaconus S. R. E. Cardinalis Tanarius.

Hie-

Hieronymus S. Adriani Diaconus S. R. E. Cardinalis Bardi .
Dominicus SS. Viti & Modesti Diaconus S. R. E. Cardinalis Urfinus.

Eminentissimorum Cardinalium suffragiis expletis , Sanctissimus Pater Reverendissimorum Patriarcharum, Archiepiscoporum & Episcoporum, tam Assistentium Pontificio Sclio , quàm non Assistentium sententias excepit , quorum omnes (initio a Patriarchis desumpto) unanimi voto , dimissisque precibus Sanctitatem Suam , ut beatum Camillum de Lellis inter Sanctos connumerare dignaretur , enixè roga verunt . Videlicet .

Mundillus Urfinus Patriarcha Constantinopolitanus .
Antonius Maria Pallavicinus Patriarcha Antiochenus .
Thomas Cervini Patriarcha Hierosolymitanus .
Gabriel Eva Archiepiscopus Cypri Syrus , patria prius , deinde latinâ linguâ suffragium emisit .
Alexander Borgia Archiepiscopus Firmanus .
Joseph Maria Ferronus Archiepiscopus Damascenus .
Michael Palma Archiepiscopus Theatinus .
Stanislaus Poliaſtri Archiepiscopus Rossanensis .
Ferdinandus Maria de Rubeis Archiepiscopus Tarsensis .
Joannes Andreas Tria Archiepiscopus Tyri .
Michael Maria Vincentini Archiepiscopus Theodosiæ .
Simon Gritti Archiepiscopus Tyanen .
Josephus Rufus Archiepiscopus Capuanus .
Nicolaus Carafa Archiepiscopus Philippenſis .
D. Ferdinandus Romualdus Guiccioli Archiepiscopus Ravennaten .
Felix Solatius Archiepiscopus Thebarum .
Antonius Fonseca Episcopus Æſinus .
Nicolaus Michael Abbati Episcopus Scyllacii .
Nicolaus Xaverius Santamaria Episcopus Cyrenen .
Bernardus Antonius Pizzella Episcopus Constantien .
Fr. Paulus Alpheran de Buſſan Episcopus Meliten .
Alexander de Abbatibus Episcopus Viterbien. & Tuscanen .
Nicolaus Franciscus de Bonhome Episcopus Carpasien .
Ludovicus Antonius Valdina , olim Cremona Episcopus Hermopolitanus .
Fabricius Borgia Episcopus Ferentinus .
Nicolaus Spinelli Episcopus Averſanus .
Hippolytus e Rubeis Episcopus Senogallien .
D. Paulus Thomas Marana Episcopus Aſculanus .
Fr. Silvester Merani Episcopus Porphyriensis .
Nicolaus Mancinſorti Episcopus Anconitanus .
Antonius Cantoni Episcopus Faventinus .

Paulus

Paulus Bonavisa Episcopus Spoletinus .

Cæsar Bonajuti Episcopus Pharen.

Marius Maffei Episcopus Fulginas .

Guido Ursellus Episcopus Cæsenæ .

Leo Lucas Vita Episcopus Oppiden.

Ægidius Antonius Isabelli Episcopus Alliphanus .

Joannes Antonius Bachetoni Episcopus Anagninus .

Franciscus Antonius Spadea Episcopus Aquinas & Fregellarum .

Joseph Schirò Archiepiscopus Dyrrhachinus , patrio prius , deinde latino idiomate suffragium emisit .

Sergius Alexandri Armenus Archiepiscopus Cæsareæ Cappadociæ , patrio prius , deinde latino idiomate suffragium emisit .

Stephanus Assemanus Archiepiscopus Apameæ .

Bernardinus Vari Episcopus Civitatis Castellanae .

Joannes Innocentius Episcopus Fagarasiensis , patrio prius , deinde latino idiomate suffragium emisit .

Pompejus Compagnoni Episcopus Auximanus & Cingulan.

Jacobus Philippus Consoli Episcopus Amerinus .

Josephus Coppola Episcopus Aquilanus .

Joseph de Rubeis Episcopus Venafranus .

Hieronymus Lorenzi Episcopus Acernen.

Joannes Franciscus Cavallini Episcopus Alatrinus .

Nicolaus Cioffi Episcopus Soranus .

Joannes Antonius Castelli Episcopus Catharensis .

Nicolaus Maria Calcagnini Episcopus Civitatis Ducalis .

Verum cum Summus Pontifex omnium convocatorum Patrum suffragia eò concorditer collimare percepisset quò & vota sua ferebantur , ad solemnem beati Camilli de Lellis Canonizationem quàm primum , & in die ab ipsa opportunè indicenda paucis , & luculenter se deventurum eisdem significavit , & Actioni finem imposuit .

Sed antequam e sede confurgeret , & suffragatorum Patrum Conventum dimitteret ; Procurator Generalis Reverendæ Camerae Apostolicæ Nos Protonotarios Consistorio interessentes rogavit , ut ad perpetuam rei memoriam de omnibus in eodem Consistorio tam a Sanctissimo Patre , quàm ab Eminentissimis Cardinalibus , nec non a Reverendissimis Patriarchis , Archiepiscopis & Episcopis præhabitis in Causa Canonizationis beati Camilli de Lellis , unum vel plura , publicum seu publica , Instrumentum vel Instrumenta conficeremus .

Cui propterea Ego Franciscus Maria Protonotarius Riccardi Protonotariorum Collegii Decanus ejusdem Collegii nomine respondi : *Conficiemus* : Et Sanctissimi Domini Nostri Familiares , & præsertim DD. Paulum Zani Bononiensem , & Josephum Mariam Puoti Neapolitanum , ab intimo Sanctitatis Suæ Cubiculo ad hoc specialiter vocatos , habitos atque rogatos , in Testes adhibui his verbis : *Vobis Testibus* . Acta

Acta sunt hæc in Quirinali Palatio , die , mense , & anno , quibus supra .

In quorum omnium fidem Nos Protonotarii Apostolici de numero Participantium requisiti & rogati præsens hoc Instrumentum confecimus , subscripsimus & publicavimus , solitoque Collegii Nostri Sigillo muniri , & in nostro Archivio ad futuram Posterorum memoriam Secretario nostro perdiligenter custodiri & subscribi mandavimus . Actum ubi supra , præsentibus quibus supra Testibus ad præmissa vocatis , habitis atque rogatis .

Ita est Franciscus Maria Protonotarius Riccardi Decanus .

Loco † Signi .

Franciscus Dominicus Clementi ejusdem Collegii Secret.

Sequuntur suffragia eorum , qui aliquo impedimento detenti ,
sacro huic non adfuere Confessui .

*THOMAS Episcopus Ostiensis & Veliternensis Sacri Collegii Decanus ,
Vice-Cancellarius Cardinalis Rufus .*

UBi primùm beatus Camillus de Lellis , dextera Domini faciente virtutem , e fluminibus Babylonis emerfit , novus homo omnis justitiæ Fonti constanter adhæsit , prioris ævi lapsus diuturnis cruciamentis lacrymisque vindicavit , & omnium in eo illuxerunt documenta virtutum . Ab ipsius eximia in Deum charitate gliscens altera in animarum salutem flamma , in Xenodochiis robustior evasit . Intra horum tamen septa contineri spiritus ardor non valens , dilatavit Camilli gressus ; qui proinde in procurando spirituali potissimum Proximorum bono jam tarda molimina nesciens , duabus quasi assumptis alis , excelsa nimirum fide & alta humilitate , in aliorum etiam ubicunque decumbentium , pauperum in primis ministeria involavit : Nullibi , aut ullo deterritus labore , aut foedioris spectaculo , aut quantumvis pestilenti morbo , cessavit aliquandiu ; sed præsto miseris semper erat , advigilabatque , tamquam ei , qui dignatur Infirmus in Infirmis esse : Hos propterea Dominos , & Christos suos vocabat , imo ab his ipsis , velut ab offenso a se Numine , peccatorum suorum veniam postulabat . Ne verò tantæ virtuti sui similes victimæ defuturæ aliquando essent , Religiosissimam Familiam instituit , obstrinxitque novo charitatis voto . Hunc profectò misericordiæ Virum , qui fideliter Altissimo reddidit omnia vota sua , viresque omnes , & vitam perenni heroicarum virtutum exercitatione exhaustit , assertum Cœlo esse , Cœlum etiam ipsum admirandis editis supra naturam signis demonstravit .

monstravit. Gloriæ igitur Omnipotentis Dei, & universi Fidelium Cœtus utilitati censeo apprime conducere, cœlestes Camillo in terris honores a SANCTITATE VESTRA, jam per Beatificationem indultos, ab eadem per solemnem ipsius Canonizationem definitivè decerni.

*ANNIBAL Episcopus Portuenfis Cardinalis Albanus
S. Clementis nuncupatus.*

IN beato Camillo de Lellis Teatinæ Diœcesis & Neapolitani Regni Ornamento BEATISSIME PATER, illæ omnes dotes animi atque præclara ornamenta eluxerunt, quæ Deus Optimus Maximus peculiaris suæ providentiæ ac supernæ largitatis beneficio iis impertiri solet, quos ad magna evocat. His Camillus proludens, naviter averfatus vitia, quibus adolescens fœdatus fuerat, viribus totis in christianam perfectionem incubuit. Jam tum a conversionis exordio rudimentum consummatæ virtutis præbuit, quæ adeo in dies est aucta, ut Sanctus ipse aliorum etiam salutem cum magno multorum bono avidissimè ac studiosissimè procuraverit. Ab se instituta utilissima Ecclesiæ toti Religiosorum Clericorum Familia, quæ ægrotantibus & morientibus spiritalia auxilia opemque opportunè præstat, flagrantissimam ipsius charitatem magis magisque commendat. Tot alia eximia opera & egregia facta, quibus dum viveret, Camillus Dei gloriam provexit, longè latèque illustriorem ipsum efficiunt. Quoniam verò pluribus etiam apertis & comprobatis Apostolicæ Sedis judicio miraculis heroicam tanti Viri sanctitatem Deus palam facere dignatus est, æquum justumque censeo, ejus nomine gloriosos Sanctorum Fastos augeri: ut Orthodoxa Ecclesia ampliore cumulata decore, novum apud Deum Patronum habeat, & ritu sacro pro meritis colat.

*VINCENTIUS Episcopus Prænestinus Cardinalis Petra
Major Pœnitentiarius.*

SI heroicarum virtutum ornamenta vehemensque inprimis erga Deum & Proximum amor ac studium præclara sunt sanctitatis eximiæ argumenta, uti sunt revera, non est cur quisquam dubitet, quin beatus Camillus de Lellis meritò Sanctorum Albo sit adscribendus. Nam posteaquam ope *dextera Excelsi* e liberiori vitæ Instituto in bonam se frugem recepit, assiduæ orationi, humilitati, singulari patientiæ, Infirmorum salutis procurandæ omnibusque pietatis operibus se consecravit. Sed cum zelo salutis animarum flagraret, videretque ab aliis Patriarchis religiosorum Ordinum vitæ integræ, sanctèque ducendæ satis esse prospectum, novum Institutum, consilio sancti Philippi Neri, quo præceptore uti solebat, in Ecclesiam introduxit, cujus Alumnis hoc onus incumberet,

ut

ut Infirmis ministrarent , extremoque vitæ discrimine laborantibus præsto essent , curarentque hortatu , consilio continuaque opera , ut ne pereant , sed habeant vitam æternam . Quare Virum optimum sanctimoniam miraculorumque gloria fulgentem judico decorari iis honoribus oportere , quibus a nobis qui sunt ab Ecclesia declarati , Sancti coluntur .

JOSEPH Episcopus Tusculanus Cardinalis Accorambonus .

EXimia beati Camilli humilitas , qua cum bene de omnibus mereretur , de se duntaxat abiectè sentiebat : Singularisque in Proximos charitas , quam omnibus omnia factus , ut omnes Christo lucrificeret , cum ferventissimo amore Dei copulavit , amplissimum sanè præbent ejusdem sanctitatis testimonium .

Cum igitur D. O. M. ejusdem , qua in Coelis fruitur , gloriam multis testari miraculis non destiterit , in divini cultus incrementum , Ecclesiæ decus atque Ordinis Ministrantium Infirmis a B. Camillo instituti perfectum versurum fore censeo , si Sanctorum Fastis adscribatur .

VINCENTIUS Episcopus Sabinensis Cardinalis Bichius .

BEatus Camillus de Lellis Clericorum Regularium Ministrantium Infirmis Fundator eximio Proximi amore flagrans , nec satis de suo tantum opere factus in assistendis & serviendis pauperibus infirmis , & moribundis , pestifera etiam lue infectis , cum solus pluribus congruum officium præbere non valeret , cogitavit de nova erigenda Congregatione Virorum ad hæc pia opera explenda , Divinoque fretus auxilio , nec non sanctissimi Crucifixi voce imperatus : *Inceptum opus proseguere !* Novam Clericorum Regularium Ministrantium Infirmis Religionem fundavit , cujus Instituti præcipua promissio & obligatio est : *Perpetuò servire Pauperibus Infirmis , quos etiam pestis incefferit ;* qua in nova , & Deo inspirante a se instituta Religione vitam admirabili sanctitate traduxit , & sanctissimo conclusit exitu , pluribus miraculis post mortem ad ejus intercessionem patratis illustratam . Quantum huic eximii amoris erga Proximum Inventori & Propagatori debeant Pauperes , Infirmi & Moribundi oculata testis est Urbs ipsa Roma , quæ primitias , media beatumque finem tanti Servi Dei gloriatur aspexisse , continuaque beneficentia & utilitate fruitur Instituti : Verendum propterea non est per sanctam vitam obtinuisse Camillum Ecclesiæ triumphantis consortium , per miracula exinde patratatribuendum Illi videtur in Ecclesia militanti sanctitatis honorum fastigium .

NICOLAUS MARIA Tit. S. Petri ad Vincula
Presbyter Cardinalis Lercarius.

Divinæ profectò providentiæ consentaneum est, ut qui pro gloria Dei & hominum utilitate in vinea Domini adeo laboravit, sicuti amplissima in Coelis præmia recepit, ita in terris debitum cultum adipiscatur. Mirabilis sanè fuit lux illa de Cœlo circumfusa, qua B. Camillus de Lellis ab anteaçtæ vitæ ignorantibus ad meliorem frugem vocatus inter Electos designatus fuit; mirabilis ejus vivendi ratio, & mirabilius ejus apud Deum patrocinium, quod non modò pro medendis corporibus, sed pro animabus Fidelium sanandis ut firmius permaneat, sacra Canonizationis honoribus debitus ei cultus augendus erit.

SYLVIVS Tit. S. Priscæ Presbyter Cardinalis Valenti.

BEATI Camilli de Lellis Clericorum Infirmis Ministrantium Parentis exemplo discent Populi de mystica eorum salute numquam desperare, magnitudinem miserationum Dei agnoscentes, qui ut olim Paulum in Ecclesiæ primordiis, sic eum nostris temporibus a seculi fraude abstractum, gratiæ suæ dono ad incolumem vitam revocavit. Sic enim Mundo crucifixus eximium se præbuit Crucis sectatorem, novum refovens gaudium, quo divinus Pastor de inventa ove supra nonagintanovem Evangelica veritate nobis traditur mirum in modum cumulatus. Quàm sapienter igitur SANCTITAS VESTRA Virum poenitentia conspicuum solemni hac celebritate Christifidelibus, qui a recta vivendi ratione desciverant, Patrum, apud misericordiarum Patrem instituit, ut probè sciant aditum cœlestis gloriæ continenter referari, quoties eorum corda supernorum beneficiorum virtuti pateant atque incremento.

RAPHAEL COSIMVS Tit. S. Marcelli Presbyter
Cardinalis de Hieronymis.

BEATISSIME PATER. Beatus Camillus de Lellis duro admodum initio usus est adolescentiæ, & laxiorem vivendi rationem a principio iniit; at cum primum divina operante virtute aggressus est revocare se & compescere, magnæ profectò sanctitatis exhibere specimen cœpit. Totus igitur ad Deum conversus, & postquam variis pietatis operibus se exercuerat, Clericali insuper militiæ addictus, ac Sacerdotio insignitus, illam præ ceteris vivendi rationem assumpsit, qua animarum simul & corporum saluti prospiceret, fidelibusque ægrotantibus usque ad supremum vitæ spiritum spiritualia suppeterent auxilia. Id ipse per se, & alios quos interim ejusdem Instituti Socios assumerat; charitate in dies fer-

ferventiori in Urbe continuavit. Illius merita, & novum ejus Ordinis Institutum, quàm Deus accepto tulerit, signa edocent, quæ dum in carne mortali viveret, & postquam de præsentī seculo est assumptus, omnipotens Dominus ad illius invocationem dignatus est operari. Glorificandum igitur eum censeo a SANCTITATE VESTRA, & debitis præconiis venerandum in terris, sicut Dominus per suam gratiam clarificavit in Cœlis.

*CAROLUS Tit. S. Maria de Ara-Cœli Presbyter
Cardinalis Calcagninus.*

B Uclanici quod oppidum est Theatinæ Dioecesis in Regno Neapolitano ortum habuit B. Camillus de Lellis; ejus mater gravida sibi visa est Puerum peperisse gestantem Crucem in pectore, quem ut Ducem sequebatur magna turba Puerorum eadem Cruce condecorata. Quæ visio certè præludium fuit illius immensæ charitatis, quam tempore suæ vitæ erga Infirmos exequi debebat. Quæ charitas ut semper perduratura esset, nova prole Ecclesiam fecundavit Virorum Infirmis præclaro animarum profectu inservientium; tota Italia ejus amorem experta est, sed præcipuè Roma dum dirissima grassabatur pestis, qua aliquot hominum millia consumpta sunt; ipse eo morbo laborantes continuò invisens, paterno reficiebat affectu, & Ecclesiæ Sacramenta propriis manibus ministrans mirum in modum solabatur. Orationis cultor fuit assiduus, humilitatis eximius professor ceterarumque virtutum insignis amator, ut ex Decreto felic. record. Benedicti XIII. constare de Camilli virtutibus in gradu heroico declaratum est: In quarum testimonium adjecit Deus præclara miracula, a quibus permota SANCTITAS VESTRA illum in Beatorum numerum retulit; & quia virtus Divina ejus sanctitatem aliis miraculis confirmavit post Beatificationem, sic jure merito adscribendum arbitror cœtui Sanctorum, & in Cœlo Regnantium colendum proponi cunctis Christifidelibus, ut sit illis in exemplar & patrocinium.

*PHILIPPUS MARIA Tit. S. Agnetis extra Mœnia
Presbyter Cardinalis de Montibus.*

O Pus dexteræ Excelsi nobis admirandum proponitur in B. Camillo de Lellis. Hic a laxiori perditionis via revocatus, quam in juvenili ætate calcaverat, arctam mandatorum Dei semitam quæ ducit ad vitam, arripuit, progressus est, ac feliciter consummavit. Nullis unquam laboribus pro sua ac Proximorum salute fatigatus in Nosocomiis, etiam posthabito vitæ mortalis discrimine, ædibus privatis, imo & viis publicis videbatur ægrotantium vel mulcere angores, vel ulcera manibus atrectare, ac in extremo agone constitutos spiritualibus subsidiis adjuva-

re, nova instructa sub salutifero Crucis signo Religiosorum familia, quæ solemni voto mancipata hisce muneribus ad ægrotorum solatium obeundis incumberet. Quamobrem censeo B. Camillum, qui charitate dirigente introivit in potentias Domini, Sanctorum Fastis per SANCTITATEM VESTRAM tandem esse adscribendum, ut laudes ejus nuntiet Ecclesia, sciantque fideles Populi in eo situm esse calamitatum præsidium expressamque ardentissimæ charitatis imaginem.

HIERONYMUS S. Angeli in Foro Piscium Diaconus
Cardinalis Columna.

QUOTIES mihi beati Camilli de Lellis memoria succurrit, BEATISSIME PATER, toties mecum cogitatione repeto virum illum, qui Davidico testimonio Beatus est appellatus, quod intelligeret *super Egenum & pauperem*. Egeni sanè & Pauperes ii sunt, quos premit ultima imminentiæ mortis ægritudo, & in *Domum æternitatis* jam jam ituros vexat præteritorum memoria, & futurorum metus anceps, ac dubius exitus. Super hos intellexit Camilli de Lellis charitas, non quærens quæ sua sunt, sed quæ Jesu Christi, incredibiles labores ultro suscipiens, quo & ægrotorum corpora subsidiis opportunè recrearet, & animos purgaret a vitiis, dignisque christiano nomine virtutibus informaret. In hac sanctissima charitatis militiâ optimum hunc Virum non militem tantummodo strenuum, sed ut Isaiaë verbis utar, *Ducem ac Præceptorem Gentibus* indulxit Deus, ut novo excitato religioso Ordine, insurgeret ad defendendos *Egenos ac Pauperes*, quibus in hora exitus sui colluctatio est adversus *spiritualia nequitia Mundi Rectores, ac Tenebrarum Principes*. Exemplo atque Institutis suis B. Camillus perfecit, ne deessent in Dei Ecclesia, qui Christifideles in extremo agone constitutos docerent, *sumere scutum Fidei, in quo possent ignea tela nequissimi extinguere*. Quapropter beatum hunc Virum de universa Dei Ecclesia optimè meritum, charitate ac misericordia insignem, novi Religiosi Ordinis institutione celeberrimum, Sanctorum cultu dignissimum censeo, ut qui Romæ, dum olim pestilentia crudelissimâ Urbs hæc Orbis Princeps laboraret, tanta tamque inclyta virtutum omnium documenta præstitit, eadem in Urbe meritos laboribus suis honores assequatur.

Fr. ANTONINUS Camarda Episcopus Reatinus Assistens.

BEATISSIME PATER. Ostendit Deus divitias gloriæ suæ in vasa misericordiæ, cum B. Camillum de Lellis a via iniquitatis amovit, & per viam justificationum suarum deduxit, atque exercuit in mirabilibus suis, ipsum assumendo ad maximum charitatis opus exercendum in Infirmorum administratione, in qua revera Infirmus cum infirmantibus effectus,

ctus, valde placuit ei, qui Electos suos vocaturus ad gloriam, dicturus est illis: Infirmus eram, & visitastis me; maximè dignus est igitur, ut a SANCTITATE VESTRA inter illos solemniter connumeretur, qui in die retributionis audient vocem benedictionis Filii Dei: Venite benedicti Patris mei, possidete paratum vobis Regnum a constitutione Mundi.

NICOLAUS Simoni Episcopus Marcianen. Assistens.

CAmillus de Lellis Excellsi dextera mutatus induit lorica[m] fidei & charitatis, quam nunquam deinde exuit ad mortem usque. Pauperum ac languentium turmæ semper immixtus sese demisit ad omne genus officiosæ ac operosæ pietatis. Os suum quod sapientiæ aperuit, inquinamento & sordibus admove[re] non refugit. Nauseam tamen, quam non horruit, abundè compensatam certò nobis persuademus torrente voluptatis, quæ uti lætificat civitatem Dei regnantem in Cœlis, ita lætificabit militantem in terris, si illi Apostolica auctoritate cœlestes honores decernantur.

Fr. PLACIDUS Pezzancheri Episcopus Tiburtinus Assistens.

BEatus Camillus de Lellis, etsi aliquandiu a recto tramite adhuc Juvenis aberravit; postea tamen vigesimo quinto ætatis suæ anno deductus in semitam mandatorum Domini, emendato quod olim peccaverat, posterioribusque virtutibus abundè compensato, sublimissimum Evangelicæ perfectionis attigit gradum; & factus Sacerdos urgente eum charitate Christi, in curanda omni modo Proximi salute totus fuit, atque Ordinem Religiosum instituit, cujus præcipuum munus est, illis, qui in extrema lucta versantur, opitulari, ut piam christianamque oppellant mortem. Porro cum crebris ante & post mortem hic Beatus claruerit, atque in dies clareat miraculis, jure & meritò in Sanctorum Confessorum numerum referendus videtur.

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER. Admirabilis Deus, qui dives est in misericordia, beatum Camillum de Lellis Fundatorem Clericorum Regularium Ministrantium Infirmis singulari providentiæ suæ beneficio a laxiori vivendi ratione revocavit, vitæque sanctimoniâ perlucere fecit: Audita enim interiùs voce Domini invitantis, Crucem tollens, abnegavit nedum sua, verùm etiam seipsum, & sequutus est Dominum; sicque ubi abundavit malitia, superabundavit & gratia. In eo charitas erga Deum, quæ est virtutum Regina, principem habuit locum; verùm quia qui
Deum

Deum diligit, & Proximum diligere debet, ut nedum corporis, sed æternam Proximorum salutem permaximè curaret, nullis laboribus nullisque pepercit periculis. Promptus animus ad ardua quæque & abjecta pro utilitate Proximi suscipienda, ac invicta in laboribus patientia. In bello cum humani generis hoste & secum ipso gerendo, fortitudo inexpugnabilis. Admirabili solertia ac tolerantia usus est, ut omnes Christo lucrificeret; unde speciali Dei instinctu Religiosorum hominum Congregationem instituit, addito tribus votis quarto solemniter inserviendi Infirmis omnibus, etiam peste infectis, eisque spirituales opem ferre, eo præsertim tempore, quo in mortis agone pugnam cum antiquo serpente sustinere debent, quæ omnia ipse mirum in modum raro exemplo explevit. Prophetiæ dono fuit illustris, & in animorum sensibus penetrandis, æquè ac sanctus Philippus Neri, cujus nutu pendebat, & consilio regebatur, mirificè enituit. Angelici Spiritus ad ipsius obsequia sæpissimè descenderunt, eumque dum in maximo vitæ periculo versaretur, non semel incolumem reddidere. Cumque Deus iis aliisque prodigiis innumeris, ac insignibus beneficiis Servum suum in vita & post obitum mirificaverit, dignus propterea est, ut in Sanctorum Confessorum numero adscribatur, si SANCTITATI VESTRÆ videbitur.

HYACINTHUS de Silvestris Episcopus Nepesinus & Sutrinus Assists.

Beatissimus Camillus de Lellis, quem ^a nox antea præcessit; quum primum ei dies appropinquavit, abiecit opera tenebrarum, induit arma lucis, & sicut in die honestè ambulavit. Signa ^b ipsius sanctitatis facta sunt super nos in omni patientia, in signis & prodigiis & virtutibus. Itaque, quod veteri Romanæ Ecclesiæ more jamdiu receptum, ut eorum qui supra ceteros homines heroicis virtutibus sese extulere, solemniter memoria veluti conservaretur; id BEATISSIME PATER ad majorem Dei laudem & ad christianæ perfectionis incitamentum in tali tantoque Viro censeo servandum.

LUDOVICUS Savageri Episcopus Tempensis.

Habes in B. Camillo de Lellis Virum, qui Dei gratia e mundanis curis ad salutis semitam vocatus, corde contrito & humiliato singulare poenitentibus evasit exemplum, qui incredibili labore, quo pauperes levare, erigere oppressos, Infirmosque juvare studuit, eximiam misericordiam patefecit, qui demum summo illo, quo Dei tenebatur amore, atque ardentissima in Proximum charitate, Virorum Ordinem instituit, in quibus perpetuò Deo servire, spirituali Infirmorum saluti occurrere, ac contagioso morbo infectis assistere videretur. Eximium hunc

Virum,

^a Pauli ad Rom. Cap. 13. 12. ^b Pauli 2. ad Corinthios Cap. 12. 12.

Virum, BEATISSIME PATER Angelorum quoque in terris consuetudine clarum, atque tot tantisque miraculis condecoratum, suprema auctoritate tua Sanctorum nunc Albo adscribi optant illius amantissimi Filii, instant Principes, expectant Fideles, atque Roma finitimique ei loci volunt & clamant. Horum votis mea sententia est, esse indulgendum.

ANTONIUS Franci Episcopus Grasseri.

Beatus Camillus de Lellis Fundator Clericorum Regularium Ministrantium Infirmis, misericordiam a Deo consecutus, ut in melius emendaret, quæ ignoranter peccaverat, ita ad aratrum manum admovit, ut numquam respexerit retro, ne levia quidem in posterum peccata negligendo, & cum omnem adhibuisset diligentiam, ut perfectus Christi imitator evaderet, brevi se præbuit verum christianæ Religionis & perfectæ charitatis exemplar: Romam tantum testem appello, ubi dirissima grassante peste, plenis languentium Nosocomiis, Compitis, Foris morientium gemitibus resonantibus, Camillus omnibus omnia factus, præsentissimo vitæ discrimine, ægrotos mortis faucibus eripiebat, jacentes recreabat, migrantesque ex hac vita animas sacrificiis precibusque Deo commendabat. Post innumeros tandem pro salute Fidelium susceptos labores, meruit cum Christo regnare in Cœlis, qui pro Christi amore tanta in terra passus fuit: Quapropter cum SANCTITATIS VESTRÆ ineluctabili Decreto Servum Dei beatum Camillum de Lellis Albo Sanctorum rite adscribi posse firmum ratumque sit, hoc ipsum fieri expedire cense-rem, si SANCTITATIS SUE nutus accedat. Et ita &c.

THOMAS ALEXIUS Rossi Episcopus Aprutinus.

Cum una simus in Domino sub Nostri Sanctissimi Patris & Pontificis Maximi auspiciis, omnes non diffiteor, sine mei humillimi Episcopi sententia in beati Camilli de Lellis Canonizationem asserendo concurrere.

Id unum est dicere, integrum esse virtutibus theologicis fidei (scire licet) Religiosissimi Viri, spei, & charitatis: Prodigis etiam, quibus clarè in Ecclesia fulget. Ut eapropter veneretur in terris, qui ad præsens, & in ævum regnat in Cœlis.

Brevi me expediám. Illam etenim erga se malè habentes mirabilem charitatem, illud laboriosissimum vitæ genus morientium pientissimi Sospitis, & jugi labore singularem sedulitatem amplexatus, sat specimina dedit in vita sancti Spiritus charismata sanctæ animæ affluenter infusa retinuisse.

Dubitare igitur non debemus, quod Sanctissimus Pater Pontifex Maximus, & sanctæ universalis Ecclesiæ Magister jure quoque optimo in
Album

Album Sanctorum tantum Virum adscribere pergat, uti fere omnes humillimè deprecamur.

D. INNOCENTIUS Gorgoni Episcopus Pinnenfis & Hadriensis.

CUM in Sanctorum Canonizatione heroicas virtutes imitandas, cœlesti æterni Regis stola condecoratos venerandos, ac Dei amicos tanquam utiles apud eum intercessores Fidelibus proponat Ecclesia, beatum Camillum de Lellis jure optimo atque merito in Sanctorum numerum suprema atque infallibili auctoritate tua referendum esse arbitror. In eo enim Fideles omnes eximium habent humilitatis, patientiæ atque mirabilis in pauperes misericordiæ exemplar; in ipsius actis, atque in instituto ab ipso Ordine charitatem illam admirantur, qua factus omnibus omnia, omnes Christo enixè lucrifacere studuit, & Angelorum, qua quondam usus perhibetur in terris, consuetudo, ac miracula, quibus in vita, post mortem, & nostris quoque diebus Romæ finitimisque locis Deus ipsum glorificavit, in Cœlis cum Christo regnare invictè demonstrant.

Paulòpost, Consistorium tertium semipublicum postero die Sabbati habendum Apostolici Cursores denuntiarunt singulis Eminentissimis DD. Cardinalibus ac Præsulibus; relicta in uniuscujusque Domo sequenti Scheda.

I N T I M A T I O

Per Cursores facienda etiam Domi dimissâ copiâ.

SAbbato die 11. Junii. Sanctissimus Dominus noster tertium habebit semipublicum Consistorium hora decimatertia in designata Palatii Apostolici Quirinalis Aula pro excipiendis suffragiis ab Eminentissimis DD. Cardinalibus, necnon Reverendissimis Patriarchis, Archiepiscopis & Episcopis in Causa future Canonizationis beati Petri Regalati Confessoris Ordinis Minorum Observantium S. Francisci, eadem penitus servando, quæ pro consimilibus diebus aliis Consistoriis jam indicta fuere.

Certiores itaque reddantur omnes & singuli Eminentissimi & Reverendissimi DD. Cardinales, necnon Reverendissimi DD. Patriarchæ, Archiepiscopi & Episcopi in Urbe præsentés, ac Domini Protonotarii Apostolici, duo antiquiores Rotæ Auditores, Sacrorum Rituum Congregationis Secretarius, Promotor Fidei, & Procurator Fiscalis Camera Apostolicæ.

De Mandato Sanctissimi Domini Nostri Papæ.

Ignatius Reali Apost. Cærem. Præf.

Major

Major fuit quàm pridie & nudius quartus eorum frequentia, qui in præparatis Aulae subsellis affederant: Antistitum enim numerus aliis supervenientibus quotidie augebatur. Ad eos, qui una cum Cardinalibus Sanctissimi adventum præstolabantur, constitutâ horâ prodiit Papa eo vestitu ac comitatu, quo ad superiora Consistoria prius accesserat. Cum sedens aliquantisper quievisset; donec emitterentur ii, quibus locus in Aula non erat, ita dicere exorsus est.

VENERABILES FRATRES. In præcedenti Consistorio vobis expendendam proposuimus Causam beati Camilli de Lellis Fundatoris Ordinis Clericorum Regularium Ministrantium Infirmis. Agendum est hodierna die de Causa beati Petri Regalati, qui sanè Institutor appellari nequit, sed aut Restaurator, aut præcipuus Minister, cujus opera ac labore Reformatio Ordinis Fratrum Minorum in Hispania statuta est. Equidem Ordines Regulares inter splendidiora Ecclesiæ ornamenta recensentur: Leges autem, quæ illis præscribuntur, Sanctitati maximè accommodatæ & consentaneæ judicantur; qui tamen haud permittuntur, juxta disciplinam ab Alexandro III. Prædecessore nostro constitutam, nisi prius ab hac Sancta Sede Apostolica post accuratissimum examen comprobentur. Cum tamen Regularium Ordines hominum copia, non Angelorum, conflentur, ideo non semel ob frequentes atque inveteratas legum ipsarum violationes factum est, ut Pontifices Prædecessores nostri Ordines aliquos Regularium jampridem fundatos de medio tollendos duxerint, etiamsi Leges Sanctissimas profiterentur; plerumque verò evellere coacti fuerint zizaniâ frumento admixtam, opera,

studioque præstantium Sanctitate Virorum , qui remissos Ordines ad pristinum splendorem restituerent , & charitatis ardorem pene extinctum rursus accenderent , Regulares Ordines ad primum institutum ac normam revocantes , quam illorum Professores aliqua ex parte deseruerant . Itaque , sicut hæc Sancta Apostolica Sedes animum proclivem semper ostendit , ut Fundatores Ordinum Regularium solemniter ritu Sanctorum Catalogo adscriberet , quod in præcedenti Consistorio pluribus exemplis declaravimus , si tamen cumulus reliquarum virtutum ad hunc titulum simul adjungeretur , eandem rationem habuit pro Restauratoribus Ordinum Regularium , vel eorum , qui plurimum adjumenti , laborisque contulerunt ad statuendas Reformationes , non temere , & inconsulto excogitatas , sed Romanorum Pontificum auctoritate præscriptas , non solum tentatas , sed executioni demandatas , quas postremò ipsi Restauratores non modò suscipiendas aliis proposuerunt , sed ipsi prius exemplo suo integrè servarunt , non ulla ducti specie utilitatis aut humanæ gloriæ , sed unicè pro Dei gloria propaganda . Petrus de Alcantera Ordinis Minorum Restaurator fuit , & a Clemente IX. Prædecessore nostro inter Sanctos adnumeratus . Sed antea Gregorius XV. in Canonem Sanctorum retulerat Theresiam , quæ singulari cum gloria restauravit Ordinem Carmelitarum , quem tum Viri , tum Mulieres profitebantur . Neque sanè multum temporis præterit , ex quo Benedictus XIII. , de Nobis optimè meritis , Sancto-

rum Catalogo nomen addidit Joannis a Cruce, qui plurimum adjuvit sanctam Theresiam in Reformatione Carmelitani Ordinis, quam ipsa susceperat. Ex scriptis documentis, quæ vobis tradita fuerunt, jam clarè deprehendistis quantum laboris atque operæ Petrus Regalatus impenderit ad constituendam Reformationem Ordinis Minorum, quam Apostolica Sedes præceperat; quo studio, qua prudentia, quàm magna Ordinis sui utilitate gravissimum hoc negotium administraverit. Satis etiam cognovistis morum innocentiam, quam ab adolescentia ad finem usque vitæ integram conservavit, virtutum summè præstantium assiduam exercitationem, dona supernaturalia, quibus a Deo cumulatus fuit, dum inter mortales ageret, pretiosam ipsius mortem, & præclara miracula, quæ ante & post illam contigerunt, ut ejus Sanctitas palam omnibus innotesceret. Quare nihil aliud superest, quam ut sententias vestras de Canonizatione ipsius indicenda Nobis declaretis.

Post Sanctitatem Suam DD. Cardinales & Præsules omnes ex ordine de ejusdem B. Petri Regalati Causa sententiam dixerunt.

PETRUS ALOYSIUS Episcopus Albanensis Cardinalis Carafa.

SI quis unquam in se complevit, quod Jeremias dixit ^a: *Bonum est Vi-*
ro, cum portaverit jugum ab adolescentia sua; *sedebit solitarius, & tace-*
bit, quia levavit super se; is est profectò beatus Petrus Regalatus, qui assuetus ab infantia pietatem colere, & suavissimum divinæ legis jugum sine ulla contradictione subire, *solitarius sedit*, hoc est, ab omni rerum terrenarum strepitu solutus, in seraphicam solitudinem se abdidit, atque ibidem *racuit*; quia nempe a sæculi perturbationibus liber, ac unius

^a *Thren. cap. 3. v. 27. & 28.*

cellulæ contentus angustiis , soli rerum cœlestium contemplationi vacabat , ac sola Paradisi gaudia meditabatur : Quamobrem *levavit super se* ; quatenus jugum divinæ legis gestienti læticia ferens , eandem legem insigni humilitate , heroica obedientia atque admiranda tolerantia complevit . Qui itaque jugum Domini tam bona voluntate super se tulit , ac tanta alacritate ad sexaginta & amplius annos sustinuit , quod reprovissam a Christo requiem^a sit consecutus , a Christi Vicario , pluribus miraculis id exigentibus , ut decernatur quammaximè convenit .

*FRANCISCUS Tit. S. Mariæ Transyberim Presbyter
Cardinalis Burghesius .*

Petrus Regalatus Sacerdos Familiæ Minorum S. Francisci , qui veterem severiorem disciplinam restituit inter suos : quique vitæ sociam virtutem eximiam semper habuit ; mortis autem comitem , illustrem gloriam famamque Sanctitatis ; cuique dum viveret (ut alia præteream) datum a Deo sicco pede super aquas incedere ; cumque jam mortuus esset reviviscere , apertoque Sepulchro panem porrigere mendico ; dignus ipse quidem mea sententia est , quem tu PATER BEATISSIME nunc tandem ornes ex ejus maximis clarissimisque virtutibus riteque consecratum in Divos referas . Atque ita ea de re censeo .

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili .*

SI Christianorum moribus in deterius collapsis magnum præsidium sensit Ecclesia Dei in beato Francisco , non modicum certè subsidium habuit in beato Petro Regalato Ordinis ejusdem S. Francisci Restauratore : Nihil enim eorum , quæ miramur in Patre , desideramus in Filio ; obtinuit ipse beatissimi Patriarchæ spiritum duplicem , quo & virtutes ejus imitaretur , & regularem disciplinam in suis affeculis primævo splendori restitueret ; & si juxta verba scripturæ , gloria Patris est Filius sapiens , duplici prærogativa fulget Petrus , & quod heroicis virtutibus insignitus Francisci Patris sui auxerit gloriam , & quod eandem Patris gloriam sibi promeruerit in filiis suis , quos verbo & exemplo instituens Deo peperit , & quorum aliqui ab hac Sancta Sede jam diu Sanctorum Fastis sunt adscripti . Quare cum ad ejus Sanctitatem comprobendam miracula etiam accesserint , illum dignissimum censeo , qui a SANCTITATE VESTRA solemni pompa inter Sanctos cooptetur .

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni .*

Beatum Petrum Regalum in Sanctorum Albo meritò adscribendum plura , eaque præclara Sanctitatis argumenta suadent . Ab ineunte enim ætate , ut excelsum Sanctitatis ædificium erigeret , de fundamento prius cogitavit humilitatis , ac avita generis nobilitate contempta , solemnibusque votis Deo nuncupatis in sacra Minorum sancti Francisci Familia , tum Proximorum saluti , tum eorum subsidio , qui vinculis carnis exoluti anhelant ad Regnum filiorum Dei , se totum mancipavit , ut vel Ægrotos in Nosocomiis , carceris squallore confectos , barbarorum captivitate detentos , eleemosynis , consiliis , obtenta libertate sublevaret : vel Defunctorum animas sibi charitate conjunctas orationibus , jugibus lacrymis , jejuniis aliisque proprii corporis cruciatibus a piacularibus flammis expiaret . Hæc & aliæ virtutes miraculis cœlitus illustratæ postulant BEATISSIME PATER , ut qui se humiliavit in terris , in terris quoque per SANCTITATEM VESTRAM exaltetur , & qui tandiu seminavit in lacrymis , metat tandem in exultatione proventum , coronam scilicet auream expressam signo sanctitatis & gloria honoris .

DOMINICUS Tit. SS. XII. Apostolorum Presbyter Cardinalis Riviera .

Sicuti Divina Providentia constitutum arbitror , ut iis , quorum laus esse debet in Ecclesia Sanctorum , post certum quemdam ac præfinitum diem cœlestes in terris honores tribuantur , ita non sine manifesto Dei consilio in tua tempora reservatum puto , BEATISSIME PATER quod tuo Decreto post plura secula de beato Petro Regalato inter Sanctos referendo sit actum . Tales enim tantæque virtutes , quibus arctioris inter Francisci Alumnos observantiæ vindex in Hispaniis emicuit , humilitas in primis , castigatio corporis , abstinencia singularis , altissima rerum divinarum contemplatio , mira in pauperes sollicitudo , *que fruisse dixerim Petro ab Alcantara ad ejus sectanda vestigia magno postmodum fuisse exemplo* ; præterea signa quamplura ac prodigia , præsertim verò nuperissime edita , demonstrare apertè videntur , noluisse Deum hominis sanctitatem diutius latere sub modio , sed quod posita super candelabrum luceat omnibus , qui in domo sunt .

JOANNES BAPTISTA Tit. S. Mariæ Angelorum
Presbyter Cardinalis Spinula.

BEATISSIME PATER. Beatus Petrus Regalatus puer adhuc decennis se Deo devovit, & in Fratrum Minorum Cœnobium secedens soli Deo famulaturus, ea omnia heroicè fortiter perfectèque aggressus fuit, quibus eam, quam Deus diligentibus se promisit, immarcescibilem coronam promeruit. Ipse enim Deus ascensiones in corde suo disposuit in valle lacrymarum, in loco quem posuit. Testatus propterea est omnipotentia suæ divitiis Servi sui sanctitatem; patratis ab eo insignibus miraculis adhuc vitam agente, simulque post obitum, quibus ejus gloriam omnibus manifestare voluit. Nihil itaque superest nisi, ut meritissimè per supremum SANCTITATIS VESTRÆ judicium Sanctorum Catalogo hic Servus Dei adscribatur.

RAYNERIUS Tit. S. Sabinae Presbyter Cardinalis de Ilcio.

QUOD olim de S. Petro Apostolorum Principe appositè pronunciavit S. Bernardus, id planè de B. Petro Regalato ipse usurpaverim. ^a *Fidelem ille sermonem, & omni acceptione dignum colloquium appellavit, quo beatus Apostolus Christo Domino dixerat* ^b : *Ecce Nos reliquimus omnia, & secuti sumus te*. Fidelem & ipse eam vocem asseruerim, qua B. Petrus Regalatus cum esset decennis Mundo, opibus ac nobili cognationi suæ vale dicere a matre vidua enixè flagitavit, & in patrio Franciscanæ Familiæ Cœnobio puerulus adhuc, & impubes se adscripsit, fremente humani generis hoste, qui ut olim scripsit D. Hieronymus, *cernebat se vinci a puero, & prius ab eo calcatum fuisse, quàm per ætatem calcare potuisset*. In hoc autem susceptæ vitæ Instituto ad summum Evangelicæ perfectionis culmen contendens, humilitate, odio sui, paupertatis amore, orationis Divinæque gloriæ studio, ceterisque vitæ religiosæ virtutibus adeo excelluit, ut Seraphici sui Patriarchæ Francisci, quam simillimam imaginem per omnem ætatem retulerit, & suo exemplo quamplura per Hispaniam Cœnobia ad veterem sanctimoniam & religiosam observantiam revocarit.

Quanta verò & quàm sublimis B. Petri Regalati Sanctitas fuit, miracula, quibus a Deo mirificari obtinuit abundè testantur, quæ tum numero, tum magnitudine a SANCTITATE VESTRA, & a Sacra Rituum Congregatione plusquam satis judicata fuerunt ad supplendam de heroicitate virtutum aliàs necessariam probationem.

Quare in ea prorsus sententia sum, quod indicentur a BEATITUDINE VESTRA publici & universales hujusmodi Beato honores, ut juxta Ecclesiastici

^a Tract. de contempt. Mund. cap. 1. ^b Matth. 19.

clesiastici monitum, sapientiam ipsius enarrent Populi & laudem ejus nunciet Ecclesia.

DOMINICUS Tit. S. Bernardi Presbyter Cardinalis Passionens.

Neminem fore arbitror BEATISSIME PATER, qui magnanimos alicujus Reipublicæ conditores debitis laudibus afficiens, pari honore prosequi nollet eos, qui eandem Rempublicam pene cadentem, studio & labore fulcire contenderent. Hinc per omnem ætatem & omnium linguis celebrari fortissimum Esdram accepimus, qui excelsa atque incredibili virtute corruptam legem correxit, & summa animi magnitudine dirutum Templum instauravit: Quamobrem cum Petrus Regalatus sancti Francisci Familiam, cui ab ineunte ætate nomen dederat in Hispaniarum Regnis, hominum & temporum vitio collapsam, ad veterem Institutoris normam, auctoritate & exemplo revocare studuerit, censeo BEATISSIME PATER, adeo invictum Claustralis disciplinæ Restitutorem, veluti Familiæ suæ alterum Esdram, in Coelitum numero post hæc ingentia facta posse reponi, ut qui pro instauranda Fratrum salute in tot laboribus, vigiliis & lacrymis seminavit, portans nunc ante thronum Dei manipulos suos in Cœlis, metat palmas & agat per Te, BEATISSIME PATER, in terris de tot hostibus devictis cum exultatione triumphum.

SYLVIVS Tit. S. Priscæ Presbyter Cardinalis Valenti.

Religiosa Hominum Instituta, quorum speciosa varietate Romana præfulget Ecclesia, eo præsertim approbatione & admiratione nos provocant, quia a purioribus Evangelici præceptoris consiliis primam atque unicam morum regulam sibi adsciscunt, qua studia & officia adeo supra naturæ vires se extollunt, ut præcox quædam inter terrarum orbem, & Cœlum societas iniri & coalescere videatur.

Vestigiis clarissimorum Virorum de tanta agendi sublimitate emeritorum inhærens beatus Petrus Regalatus, non sine maximis contentionibus & laboribus labefactum jam hoc portentum genus in Hispania instauravit. Dignus sanè BEATISSIME PATER, quod singulari colatur veneratione inter militaris Ecclesiæ pugiles, qui triumphali in Patria donatus est corona.

*Fr. JOACHIMVS Tit. SS. Quatuor Coronatorum Presbyter
Cardinalis Portocarrero.*

EX foecundissimo Seraphicæ Religionis agro prodit en alterum BEATISSIME PATER, Sanctitatis germen beatus Petrus Regalatus. Ab ineunte hic ætate intelligens se in sortem Domini vocatum, ut se a cupiditatibus

piditatibus seculi immaculatum custodiret, in sanctitate & iustitia ad humilem Crucis sequelam animum contulit, & Franciscanæ Familiæ nomine dato, asperrimam vivendi rationem sibi constituens, tanta cordis contentione Evangelicæ perfectionis stadium cucurrit, ut sanctissimos mores, mirabiles virtutes omnes beatissimi Patriarchæ Francisci in se ipso mirificè expresse, & absolutissimum evaserit exemplar. Congruum est itaque, ut qui Sanctorum merita per virtutes & prodigia, ejus nomine patrata, tam laudabiliter adæquavit, debita a militanti Ecclesia Sanctis præmia, Vestræ vocis Oraculo consequatur.

CAMILLUS Tit. SS. Joannis & Pauli Presbyter Cardinalis Paulutius.

BEATISSIME PATER. Perfectam ac undique sanctitate refulgentem vitæ rationem a beato Petro Regalato peractam mihi animo menteque recolenti, tot tantaque ejus heroicæ virtutis sese offerunt argumenta, ut ipsum procul ab omni dubio Sanctorum dignum honoribus justissimè existimem: Verùm quia non vacat ea nunc singillatim referre, ideo omissis vel maxima illa austeritate, qua suum corpus continuè excruciat, vel assidua cœlestium contemplatione, qua spiritum reficiebat, vel sublimi illa humilitate, qua sui contemptum in deliciis semper habuit, sat est animum convertere ad restitutam Franciscanæ Familiæ suo consilio, opera atque exemplo veteris Instituti observantiam, ex quo sanè ab ipso feliciter absoluto opere ejus enixum in religiosis virtutibus colendis studium, ejusque vitæ sanctitas haud obscurè depromitur. Cumque insuper Altissimo placuerit antea actam ejusdem vitam prodigiis comprobare, lubeat quæso etiam SANCTITATI VESTRÆ huic Beato Sanctorum Heroum cultum in terris decernere.

*CAROLUS ALBERTUS Tit. S. Mariæ de Pace Presbyter
Cardinalis Guidobonus Cavalchini.*

ODorem suavitatis dederunt, BEATISSIME PATER, felices illæ dapum reliquiæ in gratissimos rosarum flores repente conversæ, quibus eximia Petri Regalati in Pauperes charitas fuit ab improvidis ejus obrectatoribus mirabiliter vindicata. Sed longè melior & suavior Christi odor fuit ipse Petrus, quum Seraphicæ Familiæ hortum a primigenio Evangelicæ perfectionis flore deficientem, tamquam lilium in dumeto fecundissimè germinans, perenni virtutum omnium fragrantia recreavit roboravitque. Decet jamverò BEATISSIME PATER, strenuum hunc severioris religiosæ disciplinæ Restauratorem communibus universæ Ecclesiæ laudibus celebrari, ut unusquisque Fidelium ejus exemplo atque præsidio fulcitus, tamquam flos terræ fructificantis Deo, vividior semper effloreat in sanctificationem suam.

FRI-

FRIDERICUS Tit. S. Pancratii Presbyter Cardinalis Lantes.

INter tot, quos amplissimum Hispaniarum Regnum, veluti uberem pietatis segetem, omni ævo tulit conspicuos Sanctitate Viros, insignem certè locum jure obtinet B. Petrus Regalatus strictioris ibi disciplinæ in Franciscana Familia Author eximius. Quamquam enim oculatis Testibus, prout moris est, ipsius heroicæ virtutes ob temporis antiquitatem minimè probari queant, floruit enim seculo xv. Ipsi tamen perpetua quidem ac constans fama Sanctitatis longè latèque per Hispaniam universam, tam dum viveret, quàm post ejus obitum omnium sermone hominum pervagata, ac certissimis fide monumentis per manus veluti tradita, longævus insuper in eum Hispanorum cultus, signa etiam ipsius meritis a Deo ac patrata prodigia omnino efflagitare videntur, BEATISSIME PATER illum inter Sanctos rite esse connumerandum.

FRANCISCUS Tit. S. Mariæ de Populo Presbyter Cardinalis Riccius.

BEATISSIME PATER. B. Petrus Regalatus consumatissimæ christianæ perfectionis argumenta in ipso claustralis Ordinis S. Francisci Tirocinio omnibus patefecit. De excelso etenim milit Dominus ignem in ossibus ejus, & erudit eum. Nil mirum igitur quod ipsius præclarissimas Virtutes, Fidei, Spei & Charitatis cumulaverit Dominus tot insignibus donis & miraculis, ipsa rerum natura famulante fideli ac prudenti Servo, qui ardentissimo amore & puro corde ejus auctorem toto vitæ curriculo intensissimè coluit. Quæ cum ita sint, tuum erit BEATISSIME PATER, Virum istum tantis meritis & prodigiis coruscantem Sanctorum Fastis adscribere, ut novum Christifidelibus sit virtutum exemplar, qui in omnibus se præbuit factorem bonorum operum.

ANTONIUS Tit. S. Silvestri in Capite Presbyter Cardinalis Rufus.

BEatus Petrus Regalati viam mandatorum Dei cucurrit, cum Dominus ab adolescentia dilatavit cor ejus. Viam hujusmodi ingressus incepit, perfecit consumavitque innocenter. Impuber adhuc Franciscanæ Familiæ nomen dedit, atque hac nova in semita exultavit ut gigas ad currendam perfectionis viam. Ut enim ostenderet quod viveret ipse, jam non ipse, sed viveret in eo Christus Jesus: Si quod arduum humilitatis, patientiæ, austeritatis, flagrantisve charitatis argumentum est, in se ipso cumulatissimè complevit; hancque Crucifixi imaginem jam in eo efformatam, ut in alios per imitationem transferret, & studium & opera impendit, ut Seraphica regula exactissimè servaretur: Quinimmo sancti Francisci spiritum æmulando, solitudini a florenti ætate se addixit,

P p atque

atque solitarii recessus jam pridem in Ordine Minorum instituti extitit Promotor insignis. Tam operosis virtutibus ornatus ad culmen perfectionis & charitatis in Deum & Proximum pervenit, ut vel mortuus & jam sepultus nullo mortalium moliente, sepulchrum illico apertum est, & manum suam aperuit inopi petenti, & palmas suas extendit ad pauperem. In votis ergo omnium est BEATISSIME PATER, ut per sacrum & publicum cultum a Te decretum fiat in præsentis seculi calamitatibus omnium adiutor fortis, qui prodigium factus est multis.

*D. FORTUNATUS Tit. S. Matthæi in Merulana
Presbyter Cardinalis Tamburinus.*

QUæ christianarum virtutum ornamenta sanctos Regularium Ordinum Institutores clarissimos reddidere, ea ipsa efficiunt, ut pietate insignes homines, qui eorundem Ordinum collapsam disciplinam restituerunt, celebrentur justissimis laudibus. Hos inter maximè elucet Petrus Regalati Sacerdos Professus Ordinis Minorum, novus Regularis observantiæ apud Hispanos Restitutor, qui ejus nominis gloriam cum heroicarum virtutum laude apprime conjunxit. Nam ab ineunte ætate amore Dei usque ad contemptum sui flagrans elegit abjectus esse inter S. Francisci Filios, ut sancti Parentis demissam humilitatem ac pauperimæ vitæ rationem imitaretur, & sanctissimè retineret. Quarum virtutum præsidio munitus ad eam Sanctitatem pervenit, quam Deus coronâ justitiæ donaret in Coelis; & quam signis ac prodigiis, quibus Servum suum & vivum & mortuum illustravit, terris illucere voluit. Nihil ergo jam restat aliud, nisi ut Tu BEATISSIME PATER tanti Viri nomen in Sanctorum Catalogo describi jubeas, quo tanquam veræ Sanctitatis imaginem ipsum intueamur, & pio ac debito cultu atque honore prosequamur.

D. JOACHIM Tit. S. Crucis in Jerusalem Presbyter Cardinalis Besutius.

CUM facere & pati sortia Sanctorum sit; idque præstiterit B. Petrus Regalatus non solum in exercenda, verum etiam in renovanda veteri illa asperrimaque vivendi norma, quam suis S. Franciscus de Assisio indixerat; illamque ad integritatem splendoremque pristinum innumeris difficultatibus superatis, seu melius dixerim devoratis, revocaverit: Cumque hujus Beati heroicas virtutes Cælum ipsum miraculis contestatum fuerit, ego volens libensque cœleste per prodigia judicium pie complector, illudque SANCTITATIS VESTRÆ quod Mundus expectat, venerabundus expostulo, atque suscipiam.

CAROLUS S. Mariæ in Via Lata Diaconus Cardinalis Marinus.

Quemadmodum ardentissimæ illæ cœlestium desideriorum flammæ in beati Petri Regalati corde succensæ in adeo magnum charitatis incendium excreverunt, ut perfectiora semper in mente habens, indeque usitatam licet piissimam Franciscanæ Familiæ vivendi methodum parvifaciens, novum in deserto loco Coenobium a se extructum, ita initialis asperrimi beatissimi Francisci Instituti rigidissimis regulis pro se & affeclis communivit, ut ipse ibi præ ceteris assiduâ hæroicarum omnium virtutum exercitatione supremum sanctimonix culmen attigerit.

Dextera Domini in retribuendo non parciore præsto fuit, nedum enim insignissimis illis prodigiis florescentiæ panis fragmentorum in rosas, interjecti fluminis (extenso Pallio cymbam supplente) transvadationis exanimisque ejus brachii ad impartendam egeno stipem, non fracto sepulchri marmore mirabilis extensionis; tutò altaribus inferi, & præclaro Beati nomine insigniri posse indicavit.

Sed binis etiam aliis æquè obstrepentibus post hunc cultum miraculis a SANCTITATE VESTRA (æquè maximo in his rebus Doctore ac Judice) latè approbatis, gratissimum sibi fore solemniorum illius cultum, Deus ipse unicus miraculorum auctor hac ultima signorum voce explicavit.

Hæc autem ipsa superni illius beneplaciti certitudo, juxta inconcussam hujus Apostolicæ Sedis praxim, meritò de se sola causare debet, ut eadem SANCTITAS VESTRA illo eodem obsequenti & libenti animo, quo semper illius placita exequitur, hoc etiam modò exequatur.

ALEXANDER S. Mariæ ad Martyres Diaconus Cardinalis Albanus.

Inter quamplurimos, quos Cœlo dedit Hispania celeberrimos sanctimonia Viros, e Franciscanorum Familia foecunda Sanctorum Matre prodiit beatus Petrus Regalatus adhuc impuber religiosum professus Institutum, paupertatis amantissimus & severioris disciplinæ Instaurator. Ejus charitas in sodales & externos diffusa omnem impendit operam ad spiritalem cunctorum salutem, nec Infirmis, egenis & captivis in gravibus eorum necessitatibus defuit, & non modica, ut Petrus Apostolorum Princeps, sed firmissima fretus fide, eximiam virtutem elementis ipsis testantibus, sæpius aquas sicco pede trajecit. Quam igitur etiam post beati Viri obitum Deus signis ac miraculis confirmavit Sanctitatem solemnem Fidelium veneratione cenfeo jure celebrandam.

NERIUS S. Eustachii Diaconus Cardinalis Corsinus .

Tanta fuit virtus & Sanctitas , qua præditus fuerat B. Petrus Regalatus , atque eadem tam perfecta tamque heroica & excellens , ut ejus odor post quatuor ferme seculorum intervallum perseveraverit , ac etiamsi illa in oblivionem venisset , tot miraculis fuerit confirmata , ut sanè credam BEATISSIME PATER , tutò posse procedi ad eum in Sanctorum Fastos adscribendum .

AGAPITUS S. Agathæ Gothorum Diaconus Cardinalis Mosca .

Repletum est gaudio os nostrum & lingua nostra exultatione , dum aquæ fluiditatem convertit Dominus veluti in petrae soliditatem , ut Petrus Regalatus Durii aquas non semel ad incolumitatem , sed de more ad commoditatem sicco pede trajiceret . Magnificavit sanè Dominus facere nobiscum : Si enim virente Synagoga convertit petram in stagna aquarum , nunc ubi sterilis peperit plurimos , atque ex Gentium vocatione Ecclesia nostra coaluit , aquam ipsam quasi in petram convertit Dominus , ut potentiam suam in Ecclesiae decus exerendo , Servi sui Sanctitatem contestaretur . Petrus ergo Regalatus , qui membrorum legem rigore poenitentiae devicerat , & cuncta sensibila bona paupertatis amore despexerat , ita ivit de virtute in virtutem , & ascensiones in corde suo ita disposuit , ut accedere contenderit ad Deum factorem suum ; qui sicuti ponit nubem ascensum suum , & ambulat super pennas ventorum , ita Servo suo dedit sicco vestigio super aquas incedere , aliisque signis coruscare . Hæc porro omnia BEATISSIME PATER exposculant , ut Petrum Regalatum inter Sanctos recensere non dedigneris .

*CAROLUS MARIA S. Mariæ in Porticu Diaconus
Cardinalis Sacripantes .*

Beatus Petrus Regalatus , qui suam animam odit in hoc mundo , ut in vitam æternam custodiret illam , tanto æstuavit charitatis ardore erga Proximos , ut in Pauperibus sublevandis , Infirmis reficiendis , Peccatoribus ad poenitentiam revocandis manus Dei cum illo esset , per quam miracula non defuere , quæ Viri Sanctitatem & cum Christo consuetudinem testarentur . Humilitatis , poenitentiae , ac innocentiae ceterarumque virtutum omnium eximium exemplar pro severiori sui Ordinis disciplina strenuè decertavit , & totam Ecclesiam suis meritis exornavit . Jure igitur Sanctorum Fastis adscribendum censeo Seraphicum Virum , qui nobis gloriosa vestigia imitanda reliquit .

MARIUS SS. Cosmæ & Damiani Diaconus Cardinalis Bolognietus .

Sicut lilium inter spinas servatur , ita Petrus Regalatus inter angusta paupertatis confinia & rigidas pœnitentiæ leges innocentia candom custodivit . Dignus propterea factus est , ut qui cuncta temporalia bona paupertate despexerat , & sensuum illecebras pœnitentiâ device- rat , omnia sub ejus pedibus subjicerentur . Hinc ut Servi sui Sanctita- tem Deus admirabili etiam signo contestaretur ^a : *Convertit aquas in siccita- tem* , ut Durium fluvium sicco vestigio Petrus de more trajiceret . Cum itaque virtutes virtutibus Petrus Regalatus vitam agendo cumulaverit , plurimisque deinceps signis inclaruerit , nihil omnino desideratur in Pe- tro ^b *quod utile est in recipiendo Sanctificationem ejus* , quam enixis votis BEA- TISSIME PATER præstolamur .

PROSPER S. Georgii Diaconus Cardinalis Columna de Sciarra .

Heroicas virtutes B. Petri Regalati non aliter probatas scimus & veluti confirmatas , quàm testimonio Divino quatuor miraculorum per quæ virtutum probationem , Testibus oculatis destitutam , satis su- perque suppleri hæc Sancta Sedes olim autumavit . Hisce quatuor mira- culis nuper accesserunt alia duo , quæ post indultam B. Petro veneratio- nem facta fuisse ferebantur , quæque ad examen revocata approbari meruerunt . Habes ergo BEATISSIME PATER satis superque sufficientia te- stimonia veritatis , quibus ad sanctarum legum præscriptum virtutes he- roicæ Servi Dei contestatæ remanent , & via satis tuta aperitur ad decer- nendam B. Petro sacram solemnemque sanctificationem . Non aliis le- gibus Majores tui solemnes sanctificationes Beatis decreverunt ; neque aliter Deus Beatorum Sanctorumque virtutes testatas voluit . Eja ergo indutus virtute ex alto , & infallibili tuo judicio cultum illum B. Petro decerne , qui mirabili vivendi genere PP. Franciscanis exemplo fuit , & Fidelibus omnibus admirationem attulit , quique sic glorificari meruit post labores plurimos pro Regulari Disciplina instauranda , pro Dei glo- ria & pro hominum salute fortiter exantlatos .

ALEXANDER S. Mariæ in Aquiro Diaconus Cardinalis Tanarius .

BEATISSIME PATER . Decet maximè , ut præstantissimi Viri , qui he- roicis virtutibus dum viverent , excelluerunt , atque post mortem in- signi miraculorum splendore claruerunt , infallibili Apostolicæ Sanctæ- que Sedis judicio in Sanctorum numerum referantur . Quare cum bea- tus Petrus Regalatus Evangelicæ perfectionis viam a pueritia ingressus , & sanctif-

^a Ecclesiast. cap. 39. vers. 29. ^b Apostolus ad Hebræos cap. 12. vers. 10.

sanctissimum divi Francisci Institutum diligentissimè ad mortem usque professus, laudatis virtutibus eminuerit; ardentissimæque in Deum & Proximum charitatis prodigium in hac mortali vita factus sit cunctis; indeque immortalem adeptus, luculentissima miraculorum luce ab eo ornatus fuerit, qui facit mirabilia solus: Quid aliud restat, nisi ut SANCTITATIS TUE sententia, Eum solemniùs regnare in Cœlis intelligamus; eundemque in terra alacriùs imitari & ferventiùs venerari possimus.

HIERONYMUS S. Adriani Diaconus Cardinalis de Bardis.

Tantum abfuit ut ^a fasciatio nugacitatis mentem B. Petri Regalati obscuraret, & inconstantia concupiscentiæ sensum transverteret, ut a prima ipsa ætate ^b exultavit sicut gigas, & Sanctitatis viam currere visus fuit. Id autem maximè patuit cum in Seraphicum Ordinem cooptatus partim exemplo, partim opera ac studio ad sanctissimi Patriarchæ Francisci ^c legem vitæ & disciplinæ restituendam tam diligenter incubuit. Quare cum ^d Justi hujus semita usque ad perfectam diem processerit, & quasi ^e lux splendens pluribus miraculis luxerit, rem Ecclesiæ perutilem SANCTITATEM VESTRAM facturam esse censeo, si eundem Sanctorum Fastis adscribat, ut quasi ^f firmamenti splendor & quasi stella in perpetuas effulgeat æternitates.

DOMINICUS SS. Viti & Modesti Diaconus Cardinalis Ursinus.

BEATISSIME PATER. Eximia sanctimonix luce usque ab ineunte ætate coruscavit Petrus Regalatus: Majora prætulit postquam avitis honoribus Mundique illecebris heroicè pessundatis Religioni nomen dedit: Tunc enim exultans ut gigas ad currendam perfectionis viam, regulari observantia inter Hispanos restituta virtutes omnes, præsertim humilitatis, abstinentiæ, paupertatis, patientiæ & charitatis, adeo solus ipse complexus est, ut vix ceteri singulas: Quare sicut in diebus suis placuit Deo, & inventus est Justus, ideo magnificavit eum insignium donatione charismatum: Quibus rite comprobatis, dignum propterea est, ut cœlestibus ille prosequatur honoribus, qui terrenos despexit, & velut Sanctitatis speculum universæ Ecclesiæ proponatur.

MUNDILLUS Ursinus Patriarcha Constantinopolitanus Assistens.

BEATISSIME PATER. Charitas ut Apostolus docet, est vinculum perfectionis, & plenitudo legis est dilectio. Proinde si quis est, qui beati Petri Regalati virtutes inter se colligatas uno intuitu comprehendere velit, in ejus singularem erga Deum & Proximos charitatem intueatur.

Quan-

^a Sap. 4. ^b Psal. 18. ^c Ecclef. 45. ^d Prov. 4. ^e Matth. 5. ^f Dan. 12.

Quanto fervore animi raperetur in Deum ex his perspicui facile potest: Quod pene puer perfectionis iter arripiens contemplatione defigeretur in eum, quem per ætatem nosse vix poterat: Quod decennis unicum Deum sitiens paternæ domus honores divitiisque contempserit, atque ut pauperrimum sancti Francisci Institutum amplecti sibi liceret flagrantissimis precibus a Matre postulaverit ac demum obtinuerit: Quod ut Deo conjunctius adhæreret, atque in dies placeret magis, ejusdem Instituti disciplinam ad veterem integritatem revocaverit: Denique quod ceteris severiorem illam vivendi formam profitentibus omni asperitatum genere omnique virtutum exercitio longè antecesserit. Dilectionem verò ejus erga Proximum tria potissimum luculenter testantur. Testatur pietas in ægrotos eo usque heroica, ut eorum ulcera lambere non perhorresceret. Testatur indefessus in lucrandis animis labor; præsertim verò sollicitudo ut Proximi diligerent alterutrum, & mutuam in semetipsis charitatem haberent. Testantur demum immanes illi cruciatus, quibus in se ipsum sæviens animas in Purgatorio detentas ab iis ignibus quàm celerrimè eripere satagebat. Æquum igitur est, ut talem Virum, qui dum viveret semper in charitate mansit, nunc in Deo manere, & Deum in eo, SANCTITAS VESTRA infallibili sua definitione pronunciet.

**ANTONIUS MARIA Pallavicinus Patriarcha Antiochenus Assistens.*

Seraphici Patris imitator egregius Petrus Regalatus antiquam sui Ordinis disciplinam restituit: Cum asperrima vivendi ratione ac jugi divinarum rerum contemplatione, pietatis Officia & in Proximum charitatem conjungens perfectiorem utriusque vitæ formam omnium admirationi exhibuit. Inaudita miraculorum novitate ac magnitudine adeo effulsit, ut inter Sanctos recenferi & apud homines exaltari mereatur.

THOMAS Cervini Patriarcha Hierosolymitanus Assistens.

Dicente Christo Domino: *Qui non renuntiat omnibus, quæ possidet, non potest meus esse discipulus*; beatus Petrus Regalatus, ut hanc sibi perfectionem compararet, Matrem a prima ætate deseruit, generis splendorem ac seculi divitias contempsit, ut pauperrimum sancti Francisci Institutum amplecteretur; quod cum ad pristinam paupertatem revocasset, magnisque virtutibus & signis conspicuus effulisset, sanctissime obijt. Quid igitur amplius ut inter spectatissimos Christi discipulos cooptetur?

ALEXANDER Borgia Archiepiscopus Firmanus Assistens.

BEATISSIME PATER . Minoritica divi Francisci Familia in hac luce temporum profert de thesauro suo nova & vetera . Siquidem non solum beatos viros Fidelem a Sigmaringa , & Josephum a Leonissa tamquam superioris seculi Alumnos suos Tibi offert supremis Sanctorum titulis decorandos , verum etiam Petrum Regalatum Hispanum a tribus post ejus exscesum seculis perpetuo Regum ac Populorum cultu , accedente etiam Apostolicæ Sedis approbatione donatum : Virum sanè miræ sanctimonix & apud Fratres suos prisce ac severioris disciplinæ exemplo magis quàm verbo Instauratorem , cujus adhuc vivi imperio omnipotens Deus elementa subjecit , a quo defuncto præstari voluit ea , quæ vivus præstitit : Quapropter censeo tutissimum fore judicium , quo illi amplior titulus , solemnior cultus a Te SANCTISSIME PATER decernatur ; si enim in his judiciis Ecclesia consuevit testimonia hominum accipere , nonne testimonium trium seculorum majus est ? Rursus si testimoniis hominum Ecclesia non acquiescit , at divini etiam testimonii signa & prodigia requirit , nonne transmissa sicco pede flumina , confectum una tantum hora ad quadraginta millia passuum iter , conversa in flores panis & carnis fragmenta , correctus e sepulchro mortua manu mendico panis sanctimoniam & gloriam tanti Viri abundè testantur ac prædicant ?

MICHAEL de Palma Archiepiscopus Teatinus Assistens.

INvicto martyri , ac Fundatori egregio succedit in Ordine , SANCTISSIME PATER B. Petrus Regalatus , cujus insigne meritum in eo resplendet , quod inexplicabilibus exantlatis laboribus , ad primævi fervoris gloriam , suæ Familiæ observantiam revocaverit , auxerit , instauraverit , cui proinde , æquè ac aliis , Reformatoris eximii elogium grandede haud incongruè adscriberetur .

De Viri hujus percelebri Sanctitate abundè suademur , ex quo itinera vitæ suæ duplici gressu mirè confecerit , innocentia videlicet morum ac ardore pietatis : Seraphico Ordini adhuc impuber adscriptus alacriter *ivit de virtute in virtutem* , assiduoque earum exercitamento cuncto Populo sese conspicuum reddidit atque mirabilem .

Sanctitati vitæ robur addidere ac testimonium signa atque prodigia , quibus in Ecclesia Christi vivens mortuusque præfulsit .

Omnia hæc PATER BEATISSIME , sive virtutes , sive miracula voces de Cœlo sunt , quæ in B. Petro Regalato *enarrant gloriam Dei* . Teque summum Vicarium ejus excitant in terris , ut tandem aliquando irrefragabili Oraculo de Sanctitate ejus (veluti supplicamus) pronuncies , ac pro eo pares præcipias honores , quæ ceteri Sancti in Ecclesia venerantur .

STANISLAUS Poliaſtri Archiepiſcopus Roſſanus Aſſiſtens .

EX clariffima Regalatorum Familia , Valliſoleti in Caſtellæ Hiſpaniarum Regno celeberrima Urbe , beati Petri venerabile nomen , biſcentum ab hinc annis inter cœlites adſcribendum : Summa tandem animi alacritate , ſumma æquè pariter mentis admiratione , ex ore veſtro SANCTISSIME PATER , tandem prodire divina indulſit Providentia . Ejusque luculentiffima merita & heroicas virtutes aſſiduis miraculis illuſtratas , tamdiu oculatis teſtibus deſtitutas , nunc demum nimio SANCTITATIS VESTRÆ labore , non minus ac longiſſima diligentia & laborioſiſſimo ſtudio exagitatas , ac ea præſertim qua omnes antecellis ſuavitate dicendi , divinarum rerum peritia & eloquentia , recenſeri audit ætas noſtra & exultat : Quinimmo inter tot annorum invidioſa certamina , optatiſſimum Virum atque omni laude digniſſimum , divinæ vocis oraculo inter Sanctos relatum , congauDET excipere in gremio . Quid igitur pro ingenii mei paupertate poſt talem ac tantum laudatorem eximium adjicere poſſum ! Quidnam de tanto Sanctitatis Heroe , de quo memoriæ traditum eſt , quod inter ceteras chriſtiano nomine dignas animi dotes , adeo effuſa in Deum æſtuarent divini amoris incendia ; adeo exardeſcens erga genus humanum cœleſtis flamma charitatis urgeret ; adeo in ſanctiſſimam ſui Ordinis diſciplinam ex humana fragilitate collapsam , reparandam ardens deſiderium commendaret , ut BENEDICTUM Optimum Maximum Pontificem hujus nominis XIV. meruerit habere præconem egregium , tradere valeam ! Ni ea tantum profectò , quæ ad noſtram imbecillitatem ſublevandam , quæque ad noſtram tutò comparandam felicitatem utilia magis ac neceſſaria videntur ! Sanctorum enim exempla & facinora glorioſa ideo nobis proponuntur in terris , ut per ea , quaſi per viam tritam ac bene paratam , perarduum ſalutis iter facili negotio unusquiſque arripere , eoque arrepto in perfectionis ſtadio reddatur alacrior , & in currendo , non quaſi in incerto , ſed Sanctorum veſtigia ſectando ſic currat ut comprehendere animetur . Relatis igitur pro modulo meo SANCTITATI VESTRÆ gratiarum actionibus , dum Petrum Regalatum Virum rectum , humilem , hoſpitalem , prudentem , liberalem , fidelem , poenitentiae ſpectaculum , charitatis ſplendorem , Sanctitatis oraculum , perfectionis vexillum , virtutum omnium Magiſtrum , auctoritate ſuprema dictante proponit , totisque conatibus , ut ſequamur , inflammare contendit . Dum igitur inter cœlites adſcribitur , hoc unum pro mea ſententia & voto vehementer etiam atque etiam rogare non deſino , ut imitari non pigeat , quem laudare delectat .

FERDINANDUS MARIA de Rubeis Archiepiscopus Tarfi Assistens.

BEATISSIME PATER. Inter tot tantasque virtutes, quibus B. Petrus emicuit, illa certè eminentior fuit, misericordia in Pauperes, quos (etiam mortuos) juvare non destitit. Videant itaque pauperes & lætentur. Videant beatum Virum, qui intellexit super egenum & pauperem, in Sanctorum Canonem relatum; & quem jam tam eis beneficium experti sunt, præstantissimum habeant in Cœlis patronum.

JOANNES ANDREAS Tria Archiepiscopus Tyri Assistens.

Petrum Regalatum animam bonam a Domino sortitum fuisse plura habemus testimonia: Hic enim pubertate nondum exacta, ut perfectionis iter arriperet, in Franciscana Familia votis solemnibus Deo se mancipavit, & studio renovandi antiquum vivendi asperum genus, quod suis Patriarcha Franciscus indixerat, facultate ab Ordinarii Præfecto impetrata, una cum Villacretio, Viro ejusdem Ordinis clarissimo, in solitudinem secessit, ibique alii tum ex Minorum Familia, tum Presbyteri seculares suæ virtutis famâ allekti, una cum ipsis convenerunt, & Ordine interposita felicitis recordationis Martini V. auctoritate instaurato, quidquid reliquum a domesticis curis temporis erat, id omne in Proximorum salutem impendebat, in eos præsertim, qui vel in Nosocomiis gravi aliquo morbo afflicterentur, vel in Carceribus, vel in Turcarum vinculis inediâ & squalore conficerentur; & misericors Deus Petri Regalati Sanctitatem pluribus donis & miraculis comprobavit: Inter alia iter plurium dierum unius horæ spatio confecit, panis & carnis frustra ex communi mensa collecta, ad occultandum charitatis testimonium in flores convertit, aquas sicco pede trajecit, eo mortuo corpus flexibile redditum, suavissimum odorem redolebat, stipem languenti pauperi sua propria manu, quam e sepulchro exeruit, tradidit.

Quo factum est, ut probato plurium seculorum cultu, Venerabilis Servus Dei Innocentius XI. Officium & Missam in ipsius honorem quotannis celebrari permisit. Superest modò, ut Decretum per SANCTITATEM VESTRAM latum pro ejus Canonizatione executioni demandetur, prout ad id tutò deveniri posse demissè censeo.

MICHAEL MARIA Vincentini Archiepiscopus Theodossæ Assistens.

BEATISSIME PATER. Beatum Petrum Regalatum, quem paupertate, jejuniis, vigiliisque conspicuum, in Deum ac Proximum charitate ferventem, ceterisque præstantissimum virtutibus inspexere anteaucta secula, tot ac tanta sequuta sunt præter ordinem Sanctitatis opera & prodigia,

digia , ut divino afflata spiritu SANCTITAS VESTRA de veneratione , Arifque tanto Viro præftandis fapientiffimè excogitaverit .

SIMON Gritti Archiepifcopus Tyanenfis Affiftens .

BEATISSIME PATER . Beati Petri Regalati , quam ipfe ab incunabulis fortitus eft animam bonam , haud abfimilem enarrarunt per totum vitæ curfum mirabilia producta gefta , arctiori jugiter difciplinæ , ac afiduo de die in diem pœnitentiæ intenta ftudio , flagrantiffimam ejus in Deum ac Proximum palam facienti charitatem , fpiritalis (juxta Auguftini phrafim) rectum ac culmen ædificii , quod fibi adhuc vivens præparavit in Cœleftibus . Id planè illius interceffione a Deo patrata , atque intimè rigidiffimo de more difcuffa fcritinio referant , ac veluti ob oculos ponunt miracula , ut propterea tutiffimè quidem SANCTITAS VESTRA vicaria Chrifti voce coronam gloriæ , qua Petrus in Cœlis eft corona tus , univerfæ catholicæ Ecclefie de fuo ubertim geftienti Athleta , perinfalibile Decretum nunciare queat in terris .

JOSEPH MARIA Rufus Archiepifcopus Capuanus Affiftens .

SI mortalium quis fuerit , qui amici fortitudine chriftianas virtutes omnes fuerit feftatus ; feculique corruptelas vitare in animo conftituerit , cordifque innocentiam cum pœnitentiæ ac abftinentiæ virtute conjunxerit ; id pro virili , radiante Dei gratia , præftitit Servus Dei beatus Petrus Regalatus : Huic liquidem familiares jugiter fuerunt cœleftium contemplationes , jejunorumque austeritates : Huic corporis & fpiritus paupertas : Hic fanctiffimam Fratrum Minorum S. Francifci difciplinam ex humanæ naturæ imbecillitate collapsam ad priftinam integritatem splendoremque priftinum revocare ftuduit , omnemque in id cogitationem , conatus omnes fedulò impendit : Quo factum eft , ut paupertatis & humilitatis admirandum imitandumque præbuerit exemplum ; laboribus verò & jejuniis fractus poft Evangelici Stadii curfum , meruit abscondere vitam in Domino placidiffima Juftorum morte : Proinde cum Sanctitas Veftra edixerit beatum Petrum Regalati Sanctorum Faftis publicè adfcribi ; hoc exequi poffe cenfeo , fi BEATITUDINIS TUE nutus accefferit . Et ita &c.

NICOLAUS Carafa Archiepifcopus Philippenfis Affiftens .

OMnipotentia Dei non minùs in rerum creatione quàm confervatione refulgens altiffimæ Sanctitatis argumentum æqualiter præbet tam in iis , qui novæ Religionis in Ecclefia fua Fundatores extitere , quàm ceteris , qui temporum injuria collapsam ad priftinam obfervantiam revocarunt .

vocarunt . Si ergo divus Franciscus hunc supremum inter Divos gradum meruit obtinere a Gregorio IX. felicitis recordationis , utpote Seraphici Ordinis Auctor egregius , sicut in tua sapientissima allocutione , perpetuisque monumentis nos docuisti BEATISSIME PATER , eundem a Te expectat beatus Petrus , qui ipsius non modò Restaurator extitit , sed Parentis sui signa sequutus Crucem Domini a pueritia usque ad extremam senectutem in corde bajulans , in ipsa totam vitæ suæ rationem instituit . Unde meritò omnium judicio , qui ejusdem virtutum senserunt odorem , Sanctus nuncupatus est ; quod mirificè Deus post consummationem miraculis comprobavit . Hæc sententia mea est , quam supremo SANCTITATIS TUE judicio submitto .

*D. FERDINANDUS ROMUALDUS Guiccioli Archiepiscopus
Ravennæ Afsistens .*

R Estitutas decimoquarto & decimoquinto Ecclesiæ seculis antiquas Nitriæ ac Thebaidum solitudines legimus & admiramur , SANCTISSIME PATER in actis beati Petri Regalati , & renovata ejus operâ pristinorum solitariorum exempla . Beatus enim vir iste austera & sanctissima Patriarchæ sui Francisci vestigia proterens , atque arctissimam vitæ illius rationem in se ipso priùs amplexatus , tot in solitudinibus nova germina Sanctitatis felicissimè plantavit , quot e mundi sequela ereptos affeculas , eosque innumeros bonis omnibus , parentibus , sibi ipsis vale dicere jussit , atque intra montium nemorumque silentia comite solummodo paupertate ad Christi sequelam deduxit . Ipse autem Sanctitati maturus usque a teneris unguiculis , sui ipsius abjectione , poenitentia , humilitate , charitate pene incredibili , omnibus exemplar fuit , omnibus omnia factus , ita ut difficillima illa regulæ strictioris ratio , facilis & suavis ejus exemplo Sociis redderetur . Laboribus , jejuniis , angustiis , itineribus pro Domino suo Jesu , pro fratribus & Proximo incessanter etiam provecta ætate susceptis consumptus est , & Deo dilectus & hominibus , qualis vixerat diem obijt extremum . Prodigia plurima viventis Sanctitatem , defuncti Gloriam indicarunt . Quare inter cœlites a Sanctitate Vestra , BEATISSIME PATER adnumerari suo ipse jure postulare videtur : Id heroicæ illius virtutes exigunt , Ecclesia petit , vota omnia præstolantur .

FELIX Solatius Archiepiscopus Thebarum Afsistens .

H Eroicæ virtuti & miraculorum claritati semper in Ecclesia Dei Religiosus Sanctorum cultus præscriptus fuit ; in beato autem Petro Regalato fervens charitas erga Deum & Proximum , profunda humilitas , Evangelica paupertas , sui regularis Instituti exacta observantia ,
invi-

invicta fortitudo in continuis orationibus, jejuniis, asperrimisque cruciatibus tolerandis adeo emicuit, ut veræ Sanctitatis imago in ipsius vitæ curriculo, in terris expressa inspiceretur. Merito igitur BEATISSIME PATER Virum tam eximium & admirabilem, primævæ regulæ Seraphici Ordinis Restitutorem, virtutibus omnibus in gradu heroico ornatum & miraculis clarum, ut ex Actis, quacumque hæsitazione remota inter Sanctos recensendum solemni Canonizationis Ritu exultimarem.

ANTONIUS Fonsæca Episcopus Æsinus Afsistens.

INter Pauperes spiritu, quorum est Regnum Cœlorum, BEATISSIME PATER beatus Petrus Regalatus in Seraphico Ordine maximè enituit; pauper ipse vindex paupertatis, pauperum Pater. Contemptus Mundi, rerumque omnium abdicatio pauperem prædicant; rigor disciplinæ, solitarii recessus, nudi rudisque parietes vindicem paupertatis commonstrant; eleemosynarum copia, conversus in flores panis, porrecta cum ipso e tumulo dextera pauperum patrem ostendunt. Hunc propterea Dominus cum principibus populi sui collocavit; per hunc in supplices gratiarum divitias effundit; & huic Sanctorum cultum deferendum firmissimè censeo.

Fr. PLACIDUS Pezzancheri Episcopus Tiburtinus Afsistens.

BEatus Petrus Regalato ab ipsa pueritia christianæ austeræque vitæ præjactis fundamentis, adolescens sacræ militiæ in Religiosis Castris Minorum Observantium nomen dedit; ubi tum animi affectionibus, tum corporis sensibus jure ac durius intulit bellum, & Seraphici sui Patris egregius æmulator asperriam vivendi rationem, quam ne integritatis flos elangueret aut marcesceret, amplexus fuerat, aliquot in Cœnobiis stabilivit. Quia verò omnipotens & misericors Deus hunc Servum suum cœlestibus donis, atque inter cetera illo lacrymarum, quibus præsertim diffluebat, dum operabatur Sacris, ditavit ac prodigiis decoravit, eidem sanctorum Confessorum honores solemni ritu decernendos arbitror.

NICOLAUS XAVERIUS Santamaria Episcopus Cyrenensis Afsistens.

BEatus Petrus Regalatus in adolescentia cor gessit senile, fallaces Mundi illecebras & vanitates providè declinando. Vitæ deinde semitam eligens tutiorem Minorum Ordini nomen dedit, in quo se totum divinis obsequiis mancipando de virtute in virtutem profecit, in oratione assiduus, in corporis afflictione austerus, in eleemosynarum largitione ad miraculum usque profusus. Arctiorem Regulæ observantiam apud Hispanos

nos promovit divino fretus auxilio, Pontificia munitus auctoritate, ut apostolicam sui Patris Francisci vitam renovaret; quod severioris disciplinae studium, seraphicum zelum ceterasque eximias virtutes Deus ipse miris in vita & post mortem prodigiis comprobavit. Hunc igitur tantum Virum de christiana Republica & Franciscana Familia optimè meritum par est glorioso sanctorum Confessorum Canoni adscribere, ne glorificatus a Domino diutiùs humana devotione & cultu privetur.

NICOLAUS MICHAEL Abbati Episcopus Scyllacii Assistens.

Altissimæ paupertatis ac Fratrum Minorum Regulæ a Seraphico Parente demandatæ verus Reparator beatus Petrus Regalatus, humilitatis ceterarumque virtutum in gradu heroico Cultor eximius, ac miraculorum dono in vita & post mortem a Deo, qui est mirabilis in Sanctis suis, glorificatus, quæ omnia fuerunt rite ac rectè probata, trium seculorum vota postulant BEATISSIME PATER Sanctorum Fastis adscribere, si Sanctitati Vestræ placuerit, ipsum beatum Petrum pro quo enixè & humillimè precor ad maiorem Dei gloriam, militantis Ecclesiæ decorem atque regularis disciplinae observantiam.

BERNARDUS ANTONIUS Pizzella Episcopus Constantiæ Assistens.

Præclara virtutum merita ac miraculorum insignia solidis innixa argumentis, quæ beatum Petrum Regalatum Ordinis Minorum sancti Francisci Sacerdotem commendant ea sunt, quæ eundem in Sanctorum censum solemni ritu referri, meritò postulant. Ut enim virtutum Theologicarum potissimum, ad quas suos mores comparavit, laudabiles exercitationes præteream, illud nolim omittere, eximio in Religionem, cui nomen dederat, exarsisse studio atque zelo, quibus Religionem eandem nedum collabentem restituit, sed & novis austerioris vitæ legibus propositis illam nobilitavit: Congruit igitur, ut Operarium Ecclesiæ utilem, suis providum, ea quæ Sanctos decet gloria & honore dignum esse, infallibili SANCTITATIS TUÆ iudicio decernatur.

Fr. PAULUS Alpheran de Buffan Episcopus Melitensis Assistens.

BEATISSIME PATER. Antiquissimam Canonizationis causam beati Petri Regalati, tribus fere elapsis seculis SANCTITAS VESTRA mira & incredibili qua pollet huiusce rei sacræ cognitione instituendam esse pronuntiavit. Petrus Regalatus adhuc puer Evangelicæ perfectionis iter arripuit, & ut Franciscanæ Familiæ nomen dedit, perfectissimum religiosarum virtutum se præbuit exemplar, cogitationem omnem dein contulit, ut sancti Francisci asperrimum vivendi genus renovaret, quod re ipsa

ipsa & exemplo suo ipse perfecit. Incredibile dictu quod in vita & post mortem operatus est! Sed manus Domini erat cum illo; idcirco cenfeo frenum regularis observantiæ Restitutorem a SANCTITATE VESTRA Factis Sanctorum esse adscribendum.

*ALEXANDER de Abbatibus Episcopus Viterbiensis
& Tuscanensis Assistens.*

QUæ super heroicis B. Petri Regalati virtutibus passim circumferebantur, tametsi viderentur oculatis testibus haudquaquam suffulta, Cœlo nihilominus teste sese prodiderunt. Non enim cum eodem jacuit sepulta Sanctitas, quin e recluso ad naturæ stuporem tumulo manum exerceret liberalem in pauperem extrema fame tabescentem. Sic nimirum de loco suo pullularunt ossa, mortuumque prophetavit corpus ejus, in vita sua fecit monstra & in morte mirabilia operatus est. Illud præterea singulare privilegium adjungitur causæ B. Petri, quod primus Bullæ satisfecerit editæ a SANCTITATE VESTRA, dum tot post mortem comprobantur per ipsum patrata miracula, quot eadem requirit Bulla ad supplendum oculatorum de virtutibus testium auctoritatem. Jure itaque meritò supplices efflagitant fideles, ut inconcusso VESTRÆ SANCTITATIS oraculo B. Petrus Regalati numerum augeat Sanctorum Altaribus.

NICOLAUS FRANCISCUS de Bonhorne Episcopus Carpasensis Assistens.

Sicut arbor bona bonos fructus facit, sic boni parentes bonos interdum filios generant, quod verificatur in beato Petro Regalato Sacerdote Professo Ordinis Minorum, Regularis Observantiæ in Hispania Restitutore, qui ab optimis parentibus ortus ac piè & sanctè educatus a pueritia, usque ad ultimum vitæ spiritum Deum mirificè timuit & amavit, virtutesque christianas & religiosas in gradu excellentissimo indefinenter coluit & exercuit, ac inter alias opus summopere arduum & innumeris difficultatibus ac persecutionibus plenum, nempe abusus in Ordine suo introductos tollere, Regularemque observantiam restituere aggressus est impavidè, persecutus est constantissimè, atque felicissimè perfecit, erudiens multos regulam & justitiam Instituti sui primævam exactè observare & fideliter tueri: Unde mercedem erudientibus multos destinatam, scilicet quod qui ad justitiam erudierunt multos, fulgebunt quasi stellæ in perpetuas æternitates, esse in Cœlis consecutum & adeptum multis mirabilibus ac singularibus prodigiis benignè revelavit justus & misericors Dominus, ita ut Is jam ab immemorabili veneratus sit uti Sanctus in plurimis Hispaniæ locis, qualis veneratio ut infallibili S. Sedis Apostolicæ oraculo confirmetur, & ad totam Ecclesiam extendatur per solennem Decreti de ejus Canonizatione executionem videtur expedire, ut si

ut sic præfatus beatus Petrus omnibus fidelibus in exemplum proponatur pro abufibus improbandis & corrigendis , nec non in intercefforem , ut qualescumque abufus tollantur , ac neceffarius ordo & debitus primævus ftatus ubicumque reftituantur ; & ita sub iudicio SANCTITATIS VESTRÆ fentio .

LUDOVICUS ANTONIUS *Valdina olim Cremona Epifcopus
Hermopolitanus Afsiftens .*

SANCTORUM honoribus digniffimum effe cenfeo beatum Petrum Regalati ; qui enim Sanctorum præclariffimorum virtutes & egregia facta eft imitatus , fimili quoque cultu ab Ecclefia cum illis eft profequendus . Quam a Chrifto Domino sanctus Francifcus Evangelicam accepit regulam ad literam , prout ipfe Dominus fervari edixerat , Petrus fervavit femper , & collapsam reftauravit in pluribus Hispanorum Cœnobiis ejufdem obfervantiam , factus forma Gregis ex animo , humilitatis , paupertatis & reliquarum omnium exercitatione virtutum . Singularem Petri in Pauperes liberalitatem & in Deum fiduciam testari dignatus eft Dominus , vertendo in flores , quæ ille in facciperio egenis gerebat fercula , & jubendo , ut alter Petrus non modicæ Fidei super aquas ambularet . Egreffum ergo de fructibus feculi in æternæ falutis portum proponat SANCTITAS VESTRA toti Ecclefia floribus Sanctitatis laureatum .

FABRICIUS *Borgia Epifcopus Ferentinus Afsiftens .*

BEATISSIME PATER . Chriftus Jefus ut in Ecclefiam novum quoddam cœleftis vitæ genus induceret , cœpit facere prius , quàm docere ; quod cum probè intelligeret B. Petrus Regalatus , & sanctius illud Patriarchæ Francifci Institutum inter Fratres Ordinis fui renovare cuperet , perfectam illius in fe speciem & normam primus exhibuit , ut una ipfius vita lex foret , vividius expreffa moribus , quàm literis confignata . Quid ergo exequar congeminatos jejunio dies , indefeffum orandi ftudium , acerrimum fui odium atque contemptum ? Imaginem in eo Chrifti multiplicem adumbratam cerneret ; cum modò patientem patiens ac pene moriens ; modò refurgentem gaudens & pene gloriæ focius contemplaretur . Charitatem porro erga Proximos fatis Deus ipfe præclaro illo miraculo commendavit , cum ciborum reliquias Pauperibus deftinatas in rofas convertens ratum fecit , quod ille divino afflatus fpiritu , interroganti refponderat . Erit igitur novum religiofi Ordinis decus & fidelium omnium incitamentum , BEATISSIME PATER fi cœleftem hunc Virum veluti Sanctum jufferis invocari .

NICOLAUS Spinellus Episcopus Aversanus Assistens.

Solidæ christianæque virtutes, quibus beatum Petrum Regalatum admirandum in modum enituisse, severissimo præmisso examine rite rectèque probatum est, & liberalitas in pauperes, quibus sublevandis proprio quodam naturæ & gratiæ munere factus esse videbatur, id apertissimè evincunt, ut haud dubie, si ita SANCTITATI TUÆ visum fuerit, in Sanctorum numerum sit cooptandus, publicæque populi christiani venerationi proponendus, quod & ego sentio.

*HIPPOLYTUS e Rubeis Sancti Secundi Episcopus
Senogalliensis Assistens.*

Beatus Petrus Regalatus parentum quidem nobilitate, eorum autem christiana virtute clarior huc omnia sua retulit consilia, ut ad evangelicam perfectionem sese & alios componeret: Eapropter abnegans semetipsum arctiore professione sub regula S. Patris Francisci Dominum secutus, atque collapsam Ordinis disciplinam unacum Villacretio instauraturus, supellectilem universam, de qua secum asportanda unicè cogitavit, Breviarium fuit atque flagellum. Quis autem illo pauperior, quis sibi vilior, in se crudelior, quis erga Proximum miseratione plenior, quis erga Deum charitate ferventior? Miracula proinde, quibus omnipotens Deus testatam voluit Servi sui Sanctitatem, ea sunt quæ splendidiore esse nequeunt: Quadraginta scilicet millia passuum unius horæ spatio conficere, panis & carnis frustra tempore non suo in rosas conversa, Durii fluminis aquæ extenso super eas Pallio sicco pede trajectæ, supplici & conquerenti ad ejus sepulchrum mendico sponte sua revolui lapidem, Regalatum palam exerere manum, & pane dato retrahere; ne alia prope ejusdem generis æquè illustria & recentiora commemorem; unde ex merito causæ facturam arbitror SANCTITATEM VESTRAM, Beatum hunc Thaumaturgum in Sanctorum Album referendo.

D. PAULUS THOMAS Marana Episcopus Asculanus Assistens.

BEATISSIME PATER. Superna illa dona ab Apostolo enumerata, quæ tamen sine charitate inutilem reddunt possessorem, in beato Petro Regalati cum illâ mirum in modum copulantur; Eâ enim enituit fidei firmitate, ut siccis pedibus flumina transnadaret, ea indutus misericordiæ viscera, ut in sepulchro degens in pauperem visus est piam manum extendere, eam denique professus abstinentiam & paupertatem, ut Deus suis avidens virtutibus, sui filiorumque necessitati miraculo non semel dignatus est occurrere. Fons autem omnium charitas tanta cor ejus plenitudine

tudine occupavit , ut pluries ejusdem repagula & cubiculi angustias detrectans ignitas suas flammæ supra eminentia Coenobii tecta emiserit . Tot ergo suæ Sanctitatis signis & testibus illucescentibus quid prohibet solemni ritu Sanctum vocari nomen ejus !

Fr. SILVESTER Merani Episcopus Porphyrien. Afsistens.

Æ Terna ac planè indefectibilis est illorum Domini Nostri verborum veritas : Qui se humiliat exaltabitur . B. Petrus Regalatus sui Patris Francisci morem per omnia sequutus humiliavit se in rerum mundanarum contemptu , in exquisita corporis mortificatione , in perpetua sui abnegatione , in perfecta Christi sequela . Idque non solum ab humano sed etiam a divino quod majus est , accepimus testimonio , nempe ab illius miraculorum etiam dum viveret , tum magnitudine , tum frequentia . Illud ergo superest & æquitati maximè congruit , ut sententiam illam quæ suam obtinet firmitatem a Petri Cathedra , quam SANCTITATEM VESTRAM omnimodis implet , audiat universa Ecclesia hunc virtute provectum & excelsum Virum humilitatis suæ merito maximi esse loci apud eum , qui in altis habitat & humilia respicit in Cœlo & in terra .

NICOLAUS Mancinforti Episcopus Anconitanus Afsistens.

IN beato Petro Regalato Christifideles quod mirentur habent , habent quod imitentur . Miranda quidem prodigia , quibus *Dens se mirabilem reddidit in Sancto suo* : Imitandæ virtutes , quibus ille tamquam *Fidelis Servus & prudens constitutus super Familiam suam* , verbo & exemplo ita se gessit , ut Regularis Observantiæ Restitutoris nomen jure promeruerit . Deo itaque permaximè acceptum , hominibus charum , ac SANCTITATI VESTRÆ gloriosum fore censeo , si ipsa selectissimum Virum , miraculorum serie probatissimum , de Ordine suo , de catholica Religione , de Ecclesia tota benemeritum inter Sanctos statuatur recolendum .

ANTONIUS Cantoni Episcopus Faventinus Afsistens.

HEROICA B. Petri Regalati virtus a proposito sibi operis sublimitate , Regularis nimirum disciplinæ restauratione satis amplè commendatur . Ejus vitæ sanctissima gesta , quamvis ob temporis vetustatem minimè potuerint ad juris rigorem cœvorum testium examine probari , satis tamen & a constanti trium ferme seculorum veneratione & ab ipsius laborum fructu & a miraculorum præstantia & numero comprobantur . Quare nil obitare videtur , quominus optatæ Reformationis Auctor a SANCTITATE VESTRA solemni ritu inter Sanctos recenseatur .

PAULUS Bonavisa Episcopus Spoletinus Afsistens.

Religiosissimus Sacerdos Petrus Regalati, abjectis omnibus rebus humanis excussoque pulvere mundano, pauperem Christum in summa paupertate sequi voluit, & amore Christi crucifixi succensus toto tempore vitæ suæ crucem ejus bajulavit: In suprema vitæ austeritate mortificationem Crucis Christi in corpore suo semper circumtulit, & in eminenti contemplationis apice ita exarsit in amorem Christi, ut verè dicere poterat, non vivo ego sed vivit in me Christus: Unde illæ admirabiles virtutes christianæ perfectionis, quibus irradiabat, & effusa charitas erga Proximos præsertim pauperes profluxere: Itaque vivens in Christo filius lucis effectus, vocatus ad recipiendam mercedem suam a Jesu in illam lucem inaccessibilem & immensam divinæ majestatis se immerfit, ubi consors & particeps divinæ naturæ transmittit in terras radios suæ gloriæ miraculorum signis, quibus instruamur esse ipsum uti Sanctum venerandum in terris, cum jam inter Sanctos a Christo sit adscriptus in Cœlis. Si tamen ita SANCTITATI VESTRÆ visum fuerit.

CÆSAR Bonajuti Episcopus Pharenfis Afsistens.

Prodest universæ Ecclesiæ BEATISSIME PATER, ut quæ B. Petrus Regalatus præbuit virtutum exempla, publico præconio celebrentur in Mundo. Habent enim in ipso quem imitentur Fideles omnes, & præcipuè Religiosi Viri regularis observantiæ.

Is enim cum pietate erga Deum, cum corporis maceratione, cum observantiâ erga parentes, cum morum innocentia atque candore, toto vitæ suæ curriculo futuræ sanctitatis specimen exhibuit. Hinc Altissimus sanctam ejus vitam miraculis confirmavit, quibus etiam clarissimam ejus mortem reddidit.

Quamobrem summa perfusus lætitia propter hoc Omnipotentis munus SANCTITATEM VESTRAM enixè deprecor, ut B. Petrum Regalatum virtutibus & miraculis corruscantem Sanctorum numero adscribere non dedignetur.

MARIUS Maffei Episcopus Fulginas Afsistens.

GAude^a innocentia & exulta. Gaude inquam, quia in Petro Regalato ubique illaesa es, ubique secunda. Si tentaris proficis, si humiliaris erigeris. . . . Te Potentes honorant, suscipiunt Principes, Magnates exquirunt. Non aliunde verò tantam innocentiae securitatem Petrus Regalatus conscivit, quam legem membrorum compescendo, & spiritu facta carnis mor-

^a Smaragdus, vel Ardo Abbas in Diademate Monachorum cap. 82.

mortificando . Noverat planè Regalatus innocentiam in Eden quàm ci-
tissimè periisse , atque in Gethsemani sanguinei sudoris pretio fuisse re-
dentam . Quamobrem ut quam nascendo amiserat , renascendo recupe-
raret innocentiam , recuperatamque servaret , jugem adjecit mortifica-
tionem , asperum vitæ genus deligendo , quo non in alio gloriaretur ,
quàm in Cruce Domini nostri Jesu Christi , per quem illi Mundus cruci-
fixus erat , & ipse Mundo . Hoc porro innocentiae lilium inter tot spinas
pœnitentiæ a Petro Regalato servatum Potentes , Principes Magnatesque
magno in pretio habuisse , testantur hinc elegans loculamentum ejus cor-
pori ab Elisabetha Castellæ Regina excitatum , inde Caroli II. Hispania-
rum Regis , quamplurimumque Episcoporum ad Venerabilem Innocen-
tium XI. pro cultu ipsius amplificando legationes & vota . Ipse demum
Cœlorum Dominus plurimorum splendore signorum Petri Regalati in-
nocentiam illustravit . Tuum modò superest BEATISSIME PATER , atque
exoptamus oraculum , quo Sanctorum glorificationem Petro Regala-
to decernas .

GUIDO Orfelli Episcopus Casenæ Afsistens .

Petrus Regalatus jam tum ab infantia Deum timere ac revereri adeo
est visus , ut nullis blandientis fortunæ illecebris detineri potuerit ,
quominus generis nobilitate contempta in Patrio Fratrum Minorum Cœ-
nobio Religiosam seu potius cœlestem vitam iniret : Sed cum pluri-
mum de pristino illo pietatis fervore in ea familia remissum esse animad-
verteret , maximopere curavit ut Fratres ad severioris vitæ rationem re-
vocarentur . Quod feliciter assecutus in asperrimum locum secedens ,
quamplurimis ejus Sanctitatis & miraculorum fama permotis Viris novi
quasi gregis forma factus , dici non potest quàm multa quàmque præ-
clara virtutum omnium , sive quæ Deum , sive quæ Proximum spectant
exempla præbuerit : Donec plenus meritis maximisque à Deo donis cu-
mulatus , inter uberes Fratrum ac Populorum , quos ad omnem Sancti-
tatem instituisset , lacrymas est mortuus . Pauperibus tamen atque indi-
gentibus , quos in omni vita filiorum charissimorum loco habuerat , uni-
cèque dilexerat , vivere Petrus non destitit , siquidem iis licet vita fun-
ctus , manum e sepulchro porrigens in summa rerum desperatione opem
præsentissimam tulit . Faxit Deus BEATISSIME PATER , ut quemadmo-
dum Sanctitas Vestra beato Petro supremos Cœlestium honores meritò
deferre constituit , ita christianus orbis a diuturno gravissimoque bello
ipsius ope vindicatus , pulcherrimæ tandem pacis & tranquillitatis otio
perfruatur .

HYACINTHUS de Silvestris Episcopus Nepesinus & Sutrinus Assisians.

BEATUS Petrus Regalatus, quamquam ex illustri ortus Familia elegit tamen abjectus esse in domo Dei, magis quàm habitare in tabernaculis peccatorum. Arctioris observantiæ inter Franciscanos Alumnos auctor eximius & acerrimus propugnator, mirum quantum in vinea Domini adlaborarit, & quàm magnis charismatum donis cumulatus Proximum suum juverit. Illum proinde apprime virtutibus & miraculis clarum, id præcipuè tota fere postulante Hispania censeo, BEATISSIME PATER inter Superos rite esse connumerandum more institutoque majorum.

LEO LUCAS Vita Episcopus Oppidensis Assisians.

BEATISSIME PATER. Eæ sunt virtutes & miracula, quibus beati Petri Regalati vita morsque illustratur, ut jure meritò inter Sanctos referri posse censeam. Eluxit in eo profunda humilitas sui que contemptus, ut proprias laudes omnino perhorresceret, & injurias nedum æquanimiter toleraret, sed summa cum voluptate exciperet. Refulsit perfecta charitas erga Pauperes, qua potuit divino afflatus spiritu panis & carnis frustra ex communi mensa collecta, ut eleemosynas celaret, in candidas purpureasque rosas convertere, eo quidem tempore quo flores omnino adesse non poterant; in hoc non absimilis sanctæ Elisabeth Reginæ Lusitaniæ, quæ pecunias Pauperibus distribuendas, ut Regem laterent, hiberno tempore pariter in rosas immutavit. Majorem autem Petrus exercuit charitatem, dum post mortem Pauperi ad ejus sepulchrum genuflexo & necessitatem aperienti panem oratori propria manu porrexit. Præcipuè verò enituit Regularis disciplinæ studium jam in suo Ordine collapsæ & magna ex parte obsoletæ, ut eam in pristinum revocaret. Quibus aliisque virtutibus & miraculis clarum BEATISSIME PATER Sanctorum Albo ne dedigneris adscribere.

ÆGIDIUS Isabelli Episcopus Alliphanus Assisians.

BEATISSIME PATER. Petrus de Regalatis zelatus legem Ordinis sui, atque ad Socios conversus proclamans cum Mathathia^a: *Qui zelum habet legis, exeat post me, & amulatores estote legis, ac date animas vestras pro testamento Patris vestri*; quantum operibus, virtutibus & exemplo adlaboraverit, ut regularem disciplinam in Seraphico S. Francisci Ordine pene collapsam ac nimium conflictatam reintegraret, suisque jussis primordiis restitueret, & quantum mirabile hoc opus, benedicente Domino,

^a 1. Machab. 2.

mino, feliciter absolutum ei gratum acceptumque fuerit, tam popu-
lorum acclamationes, quàm verè obstupenda miracula, quibus illustra-
ri meruit, jam planè demonstrant. Dum ergo *ipse zelans zelum legis re-*
ceptus est in Cælum, dignus videtur, qui etiam hic in terris Sanctorum
Catalogo per SANCTITATEM VESTRAM recenseatur.

JOANNES ANTONIUS Bachetoni Episcopus Anagninae Assistens.

Virtutum beati Petri Regalati ex Parentibus misericordiæ Viris, quo-
rum pietates non defuerunt in semine eorum, fluxere primordia
& præsertim charitatis: Hæc etenim Petri viventis erga Pauperes & mi-
rè & verè floruit, corpus effecit agile, fluctusque sub pede duos; mor-
tui verò, sepulchrum ejus fecit gloriosum: Ex quorum probata multi-
tudo & eminentia miraculorum, alia etiam quæ in gradu heroico
exercuit, signantur charismata; collapsam videlicet restituendi disci-
plinam inter suos assiduum studium; & vitia exterminandi inter exte-
ros inexplebilis ardor: Sævus sibi semperque insensus; at patiens & be-
nignus infimæ sortis hominibus, quorum infirmitatibus & inscitia op-
portuno corporis animique medicamine & pabulo providere solemne
habuit. Tantarum fulgor virtutum agnitus in se, agnitus ostensione
signorum, sapienter admodum fiet BEATISSIME PATER, si christianis
populis per solemniorum ritum propiùs admoveatur, ut earum odore
perfusi cœlestia quærere, terrena fastidire suaviùs addiscant.


*FRANCISCUS ANTONIUS Spadea Episcopus Aquinas
& Fregellarum Assistens.*

BEATISSIME PATER. Sancti Francisci regula utpote ex Evangelico
fonte in Dei Ecclesiam derivata, & in Christi Domini vestigiis fun-
data, tam excelsæ perfectionis est, ut sectatores verè suos deficienti-
bus etiam miraculis ad summum eleuet apicem; nam quicumque hanc
regulam secuti fuerint, pax Dei super illos & misericordia certissimè
requiescit. Quid igitur sentiendum de B. Petro Regalato, qui statuit
supra petram pedes suos, & direxit gressus suos, non solum Institutoris
sui premens exactissimè vias, quibus totam legem implevit, sed & col-
lapsam sui Ordinis disciplinam immensis laboribus & sollicitudinibus
summo zelo ac fervore reparandam suscepit? Non minor profectò in
conservandis atque instaurandis, quàm in ordiendis Institutis adhiben-
dus est labor, spiritus consilii & fortitudinis, ac ardens zelus domus
Dei & in Proximum charitatis. Hæc in Regalato adeo effulserunt charis-
mata, ut plurimis prodigiis testatam voluerit Dominus ejusdem Sancti-
tatem tam in vita quàm postea, cunctis Hispaniarum Regnis exterisque
pariter Regionibus celebrem; quibus rite probatis æquum est, ut SAN-

CTITAS VESTRA tantum Virum de divi Francisci regula adeo benignè meritum, signis per cunctas christiani Orbis Provincias gloriosum, Sanctorum Fastis Canonizatione solemni dignetur adscribere.

TLUMURI PIETR' REGALAT CAA SPÆGNA,

SCIUM ILUMURI AT



Yanæ caa, eʒe cuur isc iggyai Kak imaʒʒ sciet, ſaa ggiʒʒ bota, egneræia riʒʒ, e veyæ tek' ay' ty truhey, e ty luteyæ po ſi cuur t'iſctenæ imaʒʒ sciet, e ſcium i diitunæ Profer. Ayð vet fratænà e ſcietit Frangiſk, egneh, eʒe elav don fod, e ggiʒʒ monæ, ſe ay e caa mbæſuanæ, e ndrekynæ mbæ uʒæ mææ tæ Miræ. ʒotøn' i maʒi e caa nderturæ ndæ ktæ yet me ſcium, e tæ mbæʒaa ſciegne. Præ andai loyas ſe mænda ʒʒomi paa frik, ſe præparatøn ʒoti iſct gnaæ imaʒʒ sciet.

Joſeſi Schirò Archiſcapu i Durrſit, e Vicar' Apoſtolicu i Hymarrs ndæ Arbænit.

Ejuſdem Verſio latina.

JOSEPHUS Schirò Archiepiſcopus Dyrrhachini olim Vicarius Apoſtolicus Cimarra in Epiro.

BEatus Petrus Regalatus Hispanus BEATISSIME PATER meruit adhuc vivens, ut Hispanica gens, cui familiaris pietas & ſincera Religio, ad ipſum undique conflueret tanquam ad inſigne perfectionis exemplar & Sanctitatis oraculum. Franciſcana quoque Familia, cui domeſtica ſemper fuit Evangelicæ perfectionis abſolutiſſima converſatio, eundem agnoſcit & prædicat ut eximium Reparatorem collapsæ Regularis diſciplinæ, tunc maximè temporis cum celeberrimus ille Ordo ſanctimoniæ florebat. Nonne magna iſta & præclara heroicæ Sanctitatis argumenta? ad hæc accedunt ſigna & miracula, quibus Deus Optimus Maximus voluit clarificare Servum ſuum etiam mortuum. Sentio proinde tutò proceſſi poſſe ad illius ſolemne Canonizationem.

Ի՞նչ լճմեապատիճ չայր Երբագոյն, և փոխանորդ
քի ան մերոյ :



Ահաբարին լճ՝ որ և սքանչելի 'ի քսու իւր,
դգանաւ ամենակարողութե իւրոյ առաւօտացոյց
'ի վրէժն երանելոյն Պետրոսի լուեկալաթօ ին . Օհ
յայտնեաց աշխարհի 'գործութիւնս նորին 'ի կեն-
դաւորութե . և զինի մահողն անաղստեացոյց սքան-
չելագործութե՝ յայտնելով 'զփառս նորին 'ի
յարբայութե . Օհ սոյն երանեցեալս վս հետեւօր
դորոյն ԼԻՔյն քրանչիսկոսի , ելև հարապատ և հաւատարիմ
որդի նորին : քանզի լեբաց զամ ունայնութիւնս աշխարհի , և
մեռոյց 'իկամս մարմնոյ զնքն ծգնութե , իմ խոտութե պահոց ,
աղսութե դիշերայնով , անդադար աղօթիւք , և մտածութե .
վս որոյ՝ պայծառայաւ ուն զԼԻՔ չայրն իւր քրանչիսկոս : Եւ
զի այսորիկ ամենեքեան բաղմաւ բնութե բնեցան 'ի ԼԻՔ ժո-
ղովոյն , և հաստեցան զոլ ծշմարիտ , և աներկբայելի : Տա-
ղադս որոյ , ով չայր Երբագոյն յաւէտ արժանաւոր իմ տեսա-
նի այս , զի բարձրացուցանեցես դոստընս նորին 'իյերկնսն , որ
արհամարհեաց զաշխարհն՝ լրիւ հեշտութե իւրով :

Ասորիս լճլեքսանդրեան . լճրք եպսկպոս
Կեսարեոյ Կապադովկեան , չայոց :

Ejusdem Versio latina .

SERGIVS ALEXANDRI Armenus Archiepiscopus Casarea Cappadociae .

QUI in Sanctis suis mirabilis est Deus , non modò quum adhuc viveret
beatus Petrus Regalatus , ad testandam ejus Sanctitatem in terris
omnipotentiae suae divitiis eum abundantissimè cumulavit ; sed etiam post
quàm ex hac luce migravit , ad ejus gloriam manifestandam in cœlis
miraculis eum mirificare dignatus est . Verus ille fuit Francisci sectator
& filius evangelica rerum omnium terrenarum abdicatione , asperrimis
carnis afflictationibus , jejuniis rigidissimis , ac fere perpetuis vigiliis ,
jugi meditationis studio & assidua oratione , insigni denique miraculo-
rum fulgore , quibus eum & viventem & post obitum Altissimus deco-
ravit . Hæc igitur omnia in solitis Congregationibus probè riteque di-
scussa & comprobata jure postulant , ut cœlestes in terris honores a SAN-

CTITATE VESTRA ei decernantur, qui mirâ animi demissione terrena contemnit.

STEPHANUS Evodius Assemanus Archiepiscopus Apameæ.

BEATUS Petrus Regalatus ^a *bonam fortitus animam* BEATISSIME PATER, ^b aperuit os suum & adtraxit spiritum, qui ejus pene collacteam immatura in ætate maturans integritatem, ^c sensu implevit cor illius, consilium & disciplinam direxit. Antecedente autem ista sapientia magnanimus Ordinis Minorum Regularis Observantiæ inter Hispanos Restitutor Confratrum suorum remissum vitæ genus adoritur, ^d opportunè & importunè obtestans quàm turpi lapsu ^e charitatem primam reliquissent, oblectrans ut memores essent unde excidissent; & instans ut prima opera facerent: Ipse verò ^f forma factus Gregis ex animo, ^g in illis quasi unus ex ipsis, veluti ^h Stella matutina in medio nebulae effulsit in Templo Dei; quasi Oliva pullulans, & Cypressus in altitudinem se extollens dilatavit gloriam Ordinis sui, & lætificavit Ecclesiam Dei in operibus suis. Eum igitur cujus instauratæ sobolis læcunditate meritò exultat sancta Mater Ecclesia, omnigenaque demiratur charismata, æquum ducat SANCTITAS VESTRA Sanctorum Fastis adscribere.

BERNARDINUS Vari Episcopus Civitatis Castellanae & Hortæ.

BEATISSIME PATER. Beatus Petrus Regalatus nihil vel a primis annis videtur antiquius habuisse quàm opere complere quod Christus edixit ⁱ: *Qui vult venire post me abneget semetipsum & tollat Crucem suam & sequatur me*. Quare rigidum S. Francisci Institutum amplexus, ut illud ad primævum rigorem reduceret, ejusque Sectatores ad perfectam sui abnegationem informaret, jejuniis, flagellationibus, vigiliis, orationibus, diurnis nocturnisque contemplationibus perpetuò incubuit; in quibus cum ad septuaginta circiter annos Christi Crucem strenuè tulisset, ad eundem insignibus virtutibus ornatus migravit; cumque magnis miraculis ejusdem merita fuerint comprobata, congruit quammaximè, ut Sanctæ Sedis quoque judicio comprobentur.

Πρεβος

^a Sap. 8. ^b Ps. 116. ^c Eccles. 17. ^d 2. Timoth. 4. ^e Apoc. 2. ^f 1. Petr. 5. ^g Eccles. 32. ^h Eccles. 50. ⁱ Matth. c. 16. vers. 24.

Прѣѡсфннцнѣ Пзрннѣ.



Нпзрзтескхль Прркз , аль жнпзрзтескхль Прркз
 фїю, сфзнтъ, шн ферннтъ нѡмече печель чешаѡ
 дешкнхъ мзна сѧ сзракхльн . Че сѧх тзмплать
 алтѡрь сфнцн жнкз трзїндѧ . Де ачїаста не мнѧ
 нѡнзъмъ жнъ Пзтрѡ регалать , шн дѡпз мѡарте .
 Кз мзна регзлатъ дннь мормзнтъ шаѡ жнтнхъ ,
 шн дѡпз че аѡ дѧть пзнне чельн лнѡнтъ , нрз шнѡ трасз .
 П.нтрѡ ачесте , шн алте мннѡнн , пре ачестъ вестнтъ бѡнннкз ,
 каре ферннтз бїѡцз дѡче жнъ черю , чен маї денаннѣ , ан Прѣѡс-
 фннцїн тале демѡлатъ жнъ Ншпанїѧ асз чннстн аѡ жннгдахнть . Де чн
 пентрѡ кашн пѣ анрѣ ѡрь жнъ че локз жнтрз алцн сфннцн жнтра
 жѡторю асз кїемѧ Прѣѡсфннцн тѧ сз порѡнчещъ , нѡ нѡмаї вѣд-
 ннкъ жль жѡдѣхъ , че мз шн рогъ .

Іоанъ Ін: Клеїнь Епискѡпхль Дѣла Фзгзрашь .

Eiusdem Versio latina .

JOANNES Innocentius Episcopus Fagarasiensis .

REgius Propheta Regii Vatis filius sanctum eum beatumque prædi-
 cat , qui manum suam aperuit inopi . Quod aliis Sanctis dum vi-
 verent contigit , hoc miramur in Petro Regalato etiam post obitum .
 Manum enim suam Regalatus e sepulchro exeruit , & pane Supplici dato
 retraxit . Hoc aliisque miraculis insignem Virum , quem divina fru-
 entem in Cœlis beatitudine Antecessores Vestri dudum coli in Hispaniis per-
 misere , ut etiam in toto terrarum orbe SANCTITAS VESTRA inter San-
 ctos invocandum decernat , non modò dignum censeo , sed etiam sup-
 plex rogo .

POMPEJUS Compagnoni Episcopus Auximanus & Cingulannus .

QUod in sacris hodie lectionibus dictum audivimus a Spiritu sancto :
Segregate mihi Paulum & Barnabam in opus , ad quod assumpsi eos ; id
 sim in quadam ratione in amplissima Minorum divi Francisci Familia ante
 annos lere trecentos factum videmus . Segregavit enim sibi Spiritus san-
 ctus electos Viros , atque in his præcipuum B. Petrum Regalatum , in

eximium illius Ordinis Reformandi opus , ad quod assumpsit eos . Porro quisquis de Franciscano Instituto per Ecclesiam universam saluberrimè diffusò æquâ mente judicare voluerit , is faciliè animadvertet quanti interesset puram illam & antiquam vivendi regulam , quam Franciscus præscripserat , retinere . Quam itaque & maxima hujusce operis laus Regalato debeat , & perpetuum vitæ tenorem is geferit asperrimæ Reformationi consentaneum , & heroicis ejus virtutibus gloria etiam accefferit miraculorum ; nihil desiderari video quominus illius nomen , secundum ea quæ proponuntur , Sanctorum Fastis sit adscribendum .

JACOBUS PHILIPPUS Consili Episcopus Amerinus .

BEatus Petrus Regalatus PATER SANCTISSIME jugum Domini , quod suave & leve esse jam noverat , ab adolescentia sua cum portaverit , mirabiles divina operante gratia ascensiones ad Deum in corde suo disposuit . Is enim sacræ divi Francisci militiæ vix adscriptus religiosus excolendis virtutibus adeo incubuit & enituit , ut tanquam perfectissimum eorum exemplar admirati sint omnes ; corpus suum ne adversus spiritum concupisceret , huc usque castigatum perpetuò exhibuit , ut in laboribus , vigiliis , jejuniis , orationibus , paupertate , frigore & nuditate tantum Domino deserviverit ; charitate erga Deum & Proximum adeo quoque refulsit , ut quoties aliqua de ipso , Christi passione & cœlesti Regno meditaretur , sive languens in terra permanere , sive in Atria domus Dei quodammodo elevari videretur ; ceterum difficile dictu , quo studio ac solertia omnibus omnia factus omne hominum genus , vel in Nosocomiis , vel in Carceribus , ac etiam Turcarum vinculis inedia , & squalore confectos singula singulis impertiendo officia pietatis , sublevaverit , quod cunctis , qui adhuc in hoc Mundo peregrinabantur a Patria , opem & operam præstando , ceteros fere omnes Evangelii Operarios emulatus est .

His adeo virtutibus Deo charus effectus , quot & qualia sint ex Alto ob ejus merita patrata miracula , jam novit Hispania & quidem tu cognovisti BEATISSIME PATER , cum ex ejus miraculorum numero sub legis per te latæ dispositione præsentem hanc Petri Canonizationis causam nequaquam comprehendi amplissimè declaraveris . Talia igitur hæc sunt , ut quemadmodum Cœli enarraverunt gloriam ejus , sic tuo nunc tandem infallibili Decreto , PATER SANCTISSIME beatum hunc Confessorem , virtute insignem , prodigiis illustrem , Regularis observantiæ humanæ naturæ infirmitate collapsæ Restitutorem in terris quoque venerandum inter Sanctos adscribere digneris .

JOSEPH Coppola Episcopus Aquilanus .

TE Judice tandem , te Præsides , quæ ad B. Petri Regalati Sanctitatem fidelibus proponendam legitimo desiderabantur jure , expleta sunt . Cum igitur ^a (juxta Textus sententiam) digna vox sit SANCTITATIS TUE legibus alligatum te profiteri ; hoc unum restat , ut eidem B. Petro debitos Sanctitatis honores solemniter tribuas , atque ita suarum odores rosarum , quas olim Petrus charitatis prodigio in sinu mirabiliter invenit , in perenne transibunt universalis delectamentum Ecclesiæ .

JOSEPH Rossi Episcopus Venafranus .

BEATISSIME PATER . Ecce nos dimisimus omnia & secuti sumus Te , Christo Domino dixit Princeps Apostolorum Petrus . Hoc & beatus Petrus Regalatus Apostolico zelo & perseverantia secutus est : Spretis enim Regalatae Gentis honoribus , relictis Matre ipsa & universis , quæ ex Mundo sunt , Franciscanæ Familiæ amplexus fuit paupertatem , & sanctissimi sui Ordinis disciplinam ex humanæ naturæ infirmitate collapsam , cooperante Villacretio ejusdem Ordinis Viro cum vitæ Sanctitate , tum rerum divinarum cognitione clarissimo ad integritatem & pristinum splendorem revocavit , ac seipsum Fratribus virtutum omnium perfectæ præsertim charitatis exemplar præbuit ; quarum virtutum suavissimus odor , ut latè diffunderetur ad manifestandam sui Servi perfectionem Deus Optimus Maximus aliqua panis & carnis frustra , quæ ex communi mensa ille collegerat ad reficiendos pauperes , statim ad interrogationem Vicarii sciscitantis : Quid deferret ? in recentissimas rosas convertit . Neque hæc solum dum Servus suus degebat in terris , operatus est Deus , sed postquam ad æternam gloriam illum vocaverat , aliis illustravit prodigiis , & illud mirabile fuit , quod quidam Mendicus ad Cœnobii janitorem accedens mensæ reliquias accepturus , cum jam in egenos distributas invenisset , statim templum ingressus ad Regalati sepulchrum provolutus clauit : Si tu viveres Regalate , non ego sanè duriter adeo viverem , nec mihi quo pascerer , nunc deesset . Continuo sua sponte apertum est sepulchrum , & manu Regalatus extensa panem supplici Mendico dedit : Regalatus itaque qui tot prodigiis , testante Domino vitam æternam accepit , colatur ab hominibus in terris , ut eo Protectore Panem , qui de Cœlo descendit & dat vitam Mundo , dignè consequantur .

HIE-

^a Theod. & Valent. in l. 4. C. de Legib.

HIERONYMUS Lorenzi Episcopus Acernensis.

SANCTISSIME PATER. B. Petrus Regalatus tertio decimo ætatis anno S. Francisci sectator factus, mox in Cœnobiis disciplinæ severioris assertor omni austeritatis genere, assidua cœlestium rerum meditatione, ardentissima in Deum & Proximos charitate adeo excelluit, ut in Hispania absolutissimum christianæ perfectionis exemplum haberetur. Placuisse illum Deo in diebus suis, escæ in flores conversæ, aquæ sicco pede transmissæ satis demonstrant: Dedisse illi Deum coronam gloriæ post mortem, lumen oculorum cœco redditum, ulcus insanabile itatim curatum aliaque miracula abundè testantur. Superest BEATISSIME PATER, ut quoniam Servi sui Sanctitatem tam apertè Deus ostendit, velis tu quoque, qui Dei vices in terra geris Sanctorum honores, ut enixè precor B. Petro decernere.

JOANNES FRANCISCUS Cavallinus Episcopus Alatrinus.

PRæclaræ atque heroicæ virtutes, ad quas per assiduas orationes, meditationes ac vigilias, perque crebra jejunia & summam proprii corporis castigationem pervenit beatus Petrus Regalatus Ordinis Minorum Observantiæ, tot miraculis roboratæ fuerunt, atque a summo Sanctitatis Vestræ judicio probatæ, ut in Sanctorum numero recensendus omnino videatur. Qua quidem in re non solum libentissimè adhæreo, verum etiam SANCTITATI VESTRÆ enixas demissasque preces effundo.

NICOLAUS Gioffi Episcopus Soranus.

Divina prodigia, quibus omnipotens Deus beatum Petrum Regalatum & adhuc in terris agentem & post obitum illustravit, luculentissima sunt testimonia non minus insignium christianarum religiosarumque virtutum, quibus ille divini honoris cultum, Regularis disciplinæ observantiam & æternam animarum salutem semper curavit, quàm sempiternæ gloriæ, quam eidem in Cœlis donavit bonorum omnium largitor & remunerator Deus. Itaque inter Sanctos per SANCTITATEM TUAM meritò referendum esse existimo.

JOANNES ANTONIUS Castelli Episcopus Catharensis.

Non est cur multis beati Petri Regalati singularia in Ecclesiam merita numerem. Testata namque res est, eum jam ab infanzia ipsa tanta pietate tantoque erga Deum & Proximos amore inclaruisse, ut ad maxima quæque natus esse videretur. Ubi autem Ordini Franciscano no-
men

men dedit, numquam destitit, quin & orationi insisteret, & corpus jejuniis, vigilia, flagellis maceraret, & miseris, ut vires ferebant, opem intenderet. Quin etiam cum angusti ei viderentur esse austeritatis fines, quibus tum Regularis suorum disciplina continebatur, petiit, ut sibi in solitudinem cum paucis secedere liceret. Id ubi obtinuit, vix dici potest, quàm severus in se, quàm in alios misericors fuerit. Postremò paupertate, religione, charitate, meritis, prodigiis clarus in Cœlum migravit. Quare non dubito, quin omnes, quotquot orthodoxam colunt religionem, summa animorum consensione judicent, bene a SANCTITATE VESTRA cum Ecclesia actum esse, quod Virum tantæ integritatis atque virtutis iis honoribus decorare statuerit, qui Sanctis meritò adhibentur.

NICOLAUS MARIA *Calcagnini Episcopus Civitatis Ducalis.*

Non minori commendatione dignus est, qui opus aliquod Christianidelibus proficuum instituit, quàm qui Institutum restaurat: B. Petrus Regalatus, qui Fratrum Minorum Regulam a S. Francisco Assisienti in paupertate & humilitate cordis fundatam a primæva institutione longè aberrantem fereque collapsam in Hispaniis primus omnium ad pristinam integritatem revocavit, restitutamque servavit ipse, atque ut ab Alumnis suis servaretur verbo & exemplo assiduisque laboribus est affectus; æquali cerrè ac Seraphicus Institutor honoris & laudis gloriâ commendari posse videtur; qui autem opera virtutis adeo laudabilia fecit & docuit, ac gratis miraculisque ab omnipotenti Deo condecorari promeruit, dignum sanè existimo, ut SANCTITAS VESTRA solennem professens Canonizationis sententiam illum in cœlesti gloria Patronum atque in terris virtutum speculum & exemplar mortalibus exhibeat & concedat.

D. INNOCENTIUS *Gorgoni Episcopus Pinnensis & Hadriensis.*

Quo tempore Bernardinus Senensis, Joannes a Capistrano, & Jacobus Picenus Minoritæ in Italia restaurantæ pristinæque severitati restituendæ apud Sodales suos Monasticæ disciplinæ, atque fidelium moribus verbo & exemplo corrigendis informandisque ad pietatem egregiam operam navarunt, beatus Petrus Regalatus utrumque in Hispania præstitit, eodem ac illi studio, pari labore, æquali miraculorum gloria & successu, atque eo amoris erga Deum, charitatis in Proximum, corporis afflictationis aliarumque virtutum exemplo, ut Populi in ipso veram Patriarchæ sui Francisci imaginem videre, admirari & venerari viderentur. Quare cum Apostolica Sedes similibus virtutibus æqualibusque meritis pares semper decernere consueverit honores, illis, diversis licet temporibus in Sanctorum numero recensitis, infallibili quæ in Te est, auctoritate beatum Petrum eorundem nunc Albo adscribi debere existi-

existimarem ; cum expediens videatur , difficillima hac nostra ætate Ecclesiam novo præsidio, Franciscanam Familiam novo Regularis Observantiæ stimulo , Fideles omnes novo virtutum omnium exemplari , ac Hispaniam novo Protectore munire .

Pauca hæc verba addidit in fine Sanctitas Sua .

VENERABILES FRATRES. Suffragia Vestra consensu unanimi deponunt , ut beatum Petrum Regalatum in Catalogum Sanctorum referamus . Nos cum opus fuerit , sententiam quoque nostram declarabimus . Interea magno studio Deum precamini , ut lumen suum Nobis impertiat ad opus hoc maximum pro ipsius voluntate in terris perficiendum .

D. Toppi tamquam Apostolicæ Cameræ Generalis Procurator pro Instrumentorum confectione , ne Actorum series ab hominum memoria dilaberetur , Protonotariis consuetâ formulâ intulit .

Ego Iohannes Philippus Toppi Sanctissimi Domini Nostri & Cameræ Apostolicæ Procurator Generalis rogo Vos omnes Protonotarios & Notarios Apostolicos hic præsentés , ut de sententiis , consilio & unanimi consensu Reverendissimorum DD. S. R. E. Cardinalium , necnon Patriarcharum , Archiepiscoporum & Episcoporum , deque Summi Pontificis oratione & deliberatione præbitis super solenni Canonizatione beati Petri Regalato unum vel plura , publicum seu publica conficiatis Instrumentum vel Instrumenta ad perpetuam rei memoriam .

Cui annuens R.P.D. Protonotariorum sub-Decanus Collegii sui nomine respondit : *Conficiemus* : Interim de genu Papam salutans atque illico erectus appellavit Testes eos , qui Pontificiæ circumstabant Sedi prolatis verbis : *Vobis Testibus* : Domumque regressus in Tabulas hæc omnia retulit hac methodo .

Instru-

*Instrumentum a Sub-Decano Protonotariorum rogatum
pro tertio semipublico Consistorio.*

I N N O M I N E D O M I N I A M E N .

CUm sit, quod Sanctissimus Dominus Noster BENEDICTUS Divina Providentia Papa XIV. post longam diligentemque Causæ discussionem super virtutibus, meritis & miraculis, quibus beatum Petrum Regalati Ordinis Minorum Observantium sancti Francisci Altissimus illustraverat; ad ejusdem solemnem Canonizationem devenire decrevisset, divino prius lumine tum publicis, tum privatis precibus implorato: Ne quid in re tanti momenti prætermisum videri posset laudabilibus suorum Prædecessorum Ordinationibus & vestigiis inhærens: Pro exquirendis excipiendisque Eminentissimorum S. R. E. Cardinalium, necnon Reverendissimorum Patriarcharum, Archiepiscoporum & Episcoporum convocatorum suffragiis super peragenda ejusdem beati Petri Regalati Canonizatione, Semipublicum habuit Consistorium in Aula, quæ loco Ducalis est in Quirinali Palatio Anno a Nativitate Domini Millesimo Septingentesimo Quadagesimosexto Indictione nona, Pontificatus ejusdem Sanctissimi Domini Nostri Papæ Anno sexto, die verò Sabbato undecima Junii.

Consistorialis hæc Actio, postquam Sanctissimus Pater ex Aula Paramentorum sacris Vestibus & simplici Mitra insignitus, inter duos Eminentissimos antiquiores Diaconos Cardinales Carolum nempe Marini, & Alexandrum Albani ad eandem Ducalem Aulam migraverat, sedemque conscenderat, suum sumpsit exordium a brevi, gravi ornataque Oratione, qua Sanctitas Sua amplissimum Purpuratorum Senatum & venerabilem ceterorum Patrum Confectum est allocutus, eorum consilia & sententias exposcens in maxima hac & omnium profectò longè gravissima ab ipso fulcienda deliberatione.

Statimac Summus Pontifex fecit dicendi finem, Eminentissimus Cardinalis Carafa Episcopus Albanensis, sicuti inter eos qui intererant, Eminentissimos Cardinales antiquior, ita primus omnium non solum sententiam suam edixit, verum etiam, ut ne diutiùs Fidelium vota remorarentur, Sanctissimum Dominum pro diu exoptata beati Petri Regalati Canonizatione instantissimè exoravit, eandem prorsus sententiam prosequuti sunt (consueto servato ritu) Sanctitatem suam pariter enixè rogantes reliqui Eminentissimi Patres scilicet.

Franciscus Tituli S. Mariæ Transtiberim S. R. E. Presbyter Cardinalis Burghesius.

- Antonius Xaverius Tit. S. Stephani in Monte Cœlio S. R. E. Presbyter Cardinalis de Gentilibus .
- Fr. Joannes Antonius Tit. SS. Silvestri & Martini in Montibus S. R. E. Presbyter Cardinalis Guadagni .
- Dominicus Tit. SS. XII. Apostolorum S. R. E. Presbyter Cardinalis Riviera .
- Joannes Baptista Tit. S. Mariæ Angelorum S. R. E. Presbyter Cardinalis Spinola .
- Raynerius Tit. S. Sabinæ S. R. E. Presbyter Cardinalis de Ilcio .
- Dominicus S. Bernardi S. R. E. Presbyter Cardinalis Passionei .
- Silvius Tit. S. Priscæ S. R. E. Presbyter Cardinalis de Valentibus .
- Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero .
- Camillus Tit. SS. Joannis & Pauli S. R. E. Presbyter Cardinalis Paulutus .
- Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchini .
- Fridericus Tit. S. Pancratii S. R. E. Presbyter Cardinalis Lantes .
- Franciscus Tit. S. Mariæ de Populo S. R. E. Presbyter Cardinalis Riccius .
- Antonius Tit. S. Silvestri in Capite S. R. E. Presbyter Cardinalis Rufus .
- D. Fortunatus Tit. S. Matthæi in Merulana S. R. E. Presbyter Cardinalis Tamburinus .
- D. Joachimus Tit. S. Crucis in Hierusalem S. R. E. Presbyter Cardinalis Befutius .
- Carolus S. Mariæ in Via Lata Diaconus S. R. E. Cardinalis Marini .
- Alexander S. Mariæ ad Martyres Diaconus S. R. E. Cardinalis Albanus .
- Nereus S. Eustachii Diaconus S. R. E. Cardinalis Corsinus .
- Agapitus S. Agathæ in Suburra Diaconus S. R. E. Cardinalis Mosca .
- Carolus Maria S. Mariæ in Porticu Diaconus S. R. E. Cardinalis Sacripantes .
- Marius SS. Cosmæ & Damiani Diaconus S. R. E. Cardinalis Bolognnetus .
- Prosper S. Georgii in Velabro Diaconus S. R. E. Cardinalis Columna de Sciarra .
- Alexander S. Mariæ in Aquiro Diaconus S. R. E. Cardinalis Tarnarius .
- Hieronymus S. Adriani Diaconus S. R. E. Cardinalis Bardi .
- Dominicus SS. Viti & Modesti Diaconus S. R. E. Cardinalis Urfinus

*Silentibus Eminentissimis Cardinalibus ; protinus proprium laturi iudicium
surrexerunt Reverendissimi Patriarchæ , Archiepiscopi
& Episcopi , nimirum .*

Mundillus Ursinus Patriarcha Constantinopolitanus .
 Antonius Maria Pallavicinus Patriarcha Antiochenus .
 Thomas Cervini Patriarcha Hierosolymitanus .
 Gabriel Eva Archiepiscopus Cypri Syrus , patria priùs , deinde lati-
 nâ linguâ suffragium emisit .
 Alexander Borgia Archiepiscopus Firmanus .
 Michael Palma Archiepiscopus Theatinus .
 Stanislaus Poliastri Archiepiscopus Rossanensis .
 Ferdinandus Maria de Rubeis Archiepiscopus Tarsensis .
 Joannes Andreas Tria Archiepiscopus Tyri .
 Michael Maria Vincentini Archiepiscopus Theodosiæ .
 Simon Gritti Archiepiscopus Tyanen .
 Josephus Rufus Archiepiscopus Capuanus .
 Nicolaus Carafa Archiepiscopus Philippenfis .
 D. Ferdinandus Romualdus Guiccioli Archiepiscopus Ravennaten .
 Felix Solatius Archiepiscopus Thebarum .
 Antonius Fonseca Episcopus Ælinus .
 D. Placidus Pezzancheri Episcopus Tyburtinus ,
 Nicolaus Xaverius Santamaria Episcopus Cyrenen .
 Nicolaus Michael Abbati Episcopus Scyllacii .
 Bernardus Antonius Pizzella Episcopus Constantien .
 Fr. Paulus Alpheran de Buffan Episcopus Meliten .
 Alexander de Abbatibus Episcopus Viterbien . & Tuscanen .
 Nicolaus Franciscus de Bonhome Episcopus Carpasien .
 Ludovicus Antonius Valdina , olim Cremona Episcopus Hermopo-
 litanus .
 Fabricius Borgia Episcopus Ferentinus .
 Nicolaus Spinelli Episcopus Aversanus .
 Hippolytus e Rubeis Episcopus Senogallien .
 D. Paulus Thomas Marana Episcopus Asculanus .
 Fr. Silvester Merani Episcopus Porphyriensis .
 Nicolaus Mancinforti Episcopus Anconitanus .
 Antonius Cantoni Episcopus Faventinus .
 Paulus Bonavisa Episcopus Spoletinus .
 Cæsar Bonajuti Episcopus Faren .
 Marius Maffei Episcopus Fulginaten .
 Guido Urfellus Episcopus Cæsenæ .
 Hyacinthus de Silvestris Episcopus Nepesinus & Sutrinus .

Leo Lucas Vita Episcopus Oppiden.

Ægidius Antonius Isabelli Episcopus Alliphanus.

Joannes Antonius Bachetoni Episcopus Anagninus.

Franciscus Antonius Spadea Episcopus Aquinas & Fregellarum.

Joseph Schirò Archiepiscopus Dyrrhachinus, patrio prius, deinde latino idiomate suffragium emisit.

Sergius Alexandri Armenus Archiepiscopus Cæsareæ Cappadociæ, patrio prius, deinde latino idiomate suffragium emisit.

Stephanus Affemanus Archiepiscopus Apameæ.

Bernardinus Vari Episcopus Civitatis Castellanae.

Joannes Innocentius Episcopus Fagarasiensis, patrio prius, deinde latino idiomate suffragium emisit.

Pompejus Compagnoni Episcopus Auximanus & Cingulan.

Jacobus Philippus Consoli Episcopus Amerinus.

Josephus Coppola Episcopus Aquilanus.

Joseph de Rubeis Episcopus Venafranus.

Hieronymus Lorenzi Episcopus Acernen.

Joannes Franciscus Cavallini Episcopus Alatrinus.

Nicolaus Gioffi Episcopus Soranus.

Joannes Antonius Castelli Episcopus Catharensis.

Nicolaus Maria Calcagnini Episcopus Civitatis Ducalis.

Innocentius Gorgonius Episcopus Pinnen.

Cum autem nullus alius ex sacro convocatorum Patrum Conventu suffragaturus superesset; Sanctissimus Dominus summopere lætatus, quod omnium Suffragatorum sententiæ votis suis concorditer responderent; brevi altera Allocutione non minus animi sui lætitiā, quā ad beati Petri Canonizationis solemnia quāprimum deveniendi promptitudinem luculenter ostendit, finemque fecit Actionis.

Priusquam tamen Sanctitas Sua confurgeret, & Patrum Confessus dissolveretur; Procurator Generalis Reverendæ Camerae Apostolicæ ad nos Protonotarios interessentes conversus, ut de omnibus præhabitis, de Sanctissimi Domini Nostri videlicet Allocutionibus, deque consilio, assensu & concordibus Eminentissimorum Cardinalium, necnon Patriarcharum, Archiepiscoporum & Episcoporum suffragiis unum vel plura, publicum seu publica, Instrumentum vel Instrumenta perenni Posterorum memoriæ demandandum vel demandanda conficeremus, de more rogavit.

Quapropter ego Antonius Maria Protonotarius Erba inter Protonotarios qui aderant antiquior; Collegii mei nomine respondi: *Conficiemus*: Sanctissimi Domini Nostri Familiaribus illic adstantibus his verbis in Testes adhibitis: *Vobis Testibus*: Et præsertim Illustrissimis DD. Paulo Zani Bononiensi, & Josepho Maria Puoti Neapolitano Testibus ad hoc specialiter vocatis, habitis atque rogatis.

Acta

Acta sunt hæc in Quirinali Palatio , die , mense , & anno , quibus supra .

In quorum fidem Nos Protonotarii Apostolici de numero Participantium requisiti & rogati præsens hoc Instrumentum confecimus , subscripsimus & publicavimus , solitoque Collegii Nostri Sigillo muniri , & in nostro Archivio ut futuris temporibus horum omnium perenne semper extet documentum Secretario nostro perdiligenter asservari & subscribi mandavimus . Actum ubi supra , præsentibus quibus supra Testibus ad præmissa vocatis , habitis atque rogatis .

Antonius Maria Protonotarius Erba Sub-Decanus .

Loco † Signi .

Franciscus Dominicus Clementi ejusdem Collegii Secret-

Accensentur hic suffragia Absentium a Consistorio ,
etli Romæ præsentium .

*THOMAS Episcopus Ostiensis & Veliternensis Sacri Collegii Decanus ,
Vice-Cancellarius Cardinalis Rufus .*

PROSEMINATA in animo beati Petri Regalati e Cœlo virtus cum ipso flore ætatis statim floruit . Illuxere scilicet maturæ in puero pietatis indicia , amor præsertim æternorum & fastidium eorum , quæ de Mundo sunt . Vix ingressus adolescentiæ limen , quanta contentione admitti inter Assisensis Patriarchæ Alumnos postulaverit , & quanta sui alacritate adscriptus Familiæ fuerit , ardor ille eximius , quo in præclara sanctissimi Parentis vestigia illico totus incumbere , hisque subinde constanter insistere visus fuit , liquidò demonstrat . Arcetissimæ paupertatis , altæ humilitatis , admirabilis poenitentiae , eximii revocandæ Minoriticæ Disciplinæ , quæ jam a sua origine deflectere cernebatur , inconcussi zeli , invictæ fortitudinis in promovenda Dei gloria & animarum salute , atque ceterarum virtutum odore longè latèque diffuso plurimos ad se traxit socios , quos erudivit sicut semetipsum . Sed & crevisse Petrum in Virum usquequaque perfectum , aperte pariter declarant manifesta divini in ipsum amoris indicia , quibus Altissimus coruscare hunc Servum suum voluit & viventem & secum jam feliciter in Cœlis regnantem . Æquum est itaque BEATISSIME PATER , & christiano Populo proficuum , ut beatus Petrus Regalatus a Sanctitate Vestra in Sanctorum Canonem referatur , ut sit ipse suis Cultoribus in exemplum simul & patrocinium .

*ANNIBAL Episcopus Portuensis Cardinalis Albanus
S. Clementis nuncupatus .*

INter tot Sanctos homines , qui Hispanam Nationem ac Religiosum Minorum Ordinem illustrant , jure meritoque accensendus est Petrus Regalatus . Is a prima ætate pietati studens mirificè christiana virtute profecit . Minorum adscriptus Familiæ tam naviter in perfectionem Religiosam & exactiorem suscepti Instituti disciplinam incubuit , ut brevi absolutissimum Sanctitatis exemplum evaserit : Nec venerationi tantum esset , verum etiam admirationi . Propriæ non contentus animæ bono , alios quoque ad christianæ vitæ perfectionem attraxit . Severiores Religiosi Instituti leges præscripsit , & Franciscanæ regulæ disciplinam exemplo & monitis promovit . Heroicarum virtutum merito vivus mortuusque a Populis celebratus & cultus multis etiam miraculis a Deo est illustratus . His autem nominibus non in Hispaniis tantum , sed & in aliis christiani orbis Regionibus egregiè spectatus & clarus , dignissimus habetur , qui a SANCTITATE VESTRA in Sanctorum numerum referatur , ut uno tempore B. Petri merito divinæ voluntati tot modis patefactæ , nec non Populorum atque virorum Principum piis votis fiat satis .

*VINCENTIUS Episcopus Prænестinus Cardinalis Petra
Major Pœnitentiarius .*

ET si opes atque hujus vitæ commoda plerisque esse soleant impedimento , quo minus in se rigidi severique esse velint , novit tamen beatus Petrus Regalatus Ordinis Minorum Observantium decus & ornamentum quanti illa essent habenda ; quocirca & dum in seculo erat , ea ipsa neglexit celsitque , ut poterat pauperibus , & ubi per ætatem licuit , pauperrimo Instituto nomen dedit , quo corpus suum nuditate , laboribus , vigiliis omnique austeritate in servitutem redigeret . Quin etiam cum his finibus tam angustis , ut ei quidem videbatur , ejus virtus contineri non posset , asperius vitæ genus quæsit , Superiorumque facultate in solitudinem una cum paucis sociis concessit , ubi antiquam Ordinis S. Francisci disciplinam renovavit & coluit . Vix dici potest , quot ibi virtutum & miraculorum laude inclaruerit . Diutissimis meditationibus , operibus pietatis , saluti animarum diligentissimam navavit operam . Postremò meritis onustus vitam hanc fluxam atque mortalem cum sempiterna eaque beata commutavit . Quamobrem censeo tempus advenisse , quo illi decretos a Sancta Sede honores adhibere oporteat .

JOSEPH Episcopus Tusculanus Cardinalis Accerambonus .

QUum Evangelicæ perfectionis stadium , quod cum summa animi contentione B. Petrus percurrit , totisque conatibus in aliis excitare non destitit , Deus Optimus Maximus in Sanctis suis verè mirabilis non modò cum adhuc viveret omnipotentiae suæ divitiis abundantissimè cumulaverit , sed postquam obiit ad ejus gloriam manifestandam in Cœlis , miraculis etiam mirificare dignatus sit : Dignum proinde SANCTITATIS VESTRÆ zelo futurum existimo , si ad augendum Ecclesiæ catholicæ decus & Franciscani Ordinis incrementum Servum Dei ad Divorum cultum solemni pompa promoveat .

VINCENTIUS Episcopus Sabinensis Cardinalis Bichius .

UT Sanctorum adscribantur Albo exigunt merita illorum , qui Religiosas Familias jam virtute florentes ad severiorem revocarunt disciplinam , & ad strictioris studium Instituti ab excelsa virtute commendati invitarunt . Et qui cum in vita , tum post mortem quamplurimis miraculis claruerunt , ut eorum Sanctitatem testaretur Deus . Profectò hæc omnia de beato Petro Regalato Sacerdote Professo Ordinis Minorum sancti Francisci & Regularis Observantiæ in Hispania Restitutore probata ac verificata noscuntur , dum beatus Petrus addictus Religioni sub strictissima paupertate viventi , ita de sua paupertate exultavit continuo , ut videretur renovasse verba *Apostoli ad Timotheum , habentes quibus tegamur , his contenti sumus* . In Regulari Observantia restituenda eaque sub strictiori Instituto confirmanda & stabilienda maximo cum fructu & progressu adlaboravit usque ad obitum . Charitate in Proximum & in Pauperes continuo ardenti studio flagravat : Et inventus Justus coram Deo quamplurimis miraculis etiam usque ad hæc tempora claruit ; unde tutus patet aditus ad sacros Sanctitatis honores eidem beato Petro deferendos .

*NICOLAUS MARIA Tit. S. Petri ad Vincula
Presbyter Cardinalis Lercarius .*

DEus Optimus Maximus , qui in Sanctis mirabilis semper fuit , cum adhuc viveret B. Petrus Regalatus Regularis Observantiæ inter Minores Restaurator , ad testandam ejus Sanctitatem in terris omnipotentiae suæ signis eum abundantissimè cumulavit ; sed magis post obitum ad ejus in Cœlis sublimem gloriam manifestandam in præmium finalis perseverantiæ miraculis ac prodigiis eum decorare dignatus est : Ut itaque universalis Ecclesia ejus opem ac patrocinium promereat , sacro univer-
fali

fali cultu SANCTITATIS VESTRÆ oraculo inter Sanctos adscriptum cum honoret ac veneretur .

TROJANUS Tit. S. Cæcilie Presbyter Cardinalis de Acquaviva .

MAGNUM equidem BEATISSIME PATER , Sanctitatis specimen dedit beatus Petrus Regalatus , qui adhuc impuber spretis opibus avi-
tæque suæ gentis honoribus in Fratrum Minorum Familiam cooptari vo-
luit ; atque per omnium virtutum gradus ad culmen Evangelicæ perfectio-
nis ascendens , ita fuit omnipotenti Deo fideliter serviens , ut signis quàm
acceptus esset , apertissimè comprobaretur . Tantum ergo Virum , qui ju-
stitiam operatus coronam gloriæ immarcescibilem recipere meruit , in
Sanctorum Canonem meritò adscribi posse putamus .

*RAPHAEL COSIMUS Tit. S. Marcelli Presbyter
Cardinalis de Hieronymis .*

BEATISSIME PATER . Divinæ mos est Providentiæ juxta locorum &
temporum opportunitates suos electos mittere Servos ad excolendam
Christi vineam vepribusque expurgandam . Plures hujusmodi & strenuos
Operarios continuata serie ex Minorum Ordine assumpsit , inter quos
egregius Dei Servus Petrus Regalatus mirificè claruit , qui ardentissima
in ipsum Deum & Proximum charitate flagrans , ceterisque virtutibus
coruscans dignis laudibus meritò ab omnibus celebratur . In eo verò præ-
cipuè præfulsit , quod collapsam in Hispaniis primævam Seraphici Or-
dinis observantiam egregiè intauravit heroicis virtutibus & exemplo .
Signis & portentis ante & post mortem Deus testatam voluit hujus beati
Viri merita gloriosa , quibus accedentibus dignum censeo , ut a SANCTI-
TATE VESTRA in sanctorum Confessorum Catalogo adscribatur ; ut qui
viderint fragilem hominem eadem generis infirmitate circumdatum in
carne supra carnem vixisse , & per fidem operantem justitiam adeptum
esse repositionem , pari Religionis ardore ad similia excitentur , & ni-
tantur ad coronam .

*CAROLUS Tit. S. Mariæ de Ara-Cœli Presbyter
Cardinalis Calcagninus .*

BEATUS Petrus Regalatus Sacerdos Professus Ordinis Minorum S. Fran-
cisci a primæva ætate exultavit ut gigas ad currendam viam Domi-
ni ; dum iter christianæ perfectionis arripiens ceteris miraculum es-
set & exemplar . Adscriptus inter sodales Seraphici Francisci , imitator
fuit fidelis tanti Patris usque adeo , ut sibi Mundum seque Mundo reddi-
derit crucifixum : Cum sublimem Regularis perfectionis observantiam in
suo

suo Ordine ex parte obsolevisse animadverteret, omnem diligentiam omneque studium adhibuit, quo eam ad integritatem & splendorem pristinum revocaret. In charitate, in humilitate, in rerum divinarum ferventi meditatione, in innocentiae candore & in corporis sui assidua afflictatione maximè enituit. Animarum corporumque lucris tam diligenter intentus fuit, ut in revocandis ad pietatem Populis labores, incommoda quamvis gravia patientissimè toleravit: Qua in re illud mirabile quod panes in egenos largiendos, ut Antistitem laterent, in rosas hiberno tempore permutavit. Quæ omnia omnipotens Deus pluribus confirmavit miraculis. Igitur Sanctorum Fastis adscribendum censeo ad Ecclesiæ præsidium & fidelium incitamentum.

PHILIPPUS MARIA Tit. S. Agnetis extra Mœnia
Presbyter Cardinalis de Montibus.

BEatus Petrus Regalatus avita generis nobilitate contempta in sacra Ordinis Minorum Familia adeo egregiè versatus est, ut ob expressam in se ipso vivam Evangelicæ perfectionis imaginem & ceteris præstiterit omnigenæ virtutis normam & heroicæ Sanctitatis exemplar. Zelo ductus severioris observantiæ Regularem collapsam sui Ordinis disciplinam ad primævam seraphici Instituti integritatem in Hispania revocavit. Ardore insuper charitatis exæstuans innumeris Proximum complectebatur officiis: Familiare quippe ei erat peregrinos hospitio exceptos reficere, morbo gravatos in Nosocomiis curare, carceris squalore confectos solari, & captivos sub Turcarum iugo detentos stipe sibi a divitibus collata in libertatem asserere; omnibus omnia factus, ut animas Christo lucrificeret. Reliquum est ut B Petrus Regalatus qui in Ecclesia tanquam sidus zelo Regularis disciplinæ ac ardore charitatis emicuit, tandem juxta Ritum Sedis Apostolicæ gloriæ coronam inter Sanctos recipiat in terris.

HIERONYMUS S. Angeli in Foro Piscium Diaconus
Cardinalis Columna.

NEminem esse puto BEATISSIME PATER, qui sanctissimi Patriarchæ Francisci virtutes egregias admiretur, sibi que temperare possit, ne beatum Petrum Regalatum ex eodem Minorum Ordine magna etiam & admiratione ac veneratione prosequatur. Uterque non *quasi in incertum currens*, aut aerem verberans castigavit corpus suum & in servitutem redegit, non in alio gloriatus nisi in Cruce Domini. Uterque pauper Spiritu, sciens horum esse Regnum Cœlorum, post aurum non abiit; eos uterque Thesauros sapientiæ ac scientiæ Dei unicè amavit, quos in Christo abscondidit Pater non sapientibus ac prudentibus revelans, sed

parvulis . Uterque *factus a Deo Minister novi Testamenti non litera , sed spiritu* Religiosos Viros exemplis sanctissimis informavit , nisi quod charitatis , humilitatis , paupertatis , abnegationis studium in Ordinem Minorum Franciscus invexit , Petrus restituit . Quamquam non iis se angustis coarctavit Petri virtus , ut sui tantum Ordinis bono consuleret , sanctissimi Patriarchæ sui vestigiis insilens opere comprobavit *latum nimis esse charitatis mandatum* , quod omnes complectatur a vitiis quos potest deterrens , ad mores Christiano dignos alliciens , nullos præteriens sive Nosocomiis detentos , sive Carceribus inclusos , sive Turcarum captivitate pressos , magnis utique laboribus exantlatis , ita tamen ut sicut in eo *abundabant passiones Christi* , ita & per Christum in eo *consolatio abundaret* . Quid est itaque quod ulterius requiramus BEATISSIME PATER , ut Sanctorum numero accenseatur beatus Petrus ? Ita planè fiet ut unus Canonizationis honor non modò B. Petrum sed & sanctissimum Patriarcham Franciscum commendet , cujus imitationi tantopere studuit magnus hic Seraphici Ordinis Alumnus : Verè siquidem testatur Salomon , Gloriam Patris esse filium sapientem .

JOSEPH MARIA Ferroni Archiepiscopus Damascenus Assistens .

Admirabiles planè ad Deum ascensiones in corde suo disposuit B. Petrus Regalatus ^a . Non solum ipse per asperum vitæ genus ad Sanctitatis apicem pervenire contendit , sed omnibus omnia factus , tam domesticos quam extraneos Christo lucrifacere studuit . De inclyto igitur Ordine ac de Ecclesia optimè meritus , quia fecit & docuit , magnus in eadem Ecclesia vocetur ^b .

Fr. ANTONINUS Camarda Episcopus Reatinus Assistens .

BEATISSIME PATER . Non hospes nec advena videbatur in terris beatus Petrus Regalatus , sed civis Sanctorum & domesticus Dei , cum nonnisi sapere studeret quæ sursum sunt , non quæ super terram . Hinc infinitos sapientiæ & scientiæ Dei thesauros assidua contemplatione promulgans , totus divino illo aestuabat igne , quem venit mittere in terram Unigenitus Dei Filius , cujus vehementissimam usque ad Ecclasiæ raptus admirabatur charitatem , qua dilexit nos & lavit nos a peccatis nostris in sanguine suo , factus obediens usque ad mortem , mortem autem Crucis . Ex qua tanti beneficii consideratione , maximo quoque agebatur dolore , cum videret filios hominum post tam copiosam redemptionem , rursus sibimetipsis crucifigere Filium Dei . Placeat igitur SANCTITATI VESTRÆ Cœlorum civibus eum solemniter insertum definire , qui totus in terris visus est homo cœlestis .

NI-

^a *Psalms* . 83. 7. ^b *Matth.* 5. 12.

NICOLAUS Simoni Episcopus Marcianensis Assistens.

Petrus Regalatus fortis viribus a juventute sua factus est Princeps selectioris militiæ, quæ sanctissimam Ordinis Minorum divi Francisci disciplinam ex humanæ naturæ infirmitate magna ex parte obsoletam, ipso præeunte cum verbo tum exemplo ad integritatem & splendorem pristinum revocavit. Virum igitur qui jugum portavit ab adolescentia, sedit in solitudine, posuitque in pulvere os suum, dignum puto qui tollatur in sublime, ut ejus laudes omnis Ecclesia nunciet ac colat Sanctitatem.

*MARCUS ANTONIUS Amalphitanus Episcopus Ortonen.
& Camplen. Assistens.*

BEATISSIME PATER. Beatus Petrus Regalatus Sacerdos Professus in Ordine Minorum Regularis Observantiæ singulari gratiæ Dei prærogativa suffultus morum innocentia ab incunabulis semper enituit. Tertiodecimo ætatis suæ anno ad Fratrum Minorum habitum admissus, brevi Religiosis virtutibus claruit, ac perfectionis apicem attigit. Eam in aliorum animis altè imprimere contendens, summo studio curavit antiquum illud asperissimumque vivendi genus, quod suis indixerat Seraphicus Patriarcha Franciscus, renovare. Summa fuit in eo abstinencia, cum rarò admodum aut vinum biberet, aut carnem gustaret, imo ut plurimum pane & aqua unicè vesceretur. Orationi addictus somno ita raro brevique utebatur, ut vel insomnes orando sæpe traduceret integras noctes, vel si defatigato ac deficiente corpore paululum decumbere cogeretur, id non aliter faceret quàm humi prostratus, ut non tam conquiescere quàm ipsammet quietem suo corpori molestam facere videretur. Cœlestium contemplationi perpetuò inhærebat Christi Redemptoris mysteria contemplando. Ardentissimo salutis animarum zelo succensus omnem adhibuit operam pro vitiis extirpandis, vel pro virtute in exteris etiam gentes amplificanda. Ut ipsa fraternitatis charitas diligeretur, summopere studuit; unde dissidentes ad pacem & concordiam revocavit: Afflictos in carceribus, vel sub Turcarum captivitate detentos aliosque inopes singulari charitatis exemplo adjuvit. Extra sensus frequenter raptus admirabiles Ecstases passus est. Quæ & alia innumera in ejus vitæ Compendio exposita, cum eum clarum reddant, & sanctis constet de virtutibus in gradu heroico, miraculis tam in vita quàm post mortem patratis, inter Sanctos solemni ritu recensendum fore censeo, si SANCTITATI VESTRÆ placuerit.

LUDOVICUS Savagieri Episcopus Tempensis .

BEatus Petrus Regalatus spreto in adolescentia nobilitatis fastu , divitiis omnibus relictis , seque Deo in Minoritico Sodalitio devoto , & mortificationis cruce suscepta , Christum sequutus humilitate , patientia atque eximia in Fratres charitate , evangelicam perfectionem profitentibus factus exemplar , verbo , exemplo magnisque laboribus restituta pristinae puritati ac severitati Minoritica in Hispania Familia , miraculorum gloria clarus veram Patris sui Francisci imaginem in suis virtutibus admirandam exhibuit , atque illius animam post transitum aeterna cum Christo perfrui beatitudine , multis deinceps prodigiis Deus testatus est . Quare si Tibi aliter non videatur BEATISSIME PATER , Eum in Sanctorum numerum referendum esse censeo .

ANTONIUS Franci Episcopus Grasseti .

PURES BEATISSIME PATER ut omnibus notum est , jam diu sacris Altaribus veneramur , qui cum beatum Petrum Regalatum sibi Patrem in Hispania selegissent , & Reformatæ ejusdem Familiae dedissent nomen , per paupertatem , per vigilias , per orationes , per inediam , per patientiam , certam fecerunt in restaurato per eundem Ordine vocationem . Eisdem igitur condignis honoribus , quos hæc ipsa Apostolica Sedes decrevit Filiis , Patrem æquè sanctissimum virtutibus miraculisque æquè clarissimum diutiùs privare , in ejusdem Patris injuriam cedere quodammodo videretur .

THOMAS ALEXIUS de Rubeis Episcopus Aprutinus .

DEerit fortè BEATISSIME PATER , quod dicerem & inani loquutione tædium dare nollem beati Petri Regalati referens merita & prodigia ; longior enim esset & difficilior provincia virtutes ejus recolere : Non quod lateat quid sit dicendum , sed quod nescio quomodo illa tam admiranda facinora sint explicanda .

De Viro loquitur qui S. Benedicti & sancti Patris Francisci vitam agere cum decrevisset , spiritum sancti Patriarchæ imitatus in desertum locum & solitarium cum alio Fratre Villacretio se contulit .

Hæc arena fuit , in qua Athleta Christi curavit virtutes omnes & spiritum sanctissimæ & asperrimæ Religionis splendescere .

Hæc illi arena fuit . Cum primò dato nomine Observantium S. Francisci Familiae adhuc ipso puero , & postquam flagellis omnique poenarum genere se cruciavit , alias ascensiones adortus pristinam paupertatem , orationes & poenas aggressus est .

In

In pauperes & captivos apprime prospexit, ut etiam defunctus e sepulchro consurgens panem cuidam oranti Mendico mirè porrexerit.

Virtutes omnes cum primis fidei, spei & charitatis in gradu heroico censitæ probatæque fuisse, ceteraque miracula cum satis clarè comperta sint, eundem in Album Sanctorum adscribi humillimè deprecamur.

Sequenti die utpote Dominica Consistorium habitum non est, quod tamen in Feriam secundam dilatum, omnibus quorum intererat adesse, per impressam schedulam notum Cursores fecerunt.

I N T I M A T I O

Per Cursores facienda etiam Domi dimissâ copiâ.

Die 13. Junii feria 2. in descripta jam Quirinalis Palatii Aula hora decimatertia Sanctissimus Dominus Noster semipublico Consistorio quarto intererit, Eminentissimorum Patrum, necnon Reverendissimorum Patriarcharum, Archiepiscoporum & Episcoporum suffragia in Causa Canonizationis beati Josephi a Leonissa Confessoris Ordinis Minorum S. Francisci Capuccinorum excepturus.

Ideo intimentur omnes & singuli Eminentissimi & Reverendissimi DD. Cardinales, necnon Reverendissimi DD. Patriarchæ, Archiepiscopi & Episcopi in Urbe præsentés, ac Domini Protonotarii Apostolici, duo Antiquiores Rotæ Auditores, Sacrorum Rituum Congregationis Secretarius, Promotor Fidei & Procurator Fiscalis Camera Apostolica.

De Mandato Sanctissimi Domini Nostri Papæ.

Ignatius Reali Apost. Cærem. Præf.

Dictâ igitur feriâ secundâ Sanctissimus Dominus Noster sacris Vestibus ornatus apud lectum Paramentorum per manus Cardinalium Diaconorum, exivit præcedente Cruce in Aulam, ubi jam congregati aderant ceteri Cardinales Præsulesque Ecclesiarum omnes, & salutari Crucis signo super eos producto sedit assidentibus Cardinalibus, stantibus aliis: Clausis deinde foribus, ne ii redirent qui ab Aula dimittebantur, quartam beati Josephi pro qua conveniebant, Causam sic exposuit.

VENERABILES FRATRES. Non ignoramus exploratum satis esse vestræ eruditioni, juxta veterem Ecclesiæ disciplinam inter Martyres non solum adnumeratos fuisse illos, qui pro christia-

na Religione vitam amiserunt , sed eos pariter , qui ob eandem Religionis causam acerbissima tormenta pertulerunt , licet postea superstites ab illis evadentes , mortali hac vita in pace perfuncti sint . In Conciliis , quæ a sancto Cypriano coacta fuerunt , aliqui Episcopi , nomine ac titulo Confessoris , alii verò Martyris obsignantur . Tertullianus autem in eo libro , quem in Praxeam conscripsit , titulum Martyris ipsi minimè tribuendum contendit , ob eam causam , quod levissimum ac breve tormenti genus tulisset , non verò quia vitæ spiritum inter cruciatus nequaquam emisisset : *Praxeas* , inquit , *de jactatione martyrii inflatus ob solum & simplex & breve carceris tedium* . Id etiam S. Joannis Evangelistæ celebri exemplo comprobatur , qui in dolium ferventis olei demissus , licet incolumis ex illo prodierit , & usque ad ultimam senectutem in pace vitam absolverit , tamen Martyris titulum a Fidelibus obtinuit . Ob eandem rationem sancta Thecla Protomartyr a Patribus nuncupatur , eo quod prima inter mulieres martyrii gloriam pro christiana Fide consecuta est : Quippe damnata ad bestias , quemadmodum ex Annalibus Ecclesiæ deprehendimus , cum nullum ab illis detrimentum accepisset , reliquum suæ vitæ tempus solitudini mandavit , ubi longo senio confecta , & vinculis corporis soluta in Coelum placidè evolavit . Ob hæc Theologi inquirunt , utrum etiam nunc Martyris nomen aptè conveniat illis , qui superstites fuerunt cruciatibus , quorum acerbitate vitam profundere debuissent , sed post

mul.

multos annos lectulo ut ajunt suo jacentes postremum diem obierunt, & utrum ritu solemni etiam nunc inter sanctos Martyres recenseri possint. Nonnulli id fieri posse censuerunt; utque obviæ occurrant difficultati, nempe reliquo vitæ spatio inquinari potuisse peccati labe eos, qui post tormenta superstites fuerunt, respondent divinæ bonitati consentaneum videri, quod eos in cœlesti gratia confirmet, qui singulari suo beneficio vim tormentorum certumque mortis discrimen, quod pro Christo subierant, superaverunt. Nos de hac ipsa re fusius egimus in nostris *Commentariis de Canonizatione Sanctorum*, ubi Sanctæ Sedis Apostolicæ consuetudini inhærentes planè ostendimus, Martyris titulum minimè hodie tribuendum, nisi mors intercesserit in odium christianæ Fidei, quam Tyrannus intulerit, & Martyr ob eandem causam susceperit, fortique animo pertulerit; nec ut ab hac disciplina recedatur, sufficere exempla a sacra quidem antiquitate desumpta, sed quæ prodierunt, antequam aliæ leges justissimis de causis ab Ecclesia fuerint statutæ; aut argumenta, quæ piis ab hominibus potius, quàm a peritis Theologis excogitata videntur. Quapropter cum adhuc in minoribus Promotoris Fidei munus gereremus, & Causa hæc beati Josephi a Leonissa initio proponi cœpisset, magno studio contendimus atque obtinuimus, ut de illa tanquam de causa Confessoris, non verò Martyris ageretur, etiamsi beatus Joseph unco ferreo per tres continuos dies suspensus a Turcis in odium christianæ Religio-

nis crudelissimum tormenti genus pertulerit , uti vos ipsi ex traditis documentis perspicere potuistis . Illud tamen libenter ac meritò probavimus , ut hoc facinus præclarissimum in hac causa pertractanda magni penderetur , & pro decernenda solemni Canonizatione etiam plurimum conferret , si tamen continua virtutum summè præstantium exercitatio , proprii Instituti plena observantia , qua cum maxima vitæ austeritas ac poenitentia conjungitur , in beato Josepho apparerent ac liquidó comprobarentur ; si postremó illius mortem ea prodigia secuta fuissent , quibus justorum mors dignosci consuevit . Hoc sanè pacto Causa beati Josephi tanquam Confessoris , non veró Martyris in examen adducta fuit . Seriem totius vitæ quam ille duxit , vestros ante oculos expositam habuistis . Cognitum Vobis est quidquid piè sanctèque gessit antequam se conferret Constantinopolim pro Missionibus obeundis ; gravissimum tormenti genus , quod in illa Civitate passus est , ex quo Divino beneficio fuit ereptus ; quanto deinde tempore superstes extiterit , quàm præclara gesserit , & qua ratione vitam absolverit . Vobis etiam perspecta sunt miracula , quæ ob illius intercessionem contigerunt . Itaque illud tantum superest , ut sententiâ vestras de solemni ejus Canonizatione indicenda Nobis explicetis .

Non modò Cardinales , sed Patriarchæ , Archiepiscopi & Episcopi Pontificio nutui obsecundantes , quid sentirent exposuerunt juxta sessionis ac dignitatis ordinem .

PETRUS ALOYSIUS Episcopus Albanensis Cardinalis Carafa.

IN beatum Joseph a Leonissa mirificè quadrat prophetica illa benedictio, quam super filium suum protulit Jacob Patriarcha, cum ait^a: *Filius accrescens Joseph, Filius accrescens*; siquidem noster Joseph auxit egregia suæ professionis merita nobilitate fidei, præstantia spei, excellentia charitatis aliarumque virtutum fulgore: Auxit Ecclesiam Infidelium conversione, Peccatorum correctione, errantium emendatione: Auxit populum Christi fervidis prædicationibus, sanctissimis exemplis, insignibus miraculis: Auxit denique Cælum multorum in viam salutis reductione, aliorum in accepta iustitia consolidatione, atque eximio in omnes infimæ præsertim conditionis amore. Igitur si beatus Joseph a Leonissa tam excellenter nomen suum implevit, ut meritò etiam de ipso dici possit: *Filius accrescens Joseph, filius accrescens*, jure optimo convenit, ut illius quoque honor augeatur per solemnem ejusdem in Sanctorum Canonem cooptationem.

*FRANCISCUS Tit. S. Mariæ Translyberim Presbyter
Cardinalis Burghesius.*

Magna sanè BEATISSIME PATER virtus Josephi a Leonissa, vel uti rectiùs dicam magna in illo & admirabilis virtus Dei, qui infirma Mundi eligit, ut fortia quæque confundat. Ipse enim Joseph, ut illustres res ejus gestas alias taceam, ardens studio propagandæ Religionis, arcem ipsam adgressus Turcici imperii, Maumetanæque superstitionis, nullo periculo absterri potuit, quin irrumpens in medias ædes Tyranni, Crucis ibi vexillum figeret & Christum Regem inclamaret. Non eum labores ulli deterruerunt, non verbera, non denique mors ipsa, quam lætus subibat ex trabe pendens, nisi visibili manu omnipotentis Dei religatus depositusque, liber a furentium barbarorum manibus fuisset dimissus. Qui quoniam vivus, mortuus ingenti opinione virtutis ac multis perpetratis signis, tam longam ætatem Sanctitatis nomen tutatus est; facies Tu quidem PATER BEATISSIME, uti ego censeo, pro insigni tua sapientia, fide, religione, si cum nunc tandem rite de more consecraveris.

*ANTONIUS XAVERIUS Tit. S. Stephani in Monte Coelio
Presbyter Cardinalis Gentili.*

Gratulabatur olim sanctus Martyr Cyprianus beato Lucio Papæ post corporis passionem, post gloriosam Christi nominis confessionem ad gregem suum revertenti; æquabat ipsum Danieli, qui leonibus missus ad prædam vixit ad gloriam, & tribus comparabat pueris, in quibus non minor fuit Martyrii dignitas, quod de camino ignis incolumes exierunt; quia non consummata martyria meritum confessionis non minuunt, sed magnalia divinæ Providentiæ magis ostendunt. Simili spiritali gratulatione dignum censeo B. Josephum a Leonissa, qui ob fidei confessionem tormentis expositus Tyranni crudelitati a Domino subtractus & faucibus mortis ereptus est, ut Ecclesiæ reservatus continuato charitatis, humilitatis, poenitentiae cursu sese præberet fidei & virtutis exemplum. Quæ cum ita sint, & subsecuta miracula comprobaverint, sum in voto decernendos esse publicos honores beato Josepho in catholicæ Ecclesiæ splendorem & in Familiæ Capuccinorum de eadem Ecclesia benemeritæ decus & ornamentum.

*Fr. JOANNES ANTONIUS Tit. SS. Silvestri & Martini ad Montes
Presbyter Cardinalis Guadagni.*

ÆQUUM est BEATISSIME PATER supremis Ecclesiæ honoribus eos augeri, quos juxta Sacræ Congregationis Rituum institutum virtutum Sanctitas & miraculorum gloria commendat. His profectò supernis muneribus decoratum deprehendimus B. Josephum a Leonissa, qui per orationis ac abjectionis studium cor suum tradidit ad vigilandum diluculo ad Dominum qui fecit illum, ac zelo charitatis exultans fidei Catholicæ divinæque legis dilatandæ nullis pepercit laboribus, quominus vel ambulantis in Infidelitatis tenebris Evangelicæ veritatis lumen afferret, ac dignus haberetur, per unci supplicium triduo invictè toleratum, pro nomine Jesu contumeliam pati; vel peccatores ad poenitentiam semitam revocaret arguens, obsecrans, increpans in omni patientia & doctrina, non in persuasibilibus tantum humanæ sapientiæ verbis, sed in ostensione spiritus & virtutis. Hanc itaque Sanctitatis lucernam pauperibus evangelizandis accensam non latere sub modio, sed super Ecclesiæ candelabrum collocandam existimo, ut luceat omnibus qui in domo Dei sunt, ac potissimum universo Capuccinorum Ordini, cujus laudabilis Instituti observantiam dum viveret, verbo & exemplo promovit, instauravit ac confirmavit.

TROJANUS Tit. S. Cæcilie Presbyter Cardinalis de Acquaviva.

QUæ spiritualium charismatum dona BEATISSIME PATER, fuit Dominus elargitus beato Josepho a Leonissa, ejus vitæ innocentia, humanarum rerum contemptus, pietatis officia & exempla virtutum quæ præstitit, plenissimè ostenderunt. Quamobrem illum miraculis illustrem, qui post longos atque multos labores in portu æternæ felicitatis meritò conquevit, in Sanctorum numerum referendum esse rectè congruenterque existimamus.

DOMINICUS Tit. SS. XII. Apostolorum Presbyter Cardinalis Riviera.

Tertium hodie nobis præbet ferendi suffragii argumentum universus Seraphicus Ordo S. Francisci in suis filiis, Familia quam vocant Capuccinorum secundum; hoc quidem die, quo alium insignem ejusdem Instituti Alumnum jamdiu sacris Aris admotum catholicus Orbis ingenti Populorum frequentia veneratur. Hos porro in terris honores præter cœlestes iis largitur Deus, qui in humilitate & charitate, rerum humanarum contemptu, erga Proximos zelo & in procuranda animarum salute inter ærumnas & labores per Urbes & agros vitam impendunt. In his omnibus virtutibus heroicè excelluit beatus Joseph a Leonissa, quem omnipotens Deus, cujus judicia sunt imperscrutabilia, martyrio a se enixè exoptato, per prodigia etiam subduxit, ut diuturniori christianæ gentis utilitate sanctissimum Confessorem efformaret. Cum verò tantarum virtutum meritis miracula tum antiqua, tum recentia accesserint, minimè dubitandum est meo judicio, BEATISSIME PATER quin idem unacum aliis Franciscanæ Familiæ Alumnis in Sanctorum Album relatis & proximè referendis adscribatur.

*JOANNES BAPTISTA Tit. S. Mariæ Angelorum
Presbyter Cardinalis Spinola.*

BEATISSIME PATER. Decet summopere, quos Deus fecit ob exantlatos pro sui nominis gloria propaganda in terris labores, participes Regni sui, ut cœlestibus, quibus cum ipso fruuntur, etiam in terris decorentur honoribus. Sanè B. Josephus a Leonissa ardentissimo zelo honoris & gloriæ Dei accensus, domi forisque continuò narravit laudes Domini & virtutes ejus & mirabilia ejus quæ fecit. Ut qui præsertim errabant in tenebris, ad lumen catholicæ Fidei ducerentur; omnesque ad meliorem frugem laboribus suis & ad emendationem avocarentur. Maximo æstuavit ardore sanguine suo confirmare catholicam Fidem, ceterisque aliis virtutibus adeo cumulatus emicuit, ut tum in il-

lius vita , tum post obitum Servum suum Deus insignium charismatum donis decoraverit . Remanet igitur , ut ejus nomen aliorum Coelitem Fastis solemniiter adscribatur per supremum SANCTITATIS VESTRÆ judicium & oraculum .

RAYNERIUS Tit. S. Sabinae Presbyter Cardinalis De Ilcio .

EXimium paucis retro diebus mirati fuimus Martyrem ex Inclyto Ordine Capuccinorum , Fidelem scilicet a Sigmaringa , præclarum hodie nobis datur contemplari Confessorem ex eodem Ordine , Josephum nempe a Leonissa , qui quamvis martyrii palmâ in morte decoratus non fuit , martyrii tamen cruciatus in vita passus est , nec solum ab hostibus christianæ Religionis , qui eum pede manumque dexteris unco ferreo trahi applicarunt , sed ab ipsis solo , ut ita dicam , nomine Christianifidelibus , qui illum eorum vitia increpantem verberibus & colaphis ceciderunt & stricto ad collum caputio pene suffocarunt . Hæc autem divino quo æstuabat amore , libenti animo ferens , patientiæ , humilitatis , virtutum omnium in gradu heroico præstitit argumenta , quibus si miracula quæ ab eo patrata sunt , jungantur , nil remanet optandum , quin debiti sanctis Confessoribus honores Ei quoque decernantur .

DOMINICUS Tit. S. Bernardi Presbyter Cardinalis Passioneus .

EXpressam profectò & minimè adumbratam beatissimi illius Apostolici seculi imaginem mihi intueri videtur in toto vitæ cursu beati Josephi a Leonissa , qui austeritate vivendi admirandus , pauper , nudus , operans manibus suis , instans orationi & verbo Dei , dignus tandem habitus est pro nomine Jesu contumeliam pati ; ad exemplum enim illorum qui steterunt ante Reges & Præsides , bibit partem Calicis Domini , & quemadmodum Paulo gladium decrevit Regia Neronis , ita Josepho unicum impegit Aula Byzantii : Quamquam enim in sanguine Agni stolam suam ibi non laverit , non defuerunt postmodum opprobria & verbera ipsi turpiter inflicta , non a Scithis & Numidis , non a Populis ingenio & natura efferatis , sed ab illis ipsis quos præceptis imbuebat , precibus adjuvabat , charitate complectebatur , & in ipso (o Gentis nostræ æternum dedecus !) in ipso gremio & sinu Italiae , ubi licet ignominiosis laceffitus evangelizare Pauperibus Regnum Dei non delitit , & ad hoc divinum munus sanctè rectèque obeundum , fame , siti , frigore , nuditate corpus suum , immane quantum , affecit . Cum itaque testante Apostolo Christus fuerit heri & hodie , omnibus Christianifidelibus & nobis præcipuè qui excessam Templi partem tenemus , faciliè intelligi datur , potentissimam Spiritus sancti virtutem æquè mirabilem fuisse in Ecclesiæ initio quàm in fine seculorum , in quibus tanta miracula corrumpere

scare videmus : Suscita ergo a terra BEATISSIME PATER , hunc inopem & pauperem , & Apostolicorum temporum tam strenuum æmulatorem inter domesticos Dei recense , ut ille cujus vices geris , constituat eum inter Principes super omnem terram .

SYLVIVS Tit. S. Priscæ Presbyter Cardinalis Valenti .

DImicationi beati Josephi a Leonissa , cui Tortorum immanitas & minæ , vitæ pericula & metus satis superque impendebant , mors defuit tantummodo , qua deficiente , palmam potius dicerem defuisse , quàm victoriam . In eo enim præcipuè mirandam se præbuit fortissimi constantissimique Viri deliberatio , animam suam ponere in obsequium fidei , itaut innumeros oppetendo cruciatus , nihil aliud egisse videretur , quàm prolixa diuturnaque delibatione se pro humani generis depravatione naturæ Auctori supremoque Religionis Sacerdoti holocaustum offerre . Cujus præclarum exemplum arbitror , magni faciendum esse per SANCTITATEM VESTRAM solemnî ritu , & sacrâ , quam paras pompâ : Magnopere siquidem christianæ Reipublicæ diuturnitatem & excellentiam interest hujusmodi expiationis vota fovere , ut in Ecclesia quæ immortalitatis templo velut atrium probstat , victimæ numquam abrogentur , quamvis singulari Dei bonitate & providentiâ abrogata sint sacrificia .

*Fr. JOACHIMVS Tit. SS. Quatuor Coronatorum Presbyter
Cardinalis Portocarrero .*

Tertium profert Seraphica schola , BEATISSIME PATER , Alumnum beatum Josephum a Leonissâ , unde infallibili SANCTITATIS VESTRÆ oraculo & gloria augeatur Sanctorum , & novum militanti Ecclesiæ columen accedat & ornamentum . Eximiæ siquidem virtutes , quibus grandi & forti spiritu se exercuit : Prodigia quæ patravit , nobis illum exhibent in Sanctitate magnificum & mirabilia facientem . Tanta & tam illustria suæ Sanctitatis ubique locorum reliquit monumenta : Talia & adeo conspicua ad ejus dignitatem comprobendam dedit Cœlum testimonia . Nec solas egregii Confessoris ille partes adimplevit , sed Martyrum etiam merita in se cumulare non prætermisit . Cum enim neque causa , neque passio , neque voluntas defuerit , sed mors duntaxat dignatione divinâ ; dilatio & non consummatio Martyrii , ut aiebat Cyprianus , non meritum confessionis imminuit , sed magnalia divinæ protectionis ostendit . Duplici quapropter nomine dignus videtur , qui a Velti Apostolatus judicio post forte & gloriosum devictum certamen coronam consequatur justitiæ . Extollat igitur SANCTITAS VESTRA manus in Sancta , & Ecclesia vocem ejus audiens inter Sanctos relatum verneretur & fateatur , qui singulari fortitudine Christi nomen portare coram

ram Gentibus non erubuit, & ante Reges & Præsides fateri nunquam formidavit.

*CAMILLUS Tit. SS. Johannis & Pauli Presbyter
Cardinalis Paulinus.*

EXimiam beati Josephi a Leonissa de Ordine Capuccinorum Sanctitatem testatam nobis uberrimè faciunt BEATISSIME PATER, tot ipsius virtutum præclara gesta, tot ab eo patrata miracula, quot datum profectò non est brevi oratione complecti: Ab iis propterea recensendis abstineam. Verùm silentio præterire non possum admirabilem ejus zelum, quo in evangelica prædicatione Christo animas lucrifacere assiduè curabat, atque heroicam illam fortitudinem invictumque animum, quo acerbissimas injurias, convicia ac tormenta pro Jesu nomine pati gestiebat, quique eo pervenit, ut quamvis pede manuque dexteris unco ferro ab orthodoxæ Religionis hostibus e sublimi fuerit suspensus, ut crudelissimam mortem oppeteret, attamen non solum triduo hujusmodi crudele supplicium constantissimè toleravit, donec ab Angelo in forma pueri vinculis dissolutus exiit, sed immo dum supplicium illud patiebatur & ab unco pendebat, fidem catholicam elata voce obtestando eorumdemmet Tyrannorum sævitiam ad sui martyrium provocabat. Hæc igitur revera heroica fortitudo tot aliis comitata virtutibus atque innumeris ab Altissimo comprobata miraculis, jure meritoque postulat, PATER BEATISSIME, ut cœlestes in terris B. Josepho per Sanctitatem Vestram decernantur honores.

*CAROLUS ALBERTUS Tit. S. Maria de Pace Presbyter
Cardinalis Guidobonus Cavalchini.*

BEATISSIME PATER. Quò angustiora in paupertate, in jejuniis, in cilicio, in castitate habuit vasa carnis B. Joseph a Leonissa, eò amplius ad barbaras usque gentes evangelizans & docens Christum Jesum dilatavit spatia charitatis, cujus impetum frangere non potuerunt ludibria & verbera, non vincula & carceres, non acerbissima suppliciorum genera, nec omnis denique tribulatio, donec excitato ubique pietatis & divini amoris incendio cursum tam bene coëptum plenissimè consummaret. Alterum hunc itaque præclari Capuccinorum Ordinis heroem tantis laboribus pro gloria Altissimi, pro fidelium utilitate perfunctum fas est, BEATISSIME PATER Sanctorum Catalogo adjicere, nedum ut in singulis ejusdem familiæ Alumnis lætitia æquè ac æmulatio gementur, verùm etiam ut gestiant omnes, Eum sibi devincire patronum, quem Te Authore noverint Deo apprime charum & hominibus assiduè propitium.

FRIDERICUS Tit. S. Pancratii Presbyter Cardinalis Lantes .

FRUSTRa tempus loquendo consumerem, nec dies sufficeret, si beati Josephi eximias virtutes præclaraque gesta velim commemorando percensere. Illud duntaxat meminisse juvat facinus egregium, dum ad christianæ Fidei prolatandos fines Turcarum Tyrannum adire tentaret, firmâ immotâque constantiâ, verberibus, sævissimis cruciatibus, omnium denique contumeliarum generibus sese objecisse; quid aliud hoc fuit, quàm pro Christi nomine pati velle ac vitam profundere? Incredibile prope dictu est [& tamen indubia documenta testantur ad memoriam hominum sempiternam] illum Constantinopoli media Urbe, pede manûque dexteris unco ferreo e sublimi suspensum, triduo supplicium invictò animo tolerasse, Fidem catholicam elata voce concionantem. Innumera alia de beato Viro dicenda forent; sed cum jam omnia fuerint authenticis documentis comprobata in Sanctorum Canonem censeo esse referendum.

FRANCISCUS Tit. S. Mariæ de Populo Presbyter Cardinalis Riccius .

BEATISSIME PATER. Beatus Josephus a Leonissa abdicatis Mundi illecebris & in Familiam Capuccinorum allectus, maxima fidei, obedientiæ & charitatis argumenta præsetulit tam erga Deum, quàm erga Proximos & præcipuè eo tempore, quo in Regionibus Infidelium, Captivorum saluti, eorum indigentis sublevandis, iisque in fide confirmandis etiam cum propriæ vitæ discrimine summopere insudavit. Quapropter ejus Sanctitatis fama in dies ubique augebatur, eamque miraculorum testimonia illustriorem etiam reddiderunt. Superest igitur, ut SANCTITAS VESTRA divina illa auctoritate, cujus vices gerit in Terris, Sanctorum Fastis adscribat Servum istum verè fidelem, qui non sua sed quæ Jesu Christi roto suæ vitæ cursu quæsit.

ANTONIUS Tit. S. Silvestri in Capite Presbyter Cardinalis Rufus .

Misit Deus de excelso ignem & erudit beatum Josephum de Leonissa. Adolescens hoc cœlesti igne eruditus tam impensè Deum colere cœpit, ut inversa phrasi divi Ambrosii videatur vitia prorsus nescisse, quàm emendasse. Adultior autem factus & Religiosus jam effectus hoc eodem igne eruditus perlustravit barbara littora, ut Martyr occumberet: Deo tamen mortem prohibente, diu mortis tormenta gaudens sustinuit. Profectò apostolicus hic est ille Vir, cui illud Apocalypsis estatutum congruè aptatur: *Ecce misurus est Diabolus aliquos ex vobis in carcerem ut tentemini, & habebitis tribulationem.* Ad oras Italiæ Deo disponente reversus

versus, Spiritu sancto in corde ejus diffusò tarda nescivit molimina, ut heroica charitatis officia Proximo impenderet. Neque enim aliæ virtutes eidem deesse poterant, cum semper in charitate, idcirco in Deo, & Deus in eo manserit. Si charitas patiens est, & ipse patienter tulit injurias, persecutiones & verbera. Si benigna est, & ipse animos sibi inensos christiana mansuetudine demulsit. Si non inflatur, & ipse quantum virtutibus, ceterisque charismatibus assurgeret, tantum humilitate sui que ipsius abiectione deprimebatur. Martyrium igitur utrumque & horrois, & diuturnitatis, quorum meminit sanctus Bernardus, feliciter consummavit. Hæc omnia ex mirabilium ejus gestorum serie Tibi nota jam sunt BEATISSIME PATER. Reliquum est, ut ad sacros Altaris honores, ad Fidelium patrociniū & incrementum beatum Josephum elevare digneris.

*PHILIPPUS MARIA Tit. S. Agnetis extra Mœnia
Presbyter Cardinalis de Montibus.*

Publicis ac supremis honoribus eos æquum est ab Apostolica Sede affici, qui vitæ innocentiam & miraculorum gloriā coruscarunt. Satis quidem constat B. Josephum a Leonissa hisce divinæ gratiæ charismatibus emicuisse, qui arctissimo suscepto vitæ Instituto & Fidei Propagandæ zelo accensus, Byzantium se conferens vitam strenuè contempsit, mortem non metuit, corpus carnificibus tradidit. Angeli ministerio a suppliciis ereptus, Italiam revisens, totus in Proximorum salutem distentus, vineam Domini vel in rudibus personis instruendis, vel revocandis peccatoribus a via perditionis ad semitam justitiæ indefessus excoluit. Dicerem cum S. Bernardo^a: *Ignem urentem* [fuisse] *in consumendo criminum vepres, securim & asciam in dejiciendo malas plantationes*. Censeo itaque, ut juxta hujus Sanctæ Sedis ritum in Album Sanctorum tandem referatur, præsertim ut in B. Josepho a Leonissa Evangelicæ Messis Operarii habeant insuper, quem admirentur, quem imitentur & colant.

*D. FORTUNATUS Tit. S. Matthæi in Merulana Presbyter
Cardinalis Tamburinus.*

Josephum a Leonissa Sacerdotem Professum Ordinis Minorum sancti Francisci Capuccinorum toto suæ vitæ cursu summarum virtutum opera nunquam intermisisse, jam tum perspectum habui, cum pro instructo mihi munere ejus gesta ad examen revocarem. Ejusdem miracula dum de eo & in Beatorum, & in Sanctorum numerum referendo ageretur, accuratissimè discussa quin probari deberent minimè dubitavi. Hæc verò cum ex Sanctæ Romanæ Ecclesiæ more ita sint in conspectu posita,

^a *In Vita S. Malach.*

posita, ut in quæstionein cadere omnino non possint, cenſeo BEATISSI-
ME PATER, talem ac tantum Virum Sanctorum Factis eſſe inferendum.
Inde habebit Eccleſia novum, quo fulgeat ornamentum: Inde habebunt
Fideles novum in Coelis Patronum, quem invocent: Inde Regularis vi-
tæ ſectatores novum Sanctitatis exemplar, quod ſibi proponant ad imi-
tandum.

*D. JOACHIMUS Tit. S. Crucis in Jeruſalem Presbyter
Cardinalis Beſutius.*

BEatum Joſephum a Leoniffa unum fuiſſe ex ſanctis Operariis, quos
Dominus miſit in Meſſem ſuam, varietas mirabilium rerum piè for-
titerque ab ipſo geſtarum dilucidè ſatis oſtendit. In pagis enim, villis lo-
ciſque campeſtribus, ut Turcarum Regiam omittam, Evangelicæ veritatis
lumen ambulantiſ in Regione umbræ mortis, Ruſticis, Paſtoribus,
Pueris prædicare non deſtitit, undecies in die quandoque repetitis con-
cionibus, ipſe interim innumeris pene auſteritatibus jejuniſque con-
ſumptus. Quoniam autem in Agro Domini mittentem ſemina ſua, rite
probatis miraculis magnificavit Dominus ſacere cum eo, ut nos omnes
lætantes faciat SANCTITAS VESTRA, æquum cenſeo quod incorrupta ſua
voce ceteris ipſum Sanctis annumeret, qui cum exultatione portarunt
in Coelis Manipulos ſuos.

CAROLUS S. Mariæ in Via Lata Diaconus Cardinalis Marinus.

SI de ſingulis meritiffimi Capuccinorum Ordinis Viris omnes eorum
Regulæ articulos rigidè & exactè obſervantibus, celebriorum Aſce-
ticæ diſciplinæ Magiſtrorum opinio fuit, ſtatim illos ab obitu poſſe inter
Sanctos enumerari; quid modò ambigendum erit, ut minùs publicus ille
cultus, quem jamdiu ſublimiores heroicarum omnium virtutum apices in
B. Joſepho a Leoniffa effulgentes inſigniaque ſubſequuta miracula hujus ſan-
ctæ Sedis judicio ritè approbata promeruerunt, ad quaſcumque etiam ca-
tholicas Mundi partes ſolemniiori ritu a SANCTITATE VESTRA extendatur?
Quando ipſe idem Dei Filius, [hunc illi maximum præparando trium-
phum] illamet eadem illuſtriora prodigia, quibus in terris poſitus ven-
tis & mari imperavit; panes in deſerto multiplicavit; mortuosque ad
prædicationis opportunitatem vitæ reſtituit; ab hoc etiam beato Viro
patrari poſſe diſpoſuit; ut illa eadem in toto Orbe clarificatione, quam
ipſe olim a Patre habuit, hic quoque ejus famulus ab eorundem æquali-
tate ſignorum æquè in omnibus Mundi plagis illuſtraretur.

Nihil ergo nunc remanet, niſi ut eadem Sanctitas Veſtra, [quæ
ejuſdem Chriſti Domini vices, toto Orbe plaudente gerit] dignetur
efficere: Ut quemadmodum hic adeo celebris inclytæ Religionis Alum-

nus remotissimarum Regionum populis; tot ejus laboribus & ærumnis vocem Domini audire fecit; ita nunc iidem Populi ex novo sonitu in omnem terram illius triumphu exeunte, in Cœlis habere sciant, per quem vicissim eorum vota, velut incensum de manu Angeli in conspectu Domini dirigantur.

Unde justissimo SANCTITATIS VESTRÆ Decreto de eo solemni ritu in Sanctorum Albo adscribendo, æquè submisso ac libenti voto subscribo.

ALEXANDER S. Mariæ ad Martyres Diaconus Cardinalis Albanus.

Sicut miro inscrutabilis Providentiæ ordine Deus Optimus Maximus post donata beatitudinis præmio Sanctorum suorum merita, eadem sæpissime Orbi universo miraculorum testimonio significat: Ita quæ Dei vices gerit in terris, summam SANCTITATIS VESTRÆ potestatem decet illos aris imponere, quos omni virtutum genere ornatos & operum prodigiis claros legitimi examinis perquisitione comperit. Hos inter illustrem sibi locum vindicat beatus Joseph a Leonissa e Capuccinorum, ut ajunt Familia, cui etsi mors defuit inter tormenta, a quibus fuit divinitus ereptus, non defuere tamen & acerbissimi per triduum cruciatus & jure martyrii desiderium, quo æstuans Evangelicum expleturus ministerium in ipsas Turcarum Tyranni Constantinopolitanas ædes se contulit. Quas tamen inter Infideles non potuit, in Italiæ finibus Apostolici muneris partes fuit executus, dum & assiduis concionibus & cœlestibus colloquiis ignaros fidei elementis instruxit; instructos divinis consiliis ac monitis imbuere & confirmavit; atque obedientia, humilitate, patientia & incredibili carnis maceratione, Crucis mortificationem in corpore portans eximium sese omnibus præbuit christianæ perfectionis exemplar.

NERIUS S. Eustachii Diaconus Cardinalis Corsinus.

In finito zelo Religionisque incitatus studio B. Joseph a Leonissa multis mirisque modis, virtutum agmen quibus præditus erat, ad salutem tum Christianorum, tum Infidelium procurandam intendit, itaut ipsum Turcarum Tyrannum aggredi ausus fuerit, ut eum ab impietate ad pietatem converteret. Hinc factum est, ut unco pedi & manui dextris infixus per triduum suspensus penderet, ac igne fumoque supposito pene enecaretur; in quo immanissimo supplicio Christi Fidem jugiter testatus est. Quod autem in eo mortem non obierit, cœlesti miraculo referri debet acceptum. Quamobrem BEATISSIME PATER tantum Virum, tantisque cruciatibus cum præclarioribus martyribus comparandum, in Sanctorum Album referendum arbitror.

AGAPITUS S. *Agathe Gothorum in Subura Diaconus*
Cardinalis Mosca.

BEatum Josephum a Leonissa legitimè pro Christi fide certasse, testantur hinc ferventissimus ejus ardor, quo flagrans Turcarum Tyrannum & reliquas Orientis gentes, quæ in tenebris & umbra mortis sedent, ad Evangelicam vocare lucem gestiebat: Inde mira animi constantia, qua licet manu ac pede unco ferreo e sublimi, ad inferendam illi mortem suspensus, gentem illam ad spiritualem vitam Evangelica prædicatione redigere conabatur. Id præterea testantur hinc triumphus ille de Antistite græco relatus, qui ab eo ^a *conversus instauravit quæ demolitus fuerat*: Inde tot impensi ab ipso labores, ut hæc nostras italicas oras expurgaret a vitiis, atque effuso virtutum semine fœcundaret. Id postremò testantur tot signa, quibus claruit dum viveret, & quibus usque modò inclarescit. Jam verò ^b *hæc est hereditas servorum Domini*, ut cum legitimè certaverint, donentur coronâ ^c *expressa signo sanctitatis & gloria honoris*. Tuum propterea est BEATISSIME PATER, hanc Sanctitatis coronam atque hanc honoris gloriam Josepho a Leonissa decernere.

CAROLUS MARIA S. *Mariæ in Porticu Diaconus*
Cardinalis Sacripantes.

BEato Josepho a Leonissa defuit in morte, sed non in vita neque in desiderio martyrium. Charitas abundavit in corde ejus in opere & sermone; invicta patientia in laboribus, in angustis, in fame, in frigore, in nuditate, in periculis, in persecutione. Multos Filios genuit per Evangelium, innumerabiles a vitiis ad virtutem traduxit; constans magnanimus & fortis a verbis impiorum non timuit; perpetuò humilis Crucemque Christi jugiter in corde portans & corpore, Sanctitatis suæ odorem latissimè diffundens miraculorum copiâ & præstantiâ, a Te BEATISSIME PATER in terris gloriam expectat, quam suis meritis jam coronatus in Cœlis cumulatissimè est affecutus.

MARIUS SS. *Cosmæ & Damiani Diaconus Cardinalis Bolognetus.*

Cum omnium ^d BEATISSIME PATER, *summa virtutum, & totius plenitudo justitiæ de illo amore nascatur, quo Deus Proximusque diligitur*: Hanc profectò virtutum tenuit summam, hanc habuit justitiæ plenitudinem Josephus a Leonissa. Enim verò ita Deum dilexit, ut Dei nomen coram Gentibus quæ Deum non noverunt, nec durissimo quidem supplicio

Y y 2

victus,

^a Lib. 2. Paralip. cap. 33 vers. 3. ^b Isaie cap. 54. vers. 17. ^c Ecclesiast. cap. 45. vers. 14. ^d S. Leo Serm. in S. Laur. cap. 1.

victus, portare atque nunciare non dubitaverit. Ita Proximum quoque dilexit, ut non modò ^a *vocaverit frumentum & multiplicaverit illud* ut non portarent ultra opprobrium famis; sed etiam evangelico pane, nullo unquam fessus labore enutriverit ac recreaverit. Tuum modò est BEATISSIME PATER, ut Iosephus a Leonissa qui tanto in Deum flagravat amore, tanta exarsit in Proximum charitate, totque præclaris signis in dies coruscat, ^b *per universum Mundum honoretur pro sui veneratione & sanctitate.*

PROSPER S. Georgii Diaconus Cardinalis Columna de Sciarra.

PRO decernenda Canonizatione B. Iosephi a Leonissa Tibi non desunt modò BEATISSIME PATER, duo illa necessaria semper ab Ecclesia reputata pro Beatīs inter Sanctos adscribendis, virtus nimirum morum & veritas signorum. Quid enim sanctius in medium nunc proferri potest irreprehensibili & pene cœlesti vitâ B. Iosephi a Leonissa, in quo inclytus Ordo Capuccinorum, christiana Respublica & barbara Mahumetanorum gens virtutes omnes in gradu heroico, & præsertim in Deum & Proximum eximiam charitatem non sine admiratione novit, præfentiitque? Nolo hîc recensere miracula omnia, quæ ad Servi Dei invocationem patrata fuerunt, cum ad effectum de quo agimus, satis sint illa duo, quæ a Temetipso post indultam B. Iosepho venerationem approbari meruerunt. In hisce profectò miraculis tibi Deus testimonium perhibet de Sanctitate vitæ B. Iosephi, & Tibi ostendit illius memoriæ venerationem non esse diutiùs in Ecclesia militanti differendam; sed ad solemnem Canonizationem esse potius deveniendum.

ALEXANDER S. Mariæ in Aquiro Diaconus Cardinalis Tanarius.

BEATISSIME PATER. Cum beatum Iosephum a Leonissa intueor, ejusque virtutes ac præclarissima gesta considero, gloriosissimum Christi Athletam, cui nihil ad eminentem defuit Sanctitatem, videre existimo. Si martyrii palmam quam ob Turcarum etiam salutem ardentissimè expetierat, exquisito seivissimoque tormenti genere, quod Constantinopoli invicto animi robore toleravit, gloriosa Martyrum morte reportare non potuit; divinâ id factum Providentiâ puto, ut Italorum quoque salutem Apostolica charitate atque singulari virtutum omnium exercitio consulere. Quod cum diligentissimè perfecerit, seque ad ultimum usque vitæ exitum studiosissimum Apostolicæ perfectionis imitorem atque Sacerdotem numeris omnibus absolutum ostenderit; idque Deus miraculorum splendore confirmare voluerit, æquissimum sanè erit si Sanctorum Albo adscribatur, cunctorumque Christifidelium venerationi proponatur.

HIE-

^a *Ezechiel, cap. 36, vers. 29. & 30.* ^b *Lib. 2. Machab. cap. 3. vers. 12.*

HIERONYMUS S. Adriani Diaconus Cardinalis de Bardis .

UT suavissimum Christi jugum ab adolescentia sua B. Joseph a Leonissa portaret, asperam vitæ rationem in sacra Capuccinorum Familia susceptam divitiis omnibus ac voluptatibus prætulit, ut in eo fertilissimo agro fructus daret honoris & honestatis. Ibi verò per visum a sodali jam pridem demortuo de divini judicii severitate commonitus, de perfectiori vita cogitans, ad barbaras gentes de testimoniis Dei in conspectu Regum loquuturus adventat. Inter supplicia immanissima pro amicis animam posuisset, nisi Deus potentiam in brachio suo faciens vitam ei mirabiliter conservasset. In Italiam reversus exemplo ac sermone fide servata cursum vitæ feliciter consummavit.

Beatum hunc propterea Virum humillimè deprecor SANCTITATEM VESTRAM, quod Sanctorum Fastis adscribat, ut istius precibus largiatur clementissimus Dominus Populum suum ad se clamantem ab omni adversitate custodiri.

DOMINICUS SS. Viri & Modesti Diaconus Cardinalis Ursinus .

BEATISSIME PATER. Josephum a Leonissa Ordinis Capuccinorum ab ipsis incunabulis morti divinitus ereptum in sortem suam vocavit Dominus, omniumque virtutum genere illustravit: Nil autem pro catholice Fidei propagatione reliquit intentatum, pro qua licet mors una defuerit, attamen acerbissima quæque tormenta tremendaque supplicia adeo alacriter ipse subivit, ut cunctis miraculo fuerit. Prophetico lumine decoratus, mirabilior factus est gravissimis morbis simplici tactu, prece, aut imperio repulsis, moderatis arbitrio suo elementis, multiplicatis non semel annonis, fluminibusque quâ sicco pede, quâ pallio transactis: Reliquum ergo ut illius Sanctitatem, quam tot signis Altissimus probavit de Coelis, SANCTITAS VESTRA publicet in terris.

MUNDILLUS Ursinus Patriarcha Constantinopolitanus Assistens .

BEATISSIME PATER. Quanta intercesserit inter beatum Fidelem a Sigmaringa, & beatum Josephum similitudo, nemo non videt. Uterque idem Capuccinorum Institutum sanctissimè professus est. Uterque jeuniis, flagellationibus ceterisque virtutibus professionis suæ perfectionem est affecutus. Uterque Evangelium per infideles Nationes incredibili ardore, summis laboribus ac periculis disseminavit. Uterque demum martyrio coronatus meritò dici potest. Quanquam enim beatus Joseph vitam re ipsa non profuderit, ut nec profudit Joannes Evangelista; tamen neque ipse martyrio, neque ipsi martyrium defuit. Nam Constantinopoli

tinopoli in odium christianæ Religionis pede manuque dexteris unco ferro e sublimi suspensus, ut in eo tormento dolore & fame confectus enecaretur; animam profectò exhalasset, nisi postquam per triduum crudele illud supplicium toleraverat, Angeli beneficio ab unco & vinculis liberatus esset. Hac porro Sanctorum inter se similitudine usus est Venerabilis Dei Servus Cardinalis Bellarminus Clementi Octavo suaserunt, ut beato Hyacintho pridem canonizato beatum Raymundum ejusdem Ordinis Prædicatorum adjungeret. Hanc eandem adhibuit SANCTITAS VESTRA, cum Benedictum Tertiumdecimum precaretur, ut beato Jacobo Piceno beatum Franciscum Solanum ejusdem Ordinis Minorum associa- ret. Fas igitur sit etiam mihi vestigiis tam gloriosis insistere; & preces humillimas Sanctitati Vestræ exhibere, ut Canonizationi jam præsignatæ beati Fidelis a Sigmaringa aliam beati Josephi ejusdem Ordinis superad- dat. Decet enim ut biga ista Sanctorum [Chrylostomi verbo utor] quæ Christi jugum pari devotione portavit in terris, & nunc pari felicitate triumphat in Cœlis, ab eodem Summo Pontifice Christique Vicario consecratur.

ANTONIUS MARIA Pallavicini Patriarcha Antiochenus Assistens.

Sanctitatem quam adhuc Puer eximiis beatus Joseph indiciis præse- ferebat, integro vitæ cursu præclaris justitiæ operibus feliciter ab- solvit. Ampliandæ Religionis zelo pro nomine Jesu contumelias & sevissimos cruciatus gaudens passus est, ut sola mors, non ipsi marty- rium defuerit: Vir erga Proximos charitate verè Apostolicus, in cor- poris castigatione asperrimus, vivens & post obitum clarus miraculis, dignissimus planè censendus est, qui inter Sanctos referatur.

THOMAS Cervini Patriarcha Hierosolymitanus Assistens.

Qui ad Turcas Christi fidem prædicaturus perrexit; qui Turcarum Tyrannum ipsum a Mahometo ad Christum convertere fuit aggres- sus, quique ob id dira tormenta sustinuit, beatus Joseph a Leonissa non heroicam tantum fidem, sed & charitatem & fortitudinem, immo & virtutum omnium cumulum ostendit; Quæ cum ab illustribus miraculis firmitatem acceperint, decet profectò ut decus illud accedat, quod he- roicis Viris solet Ecclesia decernere.

دُفُّ دُفُّ

[illegible]

ॐ नमो भगवते वासुदेवाय ॥ ॐ नमो भगवते वासुदेवाय ॥
 ॐ नमो भगवते वासुदेवाय ॥ ॐ नमो भगवते वासुदेवाय ॥

Ejusdem Versio latina.

GABRIEL Eva Archiepiscopus Cypri Syrus Maronita Assistens.

Quod sanctus Cyprianus de sancto Lucio Papa & Martyre scripsit, hoc in beato Josepho a Leonissa repræsentatum videmus. In Confessoribus Christi (inquit sanctus Cyprianus) dilata martyria non merita confessionis minuunt, sed magnalia divinæ protectionis ostendunt. A supremo quidem Turcarum Tyranno in beatum Josephum latâ mortis sententiâ pede ille manuque dexteris a Satellitibus unco ferreo e sublimi suspensus est eâ lege, ut tamdiu ex ea trabe penderet, quamdiu dolore & fame

& fame confectus crudelissimo mortis genere animam exhalaret . Verùm tametsi ea mors defuit , quam unam ut dissolveretur & esset cum Christo , ardentissimè cupiebat ; non tamen Josephus martyrio , neque martyrium Josepho defuit . Quum ipse paratus esset promptusque omne subire supplicium , Dominus illum poenæ subtraxit & Italiæ reservavit . Regrediente illo ex Urbe Byzantina in Italiam , breviata non est in Josepho confessionis suæ dignitas , sed magis crevit assidui fortisque legis Divinæ Præconis auctoritas , ut Christo pararet ad prælium milites non solum sermonis & vocis incitamento , sed fidei & virtutis exemplo . Itaque tantus talisque Christi Confessor , qui Orientem simul & Occidentem illustravit , haud dubito quin tutò in Sanctorum numerum a SANCTITATE VESTRA referri possit .

ALEXANDER Borgia Archiepiscopus Firmanus Assistens .

BEATISSIME PATER . Cum inter divi Francisci Familias illa quæ Capuccinorum dicitur , priscam Parentis sui disciplinam adamussim repræsentet , & ab austeritate vitæ plurimum commendetur , quid nobis sentiendum est de beato Josepho a Leonissa , qui inter Capuccinos ipsos supra communem modum in jejuniis , in vigiliis , in laboribus , in ærumnis excelluit ? Cui verè Mundus crucifixus fuit & ipse Mundo , qui carnem non domuit solum , sed perpetuæ ac durissimæ servituti subjecit , nec aliter corpus habuit quàm vilissimi jumenti loco ? His addamus quod dissociatas planè res , contemplativæ scilicet activæque vitæ officia arctissimo erga Deum & Proximum charitatis nexu miscuit simul atque conjunxit . Addamus quæsitum apud Barbaros Martyrium , & citra mortem per sævissima tormenta susceptum , itaut dignus omnino videatur veterum Confessorum præconio . Quod cum ex iis , quæ accepimus , ita sit , profectò beatus Joseph cœlestibus quoque donis ac miris signis a Deo probatus , a Te BEATISSIME PATER summis titulis ornandus & Christifidelibus proponendus est hoc præsertim tempore , quo turbatâ maximis atque atrocissimis bellis christianâ Republicâ , non audimus tantùm , verùm etiam experimur irrumpentia in Ecclesiam & in Rempublicam mala ; dum homines ut Apostolus olim prædixit , ^a invicem mordent & comedunt , & nos consumimur . Siquidem spes est quod ille , qui adhuc mortalis non solum privatas Familias , sed integros pene Populos acerbissimis odiis diu inter se dissidentes ac dimicantes optima fide pacavit , immortalis modò & cœlesti sede receptus fiat pro nobis Intercessor apud Deum , ut audiat tandem gemitus oppressorum , aspiciat lacrymas viduarum , parcat calamitatibus Reipublicæ , ac sublatiis bellis , compositis dissidiis , extinctis contentionibus pacem ponat fines Ecclesiæ .

JOSEPH MARIA Ferroni Archiepiscopus Damascenus Assistens.

Ardentissimæ in Deum & Proximum charitatis victima verè fuit beatus Joseph. Pro Dei gloria & animarum salute nec suspendio mori timuit, nec in laboribus vivere recusavit. Quid ergo reliquum est, nisi quod tam magnum Seraphici Ordinis lumen & ornamentum^a super candelabrum in sancta Ecclesia collocetur, ut omnibus qui in domo Dei sunt, elucescat?

JOANNES FRANCISCUS Stoppani Archiepiscopus Corinthi Assistens.

In sublimi humilitatis fastigio solidiora jacens Sanctitatis fundamenta B. Joseph a Leonissa tanta erga Deum ac Proximos charitate refulsit exarsitque, ut primò Byzantium martyrii avidus contenderit, illudque asserendo & prædicando sustinuerit, licet servatâ per miraculum vitâ non consumaverit; ac postremò in propria Deo sic disponente reversus omnibus omnia factus, & sui ipsius sedulus abnegator pro Fratribus cupiens anathema fieri animam pro iisdem ponere non dubitaverit. Virum proinde & hujusmodi & ceteris charismatum donis exornatum præclarâque præditum Sanctitate multis & ad portentum patris signis comprobatâ in Sanctorum Album referri ad militantis Ecclesiæ præsidium & decus, dignum justumque videtur, quatenus ita ab Apostolica hac Sancta Sede dijudicetur.

MICHAEL de Palma Archiepiscopus Teatinus Assistens.

Mirabilia sunt nec pervia dictu, quæ operatus est Deus in famulo suo B. Josepho a Leonissa, de cujus Canonizatione instantia proponitur PATER BEATISSIME: *Ab infantia præventus in benedictionibus Sanctorum, crevit postea pietate & gratia coram Deo & hominibus.* In Seraphico Ordine Capuccinorum adscitus, brevi adeo virtutum omnium attigit culmen, ut jure merito heroici hominis gloriam fuerit adeptus. In Regulari Observantia nullus exactior, in rigore pœnitentiæ nullus fortior, in abjectione humilitatis perfectissimus.

Dilatandæ Fidei exscitatus ardore, longissimo itinere ad Turcias peregrinatus Nationes, nihil pavidus ea perpeti, quæ infidelium rabies inferret, vincula, verbera, vulnera, flammæ, Cruces, inter quæ mortem invictam opetjisset, nisi inde Angeli Ministerio fuisset ereptus.

Apostolici herois insigne meritum miracula plurima decorarunt, ne post testimonium hominum deesset Sanctitati ejus Testimonium Dei, quod majus est.

Z z

Bene-

^a Matth. cap. 5. 15.

Benemeritum itaque Virum de Fide, de Ecclesia, de Seraphica Familia Capuccinorum, cumulatam virtutibus, fulgentem signis proficuum est, PATER BEATISSIME in christiana Republica Populorum imitationi & venerationi proponere; prout solemniter fiet, statimac a Te suprema proferatur sententia, per quam beatus Joseph a Leonissa inter sanctos Confessores recenseatur.

STANISLAUS Poliasiri Archiepiscopus Rossanus Assistens.

O Altitudo divitiarum sapientiæ & scientiæ Dei, quàm incomprehensibilia sunt judicia ejus & investigabiles viæ ejus. Centum triginta quatuor annorum stadio, beati Josephi a Leonissa non obscuro Aprutii Oppido Minorum S. Francisci Ordinis Capuccinorum Sacerdotis Professi eximia ac præclarissima omnium virtutum merita longo non minus ac injurioso jacuerunt detenta silentio, totidemque annis omnigenæ Sanctitatis ac miraculorum undique percrebrescente rumore ac luculentissimâ samâ, divinæ Majestatis hinc ingentia emittebantur Fidelium suspiria, hinc egenorum flagrantia dirigebantur desideria, hinc obligatorum fervidissimæ effundebantur gratiarum actiones & preces, hinc supplicantium orationes & vota, ut illa tandem elucesceret clarissima dies, ut expectatissimus denique appareret ille Christi Vicarius, qui B. Joseph Venerabile nomen, quod demones, morbi & elementa senferunt, ex sublimi Apostolico Solio Numinis potestate coruscans debito cumulabit honore, cum adscribet tandem Sanctorum in Albo! Hoc enim cæcorum turba qui visum acceperant, hoc surdorum agmina qui impetrarunt auditum, hoc infirmorum qui sanitatem receperant, expectabant legiones innumeræ! Hoc paralytici ut sanarentur, leprosi ut mundarentur, nudi ut operirentur, ut satiarentur famelici, ut liberarentur optabant obsessi. Hoc unum profectò exquirebant errantes ut corrigerentur, cogitabant poenitentes ut justificarentur, præstolabantur justii ut confirmarentur: Hoc demum tota Capuccinorum Familia ut ad integritatem & pristinum fervorem restituta videretur eorum jam demissa & nonnihil collapsa Religiosa Observantia. Cum divinitus factum est, nostrisque indultum temporibus, ut supremo quo præsidet Throno BENEDICTUS XIV. hujus nominis Pontifex Optimus Maximus, cui tanti momenti negotium ab ipsa æternitate reservatum erat atque dispositum, ad decernendum assurgeret, & infallibili sanctæ Sedis oraculo beatum Josephum Sanctorum Fastis adscriberet, & expectantibus postulata concederet. Plaudant nunc Ecclesiæ triumphantis Cœlicolum chori, exultent militantis Christiadum exercitus, confundantur Principes tenebrarum & contremiscant, & nostra secum Joseph pectora in Cœlum trahat.

FERDINANDUS MARIA de Rubéis Archiepiscopus Tarfi Assisens.

VIta B. Josephi simillima meo judicio videtur fuisse illi, quam sanctissimè ac laudatissimè egit B. Fidelis a Sigmaringa, neque unam ab altera propemodum discrepare. Idem Ordo, eadem virtutes, idem Apostolatus ministerium, ut dici possit Deum ^a *misisse illos binos ante faciem suam in omnem Civitatem & locum*. Id unum inter illos discrimen intercessit, quod alter morte sua tactus est martyr: Alter subductus morti longius martyrium vivendo tulit. Itaque quod suffragium fuit de B. Fideli martyre inter Coelites recensendo; idipsum ferre de B. Josepho Confessore non dubito.

JOANNES ANDREAS Tria Archiepiscopus Tyri Assisens.

HUnc Christi Athletam B. Josephum a Leonissa singulari Dei beneficio in sortem Domini electum fuisse, non obscura sunt testimonia: Quare adolescens lubricam illam ætatem immaculato calle percurrit: Proprii Instituti Ordinis Minorum S. Francisci Capuccinorum, cui nomen dedit, exactissimus custos fuit: Tandem sanctimonia ultimum diem clausit, quam misericors Dominus pluribus signis & miraculis, ipso vivente & post ejus obitum comprobavit. Unde ut B. Joseph in Sanctorum Confessorum Album referatur, non est qui non consentiat. Quid ni si ipsum Martyrem appellavero? Equidem nec ipse martyrio, nec martyrium ipsi defuit. Desiderio martyrii Constantinopolim se transtulit; ibique in eum mortis sententiâ latâ, triduo sevissimum supplicium invicto animo toleravit, fidemque catholicam e sublimi suspensus igne fumoque supposito elata voce testatus fuit. Et licet in pace superstes postea quieverit, a fide tamen non tormentorum vi decessit, ut inter negatores nomen obtineret, nec fugam arripuit, ut extorris nuncupari valeret; minusque solutâ pecuniâ a vexatione se redemit, ut Libellaricus dici posset, de quibus tam eruditè in aureis Commentariis ^b de Canonizatione Sanctorum per SANCTITATEM VESTRAM differitur; sed Angeli beneficio vinculis solutus in Italiam rediit; & de similibus Martyribus in sacra Antiquitate plura numerantur exempla, quorum nonnulla modò per Sanctitatem Vestram in hodierna sua eleganti Alloquutione fuerunt allata: Verùm cum secundum præsentem Ecclesiæ disciplinam requiratur consummatum martyrium, ut Sancti inter Martyres ab Ecclesia renuncientur, & in laudata Alloquutione etiam proclamatum extitit, sufficit quod noster B. Joseph sit coronatus in Coelis, ubi, ut inquit Cyprianus, ^c *Deus Martyres probat & coronat*.

NICOLAUS Carafa Archiepiscopus Philippensis Assistens.

CUM Lutherana lues nedum e Germania , verùm etiam e ceteris Septentrionis partibus catholicæ Fidei germen penitus evellere contenderet , moliretur , Romani Pontifices Prædecessores tui summo quo Tu polles , zelo in Fidei puritate tuenda , ut huic tam pernicioso morbo occurrerent , Concilium Œcumenicum Generale Tridentinum uti præ omnibus opportunum ac salutare remedium indixere . Eo ipso tempore Italia nostra , ubi catholica Fides & primam Sedem & Principatum possidet , non sine divini Numinis speciali ope beatum Josephum in Oppido Leonissæ in lucem edidit ; cujus altissimæ perfectionis fama vitiorum hæresumque monstra confunderentur , & vera quæ per dilectionem operatur , Romana Fides ex ipsius splendore virtutum novum reciperet munimen & solamen . Et sanè in Viro isto omni laude digno , non minus propriæ quàm alienæ sollicito salutis , tam vehemens divini amoris æstus ac catholicæ Religionis propagandæ Fidei studium fuit , ut non modò abdicatis seculi pompis totum se Deo in sacra Capuccinorum Familia manciparet ; ubi orationibus , vigiliis , jejuniis ceterisque corporis macerationibus operam dedit : Sed nil omittens pro illius seculi depravatis moribus corrigendis , in omni virtutum genere se exercens , ita divina flagrabat charitate , ut etiam martyrium Christi Athleta pro Infidelium appeteret conversione , ut ejus gesta loquuntur . Itaque si SANCTITATI TUX visum fuerit , Beatum istum Sanctorum Catalogo adscribendum censeo .

*D. FERDINANDUS ROMUALDUS Guiccioli Archiepiscopus
Ravennæ Assistens.*

NULLIS prosectò humanis laudibus æquari possunt , SANCTISSIME PATER merita beati Joseph a Leonissæ . Charitas illius in Pauperes , in Peccatores & Infideles flamma ignis fuit , flamma lucens & comburens . Quæ non excogitavit Joseph , quæ non suscepit , quæ non absolvit sanctissima heroica facinora , ut Pauperes levaret , Peccatores ad cor , Infideles ad fidem converteret ? Barbarorum Regionibus ultro adjit , immanitatis faciem & minas non timuit , ut Captivorum gemitus solaretur , catenas abrumperet & secretiora tremendi Regis penetralia tentavit , ut eo usque insinuata Fides captivitatem tot Infidelium ad Crucifixi pedes captivam duceret . Non illum carceres , non verbera , non plagæ , non immania tormenta a proposito terruerunt ; etsi minùs jam martyrem sanguinæ Turcarum cruces tunc consumarunt , consumavit tamen amor & charitas , incessanti laborum , vigiliarum , itinerum , solitudinum pro salute Proximorum , pro Christi Pauperibus martyrio . Admirabilia

lia hæc omnia , imperceptibilia ac pene divina merita , BEATISSIME PATER per se ipsa loquuntur , per se ipsa debitum Coelitibus cultum expectere atque exigere videntur .

FELIX Solatus Archiepiscopus Thebarum Assistens .

Quem in præparato martyrio toleratis priùs per triduum atrocissimis cruciatibus Martyrem noluit omnipotens Deus , eundem tamen Confessorem admirabilem sub diverso martyrii genere , ut exemplar christianæ perfectionis nobis reliquit : Beatus enim Joseph a Leonissa in Italiam e Constantinopoli redux , ferventiori charitate pro salute Proximi incensus , in pagis & villis , ubi Messis quidem multa & Operarii pauci , errantibus a semita , qua iter ad coelestem Patriam intenditur , lumen Evangelicæ veritatis attulit : Pueris & Pastoribus maximo cum labore Fidei rudimenta præbuit , flagitiosos homines ad caulam Domini reduxit , & patientia & humilitate excellens , laceffitus injuriis , verberibus & colaphis , invictam sui animi mansuetudinem demonstravit , alteram maxillam , exemplo Salvatoris nostri percutientibus præbens . Tutò igitur , BEATISSIME PATER Virum tam eximium , virtutibus omnibus heroicis & probatis miraculis clarum , qui in vinea Domini strenuè laboravit , & cui Deus maximum incrementum dedit , in Catalogo Sanctorum adscribendum censerem , ut hoc in terris cultu novæ gloriæ augmento cumuletur in Coelis .

ANTONIUS Fonseca Episcopus Æsinus Assistens .

SI veritate prædicante qui se humiliat exaltabitur , & qui confite-
tur Christi nomen coram hominibus , glorificabitur coram Angelis Dei ; jure BEATISSIME PATER ad pedes Sanctitatis TUE provolutus enixè oro atque obtestor , ut beatus Joseph a Leonissa Sanctorum Fastis accenseatur . Admirabilis enim illius virtus sub asperrimo Capuccinorum habitu , in abjectissimis Cœnobiorum officiis , in reducendis ad frugem rudioribus populis latere maximè studuit : Nomen autem Christi inter Gentes coram Regibus , & serreo etiam unco suspensus annuntiare non destitit . Jam verò eximia illius Sanctitas gloriâ miraculorum splende-
fcens , ejusque exuviæ lacteo humore fragrantés , dum illa subjici nequit adversariorum insidiis , & istæ a Barbarorum injuria evaserunt immunes , omnium Fidelium admirationem cultumque promerentur ac postulant .

NICOLAUS MICHAEL *Abbat* *Episcopus Scyllacii*.

Filius accrescens Joseph crevit ab infantia misericordiâ & Sanctitate . Grandior perfectior evalit . Continentiæ & pudicitiae utriusque Josephi imitator , Minorum Capuccinorum Ordinem ingressus crevit de virtute in virtutem in gradu heroico ; crevit gloria illustrium miraculorum in vita & post mortem . Crescat ergo SANCTISSIME PATER beati Josephi cultus , & sanctificetur adhuc qui Sanctus est .

Fr. PLACIDUS *Pezzancheri Episcopus Tiburtinus Afsistens* .

Beatus Joseph a Leonissa , quem ab ipsis incunabulis sibi elegisse visus est Deus , integerrimè vixit in seculo . Verùm non ignarus virginitatis lilium inter poenitentiae spinas magis vigere tutiusque servari , Ordinem Minorum Capuccinorum adolescens ingressus , cunctis quæ Seraphici Instituti Sacerdotem decent , virtutibus animum excoluit , & corporis sensus peculiaribus exquisitisque cruciatibus afficere non intermisit : Immo charitate æstuans Constantinopolim perrexit , ubi pro Christo labores , ludibria , verbera , carceres & triduò immane supplicium , canceri nuncupatum fortiter atque alacriter pertulit , in quo morte acerbissima certò certius occubuisset , nisi divinitus fuisset ereptus ; ita ut martyrio non defuerit animus , licet Persequutor totum non tuderit sanguinem . Et cum vicissim Deus a quo bona cuncta procedunt , illum altissimæ contemplationis ac prophetiæ dono pluribusque miraculis nobilitaverit , apertè indicat se velle , ut idem sanctis Confessoribus solemni ritu adnumeretur .

BERNARDUS ANTONIUS *Pizzella Episcopus Constantia Afsistens* .

Qui fecerit & docuerit sic , magnus vocabitur in Regno Cœlorum . Utrumque perfecit beatus Joseph a Leonissa Ordinis S. Francisci Capuccinorum Sacerdos , dum in Christi Ecclesia opere & sermone plurimum potuit . Fecit vel Puerulus jejuniis assuetus , fecit ætate grandior , qui & seipsum odissè & Crucis mortificationem jugiter in suo corpore gestare in moribus habuit : Fecit usqueadeo sollicitus , ut martyrii desiderio flagraverit : Neque verò aut causa martyrii aut poena defuit : Defuit tantum mors , quod multum adhuc vix conficiendum illi superesset .

Docuit quum in ipsa juvenia æquales ad Mundi contemptum fuerit adhortatus : Docuit verbum Dei evangelizando : Docuit insuper Apostoli Andreæ exemplum sequutus , solido triduo quo suspensus pependit ; & catholicam Fidem nec labore victus , nec tormentis fractus palam testatus est .

Quis

Quis ergo prohibet, egregium hunc Ecclesiæ filium, miraculis quoque clarum, magnum vocari in Regno Cœlorum, & inter Sanctos referri? Ego sanè nedum ita sentio, sed enixè deprecor, ut tandem de Sion exeat lex & verbum Domini de Jerusalem.

Fr. PAULUS Alpheran de Bussan Episcopus Melitenfis Afsistens.

BEATISSIME PATER. Vir Apostolicus Josephus a Leonissa Ordinis Capuccinorum ardentissimo animarum zelo cum esset accensus, ad effundendam Turcis Evangelicam lucem Byzantium advolavit; ubi tot atrocitas pro Christi Fide pertulit supplicia, & quamvis mortem non oppetierit gloriosam, ipse tamen martyrii palmæ non defuit. Omni denique virtutum genere, præsertim durissima carnis mortificatione, admiranda humilitate, gloria miraculorum, sicut lampas ignis in Ecclesia Dei resplenduit: Fac supplex oro BEATISSIME PATER, ut cœlestes inter Cives Vir gloriosissimus resplendeat, & ita censeo.

*ALEXANDER de Abbatibus Episcopus Viterbienfis
& Tuscanensis Afsistens.*

INter complura beati Josephi a Leonissa miracula, ipsam ejus vitam majus dixerim miraculum. Istiusmodi videbitur adhuc lactentis infantia ab oppressionis periculo divinitus erepta. Nec prodigio caruit pueritia vixdum septennis, tunc equidem ætate imbecillis, sed jam matura virtuti. Nec sine miraculo florida juvenus obsequentes habuit morbos ad tuendum perpetuæ castitatis propositum. Martyrio jamjam proximus mortem non tam mirabiliter evasit quàm superavit; sic tamen ut sibi mortuus Deo viveret & Proximorum saluti. Postremò in admiranda ipsius morte pulchrioris vitæ præseferebant indicia vividus color, flexiles artus & fragrans odor. Hæc sunt vitæ & virtutum miracula, quæ prodigiorum miraculis adjuncta Sanctum in terris proclamant Josephum a Leonissa, si SANCTITAS VESTRA dignetur communibus Fidelium votis annuere.

*NICOLAUS FRANCISCUS de Bonhome Episcopus
Carpasiensis Afsistens.*

EA est Bonitas divina, ut quemadmodum in veteri testamento identidem mittebat Prophetas & Viros virtute pollentes, qui Populum Israel a viis suis corruptis se convertere invitarent, ita quoque in novo testamento indefinenter suscitavit Viros Sanctitate præcellentes, qui verbo & exemplo præeant Populo sibi acquisito, ovesque vel devias, vel errantes ad Ecclesiam suam & Christi sequendam doctrinam vel aggregent vel

vel revocent; inter hos fuit beatus Joseph a Leonissa Sacerdos Capuccini Ordinis, qui ab incunabulis mirabiliter a Deo conservatus, toto vitæ decursu prodigia fecit in virtutum exercitio, signanter in exercendis humilitate, abstinencia, castitate, obedientia, fide, spe, charitate in Deum & Proximum, atque in omni virtute confortatus secundum potentiam claritatis Dei in omni patientia & longanimitate, cum gaudio omnibus ad omnia factus evangelizavit Evangelium Christi, opprobria & carceres fortiter sustulit, martyrium sanguinis perfectum ardentem desideravit, martyrium quoad poenas & supplicia hilariter sustinuit, & divinâ potentiâ a morte ereptus martyrium mortificationis jugiter in corpore suo portavit: Sicque cucurrit ut comprehenderit & bravium acceperit, atque dignus factus sit inter filios Dei computari, & in partem fortis Sanctorum in Cœlis cooptari. Præmissum contestantur miracula in vita ejus & post mortem divinitus operata per ejus intercessionem: Quapropter si ita placuerit SANCTITATI VESTRÆ, dictum B. Joseph in Catalogum Sanctorum per solennem Canonizationis actum in terris referendum esse existimo & ita supplico oro.

LUDOVICUS ANTONIUS *Valdina, olim Cremona*
Episcopus Hermopolitanus Afsistens.

INter Populorum Principes, qui in Cœlis congregati sunt cum Deo Abraham referre meritò potest SANCTITAS VESTRA consueris Sedis Apostolicæ caeremoniis beatum Joseph a Leonissa, in quo profugus ille justus clarè apparet, quem deduxit Sapientia per vias rectas, donec daret illi claritatem æternam. Profugus a seculo beatus Joseph se recepit in Arcem Religionis Patrum Capuccinorum, in qua tota vita ambulavit vias rectas omnium virtutum. Ab Italia deduxit illum Sapientia Constantinopolim, ibique vias rectas & maximè difficiles tenuit Fidei christianæ, ferendo pro Christo crudele martyrium, pede manuque dexteris integro triduo, ferreo unco e sublimi suspensus, ignisque suppositi denso fumo suffocandus. Ope Angeli liber a Turcis, & in Italiam redux cucurrit vias omnes charitatis in fame & siti, in itineribus & laboribus, in frigore & nuditate, flagellis & contumeliis, loricâ ferreâ continuò præcinctus, ut Christum Dominum clarificaret super terram. Ostendat nunc ergo illum Vicarius Christi in Civitate sancta Hierusalem habentem claritatem Dei.

FABRICIUS *Borgia Episcopus Ferentinus Afsistens.*

BEATISSIME PATER. Si in rebus arduis conatus ipse & prompti animi obsequium pro facto est, quemadmodum Abrahami exemplo divinitus ostensum novimus, profectò B. Josephus a Leonissa qui Christi fidem

fidem coram Regibus & Tyrannis prædicare in animo habuit, ac tropheum Crucis Christi Constantinopolitanis Arcibus impavida intulit manu, atque ea de causa ex unco ferreo per triduum suspensus immane tormenti genus fortiter alacriterque sustinuit; martyrii decus non tam amisisse, quàm novo rerum deinde præclarè gestarum decore cumulasse censendus est. Servatus enim divinitus fuit, ut asperrimo vitæ genere mortificationem Jesu, cujus mores exprimere & gloriam propagare vehementer studuit, semper in corpore suo circumferret, & ad martyrii palmam Apostolicos labores adjungeret, dum proximorum salutis studio flagrans oppida & villas, ubique virtutum vestigia relinquens, ubique messem animarum colligens circumcursaret. Quocirca BEATISSIME PATER, tam eximia B. Josephi virtus satis a Deo miraculis comprobata meritò expostulat Sanctorum honores, ex quibus Christifideles ad imitationem & invocationem ejus inflammentur.

*HIPPOLYTUS e Rubeis Sancti Secundi Episcopus
Senogalliensis Afsistens.*

Alter iste Seraphici Patriarchæ Francisci filius beatus Joseph a Leonissa, duobus aliis per SANCTITATEM VESTRAM uti confidimus, ad altiorem cultum provehendis beato Fideli a Sigmaringa, & beato Petro Regalato congruum quidem est associari. Non ipse martyrio, neque martyrium ipsi defuit; cum primo non studium orationis, non vis compassiva dolorum ac vulnerum Christi Domini; cum secundo non humilitatis & paupertatis amor, non patientia in adversis, non zelus Sacerdotalis pro domo Dei, non effusa & perfecta charitas; non demum ante & post mortem miraculorum præstantia cum utroque. Quid ultra? nomen illi Joseph: Nomen ipse suo gloriam sibi augeri postulat: Scilicet filius accrescens Joseph.

*D. PAULUS THOMAS Marana Episcopus Asculanus
in Piceno Afsistens.*

BEATISSIME PATER. Ut Beatitudo Tua exaltet in Ecclesia laureâ Sanctitatis B. Josephum de Leonissa a Te petunt virtutes in gradu heroico quibus se ornavit, innocentia nunquam interrupta, virginitas immaculata, paupertas arctissima, obedientia admiranda, poenitentia sine exemplo, humilitas profunda, abstinencia semper austerior, amor in Deum quotidie intensior, charitas in Proximum undique exæltuans, longum denique martyrium non alleviatum per mortem, a qua miraculosè fuit præservatus; humiliter etiam postulat Asculana Ecclesia, cujus Dioecesim prius sanctis ejus operibus, dein morte verè pretiosa in Domino

mino illustravit. Annue igitur SANCTISSIME PATER, Sanctum legitime declarando, quem jam in Cœlis regnare manifestissime comprobatur.

Fr. SILVESTER Merani Episcopus Porphyrien. Afsistens.

IN B. Josepho a Leonissa habemus Religiosæ perfectionis cultorem eximium, & Virum undequaque Apostolicum, qui non solum fuit illustris gloria confessionis, sed & ipsam martyrii si non lauream, certè laudem abundè promeruit; pœnam siquidem subijt pro Christi nomine, quæ fatis fuit ad illius consummationem, & sola Dei virtute ac voluntate factum est ne consummaretur, ut inde jure quæri possit an gloriosior, quia martyrium sustinuit, an quia non perfecit. Itaque non jam precibus & supplicationibus agitur, sed ipsa exigit Dei gloria, ut beatus Petrus Apostolus qui adhuc in SANCTITATE VESTRA & vivit & loquitur, voce sua pronunciet beatum hunc Cœnositam talem ac tantum fuisse Virum, de cujus præclaris exemplis, meritis ac triumphis Christi Ecclesia jure ubique in Domino gloriatur.

NICOLAUS Mancinforti Episcopus Anconitanus Afsistens.

BEato Josepho a Leonissa nulla defuit virtus, nec martyrii tormenta defuerunt. Talenta præterea quæ a Deo acceperat, sancto sœnore superlucratus in Apostolico quod ritè exercuit, ministerio dignus fuit, qui intraret in gaudium Domini sui; unde Vir Dei tot glorificatus miraculis, dignus quoque videtur, ut a SANCTITATE VESTRA in Sanctorum albo describatur.

ANTONIUS Cantoni Episcopus Faventinus Afsistens.

QUæ Apostolici Viri maximè propriæ sunt virtutes animique dotes, has in heroico perfectionis gradu agnoscere licet in B. Joseph a Leonissa, cujus præclarè Geitis præclariora accedunt usque ab incunabulis patrata miracula. Cumque nec ipse martyrio, nec martyrium ipsi defuerit, meritam quoque gloriæ coronam eidem non defuisse credendum est. Id autem a SANCTITATE VESTRA solemni judicio definiri catholicus Orbis exoptat.

PAULUS Bonavisa Episcopus Spoletinus Afsistens.

Sacerdos piissimus Joseph a Leonissa usque a teneris annis perfectionis iter arripuit, & in sortem Domini vocatus in Capuccinorum Religione, tum alibi, tum præcipuè in mea Dioecesi suæ sanctissimæ vitæ reliquit vestigia. Invisitur adhuc ille fons, ubi aquam sordidam intincto

pane forbebat : Adfunt etiam illa sacra Rostra in quibus ferventissimo zelo viventes in tenebris ad viam lucis revocabat ; & pene dicam audiuntur usque nunc Populorum gemitus peccata , ipso perorante amarissimâ contritione detestantium : Vitæ austeritate perfectissimæ pœnitentiæ licet innocens semitam pressit : Integerrimæ puritatis liliis circumdatur : Patientiæ mansuetudine admirabilis , ceterarumque virtutum splendore mirificè irradiavit . Amore tenerrimo dilexit Proximum suum , & inimicos suos singularibus amoris officiis prosequabatur : Charitate in Deum jugiter languebat : Unde evocatus ad gloriam nostri adhuc non obliviscitur , cum per insignia prodigia etiam nunc suæ charitatis viscera diffundit , quibus rite probatis tutò conjicere possumus , benignissimum Deum qui illum glorificavit in Coelis , velle etiam ut veneretur in terris , si tamen ita SANCTITATI TUE visum fuerit .

CÆSAR Bonajuti Episcopus Pharensis Afsistens .

Vix puerilis ætatis stadium aggressus fuit B. Joseph a Leonissa , cum incredibili erga inopes misericordiâ & perpetua quadam , sibi que semper constanti morum suavitate & gravitate , quasi myrrha electa dedit sanctitatis odorem : Flagrans martyrii ardore Catholicæ legis fuit propugnator & vindex : Æstuabat erga Proximos charitate , dum evangelica prædicatione ipsos adjuvare totis viribus enitebatur , patientia incredibili summaque sui spiritus suavitate , quoties licuit minimè prætermisit , & Christi sectando consilia , percutienti maxillam alteram protinus offerebat . Crudelissimus pro Christo sui corporis carnifex , in gravissimis morbis simplici tactu , prece , imperio expellendis , in rebus abdictissimis penetrandis adeo mirabilem Deus illum fecit , ut numerari in hac temporis angustia , vel recenseri singula non possint .

Cum itaque BEATISSIME PATER , tot tantaque passus sit tormenta dum viveret , æquum est ut & coronam gloriæ consecutus , inter tot alios magni Francisci Patris Filios Albo Sanctorum & ipse connumeretur .

MARIUS Maffei Episcopus Fulginas Afsistens .

Non absque divino factum arbitror consilio BEATISSIME PATER , ut de præclaris gestis signisque Josephi a Leonissa hac potissimum die peragendum occurreret , quæ S. Antonii Patavini festivitate illustris est ac jucunda . Ille enim Africanas cogitavit oras , iste Constantinopolitanas adivit ; uterque martyrii desiderio flagravat , utrique defuit martyrium . Ambo hæc nostra Italica arva Evangelico effuso semine foecundarunt ; ambo signis inclaruere dum viverent ; ambo illis usque modò inclarefcunt . Quos ergo martyrii flamma succendit ; quos Evangelii præ-

cones habuit Italia ; quos præcipuæ virtutes & signa plura commendant ; quos denique Seraphicus Ordo conjunxit , hos BEATISSIME PATER , ad cumulandam hujusce dici venerandam sanctamque lætitiā , hos inquam communi sanctificationis consortio Te copulare exoptamus , ut Tuo quisque nostrum fretus oraculo dicere deinceps valeat : *Vidi conjunctos Viros habentes splendoras vestes . Ambo sunt Viri sancti facti amici Dei .*

GUIDO Ursellus Episcopus Casena Afsistens .

SI Deus admirabili planè providentia beatum Joseph a Leonissa per Angelum suum e Turcarum manibus , atque adeo ex durissimo unci tormento non eripuisset , haberemus in fortissimo Viro , quo gloriosissimum Christi Martyrem coleremus . Verum cum ut Hieronymus habet , in Martyre voluntas coronetur ; ipse verò beatus Joseph quasi strenuus quidam miles denuo in arenam descendens omnem vitam suam in laboribus , periculis , vigiliis , itineribus , angustiis , ut omnes Christo lucrificaret ex Apostoli Pauli sententia , traduxerit , quod a crudelitate non potuit , id prorsus eximia charitate sua est consecutus ; optimo proinde jure atque consilio meditatur SANCTITAS VESTRA , Apostolici Viri memoriam signis quoque & prodigiis toto terrarum Orbe clarissimam amplissimis Sanctorum honoribus consecrare .

HYACINTHUS de Silvestris Episcopus Nepesinus & Sutrinus Afsistens .

BEATISSIME PATER . Innocentissimum hominem summo poenitentiae amore non modò incensum , sed pene consumptum spectamus , dum B. Joseph a Leonissa nobis spectandus proponitur . Si igitur tantam apud omnes laudem præteritorum criminum dolor poenitentiaque promeretur , quanti in eo homine facienda est , qui poenitentiae stimulum innocentiam tantummodo habuerit ? Magnum enim est poenitere quod peccaveris , maximum sanè poenitere ne pecces . Lilium hoc igitur spinas inter ac vepres dum viveret enutritum per universam Ecclesiam suavitatis odorem diffundat , ut allecti homines in ejus odorem currant , spinasque & ipsi aliquando innocentiae tutelam certissimam amplectantur .

LEO LUCAS Vita Episcopus Oppidenfis Afsistens .

BEATISSIME PATER . Quæ ad solemnem Sanctorum Canonizationem requiruntur , ea omnia in beato Josepho a Leonissa concurrere videntur . Ab incunabulis enim divina ope protectus , ne a dormiente Matre suffocaretur , ubi primum ad puerilem ætatem pervenit futuræ Sanctitatis specimen dedit , & crescente ætate crevit etiam pietate . Virginitatem Deo vovit , & ad exitum usque vitæ servavit . Grandior factus

Capuc-

Capuccinorum Familiæ nomen dedit, in qua Tirocinio expleto martyrii desiderio flagrans Constantinopolim se transtulit, ubi etsi ejus animam gladius persecutoris non abstulerit, martyrii tamen palmam non amisit. Demum in Italiam reversus humilitatem, ut certum suæ Religionis patrimonium semper coluit: Domum verrere, terram fodere & vilia quæque præstare in deliciis habuit. Ab honoribus quoad potuit semper abhorruit. Obedientia fuit admirabili. Corpus ciliciis & flagellis cruentans jugiter Crucis mortificationem in suo corpore portavit. Christi Domini passionem ita contemplabatur, ut ei compati videretur. Ejus precibus panis reliquias adeo Deus multiplicavit, ut omnibus Nautis secum Constantinopolim proficiscentibus suppeterent, & ex perexigua farina quam ex eleemosynis acceperat, tantum panis confici obtinuit, quantum Otricoli & Borbonii aliisque finitibus Populis ad ejus concionem confluentibus satis esset. His itaque aliisque virtutibus & miraculis rite probatis, dignum puto BEATISSIME PATER, qui Sanctorum honoribus confocietur.

ÆGIDIUS Isabelli Episcopus Alliphannus Assisens.

BEATISSIME PATER. Gesta B. Joseph a Leonissa talia ac tanta fuere, ut ad efformandum validum Christi Athletam vix relinquant quid desiderari possit ulterius; verus quidem sine dolo Isdraelita adeo super Ordinis sui Fratres eximio emicuit vitæ candore & pergrandi erga Proximum charitate, ut per continuum sui corporis cruciatum virtutum omnium factus exemplar, & in coelestis Patris domo filius accrescens, pluribus portentosis miraculis illustrari meruerit; quamobrem censeo ut Fidelium *omnium benedictiones fiant in capite Joseph*, & dum in tam excelso culmine *veluti separatus Nazareus extollitur inter Fratres*, per SANCTITATEM VESTRAM ei Divorum decernantur honores.

JOANNES ANTONIUS Bacchettoni Episcopus Anagninæ Assisens.

BEatus Joseph a Leonissa eodem fuit seculo datus, eodem adeptus quo beatus Fidelis a Sigmaringa: Ambo a teneris annis orbatim parentibus, ambo Capuccinorum Ordinem amplexi. Unus Apostolici muneris fuit utrisque ardor, exactissimæ paupertatis rigidus uterque Professor. In utroque insignis eluxit animi fortitudo & constantia, qua labores, qua probra, qua subiere cruciatus: Etsi Joseph non usque ad ultimum sanguinem quia divinitus ereptus suppliciis, incruento charitatis suæ martyrio lentius quidem, at Proximorum saluti utilius consumendus. In hisce heroicarum æmulatoribus virtutum Deus quoque probatis sibi concinnis & convenientibus signis sese ostendit mirabilem. Proportio & concordia hæc tanta rerum perfici complerique postulat,

BEA-

BEATISSIME PATER, & unico solemniori ritu, unoque oraculo declarari, ut quorum una mens, unum studium, unus labor fuit in via, unum sit præmium, una quies in patria: Et duo hæc Ecclesiæ luminaria, unius summi Sacerdotis manu unoque actu, Candelabro admoveri.

FRANCISCUS ANTONIUS *Spadea Episcopus Aquinas*
& *Fregellarum Afsistens*.

BEATISSIME PATER. In Martyribus non passionis initium pro Christo toleratum, sed consummatio & finis tantum laudatur; in beato tamen Joseph a Leonissa & initium martyrii se præbet laudandum, & species quædam consummationis ejusdem martyrii, quamvis diutiùs protrahæ. Pro Fidei confessione jam pendebat in ligno, & a terra sublimis erat proximus Cœlo; jam palmam manu carpebat, & suo capiti pendentem conspiciebat coronam; at solutus ab Angelo jussus est in patrias Italiæ Regiones reverti, nova prælia pro Dei gloria & ad animarum initurus salutem. Nisi tanto miraculo a morte fuisset ereptus, jam victor laureatus triumphasset Joseph in Cœlo unicâ martyrii palmâ contentus, nec amplius post consummationem potuisset & meriti & gloriæ incrementa referre. Privilegium Viri Dei fuit hoc, ut dilata passionis consummatione posset Apostolico suo ministerio in majorem Dei gloriam animarumque profectum fortiter incumbere, nova tormenta tolerare pro Christo, nova improborum probra sufferre, longumque rigidissimæ vitæ voluntarium subire martyrium. Quis igitur enumerare queat & coronas & palmas, quibus suum usque in finem decoravit triumphum? Admiranda quippe sunt prodigia, quibus Deus ipse in ædificationem corporis Ecclesiæ, ac etiam ad confusionem gravium corde filiorum hominum mirificavit sanctum suum ante & post corruptibilis vitæ decessum. Hinc non solum inclytus Capuccinorum Ordo cujus extitit filius, sed cuncti ejus sanctis operibus & prædicationibus eruditi, accensi, in viam salutis traducti & in hac lacrymarum valle gementes & flentes, tot miseriis quasi inopiâ consumpti, ejus Canonizationem præstolantur solemnem, & a SANCTITATE VESTRA enixè deprecantur, ut majori possint fiducia ire ad Joseph & spiritus alimenta, secus mox perituri, ejus intercessionibus petere.

N A I L U M U R I A T .



Næ tietræ tæ skalkiem xompl kæ na dæfton præ tæ ndiecuræ scieta Fraternij e Capuccinet me tæ lumurinæ Josif caa Leoniffa . Præ tæ vertet se ggiꝛꝛ ggela etiyh na bie gnæ eeræ scium tæ miræ ndæ hundæt tona . Pse Eotænæ caa derꝛuræ mbij tæ me doræ hapt po si vaggh, ggiꝛꝛ hiret ; e ggiꝛꝛ ꝛunetiit ꝛpiertit ꝛceint . Eꝛe e caa bæanæ po si æmbra e tiih . Unæ nanc e mar me mænd'emia , tæ ꝛꝛom , e tæ nu muroga tæsti ggiꝛꝛ lævdimet . Ktiyæ robbytæn Eoti . Vec ecam me aft se Kyscia ꝛceinte i caa gnohunæ præ tæ mbæꝛaa , tæ mira , e ꝛe tæ vørteta . Aꝛtû ꝛꝛom , e ꝛe præ ꝛcegnæ , e mbre-cullij , me se Eotæn caa ndertunæ Ktæ robbin' etiyh . Tæsti duhet vetæmæ . Saa ty scium ilumuri At . Tæ haps , e tæ deſtoſc Ktæ tæ bucur' , e Ktæ tæ lævduam ꝛceint ne rii , ſaa te ndekgnæ ggiꝛꝛ bo-ta , e ggiꝛꝛ Kriſtærymi .

Josifi Schirò Archieſcupu i Durſit , e Vicari
Apoſtolicu ndæ Arbænit .

Ejuſdem Verſio latina :

*JOSEPH Schirò Archiepiſcopus Dyrrhachinus & olim
Vicarius Apoſtolicus in Epiro .*

ECCE BEATISSIME PATER aliud fulgentiſſimum exemplar chriſtianæ perfectionis , quod nobis exhibet & admirandum & imitandum ſacra Capuccinorum Familia per beatum Joſephum a Leoniffa . Proſectò tota illius vitæ ſeries ac præclara geſta non aliud undique redolent , niſi quandam ſuaviolentem unctiõnem unguentorum divini ſpiritus abundanter deſuper effuſam ſupra Virum planè formatum juxta cor Dei . Non mihi videtur BEATISSIME PATER , nec locus aptus , nec tempus opportunum hìc modò ſigillatim recensenda , & quidem mea rudi incorruptaque oratione omnes ejusdem Servi Dei , aut illæ præſertim quæ ad Deum diriguntur , virtutes . Sufficit mihi , quod eadem ſint hactenus , prout de more & ſevera trutina examinatæ , & Apoſtolico oraculo jam declaratæ in gradu heroico . Hoc idem enunciò de miraculis , quibus omnipotens Deus voluit hucufque oſtendere ſibi acceptiſſimam animam Servi ſui . Reliquum ergo eſt BEATISSIME PATER , ut ſupremam toti operi manum imponas , & Joſephum a Leoniffa toti quoque militanti Eccleſiæ imitandum ſolemniter proponas .

ՏՈՂ ԱՂՄԵՆԱԳԵՐԱԿԱՆԺ ՀՅՈՅՐ ԱՐԲԱԳՈՅՆ, և ԱՄԷՐ:



Հիյացման արժանի սքանչելիսն՝ զորս յայտնեաց ըստ տերն մեր 'իտիբերական ծովուն՝ քայլերովս 'ի վերայ սաստկացեալ ալեաց = Հաւե 'իբաղմացուցանելն 'իհասցն 'իյառապտին , Օսոյսն՝ անա վերստին նորոգեաց ներգործութե 'իյերկրին իտալիոյ , 'իձեռն երանելոյն Տովսեփի լիոնիսանի = Բը վս մեծութե հաւատոյն իւր 'ի Խր' Թիւեաց 'իհասց 'իյայն սակաւ ալերէն , և բաւականացոյց 'իսաբաղուն , և անթոռէլի ժողովրդոց , որ ընծայեցեալ էր նմա 'իյողորմութի . Այլև՝ ընդ երկուս դետս էանց ցամաք ոտիւք , սփռելով 'իվերտրկուն իւր 'իվր հոսանաց ջուրց = Հաւե՝ ձեացոյց մեզ 'իմարգարէն մովսէս , որ ցամաքեցոյց 'իգգետն , և արար հոսիլ 'իջուր 'իյապառաժ վիմէն = Այլ զի՝ և սա բղխեցոյց 'իսղբիւր իմն 'իյանջրտէ լեռնէ , որով զովացուցանէ 'իծարաւեցեալ ընկերս = Էւ վս այսպիսեաց , և այլոց սքանչելեաց՝ զորս յետ մահոճան իւրոյ գործեաց (բաց 'իառաքինութեցն՝ զորս արար 'իկեանս իւր) , ստիպիմ Թէ՝ սոյն երանեցեալս Տովսեփ , Թարց կարծեաց , և երկբայութեց արժանաւոր է , զի աղնոճական անուն սորին սրբացուցանեցի , և գրեցի 'ի Հսշոճարանի քրք , Հրամանաւ սրբութե ձերոյ :

Ահրդիս Ալլեքսադրէն՝ Արք եպոֆիս
Կեսարիոյ Կապադովկեան , Հայոց ,

Ejusdem Versio latina .

SERGIUS ALEXANDRI Armenus Archiepiscopus Casarea Cappadociae .

Christi Domini super maris undas ambulantis , panesque in deserto multiplicantis miracula in Palæstina edita , beatus Iosephus a Leonissa in Italia instauravit ; nam sua in Deum fide id obtinuit , ut perexiguâ farinâ quam acceperat ex eleemosyna , tanta panis copia conficeretur , quanta esset satis , ut innumeræ hominum multitudini distribueretur ; expanso autem super aquas Pallio , Truentum & Marojam flumina sicco pede calcaret . Sed & Moysem nobis repræsentavit , qui posuit flumina in desertum , & exitus aquarum in sitim . Nam ex arido monte ad focii sui aliorumque sitim sedandam , Iosephus aquæ venam aperuit . Quæ verò fuerint ejusdem & viventis heroicæ virtutes , & ad coelestem gloriam transla-

translati miracula , supervacaneum est hic recensere . Locum esse proinde cenſeo , ut tutò Canonizatorum in terris beato Joſepho a SANCTITATE VESTRA decernantur honores .

STEPHANUS Evodius Affemanus Archiepiſcopus Apameæ .

QUⁱ ^a inſcriptus erat BEATISSIME PATER , in judiciis temporum lenire iracundiam Domini , conciliare cor Patris ad Filium ^b , & teſtificari Evangelium gratiæ Dei , beatus Joſeph a Leoniffa ſacri Capuccinorum Ordinis Presbyter Profeſſus , vincula , tribulationes , cruciatus , qui ipſum Conſtantinopoli manerent , nequicquam moratus ^c : Nihil horum , cum Apoſtolo ajebat , vereor ; nec facio animam meam pretioſiorem quàm me , dummodo conſummem curſum meum & miniſterium verbi , quod accepi . Inde verò ^d ſedem Satanæ adortum dixiſſes ignem urentem in conſumendo criminum vepres , dixiſſes ſecurim vel aſciam in deſiciendo malas plantationes . Verberibus immaniſſimè cæſus omnique contumeliarum genere adfectus trabem ex qua pendeat ^e , convertit in Cathedram Magiſtri docentis ^f . Extinxit impetum ignis , effugit aciem gladii , caſtra vertit exterorum , & convaluit de infirmitate , ^g quia miſit Dominus Angelum ſuum , & eripuit adamantinum Athletam de manu Herodis & de omni expectatione Infidelium . Quem igitur Dominus ^h ſimilem fecit in gloria Sanctorum , & magnificavit in timore inimicorum , SANCTITAS VESTRA eorum Albo decernat cooprandum , quos ſolemnia Fidelium vota religioſo cultu humillimè proſequuntur .

BERNARDINUS Vari Epicoſpus Civitatis Caſtellanæ & Hortæ .

BEATISSIME PATER . Beatus Joſeph a Leoniffa fuit in primis impavidus Fidei Athleta , qui vel ipſum Turcarum Principem aggredi non extimuit : Fuit paupertatis rigidiſſimus cultor , eximium humilitatis exemplar , obedientiæ ſectator egregius . Charitatem ita coluit ut nihil magis haberet in votis , quàm Deum ſibi demereri , eundemque peccatoribus conciliare : Quos propterea in villis , Pagis lociſque campeſtribus adibat , eoſque concionibus , monitis ac hortamentis ad peccata deſtenda adigebat ; quo in munere cum totam ferme vitam cum maximo animarum lucro tranſegerit , curſum ſuum ſanctiſſimè conſummavit . Dignum idcirco exiſtimo , ut quod etiam miracula probant , SANCTITAS VESTRA decernat , redditam nempe ei fuiſſe illam juſtitiae coronam , quam tot excellentibus meritis ſibi comparavit .

B b b

Πρεβος

a Eccleſ. 48. b Act. 20. c Ibid. d Apocal. 2. D. Bern. in vit. S. Mal. e D. Aug. Hom. 119. in Jo. f Ad Hebr. 11. g Act. 12. h Eccleſ. 45.

Прѣѡсфннцн'тѣ ПЗрннтѣ .



Ѥ днзѡцн семне не бѡкѡрѡмь , кѡндѣ прѣ Ферн .
чнтѡль Іѡснфѣ чннстнмѡ , кѡ ачель гѡндѡ ѡ фн
кѡсетать ла Іѡланградѣ , кѡ шн пе чѣн стрѣннѣ
декѡтрѡ адекѡрѣ кѡ Бесѣрка роменѣ (ѡн ѡнпреѡ
не . шн де ересѡль чель МахOMETескѣ ѡноснѣ пеѡ
чель маѣ марѣ аль Тѡрчнларѣ Сѡлатанѣ сѡль деѡ
батѡ . ѡнѣ ачастѡ Іѡснфѣ трѡнндѣ наѡ ажѡнѣ , мѡкарѣ кѡ неѡ
чѣ ѡнтрѡ кнпѣ асѡ ѡнфрѡнцѣ аѡ асѡ ѡнтѣрѡїа нѡсѡ пѡтѡтъ , каѡ
сѡнѡ фїѣ шн Ернтинларѣ , шн МахOMETанларѣ спре кредннцѡ лѡн
Хс : Покѡцѡнторѡ , шн ѡн-епѡторѡ . Дѣн де брѣме чѣ ѡнтра іастѡ
ѡнфлѡкѡрнтѡ кѡтрѡ днзѣѡѡ , шн чель де апрѡапѣ драгостѣ сѡл при
стѡбнтѣ . Недеждѣ аѡемѣ , кѡ ѡнѣ черѡ фїнндѡ ачастѡ кѡ аль сѡѡ
патроцннїѡ бѡ лѡкрѡ , карѣ пре пѡмѡнтѣ пѡнтрѡ бннелѣ крѣцннѣскѡ
тар . ерѡ ѡн-епѡтъ . Пре ачѣста дарѣ Прѣѡсфннцїа тѡ ѡнтрѡ Сфннцн
нѡмѡрѡндѡль , вѣн дѡ чѣларѣ дѣла рѡсѡрнтѣ оѡнѣ Інжлѡчнторѡ ,
прннтѡ кѡрѡїа рѡгѡ-їѡнн ѡнблѡнѡнѡндѡсѡ пѡтерннкѡль днѡѡѡ сол
релѣ сѡѡ рѡсѡрнтѡлѡнѣ аль рѡсѡрнѣ сѡба мнлѡстнѣнѣ .

Іѡанѣ Ін: Клеїнѣ Епнскѡпѡль Дѣла Фѡгѡрашѣ .

Ejusdem Versio latina .

JOANNES INNOCENTIUS *Episcopus Fagarasiensis* .

Divinis lætamur auguriis, dum beatum Josephum a Leonissa recolimus eo animo Constantinopolim cogitasse, ut & alienos a veritate Populos Romanæ Religioni conjungeret, & ad ejurandam Mahometanam superstitionem supremum ipsum Turcarum Tyrannum adduceret. Id quidem Josephus, dum viveret, non est consecutus; tametsi nullis incommodis, nullis difficultatibus frangi potuit aut retardari, quominus & hæreticis & Mahometanis ad veram Christi doctrinam amplectendam dux esset & auctor; verum postquam in his ardentissimis in Deum & Proximum charitatis officiis migravit e vita, spem nobis haud dubiam facit, fore ut in Cœlo constitutus id patrocínio suo perficiat, quod in terris pro bono christianæ Reipublicæ fortiter aggressus fuerat. Hunc igitur SANCTITAS VESTRA inter Sanctos recensendo addet Orientalibus Tute-

Tutelarem , cujus precibus tandem placatum divinum Numen Solem suum Orienti oriri faciat .

POMPEJUS Compagnoni Episcopus Auximanus & Cingulanus .

EA quæ nobis de beato Josepho Leonissano fuerunt proposita , videntur mihi eximium præferre zelum honoris Domini , quo Vir sanctissimus non quærens quæ sua sunt sed quæ Jesu Christi , ad ardua quæque , dura ac difficilia tentanda , subeunda , exequenda effervescebat , ut omnes Christo lucrificeret . Quum itaque Spiritus sanctus dicatur in sacris litteris Spiritus zeli , quod nimirum qui spiritu Dei aguntur , eorum maximè intersit negocia Dei & Religionis curare ; nemo sanè ambiget B. Josephum plenum fuisse sanctitate & gratia & Spiritu sancto , utpote quem zelus domus Domini semper comederit ac pene consumpserit . Ad hanc verò purissimam divini amoris & charitatis flammam accedente etiam luce miraculorum , censeo secundum hæc omnia coelestes illi honores jure optimo deferendos .

JACOBUS PHILIPPUS Consoli Episcopus Amerinus .

BEATISSIME PATER . Ad Canonizationem jam præsignatam beati Fidelis a Sigmaringa altera beati Josephi a Leonissa ejusdem Ordinis Capuccinorum , pro qua tot suffragia mox prodiverunt , equidem mihi peraddenda videtur ; oh nobile par Heroum ! Ambo etenim sub eodem sacro Instituto virtutis stadium alacriter ingressi brevi metam attingere ; par utrique ardor , corpus ciliciis & flagellis cruciandi ac perpetuâ fere a carnibus abstinentiâ macerandi ; ambo laborioso itinere , vel ad finitimas , vel longinquas sive ab orthodoxa fide aberrantes , sive catholicæ fidei lumine penitus carentes peregrinati sunt Gentes & Nationes , evangelicam sementem conspersuri ; ambo tolerati , tum etsi haud ambo consummati , martyrii gloriâ insignes ; ambo denique miraculorum splendore coruscantes .

Verùm enimverò omnibus hæc communia sunt Suffragantibus argumenta virtutum illius & sanctitatis : Illud mihi peculiare est PATER SANCTISSIME, quod anno 1737. ad Corpus beati Josephi (subter tunc terra repositum) recognoscendum , elevandum , publicæque Fidelium venerationi exponendum hujus sanctæ Sedis delegatione honoratus oneratusque , illud ossa ossibus aptando manus istæ contrectaverunt undique ; cum autem ad cor ejus intra quamdam capsulam authenticè conservatam pervenerim , tam inusitatum incognitumque percepi adhuc in eo permanentem odorem effundere , quod nonnisi coelestem existimaverim ; at nequaquam item admiranda alia defuerunt portenta ; cum enim in Ecclesia sanctissimi Salvatoris Leonissæ , quò B. Joseph suæ futuræ sancti-

tatis christianis operibus impensius incumbendo prima jecerat fundamenta, quamdam ejus sanguinis ampullam non solum tunc Judicum delegatorum sigillo munitam, verum quoque intra parietem crate ferrea haud amovibili custoditam a seculo & ultra devotionis gratia Incolæ asservarent, factum est ut cum præ manibus eam indulto cultui consignandam acceperim, sanguinem fluvidum ac rubescentem adinvenirem; quocirca tanto prodigio magnopere perculsus in lacrymas una cum Populo illico erumpere coactus sum, & uno omnium ore conclamare: *Mirabilis Deus in Sanctis suis.*

Tot igitur signis loquente Deo, & amicum suum ut superius ascendat invitante, undeque justum erit & dignum PATER SANCTISSIME, ut quemadmodum beati Fidelis sic beati Josephi Canonizatio decernatur; hæc enim Biga Sanctorum quæ Christi jugum pari devotione portavit, planè decet, ut honore item pari veneretur.

JOSEPH Coppola Episcopus Aquilanus.

Merito quodam accrescendi jure factum est, ut in B. Joseph a Leonissa non secus ac in B. Camillo de Lellis una eademque Sanctorum Canonizatione Aprutina Regio (in qua nullis oppidò suffragantibus meritis unus ex christiani Gregis custodibus sum designatus) nobile par coelestium heroum habere gloriatur; & licet B. Joseph, secus atque ille, permanens semper in innocentia sua viriliter fecerit, confortatum videns cor suum eo quod Christum crucifixum amaverit; attamen quia ex Augustini sententia: Cor contritum proximum est cordi mundo, jus postulabat ut biga Sanctorum [audeo & ego uti verbis Chrysostomi a Te relati in appendice tom. 1. de Canonizat.] Biga inquam Sanctorum, quæ Christi jugum & Crucem ferens ex eadem exivit Regione, ab eodem Summo Pontifice qui Gregis Christi Pastor & Rector existit, in Sanctorum numerum referatur.

JOSEPH Rossi Episcopus Venafranus.

Duo luminaria magna BEATISSIME PATER, præclari Ordinis Capucinatorum istis sacris proposita sunt Comitiiis. Alterum Fidelis a Sigmaringa qui martyrio catholicæ illuxit Ecclesiæ. Alterum modò Joseph a Leonissa qui ardenti charitate in Orientem ductus, dum Constantinopoli Turcarum supremum Tyrannum ad ejurandam Mahumetanam superstitionem adducere meditatur, ingressus illius palatium pedemque in intima cubicula inferre tentans, a Satellitibus comprehensus multis cruciatibus afflictus fuit. Latâ deinde in eum mortis sententiâ, pede manumque dextris unco ferreo suspensus est; unde dum pendeat, non destitit in opere Fidei, laboris & charitatis ad erudiendas Gentes infideles

les proferre doctrinam salutis, & lucem veritatis effundere. Sed post triduum tantis tormentis pro Jesu nomine toleratis ab Angelo in forma pueri ereptus est, & in Italiam jussus remeare; hinc charitatis prosequens opera in Vicis & Castellis miseris hominibus, quibus sacri deficiebant Operarii, doctrina, exemplo & opere quasi lux coelestis affulsit; & in charitate, patientia & humilitate cursum suum feliciter consummavit, & in gaudium Domini sui intravit. Gaudeat propterea in Occidente sancta universalis Ecclesia alterum in Aris post Christi Patrem putativum venerari Joseph.

HIERONYMUS Lorenzi Episcopus Acernensis.

BEATISSIME PATER. Mirum orandi studium vitæque austeritatem cum assiduis pro salute animarum laboribus conjunctam jure suspicimus in beato Joseph a Leonissa. Eundem apud Barbaros, quos ad veram Fidem conabatur traducere, triduum unco suspensum e trabe pependisse, mox ab Angelo ereptum novimus; ut Athletæ sanctissimo non martyrium aut martyrii corona, sed mors duntaxat in illo cruciatu obita defuisse videatur. His aliisque virtutibus planè perspectis, tum quod tam multos ad justitiam erudivit, fulgere illum modò tanquam stellam in perpetuas æternitates miraculorum voce docemur a Deo; cum ad ejus tumulum novissimis his temporibus consolidatæ sint bases Pueri & plantæ priùs dissolutæ, & immane Mulieris ulcus ejusdem ope obductum statim sit. Erit igitur providentiæ Tuæ BEATISSIME PATER, quod suppliciter peto, B. Virum inter Sanctos referre, ut amplioribus auctus honoribus magis luceat omnibus, qui sunt in Ecclesia.

JOANNES FRANCISCUS Cavallinus Episcopus Alatrinus.

EXimius profectò zelus, quo beatus Josephus a Leonissa Ordinis Capuccinorum, tum in defendenda augendaque fide orthodoxa, tum in confirmanda propagandaque animarum salute supra ceteros enituit, illud sanè exigit PATER BEATISSIME, ut miraculis rite jam a Sanctitate Vestra probatis in Sanctorum numero cooptetur; quemadmodum & ego ea qua decet reverentia, in obsequium tanti Viri demissè cogor efflagitare.

NICOLAUS Gioffi Episcopus Soranus.

Post vitam summâ innocentiam in seculo primùm ductam, omnibus deinde Religiosis virtutibus in severiori Capuccinorum Instituto adauctam, incredibili propagandæ catholicæ Religionis & lucrandarum Jesu Christo animarum zelo ardens poenas quidem martyrii Constantino-

poli

poli subivit; sed Martyr non occubuit, ut per divini verbi ministerium Christifideles in Italia e vitiis ad virtutes, & e terra perduceret ad Cœlum; quò tandem ipsum pervenisse divina etiam prodigia comprobarunt. Meritò igitur etsi non Martyris, Confessoris tamen nomen ipsi cum publico solennique cultu tribuendum esse sentio,

JOANNES ANTONIUS Castelli Episcopus Catharensis.

N Unquam latere potuit beati Josephi a Leonissa virtus; compertum enim est cum ab ineunte pueritiâ, innocentiam morum, orationis studio, misericordiam in Pauperes, singulari erga Virginem Dei Genitricem pietate, eximia futuræ Sanctitatis indicia dedisse; at ubi Capuccinorum Institutum amplexus est, & prudentem, & Superiorum dicto obsequentem, & patientem injuriarum, & paupertatis, Religionis charitatisque maximè studiosum se præbuit. Zelo salutis animarum inflammatus, dum potuit Constantinopolim sese contulit, ut Turcarum Tyrannum ad veram Religionem colendam induceret; sed ab improbis satellitibus, diris, neque unquam aliàs auditis tormentis cruciatus, ab iisque divina ope, nec sine singulari prodigio liberatus in Italiam rediit, ubi diu cum munus Apostolicum objisset, plenus meritorum e vita mortali decessit, miraculorum laude in vita & post mortem illustris. Erit proinde BEATISSIME PATER, cur omnes plaudant gratulenturque Ecclesiæ, si Virum tanta sanctitate morum tantoque desiderio propagandæ Religionis catholicæ flagrantem infallibili Sanctitatis Veltræ Decreto Sanctorum Albo adscriptum esse intellexerint.

NICOLAUS MARIA Calcagnini Episcopus Civitatis Ducalis,

Vitam quam sibi a Deo singulari servatam beneficio B. Joseph agnoscebat, ab ipsa pueritia totam in sanctis operibus instituit atque transegit. Ut verò facilius finem consequeretur sibi propositum, sacræ Capuccinorum Familiæ nomen dedit, ibique Instituti sui asperitatibus majoribusque aliis voluntate sua susceptis cruciatibus Apostolici muneris maximos adjunxit labores, quos dum in evangelizandis Pauperibus, Peccatoribus ad sanam frugem revocandis, Infidelibusque ad Christi Domini fidem convertendis ex obedientia libentissimè tolerabat, dignus habitus fuit, ut contumelias atque tormenta pro Jesu nomine Constantino-poli pateretur. Tantum igitur orthodoxæ Fidei Heroem a Deo miraculis illustratum dignum planè existimo, qui a SANCTITATE VESTRA conscriptis in Albo Sanctorum Cœlitibus superaddatur.

D. IN.

D. INNOCENTIUS Gorgoni Episcopus Pinnenfis & Hadriensis.

BEATUS JOSEPHUS a Leonissa adolescens egregium adolescentibus exhibuit christianarum virtutum exemplum, in Capuccinorum Ordine severissimo vitæ suæ genere brevi omnibus factus est evangelicæ perfectionis exemplar; in concionandi quod divino quodam fervore exercuit, munere Apostolicum studium, & in persecutionibus immanibusque quibus ab Infidelibus vexatus fuit, cruciatibus Martyrum constantiam charitatemque ostendit, ac Deus, ut eum glorificaret, e persecutorum manibus visibilis Angeli ministerio eripuit; renovato evangelico prodigio semel atque iterum fecit, ut modico pane hominum multitudinem satiaret; atque tot tantisque miraculis etiam post mortem illustravit, ut non dubitem, quin Te decernente BEATISSIME PATER, Sanctorum coronâ & gloriâ sit condecorandus.

Auditis singulorum suffragiis, preces quoque eorum implorans Sanctitas Sua, ut supernum lumen in re tanti momenti sibi demereretur e Cœlo, subdidit.

VENERABILES FRATRES. Intelleximus suffragia vestra de causâ beati Josephi a Leonissa, pro quibus ferendis ad Deum Vos prius confugisse, idemque facturos etiam non dubitamus, ut cœleste lumen Nobis impetretis. Attamen Vos magnopere hortari non prætermittimus, ut privatim ac publicè easdem preces suscipiatis, cum Vos minimè lateat quantam vim habeant illæ preces, quæ publicè & Ecclesiæ nomine indicuntur.

Orationi Pontificiæ cum fuisset finis impositus, ut de ea & de Suffragantium sententiis Instrumenta conficerentur, Protonotarios interpellavit ex more D. Toppi Cameræ Apostolicæ Procurator Generalis his vocibus.

Ego Johannes Philippus Toppi Sanctissimi Domini Nostri & Cameræ Apostolicæ Procurator Generalis rogo Vos omnes Protonotarios & Notarios Apostolicos hic presentes, ut de sententiis consilio & unanimi consensu Reverendissimorum DD. S. R. E. Cardinalium, necnon Patriarcharum, Archiepiscoporum & Episco-

& Episcoporum , deque Summi Pontificis oratione & deliberatione præhabitis super solemnī Canonizatione beati Josephi a Leonissa , unum vel plura , publicum seu publica conficiatis Instrumentum vel Instrumenta ad perpetuam rei memoriam .

Conficiemus Collegii nomine Protonotariorum Decanus respondit , eosque adhibuit testes , qui hinc & inde adstabant Pontifici, dicens : *Vobis Testibus* : Hoc autem postea Instrumentum edidit .

*Instrumentum a Decano Protonotariorum rogatum
pro quarto Semipublico Consistorio .*

I N N O M I N E D O M I N I A M E N .

PRæsenti hoc publico Instrumento Nos Protonotarii Apostolici de numero Participantium cunctis lectionibus pariter & auditibus ubique indubiam plenamque fidem facimus & testamur . Quod Anno ab Incarnato Verbo Millesimo septingentesimo quadagesimo sexto , Indictione nonâ Pontificatus Sanctissimi Domini Nostri BENEDICTI Divinâ Providentiâ Papæ XIV. Anno VI. die verò XII I. Junii Feria II. Idem Sanctissimus Dominus peracto prius maturo & riguroso examine super virtutibus, meritis & miraculis beati Josephi a Leonissa Ordinis Minorum S. Francisci Capuccinorum inter Sanctos conscribendi , ne diuturniori cunctatione prælaudato Dei Servo cultus & Sanctorum decernendi honores protraherentur : In Aulâ quæ in Quirinali Palatio pro Ducali est , habuit Consistorium Semipublicum [quod in re tanti momenti juxta suorum Prædecessorum Ordinationes reliquum erat] ab Eminentissimis S. R. E. Cardinalibus , & a Reverendissimis Patriarchis , Archiepiscopis & Episcopis super solemnī ejusdem beati Josephi peragenda Canonizatione sententias de more suscepturus .

Congregatis propterea die & horâ designatis in prædicta Aula Ducali Eminentissimis Cardinalibus , Reverendissimis Patriarchis , Archiepiscopis & Episcopis suffragaturis , Summus Pontifex consuetis sacris Vestibus & Pluviali rubri coloris indutus ac simplici Mitra exornatus , statim ad eandem Ducalem Aulam solito Ritu , solitoque comitatu inter Eminentissimos Carolum Marini & Alexandrum Albanum antiquiores Diaconos Cardinales pervenit : Producto prius super convocatis Patribus Crucis signo , ex eminenti Sede in quam illico se receperat , brevi ornataque Allocutione eorum super habenda beati Josephi a Leonissa Canonizatione sententias efflagitavit , spe certa fretus , quod opem & lumen , quod ab inexhausto divinæ sapientiæ fonte in tanta ab ipso suscipienda

scienda deliberatione præstolabatur per eorum consilia & judicia apertius Altissimus sibi manifestare non dedignaretur.

Vix Sanctissimus Pater quid ab amplissimo Cardinalium Senatu & ceterorum Patrum Confessu exquireret, luculenter ostenderat, quod Eminentissimus Carafa Episcopus Albanensis, utpote inter Cardinales qui aderant antiquior, summatim recensitis vitæ austeritate ac sanctimonia ceterisque virtutibus, meritis & miraculis, quibus Sanctum suum Altissimus mirificavit, primus sententiam suam reverenter exposuit, & enixis precibus Sanctissimum Dominum oravit, ut beato Josepho qui jampridem coronam gloriæ a Deo meruerat in Cœlis, tandem inter Sanctos relato corona justitiæ a summo Christi Vicario tribueretur in terris.

In eundem ferme sensum eademque prorsus in preces iverunt reliqui, qui intererant, & suffragati fuerunt Eminentissimi Patres. Nimirum.

Franciscus Tituli S. Mariæ Transtiberim S. R. E. Presbyter Cardinalis Burghesius.

Antonius Xaverius Tit. S. Stephani in Monte Cœlio S. R. E. Presbyter Cardinalis de Gentilibus.

Fr. Joannes Antonius Tit. SS. Silvestri & Martini in Montibus S. R. E. Presbyter Cardinalis Guadagni.

Trojanus Tit. S. Cæcilie S. R. E. Presbyter Cardinalis de Acquaviva.

Dominicus Tit. SS. XII. Apostolorum S. R. E. Presbyter Cardinalis Riviera.

Joannes Baptista Tit. S. Mariæ Angelorum S. R. E. Presbyter Cardinalis Spinola.

Raynerius Tit. S. Sabinæ S. R. E. Presbyter Cardinalis de Ilcio.

Dominicus Tit. S. Bernardi S. R. E. Presbyter Cardinalis Passionei.

Silvius Tit. S. Priscæ S. R. E. Presbyter Cardinalis de Valentibus.

Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero.

Camillus Tit. SS. Joannis & Pauli S. R. E. Presbyter Cardinalis Paulutius.

Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus.

Fridericus Tit. S. Pancratii S. R. E. Presbyter Cardinalis Lantes.

Franciscus Tit. S. Mariæ de Populo S. R. E. Presbyter Cardinalis Riccius.

Antonius Tit. S. Silvestri in Capite S. R. E. Presbyter Cardinalis Rufus.

Philippus Maria Tit. S. Agnetis extra Mœnia S. R. E. Presbyter Cardinalis de Montibus.

D. Fortunatus Tit. S. Matthæi in Merulana S. R. E. Presbyter Cardinalis Tamburinus.

- D. Joachimus Tit. S. Crucis in Hierusalem S. R. E. Presbyter Cardinalis Befutius .
 Carolus S. Mariæ in Via Lata Diaconus S. R. E. Cardinalis Marini .
 Alexander S. Mariæ ad Martyres Diaconus S. R. E. Cardinalis Albanus .
 Nerius S. Eustachii Diaconus S. R. E. Cardinalis Corfinus .
 Agapitus S. Agathæ in Suburra Diaconus S. R. E. Cardinalis Mosca .
 Carolus Maria S. Mariæ in Porticu Diaconus S. R. E. Cardinalis Sacripantes .
 Marius SS. Cosmæ & Damiani Diaconus S. R. E. Cardinalis Bolognnetus .
 Prosper S. Georgii in Velabro Diaconus S. R. E. Cardinalis Columna de Sciarra .
 Alexander S. Mariæ in Aquiro Diaconus S. R. E. Cardinalis Tannarius .
 Hieronymus S. Adriani Diaconus S. R. E. Cardinalis Bardi .
 Dominicus SS. Viti & Modesti Diaconus S. R. E. Cardinalis Urfinus .

Post Eminentissimorum Cardinalium sententias facta fuit Reverendissimis Patriarchis, Archiepiscopis & Episcopis, tam Assistentibus Pontificio Solio, quam non Assistentibus suffragandi facultas, & protinus [initio a Patriarchis desumpto] suffragari cœperunt Reverendissimi DD.

- Mundillus Urfinus Patriarcha Constantinopolitanus .
 Antonius Maria Pallavicinus Patriarcha Antiochenus .
 Thomas Cervini Patriarcha Hierosolymitanus .
 Gabriel Eva Archiepiscopus Cypri Syrus, qui patrio prius, deinde latino idiomate tulit suffragium .
 Alexander Borgia Archiepiscopus Firmanus .
 Joseph Maria Ferroni Archiepiscopus Damascenus .
 Joannes Franciscus Stoppani Archiepiscopus Corinthi .
 Michael de Palma Archiepiscopus Theatinus .
 Stanislaus Poliaftri Archiepiscopus Rossanen .
 Ferdinandus Maria de Rubeis Archiepiscopus Tarfi .
 Joannes Andreas Tria Archiepiscopus Tyri .
 Nicolaus Carafa Archiepiscopus Philippensis .
 D. Ferdinandus Romualdus Guiccioli Archiepiscopus Ravennaten .
 Felix Solatius Archiepiscopus Thebarum .
 Antonius Fonseca Episcopus Æsinus .
 Nicolaus Michael Abbati Episcopus Scyllacii .
 D. Placidus Pezzancheri Episcopus Tiburtinus .
 Bernardus Antonius Pizzella Episcopus Constantien .

Fr. Paulus Alpheran de Buffan Episcopus Meliten.
 Alexander de Abbatibus Episcopus Viterbien. & Tuscanen.
 Nicolaus Franciscus de Bonhome Episcopus Carpasien.
 Ludovicus Antonius Valdina, olim Cremona Episcopus Hermopolitanus.
 Fabricius Borgia Episcopus Ferentinus.
 Hippolytus e Rubeis S. Secundi Episcopus Senogallien.
 D. Paulus Thomas Marana Episcopus Asculanus.
 Fr. Silvester Merani Episcopus Porphyriensis.
 Nicolaus Mancinforti Episcopus Anconitanus.
 Antonius Cantoni Episcopus Faventinus.
 Paulus Bonavisa Episcopus Spoletinus.
 Cæsar Bonajuti Episcopus Pharen.
 Marius Maffei Episcopus Fulginatensis.
 Guido Ursellus Episcopus Cæsenatensis.
 Hyacinthus de Silvestris Episcopus Nepesinus & Sutrinus.
 Leo Lucas Vita Episcopus Oppiden.
 Ægidius Antonius Isabelli Episcopus Alliphanus.
 Joannes Antonius Bachetoni Episcopus Anagninus.
 Franciscus Antonius Spadea Episcopus Aquinas & Fregellarum.
 Joseph Schirò Archiepiscopus Dyrrhachinus, qui patrio prius, deinde latino idiomate tulit suffragium.
 Sergius Alexandri Armenus Archiepiscopus Cæsareæ Cappadociæ, qui patrio prius, deinde latino idiomate tulit suffragium.
 Stephanus Affemanus Archiepiscopus Apameæ.
 Bernardinus Vari Episcopus Civitatis Castellanae & Hortæ.
 Joannes Innocentius Episcopus Fagarasiensis, patrio prius, deinde latino idiomate suffragium emisit.
 Pompejus Compagnoni Episcopus Auximanus & Cingulan.
 Jacobus Philippus Consoli Episcopus Amerinus.
 Josephus Coppola Episcopus Aquilanus.
 Joseph de Rubeis Episcopus Venafranus.
 Hieronymus Lorenzi Episcopus Acernen.
 Joannes Franciscus Cavallini Episcopus Alatrinus.
 Nicolaus Cioffi Episcopus Soranus.
 Joannes Antonius Castelli Episcopus Catharensis.
 Nicolaus Maria Calcagnini Episcopus Civitatis Ducalis.
 Innocentius Gorgonius Episcopus Pinnen. & Hadrien.

Qui omnes concorditer non solum beatum Josephum a Leonissa inter Sanctos meritò cooptandum [sapienti unusquisque suo prolato iudicio] existimarunt; verum etiam & apud Sanctitatem Suam reverenter institerunt, ut eidem Dei Servo supremis Sanctorum honoribus delatis, novum in eo augeretur Ecclesiæ præsidium & ornamentum, novumque

admirabile & prorsus inauditum pro animarum salute charitatis & propagandæ Religionis ardoris & fortitudinis in vinea Domini laborantibus exhiberetur exemplum.

Summus Pontifex suffragiis omnibus absolutis, cum libenti lætoque animo percepisset Venerabilium Fratrum sententias & preces, idem a se exposcere, quod & ipse jam diu vehementer optaverat, eisdem Venerabiles Fratres iterum allocutus monitos eos esse voluit in sequenti & ultimo Consistorio in Causam Canonizationis beatæ Catharinæ de Ricciis habendo indicturum se diem, qua celebrari deberentur solennia Canonizationis tum prædicti beati Josephi a Leonissa, quàm aliorum beatorum Fidelis nempe a Sigmaringa, Camilli de Lellis & Petri Regalati, quos ipse nuperrimè in præteritis Consistoriis Sanctorum nomine & cultu donandos Aris designaverat.

Sanctissimus Dominus facto loquendi fine, finem quoque Consistorialis fecit Actionis; sed priusquam Sanctitas Sua & Eminentissimi Patres confurgerent, & e Conventu discederent; Procurator Generalis Reverendæ Cameræ Apostolicæ rogavit Nos Protonotarios Consistorio præsentem, ut de præhabitis a Sanctissimo Domino Allocutionibus deque consilio, sententiis unanimique Patrum consensu pro solemni beati Josephi a Leonissa Canonizatione ad perpetuam rei memoriam unum vel plura, publicum seu publica, Instrumentum vel Instrumenta conficeremus.

Ad huiusmodi præfati Procuratoris Generalis R. C. A. instantiam confestim Ego Franciscus Maria Protonotarius Riccardi Protonotariorum Collegii Decanus ejusdem Collegii mei nomine respondi: *Conficiamus*: Et ad Familiares Sanctitatis Sux conversus eos super omnibus quæ peracta fuerant, his verbis in testes adhibui: *Vobis Testibus*:

Acta sunt hæc in Quirinali Palatio die, mense & Anno quibus supra, præsentibus Illustrissimis DD. Paulo Zani Bononiensi, & Josepho Maria Puoti Neapolitano ab intimo Sanctitatis Sux cubiculo ad hoc specialiter vocatis, habitis atque rogatis.

In quorum fidem Nos Protonotarii Apostolici de numero Participantium requisiti & rogati præsens hoc Instrumentum confecimus, subscripsimus & publicavimus, solitoque Collegii nostri sigillo muniri, & in nostro Archivio, ut futuris temporibus horum omnium perenne semper extet documentum, Secretario nostro perdiligenter asservari & scribi mandavimus. Actum ubi supra præsentibus quibus supra Testibus ad præmissa vocatis, habitis atque rogatis.

Ita est Franciscus Maria Protonotarius Riccardi Decanus.

Loco † Signi.

Franciscus Dominicus Clementi ejusdem Collegii Secret.

Abfen-

Absentium EE. S. R. E. Cardinalium, Archiepiscoporum, & Episcoporum ab Apostolico Conventu hic recensentur exaranturque sententiæ, jussu Sanctissimi Patris ad Secretarium Congregationis Sacrorum Rituum, ut in ejus Tabulis perpetuò asservarentur, a quoque transmissæ.

*THOMAS Episcopus Ostien. & Veliternensis Sacri Collegii Decanus,
Vice-Cancellarius Cardinalis Rufus.*

BEatus Josephus a Leonissa virtutem auspicatus ab ubere, ævi exordium peculiari quadam pietate & pueriles annos constanti Religione consecravit. Cum adhuc adolescens in illustri Capuccinorum Ordine Deo se victimam devovisset, præconcepta virtutum ejus semina heroicam in frugem eruperunt. Harum Reginâ Charitate dirigente gressus ejus, Peccatoribus, iis maximè qui perversæ consuetudinis mole pressi in profundum malorum venerant, semetipsum exhibuit sicut Dei Ministrum in laboribus assiduus, in jejuniis plurimis, in multa humilitate, in invicta patientia. In eadem charitate non ficta conversus etiam ad Gentes, quæ ignorabant Deum, atque ipsas opportunè importunè docere conatus verbum veritatis, tribulationes & contumelias, & angustias & vulnera fortissimè sustinuit. Veruntamen cursum illum, quem renuente Numine abrumpere neque Tyranni neque tormenta potuere, in Crucis mortificatione divini amoris flamma feliciter consummavit. Hæc quidem omnia insignium quoque miraculorum fulgore comprobata postulare videntur, ut cœlestis hic Vir a SANCTITATE VESTRA in Sanctorum Album Apostolica auctoritate referatur, ut sit christiano Populo adiutor in præsentibus opportunitatibus & tribulationibus.

*ANNIBAL Episcopus Portuensis Cardinalis Albanus
S. Clementis nuncupatus.*

BEatus Josephus a Leonissa alterum Sanctitatis lumen & ornamentum Aprutinæ Provinciæ in Regno Neâpolitano, quàm eximiâ vitæ sanctimoniâ futurus esset illustris, a prima ætate patefecit multiplici christianæ pietatis argumento. Religioso Capuccinorum Ordini adscriptus virtutum omnium fulgore emicuit. Quum martyrii flagraret desiderio in Thraciam profectus, Constantinopoli multa præstitit, quæ propagandæ christianæ Religionis ardorem & alienæ salutis procurandæ studium præcipuum ostendunt. In Italiam reversus Apostolicis laboribus complures a peccatis & vitiis revocavit, tum qua viâ potuit divinæ gloriæ incrementum provexit. Ardentissimæ in Deum & Proximos charitati assiduas corporis afflictationes adjunxit. Orationi ac divinarum rerum contemplationi diu noctuque deditus, cœlestis vitæ genus in terris egisse visus est. Donis pluribus & miraculorum gratiâ a Deo exornatus, tam

exactè humilitati suique despicientiæ studuit , ut nihil posset esse despectius . Quum itaque B. Josephus virtutum omnium præstantiâ emicuerit , vivensque & mortuus multis a Deo miraculis sit illustratus , per clarioribus catholicæ Ecclesiæ Viris sanctis meritò dignus habetur , qui in eorundem Album a BEATITUDINE VESTRA referatur .

*VINCENTIUS Episcopus Prænestinus Cardinalis Petra ,
Major Pænitentiarius .*

Tanta virtute tantoque studio propagandæ Religionis excelluit beatus Josephus a Leonissa , ut cum sanctissimis viris , qui summâ vitæ innocentiam munerisque Apostolici laude floruerunt , comparari meritò posse videatur . Cum enim jamusque a prima ætate incredibili abstinentia , castitate morum , demissione animi , misericordia erga egenos , obedientia , charitate aliisque virtutibus inclaruerit , quas longum esset recensere ; tum posteaquam sacro Capuccinorum Ordini nomen dedit , ubi ei Constantinopolim abeundi fidemque prædicandi facultas est data , tanto desiderio Infidelium convertendorum exarsit , ut cum eò appulit , singulari Dei auxilio Turcarum Tyrannum adire eumque ad Christi doctrinam profitendam inducere constituerit . Quodsi regionum custodum scelere , qui illum pugnis , calcibus omni que contumeliarum genere vexaverunt , impetrare non potuit quod optabat , quoniam tamen satellitibus traditum se extremo sævissimoque supplicio cruciandum vidit , ab eoque deinde divinitus liberatum , etsi angeretur , quod mori pro Christo nequiverit , rediit nihilominus in Italiam gaudens , quod dignus esset habitus pro nomine Jesu contumeliam pati . In hisce autem nostris Regionibus innumeris laboribus functus plenusque virtutum in Coelum evolavit , ubi tot meritorum coronam est , ut credimus consequutus . Quare censeo dignum esse , qui a SANCTITATE VESTRA in Sanctorum numerum referatur .

JOSEPH Episcopus Tusculanus Cardinalis Accorambonus .

Religio , pietas , sui ipsius abnegatio & ferventissimus præsertim charitatis ardor , quo in Deum & Proximum beatus Joseph semper exarsit , quemadmodum Athletam Christi fortissimum uberrimâ gloriâ dignum in Coelis reddiderunt , ita meritissimum reddunt , ut supremo SANCTITATIS VESTRÆ judicio inter Coelites referatur .

VINCENTIUS *Episcopus Sabinensis Cardinalis Bichius.*

PAlmam martyrii, quam flagranti desiderio concupiverat beatus Joseph a Leonissa Sacerdos Professus Ordinis Minorum Capuccinorum atque tetigerat, sed Deo disponente integrè non fuerat affectus, in coronam gloriæ commutavit illi Deus protracto vitæ curriculo, ut sic in longum animabus Proximi sui salutem afferret & merita cumlaret, donec ad sui temporis consummationem perventus beatas scanderet sedes. Visibile voluntatis Dei Testimonium habuit beatus Joseph quando Constantinopoli in odium Fidei catholicæ ad mortem damnatus, atque pede manumque dexteris unco ferreo e sublimi suspensus, nedum fuit miraculosè a morte servatus, sed post triduum martyrio lato ab Angelo liberatus ac sanatus remansit, divino ei dato mandato, ut ad Italiam remearet: Divinaque impleta voluntate, unum quod evasit martyrium coactum, in plura martyria commutavit voluntaria usque ad obitum, tempore in beneficium Proximi sui semper insumpto; propter quæ mirabilis Deus glorificavit etiam in vita Sanctum suum, multiplicando præcipuè per binas vices ad ejus supplicationes farinam usque ad satietatem famelicæ multitudinis, primùm Ocricoli, secundò Borbonii. Ad cœlestem tandem Patriam evocatus plurimis aliis miraculis Sanctitatem Servi sui manifestavit Deus, quem si supremi Regis clementia coronâ gloriæ in Cœlis magnificat, devotè a Fidelibus in hac terrestri patria convenit venerari.

NICOLAUS MARIA *Tit. S. Petri ad Vincula Presbyter
Cardinalis Lercarius.*

SANCTITAS VESTRA divino illustrata lumine sacris Altarium honoribus elevatum christiano Orbi venerandum proponet B. Josephum a Leonissâ, quem si in sortem Domini electum fuisse singulari ab ipsis incunabulis in eum collato beneficio manifestatum est, idipsum magis confirmarunt tot tantaque vitæ discrimina ac pericula, a quibus superna manu sæpe liberatus fuit, & tot tantaque supplicia, quibus si non mortem martyrii tamen pœnas omnes invictissimo animo non semel expertus est. Nil itaque superest, nisi ut invictus Athleta Christi suo tandem lumine universam illustret Ecclesiam, & suo tueatur patrocinio.

*RAPHAEL COSIMUS Tit. S. Marcelli Presbyter
Cardinalis de Hieronymis.*

BEATISSIME PATER. Ineffabili semper dispositione providit Deus, ut suis aptè temporibus exurgerent Viri Sanctitate conspicui, qui hominibus senescente Mundo in pejora ruentibus adjunctrices manus porrigerent, & gliscentium vitiorum spinas de Ecclesiæ vinea evellerent. Inter hos Josephi de Leonissa Ordinis Capuccinorum Sacerdotis Professi spiritum suscitavit, qui æmulatus charismata meliora ore simul & opere docuit quanta erga Deum charitate æstualet, quanta in Proximum dilectione quantoque contra vitia afficeretur odio, factus contra ea declamator acerrimus. Martyrii quoque ei non defuit animus, dum pro Christi fide amplianda verè Martyrum tormenta sustinuit. Signa quibus dum vixit, & post obitum etiam claruit, æquè testantur quàm in eximio hoc Viro bene sibi complacuerit Deus. Iustum ergo censeo, ut quem coronâ expressâ signo Sanctitatis Dominus redimivit in Cœlis, Sanctorum etiam laureâ SANCTITAS VESTRA coronet in terris.

*CAROLUS Tit. S. Mariæ de Ara-Cœli Presbyter
Cardinalis Calcagninus.*

Fecit Dominus mirabilia cum Servo suo B. Josepho a Leonissa; dum ab adolescentia ita omnium virtutum amator fuit præcipuequè pudicitiae, ut ad illam tuendam spretis domesticorum blanditiis atque precibus, hujusque mundi pompis lætus ac victor in Patrum Capuccinorum sodalitatem adscitus est: Vocatus igitur ad Francisci sequelam particeps fuit illius spiritus, quo terrena omnia despiciens ad instar Apostoli Pauli in carne extra carnem, in Mundo extra Mundum esse videbatur; coelestium enim contemplatio fuit illi assidua; Fidem cum charitate conjunctam & sanctè servavit, & fideliter reddidit: In multa patientia fuit in suavitate, in laboribus, in vigiliis, in jeuniis sæpe solo pane & aquâ contentus. Incensus martyrii desiderio nullis laboribus, nullis periculis pepercit; & quamvis neque ipse martyrio, neque martyrium ipsi defuerit, sola tamen ea mors defuit, quam unam ut dissolveretur essetque cum Christo, cupiebat. Quas egregias virtutes ineffabilis Dominus multis insignivit miraculis: Unde jure meritò Clemens XII. felic. record. eum inter Beatos recensuit. Superest modò, quia Deus ejus Sanctitatem novis innumerisque comprobant miraculis, ut a SANCTITATE VESTRA inter Sanctos referatur, quod universalis Ecclesia ardentissimè exoptat.

*HIERONYMUS S. Angeli in Foro Piscium Diaconus
Cardinalis Columna.*

JUstorum animas BEATISSIME PATER in manu Dei esse, si quis unquam ostendit, id planè testatum nobis facit beatus Joseph a Leonissa, quem in ipsis incunabulis a proximo mortis periculo, non sine prodigio liberatum eum vitæ cursum inivisse accepimus, qui totus non naturæ fuerit, sed *dextera Excelsi*: Hæc ego dicens, non illum tantummodo vitæ articulum intelligo, quo per triduum a Barbaris cruciatus cœlesti ope ad pristinam corporis incolumitatem magno prodigio restitutus est. Non inquam hunc solummodo vitæ articulum intelligo. Vita ipsius universa tot laboribus fatigata fuit, supra omnem pene fidem, ut nisi summi Dei Providentia, qui *in opportunitatibus adjutor est*, continuo pene miraculo præsidium tulisset, fieri non poterat, ut ejus vitæ cursus ad longum tempus produceretur: Adeo in omni pressura supra modum gravatus fuit, ut Apostolus loquitur, & *supra virtutem, ut sublimitas virtutis ejus planè ex Deo protegente esset, & non ex ipso*. Qui enim fieri poterat, ut sexies, septies, undecies aliquando atque duodecies diversis in locis conciones haberet, non in persuasibilibus humanæ Sapientiæ verbis, sed in ostensione Spiritus & Virtutis, cilicio indutus ac loricâ ferreâ præcinctus sæpe, aut nullo modo, aut mucidi panis fragmentis pascus, sæpe aut imbris madidus, aut æstu solis exultus, interdum febri etiam ardore cruciatus: Nimirum ex eorum numero erat, qui cum Apostolo dicunt: *In omnibus tribulationem patimur, sed non angustiamur, persecutionem patimur, sed non derelinquimur, dejicimur, sed non perimus, semper qui vivimus, in mortem tradimur propter Jesum*: Meritò itaque ex Te optamus SANCTISSIME PATER, ut novis Sanctorum honoribus ornetur B. Joseph: Ex quo illud etiam fiet ut novo argumento ostendatur iustorum animas in manu Dei esse, qui illis non cœlestes tantum honores, verum etiam terrenos decernat.

SIMON Gritti Archiepiscopus Tyanensis Assistens.

BEATISSIME PATER. Beatum Josephum a Leonissa infantia Deo præordinatum, puerilis æquè ac virilis ætas Dei amoris per virtutum Religiosarum eximia quidem opera arctissimè intentum; ac magis magisque animarum multimodæ promovendæ salutis ad consummationem usque in immensum addictum; necnon rigidissimis sui corporis excruciatum mortificationibus, jejuniis ac pœnitentiis, licet nihil in illo prope foret pœnitendum, vel in terris Sanctum denunciarunt. Qui autem dat incrementum, Deus haud absimilem imparemque subinde prodigiorum ac miraculorum suam vocem præferentium, rite idcirco accuratissimæque lege perpenforum multiplici ostensione Servum suum illu-

stratum voluit ac patefecit ; ut eapropter tutissima exinde SANCTITATI VESTRÆ Josephum Sanctorum Albo adscribendi confurgat ratio ; quod & Ecclesia catholica de glorioso suo milite , qui legitimè certavit , terrena quæque invictè protrivit , ac gloriosissimum de triplici communi hoste triumphum compertus est retulisse , gaudens atque lætabunda ante supremum Majestatis tuæ Solium unanimi votorum concordia præstolatur , ad Filiorum suorum incitamentum , sui ornatum omniumque planè præsidium optatissimum .

JOSEPH MARIA Rufus Archiepiscopus Capuanus Assistens .

QUANTUS virtutum omnium chorus in Servo Dei beato Josepho a Leonissa Sacerdote Professo Ordinis Minorum sancti Francisci Capuccinorum effulserit , nemo est qui ignoret : Nihil quippe in eo fuit , quod Dei amorem Proximique sui charitatem non redoleret , quod non ædificaret fidem , quod Proximorum salutem non operaretur , quod non faceret Sanctitatem . Hic est ille fortissimus Christi Athleta , cui bonum fuit portare jugum ab adolescentia sua usque ad ultimum vitæ spiritum , accepturus a Domino coronam justitiæ , quam Deus promisit diligentibus se . Quamobrem cum beati Josephi Sanctitatis famæ miraculorum accesserit gloria ; executionem decretæ a SANCTITATE VESTRA ejusdem Beati Canonizationis humillimè expectat tota Fratrum Capuccinorum sancti Francisci Familia , ut toti Orbi christiano novum sydus adfulgeat . Et ita &c.

MICHAEL MARIA Vincentini Archiepiscopus Theodosiæ Assistens .

TANTUM Sanctitatis fulgorem emisit innocens vita B. Josephi a Leonissa , cui Sanctorum honores decrevit oraculo sapientissimo SANCTITAS VESTRA , ut ejus gloriæ addendæ assentiri nemo prorsus dubitet ; præsertim cum de humilitate & patientia , de vigiliis & oratione , de charitate ac Peccatorum conversione , de ceteris tandem virtutibus copiâque miraculorum maximâ cogitemus .

Fr. ANTONINUS Camarda Episcopus Reatinus Assistens .

BEATISSIME PATER . Quis & qualis homo fuerit B. Joseph a Leonissa , conjiciendum est ex appellatione & ex proprio vocabulo , quod augmentum interpretari non dubitatur . Ab ineuntis siquidem ætatis primordiis in omnium virtutum genere crevit proficiendo sapientiâ & ætate & gratiâ apud Deum & homines . At ubi robustioris ætatis plenitudo advenit , missurus manus ad fortia egressus est in salutem animarum ut gigas ad currendam viam totius charitatis , nullum timens malum adhuc

huc ambulans in medio umbræ mortis . Nam a Turcico furore e sublimi crudeliter suspensus , tamquam e Cathedra Crucis Christi loquebatur de testimoniis ejus & non confundebatur . Angelica deinde ope post triduum liberatus , in labore & sudore vultus sui plenus gratiâ & fortitudine ambulavit per Oppida & Castella , per Vicos & Plateas , evangelizando verbis & exemplis , signis & prodigiis vitæ viam demonstrando . Meritò igitur Sanctorum Fastis adscribendus a SANCTITATE VESTRA censetur , qui tam invicto zelo pro Fidei dilatatione pugnavit , & pro animarum salute tam indefesso spiritu laboravit .

NICOLAUS XAVERIUS Santamaria Episcopus Cyrenensis Assistens .

Benedictus Deus , qui frigescente in cordibus hominum charitate non finit eam extinguere , sed per Electos quosdam veluti novos Apostolos renovat , & accendit , B. Josephum a Leonissa ad hoc ministerium elegit , quem ab incunabulis divinitus servatum evangelicæ perfectioni ac prædicationi consecravit . Is enim humilitatis , obedientiæ , orationis , poenitentiae ceterarumque virtutum cultor assiduus , pro Dei gloria & animarum salute innumeros labores & ærumnas perpeffus verbo & exemplo Christianorum depravatos mores ad meliorem frugem passim revocavit , & contumeliis , probris , verberibus appetitus gaudebat , quod talia pati dignus haberetur ; nec unquam animam suam pretiosiores fecit quàm se , immo pro nomine Jesu libentissimè tradidit ; & quamvis martyrio mors , non tamen martyrio voluntas , non voluntati martyrium , neque ipsi gloria defuit . Hunc proinde beatum Virum , cujus heroicæ virtutes præclaris miraculis rite probatis confirmatæ fuerunt , dignissimum censeo , qui ab infallibili Apostolatus Tui voce in Sanctorum numerum referatur .

NICOLAUS Simoni Episcopus Marcianensis Assistens .

Divino planè consilio ac beneficio morti ereptus Joseph a Leonissa , ab Infidelibus tutiores se transtulit in Regiones ad Apostolicum exercendum ministerium : Gloriam verò Dei quærens non suam , agrestem gentem & ignobiles pagos selegit , in quibus seminare verbum Dei , unde fructus uberes retulit in patientia . Decet propterea , ut Viri Dei virtutes resque præclare gestas in sublimiori Ecclesiæ loco positas admiremur , imitemur , veneremur .

NICOLAUS *Spinelli Episcopus, Aversanus Assistens.*

DOmesticâ vitâ integerrimè traductâ minimè contentus beatus Joseph a Leonissa sibi ex umbra ad solem prodeundum existimavit, remotissimasque petiit Regiones Captivos ex Infidelium tyrannide in libertatem vindicaturus; ubi extrema quæque perpessus, miraculo a periculis dirissimisque suppliciis superstes fuit: Licet omnigena excultus eruditione, tantum villas & agrestium virorum mapalia lustravit verbum Dei deprædicaturus: Omnes virtutes mirificè coluit; præcipuè tamen præstitit in pauperes liberalitate, quos aluit etiam ex ventre defraudato. A miraculis ante & post mortem editis clarissimus fuit. Quæ omnia cum rite probata sint, comite supremo judicio SANCTITATIS TUX illum Sanctorum Albo adscribi, ac publico solemniq; Christifidelium cultu donari posse existimarem.

MARCUS ANTONIUS *Amalphytanus Episcopus Ortonen.
& Camplen. Assistens.*

BEATISSIME PATER. Beatus Joseph a Leonissa Sacerdos Professus in Ordine Minorum sancti Francisci Capuccinorum ab ipsa jam pueritia cœlestem vitam ducens futuræ Sanctitatis prætulit indicia. Inter Religiosos præfati Ordinis Capuccinorum adscitus, nedum laboriosam asperrimamque vitam evocavit, rigidissimi Ordinis Instituta exactè servando, sed ad carnis macerationem voluntaria supererogavit poenitentia opera, nempe flagellationes, cilicia, assiduum jejunium & abstinentias. Constanti cura & studio rerum cœlestium contemplationi jugiter se exercuit. Zelo catholicæ Religionis propagandæ inflammatus nihil ei gratius poterat evenire, quàm si inter supplicia quælibet acerbissima fidem suo sanguine confirmaret, & jam crudele martyrii genus a Barbaris invicto animo sustinere meruit, etsi mirabiliter ab Angelis ereptus non exhalaverit animam. Ad Italiam postremò Prædicator missus, potens opere & sermone, infatigabilis Evangelii Præco sive in Pagis, sive in Villis locisque campestribus fuit, & cum ingenti animarum fructu charitatis suæ viscera in omnes dilatavit. Merito hinc nedum inter sanctos Confessores, sed de numero inclytorum Martyrum dici poterit; cum non tam mors, quàm fides & devotio Martyrem faciat: Cumque Deus omnipotens in confirmationem tot insignium virtutum & meritorum clariora signa & miracula peregerit, cique corruscantibus ejusdem beati Josephi Sanctitas effulgeat; sanè hæc omnia exposcunt, ut SANCTITATE VESTRA annuente in Sanctorum Albo referatur.

LUDOVICUS *Savagieri Episcopus Tempensis.*

Nihil est quo magis delectentur Fideles, quàm dum Jesu Christi virtutes ac prodigia renovata admirantur. Divinus enim ille subito in mentem venit amor, quo Deus Unigenitum dedit, ut nos divinitatis suæ tribueret esse participes. Qui res a B. Josepho de Leonissa gestas expenderit, hanc in se delectationem & lætitiā sentiat necesse est. In eo enim terrenarum rerum omnium contemptum, mortificationem, qua Christi Crucem in suo corpore gessit, patientiam, qua persecutiones immanesque pertulit cruciatus, & prodigia illa admirantur, quibus semel atque iterum modico pane turbas satiavit, Deique Angelum consolatorem atque ab Infidelium manibus liberatorem habere meruit. Igitur cum miraculis post mortem patratis, de ipsius gloria Deum eos certiores fecisse credant Sodales sui, ceterique Fideles eā spiritus lætitiā permoti abs Te BEATISSIME PATER Sanctum declarari cupiunt, ut publico cultu ac veneratione præconceptam in ipsum pietatem liberius explicare valeant. Decet autem meo judicio atque expedit, ut inter Sanctos recensito, novo hoc virtutum exemplari, novoque apud Deum Intercessore donentur.

ANTONIUS *Franci Episcopus Crasseri.*

EA est, BEATISSIME PATER, series vitæ B. Josephi a Leonissa, ut ipsa sola peculiare eas omnes virtutes ac merita, quæ in singulis iis, quos Sanctorum Fastis adscribere intendit SANCTITAS VESTRA, completi quodammodo videatur. Quis enim in eo B. Fidelis constantiam, zelumque fidei singularem, B. Camilli ardentissimam charitatem, B. Petri Regalati summam vitæ austeritatem, B. Catharinæ de Ricciis incontaminatam virginitatem non admiretur? Quàm igitur æquum sit, ut quæ singulis præparantur præclarissima virtutis præmia, B. Josepho a Leonissa conferantur, nemo ut puto, est qui non videat.

THOMAS ALEXIUS *de Rubeis Episcopus Aprutinus.*

Suffragium præstans BEATISSIME PATER, pro Sanctificatione B. Josephi a Leonissa, quàm breve dicendi genus invenire cupiebam, quod gravitate, splendore & claritate dignum esset; at mihi antiquissimum putavi admirationem vitæ suæ, non amplitudinem meritorum edicere.

Mirum SANCTISSIME PATER, in sancto Juvene morum suavitas, mira erga pauperes misericors pietas, mira castitas dum oblatas nuptias constanti pectore abhorruit: Mira denique asperis flagellis acerrima poenitentia.

Dato

Dato nomine sua sponte & spiritu Capuccinorum Familiæ Concionator egregius evasit ; Constantinopolim petiit Tyrannum impavido pectore de Religione colloquuturus : At novitate rei calcibus appetitus , pugnis , verberibusque affectus , martyrium subire coactus , unco e trabe per dexterum pedem & brachium appensus spiritum Deo dedisset , nisi Angeli patrocínio ereptus ad uberiores messes in campo Ecclesiæ fuerit reservatus .

Italiam reversus , laceffitus iniuriis , hilaris patientiæ fuit exemplar ; humilitatem sectatus respuit semper honores : Verùm terram effodere , domus verrere , lances detergere , vilia quæque præstare minimè abhorruit . Orationi perenni assiduus insomnes ducebat noctes , & in ecstasim raptus , quandoque itinerans flumen expanso pallio per socium sicco pede transivit .

Eapropter quod BEATISSIMUS PATER & Summus Pontifex inter sanctos Martyres , sanctum Virum , Aprutinorum decus adscribat non diffiteor : Magnum etenim nostri Protectorem Gregorium Sebastæ in Armenia Episcopum non violentiâ tormentorum peremptum , Martyrem etiam veneratur Ecclesia .

Idcirco quod mirus Confessor & nostræ sanctæ Fidei strenuus assertor , mirus in tolerantia uncini [Granchio dicti] pro S. Martyre & Confessore veneretur , inficias Patres non ibunt .

Quintum & ultimum in Causa beatæ Catharinæ de Ricciis supere rat Consistorium , quod ex Sanctitatis Suæ placito in sequentem Feriam tertiam indixere per hanc impressam schedulam Cursores .

I N T I M A T I O

Per Cursores facienda etiam Domi dimissâ copiâ .

EX semipublicis Consistoriis a Sanctitate Sua super futura quinque Beatorum in Sanctorum Album allectione decretis quintum & ultimum habebitur Feria tertia die 14. Junii in sepedicta jam Aula Quirinalis Palatii hora decimatertia pro beata Catharina de Ricciis Virgine Sanctimoniali Professa Ordinis S. Dominici : Eminentissimis Patribus ac Reverendissimis Patriarchis , Archiepiscopis & Episcopis suffragia ex more ferentibus .

Intimentur itaque omnes & singuli Eminentissimi , & Reverendissimi DD. Cardinales , necnon Reverendissimi DD. Patriarchæ , Archiepiscopi & Episcopi in Urbe præsentés , ac Domini Protonotarii Apostolici , duo Antiquiores Rotæ Auditores , Sacrorum Rituum Congregationis Secretarius , Promotor Fidei & Procurator Fiscalis Camera Apostolicæ .

De Mandato Sanctissimi Domini Nostri Papæ .

Ignatius Reali Apost. Cærem. Præf.

Eodem

Eodem etiam tempore Pontificii Cursores oretenus ut moris est, Eminentissimos DD. Cardinales adinonuerunt de Consistorio secreto ante semipublicum habendo :

Manè ejus diei cum Sanctissimus Dominus noster sacris vestibus indutus in designata Consistorii Aula confedisset, ceteris statim exclusis, solus cum Cardinalibus de rebus Consistorialibus egit. His expeditis, potestatem dedit ingrediendi Patriarchis ceterisque aliis, quibus concessum erat in semipublicis Consistoriis adesse, iterum tamen inculcans, ne qui supervenirent foribus clausis, ullo modo intromitterentur; quoniam facile potuissent inopportuno accessu, adstantium attentum animum ab iis quæ dicebantur, avertere. Ingredientibus propterea solummodo iis, qui expectabant ad fores; alii quamplures, qui in remotiori Palatii parte substiterant, vel serò advenerant, fortè consili secretum Consistorium longiùs protractum iri, sua spe frustrati introire prohibiti sunt: Hac de causa cum abessent a Consistorio tam Protonotarii, quàm Advocatus Fiscalis Cameræ Apostolicæ quorum postremus instare pro consecutione Instrumenti rerum omnium, quæ ibi gererentur, primi verò easdem literis mandare debuissent; defectum hunc supplevit Pontifex jubendo, ut infra dicitur. Itaque Præsules ingressi cum consueta scamna occupassent; suffragia de B. Catharinæ Causa excepturus eos stantes, & Cardinales sedentes his verbis allocutus est Pontifex.

VENERABILES FRATRES. In Apostolicis Actis capite vigesimo primo, in quo describitur iter, quod sanctus Paulus suscepit a Tyro Ptolemaidem, & ex eo loco ad urbem Cæsareæ, illud memoriæ traditur, eundem S. Paulum una cum Sociis ingressum fuisse domum Philippi Evangelistæ, seu Concionatoris Evangelii, qui sanè Philippus, is facili conjectura judicatur, qui Eunuchum Candacis Reginae Æthiopum sancto Lavacro expiaverat. Moram aliquam duxerunt illi in ædibus Philippi, cui erant quatuor Filiae virgines ac prophetantes; quod si virginitatem illæ non profitebantur voti ullius ratione, quo se Judæi obstringere minime consueverunt, tamen Religionis causa eas virgines fuisse non est dubitandum, quæ prophetantes
etiam

etiam nuncupantur , vel quod in concinendis divinis laudibus assiduò versarentur , vel quia futura prænunciarent : *Venimus Cæsaream* , (ita scriptum est in sacris literis) & *intrantes domum Philippi Evangelistæ* , qui erat unus de septem , mansimus apud eum . Huic autem erant quatuor filiae virgines prophetantes . Quod in itinere S. Pauli contigisse memoravimus , id Nobis etiam evenit in gravissimo hoc negotio , quod hodierna die ad finem sumus perducturi . Postquam septa aliorum Coetuum Regularium percurrimus , uti Vos ipsi ex præcedentibus Consistoriis perspicere potuistis , nunc ingredimur Claustra S. Dominici , qui non modò , sicut Philippus Evangelii Concionator fuit , sed etiam Ordinis Fratrum Prædicatorum primus Parens atque Institutor ; & quemadmodum in ædibus Philippi quatuor ipsius Filias virgines prophetantes sanctus Paulus apprehendit , ita Nos in Claustris sancti Dominici quatuor etiam illius Filias invenimus , quæ prophetantes appellari meritò possunt , vel quia a divinis laudibus celebrandis nunquam cessarunt , vel quia futuros eventus antea denuntiarunt . Porro illæ nominantur , Catharina Senensis , Rosa Limana , Agnes Montispolitiani , & Catharina de Ricciis . Pius II. Prædecessor noster Sanctorum Catalogo nomen Catharinæ Senensis adjunxit . Clemens X. Prædecessor quoque noster Rosam Limanam : Benedictus XIII. de nobis optime meritis Agnetem Montispolitiani inter Sanctos solemniter retulerunt . Itaque ut quatuor istæ Filiae prophetantes

tes Sancti Dominici pari honore cumulentur, illud tantum superest, ut beatam Catharinam de Ricciis numero Sanctorum adnumeremus. Supervacaneum ducimus hoc loco referre ipsius Familiae præstantiam, optimam pueritiæ institutionem, atque innocentiam, virtutis propositum, quo Coetui Regulari nomen dedit, & in quo constanter permansit, eximiam charitatem, qua Deum, & Proximum semper prosequuta est, singularem prudentiam, qua præfuit ceteris Monialibus longo temporis spatio, profundam humilitatem, incredibilem patientiam in pluribus ferendis incommodis, cumulum cœlestium donorum, quæ in ipsam Deus liberaliter contulit, pretiosam ejus mortem in conspectu Domini, Sanctitatis famam, quæ constans fuit. cum adhuc in terris ageret, & postquam diem supremum obiit, ac tandem miracula, quæ ob illius intercessionem obtigerunt. Cum hæc omnia vestris oculis subjecta jam fuerint, illud reliquum est, ut mentem vestram de solempni ipsius Canonizatione decernenda Nobis declaretis.

Absoluta oratione primum Cardinales, mox Patriarchæ ceterique circumstantes Archiepiscopi, Episcopi Assistentes & non Assistentes suffragium suum hoc ordine tulerunt.

PETRUS ALOYSIUS Episcopus Albanensis Cardinalis Carafa.

BEATA Catharina de Ricciis ac si uni sibi dictum fuisset, quod habetur in Psalmo ^a: *Audi filia & vide & inclina aurem tuam, & obliviscere populum tuum & domum Patris tui, & concupiscet Rex decorem tuum*; ut æterno Regi obtemperaret, seque illi formaret in sponsam, vix tredecim annos nata Patriam, Domum paternam, Patrem ipsum ac omnia, quæ Mun-

E e e

di sunt

^a *Psalm.* 44. v. 11. & 12.

di sunt averfata, virginitatem suam, seque totam Deo dicavit inter sacras Virgines, quas toto vitæ suæ tempore in suarum virtutum odorem pertraxit. Quibus allectus cœlestis Sponsus, ut eandem sibi similiorem redderet, spinoso diademate illi caput transfixit, Crucis vestigia ejus tergo impressit, Stigmata denique illius corpori inculpsit. Hisce porro tam splendidis signis ac characteribus ornatam, inter concinentium Angelorum choros, eandem ad cœlestes nuptias evocavit: Tantique honoris testes, etiam in terris esse voluit sanctum Philippum Nerium, & sanctam Mariam Magdalenam de Pazzis, multaque præterea, quæ post ejus mortem patrata sunt, miracula. Hanc autem sacram Virginem, cujus decorem Rex æternus tantopere concupivit, ejusdem Nuptiis in Cœlo perfrui, tam æquum censeo a SANCTITATE VESTRA definiri, quàm quod inaximè.

*FRANCISCUS Tit. S. Mariæ Translyberim Presbyter
Cardinalis Burghesius.*

Beatam Catharinam de Ricciis Virginem Florentinam ita commendant ingentes thesauri, quos in eam effudit Deus infinitæ bonitatis suæ, ut mirum non sit tot viros principes, tot populos ipsamque adeo parentem ejus inclytam Prædicatorum Familiam, collatis studiis ejusdem abs Te BEATISSIME PATER consecrationem postulare; neque hoc tam frequenti Senatu extare adhuc aliquem, qui non jure meritoque hunc illi honorem putet tribuendum. Quod idem cum & ego censeam, censurique etiam sint uti spero, qui post me sententiam dicent; nihilque sit reliquum quod causa desideret, illud modò restat BEATISSIME PATER, ut parias nunc tandem quod jam diu parturis; ipsamque beatam Catharinam rite per Te dedicatam in Cœlestium numerum referas.

*ANTONIUS XAVERIUS Tit. S. Stephani in Monte Cœlio
Presbyter Cardinalis Gentili.*

Vidit beatus Joannes Apostolus Civitatem novam Jerusalem descendentem de Cœlo; Videbimus & nos paucos post dies Te Auctore BEATISSIME PATER, Te e supremo Ecclesiæ Solio decernente, beatos Dei Servos in Sanctorum numerum referendos, de cœlesti Jerusalem quodammodo descendentes, ut gloriam jam diu adeptam in cœlis consequantur in terris, quos inter non deerit flos & decus virginitatis, quæ potissimum prærogativa effulget beata Catharina de Ricciis, quæ ceterarum omnium virtutum ornamentis insignita in triumphali pompa nobilem locum obtinebit. De hujus Ancillæ Dei sanctitate & eximiarum virtutum præstantia longiùs verba facere superfluum est, cum præter ceteras probationes & argumenta in sacra Rituum Congregatione de more exhi-

exhibita , accedant & testimonia luculentissima SS. Philippi Nerii , & Mariæ Magdalenæ de Pazzis , & subsecuta divinæ omnipotentiae miracula ; quare id unum reliquum est , ut SANCTITAS VESTRA , totâ Ecclesiâ plaudente beatam Virginem cum aliis in antea actis Consistoriis omnium consensu approbatis Sanctorum Fastis adscribat .

Fr. JOANNES ANTONIUS Tit. SS. Silvestri & Martini ad Montes Presbyter Cardinalis Guadagni .

Benedicente Domino BEATISSIME PATER, Florentiæ Civitas Sanctorum foecunda Parens dedit fructum suum , fructum quidem honoris & honestatis ad militantis Ecclesiæ præsidium, ad inclyti Prædicatorum Ordinis decus & ornamentum ; cogitans enim B. Catharina de Ricciis ut esset sancta corpore & spiritu , per integrum vitæ cursum in multa patientia , in tribulationibus , in laboribus , in castitate , in fide & charitate non ficta ardentem lampadem paravit cœlesti Sponso , ut introiret cum eo ad nuptias : Quamobrem inter Seraphici amoris delicias supernæque contemplationis dulcedines Infantem Jesum , in quem desiderant Angeli respicere , velut divinæ futuræ visionis arrham in ulnas suas obtinere promeruit , ac cœlesti annulo desponsari . Hanc itaque Heroïnâ vinculis carnis exolutam , & ad æterni Sponsi thalamum translatam , miraculis etiam a sacrorum Rituum Congregatione probatis coruscantem sanctarum Virginum choro infallibili SANCTITATIS VESTRÆ oraculo aggregandam existimo , ut Sanctitatem ejus narrent Populi , & laudem ejus nunciet Ecclesia .

TROJANUS Tit. S. Cecilia Presbyter Cardinalis de Acquaviva .

Virginem verè sapientem BEATISSIME PATER , fuisse beatam Catharinam de Ricciis , quæ cum cœlesti Sponso ad nuptias intravit , mirabilibus signis Deus , ut ex monumentis patet, luculentissimè demonstravit . Nostra igitur sententia est , ut per SANCTITATEM VESTRAM illius illustre nomen Sanctarum Virginum Fastis adscribatur .

DOMINICUS Tit. SS. XII. Apostolorum Presbyter Cardinalis Riviera .

EAS omnes virtutes , quibus potitæ sunt sapientes Virgines & de numero prudentum , ab ipsis pueritiæ annis beata Catharina de Ricciis complexa est . Antequam Monialibus S. Dominici nomen daret , purissimus in ea enituit mentis ac morum candor , cum assidua divinarum rerum contemplatione conjunctus . Ubi sacro habitu induta fuit , arctissimam paupertatem , singularem obedientiam & serventem in Sorores charitatem præsetulit ; ubi illis contigit præfici , humilitatis & prudentiæ

tiae præclarum specimen exhibuit: Ubi demum evulgata admirabilis huius Mulieris fama nedum Florentiæ, sed per totam fere Italiam Principes Viros in magnis dignitatibus constitutos ad eam invisendam evocavit, quam sedulo pietatis & pœnitentiæ studio, & quàm demissè de se sentiret, quis non admiratus est? Tot tantisque virtutibus accessere S. Mariæ Magdalena de Pazzis, & S. Philippi Nerj de illius Sanctitate testimonia, & demum patrata in obitu & post obitum miracula, ante Beatificationem, & post illam rite comprobata, adeout BEATISSIME PATER, sanctis Virginitibus, quas cœlestis Sponsus vigilantes invenit, jure censeam adnumerandam.

JOANNES BAPTISTA Tit. S. Mariæ Angelorum Presbyter
Cardinalis Spinula.

BEATISSIME PATER. Beata Catharina de Ricciis insignis Ordinis Prædicatorum Alumna, tresdecim vix annos nata tam fortiter arduum perfectionis iter arripuit, tantaque animi constantia & alacritate est prosecuta, ut Deus vivam sui ipsius imaginem in illam contulerit, dataque dextera pretiosissimo cœlesti annulo, adstante Deipara Virgine desponsaverit. Mirum autem fuit, quas quantasque res fuerit aggressa, quibus aucto insignium & heroicarum virtutum cumulo Sponso suo placeret. Eximia itaque Virgo, quæ Sponso Divino fidem constanter servavit, cursumque suum optimè fortiterque consumavit, indubiè dignissima est, ut inter alias sanctas in Cœlo triumphantes Virgines cooptetur. Et quæ tam exactè tam luculenter sanctam Catharinam Senensem ejusque maximas & præcipuas virtutes est imitata, ejusdem etiam in terris referat honores & cultum.

RAYNERIUS Tit. S. Sabinae Presbyter Cardinalis de Ilcio.

Sanctorum foecunda Parens Hetruria novam eamque sanctissimam BEATITUDINI VESTRÆ exhibet hodie sobolem B. Catharinam nempe ex nobili & primaria Civitatis Florentiæ Familia de Ricciis Dominicanæ Religionis lumen & ornamentum.

Paternæ illa domus divitias ac commoda, ceterasque seculi illecebras, *nobili quadam*, ut cum Petro Blesensi loquar, *superbia despexit*, & voluntariæ paupertatis, Religiosæ obedientiæ, perfectissimæque castitatis vota in Asceterio S. Vincentii de Prato solemnī professione emisit. Terrenis ibi curis abdicatis tam arcto atque indissolubili nexu, cum Virginum Sponso se conjunxit, ut meritò clamare potuerit: *Dilectus meus mihi, & ego illi*. Quanto verò amore cœlestis Sponsus Catharinam prosequeretur, frequentes & admirabiles Ecstases, in quibus cum ea etiam in terris familiariter conversari dignatus est, & ipsum sacrorum Stigmatum inæstimabile donum clarè testantur, Pla-

Placeat igitur SANCTITATI VESTRÆ infallibili qua pollet auctoritate, declarare, B. Catharinam de Ricciis uti verè sanctam Virginem venerari posse & invocari.

DOMINICUS Tit. S. Bernardi Presbyter Cardinalis Passioneus.

BEATA Catharina de Ricciis BEATISSIME PATER, fuit verè Virgo sapiens, & una de numero prudentum; non enim ab ipsa exerceri potuit sapientia major, quàm cum tot cœlestibus deliciis & prope singularibus donis, quibus adeo largiter affluebat, acerrimum atque diuturnum odium sui & maximam animi demissionem conjungere; quantum verò prudentia & rerum usu, in retinendo severioris vitæ Instituto præstiterit, ut divina & immortalia beneficia copiosissimè sibi collata, contra callidissimi Hostis tueretur insidias, & arduum christianæ perfectionis negotium dies, noctesque strenuè urgeret, satis superque rem planè certam & testatam faciunt exiles cibi, breves somni, longa jejunia, arcta silentia, assiduæ preces, uberes lacrymæ, duri cruciatus, quibus fragilem corporis sexum in servitutem redigere, & fortiter coercere fategit: Hinc factum est, ut Dominus præveniens eam in benedictionibus dulcedinis, suavissimis atque efficacissimis gratiæ suæ radiis undequaque illustraverit, & jugiter operi intentam & vigilantem invenerit. Cum itaque teste Cypriano Martyre, Virginum cœtus sit *illustrior portio Gregis Christi*, consequens est BEATISSIMÆ PATER, ut excelsa primi Pastoris manus tantæ Virgini imponat coronam in terris, quam ipsi in Cœlis jam Dominus præparavit in æternum.

SYLVIVS Tit. S. Priscæ Presbyter Cardinalis Valenti.

NOVO a SANCTITATE VESTRA Religioni decreto triumpho, triumphalem æquè sapienter instituis pompam BEATISSIME PATER, propter quam frequenti Christifidelium conspectu, totaque Urbe plaudente Vaticanum Templum superaddito ornamento rursus resulgeat. Debellatis siquidem vitiorum monstris, tamquam devicti hostis spolia, & ad instar subactarum Provinciarum prædæ, tot præclara virtutis genera præseferat Sacer solemnisque apparatus. Quæ omnia cum in sublimi quadam parte, consilio ac prudentiâ SANCTITATIS VESTRÆ collocata fuerint, Civium animum de parta victoria deque christianæ Reipublicæ acquisitis præsidiis & merito gratulari, & in Patriam ardentiori studio inflammari continget. Tot igitur tantisque præclarissimorum facinorum, martyrii, poenitentiae, regularis observantiae, vehementis usque ad sanguinis effusionem charitatis, stipantibus undique trophæis alterum accedere posse, quod innocentia, integritate, puritate & morum suavitate beata Catharina de Ricciis Ordinis Prædicatorum Monialis, si SANCTITATI

CTITATI VESTRÆ visum fuerit profectò censerem , ut Ecclesiæ Fastus tam variâ tamque eximiâ gestorum copiâ uberiores facti , interrupta ac toties renovata divinæ gratiæ argumenta posteritati tradant , atque commendent .

*Fr. JOACHIMUS Tit. SS. Quatuor Coronatorum Presbyter
Cardinalis Portocarrero .*

Virginem castam exhibemus BEATISSIME PATER , beatam Catharinam de Ricciis lætitiâ & honorificentiam Dominicani Ordinis , mira virtutum & miraculorum varietate circumdatam . Oblita hæc Populum suum & domum Patris sui , mirabiles in suo corde disposuit ascensiones , & in meditatione exardescens hausit flammâs in gaudio de Fontibus Salvatoris manumque misit ad fortia : Tantumque inde illius virtuti accessit decoris & incrementi , ut Virgo sapiens effecta fuerit & digna , quæ plena lampade obviam ire cœlesti Sponso potuerit ; eique illibatam quam vivens servaverat , reddere moriens continentiæ dignitatem , nequaquam sterilem , ut verbis utar Augustini , sed heroicarum fœcundam matrem virtutum . Meritò igitur tantæ Mulieris nomen pluribus a Cœlo signis commendatum , sanctarum Virginum Albo SANCTITAS VESTRA decernet inferendum .

*CAMILLUS Tit. SS. Johannis & Pauli Presbyter
Cardinalis Paulutius .*

NEmini sanè dubium esse potest PATER BEATISSIME , quin ad celsissimum Sanctitatis fastigium beata Catharina de Ricciis felici properoque cursu pervenerit . Ipsa siquidem a teneris usque annis probè cognoscens , plenitudinem legis, Apostolo teste dilectionem esse præter alias virtutes , tanta in Deum charitate æstuabat , ut dies noctesque in contemplandis Dominicæ vitæ mysteriis absumeret , ut sui omnino oblita ac solius Dei memor , nihil vel cogitaret , vel loqueretur , vel ageret , nisi quod ad majorem Dei gloriam pertineret , adeout de ea prædicari meritò posset illa Pauli sententia : *Vivo ego jam non ego , vivit verò in me Christus* . Mirum proinde non est , quod divinus Sponsus cum ea alloquens mutui sui amoris eximia argumenta præstiterit , quodque amplissimis eam charismatibus cumulaverit , & sacris humanæ Redemptionis Stigmatibus insigniverit . Quare æquissimum censeo , ut quam Virginem virtutes omnibus numeris absolutæ , atque præclarissima miracula decorarunt , eam SANCTITAS VESTRA in Sanctorum Album referre non dedignetur .

CAROLUS ALBERTUS Tit. S. Mariæ de Pace Presbyter
Cardinalis Guidobonus Cavalchini.

BEATISSIME PATER. Catharinam de Ricciis Virginem Deo acceptissimam & planè electam ex millibus, cum qua cœlestis Sponsus inefabili comitate deliciaretur, quis non dijudicet meritissimè sanctarum Virginum numero adjungendam? Gloria virtutum ejus quum Te præcimente ac imperante prædicata fuerit omni creaturæ, recreabuntur summo opere quotquot illecebris mundi abdicatis, loci mentisque recessu, tamquam columbæ in foraminibus petræ, ceu in Christi latere absconditæ meditantur tota die magnalia Dei. Latabitur verò præsertim & exultabit vehementer universa a S. Dominico instituta Familia ob illustriorem ex altera Catharina redditam virginæ prolis suæ fecunditatem^a. Quantò enim (ut verbis Cypriani utar) plus copiosa virginitas numero suo addit, tantò plus gaudium matris augefcit.

FRIDERICUS Tit. S. Pancratii Presbyter Cardinalis Lantes.

CUm virtutes B. Catharinæ in eminentiori gradu, ac præclara miracula rite ac ordine probata sint, nullam profectò moram interponendam esse arbitror, quominus Virgo sapiens & una de numero prudentum sacris Altaribus propius admoveatur. Virginis Sanctitatem enarrarunt gentes & laudem ejus annunciavit Ecclesia. Paulus III. Pont. Max. Catharinæ viventis adhuc famâ permotus, post sedulum ejus vitæ examen, Roberto nempe Puccio Cardinali in id curâ mandatâ, Sanctimonialis Fœminæ virtutem est demiratus. S. R. E. Cardinales amplissimi Cervinius, Medices, Aldobrandinus, qui omnes deinde ad Apostolatus apicem evecti sunt, alii insuper Italiæ ac Germaniæ Proceres, inter quos Hetruriæ, Baviaræ, ac Mantuæ Principes, qui ad eam inviscendam Pratum se contulere, de mira Catharinæ Sanctitate gravissima testimonia reliquere. Illam quod instar omnium sit, S. Philippus Neri in primis coluit, & licet absens in spiritu quandoque est allocutus. Illam S. Maria Magdalena de Pazzis ad Superos evolantem conspexit. Tot igitur documentis confirmata sanctitate Virginis, quæ in terris angelicam prope vitam duxit, & cujus odor meritorum sicut odor agri pleni cui benedixit Dominus, æquum censeo BEATISSIME PATER, haud diutiùs in sacris ei decernendis honoribus immorandum.

FRAN-

^a Lib. de Discipl. & habitu Virg. cap. 2.

FRANCISCUS Tit. S. Mariæ de Populo Presbyter Cardinalis Riccius .

BEATISSIME PATER . B. Catharina de Ricciis morum integritate atque innocentia usque a pueritia clarissima Patriam , & paternam nobilissimam Domum relinquens , in Cœnobio Pratenſi reliquum suæ vitæ cursum tranſegit ; ubi ad altissimum humilitatis , obedientiæ & charitatis fastigium ita celeriter pervenit , ut mereri potuerit ab ejus cœlesti Sponſo tantis ac tam specialibus charismatum donis cumulari , ut vix unum aut alterum similia amoris indicia habuisse compertum sit .

Decet igitur PATER BEATISSIME , quod huic mulieri virtutibus & miraculis adeo illustri tuæ vocis oraculo novi cultus honores decernantur , ceterarumque sanctarum Virginum choro ejus etiam nomine adscripto .

ANTONIUS Tit. S. Silvestri in Capite Presbyter Cardinalis Rufus .

Fecit Dominus magna in corde B. Catharinæ de Ricciis . Magna quidem fecit qui potens est , dum innocentiam cum pœnitentia mirabiliter conjunxit , dum fide quæ per dilectionem operatur , ad superna jugiter transferret , cœlestia semper contempleretur , Deiparam oculis visibiliter conspiceret , Puerum Jesum tenerrimè complecteretur . Quinimmo annulo fidei ab ipso Redemptore , datâ dexterâ desponderetur , eisdemque semper adhærens , unus spiritus fieret cum eo , ascensiones in corde suo disposuit Dominus , cum tamen superba non sapiit , profunda humilitate profecit , sibi que ipsi perpetuò viluit . Respexit Dominus humilitatem Ancillæ suæ , cum precibus & lacrymis ejus liberaliter concessit , quod exteriora Sanctitatis signa in eâ nulla apparerent , quod ad manus humilis Virginis perveniret volumen , in quo Moniales ejusdem virtutes & dona diligenter collecta exaraverant , statimque flammis addixit . Profectò BEATISSIME PATER , hæc est Virgo sapiens , quam Dominus vigilantem invenit , quæque obviam ivit Sponſo lampade non vacua . Restat ut non sub modio sed supra Ecclesiæ candelabrum statuas lucernam , ut luceat omnibus qui in domo sunt .

PHILIPPUS MARIA Tit. S. Agnetis extra Mœnia Presbyter Cardinalis de Montibus .

MAturo examine satis comprobatum deprehendimus , beatam Catharinam de Ricciis Monialem Ordinis Prædicatorum non solum vitæ sanctitate , sed etiam signis ac prodigiis divinis & dum viveret & post obitum claruisse . Eluxit in ea a teneris annis morum innocentia , illibata virginitas ac ardentissima in Deum & Proximum charitas , eamque adeo

adeo supernis divinæ gratiæ muneribus locupletaverat Dominus , ut cum Seraphicis ardoribus ageretur , vel cœlesti annulo subharrata , vel spinea Corona redimita , vel Stigmatibus insignita non per martyrium carnis , sed per incendium mentis totam in Christi similitudinem se transformandam agnoverit . Quamobrem Apostolatus Veitri BEATISSIME PATER , dignitas exposcit , ut Virgo hæc verè de numero prudentum non ampliùs lateat sub modio , sed super Ecclesiæ candelabrum collocetur .

*D. FORTUNATUS Tit. S. Matthæi in Merulana
Presbyter Cardinalis Tamburinus .*

Quinque prudentes Virgines Catharinæ nomine vocatas referunt Ecclesiæ Tabulæ . Catharinam nempe Virginem & Martyrem Alexandrinam , Catharinam Suecorum S. Birgittæ filiam , Catharinam Senensem , & quæ nostris temporibus sanctarum Virginum Canonis inscriptæ sunt , Catharinam Bononiensem , & Catharinam Adurnam . Hæ jam cum Sponso ad nuptias intraverunt . At verò janua clausa non est . Etenim Catharina de Ricciis earum heroicæ planè virtutes æmulata , easdemque affecuta , nuptiarum particeps intrare digna est ; ac digna propterea , quam ad illas aggreges BEATISSIME PATER , ut quæ consors extitit earundem virtutum , & par meritorum gloria , parem item cum eisdem sanctis Virginibus in Ecclesia cultum obtineat .

*D. JOACHIMUS Tit. S. Crucis in Jerusalem Presbyter
Cardinalis Besutius .*

Optimos Virginitatis flores non tantùm in memoriam redigere hominum , verùm etiam in exemplum proponere atque in Tutelares destinare , tui summi Pontificii muneris est BEATISSIME PATER , modò rite probatæ fuerint ceteræ virtutes heroicæ , quibus lampades suas ornaverint sapientes Virgines . Cum autem luculentis Testibus expensæ illæ fuerint , quibus beata Catharina de Ricciis adornatur , easdemque Deus Optimus Maximus veras fuisse miraculis perspicuum fecerit , nihil esse quod impediât existimo : Quin ipsam SANCTITAS VESTRA unam ex Virginibus de numero prudentum , quarum in evangelica Parabola fit mentio , fuisse decernat . Ut quæ vivens olim a cœlesti Sponso beneficii loco petierat atque impetraverat , ut universis privaretur externis Sanctitatis indiciis & argumentis , modò in Cœlis posita Virgo hæc humilissima Apostolicæ Sedis Oraculo gloriâ & honore in Ecclesia coronetur ac exaltetur ,

CAROLUS S. Mariæ in Via Lata Diaconus Cardinalis Marinus .

Beata Catharina de Ricciis quæ ultimo hîc loco ratione sexus SANCTITATI VESTRÆ proponitur , tantum abest , ut pro ultima haberi debeat , quod potius in heroicis virtutibus cœlestiumque donorum charismatibus , vel præceteris effulgere , vel eos saltem æqua sorte æmulari comperta fuerit .

Licet enim frequentibus sui Angeli , sanctissimæque Deiparæ Puerum Jesum in sinu gestantis & sibi sponsæ annulum imponentis apparitionibus insigniri meruerit ; adeo tamen humilis in tam sublimi gratiarum elargitione permansit , ut nihil ardentius quàm in his pro viribus occultandis Sacramenta Regis abscondere concupierit .

Et adeo quoque fortis & patiens , ut non modò tot in corpore ægritudines & in spiritu ariditates alacriter sustinuerit , sed suaviora quoque in iisdem oblectamenta repererit .

Cum verò ob hæc eadem perfectissimæ charitatis opera & argumenta pluribus etiam miraculis aucta , nedum aliàs consueto minori ritu Beatæ nomen adepta fuerit , sed duo alia post hunc cultum noviter subsequuta miracula ita efficaciter piissimis SANCTITATIS VESTRÆ auribus insonuerint , ut illis rite discussis & approbatis infallibili ejus judicio declaraverit , adeo insignem ejusdem Beatæ sanctimoniam esse ubique terrarum solemnî veneratione colendam .

Nulli dubium esse potest , quin hunc maximum Apostolicæ potestatis usum , quem ipsa eadem SANCTITAS VESTRA Deo aspirante faciendum esse decrevit , illo adjuvante non exequatur .

ALEXANDER S. Mariæ ad Martyres Diaconus Cardinalis Albanus .

Ad probandam B. Catharinæ de Ricciis Monialis ex Ordine S. Domini-
ci excelsam Sanctitatem nullum majus haberi potest testimonium quàm ipsemet Servator noster Christus Dominus , qui eam datâ dexterâ & annulo Sponsæ nomine appellavit , disjunctis a Cruce brachiis fuit amplexatus , & acerbissimæ Passionis suæ Stigmatibus insignivit . Tantis motus argumentis dignissimum duco , ut præclaræ Virgini , quæ jam plaudentibus Angelorum Choris ad Sponsum evolavit , modò SANCTITATIS VESTRÆ Decreto universa plaudent Ecclesia .

NERIUS S. Eustachii Diaconus Cardinalis Corsinus .

Beata Catharina de Ricciis Civis mea tantâ Sanctitate præfulsit , ut etiam dum viveret ea fuerit a Pontificibus Maximis , ab illustrioribus Sacri nostri Collegii Patribus , a Principibus totius Europæ Viris , & quod

quod caput est a sanctis hominibus spiritu cœlesti adflatis, non solum oculato testimonio adprobata, verum etiam summa admiratione celebrata: Quapropter BEATISSIME PATER, eam in Sanctarum Fastis describendam esse non dubitanter existimo.

*AGAPITUS S. Agathæ Gothorum in Suburra Diaconus
Cardinalis Mosca.*

CAtharina de Ricciis nondum idonea pugnae, sed jam matura victoria ostendit cursum ætatis vincendum in se fuisse festinatione virtutis. Hinc perfectionis fastigium quam citissime conscendens, unguentorum suorum ita longè latèque diffudit odorem, ut sanctum Philippum Nerium ex Urbe, quin Urbem defereret, ad se traxerit, dulcesque secum sermones instruxerit. Ubi verò dulci Angelorum concentu, superventurae jam mortis prænuncio, facta est Civis Sanctorum & domestica Dei, vidit sancta Maria Magdalena de Pazzis qua celebritatis pompa, quoque gaudiorum imbre perfusa in perpetuas introjerit æternitates. Quæ igitur Sanctorum testimonio probata fuit dum viveret; quæque plurimis effulget signis post mortem, hanc BEATISSIME PATER, inter sanctas Virgines oraculo Tuo recensere exoptamus.

*CAROLUS MARIA S. Mariæ in Porticu Diaconus
Cardinalis Sacripantes.*

Beatæ Catharinæ de Ricciis satis equidem est habere heroicæ suæ Sanctitatis in terris, & gloriæ in Cœlis Assertores & testes luculentissimos sanctum Philippum Nerium, & sanctam Magdalenam de Pazzis, necnon Te ipsum BEATISSIME PATER, qui divino prorsus consilio iudicium certum daturus es, quod ab unoquoque nostrum est expectandum. Itaque non intexo præconium splendidissimæ vitæ, neque recenséo præclarissima miracula, sed Tibi gratulor BEATISSIME PATER, qui tam ardentem lampadem inter ceteras in Domo Domini collocabis: Gratulor Dominicanæ Familiæ & Genti de Ricciis tanto decoratis ornamento: Gratulor denique toti Orbi christiano, cui licebit venerari in terris præclarissimam Virginem, quam viventem Jesus elegerat sibi Sponsam & annulo suo subharraverat.

MARIUS SS. Cosmæ & Damiani Diaconus Cardinalis Bologninus.

ID unum BEATISSIME PATER, pro tantæ solemnitatis corona, pro amplificanda Ecclesiæ gloria superesse videbatur, ut unacum Martyris Confessorumque celebritate, aliqua sacra Virgo afferretur in lætitia & exultatione, & adduceretur in templum Regis Fidelium cultu excipien-

da . Occurrit propterea sacra Virgo Catharina de Ricciis , quam sancti Philippi Nerii , & S. Mariæ Magdalenæ de Pazzis probatam fuisse testimoniis , Signorumque coruscare gloriâ dixisse sat est , ut eam inter sanctas Virgines meritò recensendam esse intelligamus ^a : *O verè igitur beata Mater Ecclesia quam vincentium gloriosus Martyrum sanguis exornat , quam inviolatæ confessionis candida induit virginitas ! Floribus ejus nec rosæ , nec lilia defunt , enumerat coronas vel de virginitate candidas , vel de passione purpureas .* Tibi demum BEATISSIME PATER gratulandum quàm maximè , cujus ministerio Ecclesia tantâ circumamicta varietate refulget.

PROSPER S. Georgii Diaconus Cardinalis Columna de Sciarra .

Decreto solemnè a Te jam pronunciato de tuto ad Canonizationem progressu B. Catharinæ de Ricciis , post exactam discussionem virtutum & miraculorum patratorum etiam post indultam laudatæ Beatæ venerationem , restat BEATISSIME PATER , ut annuere non dedigneris precibus inclyti Prædicatorum Ordinis , qui petit , postulat , flagitat adscribi inter Sanctas , ac in sanctarum Virginum Albo collocari B. Catharinam de Ricciis ; & quamquam preces hujusmodi versari noscantur in arduo ac difficili negotio , cujusmodi est Sanctorum Canonizatio ; attamen meritò jureque optimo crederem tutò a Te ad dictæ Beatæ Canonizationem deveniri posse . Equidem B. Catharina de Ricciis , quam constat non solum vitæ sanctitate , sed etiam signis & prodigiis divinis claruisse , si inter Sanctas accenseatur , erit veluti sax clarissima , quæ in edito loco posita Mortalibus omnibus ad perfectionem faciem prælucebit : In beata enim Catharina habebunt potissimum Virgines quod imitentur ad castitatem sartam tectamque servandam : Habebunt ceteri omnes quod sequantur , qui si dictæ Beatæ vestigia sequi non detrectabunt , brevi culmen heroicarum virtutum attingent , *ibuntque mox* , ut Prophetia inquit , *de virtute in virtutem quousque videatur Deus Deorum in Sion* .

ALEXANDER S. Mariæ in Aquiro Diaconus Cardinalis Tanarius .

Beatæ Catharinæ de Ricciis magnæ fidei magnæque spei & charitatis Virgo ab Angelo visibiliter erudita , ab Angelorum Regina frequenter adiuta , a Christo peramanter desponsata , innumeris cœlesti Sponso ornata charismatibus , innumerisque omnium virtutum meritis locupletata , cum Christo constanter vixit , ut perenniter cum ipso regnaret . Jam verò sapientem hanc Virginem feliciter ad Deum vivum pervenisse , in quem cum Regio Psalte cor ejus & caro ejus exultaverunt , & cœlestibus Agni Nuptiis quas ardentè concupiverat , tranquillè frui , clara & approbata miracula manifestant . Quam ergo sancti Martyres &

Con-

^a *Beata Serm. 18. de Sanctis .*

Confessores in triumphanti Ecclesia immortalitatis æternæque gloriæ locum habent ; eam quoque in militanti Ecclesia , pari qua ipsi fruuntur Sanctorum gloria & veneratione gaudere , nobiscum videant & lætentur .

HIERONYMUS S. Adriani Diaconus Cardinalis de Bardis .

Coronam quinque Sanctorum quam Altissimi Solio SANCTITAS VESTRA divino afflata spiritu proximâ ac præclarissimâ celebritate formabit , claudit B. Catharina de Ricciis , pretiosa illa Margarita non procul & de ultimis finibus quæsitâ , sed in propinqua & Sanctorum fœcundissima Matre , Florentina Civitate inventa . Istam virginitate decoram & omnium genere perfectionum longo vitæ curriculo claram Deus insignibus illustravit miraculis , quæ vivens etiam in conspectu omnium Populorum & Principum ita patravit , ut Ecclesia usque tunc certò sciverit , quod Dominus Sanctam suam mirificavit .

Beatam hanc igitur Civem meam lætitiâ & honorificentiam Populi nostri , super qua Dominus dedit benedictionem , & terra nostra dedit fructum suum , humillimè deprecor Sanctorum Fastis adscribi , ut quæ triumphantis Ecclesiæ gloriam novis titulis augebit , ita militanti patrociniûm adaugeat & columen .

DOMINICUS SS. Viti & Modesti Diaconus Cardinalis Ursinus .

BEATISSIME PATER . Infallibili Sanctitatis Vestræ iudicio divarum Virginum Fastis adscribenda meritò est beata Catharina de Ricciis : Ista enim verè Virgo sapiens & una de numero prudentum usque ab adolescentia sua oculos avertens , ne respicerent in vanitates & insanias falsas , assidua heroicarum virtutum exercitatione perennem dedit suavitatis odorem : Hinc Angeli Custodis aspectu & sermonibus frequentissimè recreari promeruit , Deiparam Christumque Dominum vel colloqui , vel amplecti , in admirabiles Ecstases rapi , sacris Stigmatibus imprimi Quid plura ? Si ejus Sanctitas ex ipso divi Philippi Nerii , ac S. Mariæ Magdalenæ de Pazzis testimonio jam satis abundè est comprobata ? Accipiat igitur de manu tua BEATISSIME PATER , in terris coronam gloriæ , quæ jam de manu Domini recepit in Coelis Regnum decoris & vitæ ,

ANTONIUS MARIA Pallavicini Patriarcha Antiochenus Assistens .

Sanctiores Virgines alacriori virtutum studio æmulata Catharina de Ricciis a divino Sponso eisdem meruit charismatum donis locupletari . Ab ipso etenim desponsata , Redemptionis signis transfixa , Puerumque Jesum a Deipara in sinum excipiens , Dilectum suum ad se conversum , ac sua inter ubera commorantem lætanter gloriata est . Admirabilis

lis insuper ejus Sanctitas divi Philippi Nerii, & S. Mariæ Magdalenæ de Pazzis testimonio comprobata, plurimis illustrata prodigiis jure expostulat, ut solemniori ritu novum beatæ Catharinæ decus accedat.

THOMAS Cervini Patriarcha Hierosolymitanus Assistens.

BEATA Catharina de Ricciis, quæ Virginitatem perpetuò illibatam servavit; quæ Deum semper in corde habuit, semper in ore, semper in opere; quæque Christo ita semper adhæsit, ut illius Passionis ac sacrorum Stigmatum particeps fieri meruerit; verè dici potest Sponsa Christi: Cumque id ipsum plura testentur miracula, æquum est, ut inter prudentes Virgines Christi Sponsas ritu solemniori adnumeretur.

ALEXANDER Borgia Archiepiscopus Firmanus Assistens.

BEATISSIME PATER. Inter electas Virgines quas Deus prædestinavit conformes fieri imagini Filii sui, beata Catharina de Ricciis Florentina Ordinis Prædicatorum adeo enituit, ut hujusmodi conformitatem conceperit mente, concupierit corde, retinuerit animo, exhibuerit corpore, donata a cœlesti Sponso qui eam sibi maturè delegit in hujus perfectæ conformitatis argumentum, exterioribus signis mirum in modum carni ejus impressis. Quod si amoris magnitudinem ex acceptis donis metiri licet, profectò fateamur oportet Catharinam summo amore flagrasse erga Dominum nostrum Jesum Christum, cujus effigiem non in tabulis accepit manu figuratam Artificis, sed in membris carnis suæ descriptam digito Dei vivi. Grande quidem privilegium & paucis admodum concessum. Fructum hunc illa tulit ex dominicæ Passionis meditatione assidua, qua non solum summopere studuit se illi conformare, cui ex charitate nimia crucifigi complacuit, sed insuper in illum non per martyrium carnis, verum per incendium mentis ex ardentissimæ charitatis vi transformari promeruit. Hæc igitur Virgo a Clemente XII. Prædecessore Tuo Beatorum titulis ornata, novis (ut accepimus) a Deo illustrata miraculis a Te BEATISSIME PATER, supremo judicio sanctis Virginibus adscribenda videtur, ac ubique gentium prædicanda & colenda, ut Christifideles ejus exemplo excitati, ejus precibus ac patrocinio adjuvi Passionem Domini jugiter meditentur.

FELIX Solatius Archiepiscopus Thebarum Assistens.

Virtutes omnes, quibus vera Sanctitas comprobatur in beata Catharina de Ricciis in gradu heroico floruisse, ex ejusdem Actis satis evidenter apparet. Ipsa namque ab ineunte ætate igne divini amoris accensa. Mundi illecebras invicta fortitudine respuens, in profunda Pas-

sionis

Ejusdem Versio latina .

GABRIEL Eva Archiepiscopus Cypri Syrus Maronita Assistens .

BEata Catharina de Ricciis Florentina Monialis Ordinis sancti Domini , tam amplis & planè singularibus dum viveret , illustrata a Deo fuit & cumulata charismatibus , ut ex iis certissima admirandæ ipsius Sanctitatis argumenta evincantur . Memoriae siquidem proditum est , non modò illam Angeli sui Custodis aspectu frui consuevisse , sed etiam Angelorum Reginam seipsam sæpe conspiciendam contemplandamque ei præbuisse , & Puerum Jesum in quem desiderant Angeli prospicere , in ejus sinu amantissimè collocasse . Ut verò perfectam quantum hominibus fas est in se gereret Christi Domini imaginem , sacra Redemptionis Stigmata sinistro ipsius lateri , manibus , pedibusque , sanguineis quibusdam rutilisque notis fuisse insculpta ; Spinoso diademate caput ejus transfixum ; Crucis denique vestigia tergo ipsius profundè impressa . Tantarum autem Catharinæ virtutum famæ summam adjungunt auctoritatem sanctus Philippus Neri , & sancta Maria Magdalena de Pazzis , qui tam admirabilem illius Sanctitatem non tam celebritate nominis , quàm Deo auctore perspectam habuerunt . Itaque quam in terris Sancti suspexerunt , quam in Cœlis Angeli , Deipara , & Christus ipse Sanctam prædicavit ; eam sanctarum Virginum catalogo adscribi tutò posse sine ulla dubitatione pronuntio .

JOANNES ANDREAS Tria Archiepiscopus Tyri Assistens .

ANte diem legi Compendium vitæ B. Catharinæ de Ricciis huic , Te Præsidi , Te Judice , augusto Coetui mihiq̃ ceteroquin opportunè communicatum . Legi , inquam , & obstupui admirans quibus virtutibus a puerili ætate fuerit ornata , quibusque donis miserator Dominus ipsam illustraverit . Eo inter alia quod Angeli sui Custodis , & B. Virginis Mariæ colloquiis non perrarò frueretur , passim in Deum rapta mirabiles ecstasies pateretur , in quibus arcana coelestia penetrabat ; talisque inter Ipsam & Deum erat unio , ut Deus & Catharina foret quasi unus & idem spiritus , & cum Paulo dicere poterat : *Vivo non equidem amplius ego , vivit autem in me Christus* . Hinc miro quodam splendore micabat , ubi præsertim Redemptionis recolebat mysteria , cujus Stigmatum signa sculpta , & spinoso diademate caput suum largiente Domino transfixum habere promeruit , nec ab acerbissimis Passionis Domini tormentis per duodecim annos fuit immunis . Mirabile est , quod Deipara pronuba ab ipso Redemptore datâ dexterâ coelesti annulo Catharina fuerit desponsata .

Interea

Interea ita de se demissè sentiebat, ut indignam se appellaret, & omni poenarum genere per annos quadraginta & octo se cruciari nunquam prætermisit. Unde fama Sanctitatis Catharinæ, ac Deo auctore commoti S. Philippus Neri, & S. Maria Magdalena de Pazzis literarum commercium cum ea inire voluerunt. Idem S. Philippus Romæ commorans illius aspectum præsentem cum ea pios sermones habuit, & eadem S. Maria Magdalena, cum Catharina ad Sponsi sui amplexus evollasset, Angelorum gaudio, quo in illa Cœlesti patria fuit excepta, se interfuisse narravit.

Tot itaque stantibus, aliisque quampluribus prætermiſſis Catharinæ Sanctitatis testimoniis, miraculis tam ante quàm post ejus obitum comprobatis, dignum cenſeo, ut præſignata ejus Canonizatio ulterius non protrahatur.

SIMON Gritti Archiepiſcopus Tyanenſis Aſſiſtens.

BEATISSIME PATER. Beata Catharina de Ricciis divina charitate, qua mirabiliter ab ipſo propemodum rationis uſu æſtuabat, vulnerata, puerilibus amandatis longiſſimè oblectamentis tumultata quodammodo viva, quod de ſancta Melania Romana perhibetur, Mundo vixit tumultata; Angeli ſui Tutelaris dignata vel in terris aspectu: Chriſtum quoque Dominum in Cruce pendentem ex Icone a ſe adoratâ clarè ſibi colloquentem meruit audire, & auctioribus deinde cumulari de die in diem cœleſtibus donis, quibus in religioſo avidiſſimè ſuſcepto, ac ſanctiſſimè conſummato uberrimè coruſcavit ditata Inſtituto. Hujusmodi Angelicam in terris vitam Altiffimus multifariè ſignis & prodigiis teſtatam voluit ac miraculis comprobaviſſe, ut idcirco tutiſſimum ſupernæ gloriæ, qua copioſè Catharinam frui haudquaquam ſupereſt ambigendum, SANCTITATIS VESTRÆ Decretum univerſa peroptet Eccleſia, tantæ Virginis adornata fulgoribus, in qua ſibi ornamentum ſtatuit ac præſidium,

JOSEPH MARIA Ferronus Archiepiſcopus Damascenus Aſſiſtens.

IN ſpeculum ſine macula, auctorem fidei, & conſummatorem Jeſum jugiter aſpexit ^a B. Catharina, poſuitque eum, ut ſignaculum ſuper cor ſuum & ſuper brachium ſuum ^b, ac fecit ſecundum exemplar ^c. Semper enim mortificationem Jeſu in corpore ſuo circumferens ^d, tum interiùs per nimiam dilectionem, tum exteriùs per actiones quaſcumque, veluti totidem lineamenta conformis facta eſt Sponſi cœleſtis imagini, unde non ſolum decorata fuit coronâ, ſed etiam Redemptionis Stigmatibus mirabiliter obſignata ab eo, qui facit mirabilia magna ſolus. Eximiam itaque tantæ Virginis Sanctitatem Apoſtolicæ hujus Cathedræ re-

G g g

ſtimonio

^a Heb. 12. 2. ^b Cant. 8. ^c Exod. 25. ^d 2. Cor. 4.

stimonio cenſeo rite comprobendam. Juſtum eſt enim, ut quæ vitæ ac Dominicæ Paſſionis fuit imitatrix aſſidua, exaltationis & gloriæ particeps quoque efficiatur.

JOANNES FRANCISCUS Stoppani Archiepiſcopus Corinthi Aſſiſtens.

Felix & verè beata Virgo Catharina de Ricciis, quæ ab ineunte ætate guſtavit & vidit quàm ſuave ac leve ſit onus Crucis; Seculi namque ſpretis illecebris totam ſe cœleſtium rerum contemplationi, Angelo Cultode ac Duce addixit devovitque, adeoque profecit, ut diſpendium putaverit, ſi vel temporis momento ab iisdem divelleretur. Quapropter corpore quamvis circa plurima Marthæ exemplo ſæpe ſæpius diſtenta in obeundis explendisque ſui Ordinis officiis, mente quidem & affectu tanquam altera Magdalena, nonniſi ſuum Jeſum & hunc crucifixum effuſâ mentis & cordis charitate fovebat, complectebatur. Hinc eſt quod cœleſtis ille Sponſus, qui adhærentibus ſibi dat gratiam affluenter, nedum ſibi conformem ſacris impreſſis Stigmatibus reddiderit, verùm etiam dato annulo ſubarrhaverit; Quodque longè latèque diſfuſa tot heroicarum virtutum germina uberes quotidie referant honeſtatis & honoris fructus, quorum merces ut in dies augeatur, utque in terris ea, quæ Ancillæ Dei meritis æquè ac ſignis illuſtri debetur, reponatur corona juſtitia, expedire cenſerem, B. Catharinæ de Ricciis ab SANCTITATE VESTRA ſupremos Canonizationis honores eſſe decernendos.

MICHAEL de Palma Archiepiſcopus Teatinus Aſſiſtens.

IN beata Virgine Catharina de Ricciis ſuaveolet Myſticus Hortus ſacri Ordinis Prædicatorum, & lætabundus niteſcit Ager Dominicus, qui eſt Eccleſia, dum coram Te PATER BEATISSIME, pro ejus Canonizatione demiffiſſimè inſtamus. Agitur de Virgine in cujus *lampade oleum nunquam defecit*, tot heroicarum virtutum ornata fulgoribus, tot chariſmatum cumulata muneribus, tot miraculorum fulgida ſignis tum comitantibus vitam ejus mirabilem, tum pretioſam mortem ſubſequentibus.

Alterius inclytæ Catharinæ (Senenſis videlicet) in ea habes imaginem, ſive virtutum cumulum ſpectes, ſive cœleſtia dona demireris. Utraque enim *Stigmata Chriſti portavit in corpore, ut vitam Jeſu in carne mortali manifeſtaret*. Philippus Neriſ Catharinam de Ricciis corpore abſentem alloquitur: Quid ni Sanctus cum Sancta loqueretur? Magdalena de Pazzis cum gaudio exceptam in Cœlis, Deo revelante conſpexit; quid ni Sanctam Cœlorum curia læta ſuſciperet? Hinc ſplendent undique in mirabili hac Virgine argumenta & notæ Sanctitatis.

Age igitur PATER BEATISSIME, & opus ex praxi veteri ab Auditoribus Rotæ inchoatum, quodque Prædeceſſores Tui Clemens XI. Benedi-

ctus

ctus XIII. , Clemens XII. prosequuti sunt , fausto fine digneris perficere , beatamque Catharinam de Ricciis ceterarum sanctarum Virginum Catalogo adscribe .

STANISLAUS Peliastri Archiepiscopus Rossanensis Aſſiſtens .

QUOD reliquum tandem SANCTISSIME PATER , quid demum ultra deerat , ut sanctarum Virginum adscriberetur in Albo meritissima illa , nobilitate non minus quam Sanctitate clarissima , Catharina de Ricciis Florentiæ in Hetruria præstantissima Urbe in lucem edita ; quam ut Sanctitas Vestra Spiritus sancti magisterio instructa atque munita ; non solum sermone prædicando , sed ad posterorum saluberrimam instructionem scriptis tuis inditam , Sanctorum numero adscriberet atque referret ! Et sanè quidem nam sicuti de perantiqua ac præclarissima illa Catharina sanguine purpurata rutilat Alexandria splendore ; & de sua Catharina virtutum omnium Magistrâ congaudet universa Senensis Familia , ac letabunda postmodum sanctarum Virginum Choris , suam quam genuit appellatione sanctam , jactat se reddidisse Catharinam , illa numquam satis laudata , & a SANCTITATE VESTRA litteris & dignitate illustrata , inclyta simul ac famosa Bononia ; æquum erat SANCTISSIME PATER , ut de sua demum , quam Deo potius , quam Mundo peperit , Catharinâ mereatur Florentia habere suffragia & gaudere triumpho ! Et quidem profectò , nam sicuti ceteræ hujus nominis inter Æthereos Virginum Choros , & unaquæque pro modulo suo Sanctitatis laureâ insignita rutilat atque coruscat ; Florentina Virgo nemini illarum secunda , & ejusdem nominis decorata vocabulo , quæque ab infantia Angelicæ perfectionis rore perfusa Custodis Angeli meruit gaudere consortio ! Quæque tantæ ac tam eximiæ puritatis signaculo , cum pari obedientia & paupertate ac humilitate conjuncta , non modò Deiparam ipsam conspiciendam , contemplandam , colloquendamque , sed Puerum Jesum ab ipsa Deipara in sinu ejus amantissimè collocatum meruit confidenter habere , familiariter alloqui , & pretioso cœlestique annulo datâ dexterâ digna fuit desponsari ! Quæque privilegio amoris præcipui ceteris altius Crucifixi dulcissimos & sub nomine Sponsæ obtinuit amplexus , & sacra Redemptionis Stigmata , aliaque Passionis vestigia in corpore impressa , cum fuimet ipsius Redemptionis imagine in suo vultu depicta & repræsentata gestare ! Jure dixerim quod tot charismatum dotibus tot Sanctitatis clarissimis argumentis testibusque oculatis , cum miraculorum quibus catholica fides roboratur , & Sanctorum merita comprobantur auctoritate ; Catharinæ admirabile nomen Sanctarum adscribatur in agmine , & Virginum excipiat in gremio .

FERDINANDUS MARIA de Rubis Archiepiscopus Tarfi Assistens.

BEATISSIME PATER. Pluries de virtutibus & miraculis B. Catharinæ instaurato judicio, pronunciatum. Rursus mandato SANCTITATIS TUÆ redintegrato examine, prolata sententia est. Ita eximiam Catharinæ sanctitatem, sicut aurum in fornace probatum, Deus voluit; & sicut argentum igne examinatum purgatum septuplum. Opus igitur plurimorum Pontificum studio antea inchoatum, pro summa qua polles Apostolica auctoritate, solemni tandem Canonizationis Decreto video absolvendum.

MICHAEL MARIA Vincentini Archiepiscopus Theodosiæ Assistens.

PRæclarissimam sanè intuebimur B. Virginem Catharinam de Ricciis, si fortem ultra sexus imbecillitatem omni in virtutum genere æquali lance perpendamus. Verùm inspecta qua mirificè æstuabat in Deum charitate, ac impressis Passionis Christi vestigiis virgineo in corpore, nec non frequentibus cum Sponso Jesu ac Deipara colloquiis, haud mirum est, si addendi Virginem præstantissimam glorioso Sanctarum Coetui, SANCTITATI VESTRÆ incesse- rit animus.

NICOLAUS Carafa Archiepiscopus Philippensis Assistens.

Gesta beatæ Catharinæ ita egregia ac in gradu heroico plena virtutum: Ita singularia & cumulata prodigiis: Ita a seculis inaudita, quod unumquodque magnum theatrum orationi meæ præberet, si eam exornandam atque laudandam aggrederer. Super hanc sacram Heroinam adhuc a teneris annis Spiritus sanctus cœlestium donorum, quæ ceteris per partes, ita abundè divitias effudit, ut speciali privilegio Angeli Custodis ab infantia in conspectu ejus visibiliter adstantis, cujus colloquiis fruebatur, decoravit. Quod sanè non obscurum ipsius præclaræ & excelsæ futuræ vitæ fuit indicium, quatenus ipsa in terris degens conversationem suam habitura esset in Cœlis. Ne autem illius innocentiam mundiali contubernio consortioque expositam callidus Aspis aliquomodo humana contagione attingere auderet, a divo Dominico e seculo in suum Prædicatorum Ordinem non sine divini Numinis singulari vocatione est sublata. Ibi altissimæ perfectionis fundamenta a gratia sanctificante in anima ipsius jam recondita statim incrementum accipere, ut ad Cœlum pertingere totus christianus Orbis aspiciendo admiraretur. Cetera omitto, unum dicam. Illud præclarum vitæ genus, quod sacris Virginibus est commune, contemplationi, orationi, ceterisque piis exercitationibus deditis; tanquam unum necessarium ex Dominico oraculo,
non

non modò ut optimam partem elegit ; sed nihil alienæ salutis omittens , divina charitate in Deum & Proximum flagrans , non minus Mariæ quàm Marthæ partes ita explevit , ut Sponsi sui dilecti sacra Stigmata , non in tabulis depicta , sed in proprio suo immaculato corpore deferre mereretur . Hæc cum ceteris amplissimum argumentum mihi præbent sanctarum Virginum Coetui adscribendam esse ; dummodo SANCTITATIS TUE supremum iudicium accefferit .

ANTONIUS FONSECA Episcopus Æsius Assistens .

NON tantum BEATISSIME PATER, Hetruriæ Urbes, inclyta Prædicatorum Familia , & universus christianus Orbis , verùm etiam sanctarum Virginum Coetus, superni Angelorum Chori , necnon gloriæ Dominus B. Catharinæ de Ricciis sublimiores honores flagitant . Sanctæ enim Virgines Catharinam adhuc in terris degentem , ob illibatum candorem, ob singularem prudentiam , ob flagrantissimam charitatem duxere secum ad Agni nuptias ; Angeli tradiderunt illi precandi formam , præcepta virtutum , mysteriorum intelligentiam , ac Dominus amore languentem dulcissimis recreavit amplexibus , sacris Stigmatibus insignivit , & tanquam Sponsam annulo suo subarrhavit . Æquum est igitur ut communia terrenæ & cœlestis Jerusalem vota , mortalibus ac superis plaudentibus impleantur .

NICOLAUS XAVERIUS Santamaria Episcopus Cyrenensis Assistens .

I Nefabilis Dei sapientia , quæ miro consilio suis opportunè temporibus cuncta disponit , quo tempore Lutherus ejusque detestabiles Affectus castitati maximè detrahebant , inter ceteras Virgines mulierem verè fortem suscitavit in Ecclesia sua B. Catharinam de Ricciis , quæ accincta robore & in spiritu ambulans mirabili victoria carnem perpetua virginitate , Mundum profunda humilitate , Dæmonem eximiiis virtutibus superavit . Digna profectò Virgo quam Christus Dominus supernis donis , splendidioribus charismatibus ornatam , Deipara pronuba , cœlesti annulo desponsaret , eamque de Cruce amplexando Sponsæ nomine compellaret . Insignem ejus sanctitatem quam in mentis excessu intellexerunt , & vulgaverunt S. Philippus Nerius , & S. Maria Magdalena de Pazzis , testatam nobis abundè faciunt miracula accuratè discussa & plenè probata . Rationi propterea consentaneum videtur , ut præclaram hanc Virginem in Ecclesia colendam Apostolica auctoritate decernas , eamque Christifidelibus Protectricem apud Deum & Advocatam concedas , cujus preces sibi acceptissimas esse Deus ipse affirmavit .

BERNARDUS ANTONIUS Pizzella Episcopus Constantiæ Afsistens.

Habemus sanctarum Virginum ornamentum ; habemus Virginem divinis charismatibus illustratam , beatam scilicet Catharinam de Ricciis Ordinis Prædicatorum Sanctimoniam , quæ præcipui amoris privilegio a Deo cumulata , singulari pietate ac solitudine Deum ipsum diligere semper in deliciis habuit . Sicuti verò elegit Deus ac sibi præelegit in Catharina Sponsam , Columbam , Dilectam , sic Catharinam vicissim Sponsæ fidem , Columbæ innocentiam , Dilectæ pros affectus in eum omni studio atque curâ servasse , monumenta testantur . Habemus Virginem Christo Domino accensis lampadibus occurrentem , sacrorum Stigmatum honore nobilitatam : Sponsam Christo sociatam : Matri Virgini alloquutam : Habemus denique Virginem miraculis clarificatam , quæ decet demum , ut sanctarum Virginum Syllabo solemni ritu adscribatur .

*LUDOVICUS ANTONIUS Valdina olim Cremona Episcopus
Hermopolitanus Afsistens .*

Ecclesiæ militantis veneratione dignissimam , & Senensi Catharinæ adjungendam esse in Sanctorum Catalogo Florentinam Catharinam de Ricciis , nullo modo dubito . Id apertè comprobant Sancti ejusdem Conciues Maria Magdalena de Pazzis , & Philippus Nerius ; ambo enim Deo inspirante sanctam animorum consensionem cum illa habuerunt , & litterarum spirituale commercium . Maria Magdalena præterea præsens in spiritu adfuit , quando Catharina triumphans supernam Hierusalem est ingressa , & Philippus Romæ degens , Prati in Hetruria fuit divina virtute quodammodo præsens , ut longo Catharinæ colloquio frueretur . Divinum quoque Sponsum dici potest Catharinam in Sunamitide invitasse , ut de Libano veniret in Coelum ad coronam : Nam etiam hæc mystica Christi Sponsa in horto concluso sancti Dominici tota pulchra fuit candore puritatis omniumque virtutum , suavis coelestium rerum contemplatione , decora rubore poenitentiae & Dominicæ Passionis , cujus dolores & Stigmata pertulit in corpore suo , ut olim Senensis Catharina . Illam etiam Christus Dominus dato annulo sibi desponsavit in terris , revulsis e Cruce brachiis amplexatus est , & coronavit in Coelis . Sic ergo coronatam splendoribus Sanctorum jubeat SANCTITAS VESTRA venerari .

FABRICIUS Borgia Episcopus Ferentinus Afsistens .

BEATISSIME PATER . Opportunius nihil contingere poterat quamquod quatuor sanctitati Virorum publicis decretis honoribus , triumphalis gloriæ comes accedat & foemina , ut dum in omne hominum genus tam
uber

uber divinæ gratiæ largitio spectanda proponitur, habeat etiam fragilis sexus, unde & incendatur ad pugnam & alliciatur ad palmam. Jure optimo idcirco honores in præstantioris Sanctitatis testimonium institutos B. Virgini Catharinæ deferendos existimo: Illa enim virili plusquam animo, spreto opibus, Mundique blanditiis ac seculi illecebris, se Deo perjucundam hostiam in sacrificium præbuit sub severiori Dominicanæ Familiæ disciplina. Corpus suum in assiduam servitutem redegit, humilitatem cum charitate admirabili cœlestium charismatum nexu conjunxit; tantâque demum spiritualis perfectionis excellentiâ enituit, ut aliis etiam ad eam comparandam dux data, æquè & Magistra divinitus videretur. Postulant igitur eximiæ hujus Virginis virtutes, postulant superna quibus enituit, dona, postulant edita post Beatificationem signa, ut ejus nominis memoria a Te BEATISSIME PATER, ad ampliorem cultum promoveatur.

NICOLAUS Spinelli Episcopus Aversanus Assists.

Admirabilis vitæ sanctimonia ac incomparabilis morum probitas beatæ Catharinæ de Ricciis Hetruriæ fines prætergressæ, ita per Italiam omnem, Galliam ac Germaniam longè latèque vulgatæ percrebuerunt, ut omnes in sui admirationem rapti, undique ad eam frequentissimi confluerint, vel difficillima quæque in rebus omnibus sive corpus, sive animam spectantibus consecuturi: Nec segnis in ejus integerrimam vitam Summorum Pontificum diligentia fuit, de quorum imperio omnia ad severissimum revocata examen, nullum dubitandi locum reliquerunt: Quibus si supremum SANCTITATIS TUX judicium accesserit, existimarem posse huic eum honorem decerni in terris, quem jam piè credimus consecutam in Cœlis.

*HIPPOLYTUS e Rubeis Sancti Secundi Episcopus
Senogalliensis Assists.*

PUlchra permixtio virginitatis & humilitatis in B. Catharina de Ricciis! Porro nil mirum, tot ac tantis divinitus illam effulsiſſe charismatibus: Stigmatum Redemptionis, præcipuè & spinæ Coronæ insignibus donatam fuisse Christo Domino, cujus & vivam quamdam similitudinem exteriori specie expressit atque repræsentavit, cujus colloquiis, amplexibus, osculis, nuptiis tandem pronubâ eademmet Deipara Virgine dignata fuit: nil mirum, inquam, nempe (divo Bernardo teste) non mediocriter placet Deo illa anima, in qua & humilitas commendat virginitatem, & virginitas exornat humilitatem. Quantum verò in utrâque Catharina præstiterit, ejus vitæ Acta, ejus animi sensus, honorum & laudum contemptus, voluntariæ atque asperrimæ corporis afflictationes,

nes, illibatus integritatis candor ad mortem usque servatus, reliquæ item virtutes, quarum omnium humilitas parens est, decor virginitas, gratiarum quoque & prodigiorum splendor atque frequentia luculentè declarant, suoque veluti jure præclarissimam hanc Mulierem Apostolica auctoritate sanctarum Virginum Choro adjungi proclamant.

*D. PAULUS THOMAS Marana Episcopus Asculanus
in Piceno Afsistens.*

MIrum non est BEATISSIME PATER, B. Catharinam de Ricciis humana adhuc corporis contagione gravatam quævisse semper ea, quæ sursum sunt, nullo ad terrena depressam desiderio, utpote quæ affectuum nostrorum fontem cor cœlesti temperie constitutum divinitus accepisset. Inde etiam fuit ut Christus Dominus, quem ardentissimè semper adamavit, in ejus Sponsam annulo subarrhaverit, sanguineis ejus signaverit Stigmatibus, ac in extremo vitæ confine tanquam Sponsam electam ad cœlestem coronam angelicis vocibus advocaverit. Congruum itaque existimarem, ut sicuti speciali Dei providentia cum S. Catharina Senensi eodem charismatum genere insignita tam parem in terris habuit vivendi rationem, ita per SANCTITATEM VESTRAM habeat post mortem similem cultum.

Fr. SILVESTER Merani Episcopus Porphyrien. Afsistens.

BEATA Catharina de Ricciis jam inde ab ipsa pueritia cogitavit quæ Domini sunt, fuit enim in cœlestium rerum, præsertim in Dominicæ Passionis contemplatione per altissimas mentis elevationes, perque admirabiles Ecstases fere semper defixa. Sollicita indefinenter fuit quomodo placeret Deo per assiduum humilitatis & orationis studium, per juges carnis afflictationes, per ferventissimam in Deum & Proximum charitatem. Quare non est dubitandum quin per magnam excellentiam sancta fuerit, uti loquitur Apostolus, corpore & spiritu. Et sanè arbitror non sine divino consilio solemnem illius Canonizationem ad hoc usque tempus fuisse dilatam, ut nimirum præstantissimæ Virginis virtutes, quæ omnes implent numeros, SANCTITATIS VESTRÆ par judicium exornaret.

*MARCUS ANTONIUS Amalphitanus Episcopus Ortonen.
& Camplen. Afsistens.*

BEATISSIME PATER. Inter alias stellas innumeras, quæ sacri Ordinis Prædicatorum Cœlum exornant, una profectò est B. Catharina de Ricciis, quæ virginitatis lilium illibato semper candore custodiens, charitatis erga Deum & Proximum, humilitatis, obedientiæ virtutumque

que omnium fudit odorem . Hæc Virgo illam , quam hausit a lustrali fonte innocentiam , moribus usque ad ultimum vitæ spiritum retinuit . Seraphicæ Catharinæ Senensis Sectatrix & gratiarum Socia , nedum Angeli Custodis familiaritate & colloquiis , sed Christi Jesu in quem desiderant Angeli prospicere , promeruit aspectum . Hunc cœlestem Sponsum quem ab infantia dilexit , anima illius charitate perfectâ tenuit , nec unquam dimisit . Ipsa dilecto suo & dilectus illi , qui faciem suam ei ostendere , sæpius illam alloqui atque amplexari : Datâ dexterâ ac cœlesti annulo eam desponsare : Sacra Redemptionis Stigmata & Crucis vestigia in ejus virgineo corpore imprimere : Spinosum Diadema capiti transfigere , aliæque divini amoris signa præclara ostendere dignatus est . Sublimibus charismatibus cumulata prophetico lumine meruit illustrari , cordium secreta funditus penetrare , nec defuere admirabiles Ecstases , quibus per dies integros sensibus destituta , & in æra quandoque sublata unicè cum Deo conversabatur . Sacræ hujus Virginis heroicas virtutes & admirabilem sanctitatem incomparabiles Viri dignitate conspiciui probarunt , ac supra omnes divus Philippus Neri , & sancta Maria Magdalena de Pazzis tunc cœvi intellexerunt & admirati fuere . Æquum igitur erit . SANCTITATEM VESTRAM exorare , ut discussis & approbatis virtutibus , ac discussis pariter & approbatis miraculis , eam in Catalogo Sanctarum Virginum dignetur adscribere .

ANTONIUS Cantoni Episcopus Faventinus Assisens.

Divitias misericordiæ & bonitatis suæ in B. Catharina de Ricciis ostendit Deus, qui complexam ineffabili charitate & sublimioribus charismatibus cumulata, quasi Sponsam ornatam coronâ, & decoratam monilibus suis annulo suo subarrhavit. Quam porro dum viveret in deliciis habuit, nunc in gloria miraculorum manifestare dignatus est, ut tuum sit BEATISSIME PATER, induta virtute ex alto, hanc ponere in lucem & lætitiâ Plebis suæ, quam exemplis provocat, & foveat auxiliis.

CÆSAR Bonajuti Episcopus Pharensis Assists.

Speciosa est inter filias Jerusalem Catharina de Ricciis, quæ maximum semper Sanctitatis præbuit argumentum. Hæc verè virginitatis florem a Deo traditum intactum servavit, nullam unquam habuit maculam, neque rugam, sed semper in fide, in spe, in charitate incorrupta permansit. Habuit Sponsum non terrenum, sed eum qui in Cœlis est, cum qui super omnem Principatum & Potestatem, qui super Cherubim sedet, non solum Sponsum sed amatorem omnium hominum ardentissimum & speciosum præ filiis hominum.

Meretur igitur BEATISSIME PATER, hæc Virgo sapiens & una de
H h h nume-

numero prudentum , ut in Altare aureo ante oculos Domini collocetur , atque in cœlesti Sanctuario & ipsa ad ornamentum omnium Sanctorum , in quibus Dominus requiescit , recenseatur .

PAULUS Bonavisa Episcopus Spoletinus Assistens .

BEATA Catharina de Ricciis est illa Virgo sapiens & una de numero prudentum, quæ meruit intrare ad nuptias Domini sui : Oleum namque devotionis semper conservavit in lampade sua , & sollicitè quæsit Sponsum suum attentèque ambulavit in viis ejus : Etiam in viis asperis secuta est illum , cum paupertate , vigiliis , inedia aliisque pœnis se conformari Cruci Christi ferventissimè sategit : Unde meruit mirabiliter portare crucem Domini sui , & coronâ ejus spineâ coronari , pluribusque aliis donis cœlestibus cumulari , quibus mirificè ornata fervidè aspiravit intrare ad gaudium Domini sui jugi amore languens . Exaudivit Dominus preces dilectæ suæ , posuitque in ea thronum suum , & in habitaculo cœlesti facit illam habitare , signisque miraculorum nobis ostendit in choro sanctarum Virginum adscriptam , ut ejus memoria etiam recolatur in terris .

MARIUS Maffei Episcopus Fulginas Assistens .

AD Christum Dominum in Coelis , cujus vices tanta pietate geris in terris BEATISSIME PATER , hodierna luce conversus non immeritò dixeris , *Domine dilexi decorem Domus tuæ* : Ubi namque militantem Ecclesiam & Martyris sanguine & Confessorum virtutibus illustrasti ; ne quid postremò deesset quod posset decorem ejus augere , hodie in Catharina de Ricciis virginitatis etiam honore eandem amplificabis . Per Te igitur BEATISSIME PATER , aderit Regina a dextris divini Sponsi in vestitu sanguine Martyris deaurato , & circumdata varietate virtutum atque concupiscet decorem ipsius , quoniam post tot præclaros sanctitate Viros adducetur hodie Catharina in Templum Regis^a , *cum angelica virginitate, altissima humilitate , sublimissima charitate* . Talium unguentorum odore Catharina ad se traxit Philippum Nerium dum viveret . Talium virtutum copiâ tantam sibi gloriam comparavit in Coelis , quantam Magdalena de Pazzis enarrare vix potuit in terris . Eâ demum signorum claritate Catharina de Ricciis coruscat , quæ ut in sanctarum Virginum Albo recenseatur , tuum modò Oraculum BEATISSIME PATER , præstolatur .

GUIDO Ursellus Episcopus Casena Assistens.

EA est Catharinæ de Ricciis Florentinæ, lectissimæ Virginis, atque sanctissimæ cum Senensi illa morum vitæque similitudo, ut nisi Temporum, Patriæ atque cognominis per quàm diligens ratio habeatur, una eademque videri possit. Utraque enim ex sacra Prædicatorum Familia, jam tum ab infantia castissimo Virginum Sponso conjuncta, dici non potest quanto divini amoris igne æstuaverit. Ceteris verò virtutibus sic abundarunt, ut hortulus ille conclusus meritò dicendæ sint, non floribus modò, sed fructibus quoque dulcissimis refertissimus honoris & honestatis. Dignæ propterea quas coelestis idem Sponsus divinorum charismatum, prophetiæ nimirum, discretionis spirituum, ecstasum fonte largissimo rigaret, rutilisque sacrorum Stigmatum insculptis notis in maximi amoris argumentum quodam quasi signo suo communiret. Utramque tandem ad æthereum thalamum in quo Rex Regum stellato sedet Soglio, evectam esse, miracula ipsarum mortem consecuta satis apertè demonstrant. Reliquum igitur est unum BEATISSIME PATER, ut quod de Catharina Senensi gravissimo Pij Secundi judicio declaratum est, id de Florentina quemadmodum universa christiana Respublica vehementer exoptat, infallibili testimonio a SANCTITATE VESTRA declaretur.

*HYACINTHUS de Silvestris Episcopus Nepefinus
& Sutrinus Assistens.*

INcœptum jamdiu opus per plures Romanos Pontifices de B. Catharina inter Cœlites recensenda, credo divinitus factum, ut perficiendum tandem in hoc tempus recideret, quo Tu catholicæ Ecclesiæ præes BEATISSIME PATER, cujus in hisce pertractandis rebus diu noctuque versati, pro ea qua polles scientia pene incredibili, exploratissimum est judicium. Siquidem in hac causa minimè ambigendum puto: Tot enim virtutum omnium, quæ in eminentiori gradu adornandam illustrandamque Virginem inter sese veluti conspirarunt, tamque præclara nobis monumenta, tot insuper Virorum Principum de admirabili ejus vita testimonia supersunt, & quod plus est Philippi Nerii & Mariæ Magdalenæ de Pazzis, quorum memoria in benedictione est, quosque proinde commemorare decet; ut æquum omnino appareat, illam, veluti unam de numero prudentum, in sanctarum Virginum Tabulas publicè venerandam referri.

ÆGIDIUS Isabelli Episcopus Alliphanus Assistens.

BEATISSIME PATER. *Scit omnis Populus, qui habitat intra portas Urbis, idest militantis Hierusalem, Catharinam de Ricciis fuisse virtutis tam eximiæ, ut Mulierem fortem sciscitanti obviam sit Fœmina illustis, cujus heroicæ virtutes plurimæ animique dotes excellæ adeo placuerunt cœlesti Sponso, ut eam in propriam agnoscens atque Crucis & plagarum suarum Stigmatibus obsignatam, innumeris propemodum cumula-verit donis, atque stupendis miraculis sat reddiderit præclaram: Opor-tet ergo, ut per medium SANCTITATIS VESTRÆ supremi Ecclesiæ Vigilis & Pastoris, idem Populus nunc sciat pergrandes ei cum Sanctis decretos fuisse honores, ut quam tot meritis undique onustam, divinisque cha-rismatibus tam liberaliter locupletatam, jam semper fuit admiratus, hu-millimis jugiter frequentet obsequiis, quæ ad calcandas arctissimas virtu-tum semitas universum aliarum Virginum Cœtum fortiter & suaviter excitent.*

JOANNES ANTONIUS Bachetoni Episcopus Anagninæ Assistens.

IN lucernis Tuis PATER BEATISSIME, mystica hæc Jerusalem jam scruta-ta est: Beatæ etenim Catharinæ de Ricciis nobilis Virginis Floren-tinæ, vix natæ & a Deo præordinatæ, Constitutiva Sanctitatis juxta eas, quas de Canonizatione Sanctorum inoffenso decurrendas pede, maximi nominis Doctor jamdiu absolutissimas dedisti Regulas, ita probata ma-nent, ut nil supersit quominus ea, quæ hæcenus Te Auctore & tam cla-ram præbente facem, peracta sunt, Te etiam Pontifice Summo definiente & declarante impleantur. Agnosce ergo BEATISSIME PATER, hanc Ovem: Ovem hanc tuam, jam divi Philippi Nerii, jam divæ Mariæ Magdalenæ de Pazzis, jam virtutum & miraculorum testimonio comprobata; quin imò ab ipsomet cujus geris vices, supremo Pastore vocatam & electam; electam sibi in Sponsam, electam in deliciis, suisque Stigmatibus signa-tam: Agnosce, inquam, hoc vas electionis charismatibus omnibus a-bundans & superfluens; & divino illo qui semper Pontificiæ Cathedræ præsto est, spiritu afflatus hac tam prudenti, tam Deo & Proximo soli-citâ, & lampadibus tam plenis paratâ de quinque Virginibus Virgine, quintum Divum Canonizationis solemniis, quæ tanto studio tantaque af-fiduitate disponis, adde & comple: Novum Hetruriæ opportuno tempore mitte præsidium: Obsecranti Prædicatorum Ordini novum decus: Et Pontificatus Tui augustissima & intemerata monumenta auge, atque æter-nitati commenda BEATISSIME PATER.

FRAN-

FRANCISCUS ANTONIUS *Spadea Episcopus Aquinas*
& *Fregellarum Afsistens*.

BEATISSIME PATER. Non splendet tot stellis Cœlum sicut inclytus Prædicatorum Ordo tot syderibus fulgentissimis Sanctorum utriusque sexus ornatur. Horum duo inter cetera nobis contemplanda se offerunt. Unum scilicet Catharina Senensis jamdudum Sanctorum Fastis adscripta, alterum Catharina de Ricciis Florentina a diuturno domicilio Pratenfis postremò inter Beatas adjuncta. Duo hæc luminaria ita æqualiter inter se lineata, & a divinâ gratiâ elaborata noscuntur, ut unum potius, quàm duo sint dicenda. Utraque enim a teneris usque annis præventa fuit in benedictionibus dulcedinis, atque ad summæ Sanctitatis apicem elevata, & utraque eodem charitatis igne succensa divinis charismatibus apparuit repleta. Quid enim virtutis in una præluxit, quod in altera desiderari queat? Non humilitas totius sanctimonie fundamentum, non patientia in adversis, non pœnitentiæ rigor, non altissimæ contemplationis munus, non prophetiæ spiritus, non discretio spirituum, non scrutatio cordium, non miraculorum multitudo: Ambæ æquali sorte ab eodem Sponso Jesu Corona Virginum, pronubâ ipsâ Deiparâ pretiosissimo cœlesti annulo desponsatæ, ambæ sacris Stigmatibus insignitæ ac spineo redimitæ diademate, ut vivæ essent Sponsi patientis imagines, & cum Apostolo dicere possent: Christo confixa sum Cruci & Stigmata Domini Jesu in corpore meo porto. In hoc tantum differre videntur, quod Senensis ætatem Sponsi tantum æquaverit: Pratenfis verò dupliciter vixerit, sed hoc in augmentum meritorum iltius cessit, ut ejus virtus tamquam aurum in fornace diu probaretur, & ejusdem Sanctitas inter morbos & voluntarias corporis afflictationes tam longè protractas plus nimio augeretur. Restat igitur BEATISSIME PATER, ut sicut Catharina Senensis Canonizationis honore decorata fuit, ita & altera Catharina de Ricciis Florentina Pratenfis a Sanctitate Vestra in Album describatur Sanctorum, ut hoc lucis orto sydere magis resplendeat catholica Ecclesia, & sacratissimus Prædicatorum Ordo mirabiliter illustretur.

LEO LUCAS *Vita Episcopus Oppidenfis Afsistens*.

BEATISSIME PATER. Inter cetera præcipua dona, quibus Altissimus cumulavit B. Catharinam de Ricciis, illud memoriæ proditum est, quod cum ferventiùs oraret, Deipara Virgo se conspiciendam præbuerit, Puerum Jesum in ejus sinu amantissimè collocaverit, & ab ipso Redemptore annulo suo fuerit desponsata, quod sufficit ad ejus solemnem Canonizationem. Cum enim desponsaverit eam Christus Dominus, etiam
coro-

coronam gloriæ recepit ab eo , quæ cum sit corona iustitiæ , necesse est , ut bonum opus præcesserit , & quod fuerit ex quinque prudentibus Virginitibus , quæ sumpserunt secum oleum cum lampadibus . Equidem bonum opus operata est B. Catharina de Ricciis , virtutum omnium , scilicet profundissimæ humilitatis , charitatis eximiæ , obedientiæ aliarumque , præcipuè verò virginalis integritatis , qua fidem Sponso ad mortem usque illibatam servavit . Cum igitur Christus Dominus sibi Sponsam elegerit , eique dederit coronam gloriæ in Cœlis , SANCTITAS VESTRA solemniter ritu declarare dignetur in terris . Hæc autem omnia supremo ac infallibili iudicio tuo BEATISSIME PATER , libenter submitto , qui Petri Cathedræ insides quique scientiarum omnium , præcipuè verò in historiis Servorum Dei & Canonizatione Sanctorum principem locum tenes .

SCIUM ILUMURI AT .



Lumura Caterinæ tæ Riccevet Eber̄ 2asc e Kalogree e sceitit Domenikæ , gnera saa roi mbaiti fert , fakienæ , e scemæliynæ ætæn ðoti Kyè Kriivoi , me pastriminæ efaaya . Pashifi , eumendua saa mænbi tæ scæmæteneg ede ðotit Christæ Kyæ na sepræblei me vet mundimet etiy . Ma pte me fukiynæ efaay nænç mundi tæ Kisektæ te Māe hiir . Yia ̄uroi vet Christi ðotæn me scegnet e mundime . vet kyæ itiposi mbæ tæ kriominæ Kufomæ tæ afaay Āà gnæ vasc āsttù ekriuræ , āsttù e munduaræ , ēe kakæ scium edæsciuræ caa ðotæn , ēe āsttù e nderturæ me scium scegne tæ sceitæ riis . Ist e ggiiggfæ tæ ndeersc ēe ti scium Ilumuri At . E tæ scruasç embrin efaay me tæ tierat scietæra vascia . Āsttù se tæ yeet , embri e fæ māes sciet Katerinæ kaa Siena , ēe ay i afaay , kiæ ist caa Fiorenza .

Josefi Schirò Archibiscupu i Durrhit , ēe Vicar Apostolyçu i Hymarrs ndæ Arbænit .

Ejusdem Versio latina .

JOSEPH Schirò Archiepiscopus Dyrrachinus olim Vicarius Apostolicus Cimaræ in Epiro .

BEATISSIME PATER . B. Catharina de Ricciis candidissima Virgo & Monialis Ordinis Prædicatorum , per admirabilem totius vitæ suæ innocentiam summi Dei Creatoris imaginem & similitudinem ad mortem usque perfectissimam servavit . Egit quoque omni conatu omnique adhi-

adhibita indulgentia, uti decebat dilectissimam Sponsam, ut sese etiam Deo Redemptori & in carne passio simillimam redderet; sed quod illa tentavit per austerissimam diuturnamque poenitentiam & non est assequuta, non sine stupendo dilectionis artificio divinus ipse Sponsus perfecit, imprimendo scilicet in ejus virgineo corpore singula pretiosæ Redemptionis nostræ signa ac vestigia. Virgini igitur innocenti & poenitenti, tantisque miraculis & eximie Sanctitatis ornamentis condecoratæ, æquum censeo, ut etiam sancta Mater Ecclesia coronidem addat. Ac per os tuum loquente divino Numine BEATISSIME PATER, magnæ in sanctarum Virginum Tabulis, ubi Catharinæ Senensis nomen, etiam Florentinæ adscribatur.

Alia ejusdem Archiepiscopi Versio Græca.

ΜΑΚΑΡΙΩΤΑΤΕ ΠΑΤΕΡ.



Ὅσα καὶ πανάμωμος παρθένη Αἰκατερίνα ἡ Ρίκκις, ἡ ἀσκητικῶς μονάζουσα ὑπὲρ τὴν κανόνα καὶ τῆς Ἱερουσαλὴμ κοινῆς λειτουργίας τάξεως, τῇ μὲν θαυμαστῇ τῆς βίης καθαρότητι τελειοτάτην ἐπήρσε τῷ τε εἰκόνα, ὁμοίωσιν τῆς ὑπερτάτης Θεῆς καὶ Κτίσεως μέχρι θανάτου, πάσῃ δὲ ἀπεδῆτε καὶ ὀπιμεία, ὡς εἰκοὶ φιλιότητι Νύμφη, ἠγωνίστατο ἑαυτὴν καθαρῶς ὁμοιοτάτῃ τῇ Λυξωτῇ, ὁσαύτως καὶ ἐν σερκὶ παθόντι Θεῷ. Ἀλλ' ἔτι καὶ ἀπὸ μὲν λίαν ἐπεσῆτο, δι' ἀσκητικῆς δεινότητος τε σκληροχωρίας τῆς σωματικῆς, ὀπιμύειν δὲ ἐκ ἡδυνάτου, τῷ δὲ δεινότητι αὐτὸς ὁ ἐπεσῆτος Νυμφίος Θεός, καὶ δὴ ἐκ χωρὶς ἐκστατικῆς, καὶ ὡραδότης τῆς ἀγάπης διπλοῦς ἐχρημάξας δηλαδὴ εἰς τὸ ταύτης παρθενικὸν σῶμα πάντα καθ' ἑκάστον, τὰ τῆς ἡμετέρας σωτηρίας ἀπολυξώσεως σημεῖα καὶ σημεία.

Παρθένη γὰρ ἀκέραια καὶ ἐν δεινῇ ἀσκήσει διαγαγέση, ἔτι δὲ καὶ τιλικέτοις τῆς ἀκέραιας ἀγωνιστικῆς περὶ τὴν καὶ σημείοις κοσμημένη, δίκαιον οἶμαι καὶ τῷ τῇ Ἐκκλησιᾷ Μητέρα ὀπιμύειν τὴν κορυφίδα· καὶ διὰ σώματος σε τῆς Θεῆς λαλῶντος, Μακαριώτατε Πάτερ, εἰς τὰ τῆς ἄλλων ἀγίων Παρθένων ἱερὰ διπλοῦς, ἔνθα τὸ ἐκ τῆς Σινᾶς χώρας Αἰκατερίνης μέγα ὄνομα, καὶ τὸ τῆς ἐκ τῆς Φλωρεντίας ὁμοῦ ἐχρημάτῃ.

Ἰωσήφ ἰσχυρὸς Ἀρχιεπίσκοπος Δυβέρχης, καὶ Πάτρις Ἀποστολικῶς ἐπίσκοπος τῆς ἐπαρχίας τῆς χαμαρρίας τῆς ἐν τῇ Ἡρώρει.

Ի՞նչ Երաւորեալան Հայր Երանեցեալ:



Իրժամ մտածեմ զՔաղսուծի Առաքինութեց, և Աբանչեթադուծութեց՝ որք են իմերքան զգոփութի, որովք զարդարեաց Արթն մեր՝ զԼոյսն Կատարինէ Ընչչի Ֆլորէնսացին: Առժամայն մտաբերեմ զԵրահոջակ ԱՔ ժողովն այն՝ որ համագումարեցել եղև ի քաղաքն Ֆլորէնցիա, որով և միաբանեցաւ Արեւելեան Եկեղեցին, և մանաւանդ զգգն Հայոց՝ ընդ Արեւմտեան Եկեղեցւոյ: Յորում ժամանակի ուր Լոյսն Կատարինէ՝ վառեցեալէր բորբոքմամբ ջանացողութե ի փրկութի կենդանի մեղանորաց, հերետիկոսաց, և սահաւանտից, և ևս տանջեցեալ հոգւոցն՝ հրով քաւարանի, և էր պատրաստ յօժարապի կրել զամ տանջանս սակս փրկութե նոցին: Ալսան որոյ՝ ով դերերանելի Հայր ԱՔն էս կարծեմ համանկատարիսն կարծեօք, Օհ միսչ գրեցես ի հաշուարանի ուրջ զանունն Երանելւոյ Լուսնիս այսորիկ Ֆլորէնսիացւոյ՝ զօգուտս մեծամեծս ընձեռես Արեւելեան ժողովրդոց: Քանզի յուսամ թէ զի շարժեցին ընդունակ աղօթիւք սորին առ ի համընդունիլ զայն ամ, զոր հրամայելէ այն ուր ժողովն: Եւ զլացողքն գորոյն քաւարանն՝ դառնայցեն ի կամակոր կարծեաց իւրեանց՝ առ ի հաւաքնդ ապի ստորադրել ճմրտութե:

Ասորիս Ալլեքսանդրեան Արք Եպոկոս
Էկեարիոյ Լատագոպկեան, Հայոց:

Ejusdem Versio latina .

SERGIUS ALEXANDRI Armenus Archiepiscopus Caesarea Cappadociae .

DUM Florentinam Virginem Catharinam de Ricciis cogito tot tantisque virtutum & miraculorum donis a Deo insignitam, in mentem mihi venit celeberrimum illud Concilium in Florentina Urbe celebratum, in quo Orientalis Ecclesia & praesertim Armena Romanam fidem professæ est. Catharinæ charitas tam erga viventes Peccatores, Hæreticos & Infideles, quàm erga solutas corporibus animas in Purgatorii poenis existentes, tanta erat tamque eximia, ut se ad quælibet pro illorum salute tormenta libentissimè Deo offerret, & voluntarios proprii corporis animique cruciatus pro eorumdem beneficio dicaret. Itaque

ere

е re Orientalium meorum fore cenſео , ut hanc Virginem Florentinam Sanctorum Faſtis SANCTITAS VESTRA adſcribat ; quo fiet ut ejus precibus & ſаcra illa Synodus animis Orientalium infideat , & qui fuerat ibi dam- natus , negantium Purgatorium error radicitus exſtirpetur .

STEPHANUS Evodius Aſſemanus Archiepiſcopus Apamee .

S Ibi ^a uni viro BEATISSIME PATER , deſpondit Chriſtus Virginem ca- ſtam B. Catharinam de Ricciis Monialem Profeſſam perilluſtris Præ- dicatorum Ordinis . Hæc verò ^b cogitavit quæ Domini eſſent , ut eſſet Sancta corpore & ſpiritu ^c , vas ſuum poſſideret in ſанctificatione & ho- nore ^d , ſibi que abeſſet gloriari , niſi in Cruce Domini Jeſu Chriſti , per quem ſibi mundus crucifixus erat , & ipſa mundo ^e . Chriſto confixa Cru- ci vivebat , jam non ipſa , vivebat verò in ea Chriſtus , cujus ^f Stigmata in corpore ſuo portabat , quia ^g *fortis eſt ut mors dilectio* . Ubi autem dile- ctum ſuum invenit Virgo prudens ^h , tenuit nec dimiſit , donec ipſam in- troduceret in æthereum thalamum . Cui itaque Miraculorum claritas cum omni virtutum laude conſonans teſtis adfulſit , id unum ſuper eſt ut eam BEATITUDO VESTRA ſанctarum Virginum Sponſarum ⁱ , Epiſcopo anima- rum noſtrarum Chriſto chariſſimarum Catalogo accenſeri decernat , at- que præcipiat .

Прѣѡсфннцїтѣ Пѣрннѣ .



РЕНЛЕГІУМЪЛЪ ЧЕ СФЪНТУЛЪ Францнскъ аѡ аѡтъ , де Семнеде ДНЪЛЪН Іс; ѡнъ трѡпулѣ ѡѡ аѡ пѡртатъ ; ачестѣ ДНЪѡѡ а доѡѡ Катарїнѣ , дннѣ ҃ннѡлѣ СФЪН- ТУЛЪН Домнннѣ Фечѡаре деѡѡѡѡ аѡ фѡкѡтъ . ҃н дннѣ Сннѣ , шн чен дннѣ Флоренцїѣ , кѡ амѡндоѡѡ ла Мѡнн , ла пнѡаре , шн ла нннмѡ сфннтеле ране ал: Мѡнн- тѡнторѡлѡн нострѡ де дѡмнеѡѡѡѡѡ пѡтере ѡпѡте аѡ пѡртатъ . ҃е чѣ д ѡ Флоренцїѣ кѡ ачѡста аѡ ѡнтрекѡтъ , ка спннѡѡѡѡ кѡ: нѡнѡ ѡнѡ капѣ шн ѡѡрма крѡчн ѡнѡ спѡте тнпѡрнѣ сѡле пѡарѡ те . Мннѡнатѡ ачѡстѡ ачѡлѡн рѡстнннѣ нѡѡнѡ , ашѡ бнне ѡнѡ трѡпѣ шн ѡнѡ сѡфлѡтъ нѡѡднѡтѡ , чнне сѡѡѡ ѡнѡдѡн , кѡ ѡнтрѡ сфннтеле Фечѡаре Сфннцїѣ тѣ ѡѡ нѡмѡрѣ нѡн пѡтѡѡ ? ѡнтра кѡрїѣ ла ѡнпѡрѡцїѣ черѡлѡн лѡѡтѡ , шн кнѡлѡн Фїѡлѡн лѡн ДНЪѡѡ аѡмѡнатѡ , бнрѡнре , шн СФЪНТА Мѡрїѣ Мѡгдѡлѡннѣ

l i i

ДЕЛА

^a 2. Cor. 11. ^b 1. Cor. 7. ^c 1. Thes. 4. ^d Gal. 6. ^e Gal. 2. ^f Gal. 6. ^g Cant. 8. ^h Cant. 3. ⁱ 1. Petr. 2.

ДЕЛА Паче ѿнѣхъ ѿнѣ бѣауѣ фѣннаѣ , дѣнѣхъ ашѣ рѣнаѣннаѣ , де
фауѣ афѣ фостѣ сѣ мѣртѣхънѣе .

Іоаннѣ Інѣ Казѣн Епископѣ Фѣгѣрашѣнѣ .

Ejusdem Versio latina .

JOANNES Innocentius Episcopus Fagarasensis .

QUOD sancti Francisci privilegium fuerat , ut Stigmata Domini Jesu in corpore suo portaret, hoc Deus duabus Catharinis Ordinis S. Dominici Virginibus commune fecit , Senensi nimirum & Florentinae , utraque enim ad manus , pedes & cor sacras Redemptoris cicatrices divina virtute insculptas gessit . Sed Florentina Virgo id prae ceteris singulare habuit , ut spinosum diadema in capite & Crucis vestigia in tergo impressa portaret . Admirabilis haec Crucifixi imago tam vivis coloribus in corpore & animâ expressa , quis dubitet quin inter sanctas Virgines a SANCTITATE VESTRA recenseri possit ? Cujus in coelesti Patria exceptae , & conformis imaginis filii Dei factae triumpho , etiam sancta Maria Magdalena de Pazzis , dum adhuc in vivis esset , Deo adeo illi favente interfuisse perhibetur .

BERNARDINUS Vari Episcopus Civitatis Castellanae & Hortae .

BEATISSIME PATER . Beata Catharina de Ricciis dum virginitatem suam Deo dicavit, eamdemque usque ad mortem exactissime custodivit , proculdubio se omnibus virtutibus ornatam ostendit . Virginitas enim paritur abstinentiâ , poenitentiâ , humilitate : alitur prudentiâ , fortitudine , obedientiâ : perficitur solitudine , silentio , charitate , oratione aliisque virtutibus ; omnes quippe virtutes circa virginitatem excubant , ut eam tueantur , servent & ornent . Quod si virginitas ut docet Ambrosius ^a , de Cœlo venit, necesse est , ut beata Catharina excellenti virginitate , imò tot virtutibus prædita in Cœlis resplendeat : Cumque hoc ipsum plura miracula prædicent , par est , ut per Ecclesiae judicium id totus Mundus agnoscat .

JACOBUS PHILIPPUS Consoli Episcopus Amerinus .

BEATISSIME PATER . Beata Catharina de Ricciis Parentibus pietate & nobilitate conspicuis Florentiae nata , eo Agro relicto , quo non nisi vepres & cardui Patrisfamilias sementem suffocantes abundant , alium

^a De virginib. lib. 1. c. 3. & 5.

lium sibi excolendum suscepit, ubi cultus utilior, ubi fructus uberior esset: Sacro igitur in Pratenſi ſancti Vincentii Monasterio Ordinis Prædicatorum habitu Religionis induto, nunquam ſatis explicari poteſt, quanta animi contentione glorioſas illas, quibus idem Ordo illuſtratus eſt, Virgines æmulari niteretur, ut opus nempe ſuum magno præmio deſtinatum conſummaret, & Domino a quo mercedem expromiſſæ virginitatis expectabat, placeret, creſcens ætate creſcebat ibi ſapientiâ atque prudentiâ, & ambulans de virtute in virtutem, ut Deum Deorum videret in Sion, virtutum omnium demiſſimæ præcipuè humilitatis atque ardentiffimæ charitatis exemplar effecta eſt; vitam propemodum coeleſtem agens in terris crebrò ſupernæ ſuavitatis dulcedinem præguſtavit, & de illo Torrente voluptatis quo nunc potatur in Patria, etiam in via bibit, atque eo tunc demum inebriata eſt, cum vel Deiparæ, vel Pueri Jeſus in quem deſiderant Angeli proſpicere, aſpectu amplexibusque frueretur.

Odoratus autem Dominus tantarum virtutum odorem, quibus in gradu heroico ab ortu fere ſui uſque ad occaſum Catharina refulſit, non his tantum coeleſtibus beneficiis ſuæ Sponſæ Sanctitatem comprobavit, ſed & miracula adjecit, quibus rite legitimèque probatis Decretum de ejus peragenda Canonizatione jam pridem PATER SANCTISSIME pronunciare dignatus es: Quibus propterea ſtantibus hanc Virginem, quam ſemper Dominus vigilantem invenit, veramque Chriſti Sponſam ſacris ab eo Stigmatibus condecoratam, & Coronâ ſpineâ tranſfixam, annulo deſponſatam, dulciſſimoque amplexu delectam, atque hinc in Coelis per amoëna virentia ſequentem Agnum quocumque ierit, ne ultra PATER BEATISSIME, inter ſanctas Virgines adſcribere protrahas; humillimè deprecor.

JOSEPH Coppola Episcopus Aquilanus.

CAnonizatio B. Catharinæ de Ricciis ad hæc uſque tempora tamdiu protracta, jure quidem & meritò Tibi utpote in hoc maximè omnium, quotquot fuerunt, Romanorum Pontificum ſcientiſſimo reſervata eſt. Opus igitur ab Urbano VIII. rite inchoatum quodque Clemens XI. Benedictus XIII., & Clemens XII. proſecuti ſunt, feliciter abſolve, & ſapientem Virginem Catharinam, quam Dominus ſemper vigilantem invenit, Sanctarum Diphthycis decorans, ad veram tutamque pacis viam per quam divum Philippum Nerium popularem ſuum aſcendentem vidit in Coelum, omnes in Chriſto credentes manuducere, illius imitatione dignetur.

JOSEPH Roffi Episcopus Venafranus.

Beaata Catharina de Ricciis Monialis inclyti Prædicatorum Ordinis una est de numero prudentum Virgo, cui oleum non defuit, quin lampade accensa cœlesti æterno Sponso obviamiret; sollicita enim BEATISSIME PATER, semper fuit, ne ignis ille divini amoris quo ardebat, extingueretur vel tepesceret, imò magis magisque augetur; quapropter Christus Dominus cœlestis Sponsus Redemptionis Stigmata Catharinæ corpori impressit, & in acerbissimæ Passionis suæ tormentis corpori extrinsecus, & cordi intrinsecus communicatis, Catharinæ erga divinum Sponsum charitatem, & Sponsi divini erga illam amorem perfectissimum testatus est; & insuper ipsa Beatissima Deipara Virgo Maria se conspiciendam cum Puero suo præbuit, & Puerum ipsum Jesum in ejus sinu amantissimè collocavit, atque eademmet Deiparâ pronubâ, datâ dexterâ, pretioso cœlestique annulo fuit desponsata. Hæc & multa plura charitatis argumenta inter plaudentes Angelorum Choros in cœlestem Patriam immenso suscepta fuit cum gaudio, & coronam accepit, quam cœlestis Sponsus sibi præparaverat. Virginis igitur, quæ nos in virtute præcessit, diligenter sequamur exempla, & sedula devotione colamus in Aris.

JOANNES FRANCISCUS Cavallini Episcopus Alatrinus.

Insigne heroicarum virtutum ac præsertim maximæ erga Redemptorem nostrum charitatis, quibus enituit beata Catharina de Ricciis, exhibent testimonium sacra Stigmata ejus corpori altè profundèque insculpta, atque acerbissimi Dominicæ Passionis dolores singulis hebdomadis per longum duodecim annorum cursum renovati. Quod quidem divini amoris argumentum in suam Sponsam expressum tot subinde miraculis meruit probari, ut iis de more a Sanctitate Vestra admissis, id unum superesse videatur, quod dignissima Virgo inter Cœlites referri omnino debeat, sicuti & ipse censeo supremo SANCTITATIS VESTRÆ Judicio me ipsum humillimè submittens.

NICOLAUS Gioffi Episcopus Soranus.

Quæcumque de beata Catharina de Ricciis comprobata referuntur, ea manifestissimè ostendunt, beatam Catharinam non solum in terris angelicam egisse vitam, verum etiam sempiterna in Cœlis beatitudine gaudere. Innocentiæ candor, frequentia cum Angelis, cum beata Virgine Maria, cum Jesu Christo, qui sibi eam Sponsam elegerat, colloquia, eximie virtutes, res præclarè gestæ, tot miracula testimonia equidem sunt

sunt locupletissima. Sed auctoritas ipsa sancti Philippi Nerii in ejusdem Canonizationis Bulla confirmata, & attestatio sanctæ Mariæ Magdalene de Pazzis, cui a Deo ut triumpho ad ingressum beatæ Catharinæ in Cœlis celebrato interesset, impertitum fuit, postulant ut Catharinæ eadem, qua Philippus & Maria Magdalena recoluntur, veneratio per SANCTITATEM TUAM decernatur.

JOANNES ANTONIUS Castelli Episcopus Catharensis.

ET vita B. Catharinæ de Ricciis & res ab ea sanctè præclarèque gestæ id tandem a BEATITUDINE VESTRA postulant, ut in sanctarum Virginum numerum referatur. Etenim jamusque ab ineunte infantia castissimis integerrimisque moribus fuit; obedientiam, paupertatem, humilitatem maximè coluit consequutaque est, ut & Stigmatibus Christi Servatoris Cruci affixi insignita, & donis aucta, & prodigiis clara ex ærumnis hujusce Mundi ad Beatorum patriam migraret. Quamobrem votis Ecclesiæ universæ mea quoque adjungo, atque a SANCTITATE VESTRA humillimè postulo, ut ei cultus exhibeatur is, qui ceteris sanctis Virginibus meritò exhibetur.

NICOLAUS MARIA Calcagninus Episcopus Civitatis Ducalis.

Electa Christi Sponsa B. Catharina de Ricciis inclyti Ordinis S. Dominici lilium, alterius Catharinæ Senensis æmula arduum perfectionis iter, quod a teneris annis arripuit, Deo postea consecrata tantâ animi contentione prosequuta est, ut virtutum omnium exercitio, & quidem in gradu heroico Monialibus ceteris præluxerit. Maxima illius in pauperes liberalitas, humilitas profunda, exacta obedientia, invicta in laboribus fortitudo sunt virtutes illæ, quibus veluti monilibus ornatam Sponsam suam Dominus concupivit. Præcipuum verò quod in hac Virgine admiramur spirituale ornamentum, est ardor supernæ contemplationis, cujus dulcedine perfusa æstuque voluptatis abrepta gratiis cumulari, atque impressione sacrorum Stigmatum imagini Redemptoris nostri Jesu Christi meruit fieri conformis. Hanc igitur prudentem Virginem tot ac tantis præclarissimis charismatibus, dum viveret a cœlesti Sponso condecoratam, signisque post obitum illustratam, in sanctarum Virginum Fastis jure meritò a SANCTITATE VESTRA describendam esse affirmo.

D. INNOCENTIUS Gorgoni Episcopus Pinnensis & Hadriensis .

BEATA Catharina de Ricciis eximia puritate ac divinarum rerum contemplatione ab ipsa infantia celebris, Sanctimonialium Ordinis Prædicatorum Institutum professa, ita in Dei amore ac supernis virtutibus profecit, ut & digna Christo Sponsa habita ac cœlestibus favoribus declarata, & singularis ipsius Sanctitas a sanctis Philippo Nerio, ac Maria Magdalena de Pazzis divinitus agnita, palam prædicata, ac multis a Deo miraculis in vita & post mortem confirmata fuerit; quamobrem dignam ipsam censeo, quæ supremâ qua Tu polles auctoritate, in Sanctorum Censum referatur.

Sententiis omnium auditis, hæc subjecit Pontifex novas preces indicens, & celebrandæ quinque Beatorum Canonizationi diem designans vigesimum nonum currentis Junii, qui SS. Petri & Pauli Apostolorum martyrio erat consecratus.

VENERABILES FRATRES . Maximam fanè voluptatem percepimus ex suffragiis vestris, quæ solemnem beatæ Catharinæ de Ricciis Canonizationem deposcunt. Eandem prorsus latitiam sensimus in quatuor præcedentibus Consistoriis, in quibus suffragia tulistis de Causis aliorum quatuor Beatorum, de quorum Canonizatione pariter agebatur. Itaque, Deo juvante, diem vigesimum nonum hujus mensis Junii, qui Sanctorum Petri & Pauli Apostolorum Festo celebrando consecratur; illum, inquam, diem constituimus, ut ritu solemni, numero Sanctorum adscribamus quinque Beatos, nempe Fidelem a Sigmaringa, Camillum de Lellis, Petrum Regalatum, Josephum a Lionissa, ac Catharinam de Ricciis. Interea preces vestras ad Deum convertite, ac vehementer ab ipso exposcite, ut ope sua potentissima cœlestique inspiratione

ratione Nobis adsit propitius, suumque lumen impertiat, ut hanc rem gravissimam perficiamus ad gloriam Divini Nominis augendam, catholicam Fidem magis efferendam, & christianam Religionem propagandam.

Cognitæ Patribus jam inde a principio Consistorii Protonotariorum & Procuratoris Fiscalis absentia pro re nata & potestate sua consuluit Pontifex; novissimi hujus enim sibi vindicavit munus; quod verò ad primos spectabat, id Cæremoniarum Præfecto commisit, & ne novitas perturbaret animos, accomodatâ oratione, licet ex tempore suadere studuit, hoc ab Cæremoniariorum Apostolicorum officio alienum non esse censendum; quippe qui de actu omnium præcellentissimo, de Canonica scilicet novi Summi Pontificis electione ejusque dignitatis acceptatione semper & quodcumque contingat, sese rogare solent; quapropter satis consonum videri & æquum, si Protonotario Magistrum Cæremoniarum in hoc munere sufficeret. Hic itaque Pontificiis obtemperans Mandatis, unum aut plura Instrumenta se confecturum promisit appellatis testibus, qui aderant Pontificis Familiaribus, & consuetis usus verbis: *Conficiam. Vobis Testibus*: Ita utriusque Consistorii Actio absoluta Coetusque prope meridiem dimissus.

I N N O M I N E D O M I N I A M E N .

PAteat in perpetuum cunctis omnibus ubique ac evidenter notum sit singulis præsens hoc publicum Instrumentum Sanctissimi Domini Nostri BENEDICTI Divina Providentia Papæ XIV. jussu editum lecturis pariter vel audituris, quod anno a Dominica Incarnatione millesimo septingentesimo quadragesimo sexto Indictione nona: Die vero 14. mensis Junii feria tertia: Pontificatus autem ejusdem Sanctissimi Domini Nostri Papæ anno sexto: Cum idem Sanctissimus Pater in Consistorio semipublico, ultimo quidem ex quinque, quæ pro absolvendis Causis beatorum, Fidelis nempe a Sigmaringa, Camilli de Lellis, Petri Regalati, Josephi a Leonissa, & Catharinæ de Ricciis jam indixerat, assideret, in eoque ex ordine Causa B. Catharinæ foret pertractanda, animadvertum est Protonotarios Apostolicos de numero Participantium, quorum interest Acta omnia colligere, & super his publicum vel publica, unum aut plura conficere Instrumentum vel Instrumenta, etsi specialiter admonitos, a præfato Consistorio abesse, unaque simul cum ipsis Procuratorem Fiscalem Reverendæ Cameræ Apostolicæ, cujus est apud eodem Protonotarios Pontificis nomine instare, ut ea quæ pertractantur
in pu-

in publicis referant Tabulis : Ne ab hominum memoria abscederet integra hujus Consistorii series , deque isto pariter prout de aliis per ipsosmet Protonotarios actum jam fuerat , perenne ad Posteror promanaret documentum tam disertissimæ Allocutionis , qua Summus idem Pontifex Actionem Consistorialem incepit , quàm suffragiorum , quibus Eminentissimi ac Reverendissimi Domini Cardinales , necnon Reverendissimi Patriarchæ , Archiepiscopi , & Episcopi omnes in Urbe degentes , & ad hoc speciatim etiam Sanctitatis Suae nomine per literas Secretarii Congregationis sacri Concilii Tridentini acciti , apud eundem Sanctissimum pro complemento solemnæ Canonizationis indictæ suppliciter insteterunt : Mihi infra scripto Primo Apostolicarum Cæremoniarum Magistro , ac Apostolicæ Sedis Notario , Protonotario nuncupato stupentibus ac admirantibus omnibus promptitudinem animi , ingenii felicitatem ac providam Sanctitatis Suae curam , qua inopinatis etiam casibus extemporaneè consulit , formaliter injunxit , mandando ut unum vel plura eorundem Protonotariorum de numero Participantium , ut dictum est , absentium loco publicum Instrumentum , vel Instrumenta conficerem super sententiis , consilio & unanimi consensu tum Reverendissimorum DD. Cardinalium , necnon Patriarcharum , Archiepiscoporum , Episcoporum , deque Summi Pontificis oratione & deliberatione super solemnæ Canonizatione B. Catharinæ de Ricciis unacum aliis quatuor suppræcensitis Beatis habenda in Basilica Vaticana die 29. præsentis mensis Junii Sanctorum Apostolorum Petri & Pauli hujus Almæ Urbis Patronorum Principalium Martyrio consecrata , Cujus suprema mandata venerabundus excepi , atque in genua provolutus respondi : *Conficiam* : & ad Familiæ Pontificis conversus advocando eos in Testes , dixi : *Vobis Testibus* :

Quare ut injuncto mihi muneri faciam satis , Actorum omnium seriem hic referendo testor , quod hodie idem Sanctissimus Dominus Noster BENEDICTUS Divina Providentia Papa XIV. hora 13. de suis intimis Cubiculis Palatii Apostolici Quirinalis in Aula Paramentorum jam Faldâ præcinctus processit , ibique per Eminentissimos de Marinis , & Albanum Diaconos Cardinales antiquiores fuit sacris indutus vestibus unacum Pluviali rubro & Mitra simplici redimitus : Tum præeunte Papali Cruce ab Auditore Rotæ ex more delatâ exijt in illam Aulam , quæ loco Ducalis substituta fuerat , pro Consistorio paratam : Statim ac fuit in sede compositus , sacre Consistorialis Aulæ Custos per consueta verba : *Extra omnes* : Cunctos admonuit , ut foras exirent : Clausisque subinde januis Papa cum Cardinalibus secretum habuit Consistorium , a cuius negotiis expeditus mandavit , ut Patriarchæ , Archiepiscopi & Episcopi suffragaturi intromitterentur ; sicque executioni cum fuerit demandatum , injunxit , ut nemo ampliùs intus accederet , etsi ex postea adventaret , ne inceptam actionem suo deturbaret ingressu : Cum itaque accidisset ,

diffet, quod Protonotarii & Procurator Fiscalis ducti forsan spe, ut secretum Consistorium longiori tempore esset duraturum, tardiùs quàm opus erat, Quirinale petjissent præ foribus remanere coacti sunt. Confidentibus igitur Eminentissimis DD. Cardinalibus, ceterisque aliis stantibus præfatam habuit Papa Allocutionem; eaque expletâ qui stabant, assiderunt: Tunc Eminentissimus Carafa Episcopus Albanensis, utpote inter præsentés Cardinales omnibus antiquior primus protulit sententiam suam, & instetit apud Sanctitatem Suam, ut beatam Catharinam de Ricciis inter sanctas Virgines allegeret: Non absimili voto eundem Sanctissimum Patrem rogarunt præsentés alii Eminentissimi Cardinales nempe.

- Franciscus Tituli S. Mariæ Transtiberim S. R. E. Presbyter Cardinalis Burghefius.
- Antonius Xaverius Tit. S. Stephani in Monte Coelio S. R. E. Presbyter Cardinalis de Gentilibus.
- Fr. Joannes Antonius Tit. SS. Silvestri & Martini in Montibus S. R. E. Presbyter Cardinalis Guadagni.
- Trojanus Tit. S. Cæciliæ S. R. E. Presbyter Cardinalis de Acquaviva.
- Dominicus Tit. SS. XII. Apostolorum S. R. E. Presbyter Cardinalis Riviera.
- Joannes Baptista Tit. S. Mariæ Angelorum S. R. E. Presbyter Cardinalis Spinola.
- Raynerius Tit. S. Sabinæ S. R. E. Presbyter Cardinalis de Ilcio.
- Dominicus Tit. S. Bernardi S. R. E. Presbyter Cardinalis Passionei.
- Silvius Tit. S. Priscæ S. R. E. Presbyter Cardinalis de Valentibus.
- Fr. Joachimus Tit. SS. Quatuor Coronatorum S. R. E. Presbyter Cardinalis Portocarrero.
- Camillus Tit. SS. Joannis & Pauli S. R. E. Presbyter Cardinalis Paulutius.
- Carolus Albertus Guidobonus Tit. S. Mariæ de Pace S. R. E. Presbyter Cardinalis Cavalchinus.
- Fridericus Tit. S. Pancratii S. R. E. Presbyter Cardinalis Lantes.
- Franciscus Tit. S. Mariæ de Populo S. R. E. Presbyter Cardinalis Riccius.
- Antonius Tit. S. Silvestri in Capite S. R. E. Presbyter Cardinalis Rufus.
- Philippus Maria Tit. S. Agnetis extra Moenia S. R. E. Presbyter Cardinalis de Montibus.
- D. Fortunatus Tit. S. Matthæi in Merulana S. R. E. Presbyter Cardinalis Tamburinus.
- D. Joachimus Tit. S. Crucis in Hierusalem S. R. E. Presbyter Cardinalis Besutius.
- Carolus S. Mariæ in Via Lata Diaconus S. R. E. Cardinalis Marini.
- K k k
- Ale-

Alexander S. Mariæ ad Martyres Diaconus S. R. E. Cardinalis Albanus .
 Nerius S. Eustachii Diaconus S. R. E. Cardinalis Corsinus .
 Agapitus S. Agathæ in Suburra Diaconus S. R. E. Cardinalis Mosca .
 Carolus Maria S. Mariæ in Porticu Diaconus S. R. E. Cardinalis Sacripantes .
 Marius SS. Cosmæ & Damiani Diaconus S. R. E. Cardinalis Bologneggus .
 Prosper S. Georgii in Velabro Diaconus S. R. E. Cardinalis Columna de Sciarra .
 Alexander S. Mariæ in Aquiro Diaconus S. R. E. Cardinalis Tanarius .
 Hieronymus S. Adriani Diaconus S. R. E. Cardinalis Bardi .
 Dominicus SS. Viti & Modesti Diaconus S. R. E. Cardinalis Urfinus .

Postquam DD. Cardinales a suffragiis se expedivere , adstantes Patriarchæ , Archiepiscopi & Episcopi supplices & ipsi apud Sanctissimum Dominum Nostrum sigillatim assurgendo dum loquebantur , pro ejusdem Beatæ Canonizatione insteterunt . Erant hi RR.PP. DD.

Antonius Maria Pallavicinus Patriarcha Antiochenus .
 Thomas Cervini Patriarcha Hierosolymitanus .
 Alexander Borgia Archiepiscopus Firmianus .
 Felix Solatius Archiepiscopus Thebarum .
 Gabriel Eva Archiepiscopus Cypri Syrus , qui patrio prius , deinde latino idiomate tulit suffragium .
 Joannes Andreas Tria Archiepiscopus Tyri .
 Simon Gritti Archiepiscopus Tyanen .
 Joseph Maria Ferroni Archiepiscopus Damascenus .
 Joannes Franciscus Stoppani Archiepiscopus Corinthi .
 Michael de Palma Archiepiscopus Theatinus .
 Stanislaus Poliaftri Archiepiscopus Rossanen .
 Ferdinandus Maria de Rubeis Archiepiscopus Tarfi .
 Michael Maria Vincentini Archiepiscopus Theodosiæ .
 Nicolaus Carafa Archiepiscopus Philippensis .
 Antonius Fonseca Episcopus Æsinus .
 Antonius Xaverius Santamaria Episcopus Cyrenen .
 Bernardus Antonius Pizzella Episcopus Constantien .
 Ludovicus Antonius Valdina , olim Cremona Episcopus Hermopolitanus .
 Fabricius Borgia Episcopus Ferentinus .
 Nicolaus Spinelli Episcopus Averfanus .
 Hippolytus e Rubeis S. Secundi Episcopus Senogallien .

D. Paulus Thomas Marana Episcopus Asculanus in Piceno .
 Fr. Silvester Merani Episcopus Porphyriensis .
 Antonius Amalphitanus Episcopus Ortonen. & Campelen.
 Antonius Cantoni Episcopus Faventinus .
 Cæsar Bonajuti Episcopus Pharenfis .
 Paulus Bonavisa Episcopus Spoletinus .
 Marius Maffei Episcopus Fulginatensis .
 Guido Urfellus Episcopus Cæsenæ .
 Hyacinthus de Silvestris Episcopus Nepesinus & Sutrinus .
 Ægidius Antonius Isabelli Episcopus Alliphanus .
 Joannes Antonius Bachetoni Episcopus Anagninus .
 Franciscus Antonius Spadea Episcopus Aquinas & Fregellarum .
 Leo Lucas Vita Episcopus Oppiden.

*Omnes Pontificio Solio Assistentes , quibus pari ritu & unanimi sententia
 Episcopi non Assistentes in emittendis pro Canonizatione suffragiis
 accesserunt . Videlicet RR. PP. DD.*

Joseph Schirò Archiepiscopus Dyrrhachinus , qui patrio prius ,
 deinde latino idiomate tulit suffragium .
 Sergius Alexandri Armenus Archiepiscopus Cæsareæ Cappadociæ ,
 qui patrio prius , deinde latino idiomate tulit suffragium .
 Stephanus Assemanus Archiepiscopus Apameæ .
 Joannes Innocentius Episcopus Fagarasiensis , patrio prius , deinde
 latino idiomate suffragium emisit .
 Bernardinus Vari Episcopus Civitatis Castellanae & Hortæ .
 Jacobus Philippus Consoli Episcopus Amerinus .
 Joseph Coppola Episcopus Aquilanus .
 Joseph de Rubeis Episcopus Venafranus .
 Joannes Franciscus Cavallini Episcopus Alatrinus .
 Nicolaus Cioffi Episcopus Soranus .
 Joannes Antonius Castelli Episcopus Catharensis .
 Nicolaus Maria Calcagnini Episcopus Civitatis Ducalis .
 Innocentius Gorgonius Episcopus Pinnen. & Hadrien.

Consistoriali Actioni finem tandem imposuit altera brevis Sanctissimi
 Allocutio , a qua cum esset expeditus , stante Procuratoris Fiscalis &
 Protonotariorum Participantium absentia , demandavit mihi ut supra re-
 latum est , quod præsens hoc prout exequor , conficerem Instrumentum.

Acta sunt hæc in Quirinali Palatio die , mense & anno , quibus su-
 pra adstantibus DD. Paulo Zani Bononiensi , & Josepho Maria Puoti

Neapolitano ab intimo Sanctitatis Suæ Cubiculo Testibus ad hoc specialiter adhibitis, atque rogatis.

Ita est &c.

Ignatius Reali Apostolicis Cæremoniis Præfectus.

Loco † Signi.

Consistorialibus Actionibus coronidem imponant etiam nunc, quæ adnectuntur, suffragia DD. Cardinalium, necnon Patriarcharum, Archiepiscoporum & Episcoporum absentium ab illis.

*THOMAS Episcopus Ostiensis & Veliternensis Sacri Collegii Decanus,
Vice-Cancellarius Cardinalis Rufus.*

NON absque peculiari divinæ Providentiæ consilio contingere arbitror, ut SANCTITAS VESTRA quatuor Viris ex fortibus Israel ad bella Domini doctissimis simulque B. Catharinæ de Ricciis Religiosissimæ Dominicanæ Disciplinæ Sectatricis Sanctorum cultum solemniter decernere cogitet. Hæc namque ab ipso ætatis diluculo agere incipiens, & pati fortia omnium humani generis hostium superavit insidias, viresque protrivit. Assidua ac pene ad miraculum jejunia; corporis a flagris, a ciliciis, a ferreis catenis afflictationes, transmissæ inter orandum aliaque pia opera integræ fere noctes, vulgaria hæc erant virtutum ejus exercitia; virtutibus quidem omnibus sed divinæ præsertim charitati libtabat: Eratque ipsamet ejus sacrificii victima, quam incendebat ac veluti decinerabat, quæ fortis est ut mors dilectio. Hinc ejus oratio sine intermissione, & perpetuus ille in Christi Domini passionem, doloresque affectus, atque ejusdem e Cruce pendentis contemplatio amoris plena. Hinc quoque Proximi dilectio nunquam non ignea in Catharina fuit, illius tamen corporis opportunitatibus ita aderat, ut ardentius curaret animas & spiritualia commoda. Ita verò commiserabatur peccantium flatum, ut impensè non semel a Domino petierit, ut tela quæ in illos elimaverat, in eandem ipsam jaceret, atque exaudita gratulabatur magnopere ab aliorum traducta ad suum caput supplicia. Jure itaque optimo Mulierem hanc fortem, heroicarum virtutum meritis adeo illustrem, omnium charismatum donis præluentem, & plurium miraculorum luce coruscantem, Sanctam esse & debito Sanctis cultu esse honorandam, SANCTITAS VESTRA suprema qua pollet auctoritate, pronuntiabit.

*ANNIBAL Episcopus Portuensis Cardinalis Albanus
S. Clementis nuncupatus.*

BEATA Catharina de Ricciis Monialis Virgo ex Ordine Prædicatorum tam eximia morum sanctitate claruit, ut nulla vitæ ejus pars fuerit, quæ christiana virtute non maximè spectetur & habeatur illustris. Aucta in dies ætas perfectionem addidit, protractumque tempus admirabiliora exhibuit spectatæ sanctitatis incrementa. Illa Virgines Deo sacras, inter quas fuit adscripta & vixit; illa seculares homines variæ conditionis & ordinis ad virtutem inflammavit, illa compluribus saluti fuit, illa denique a Civibus perinde ac Exteris, quibus innotuit, celebrata est. Multi etiam Sanctæ Romanæ Ecclesiæ Cardinales amplissimi, quorum tres nimirum Cervinus, Mediceus & Aldobrandinus Summi Pontifices evasere, alique Viri Principes supremo Urbium ac Regionum imperio clari, præsentibus sunt ipsam venerati. Admirabilem Catharinæ sanctitatem divinitus cognitam S. Philippus Neri, & S. Maria Magdalena de Pazzis suspexerunt. Venerando religiosæ vitæ exemplo, donisque cœlestibus longe præcipuis, quibus a Deo affluenter ditata fuit, altera S. Catharina Senensis est habita. Neque id mirum. Ita enim Catharina de Ricciis in terris egit, ut planè animo, corde, spiritu tota in Deum rapta videretur; sibi que penitus mortua uni Deo ejusque gloriæ viveret. Digna proinde illo honore est, qui ceteris sanctis hominibus ex Apostolicæ Sedis præscripto tribui solet: Quum illis nullâ parte Catharina sit inferior.

*VINCENTIUS Episcopus Prænestinus Cardinalis Petra
Major Pœnitentiarius.*

NON est, cur B. Catharinæ de Ricciis Virginis Ordinis Prædicatorum sanctitatem pluribus prædicem, quam cum viveret multi Episcopi & Cardinales, qui spiritum ejus probant, dignam esse dixerunt, quæ in Album sanctarum Virginum referretur. Ea namque cum spretis amplissimæ domus divitiis, relictæque Patria in Monasterio sancti Vincentii Civitatis Prati in Etruria Institutum sancti Dominici fuisset amplexa, nihil antiquius habuit, quàm ut mortificationem Jesu semper in suo corpore circumferret. Pertulit ea quidem acerbissimos cruciatus ob Jesu Servatoris amorem, quo maximopere flagrabat, obtinuitque, ut Coronâ spinæ suum caput transfigeretur, & Stigmata Domini Jesu in corpore suo portaret. Humilitate, obedientia, virginitate, paupertate, charitate, misericordia, omnibus denique virtutibus clara, insignisque dono miraculorum a cœlesti Sponso in Cœlum evecta est, ubi gloria sempiterna frueretur. Quare nemo Catholicorum est, qui non desideret, ut ei novum decus per solemnem Canonizationem accedat.

JOSEPH Episcopus Tusculanus Cardinalis Accorambonus .

QUoniam Deo Optimo Maximo , cujus fermocinatio est cum simplicibus , nedum placuit præclara beatæ Catharinæ merita supernis charismatibus , cum viveret , liberaliter cumulare , verùm etiam uberriam qua nunc in Cœlis fruitur , gloriam singularibus miraculis testatam facere : Jure proinde meritoque SANCTITAS VESTRA eam Divorum Fastis adscribet .

VINCENTIUS Episcopus Sabinensis Cardinalis Bichius .

PROfectò Virgo sapiens fuit beata Catharina de Ricciis Monialis professæ in Monasterio Pratenfi Ordinis Prædicatorum , quæ in diebus peregrinationis suæ divini spiritus infusione Apostolicum consilium secuta cogitavit quæ sunt Domini , ut esset sancta corpore & spiritu , atque cum cœlesti Sponso in beata regnaret æternitate . Nec in præconcepto desiderio defuit Catharinæ divina gratia , quæ illam specialibus prosequuta beneficiis , ea omnia mirabilia ipsi concessit , quæ de sanctis Virginibus Rosa Limana , & Agnete a Monte Politiano in earum Canonizationum Apostolicis literis continentur . Impletum vidit Catharina Oraculum divinum : *Sponsabo Te mihi in fide* ; & factâ Sponsâ Christi , illius experta fuit Passionem , ut cum ipso esset in cœlesti gloria . Hujus B. Catharinæ magnum fuit sanctitatis indicium , quod ipsa Prati commorans S. Philippi Nerii Romæ degentis præsentem habuerit aspectum , ipsumque fuerit allocuta , ut testatur Bulla Canonizationis ejusdem S. Philippi ; cumque plena meritis beata Catharina ad Cœlum evolasset , tanta sunt ejus miraculorum post mortem patratorum testimonia , ut de illius sanctitate non sit relictus ambigendi locus ; & ideo mereatur inter sanctas Virgines adscribi .

*NICOLAUS MARIA Tit. S. Petri ad Vincula Presbyter
Cardinalis Lercari .*

GLoriosas Ordinis Prædicatorum Virgines æmulata beata Catharina de Ricciis , oratione , humilitate , altissima rerum cœlestium contemplatione , ac divini amoris ardore adeo fuit eis simillima , ut parem cum eis cœlestium donorum partem in terris vivens receperit , eadem in corpore suo patentia signa portaverit , eandemque in Cœlis coronam vitæ inde promeruerit : Quod cum testatum faciant miracula ac prodigia ejus intercessione divinitus patrata , meritò catholicæ Ecclesiæ Fastos ejus nomine augeri enixè postulamus .

RAPHAEL COSIMUS *Tit. S. Marcelli Presbyter*
Cardinalis de Hieronymis .

BEATISSIME PATER . Sponsus divinus qui pascitur inter lilia , pulcherrimos in sacris hortis excolere consuevit flores , quorum coelesti odore ad Angelicam Virginitatis virtutem suaviter capta B. Virgo Catharina de Ricciis , tanto divini amoris æstu in mediis Virginitatis nivibus arsit , tantaque ejus fuit coelestium virtutum fragrantia , ut coelestem Sponsum allegerit ad illam annulo subarrhandam . Illam igitur quam Deus ante & post mortem miraculis quoque dignatus est illustrare , Sanctarum numero adscribendam a SANCTITATE VESTRA dignam existimo ad solatium non minus quàm ad exemplum ceterorum Fidelium , qui eandem Angelicam sectantur virtutem .

CAROLUS *Tit. S. Mariæ de Ara-Cœli Presbyter*
Cardinalis Calcagninus .

OMnipotens Dominus ! quia in sanctitate nullam vult inter utrumque sexum meritum disparitatem , eligit infirma Mundi , ut fortia confundat ; sicuti ostendit in beata Virgine Catharina de Ricciis Florentina , quæ ab ipsa fere infantia ita omnium virtutum rudimenta præsetulit , ut Angeli sui Custodis aspectu frui ejusque colloquiis recreari frequentissimè mereretur . Crescente verò ætate , abdicatis hujus Mundi pompis , spretisque Parentum blanditiis inter S. Dominici filias adnumerari voluit . Ibi orationi jugiter intenta inter Cœlites potiùs quàm inter homines versari visa fuit . Amplexus dulcissimos Christi Jesu in Cruce pendentis sibi acceptissimam Sponsam esse dicentis meruit obtinere . Coelestium visionum & prophetici spiritus particeps fuit ; tamen abjectissimam toto corde se reputabat ; tandem coelestis Sponsus , ut Sponsæ suæ argumenta præcipuæ charitatis exhiberet , sacra Redemptionis Stigmata ejus sinistro lateri manibus pedibusque impressit , ut in omnibus sibi similis appareret ; quæ maturè considerans Clemens XII. ei primos Religiosi cultus concessit honores ; quibus novis deinde adiectis signis & probationibus , ardentissimè deprecor SANCTITATEM VESTRAM , ut beata Catharina sanctarum Virginum Catalogo adscribatur , sic ejusdem præclaris meritis exposcentibus .

HIERONYMUS S. Angeli in Foro Piscium Diaconus
Cardinalis Columna.

QUÆ laus esse solet communis omnibus cum Christo Regnantibus, ut eos ex massa perditionis electos prædestinaverit cœlestis Pater conformes fieri imagini Filii sui, eamdem præcipua quadam ac planè singulari ratione propriam esse B. Catharinæ de Ricciis sæpe mecum cogitavi BEATISSIME PATER. Illam siquidem in benedictionibus dulcedinis ita prævenit miserator ac misericors Dominus, ut sanguinea Redemptionis Stigmata ipse sinistro lateri, manibus præterea ac pedibus insculpserit, spinæ Coronæ Sponsæ suæ caput transfixerit, nescias utrum majori honoris an doloris prærogativa, tergo profundè impresserit vestigia salutaris Crucis, quæ facta fuerat principatus super humerum Redemptoris, per annos duodecim horis viginti octo in hebdomadas singulas communicaverit acerbissimos sacrae Passionis cruciatus, quibus olim Dei Filius peccata nostra pertulit in corpore suo super lignum, denique ne quid ad absolutissimam, quæ haberi posset, imaginis perfectionem deesset, exteriorem Christi Domini speciem exprimi ac repræsentari aliquando voluit Catharinæ vultu, ut quemadmodum olim æternus Pater in Dilecto Filio ita simili quadantenus ratione in sancta hac Virgine sibi bene complacuisse testaretur; Nemini autem fas est suspicari, quin tanta tamque prodigiola corporis cum Christo similitudo sejuncta fuerit ab interiori ejusdem imitatione, qua pjssima hæc Virgo omnium virtutum exercitatione carnem suam crucifixerit cum vitiis & concupiscentiis. Æquum proinde censeo BEATISSIME PATER, ut quæ cum Christo compassa est, cum Christo etiam in Ecclesia regnet sanctarum Virginum Catalogo inscripta, & quæ Christi dolorum particeps fuit, consortium aliquod habeat in publicis honoribus, quibus Deus Filium suum exaltans magnificè cum eo fecit, annuntiari jubens nomen ejus in universa terra.

MUNDILLUS Ursinus Patriarcha Constantinopolitanus Assistens.

HAbes in beata Catharina BEATISSIME PATER, Mulierem fortem non procul & de ultimis finibus, sed in proximis Regionibus natam, quæ ab ipsis pene incunabulis manum suam mittens ad fortia oblectamentis omnibus bellum indixit; & gloriosissimas de inferno Hoste victorias reportavit. Habes prudentem Virginem, quæ sumpto secum divini amoris oleo præclarissimarum virtutum lampadem accensam semper præsetulit; quamque Dominus in omni patientia, in profunda humilitate, in contemplatione sublimi, in intensissima charitate assidue vigilantem invenit. Habes demum dilectissimam Sponsam, quam Christus subarrhavit annulo suo; cui Stigmata Redemptionis impressit; in
cujus

cujus sinu sæpe thronum suum posuit ; & quam revulsis e Cruce brachiis amplexatus est . Dignissimam propterea censeo , quæ sanctarum gloriâ sublimetur ; ut in ejus odorem currentes æterno Regi plurimæ Virgines post eam adducantur .

JOSEPH MARIA Rufus Archiepiscopus Capuanus Assistens .

IN concluso cœlestis Sponsi horto virentes semper apparuere flores : Beatæ verò Catharinæ de Ricciis virginitatis , humilitatis ac charitatis lilium micavit , velut inter stellas luna minores : Hæc enim ætatem , sexum , naturam prætergressa Angelicam in terris vitam peregit , hinc tot splendidiora charismatum dona in cor ejus fuerunt a sancti Spiritus liberalitate effusa , ut vix aliqua imitanda sed Posteris admiranda potius collata esse viderentur .

Nec mirum videri debet , quod Deus talia ac tanta in beata Catharina congesta esse voluerit dona cœlestia , siquidem cum prius de fundamento cogitasset humilitatis , ideo misericorditer ac copiosè respexit humilitatem Ancillæ suæ : Quapropter cum jure emanatum sit Decretum de publicè peragenda Virginis Canonizatione , ut executioni mandetur , enixè postulat tota Ordinis Prædicatorum Familia , cui annuendum censeo , si SANCTITATIS VESTRÆ accedat Oraculum . Et ita &c.

*D. FERDINANDUS ROMUALDUS Guiccioli Archiepiscopus
Ravennæ Assistens .*

Beatæ Catharinæ de Ricciis Acta legenti SANCTISSIME PATER , occurrit statim ipsissima imago Catharinæ alterius , Senensis videlicet , occurrit Theresiæ & Magdalenæ de Pazzis imago . Idem in ea illibata virginitatis flos ; idem humilitatis , poenitentiae omnisque virtutum generis miraculum ; idem verò & præcipuè admirabilis , suavissimus , prodigiosus in Deum amor . Occupant legentem charismatum dona , ineffabilia divinæ in amantissimam Sponsam dilectionis argumenta : Occupant cœlestia sponsalia , Crucifixi Stigmata , compassivus Sponsi in Cruce morientis dolor , mutuique tenerrimi amoris incomprehensibilis communicatio . Quis ergo talia recogitans non obstupescat , mirabilemque Deum in hac Sancta sua non fateatur & prædicet ? Innumerabilia demum , quæ viventem comitata sunt prodigia , & innumerabilia , quæ seculo defunctam secuta leguntur , totidem sunt ineluctabilia signa , totidem voces , quibus eam in altissimis Paradisi sedibus inter sanctas Virgines collocatam , in terris etiam cum sanctis Virginibus venerandam esse , ipsi Cœli apertissimè demonstrarunt ac demonstrant .

Fr. ANTONINUS Camarda Episcopus Reatinus Assistens.

BEATISSIME PATER. Beata Catharina de Ricciis Florentiæ nata postquam per plurimos fructus honoris & honestatis edidit, inæstimabilem illam gloriam obtinuit, ut ejus Sponsa mereretur esse, in quem desiderant Angeli prospicere, & cujus pulchritudinem Sol & Luna mirantur. Unigenitus namque Filius Dei revelatâ ei facie festivus in sinu Matris occurrit, tenensque manum dexteram ejus, & in voluntate sua deducens eam, ac cum gloria suscipiens, annulum in signum perennis amoris sui ei præbuit, desponsavitque in fide. Et ut Vir dolorum ac Sponsus sanguinis eam visibilibus Redemptionis nostræ signis, quinque scilicet vulneribus suis condecoravit, ut quæ Socia esset in passione, Socia quoque foret in ejus glorificatione; ideoque connumeranda censetur Oraculo SANCTITATIS VESTRÆ inter sanctas Virgines, quæ regnant cum Deo, & Agnus Dei cum illis.

Fr. PAULUS Alpheran de Bussan Episcopus Melitenfis Assistens.

BEATISSIME PATER. Quatuor Beatorum triumphos beata Catharina de Ricciis Monialis Ordinis Prædicatorum, eximiis & excelsis virtutibus quæ Virginibus imitandæ proponuntur, decorat ac perficit, & sic utriusque sexus Christifidelibus vestigia sanctitatis sectanda exhibentur. Enim verò gloriosa Virgo per quadraginta duos annos Monasterii Pratenfis regimini præfuit, in quo humilitate, patientiâ, prudentiâ, vitæ austeritate præluxit. Divino amore jugiter accensa sublimibus charismatibus a cœlesti Sponso insigniri meruit. Perfice BEATISSIME PATER, divinum tam præclaræ Virginis Canonizationis opus, & fac illam auctoritate suprema qua omnibus in Domo Domini emines, cum sanctis Virginibus connumerari, & esse triumphalis gaudii participem.

D. PLACIDUS Pezzancheri Episcopus Tiburtinus Assistens.

BEATA Catharina de Ricciis adhuc pene infans non obscura futuræ sanctitatis præbuit indicia; siquidem ab eo tempore pueriles lusus exorta pietatis exercitationes in deliciis habuit; rationemque orandi ab Angelo suo tutelari, qui se illi conspiciendum dabat, edocta precibus ac rerum divinarum contemplationi assiduè vacavit. Ætatis anno tertio decimo, ægrè impetrata a Patre veniâ, convolans ad Cœnobium Pratense Tertii Ordinis S. Dominici ante & post Professionem vitam vixit Angelicam. Et sicut sanctam illam Virginem Senensem ejusdem Instituti sectatricem, cujus nomen sortita fuerat, æmulata Virgineum corpusculum inediâ, vigiliis, flagellationibus jugiter afflicta; ita iisdem ac illa

illa donis supernaturalibus meruit cumulari. Sæpissimè enim extra se rapiebatur; interdum etiam corpore elevata Christi Domini, ejus sanctissimæ Matris Mariæ aliorumque Cœlitum aspectu & colloquio fruebatur, cogitationes cordium videbat, prævidebat futura: Cor sibi commutari sensit ab eodem Christo Domino, a quo etiam mysticum annulum, velut castissimarum nuptiarum arrham, seu potius tesseram accepit, sacrisque Stigmatibus & spineâ Coronâ decorata fuit. Et quia ad hæc accedere miracula, quibus cœlestis Sponsus eam illustravit, in sanctarum Virginum numerum solemniter cooptandam existimo.

*ALEXANDER de Abbatibus Episcopus Viterbiensis
& Tuscanensis Apsistens.*

Familiaris qua cum Tutelari Angelo utebatur consuetudo; Angelici concentus quibus in Domino placidè obdormivit; frequentia cum Deipara Virgine colloquia, initæ cum Agno cœlesti nuptiæ, insculpta in carne divinæ Passionis signa satis superque attestantur heroicis B. Catharinæ de Ricciis virtutibus; iis inquam virtutibus, quibus illa in Cœlum evecta est ad castissima Divini amoris oscula, quibus etiam fruebatur in terris, dum refixis e Cruce brachiis Christus Dominus in ejusdem ruit amplexus. Quæ quidem omnia cum B. Catharinæ conciliaverint apud omnes meritam sanctitatis famam miraculis corroborata, æquum sanè videbitur, ut SANCTITAS VESTRA humillimis indulgeat eorum precibus, qui ob publicam tantæ Virginis venerationem novum adicisci vellent Ecclesiæ decus & præsidium.

*NICOLAUS FRANCISCUS de Bonhôme Episcopus
Carpasiensis Apsistens.*

IN beata Catharina de Ricciis Moniali Ordinis Prædicatorum verificatur illud ab Ecclesiastico deprædicatum: Initium sapientiæ timor Domini, & cum fidelibus in vulva creatus est, & cum electis tœminis graditur, & cum iustis agnoscitur; ab infantia enim timuit Deum, & mandata ejus custodivit, virginitatem inviolabiliter semper conservavit, atque omnium virtutum mirabile fuit complexum, ab Angelo edocta egregiam ac sanctissimam devotionem erga Deiparam Matrem amabilissimam & Jesum ejus Divinum Filium patientem & morientem in Cruce amplexa est in perpetuum, speciali favore desponsata cum Christo carnem jugiter crucifixit, & Stigmata Jesu crucifixi ac hujus Passionis signa in corpore indelebiter portavit; spiritu vixit, spiritu ambulavit, conversatioque ejus fuit in Cœlis, atque per heroicam humilitatem, ardentemque & perfectam charitatem quam mirari facilius est, quàm exprimere, ad se in terris attraxit e Cœlo Deum, qui eam tan-

quam suam Sponsam dilectam elevavit ad regna Cœlorum, & ei reddidit coronam gloriæ, quam repromisit diligentibus se; illudque sequentibus signis prodigiosis, & ostentis declaravit; itaut in Albo sanctarum Virginum inferenda videatur, ideoque istam insertionem a SANCTITATE VESTRA supplicabundus deprecor.

NICOLAUS Simoni Episcopus Marcianensis Assistens.

Virginem castam semper se Christo exhibuit beata Catharina, contrariis Patris conatibus igne superni amoris devictis ac superatis. Lilium pudicitie natum sermè inter spinas, ac intra sacras sepes solitè educatum ac custoditum nunquam exaruit, dedit siquidem etiam post mortem odorem suavitatis. Sponsæ igitur corpore & cogitatione incorruptæ convenit Domi Sponsi cœlestis locus, ac nomen melius, nomen sempiternum quod nunquam pereat.

NICOLAUS Mancinforti Episcopus Anconitanus Assistens.

Beata Catharina de Ricciis verè fuit *Dei imago respondens ad sanctimoniam Domini*. Utrumque egit, nimirum & castitate præeminuit, & per bona opera se exercuit. Restat igitur ut consummetur opus suum magno præmio destinatum; scilicet ut a SANCTITATE VESTRA præclara Virgo tot miraculis & spiritualibus gratiis illustrata inter cœlestes Christi Sponsas veneranda, in foecundæ Matris Ecclesiæ gaudium ac Puellarum se Deo voventium incitamentum infallibili Decreto suo proclametur.

LUDOVICUS Savageri Episcopus Tempensis.

Beata Catharina de Ricciis a primis annis magno virginitatis desiderio clara, Sanctimonialium sancti Dominici regulam professa, & Christo desponsata morum puritate, Angelicâ innocentia, charitate qua flagrabat, & divino quo succensa erat, amore, quoque sepe in ecstasim rapiebatur, meruit passim in hac vita Angelicâ uti consuetudine, digna Christo Sponsa signis ac prodigiis declarari, ac denique sanctâ Mariâ Magdalênâ de Pazzis cœlesti visione admirante, in Cœlo virginitatis palmam gloriæque æternæ coronam obtinere. In cujus quidem rei confirmationem, cum multa Deus sit operatus miracula, solemni nunc Canonizatione auctoritate Tua BEATISSIME PATER, Sanctorum honores ipsi decernendos esse arbitror.

THOMAS ALEXIUS de Rubéis Episcopus Aprutinus.

Nihil habeo SANCTISSIME PATER, quod pro Sanctificatione B. Catharinæ de Ricciis; nihil habeo quod possim afferre, nisi quæ Patrum diligentia de illius sanctitate comperta sunt, si quid de mea sententia dicere ampliùs voluisssem, superfluum censeo.

Solummodo afferam: florem recentem inclyti Prædicatorum viridarii, qua doctrina, qua sanctitate jam a seculis florentis, dignum esse in æternæ illius mansionis amoenissimo campo repositum declarari.

Virtutes ejus exposcunt, miracula clamant: Pœnitentia etenim cum primis cilicio afflixit, flagellis, frigore, nuditate atque omnium poenarum genere sese cruciavit.

In altissimam contemplationem rerum cœlestium addicta Angeli sui colloquium & præsentiam, quin & quandoque Sponsi cœlestis dulcissimos sermones promeruit audire: Corporis infirmitates, animi ariditatem: Quid plura? Maledicta in se jactata, ac etiam obtrectiones stultorum hominum æquo semper animo tulit.

Nihil habuit antiquius, quàm sui voluntatem a consilio Directoris non abhorreere.

Hæc in vita & post ejus felicem obitum mira suis orationibus patrasse facinora solerti diligentia probatum est.

Idcirco Sanctam declarari Sanctissimum Patrem Nostrum & Pontificem Maximum in præsentiarum humillimè deprecamur demissèque obtestamur. Amen.

HIERONYMUS Lorenzi Episcopus Acernensis.

BEATISSIME PATER. Quod in Canticis est: *Ego dilecto meo & ad me conversio ejus*; verè de se dicere B. Catharina de Ricciis potuit. Cœlestem enim Sponsum per omnes virtutum gradus sequuta ipsa est, & unicè dilexit: Ille spinoso diademate sacrisque Stigmatibus cum ea communicatis Passionis etiam suæ cruciatibus per duodecim annos singulis hebdomadis in eam transfusus tam conformem imagini effecit suæ, ut sua etiam ipsius externa oris specie a Catharinæ vultu aliquando repræsentata in eadem vivere videretur. Tam egregiam virtutum Magistram, quam cœlestibus tot donis viventem, tot post mortem miraculis Ecclesiæ suæ Deus commendavit, ut inter sanctas Virgines referre velis, BEATISSIME PATER, oro Te & obtestor.

ANTONIUS Franci Episcopus Crasseti.

AB ipso pene vitæ suæ exordio Catharina de Ricciis lampadem suam aptavit, sumptoque oleo ardentissimæ charitatis Virgo sapiens & prudens inextinguibilem fecit. Hinc est, quod veniente Domino cum eo ad nuptias introivit, & intendens prosperèque procedens specie suâ, & pulchritudine suâ digna habita est, quam inhabitare Dominus faceret in tabernaculo suo; quam datâ dexterâ cœlesti annulo sibi desponsaret; quam singulari sanctitatis diademate coronaret. Decet igitur BEATISSIME PATER, ut quam Dominus elegit & præelegit, quam se dignam invenit, quam tot charismatibus locupletavit, a Vicario ejusdem Domini honore & gloria qua potest maximâ, hæc etiam in terris coronetur.

Diebus Jejuniorum elapsis, cum solemnes essent preces sæpiùs iterandæ; prima autem pro iis statio apud Lateranum, ubi publicæ venerationi proponendum erat Augustissimum Sacramentum, indicta, ut supra memoratum est, in Dominicam diem 19. Junii jam immineret, significavit Pontifex se prædictam Basilicam, ut & Rem divinam ibi faceret & Deum precaretur impensius, eo die petiturum frequentiori non tantum suorum Familiarium, sed Præsulum etiam & Procerum comitatu: Quare per hanc privatam schedulam admoniti fuere Eminentissimi Domini Cardinales, ut si & ipsi accedere illuc voluissent præsertim acquirendæ Indulgentiæ gratiâ, rubri coloris vestibus uterentur.

EMINENTISSIMO E REVERENDISSIMO SIGNORE.

DOmenica prossima 19. del cadente Mese di Giugno la Santità di Nostro Signore all' ore dodici e mezza partirà dal Palazzo Quirinale per portarsi alla Basilica di San Giovanni in Laterano, ove dopo venerato il SANTISSIMO SAGRAMENTO esposto, celebrerà Messa per implorare la divina Assistenza nella grave deliberazione della prossima Canonizzazione de' Bea i FEDELE DA SIGMARINGA, CAMILLO DE LELLIS, PIETRO REGALATO, GIUSEPPE DA LEONESSA, e CATARINA RICCI: Li Signori Cardinali che vorranno intervenirvi, anche ad oggetto di conseguire l' Indulgenza a tal' effetto dalla Santità Sua concessa, si troveranno vestiti di Rocchetto, Mantelletto, e Mozetta di colore rosso.

Porro viginti fermè Eminentissimi Patres voluptati Pontificiæ obsecundantes statâ horâ ad Lateranensem Basilicam venire, quam Romani Populi multitudine, ut peccatorum suorum Indulgentiam a Deo peterent, pene completam invenerunt: Tanta virtus est boni operis & exempli. Haud ita multò post advenientem Sanctitatem Suam solemni pom-

pompa obviam facti Cardinales cum salutassent, descendentem de sella exceperunt; & quia ratione comitatus Sacri Collegii collegialiter Pontifex accedere dicebatur, ideo antequam Basilicam ingrederetur, ex Subdiaconis Apostolicis Romanæ Rotæ Auditoribus junior Rocchetto & Mantelletto indutus R. P. D. Alphonfus Clemens de Aroztequi Hispanus medius inter duos Magistros *de Virga Rubra* nuncupatos Crucem gestavit intra dictæ Basilicæ ambitum, ab ipso statim accessu Pontificis usque ad recessum. Ac Papam quidem Clavigeris Pontificiis hinc & inde incedentibus progredientem, ut Sanctissimum Sacramentum adoraret, Cardinales comitati fuerunt: Hostiam verò immolanti in Ara Principe adfuerunt ante parata scabella flexis genibus; Sacro demum & precibus peractis eum iterum ad sellam deduxere.

Postridie alterâ schedulâ hujus exempli nunciatum est iisdem DD. Cardinalibus, Sanctissimum Patrem proximâ quartâ feriâ iturum ad Basilicam Vaticanam, ut quemadmodum fecerat in Laterano, ibi etiam Eucharisticum Sacramentum publicè expositum veneraretur, & Sacrificium conficeret.

EMINENTISSIMO E REVERENDISSIMO SIGNORE.

Volendo la Santità di Nostro Signore **BENEDETTO** Papa XIV. con reiterate preghiere ricorrere all' *Altissimo*, perchè si degni assisterlo coll' abbondanza de' suoi lumi nell' importantissimo affare della futura Canonizatione, si porterà Mercoledì prossimo 22. del cadente mese di Giugno, partendo dal suo Palazzo del *Quirinale* all' ore dodici e mezza alla Basilica Vaticana per ivi adorare il Santissimo **SAGRAMENTO** a tale effetto alla pubblica venerazione esposto, e successivamente celebrare ancora la Messa: Si rende pertanto consapevole Vostra Eminenza, a fine volendosi ritrovare presente alle sopraddette sagre funzioni, si vesta in detta mattina dell' abito Cardinalizio rosso con il Rocchetto.

Concurfus idem Populi, idem Cardinalium numerus: Similes quoque ritus, similes Cæremoniæ cum descensus comitatusque, tum assistentiæ & deductionis a Cardinalibus erga Pontificem exhibitæ. Quare inutile foret in iisdem describendis diutiùs immorari.

Ecclesiam verò Sanctæ Mariæ supra Minervam, quam in Liberianæ locum suffecerat, statuit Pontifex adire post meridiem sequentis feriæ sextæ, qui dies erat Natalis Præcursoris Domini; ne si mane id faceret, Eminentissimi Patres avocarentur a Lateranensi Basilica, in qua Sacrificio Missæ in honorem S. Joannis Baptistæ solemniter decantatæ solent adesse. Quod autem ex eo Festo die non minor futurus conjici poterat ad Ecclesiam Sanctæ Mariæ Populi concursus, quàm ad Basilicas antea fuisset; congruum videbatur, ut non sine Cardinalibus Pontifex ad eam accederet: Quamobrem & hac vice, ut per schedulam iidem admoneantur, tempestivè curatum est.

EMINENTISSIMO E REVERENDISSIMO SIGNORE.

LA Santità di Nostro Signore BENEDETTO PAPA XIV. perche incessanti siano le sue suppliche all' Altissimo, approssimandosi il giorno destinato a determinarsi per la Canonizatione de' Beati FEDELE da SIGMARINGA, CAMILLO de LELLIS, PIETRO REGALATO, GIUSEPPE da LEONESSA, e CATTARINA RICCI, vuole anche Venerdi il giorno 24. del mese di Giugno, partendo alle 22. ore in circa dal Quirinale, portarsi alla Chiesa di S. Maria sopra Minerva per ivi venerare l' Augustissimo SAGRAMENTO esposto, come ha parimente eseguito in questi passati giorni nelle due Basiliche per il mentionato effetto. Del tutto se ne da notizia a V. E., acciò volendo intervenire, possa trovarsi in detta Chiesa in abito Cardinalizio rosso, e Rocchetto, conforme nelle altre due consimili occasioni si è praticato.

Qua igitur die & horâ constituerat, adivit prædictum Templum Sanctissimus Pater; & licet tres supra viginti eò convenissent Cardinales, vix uni aut alteri eorum etiam Militum Helvetiorum præsidio licuit Sanctitatem suam propius comitari. Tanta enim hominum multitudo confluxerat, ut eam Templum ipsum, quamvis amplum sit, capere non posset. Qua re cognitâ illacrymavit præ gaudio supremus Gregis Christi Custos creditarum sibi ovium religione commotus, quæ tanti Pastoris exemplo ita sibi propitiare Deum precibus studebant eo tempore; ut ei quem^a constitutum super se speculatorem a Deo noverrant^b, spiritum sapientiæ & intellectus, spiritum consilii & scientiæ peterent dari, qui eidem adesset, cum jam novos^c Agnos aureâ Coronâ signo Sanctitatis expressâ redimitos quamprimum ostendere toti parabat Ecclesiæ.

Ac Pontifex quidem post suas preces redux in Quirinale Palatium, eadem de causa sacros Ecclesiæ thesauros iis iterum aperuit, qui Canonizationis Actioni vel Supplicationi interfuissent, aut si qui essent, qui impedirentur quominus id facerent, certas quasdam hi preces recitassent; dummodo prius, aut saltem inter Octiduum futurum confessionis Sacramento expiati Eucharisticæ mensæ omnes accumberent; quod Pontificis Edictum, ut in locis Urbis frequentioribus proponeretur impressum, curavit Eminentissimus Cardinalis Guadagni Sanctissimi Domini Nostri Papæ Vicarius, aliis præterea mandatis ad omnes urbis Ecclesias transmissis juxta instructionem, quam Sanctitatis Suæ imperio ab Apostolico Cæremoniario acceperat.

Emi-

a Ezechiel. cap. 37. v. 2. b Iſai. cap. 11. v. 2. c Eccli. cap. 47. v. 14.

Eminentissimus & Reverendissimus D. Cardinalis Vicarius mandat affigi per Urbem schedulam publicationis Indulgentiæ plenariæ, quam Sanctissimus elargitur omnibus interessentibus solemnî Canonizationi beatorum Fidelis a Sigmaringa, Camilli de Lellis, Petri Regalati, Josephi a Leonissa, & Catharina de Ricciis, Deo inspirante peragenda die Natali SS. Apostolorum Petri & Pauli feria quarta 29. Junii.

Mandet insuper Mandatariis, ut utrumque Clerum Seculare & Regularem, nec exceptis Capitulis trium Basilicarum Urbis, & duarum Collegiatarum Insignium, necnon Monachis quantumvis exemptis, admoneant, etiam dimissa copia typis imprimenda, ut summo mane hora scilicet nona dictæ diei serîe quartæ 29. Junii cum eorum Crucibus, sicuti solent in festo Corporis Christi, ad Vaticanum contendant, & in Atrium magnum Palatii Pontificii simul conveniant, inde supplicabundi consueto ordine discessuri, & a Porta majori Palatii ad Obeliscum; indeque ad Portam Basilicæ hinc inde dispositi Pueri Hospitii Apostolici S. Michaelis & Orphanî, necnon Clerus Regularis & Secularis, exclusivè ad Capitula dictarum Collegiatarum insignium stationes agentes Sanctissimi adventum expectent. Capitulum S. Petri in suo ordine procedat, & sub Porticu hinc inde dispositum Sanctissimo pariter adventuro assistentiam consuetam præstet. Capitula verò Collegiatarum Insignium, necnon Basilicarum Liberianæ & Lateranensis, Basilicam ipsam Vaticanam ingradientur, ibique disposita per alas adventum Sanctissimi similiter expectent.

Mandet etiam intimari, Domi quoque dimissa copia ut supra imprimenda, omnibus & singulis Rectoribus, Sacristis, Cappellanis, seu quovis alio nomine nuncupatis Ecclesiarum & Oratoriorum omnium Custodibus, necnon Monialibus Urbis, ut die prædicta 29. Junii, cum primùm audierint bombardarum strepitum ex Arce S. Angeli, seu pulsam Campanæ Capitolinæ inter duodecimam, & decimam tertiam horam circiter pulsant, seu pulsari faciant Campanas omnes bilariter per integram saltem horam.

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

LA Santità di Nostro Signore Papa BENEDETTO XIV. concede Indulgenza Plenaria, e remissione de' Peccati a tutti li Fedeli Cristiani dell' uno, e l' altro sesso, che confessati, e comunicati, ovvero con fermo proposito di comunicarsi dentro la ventura settimana interverranno alla Processione, o alla solenne Canonizzazione delli beati FEDELE da SIGMARINGA Martire dell' Ordine de' Cappuccini, CAMILLO de LELLIS Fondatore de' Cherici Regolari Ministri degl' Infermi, PIETRO REGALATO dell' Ordine de' Minori Osservanti, GIUSEPPE da LEONESSA parimente del sudetto Ordine de' Cappuccini, e di CATARINA RICCI dell' Ordine Domenicano; che coll' ajuto Divino si farà dal-

la Santità Sua Mercoledì prossimo 29. del corrente mese di Giugno Festa de' gloriosi SS. Apostoli PIETRO, e PAOLO principali Protettori di Roma, nella Basilica Vaticana, & a quelli che ritenuti in Casa o in Carcere, & alle Monache, ed altri esistenti in Clausura, & ad ogni altro in qualunque modo legittimamente impedito, che allo sparo di Castello, o al suono delle Campane in detta mattina genuflessi, o altrimenti come potranno, diranno trè Pater Nolter, e trè Ave Maria, e renderanno grazie a Dio della solenne Canonizzazione de' sudetti Beati, per la gloria che in essa si aggiunge alla Religione Cattolica.

Premendo però sommamente alla Santità Sua, che tutti quei Fedeli parimente dell' uno, e dell' altro sesso. di qualsivisa grado o condizione siano, che vorranno intervenire alla sudetta Processione, o Canonizzazione, vi assistino con quella maggior modestia, e divoto raccoglimento, con cui tanto interiormente, quanto esteriormente merita di essere accompagnata una sì sacra azione: D' ordine espresso della Santità Sua se ne dà loro questo speciale ricordo, col quale strettamente s' incarica a ciascheduno di essi di praticare in tale occasione tutta quella pietà e divozione, che conviene alla santità della funzione che si fa; onde non solo abbia ad essere rimossa ogni occasione di scandalo, che si darebbe da chi fa esse diversamente, ma per lo contrario abbia a darsi motivo a chiunque vedrà l' istessa funzione, di ritrarne edificazione e profitto. Avverta perciò ogn' uno di conformarsi colla dovuta obediienza alla giustissima mente di Nostro Signore per non incontrare l' indignazione della Santità Sua, e molto più per non incorrere quella di Dio, che con severi castighi suol punire le irriverenze, che si commettono nelle azioni ordinate all' accrescimento del suo culto, e alla maggior propagazione della sua gloria, quale appunto è la solenne Canonizzazione de' Santi. Dato in Roma li 24. Giugno 1746.

Fr. G. A. Card. Vicario.

Gasparo Arciprete Ori Segretario.

FR. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

LA Santità di Nostro Signore comanda a tutti li Canonici delle Patriarcali, e Collegiate anche insigni, Curati Secolari e Regolari, Monaci, Frati, & altri tutti del Clero Secolare, e Regolare di Roma soliti ad intervenire alla Processione del Corpus Domini, che Mercoledì 29. del presente Mese di Giugno, festa delli gloriosi Apostoli e principali Protettori di Roma SS. Pietro, e Paolo debbano ritrovarsi ad ore nove nel Cortile superiore del Palazzo Apostolico Vaticano per intervenire alla generale e solenne Processione della Canonizzazione da farsi con l' ajuto Divino nella Basilica di S. Pietro, delli beati FEDELE da

SIG-

SIGMARINGA Martire dell' Ordine de' Cappuccini , CAMILLO de LELLIS Fondatore de' Cherici Regolari Ministri degl' Infermi , PIETRO REGALATO dell' Ordine de' Minori Osservanti , GIUSEPPE da LEONESSA parimente del sudetto Ordine de' Cappuccini , e CATARINA RICCI dell' Ordine Domenicano , sotto pena a nostro arbitrio . Dato in Roma li 24. Giugno 1746.

La Processione comincerà dalla Porta maggiore del Palazzo , e d' indi alla Basilica di S. Pietro , nella quale ciascun Corpo che la compone , resterà disposto secondo gli verrà ingiunto , e aspetteranno l' arrivo di Sua Santità .

Si ricorda d' ordine espresso e speciale della Santità Sua a tutti quelli , che interverranno alla sudetta Processione di praticare in tale occasione tutta quella modestia , pietà , e divozione , con cui tanto interiormente , quanto esteriormente merita di essere accompagnata un' azione sì santa .

Fr. G. A. Card. Vicario .

Gasparo Arciprete Ori Segretario .

Fr. GIO: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

D' Ordine espresso di Nostro Signore si comanda a tutti i Superiori tanto Secclari , quanto Regolari , Rettori , Sagrestani , Cappellani , Custodi , & a qualunque altro Ministro di tutte le Patriarcali , Basiliche , Collegiate , Chiese , Oratorj , e Monasteri di Roma , che Mercoledì prossimo 29. del corrente Mese di Giugno Festa de' gloriosi SS. Apostoli Pietro , e Paolo principali Protettori di Roma , nel qual giorno si farà dalla Santità Sua , mediane l' ajuto Divino la solenne Canonizzazione delli beati FEDELE da SIGMARINGA Martire dell' Ordine de' Cappuccini , CAMILLO de LELLIS Fondatore de' Cherici Regolari Ministri degl' Infermi , PIETRO REGALATO dell' Ordine de' Minori Osservanti , GIUSEPPE da LEONESSA parimente del sudetto Ordine de' Cappuccini , e CATARINA RICCI dell' Ordine Domenicano , subito che udiranno le Bombarde di Castel Sant' Angelo , o sonare la Campana di Campidoglio nella mattina sudetta facciano sonare tutte e singole Campane delle loro Patriarcali , Basiliche , Collegiate , ed altre Chiese , anche di Monache , ed Oratorj per lo spazio di un' ora sotto pena a nostro arbitrio . Dato in Roma li 24. Giugno 1746.

Fr. G. A. Card. Vicario .

Gasparo Arciprete Ori Segretario .

Interea ut omnia , quæ ad tantam celebritatem spectabant , rite
M m m 2 fie-

fierent atque ordine, non destitit idem Cæremoniarum Præfectus præmonere de scripto utrosque Duces Custodiarum Pontificiarum equestrium, tam levis armaturæ, quàm Cataphractorum, eosque docere, quo indumento Milites ornati, quo modo in acie dispositi, quâve horâ insidentes equis consisterent in Platea sancti Petri ipso Sanctorum Apostolorum festo die, quo peragenda erant Canonizationis solemnia.

Præsulem quoque Generalem armorum monuit, ut Peditum copiis ita custodiri mandaret præscriptum iter Supplicationis ex utroque viarum latere, ut necui liceret ex confluenti Populo, aut eas transgredi, aut in iisdem subsistere; ita enim consultum iri significavit, ne progredientium Ecclesiasticorum & Ministrorum turmæ aut tramite nimis angusto, aut turbatis ordinibus cogerentur incedere: Curaret propterea, ut Pedites contis armati in duplices oblongos ordines instruerentur hinc & inde ab Principe Basilicæ Janua usque ad prima Theatri Canonizationis repagula; quò liber expeditiorque pateret transitus ad ipsum Theatrum tum Sanctissimi Patris, tum ceterorum Ordinum, qui ipsum comitabantur. Helvetiæ Custodiæ Ducem & Arcis sancti Angeli Pro-Præfectum edocuit, ut per Libratores suos alter in Area Vaticana, statimac Excellentissimi D. Ducis de Comitibus Magistri S. Hospitii concinnuissent tubæ, quæ prope Æneum B. Petri simulacrum consistent, & cum alteris Romani Populi simul tympana concrepuissent; alter in ipsa Adriani Mole, primo bombardarum strepitu audito, minora omnia & majora tormenta bellica in publicæ lætitiæ significationem exploderent: Ut Helvetii Milites ferreo thorace & galea induti partim relinquerentur ad custodiendum de more Pontificem Maximum descendentem in Basilicam, partim tuerentur Cancellos, ex quibus aditus est in Theatri caveam, & ducunt ad pegmata superiora; qui tamen Cancelli Nobilibus tantum Advenis, Dinastis, ac præfinito Religiosorum numero ex Beatorum Canonizandorum Familiis recluderentur solo præfati Excellentissimi D. Ducis de Comitibus imperio, a cujus proinde nutibus ipsi Milites omnino pendere debebant; de quo seorsim idem Excellentissimus Dux est etiam admonitus: Actum etiam est cum D. Fiscali Fori Capitolini; ut Tympanistæ & Tubicines Senatus Populique Romani omnes prædicto festo die sanctorum Apostolorum Petri & Pauli primo diluculo contenderent cum suis tympanis ac tubis ad Vaticanam Basilicam; ibique prope majus Templi ostium expectantes, statimac cepisset cani hymnus: *Te Deum laudamus*; & Excellentissimi Ducis de Comitibus tubæ signum dedissent, confestim & ipsi clangerent tubis, ac tympana pullarent saltem per horæ quadrantem; præterea ad primum bombardarum strepitum Æs campanum Turris Capitolinæ, per horam integram assiduo pulsu quateretur, ut completæ quinque Beatorum Canonizationis signum omnibus innotesceret.

His itaque per schedulas peractis, idem Cæremoniarum Præfectus adi-

adivit Eminentissimum D. Fr. Joachim Tit. SS. Quatuor Coronatorum S. R. E. Presbyterum Cardinalem Portocarrero, S. Joannis Jerosolymitani Hospitalariorum Equitum Bajulivum, prius Antiochenum Patriarcham a sanctæ memoriæ Clemente XII. renunciatum, postea a Sanctissimo Domino Nostro inter Cardinales adlectum, ut eum certiore faceret a Sanctitate Sua Procuratorem futuræ Canonizationis designatum fuisse: Quod quidem munus ut plurimum consuevere Romani Pontifices Nepotibus suis deferre, ut a fel. record. Clemente XI. hac nostra ætate factum est, qui anno millesimo septingentesimo duodecimo adjecturus Sanctorum Catalogo beatos Pium V., Andream Avellino, Felicem a Cantalicio, & Catharinam de Bononia, hujusmodi Provinciam demandavit Cardinali Annibali Albano tunc Diacono, nunc Episcopo Portuensi Nepoti suo præstantissimo. Cum annuisset libenti animo Eminentissimus Portocarrero, summamque erga se Pontificis benignitatem commendasset, de iis quæ ab eo fieri oporteret, a Cæremoniario admonitus est.

Tantæ fama celebritatis, quæ jam imminebat, latius percrebrescente, augebatur in dies magis Nobilium Advenarum & Populorum finitimis ex oppidis concursus: Quo proximior verò dies is erat; eò acrius satagebant Postulatores efficere, ut ad constitutum tempus parata essent omnia & bene provisæ; quæ ut coram inspiceret Eminentissimus & Reverendissimus D. Cardinalis Hieronymus Columna Pontificiæ Domui Pro-Pæfectus triduo ante pervigilium diei festi ad Vaticanam Basilicam perrexit, quò cum jussu præfati Eminentissimi Cardinalis præmoniti convenissent Excellentissimus Dux Stephanus de Comitibus Magister Sacri Hospitii, R. P. D. Melchior Maggus Pro-Commisarius Armorum, R. P. D. Boccapaduli nuper a Sanctissimo D. N. Rocchetti usu, & loco in sua Pontificia Cappella post Protonotarios decoratus, D. Marchio Joannes Chisus Montorius Patritius Sanctissimi Domini Nostri Papæ Florerius Major, D. Ludovicus Manfroni Dux Militum Generalis, una cum D. Laurentio de Molaria Militum Tribuno, D. Ludovico Phisser Duce Custodiæ Militum Helvetiorum, duobus præterea ex Apostolicarum Cæremoniarum Magistris, & Ludovico Vanvitelli totius ornatus Opifice, & R. Fabricæ sancti Petri Architecto, postulavit a singulis idem Pontificii Palatii Pro-Pæfectus, & summo studio contendit, ut spectarent diligenter omnia, & solerter animadverterent, si quid esset, quod aut oporteret perfici, aut pro loco & tempore minus opportunum videretur. Cum omnia probassent; ventum deinde est ad spatii totius, & locorum partitionem. Oratoribus Regiis, Gallo & Veneto, (quia adhuc in publica pompa Sanctissimum Dominum Nostrum non inviserant) Senatori Urbis. Magnatibus, atque Matronis supernæ Pegmatum contignationes attributæ: Locus iis qui Oblationes portarent, datus: Odæum Cantoribus destinatum: Abacorum ac Mensarum situs designatus: Hinc Nobilium, inter

inter quos , ita mandante Pontifice , seorsim ab aliis interfuere utriusque Collegii , Romani nempe & Clementini , Convictores , & Religiosorum admittendorum discreta confinia : Hinc sedilium partitiones ; Custodiarum & Excubiarum statuta discrimina ; munera distributa ; Sermo autem Jacobo III. , ob posthabitu religionis causa avitum Britannicum Regnum invictissimæ pietatis , & constantissimæ virtutis exemplo , eminens & multo amplior eo , qui aliàs erigi eidem consuevit , suggestus remoto ab aliis loco comparatus ; ubi Majestas sua , una cum Serenissimo Duce Eboracensi Regio filio suo præsens , maximæ hujus celebritatis dignitatem & ornamentum auxit .

Hæc ita disposita , quæ Sanctitas Sua pridie ejus diei , quo peragenda Canonizatio erat , cum Vaticanum adisset , inspectare coram voluit ; hæc inquam ut facilius intelligantur , hoc loco apponitur Ichnographia numeris suis distincta .

Ut Eminentissimi Patres non ignorarent , quæ scitu ipsis necessaria erant hoc tempore ; ad proprias uniuscujusque ædes jussu Pontificis missa a Cæremoniarum Præfecto per Cursores Instructio est typis impressa ; cui & altera adjecta erat vernacula lingua & hoc exemplo , pro iis duntaxat Cardinalibus , qui Sacrorum Rituum Congregationi adscripti Oblationes inter Missarum solemnias erant Sanctitati Sux porrecturi .

I N T I M A T I O

Per Cursores facienda , Domi quoque dimissâ copiâ .

Die 29. Junii feria quarta , Festo SS. Apostolorum PETRI , & PAULI hujus Urbis Patronorum Principalium , hora undecima cum dimidio Sanctissimus Dominus Noster BENEDICTUS PP. XIV. in Aulam Apostolici Sacrarii descendet , & inde sacris indutus ad Sacellum Sixtinum perget .

Eminentissimi , & Reverendissimi DD. Cardinales per Viam Burgi Pii Palatium Vaticanum petent , & per Scalam Atrii , vulgò di Belvedere , superius ascendent .


Cappas rubeas consueto in loco accipient , quibus in Aula Regia dimissis , Vestes sacras de more induent : nempe Cardinales Episcopi Pluvialia , Presbyteri Planetas , & Diaconi Dalmaticas rubri coloris ; sicque amicti in supradictâ Cappella Sixtina adventum Sanctitatis Sux præstolabuntur .

Summus Pontifex , postquam Hymnum Ave Maris Stella ante Aram prædictâ Cappellæ intonaverit , sedemque Gestatoriam conscenderit , ac tres Cereos e manibus Eminentissimi Domini Cardinalis Portocarrero Canonizationis Procuratoris acceperit , supplicabundo ritu , præeuntibus Eminentissimis Patribus dextera manu accensum Cereum gestantibus , ex eodem Sacello in Basilicam Vaticanam deferetur .

Emi-

- 1 Solium Pontificium.
- 2 Aliud parvum ad Horam Tertie conveniendam.
- 3 Supplicij ad prospiciendum pro Sermo Jacobo III Magna Britanniae Rege.
- 4 Scamnia ad Sacri Senatus Sessionem.
- 5 Subcella pro Archiepiscopis et Episcopis non Assistentibus, aliisque Prelatis.
- 6 Alia ad Penitentiarium Sessionem.
- 7 Scamnia pro Oratore Bohemiae.

- 8 Quinque Oblationum Mensae .CC.CCLXXII
- 9 Parvum Cubiculum ad opportunum Atrium Sanctissimae Sedesum
- 10 Contignatio pro Oratore Franciae
- 11 Alia pro Oratore Venetiarum
- 12 Contignatio pro Coloniensium Familia
- 13 Alia pro Urbis Senatore.
- 14
- 15 16 Aliae Contignationes pro Principibus Urbis, exterisque Nobilibus.



- 17 Odium pro Cantoribus.
- 18 Contignationes velis intus obducta pro Praefato
- 19 Confina pro Religiosis Familis ex Institutis quinque Beatorum inter Repaquila.
- 20 Scamnia pro Sacrae Congregationis Rituum Consultoribus.
- 21 Alia pro Oblationum Portitoribus.
- 22 Abaci inter repaquila pro Sacri Ministerii, Vasis tum Cancellariorum, cum Pincernae Summi Pontificis, et locus pro Nobilibus Advenis.
- 23 Locus pro Convictoribus Collegii tum Seminarii, cum Clementini.
- 24 Contignatio pro Vaticana Capitulo.
- 25 Alia pro Duce Guad. Magistro Sacri Hospitalis.
- 26 Contignationes pro Nobilibus Mulieribus.
- 27 Princeps inter repaquila Ingressus.
- 28 Aeneas B. Petri Statua.
- 29 Ara maxima Vaticanae Basilicae.
- 30 Loculamenta quatuor inter magni Toli pilas, nempe Veronicae, S. Helena, S. Andrea, ac S. Longini.

Eminentissimi, & Reverendissimi DD. Cardinales, omni alio cœnitium penitus excluso, Cubiculi Præfecto, & Caudatario tantum utentur.

In Basilica ante Augustissimum SACRAMENTUM publicæ venerationi expositum, & ante Principem Aram preces effundent. Mox ubi Sanctissimus Pater in Solio se composuerit, ei Obedientiam unacum aliis ex more præstabunt; sacræque actioni sollemnis Canonizationis Beatorum FIDELIS a SIGMARINGA, CAMILLI de LELLIS, PETRI REGALATI, JOSEPHI a LEONISSA, & CATHARINÆ de RICCIIS, Deo inspirante, per Sanctitatem Suam persolvendæ, ac Missæ per eandem sibiinde celebrandæ simul intererunt.

Expleta Papali Missa, indumenta sacra omnes deponent, Cappas resument, & postquam Pontifex in Tenorio ad hoc præparato Pontificales Vestes dimiserit, & a Basilica discesserit, ipsi ad propria pariter remigrabunt.

Quindecim Eminentissimi DD. Cardinales Congregationi Sacrorum Rituum præpositi, antiquiores in unoquoque ordine, si fas erit, tripartito assumendi, Oblationes a duobus Nobilibus eorum respectivè Familiaribus talari Vestè indutis delatas reverenter de more Sanctitati Suae presentabunt.

Prima hac nocte, & pariter sequentis diei signa lætitiæ fieri mandabunt cum luminaribus, & festis ignibus.

Ideo intimentur omnes, & singuli Eminentissimi, & Reverendissimi DD. Cardinales, Reverendissimi Patriarchæ, Archiepiscopi, & Episcopi in Urbe præsentés tam Assistentes, quàm non Assistentes, Abbates Generales locum in Pontificia Cappella habentes, ac Pœnitentiarii Basilicæ Vaticanæ.

Intimentur etiam Gubernator Urbis Vice-Camerarius, Principes Solii, Protonotarii Apostolici, Generales Ordinum Mendicantium, Conservatores Urbis, Oratores Civitatum Subditarum, Auditores Rotæ, Clerici Camera Apostolicæ, Volantes Signaturæ Justitiæ, Abbreviatores, utriusque Signaturæ Referendarii, & Advocati Consistoriales, ut omnes sub eandem horam in prædictum Sixti Sacellum expeditè conveniant.

Episcopi Assistentes, & non Assistentes, ac Abbates Generales cum Pluvialibus rubeis, & Mitra simplici ex lino.

Pœnitentiarii cum Planetis rubeis, & biretis.

Protonotarii Apostolici cum Cappis.

Reliqui Prælati, nempe Auditores Rotæ, Clerici Camera, Volantes Signaturæ Justitiæ, Abbreviatores, & Referendarii cum Rocchettis, & Superpelliceis.

Advocati Consistoriales cum Vestibus violaceis, atque Caputiis.

De Mandato Sanctissimi Domini Nostri Papæ.

Ignatius Reali Apost. Cærem. Præs.

EMINENTISSIMO, E REVERENDISSIMO SIGNORE.

M Ercoledì 29. del cadente mese di Giugno festa de' gloriosi Santi Appostoli Pietro, e Paolo si degnarà l' Eminenza Vostra mandare due Gentiluomini con abito talare la mattina della Canonizzazione de' Santi FEDELE da SIGMARINGA, CAMILLO de LELLIS, PIETRO REGALATO, GIUSEPPE da LEONESSA, e CATARINA RICCI, per tempo nella Basilica Vaticana; con trasmettere anche due giorni prima i nomi dei medesimi al Sig. Duca di Gradagnoli Maestro del Sagro Ospizio per poterli introdurre nel luogo destinato, perche siano pronti ad assistere a Vostra Eminenza nell' Oblazioni.

Modo huic non absimili mandatum etiam est Rituum Congregationis Consultoribus, ut insignibus, ac indumentis ipsorum muneribus, & Ordinibus congruentibus Supplicationem utriusque Cleri tendentem in Beati Petri Basilicam ex præscripto Summi Pontificis, quocumque fuorum sociorum comitatu excluso, prosequi non detrectarent.

REVERENDISSIMO PADRE.

D Ovendo per ordine della Santità di Nostro Signore V. P. Reverendissima intervenire con gl' altri Consultori della Sagra Congregazione de' Riti alla solenne Canonizatione de' Beati FEDELE da SIGMARINGA, CAMILLO de LELLIS, PIETRO REGALATI, GIUSEPPE da LEONESSA, e CATARINA RICCI; Si troverà la mattina del 29. di Giugno Festa de' SS. Appostoli Pietro, e Paolo, alle ore dieci e mezza in punto, fuori de' Cancelli della Cappella Sistina del Palazzo Apostolico Vaticano, di dove sarà avvisato per portarsi, escluso il proprio Compagno, in Processione, secondo il metodo dalla Santità Sua prescritto, alla Basilica Vaticana, nella quale fra gl' altri Ordini della Cappella Pontificia da uno de' Maestri di Cerimonia della Santità Sua le verrà assegnato il luogo per assistere alla detta Sagra Funzione.

Porro diei Festi Apostolorum Principum Pervigilium, in quo modò versamur, opportunitatem præbet ejusmodi; ut quemadmodum ea celebritas incrementum acceperit, prætereundum non videatur. Etsi enim persuasum haberet Summus Ecclesiasticæ Disciplinæ Moderator,^a omnium Sanctorum solemnitatum, totum Mundum participem esse, & unius Fidei pietatem exigere; ut quidquid pro salute universorum gestum recolitur, communibus ubique gaudiis celebrandum sit; tamen quod Petri & Pauli Festivitas præter illam reverentiam, quam toto terrarum orbe promeruit, speciali ac proprio Romane Urbis exultatione veneranda est; ut ubi præcipuorum Apostolorum gl' rificatus est exitus; ibi in die Martirii eorum sit latitiæ Principatus.

Per-

^a S. Leo Sermon. 1. in Natali Apost.

perpetuis futuris temporibus valitura sua Constitutione, quæ inferius dabitur, præter Festum diem, eorundem Apostolorum cultum ad octiduum protraxit præcipiens, ut unoquoque die infra prædictam octavam in designata Ecclesia insigni aliquo ipsorum Apostolorum monumento celebri Pontificalis Missa mane cantaretur adstantibus per dies singulos singulis Romanæ Curiae Prælatorum Ordinibus juxta gradum & dignitatem, ac præcipuè juxta locum, quem obtinent in Pontificiis Cappellis, & habitu eodem, quo utuntur, cum collegialiter iisdem interfunt. Quia verò exorta controversia erat inter Prælatos Votantes Justitiæ & Gratiæ, uter nimirum ex his duobus Ordinibus alteri deberet præcedere, composuit litem Sanctissimus Pater datis Apostolicis literis, quas non injucundum erit hic inferere: Vicaria enim qua pollet, Jesu Christi potestate BENEDICTUS non destitit, dum nova Sanctorum accessione triumphanti Ecclesiæ decorem augere satageret, & Militanti consulere, Gerarchicum Ordinem Prælatorum constituendo; Sanctionis tenor.

ORDINATIO, SEU STATUTUM,

Quo præscribitur Ordo præcedentiæ per Votantes Signaturæ Justitiæ & Gratiæ tum in Sedendo, tum in Votum ferendo servandus.

BENEDICTUS P. P. XIV.

Ad futuram rei memoriam.

Militanti Ecclesiæ, quæ est sicut Castrorum acies ordinata, per ineffabilem Divinæ Bonitatis abundantiam, quamvis nullis nostris meritis præsidentes, illud præcipuè inter cetera per magna & ampla Apostolicæ procurationis nostræ munera studiosius curare debemus, ut eas providentiissimè tradamus, statuamusque regulas, quibus ab ipsis ejusdem Ecclesiæ Prælati in hac Romana Curia ad laboriosa & difficillima totius catholici Orbis expedienda sive Gratiæ, sive Justitiæ negotia Nobiscum adlaborantibus rite sanctèque servatis, nulla potissimum quoad præcedentiam inter eos confusio & inordinatio inducatur, quemadmodum, iisdem regulis nondum apprime constitutis, experientia constat, maximam inductam fuisse confusionem inordinationemque. Duo in hac ipsa Romanâ Curiâ nostrâ sunt Tribunalia antiquissima sanè, & aliis interdum, quàm de præsentī, nominibus celeberrima, alterum quidem Signaturæ Justitiæ dictum, in quo duodecim tantum numerantur Prælati Votantes nuncupati, alterum verò Signaturæ Gratiæ appellatum, in quo totidem Prælati Votantes habentur. In horum sanè numero Nos pariter olim, dum in Minoribus essemus, fuisse gloriamur. Porro nunquam utrique Votantes tamquam in sive Corporis, sive Tribunalis speciem conveniunt;

niunt ; ea propter nulla quidem hac in parte necessaria est Apostolicæ nostræ providentiæ ratio ; sed hoc præsertim præcipimus & mandamus ; ut quotiescumque tam ipsi Signaturæ Justitiæ , quàm Signaturæ Gratiæ Votantes pro suis respectu proprii Tribunalis seorsim obeundis adimplendisque muneribus invicem convenire debent , idem inter ipsos tum in sedendo , tum in votum , sive suffragium ferendo præcedentiæ Ordo servetur , qui ad hanc usque diem retentus servatusque est . Quoniam ut plurimum accidere potest , ut sive unus , sive plures ex utroque Signaturæ Justitiæ & Gratiæ Tribunali Votantes quacumque ex causa sive Prælatitio , sive quocumque alio habitu induti quomodolibet & ubicumque insimul reperiri possint : Hinc est , quod Nos motu proprio , ac ex certa scientia , & matura deliberatione nostris , deque Apostolicæ potestatis plenitudine volumus & mandamus , ut in hujusmodi conventu ille Votans , qui in suo Tribunali antiquior , & prior constitutus fuerit , hoc modo præcedat , videlicet : Ut Votans prior in Signaturæ Justitiæ Tribunali adlectus , quàm Signaturæ Gratiæ Votans in suo admissus fuerit , huic secundo dicto Signaturæ Gratiæ Votanti præcedat ille Signaturæ Justitiæ Votans ; ita pariter huic Signaturæ Justitiæ Votanti præcedere debeat ille Signaturæ Gratiæ Votans , qui antequam Signaturæ Justitiæ in suum Tribunal admitteretur , jam in proprium itidem Tribunal receptus fuerat : Quod si contigerit ambo alterius Signaturæ Votantes eodem die quemque Tribunali constitutos fuisse , tunc præcedentia illi detur , qui in Prælatura quacumque antiquior & prior reperitur . Traditam itaque statutamque regulam in præmissis , dummodo nullus alius præcedentiæ titulus intercedat , omnino servandam custodiendamque esse volumus & mandamus . Verùm cum aliquis Votans alterius Tribunalis hujusmodi sive Episcopali caractere insignitus , sive Protonotarii Apostolici dignitate ornatus , sive quocumque alio ejusdem Romanæ Curie munere , vel officio decoratus reperiatur , præcipimus insuper & mandamus , ut nulla habita Signaturæ Justitiæ , aut Gratiæ Votantis ratione , sed ea duntaxat præcedentia illæsa remaneat , quæ Votanti respectu sive characteris Episcopalis , sive Dignitatis Protonotarii Apostolici , sive cujusvis alterius muneris præcedentiam hac in re requirentis competit & debetur . Denique statuimus & decernimus hujusmodi præcedentiam , cum quivis Votans in utroque Signaturæ Justitiæ & Gratiæ Tribunali adscriptus fuerit , a primæva ipsius Votantis in altero utriusque Signaturæ Tribunali receptione & admissione , & non aliter esse repetendam & definiendam . Decernentes ipsas præsentis Literas semper firmas validas & efficaces existere & fore , suosque plenarios & integros effectus sortiri & obtinere , ac illis , ad quos spectat , & pro tempore quandocumque spectabit , plenissimè suffragari , & ab eis respectivè inviolabiliter observari ; sicque in præmissis per quoscumque Judices Ordinarios , & Delegatos etiam Caesarum Palatii Apostolici Auditores judicari & definiri debere , ac irri-

tum

tum & inane, si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus & Ordinationibus Apostolicis, ceterisque contrariis quibuscumque. Datum Romæ apud Sanctam Mariam Majorem sub Annulo Piscatoris die vij. Junii MDCCXLVI. Pontificatus nostri Anno Sexto.

D. Card. Passioneus.

Toto autem eo octiduo voluit Pontifex, ut Vespere aliquæ Laicorum Confraternitates ab Eminentissimo Cardinali Urbis Vicario eligendæ supplici ritu adirent eam Ecclesiam; ubi preces habitæ mane fuerant; ultimo tandem solemnitatis die ad Lateranensem Basilicam, non solum composita supplicantium agmina procederent, sed Eminentissimi Patres, qui vellent, iterum vestibus, & quod peculiare est, etiam Cappis rubris, mane adessent Pontificali Missæ. Post meridiem Senator, Conscripti, & Centuriati e Romano Populo homines, frequentiori quo possent, comitatu, Capita Apostolorum veneraturi eo progredierentur: quod jam quater religiosè servatum est.

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam.

Admirabilis Sapientiæ Dei sublimitas, cujus providâ dispositione mundana Regna constituuntur, ut Ecclesiæ Fidelium, quæ divino comitata adiutorio peregrinatur in terris, vel amplificandæ, vel exercendæ, vel custodiendæ, alternantibus miro ordine vicibus, inserviant, voluntariam humani Generis cæcitatem, & proclivem in deteriora nequitiam secretiori consilio, & altiori pietate commiserans, cum adveniente temporum plenitudine, sedentibus in tenebris, & ambulantibus in umbra mortis Evangelicæ Fidei lucem effundere decrevisset, Romanum præparavit Imperium, ut promptiores ad omnes Populos prædicatio veritatis haberet accessus, quos unius Civitatis dominatio sociaret. Imbuendi autem Evangelio mundi partibus, accepta per Spiritum Sanctum omnium locutione linguarum, duodecim Apostolis distributis, beatissimus Petrus Princeps Apostolici Ordinis ad Arcem Romani destinatur Imperii, ut ea capta, & in obsequium Fidei subjugata, facilius universus Orbis humilitati Crucis superba colla submitteret. Ad hanc postea Coapostolus ejus Paulus, aliis peragratis provinciis, adveniens, labore & meritis illi consociatus est, ut Roma tantorum Apostolorum edocta Magisterio, quæ superstitionis studio profa-

nos omnium gentium cultus atque errores receperat, veritatis amore sanctæ atque immaculatæ unius Dei Religionis Sedes evaderet: Isti enim sunt Romanæ Urbis Patres verique Conditores, qui eam Regnis cœlestibus adscribendam melioribus auspiciis & fortunatioribus initiis condiderunt; non illi, quorum manibus cognato sanguine pollutis prima mœnium fundamenta locata sunt, e quibus is, qui ei nomen dedit, fraterna cæde fœdatam facinorosis hominibus, scelerum impunitate promissa, habitandam concessit. At verò isti e tenebris Idololatriæ ad Fidei lumen evocatam, Evangelica veritate imbutam, christianis ornatam virtutibus, & ad Cœli sublimitatem erectam pretioso sanguine suo consecrarunt, & sacris Corporum suorum Sepulchris adversus furentium hæresum insidias, & frementis infernalis hostis impetus, tanquam duobus firmissimis munivere propugnaculis. Beatus autem Apostolus Petrus, Sacerdotali Sede Romam translata, cum privilegium potestatis a Christo Domino acceptæ ad omnes suos transmittat hæredes, supremi culminis prærogativam quodammodo cum ea communicavit, adeo ut per beati Petri Cathedram Princeps ac Caput Orbis fieret, & in immensum Religione Divinâ ejus cresceret dignitas, cujus latius quàm dominatione terrena per totum Orbem protendebatur auctoritas. Quare etsi in Sanctorum solemnitatibus commune univerforum Fidelium deceat esse gaudium, cum ob fidei unitatem in acceptis a Deo per Servos suos beneficiis indiscreta sit omnium utilitas;^a tamen Natalis Apostolorum Petri & Pauli festivitas præter illam reverentiam, quam toto Terrarum Orbe promeruit, speciali & propria Romanæ Urbis exultatione veneranda est, ut ubi præcipuorum Apostolorum glorificatus est exitus, ibi in die martyrii eorum sit lætitiæ Principatus.

Vivit adhuc in mente hominum, & nulla unquam delebit oblivio, vetus memoria & recordatio, quammerito & quanto per totum Orbem, sed præcipuè in hac Alma Urbe nostra fuerit a primis Ecclesiæ seculis celebri cultu, & splendida solemnitate Natalis dies beatorum Apostolorum celebratus. Siquidem ea die traditum est, Romanos Pontifices Prædecessores Nostros primùm in Basilica beati Petri in Vaticano, deinde in altera Apostoli Pauli Via Ostiensi Sacrum immortalis Deo in honorem Principum Apostolorum fecisse, & Romanum Populum frequentissimo cœtu, & celebri concursu utramque Basilicam sacras Apostolorum Reliquias veneraturum invisere solitum; imò ad eandem solemnem diem ex diversis Orbis partibus innumerabilem populi multitudinem linguis, moribus, & regionibus discretam, venerationis tamen erga beatos Apostolorum cineres, & triumphalem Natalis eorum memoriam concordi obsequio sociatum confluere consuevisse; Episcopos etiam aliosque
sacros

a S. Leo *Serm. in Nat. Ap. Petr. & Paul.*

facros Antistites, sublimes Regiasque personas ad eandem solemnitatem convenire solitos fuisse, supplicesque se, suasque coronas ad pedes Piscatoris, & ad Scenofactoris monumentum, adstantibus Ducibus, & Præfectis militum, prosternere. Hæc igitur & alia hujusmodi diligentissimi animi consideratione nobiscum reputantes vehementer solliciti sumus, ne Nos, qui in tantis periculis & adversitatibus constituti sanctorum Apostolorum valido indigemus auxilio, degeneres a Majorum pietate, & devii a sanctis eorum Institutis simus, & quibus in accipiendis a Deo per beatos Apostolos beneficiis & donis pares sumus, impares & ingrati in sacra eorum recolenda memoria, & gratiis immortalis Deo agendis reperiamur, meritòque illorum destituamur præsidio, quorum negligimus solemnitatem.

Volentes itaque cupientesque, Romani Populi erga BB. Apostolos devotionem, de quorum præsidio hanc Urbem nostram eorum decoratam Corporibus, cœlestibus illustratam doctrinis, & potenti apud Deum patrocinio semper adjutam maximè confidere decet, quantum in Nobis est, augere, atque amplificare, hac nostra in perpetuum valitura Sanctione statuimus ac decernimus, ut recurrente per ordinem Natali die eorumdem Apostolorum, non solum in Basilica Vaticana, ut nunc moris est, in pervigilio ejusdem Festi Vesperæ solemnes celebrentur, quibus interessere solet Romanus Pontifex cum S. R. E. Cardinalibus, Patriarchis, Archiepiscopis, Episcopis aliisque Romanæ Curiae Prælati, qui locum in Cappella Pontificia obtinent, & mane in eadem Basilica solemne Sacrum ab ipso Romano Pontifice peragatur, & secundæ Vesperæ ejusdem Venerabilis diei Ecclesiastico Cantu, ac Ritu a Capitulo & Clero, præsentem etiam S. R. E. Cardinali præfatæ Basilicæ Archipresbytero aliisque Cardinalibus ad eandem Vesperarum solemnitatem devotionis causa accedentibus, persolvantur; sed ulterius per totam octavam singulis diebus in diversis Ecclesiis a Nobis, tanquam aliqua Apostolorum memoria aut prærogativa insignitis, electis & inferius nominandis Missa in Pontificalibus, concinente ac psallente schola Cantorum, aliorumque Pontificiæ nostræ Cappellæ Ministris inservientibus, ordine ac modo infradicendo rite peragatur, recolaturque memoria illustris triumphus eorum martyrii, quod toto Terrarum Orbi, sed præcipuè Romanæ Urbi decus contulit & dignitatem.

Secunda igitur intra octavam die Missarum solemnia in Pontificalibus celebrentur, præsentibus Ven. Fratribus Episcopis Pontificio Throno Assistentibus, in Basilica B. Apostoli Pauli Via Ostiensi, in qua celebris est utriusque Apostoli memoria, sacræque Reliquiæ servantur, & veteri instituto sollemnis eadem die B. Apostoli Pauli commemoratio recolitur, qui, si adhuc vivens in Terris, adeo Romanos diligebat, ut sine intermissione memoriam eorum in suis orationibus faceret, vehementerque cuperet eos videre, & ad eos confirmandos aliquid spiritualis gratiæ impartiri;

pertiri; quantò magis sperandum est, quod modò Beatus in Cœlis pro Alumnis suis Deum orare non cesset, suamque opem humiliter postulantibus, afferre non recuset, ut in illa cœlesti confirmetur doctrina, in qua eos ore suo, per quod Christus loquebatur, erudit.

Tertia die in Ecclesia S. Pudentianæ fiet solemne in Pontificalibus Sacrum, intervenientibus dilectis filiis Protonotariis Apostolicæ Sedis ex numero Participantium. Nam perhibent hoc loco fuisse domum Pudentis Senatoris, apud quem, cum primùm Romam advenit, hospitatus est Princeps Apostolorum Petrus, qui in eadem domo Verbum Dei Gentibus annunciavit, sacras habuit Synaxes, Sacrum pluries fecit, & Sacramenta Christi administravit; adeo ut in ea jacta sint quodammodo prima Romanæ Ecclesiæ fundamenta omnium aliarum Ecclesiarum Matris & Magistræ, quam superbæ inferorum portæ non vincunt.

Quarta die in Ecclesia S. Mariæ in Via-Lata Missarum persolvantur solemnia, intervenientibus dilectis filiis Causarum Palatii nostri Auditoribus. Locus enim iste antiqua est Religione celeberrimus; ibi primum, ut fertur, hospitio exceptus est Apostolus, & Magister Gentium Paulus, qui, ut Acta Apostolorum testantur, ^a *mansit biennio toto in suo conducto, & suscipiebat omnes, qui ingrediebantur ad eum, predicans Regnum Dei, & docens quæ sunt de Domino Jesu Christo, cum omni fiducia sine prohibitione.*

Quinta die ad Missarum solemnia in Pontificalibus celebranda convenient dilecti filii Cameræ Apostolicæ Clerici in Ecclesia S. Petri ad Vincula seu Titulo Eudoxiæ. Hæc enim prima Ecclesia esse traditur, quæ a Principe Apostolorum fuit Romæ immortalis Deo dedicata; in hac ejusdem beati Apostoli sacra Vincula servantur, quæ semper summo in honore ac veneratione apud Fideles omnes fuerunt, pluraque benignissimus Deus miracula per ea efficere ad laudem & gloriam Servi sui dignatus est. ^b Hæc enim sunt felices illi nexus, qui de manicis & compedibus in coronam mutandi Apostolum contingentes martyrem reddiderunt: Felices catenæ, quæ nudatis pene ossibus inhaerentes vivas reliquias de sanguinis sudore jam attrita carne rapuerunt: Felicia Vincula, quæ reum suum usque ad Christi Crucem non tam condemnatura, quàm consecratura miserunt.

Sexta autem die in Ecclesia S. Petri in Carcere, quo, ut ferunt, BB. Apostoli Petrus, & Paulus per plures menses arctissima custodia ad mortem usque detenti sunt, eorumque Custodes Processus, & Martinianus ad fidem conversi, subito ex proxima petra Divina virtute fonte enato, fuerunt a Petro sacro Baptismo abluti; & ubi in vinculis, & teterimi carceris sœditate invisentibus se Evangelium Dei prædicare, curare infirmos, sanare ægros, & multa alia patrare miracula non desierunt. Missa autem in Pontificalibus in Ecclesia superiori, ob inferioris angustiam,

^a Act. Apost. cap. 28. v. 30. 21. ^b S. Aug. serm. 29. de Sanctis.

stiam, adstantibus dilectis filiis Referendariis Votantibus Signaturæ Justitiæ, celebrabitur.

Septima die Missa in Pontificalibus, assistentibus dilectis filiis Abbreviatoribus de Parco Majori, celebrabitur in Ecclesia S. Petri in Monte Aureo, ubi, ut pia traditione fertur, beatus Apostolus Petrus Cruci affixus martyrio coronatus est capite ad terram verso, & in sublimem pedibus elevatis, asserens, se indignum, quod sic crucifigeretur, ut Dominus suus; sed ita e terra Cœlum, quo iter parabat, suspiciens, admirandæ humilitatis virtutem, novique mysterii disciplinam & inter tormenta servavit.

Demum octava die festiva BB. Petri, & Pauli Apostolorum Principum solemnitas in sancta Lateranensi Basilica absolvatur. Ibi enim supra Altare Majus in argenteis Imaginibus margaritis lapidibusque pretiosis ornatis sacra Apostolorum Capita, quæ olim in Ecclesia S. Laurentii ad Sancta Sanctorum servabantur, a fel. rec. Urbano Papa V. Prædecessore Nostro reposita fuerunt. Beata capita, quæ Sanctarum illarum animarum sedes nihil humile, aut mundanum, sed cœlestia solum ac Divina cogitarunt; quæ non terrenum pulverem, aut humanas sordes, sed Divinas revelationes, & cœlestia Arcana recipere meruerunt; quæ in novissima omnium mortuorum resurrectione æternis ornanda fertis corporibus ac animabus suis supernæ Patriæ beatitudine fruitura conjungentur. Mane Missarum solemnitas in Pontificalibus, præsentem Ven. Fratrum nostrorum S. R. E. Cardinalium Collegio, eo majori ritu & solemnitate, qua sacri hujusmodi Cardinalium conventus peragi unquam solent, celebrentur. Vespere autem sacras Apostolorum Reliquias veneraturi solemnem cultu & pari animi devotione ad eandem Basilicam pergant dilecti Filii Nobiles Viri Senator Urbis, & Romanorum Civium, & Cameræ Urbis Conservatores, quorum pietatis exemplo commotus ad debitas immortalis Deo gratias reddendas pro ineffabili munere ei collato in beatorum Apostolorum Petri, & Pauli patrocinio universus Romanus Populus celebri frequentia & æmula festinatione accedere contendat.

Pomeridiano autem tempore aliorum dierum omnes Confraternitates hujus Almæ Urbis, per Venerabilem Fratrem nostrum S. R. E. Cardinalem Vicarium pro tempore publico Edicto intimandæ, statis suis quæque diebus ad eam Ecclesiam, ubi mane Missa in honorem Apostolorum celebrata fuerit, piè ac devotè procedant. Singulis autem Confratribus processionaliter accedentibus septem annos & totidem quadragenas, & aliis omnibus utriusque sexus Christifidelibus verè poenitentibus & confessis, qui eandem Ecclesiam, ubi Statio erit, religiosè visitaverint, de omnipotentis Dei misericordia confisi centum dies de injunctis eis, aut aliàs quomodolibet debitis poenitentiis misericorditer in Domino relaxamus.

Monemus autem in Domino . & instantius rogamus , omnes Christianissimos in hac Alma Urbe natos & commorantes , ut pia Majorum exempla in veneratione erga beatos Apostolos laudabili studio æmulantes in Ecclesiis & Nobis constitutis devota celebritate conveniant . & spiritibus laetitia exultantes laudantelque Deum , qui glorificatur in Sanctis suis , tantam Nitens ceteri Apostolorum celebrent solemnitatem . Sequidem de prædicatione Divinitus Nobis ad exemplum patientiæ . & confirmationem hæc præparato in horum excellentia Patrum merito esse existamus ut gloriamus , quos gratia Dei instantem altissimam protexit : ut horum alteri magnum & mirabile confortium potenti fide tribuerit Divina dignatio : alter vero Vas electionis . & specialis Doctor Gentium superno oraculo . & celesti sententia fuerit designatus . Praeterea meminimus hæc hanc Urbem potenti Apostolorum protectione a Barbarorum incurbedis . a exsede , a depopulatione . ab incendiis . a terremotibus aliisque innumereis periculis & calamitatibus liberatam . In mentem revocent innumera illa prodigia & gratias . quas ad gloriam Servorum suorum Brandeorum . vel Catenarum contactu . vel sola oratione . aut nominis invocatione antiquorum Fratrum pietas ac devotio ab omnipotenti Deo obtinuit . Denique in memoria habeant verba illa S. Leonis Praedecessoris Nostri ad Romanum Populum ex beati Petri Cathedra clamantis & dicentis : *Letamini in Domino . quia in vobis est Ordo Petrinus . in quo ipsius Petri virtutibus : per quos præcipue vultis esse propius Deo : merito curamus excellere . quod in ipso Apostolica petra auctoritas . & Dominus Noster Jesus Christus : cum vultibus videretur . & beatus Apostolus Petrus per vos vult videri .*

Caveant igitur . ne sancti suorum Pastorum monitis inobsequentes . ne immemores beneficiorum Dei . ne irreligiosi erga Servos ejus B. Apostolos . & absummes Majorum pietatem inveniantur . Magnum enim periculum est . esse homines per oblivionem beneficiorum ingratos Deo . & Servis ejus . nec correptione corrigi . nec de gratiis recordari . Sciant quoque . quod beatos Apostolos . qui apud Deum intercessores non esse non erant . clarum culpæ suæ severos Judices habebit . & quos contumaces æternæ miserationis habere contemnit . offensæ majestatis sunt relictos .

Ne ergo omnino hominum liceat hanc paginam nostræ Constitutionis . decreti . statuti . declarationis . monitionis . & voluntatis infringere . vel ei ausu temerario contraire : Si quis autem hoc attentare presumpserit . indignationem omnipotentis Dei . ac beatorum Petri . & Pauli Apostolorum ejus se noverit incursurum . Datum Romæ apud S. Mariæ Majoræ anno Incarnationis Dominicæ millesimo septingentesimo

tesimo quadragésimo tertio Calendis Aprilis Pontificatus Nostri anno tertio .

P. Card. Prodatarius .

D. Card. Passioneus .

VISA DE CURIA .

N. Antonellus .

J. B. Eugenius .

Registrata in Secretaria Brevium .

Anno a Nativitate D. N. JESU CHRISTI millesimo septingentesimo quadragésimo tertio Indictione quinta die vero 13. Aprilis . Pontificatus autem Sanctissimi in Christo Patris , & D. N. D. BENEDICTI Divina Providentia PP. XIV. Anno Tertio , supradicta Constitutio affixa & publicata fuit ad altas Basilica Lateranensis , & Principis Apostolorum . & Cancellaria Apostolica , Curia Generalis in Monte Citorio , & in Aede Campi Flavi . ac in aliis locis solitis & consuevis Urbis per me Nicolaum Cappelli Apst. Curf.

Antonius Pelliccia Mag. Curf.

Fr. Gio: ANTONIO del Titolo de' SS. Silvestro e Martino a' Monti
della S. R. C. Prete Card. Guadagni della Santità
di Nostro Signore Vicario Generale &c.

INterendo noi alla Costituzione della Santità di Nostro Signore BENEDETTO XIV. pubblicata il primo Aprile 1743. , in cui per accrescere maggiormente , e dilatare la direzione del Popolo Romano verso li Santi Apostoli Pietro , e Paolo Protettori di quest' Alma Città , si è degnata determinare . che non solo nel giorno Festivo del gloriosi Martiri de' medesimi Santi Apostoli si celebrino ogn' anno secondo il solito i Vespèri , e Messa solenne nella Basilica Vaticana , ma anche in tutti i giorni dell' Ottava ; cioè , il secondo giorno nella Basilica di S. Paolo : il terzo nella Chiesa di S. Prudenziانا : il quarto in S. Maria in Via-Lata : il quinto in S. Pietro in Vinculi : il sesto in S. Pietro in Carcere : il settimo in S. Pietro Monasterio : e l'ottavo , ed ultimo giorno nella Basilica Lateranense , e che inoltre le Compagnie di Roma debbano processionalmente portarsi alla visita rispettivamente delle suddette Chiese ne' giorni da intima sèli da Noi : Si ordina perciò , e comanda all' infra-scritte Compagnie , che ne i giorni qui sotto stabiliti , nel dopo pranzo (eccettuato però il giorno della Festa de' medesimi SS. Apostoli , attesa il concorso , ed affluenza del Popolo alla suddetta Basilica) si portino ciascheduna alla Chiesa assegnatali , cantando per la strada le Litanie de' Santi , con duplicare l'invocazione di S. Pietro , e con riasumere le medesime

O O O

deijme

desime Litanie subito che saranno terminate . Nel ritorno poi dalla visita , che fatta avranno prima dell' ore 24. , dovranno cantare le Litanie della beatissima Vergine , con riassumere come sopra le medesime , terminare che saranno , concedendo la Santità sua a ciascheduno de' Fratelli dieci anni d' Indulgenza , ed altrettante Quarantene ; ed a tutti gl' altri Fedeli dell' uno e l' altro sesso , che veramente pentiti , e confessati visiteranno quella Chiesa , dove sarà la Stazione , concede parimente sette anni , ed altrettante Quarantene d' Indulgenza .

Si esortano pertanto tutti , e particolarmente le Compagnie , che cercando di emulare la pietà de' Maggiori nella venerazione dovuta a i gloriosi Appostoli , devotamente col solo Crocefisso , e senza confusione si portino nelle Chiese destinate- li , e con dare manifesti contrafegni della loro spirituale allegrezza , e lodare Id- dio , che ne' Santi suoi viene glorificato , non manchino di celebrare la Solemnità così grande di quel giorno , in cui meritano i detti Appostoli ricevere da Dio la Palma del glorioso Martirio , e di pregare il Signore per l' estirpazione dell' Ere- sia , esaltazione della Santa Madre Chiesa , e per la pace e concordia fra Prin- cipi cristiani . Dato in Roma dalla nostra solita Residenza li 19. Giugno 1746.

Fr. G. A. Card. Vicario .

Gasparo Arciprete Ori Segretario .

Ripartimento delle Compagnie , che dovranno portarsi alla Visita delle suddette Chiese nell' anno corrente .

Giovedì 30. Giugno , secondo giorno dell' Ottava delli suddetti SS. Appostoli , dovranno portarsi alla Basilica di S. Paolo .

Compagnia di S. Maria della Quercia de' Macellari .

Compagnia di S. Leonardo de' Scarpellini .

Compagnia di S. Giovanni della Malva in Trastevere .

Compagnia di S. Barbara de' Librari .

Compagnia de' SS. Crispino e Crispiniano de' Calzolari .

Venerdì terzo giorno si porteranno alla Chiesa di S. Pudenziana .

Compagnia de' Cocchieri in S. Maria in Cacabarijs .

Compagnia de' Regattieri .

Compagnia del Santissimo Nome di Maria .

Compagnia de' Lavoranti Falegnami .

Compagnia de' Fornari in S. Maria di Loreto .

Sabbato quarto giorno si porteranno alla Chiesa di S. Maria in Vialata .

Compagnia di S. Petronio de' Bolognesi .

Compagnia , o sia Università de' Matarazzari .

Compagnia di Gesù e Maria in S. Simone Profeta .

Compagnia di S. Catarina di Siena a Strada Giulia .

Compagnia del Santissimo Rosario e Sacramento in S. Niccola de' Prefetti .

Domenica quinto giorno si porteranno alla Chiesa di S. Pietro in Vincoli.

Compagnia del SS. Crocefisso in S. Marcello .

Università de' Pizzicarelli .

Compagnia o sia Università degl' Osti in S. Biagio della Fossa .

Compagnia de' Tessitori in S. Maria degl' Angeli .

Compagnia de' Bergamaschi .

Lunedì sesto giorno si porteranno alla Chiesa di S. Pietro in Carcere .

Compagnia del Santissimo Sacramento in S. Lorenzo e Damaso .

Compagnia di S. Giovanni de' Genovesi .

Compagnia de' Cuochi in SS. Vincenzo ed Anastasio alla Regola .

Compagnia di S. Nicola in Arcione .

Compagnia di S. Ivo .

Martedì settimo giorno si porteranno alla Chiesa di S. Pietro Montorio .

Compagnia di S. Spirito in Sassia .

Compagnia di Campo Santo .

Compagnia di S. Giacomo in Borgo .

Compagnia di S. Anna de' Parafrenieri .

Compagnia del Confalone .

Mercoledì ottavo ed ultimo giorno si porteranno
alla Basilica Lateranense .

Compagnia de' Lucchesi in S. Bonaventura .

Compagnia del Santissimo Cuore di Gesù .

Compagnia del Santissimo Sacramento in S. Angelo in Pescaria .

Compagnia della Beata Rita da Cascia .

Compagnia delle Sagre Stimate .

Primæ Sanctorum Apostolorum Vesperæ non in Vaticana Basilica ,

quippe quæ ab Operariis nondum erat expedita, sed in Sixti IV. Sacello cantatæ fuerunt a Summo Pontifice adstantibus Cardinalibus & Prælatiis juxta proprii Ordinis gradum sacro pretioso indumento distinctis, prout decet, cum Papa est in crastinum celebraturus; ad quod Sacellum ab Aula Paramentorum exiens, cum deferretur Sanctissimus Pater, coram ipso in sella composito, adstante Advocato Fiscali R. C. A. citavit Præco maxima voce, qui annuo solvendo tributo erant obnoxii. Cum verò in Regiam Aulam delatus esset, in qua Eminentissimus Albanus S. R. E. Camerarius Cappâ rubrâ indutus, & omnes Camerae Apostolicæ Clerici & Camerales collegialiter uniti ejus transitum præstolabantur, Fisci & ejusdem Camerae nomine D. Joannes Philippus Advocatus Toppi pro Parmensi & Placentino Ducatu interpellans protestatus est.

Substitit Sanctitas Sua protestationem exceptura: qua audita, responsum dedit de more.

Supererat vectigal, quod pro Regno utriusque Siciliae cis, ultrâque Pharus positæ, [directum enim earumdem Dominium pertinet ad Apostolicam Sedem] Pontifici penditur quotannis a Rege per Legatum extra Ordinem, qui magno Aulicorum & Nobilium equitatu album eidem repræsentat Equum, & certam pecuniæ vim, quibus vectigal continetur. Solet id fieri in ipso sanctorum Apostolorum pervigilio, & intra Vaticanæ Basilicæ vestibulum, cum post Vesperas redit Pontifex in Aulam Paramentorum: Quamquam nec status iste dies servatur aliquando, nec locus; si aliter terat temporum conditio, & Pontificis voluntas. Ita anno millesimo septingentesimo quadragesimo, cum Festus beati Petri dies in Pontificiorum Comitiorum tempus incidisset; (vacavit enim Sedes a Februario Mense ad diem XVI. Kalen. Septembris, quo die Clementi XII. successit BENEDICTUS XIV.), Excellentissimus D. Fabritius Columna Magnus Comestabilis Regni Neapolitani, & Legatus extraordinarius Serenissimi Caroli Sebastiani Borbonii Hispaniarum Infantis, & utriusque Siciliae Regis nomine vectigal pependit VI. Idus Septembris in Templo beatæ Mariæ de Populo, in quo solemni de Nativitate Virginis Sacro primùm post electionem suam BENEDICTUS adstiterat. Hoc ipso anno non in Basilica Vaticana, quæ proximæ celebritatis causâ impediabatur, sed in Aula Regia Palatii Vaticani vectigal persolvit Beatissimo Patri idem Regis Legatus, quem quidem cum Roma magno equitatu ad Vaticanum euntem eo die videret, non potuit quin & Caroli Regis, a quo ille mittebatur, statim meminisset; ejusque Religionem & pietatem miraretur, cum tribus annis ante non Urbis visendæ studio Romam accessit, sed ut sacras beatorum Apostolorum Petri & Pauli reliquias veneraretur, & in genua provolutus BENEDICTO Jesu Christi in terris Vicario, quem^a Caput omnis Principatus & Potestatis agnoscebat, addictum benevolum & obsequentem animum suum coram ostenderet.

Ergo

^a *Ad Colos. c. 2. v. 10.*

Ergo Excellentissimus D. Legatus e magnifico Palatio Farnesiorum, unde genus ex materno sanguine ducit Rex Carolus, velut a Regali Domo discessit, cum Vespertinæ preces cani cepissent coram Pontifice in memorato Sixti IV. Sacello. Præibant pedites Senatus Populique Romani Tympanotribæ, alique nonnulli Tubicines: Duo sequebantur ex gregariis Legati famulis, & familiari ejusdem veste, multo tamen argento variegatâ induti, equis insidentes. Tympana Tubæque, quæ subinde pulsabantur inflabanturque, velo serico, in quo Columnensium & Salviatæ Gentis stemma pictum erat, circumvestiebantur. Post hos equitabant Designatores duo, [*Florerios* vocitant], ad quos onus incuberat, comitatum omnem instruere, & suum unicuique locum attribuere. Nobiles deinde Aulici tam Eminentissimorum Cardinalium, quàm Oratorum & Procerum & aliorum quoque, qui ipsi Regi vel clientela, vel beneficio sunt obnoxii: Tum intimi familiares Legati, Proceres, & Equites quamplures, vel ex utraque Sicilia, vel Hispani. Succedebat Helvetiæ Custodiæ Dux, quatuor peditibus stipatus famulis: Principes post hunc, & Optimates, Regis Vectigales: Tum duo Turmarum levis armaturæ Pontificii Duces. Phaleratus postea & ornatus stragulo rubro villosò, quod opere phrygio intextum argento totum erat, manucebatur a duobus Peditesequis urbana nigri coloris veste indutis *Equus albus*, nullo Sessore, sed Insignibus Sanctitatis Suae solido ex argento conflatis, quæ supra ephippium a duobus famulis sustentabantur, magnificè onustus. Sequebatur inde Præfectus Equili Columnensium, cui pendebat e collo nummorum crumena, pariter equitans, post quem incedebat Eques D. Legatus nobili circumpedum Epheborum, Proætonumque corona interiùs circumseptus, exteriùs verò forti Militum Helvetiorum manu securibus Palatinis armata, & a duobus eorundem Centurionibus ducta, quæ in duos Ordines ita protendebatur, ut & vectigalem equum, & qui post eum gradiebantur, utrinque medios concluderent. Proximè Legatum mulis præclarè instructis vecti non pauci incedebant Episcopi, nemine præsertim absente ex iis, quos e Campania Summus Pontifex jusserat Romam evocari, ut Beatis inter Sanctos referendis suffragari possent, & eorum Canonizationi interessere: Subsequebantur utriusque Pontificiæ Cohortis Milites levis armaturæ, qui de more sagati, sed sine lanceis, e Papæ Custodia, deducendi Legati gratiâ, usque ad memoratum Farnesianum Palatium priùs accesserant.

Claudebant agmen Currus duodecim, multo auro & cælatura spectabiles, quorum quatuor senis equis, reliqui bijugis agebantur. At verò, per confertas Populi multitudine vias cum e Sancti Angeli Ponte in regionem Urbis, quam Burgum vocant, transgrederetur Legatus, bellicis tormentis ex Hadriani mole displosis salutatus perrexit equitans sub Porticu ad marmoream Constantini Statuam, prope quam descen-

dens,

dens, & alienorum comitatu dimisso Papam adivit, ut ei Tolutarium equum de more offerret, qui per gradus Regiæ, uti dicunt, Scalæ in Aulam ascenderat.


Ceterum ut magis appareat, quod brevi narratione explicatum est; formam rei totius, prout gesta est, magno studio delineatæ, & æri affabre incisæ non alienum visum est hîc apponere.


Ignes festi facesque tota Urbe in viis & fenestris lucentes noctem exceperunt. Præcipuè verò omnium in se oculos convertit celeberrimus, idemque unicus, si moles immensa & artificium spectetur, Templi Vaticani Tholus, qui curâ R. P. D. Joannis Francisci de Abbatibus Oliverii Fabricæ OEconomi, cujus multa sunt memoratu digna ad ornandum Principis Apostolorum sepulchrum, ejusque æneum vetustissimum Signum Donaria, tam multis facibus & lampadibus mirificè dispositis, totus colucebat, ut noctem vincere videretur. Hujus Ichnographiam inter Imagines & delineamenta ad calcem Operis sub *numero primo* appositam invenies.

Nec minori fuerunt voluptati, licet quater in anno iterentur, præter alia nitrati pulveris ope spectacula in eadem Hadriani mole, aut missilium ignium genera varia, aut eorundem uno tempore erumpentium tantâ copiâ, ut Arx ipsa montis instar igniuomi Cœlum flammis operiret tonantibus. Biduo hæc spectari quotannis solent, cum recolitur triumphalis passionis gloriosorum Principum terræ memoria: tertius hoc anno dies est additus novorum Sanctorum causa. Reliquum quod erat ejus noctis, non defuerunt Religiosi præsertim viri, qui traducerent in orationibus, ^a cor suum tradentes, ut vigilarent ad Dominum, & de futura Beatorum gloriâ maturiùs lætarentur.



Summo mane quotquot ex utroque Clero erant, ut præsto essent futuræ Supplicationi, ad constituta in Vaticanis ædibus Atria contenderunt; præceperat autem Sanctissimus Dominus Noster, ut Clerus non, quemadmodum priùs factum erat, compositus hinc inde a Palatii porta, quam *ferream* vocant, usque ad Obeliscum, & ab eo per Forum usque ad primarium Basilicæ Ostium duas inflexas continuasque formaret lineas, & ita consisteret, descensum & transitum suæ Sanctitatis per earum medium præstolaturus; sed ut compositè graviterque incedens, canens præterea hymnum *Ave Maris Stella* rectà introiret in divi Petri Templum. Quo verò Populi Clerique totius preces ac vota ad exorandam Canonizationis peragenda deliberationem ultimam publicè accederent; mandaverat, ut post Sacræ Congregationis Rituum Consultores, qui omnium postremi in hac Supplicatione futuri erant, Vexilla quoque quinque Beatorum Sanctis adscribendorum comportarentur, & in-


^a *Evlii. 39. v. 6. & seq.*





Solemnis Equitationis ad Vaticanum Incessus:





Exhibitio Censur in Aula Regia Vaticani.

& intra Basilicam transeunti Pontifici humiliter exhiberentur . At viam quoque solito longiorem , quæ ab universo procedentium ordine tenenda erat , in ea parte , quæ a fronte ad frontem quadrigemini peristylî aperta est , & sub dio , Postulatores præaltis trabibus in terra defixis , textilique serico rubro ab imo ad summum convestitis , supraque telis ex canabe extensis , ne solaribus radiis esset pervia , tegendam curaverunt . Onus verò Cereorum distribuendorum singulis agminibus , qui Supplicationem componerent , ita duo ex Cæremoniarum Magistris , selectique aliquot Patres ex iis Ordinibus Regularibus , qui sumptus in Canonizationem faciebant , inter se partiti fuerant , ut primi ope Acolythorum Cappellæ Pontificiæ Clericorum quadrilibres Cereos Cardinalibus , Patriarchis , & quibusdam aliis ; trilibres ceteris e Pontificiæ Cappellæ corpore traderent , dum successivè in ipsum Sacellum intrarent ; alteri autem singulis ex utroque Clero , qui Supplicationi intererant , dum bini transirent ante ligneum suggestum , quod comparatum ad hoc fuerat in loculamento sub porticu a læva exeuntium per supradictam portam ferream in peristylum . Dabantur verò ab his Cerei ardentes in Supplicatione deferendi non omnibus æquales , sed bilibres aut librales , vel selibræ pondere , aut quatuor unciarum , prout uniuscujusque coetus , aut personæ dignitas postularet .

Congregatis itaque Regularium , Monachorumque Familiis , Ecclesiarum Rectoribus & Clericis , Collegiatarum & Basilicarum Canonicis , confertoque jam ferme majoribus Ecclesiasticæ dignitatis Ordinibus Sixti IV, licet peramplo Sacello ; viis quoque , quæ suppliciter procedendum erat , per Milites circumseptis ; interiori præterea Basilicæ parte quaternis armatorum hominum Ordinibus munitâ ; submotâque e medio spectantium turbâ undique jam irruente , coepta est dirigi a Cæremoniarum Magistris Supplicatio .

Prima procedentium acies complectebatur Pueros Hospitii Apostolici sancti Michaelis , ac Orphanos ; Patres Tertii Ordinis sancti Francisci Recollectorum Gallos ex Conventu S. Mariæ Miraculorum ; Eremitanos excalceatos Ordinis S. Augustini ; Capuccinos ; Mercenarios Ordinis beatæ Mariæ Redemptionis Captivorum e Domo apud sanctum Adrianum ; Patres S. Honuphrii Ordinis Eremitarum S. Hieronymi Congregationis B. Petri de Pisis ; Minimos sancti Francisci de Paula ; Patres Tertii Ordinis sancti Francisci ; Minores Conventuales , De Observantia , & eos , quos Reformatos appellant ; Patres sanctæ Mariæ de Populo Ordinis sancti Augustini Congregationis Observantiæ Longobardiæ ; Eremitanos ejusdem Ordinis , ex Cœnobio sancti Augustini ; Carmelitas Congregationis Mantuanæ apud Ecclesiam sancti Chrysogoni in Regione Translyberina ; Alios prædicti Ordinis B. Mariæ Virginis de Monte Carmelo ex Monasteriis sancti Martini in Montibus , sanctæ Mariæ Transpontinæ in Regione Burgi , & sancti Juliani in Exquilis ; Eremitas Montis Se-


tis Senarii Ordinis Servorum beatæ Mariæ Virginis e Cœnobiis sancti Marcelli, sanctæ Mariæ in Via, & sancti Nicolai vulgò de Arcionibus, olim in Archemoniis, ita nuncupati ab hujus cognominis familia, cujus Ecclesia san. me. Benedicti Papæ XIII. beneficentiâ est Patribus istis restituta post annum secularem millesimum septingentesimum vigesimum quintum: Patres Ordinis Prædicatorum sanctæ Mariæ supra Minervam & aliorum Cœnobiatorum. Hujus primæ aciei corpora, quemadmodum & cetera alia, quæ in altera acie subsequebantur, unum ab altero Crux prælata tamquam regale Christi Domini vexillum & triumphale signum, discriminabat.



Secundam aciem Monasticæ vitæ Professores constituebant, videlicet, sancti Hieronymi Longobardiæ ad divi Alexii ædem in Colle Aventino; Canonici Regulares Sanctissimi Salvatoris Ordinis sancti Augustini ad divi Petri ad Vincula in Colle Exquilino; Monachi Congregationis Montis Oliveti Ordinis sancti Benedicti apud sanctam Mariam Novam, quam olim *minorem* nuncupabant, in Foro Boario; Monachi Congregationis Cœlestinorum e sancti Eusebii Monasterio ad Cimbrum, seu ad Marii Trophæa in Monte Exquilino; Monachi Ordinis Cisterciensis in unum corpus collecti, & unica sub Cruce incedentes, tam Congregationis Reformatæ sancti Bernardi ad Thermas, & sanctæ Pudentianæ ad radices Montis Viminalis, quàm Congregationis Etruriæ e Monasterio SS. Vincentii, & Anastasii ad aquas salvas, & Congregationis Longobardiæ ad sanctæ Crucis in Jerusalem; Monachi Congregationis Vallis Umbrosæ Ordinis sancti Benedicti apud sanctam Praxedem in capite Suburæ; Camaldulenses Ordinis ejusdem S. Benedicti apud sancti Gregorii maternam olim domum, mox ab ipso in Monasterium conversam, ad *Clivum Scauri*; Cassinenses Ordinis item sancti Benedicti e Basilica sancti Pauli extra Urbis mœnia in via Ostiensi; Canonici tandem Regulares sanctæ Mariæ de Pace Ordinis sancti Augustini Congregationis Lateranensis.

Præibat tertiam aciem Crux Cleri Secularis delata sicut aliæ Ordinum inter duos Acolythos cerostata portantes: Subsequebantur Alumni Seminarii Romani; Rectores Ecclesiarum Parochialium Urbis, ac Vicarii perpetui, quibus, ut a ceteris de Clero discernentur, Sanctissimus Dominus Noster nuper indulserat, ut circumpositam collo Sacerdotalem stolam in publicis Processionibus in posterum deferrent. Parochis succedebant Canonici Collegiatarum, idest sancti Hieronymi Illyricorum, sanctæ Anastasiæ, sanctorum Celsi & Juliani, sancti Angeli in Foropiscium, sancti Eustachii, sanctæ Mariæ in Vialata, sancti Nicolai in Carcere Tulliano, sancti Marci; & sanctæ Mariæ ad Martyres. Horum postremus erat Cleri Camerarius superpelliceo ac Sacerdotali stola redimitus. Canonici demum insignis Collegiatae sanctæ Mariæ in Cosmedin, vulgò *Bocca della verità*; quæ ad hunc dignitatis gradum evecta est a san. mem. Benedicto XIII., qui Canonicis ejusdem Cappâ magnâ, atque

Quaque Canonigandorum Vexilla per utrumque Clerum, et S.R.C. Consultores solenni
Supplicatione e Vaticani Palatii Porticu in Principis Apostolorum Basilicam deducta

A Sixtino Vaticani Palatii Sacello ad Templum Principis
Apostolorum progredientis Pontificis Supplicationis initium 481





que Rocchetto insignitis facultatem præterea fecit præferendi Papilionis , & æræ manualis ante ipsum campanulæ comportandæ ad instar aliarum Collegiatarum Insignium , & Basilicarum Urbis , Papilionibus & Campanulis utentium in signum Matricitatis : ^a Substitutæ eæ quippe sunt tubis illis argenteis veteris Testamenti , quæ adhibebantur ad congregandum Populum , dandumque processionis signum , quoties castra movenda essent . Nec absimili quidem forma nostræ Campanulæ conflatæ sunt , si attendatur illarum tubarum descriptio apud Josephum libro 3. Antiquitatum cap. 11. : Pullantur autem in Processionibus , ut sono vocis suæ ad Fidem & Ecclesiæ Congregationem quoslibet obvios vocent , & ad supplicandum simul cum aliis invitent . Antiquitatem ritus seculum octavum demonstrat . In secundo Concilio Nicæno , quod anno septingentesimo octogesimo septimo celebratum est , ubi agitur de celebri illa translatione reliquiarum sancti Anastasii Martyris , memoratur signa fuisse pulsata non ærea , sed lignea , quæ idcirco appellantur ibi : *Ligna sacra* : Cujusmodi sunt ea. quibus etiamnum utimur in diebus Tenebrarum ; & perseverare usus eorum dicitur in Ecclesia Græca , Teste Amalario , qui libro 4. de Ecclesiast. off. cap. 21. ait : *Adhuc junior Roma , quæ antiquis temporibus sub uno domino cum antiqua Roma regebatur , usum lignorum tenet , non propter æris penuriam , sed propter vetustatem* : At reditus fiat ad Supplicationis ordinem . Post insignem sanctæ Mariæ in Cosmedin Collegiatam , aliæ antiquiores duæ subsequebantur , sanctæ Mariæ Transtiberim , & sancti Laurentii in Damaso. unâ incedentes juxta pactam inter se quotannis alternationem . Tum Cleri , & Collegia trium Patriarchalium Basilicarum , unumquodque sub Cruce sua cum Papilione & Tintinnabulo , nempe sanctæ Mariæ Majoris , sancti Petri in Vaticano , & sancti Joannis in Laterano . Tribunal Ecclesiasticum & Civile Eminentissimi Romæ Urbis Vicarii , sive Jusdicentes pro eo , qui Præside R. P. D. Ferdinando Maria de Rubeis Archiepiscopo Tarfi Urbis Vicesgerente , Supplicatione transeunte confederant in comparatis sedibus extra gradus Portæ ferreæ sub Peristyllo ad sinistram exeuntium , instructo agmine Lateranenſe Capitulum consecrati statim sunt , ut si quæ fortè in via exorirentur contentiones & jurgia , sua auctoritate compescerent . Bini deinde procedebant Congregationis Sacrorum Rituum in Causis Sanctorum Consultores , Regulares quidem juxta admissionis duntaxat prioritatem ; reliqui verò juxta dignitatis gradum , quem obtinebant ; ita ut ultimò incederent , qui Episcopali caractere fulgebant : ceteris Præfulibus cederent in utraque Signatura simplices Referendarii . Post Consultores comportabantur magna quinque Beatorum inter Sanctos recensendorum Vexilla hastis auro undecumque illitis innixa , & laciniatâ coronâ ex textili serico phrygioque opere ornata : Unumquodque affabrè pictam unius Beati ad æternam in Coelis gloriam evecti præferebat

P p p

imagi-

^a Numeror. cap. 10.

imaginem ; in altera vero parte mirum aliquod ab eo cum viveret , factum repræsentabat. Ex primariis singulorum Instituti Patribus octo quidem superpelliceis induti intortitia accensa usque ad pectus elata deferentes proprium Vexillum præibant : Quatuor verò alii oblongos sericos funes ex superiori Vexilli transversa hasta pendentes quotidiano suæ Religionis habitu non immutato sustinebant .

Primum omnium portabatur Vexillum beatæ Catharinæ de Ricciis Ordinis sancti Dominici a Confratribus Archiconfraternitatis sub titulo Nativitatis Domini Nostri Jesu Christi , quæ cum inter alia pietatis opera id sibi præcipuum sumpserit , ut divinam clementiam exoret pro Constitutis in ultimo mortis agone : *Degli Agonizanti* : passim appellatur . Duodecim verò Patres inclyti Ordinis Prædicatorum in deferendis intortitiis & funibus occupabantur .

Subsequebatur Vexillum beati Josephi a Leonissa , cujus hastas regabant Confratres Societatis Stigmatum sancti Francisci : Nec deerant qui sustinerent supradicto ordine & formâ intortitia & funes duo supra decem Ordinis Minorum sancti Francisci Capuccinorum Patres .

Confratres Archiconfraternitatis Confalonis ferebant tertium Vexillum beati Petri Regalati , cui aderant famulantes totidem , quot supra dictum est , Patres Ordinis Minoris sancti Francisci de Observantia , & Reformatorum .

Quartum erat Vexillum beati Camilli de Lellis , qui post fundatam a se Clericorum Regularium Ministrantium Infirmis Congregationem , ut numquam destitit , dum vixit , Ægrotantibus inservire , præsertim in Nosocomio sancti Spiritus ; ita hujus Societatis Confratres summo sibi honori futurum ducebant , si illud deferrent . Voti compotes effecti illud portarunt . Patres illius Instituti funes & Intortitia tulerunt .

Ultimum dignioremque locum tenebat Vexillum beati Martyris Fidelis a Sigmaringa , cujus hastas alii Confratres præfatæ Societatis Sacrorum Stigmatum ; funes verò & collucentia ante illud funalia , dignitatis gradu spectabiles alii Patres laudati Ordinis Capuccinorum gestabant .

Dum incoeptum in Basilicam iter a Supplicantibus ita perficitur , Sanctissimus Dominus Noster tempus jam esse , quo & ipse procederet , commonitus , e superiori Palatii mansione venit per secretioris scalæ gradus in Aulam Apostolico Sacrario proximam ; ubi congregati Sanctitatis Suxæ adventum præstolabantur R. P. D. Raynerius Simonetti Archiepiscopus Nicosiæ almæ Urbis Gubernator Vice-Camerarius vestitus cappâ , Conservatores Romani Populi Comes Joseph Zinanni , Comes Philippus Rocchi , Joannes Baptista Sampieri , & Marchio Marcus Correa Caput Regionum aureis togis induti , ac Orator Bononiæ Comes Fulvius Bentivolus Senatoriâ togâ patrio more formatâ , sed textili auro confutâ ex nuperrima Summi Pontificis concessione amictus ; & quia nullus ex

Prin-

Principibus Solii aderat, senior Conservatorum pro sublevando inter incedendum aptato utriusque Pontificiæ vestis oblongo firmate substituitur. Intererant unâ cum Ministris Acolythis Signaturæ Justitiæ Votantibus & Abbreviatoribus Diaconi Cardinales duo antiquiores, de Marinis scilicet, & Alexander Albanus sacris jam Levitici Ordinis indumentis ornati. Horum ministerio usus Pontifex, postquam in intimo cubiculo ejusdem Sacrarii paululum substitisset ut *Faldam* acciperet, apud Mensam in antedicta Aula præparatam, & instar lecti Paramentorum extructam induitur Amictu, Albâ, Cingulo, & Stola rubrâ, quæ omnia Postulatorum sumptibus confecta ad hanc solemnitatem fuerant, æquè ac indumenta alia sacra Pontificis, tum aliorum, qui in ministerio Altaris Sanctitati Sux erant famulaturi: Cardinali Burghesio antiquioris Presbyteri vices supplente, & acerram porrigente thus de more injecit in thuribulum, sumptoque deinde magno ac peramplo Pluviali [quod *Mantum* appellant], & super ejus fibulam Formalio [Pectorale etiam dicitur, quod antiquum summi Sacerdotis Rationale representat] gemmis & auri cælaturâ pretiosissimo; tandem sacrâ redimitus Tiarâ est, quæ, cum triplici coronâ componatur, Regnum communius vocatur: ^a *In signum enim imperii Summus Pontifex utitur Regno; & in signum Pontificalis dignitatis utitur Mitra; & præcedente Cruce elatâ inter candelabra septem ab Auditore Rotæ Subdiacono Apostolico Tunicellâ induto pedes exivit in proximum Sixti IV. Sacellum. Flos illuc & splendor Ecclesiastici Ordinis omnis convenerat, qui tot distinctus dignitatum & munerum gradibus Sponsam Christi, sanctam videlicet Ecclesiam varietate circumdatam objiciebat intuentium oculis: Aderant enim Cardinales, quos juxta cujusque sacri Ordinis gradum speciosa vestis discriminabat: Aderant Patriarchæ, Archiepiscopi, Episcopi, Abbates non minùs dignitate, quàm doctrinâ conspicui, qui rubrum omnes sine discrimine gerebant Pluviale: Aderant Prælati Romanæ Curix & genere & muneribus illustres, inter eos verò aliqui Cappam, aliqui Superpelliceum supra Rocchettum induerant: Ceteri autem de more Pontificiæ Cappellæ consueto amiciebantur habitu. In eorum conspectum cum se dedisset Pontifex, assurrexerunt omnes: Papa autem producto super eos Crucis signo venit ad Falditorium paratum ante Altare, ubi deposito Regno procubuit, & aliquantisper oravit; mox surgens, ex libro quem coadjuvantibus duobus ex Assistentibus Præsulibus sustinebat Eminentissimus Carafa, præcinuit Hymnum: *Ave Maris Stella*; ad cujus tres subsequentes versiculos, quos Cantores Cappellæ prosequuti sunt, iterum genuflexus permanfit. Denuo surgens accepit Mitram, & in sella gestatoria se composuit, in qua sedens duos magnos cereos, aliumque minorem arabicè pictos recepit ab Eminentissimo D. Cardinali Portocarrero, quem supra innuimus ad postulandam Canonizationem Pro-*

curatorem electum. Cerei grandes, nullo adstante ex Principibus Solii, quorum alicui Summus Pontifex honorem, ut illos ante Se accensos deferat, solet concedere, nemini traditi sunt; parvus autem velo ad excipiendas liquantis ceræ guttas, ne supra manum fluerent, aptè composito circumligatoque, ardens a Sanctitate Sua delatus est in hac Supplicatione, quæ multo breviori itinere, quàm altera illa prima, completa est; itum quippe fuit a Regia Aula per gradus magnæ scalæ usque ad marmoreum Constantiniani Simulacrum: hinc flectendo illico in dexteram sub amplum Vaticanum Xystum; ex eo intra Templum ingressus est factus. Utriusque hujus Supplicationis delineamentum inter cetera in calce hujus Operis sub *numero tertio* positum conspiciere licebit. Procedebant autem bini, ac bini accensos cereos portantes, primò Scutiferi Papæ laneâ togâ rubri coloris cum Caputio item laneo, non circa collum aptato, sed inverso super scapulas, atque uncinulo ante pectus colligato Caudatariorum more induti, juxta novissimam Sanctissimi Domini Nostri Papæ concessionem: Procuratores Generales Ordinum locum habentium in Cappella singuli habitu Regularis Instituti sui: Cubicularii extra Cameram, qui laxam & ipsi togam Scutiferorum togæ non ab similem gerebant; Caputium verò non inflexum, sed circa collum aptatum & æquè per humeros fluens in parte superiori tenuissimo serico rubro coopertum ad normam enunciati Indulti Pontificii.

Eodem prorsus modo amicti erant Cappellani communes & intimi, quorum sex primi Pontificias Mitras atque Tiaras gemmis margaritisque pretiosissimis ornatas gestabant, & qui succedebant post Procuratorem Fiscalem Cameræ: Commissarius enim tamquam Referendarius locum inter ipsos acceperat: Sequebantur Advocati Consistoriales lanea veste violacei coloris, quam in aliis publicis actionibus adhibere solent, cum suo caputio: Succedebant Cubicularii honoris & intimi Papæ consuetâ togâ, & rubro sine pellibus caputio ornati: Post hos Chorus seu Schola Cappellānorum Cantorum Pontificiorum cum superpelliceis psallens Virgini, quæ Regina Sanctorum est, reliquum Hymni: *Ave Maris Stella*, quem Papa præcinuerat. Proximi erant his Rocchetto, & superpelliceo induti RR. PP. DD. in utraque Signatura Referendarii; Canonici ii trium Patriarchalium, qui, Subdiaconi, Diaconi, & Presbyteri Assistentis munia obeuntes in Cappellis Pontificiis, ad præscriptum literarum Apostolicarum Alexandri Papæ VII. sub annulo Piscatoris die x. Junii MDCXVI. expeditarum inter præfatæ Signaturæ Referendarios connumerantur, nisi alterius muneris causâ, vel specialis prærogativæ altiore dignioreque locum occupent, ut modò contigit R. P. D. Theodoro Boccapadulio Canonico Liberiano, Subdiaconatus officio fungenti, quem dignis favoribus prosequutus Sanctissimus Pater quotidiano Rocchetti usu & loco in Protonotariorum scamno decoravit, sine præjudicio jam eisdem Adjunctorum: Tum subibant Abbreviatores de Par-

co majori ; in Signatura Justitiæ Votantes ab eodem Alexandro Acolythi constituti ; Clerici Cameræ , & Sacræ Romanæ Rotæ Auditores , quorum junior ad lævam habebat tamquam comitem R. P. Magistrum Aloysium Nicolaum Ridolphi Ordinis Prædicatorum proprii Instituti vestibus amictum Sacri Palatii Magistrum . Sequebantur Auditores , duo postea ex intimis Cappellanis Sanctitatis Suæ cum Regno & Mitra levioribus ad frequentiore usum Pontificis ; Acolythus Apostolicus motans Thymiamaterium ante Crucem , quam R. P. D. Alphonsus Clemens de Aroztequi in Romana Rota pro Castellæ Regno Auditor , sacris subdiaconalibus vestibus indutus , ac a duobus Magistris Ostiariis stipatus , continuò efferebat in medio septem Candelabrorum aureorum a totidem aliis Acolythis delatorum . Post Crucem gradiebantur R. P. D. Claudius Franciscus de Canilliac alter sacre Rotæ Auditor Gallus , qui Subdiaconi munus obire debebat in Missa , & ob id Ministerii sui vestibus pretiosis pro hac solemnissima actione , ut dictum est , comparatis insignitus erat ; exceptus inter Diaconum & Subdiaconum Alumnos Collegii Græci , suffectos Monachis ex Monasterio Cryptæ ferratæ aliàs evocari solitis ad decantandam Epistolam & Evangelium Linguâ Græcâ ; deinde Patres Societatis Jesu in Vaticana Basilica Pœnitentiarum Sacerdotali amictu decori , & a duobus præeuntibus sibi puerulis ferulas , seu oblongas virgas inter florum manipulos gestantibus præsignati : Abbates Generales Canonorum Regularium Lateranensem , & sancti Basilii locum obtinentes in Cappella Pontificia : Ecclesiarum Antistites non Assistentes Pontificio Solio , eidemque Assistentes juxta propriæ dignitatis & ordinationis gradum , sive Episcopatus , sive Metropolis vel Patriarchatus inter se invicem deferentes sibi locum & honorem ; omnes rubro Pluviali amicti & Mitrà textili lino confectâ , vel peculiari suæ Nationis & ritus sacro tegumento . Incedebat post hos Sacer Apostolicus Senatus , Diaconi nempe Cardinales cum Dalmaticis , Presbyteri cum Casulis , Episcopi cum superpelliceo præter Rocchettum , Pluviali & Formalio ex unionibus tres veluti pineas efformantibus , singuli tamen uniformes Mitras ex textili damasceno coloris albi insigniti , addito etiam supra Rocchettum compositoque circa collum amictu , cujus usum olim Cardinalibus tantum reservatum , Benedictus Papa XIII. ad Episcopos etiam extendit , dum sacris vestibus ornati interessent in pontificio Sacello , vel alibi , nactus occasionem Concilii Romani , quod ipso Præsidente celebratum est in Lateranensi Basilica anno seculari millesimo septingentesimo decimo quinto . Progrediebantur demum Orator Bononiæ , Conservatores Populi Romani , & Almæ Urbis Gubernator Vice-Camerarius , ac prope Pontificem alta sede subvectum tres alii Diaconi Cardinales , duo scilicet antiquiores tamquam Assistentes , tertius verò Carolus Maria Sacripantes sanctæ Mariæ in Porticu inter eos medius , Alba , Orario , & Dalmatica Postulorum ære comparatis indutus , ut Evan-

gelii

geli ac Rei Divinæ Minister ; nec aberant pro fimbriis anterioribus vestis Pontificiæ elevandis , cum e Sellari descenderet Papa , duo Auditores Rotæ.

Speciosissimam hanc & summæ religionis pompam postremò concludebat Beatissimus Ecclesiæ totius Moderator , ac Pastor Populorum omnium , quem non jam honor comendabat vestium , sed splendor virtutum eximixque doctrinæ .

Hunc sublimi in sella , ut dictum est , compositum , accensumque cereum sinistrâ sustententem , dexterâ acclamantes versus ad benedicendum expeditâ circumpedes rubro sago induti super humeros portabant ; ejus latera custodientes hinc inde erant Procoetones , & Dynastæ , selectaque Helvetiorum manus armata præter binos intimos Cubicularios , qui ad majestatem potiùs quàm ad tutelam duo Pavonica Flabella ab una & altera sedis parte erecta sustulere , statim ac Papa extra ferreos Sacelli Syxtini cancellos delatus sub pensili umbella exceptus fuit ; hujus autem umbellæ hastas argento illitas octo Referendarii per vices mutandi deportarunt . Post Pontificem ibat medius inter duos Assistentes intimos ejus Cubicularios R. P. D. Marius Millini Sacræ Rotæ Auditorii Decanus pari Collegarum suorum habitu indutus , cum linea vitta e collo pendente ad suscipiendam Mitram , cum eam Pontifex deponeret , opportunè destinatus : Claudebant extremam Supplicationis partem Protonotarii alique nonnulli Prælati , qui ex privilegio eorum scamno fuerant adjuncti ; utrosque tamen Cappa magna , ut erant vestiti , antecedeant RR. PP. DD. Flavius Chisius , & Joannes Baptista Mesmer , primus Auditor , alter Thesaurarius Cameræ Generalis . Protonotarios subsequiebantur Mendicantium Ordinum Magistri Generales , quilibet habitu Instituti sui ; & postremò a tergo conferta Militum Helvetiorum manus , quæ turbam cohiberet .

Ubi Pontifex venit in Porticum ante Basilicam , Capitulo Vaticano eidem occurrente , Musicisque concentu gravi concinentibus laudem Romano Pontifice dignam antiphonâ illâ : *Tu es Petrus* : statim introivit in Templum , quod & si mole ipsa & opere magnificentissimum sit , nec ulli quotquot in terris sunt , comparandum ; tamen omni ornamentorum genere , quæ excogitari possunt ingenio , tantum ei dignitatis ac majestatis eo tempore accesserat , ut Sanctissimus Pater testatus sit , cum inter stragulas vestes , quibus parietes contegebantur , omnia auro collicerent & facibus , ita se animo commotum fuisse , ut in tam speciosa Militantis Ecclesiæ forma ^a Civitas sancta Hierusalem descendens de Coelo & habens claritatem Dei , qui illuminavit eam , sibi videretur ostendi . Immaculato quoque Agno , qui lucerna ^b est Civitatis illius non indigentis sole neque luna , ut cum Senioribus phialas aureas plenas odoramentorum , orationes scilicet offerret , ad Sacellum Sanctissimæ Tri-

^a Apoc. 21. ^b Apoc. ibid.

Trinitatis, ubi ille in medio Throni super Altare stans tamquam occisus, quia specie panis & vini velatus, palam erat expositus, descendens de sella Pontifex contendit, ac in genua provolutus coram oravit; receptis mox, quas ante precandum reliquerat, Mitrâ & candelâ iterum elatus subvectus est supplici eodem ritu in caveam Theatri. Novas Deo preces ante Aram principem, sub qua corpora Apostolorum Urbis Patronorum condita sunt, porrecturus, deposito iterum cereo, qui servandus deinceps erat a suo Pincerna D. Paulo Zani accensus usque ad finem Actus sollemnis Canonizationis, descendit e sede, & insulâ circumdatus procubuit super faldistorium, a quo cum post orationem surrexisset, producto super adstantes Cardinales, ceterosque alios hinc & inde dispositos Crucis signo, eminens Solium petivit, seditque in dignissima illa Petri Cathedra, unde tantam accipit auctoritatem, ut unus ligandi atque solvendi, acceptis Regni coelestis clavibus habeat: Debitam proinde reverentiæ significationem eidem exhibituri omnium primi Eminentissimi Patres, per anticos Solii gradus ascendentes, salutatâ prius, dum per medium superioris aræ transirent, profunda capitis ac humerorum inclinatione Crucifixi imagine super altare positâ, manum dexteram sedentis Pontificis sub auriphrygio Pluvialis detentam osculati sunt. Cardinalibus succedere Episcopi Assistentes & non Assistentes, Abbates & Pœnitentiarîi sacris vestibus ornati; qui hac usi sunt methodo, ut singuli quidem de genu Crucem & Papam pari ritu adorarent; in planitie verò Solii flexo poplite dextero, qui delibuti Chrismate erant, dexterum suæ Sanctitatis genu; ceteri pedem deoscularentur.

Officio hoc ita præstito ad pristina loca omnes ordine regrediebantur. Qui scire velit, quem quisque locum occuparet, adeat delineatam Theatri Tabulam, vel Ornatus descriptionem inferiùs apponendam. Confidentibus omnibus deductus primò est a D. Venantio Philippo Pierfanti Cæremoniarum Magistro de numero Participantium, ut assideret super nudum faldistorium in summa planitie Solii dextrorsum positum, Eminentissimus Cardinalis Carafa Episcopus Assistens; loco Eminentissimi Thomæ Rufo Decani, qui etsi præsens, præpeditus tamen senio ab hoc se munere optavit eximere. Tum D. Nuntius Sperandio alter Cæremoniarius, ad ejusdem solii anteriores gradus adduxit Cardinalem Portocarrero Procuratorem ad postulandam Canonizationem, ut supra diximus, electum, cui ad lævam comes incedebat Virgilius Montecatinus Consistorialis Aulæ Advocatus caputio & veste, ut moris est, indutus ad instandum specialiter a SS. D. N. selectus: Ambo, monente Cæremoniaro & aliquantulum præeunte, Altare & Papam honore merito coluerunt; Cardinalis quidem profundè caput inclinans; Advocatus verò genu usque ad terram demittens. Ante imum Solii gradum cum pervenisent, stantis Eminentiae suæ nomine, sic Sanctitatem Suam D. Advocatus

tus genuflexus rogavit, instanter petens, ut beatos Fidelem, Camillum, Petrum, Josephum, & Catharinam inter Sanctos referret.

BEATISSIME PATER.

Reverendissimus D. Cardinalis Joachim Portocarrero hic præsens instanter petit per Sanctitatem Vestram Catalogo Sanctorum Domini Nostri Jesu Christi adscribi, & tanquam Sanctos ab omnibus Christifidelibus pronunciarī venerandos, beatum Fidelem a Sigmaringa Ordinis Minorum S. Francisci Capuccinorum, beatum Camillum de Lellis Clericorum Regularium Ministrantium Infirmis Fundatorem, beatum Petrum Regalatum ejusdem Ordinis Minoris de Observantia, beatum Josephum a Leonissa recensiti Ordinis Minorum Capuccinorum, & beatam Catharinam de Ricciis Ordinis S. Dominici.

Dum hæc circa Solium peraguntur, ii tantum qui in illo locum obtinent, stant; ceteri in suis locis sedent, candelis nequaquam extinctis. Non sine Beatorum laudibus huic postulato respondit D. Cajetanus Amato ab Epistolis ad Principes, rubro amictu circumdatus de more intimorum Cubiculariorum, & stans in planitie Solii ad sinistram Papæ, quem flexo genu coluit in principio, & quoties inter dicendum nominavit.

AD PRIMAM INSTANTIAM.

Maximam omnium in hac Alma Urbe sacratissimi hujus diei celebritatem sanctis Apostolorum Principibus Petro & Paulo, quorum sacra pignora coram veneramur, consecratam mirificè ornant & augment oblata preces, quibus tot Christifidelium omnium Ordinum nomine instanter petitur, ut publicus sollemnisque cultus a supremo Sanctissimi Patris ac Domini Nostri judicio decernatur beatīs Fidei a Sigmaringa laudatissimi Ordinis Minorum S. Francisci Capuccinorum, Camillo de Lellis Congregationis Clericorum Regularium Ministrantium Infirmis Fundatori, Petro Regalato ejusdem Ordinis Minorum de Observantia, Josepho a Leonissa dicti itidem Ordinis Capuccinorum, ac beatæ Catharinæ de Ricciis Virgini Moniali ex inclita S. Dominici Religione. In cœlesti autem hac sempiterni triumphī causa nihil sane prætermisit Sanctissimus Pater, quod juxta sapientissima Antecessorum suorum Romanorum Pontificum instituta aut disquirere potuerit debita in rebus accuratè agendis prudentia; aut impetrare possit christiana pietas cum assiduīs obsecrationum suffragiis, jejniis & eleemosynis conjuncta. Itaque persuasum habet fore nimirum, ut singulares eorundem Beatorum virtutes, res præclarè geste, illustria exempla atque insignia merita, tot etiam ab omnipotenti Deo ad ipsorum invocationem patratis miraculis comprobata in sacri cultus incrementum divinique nominis gloriam cedant; in catholice Religionis christianeque disciplinæ utilitatem & ornamentum
redun-

redundent; ad imitandas virtutes, amulandaque charismata ejusmodi studium & incitamentum afferant, & opportunum denique ac salutare nobis in tribulationibus & calamitatibus undique irruentibus levamen ac praesidium de Caelis promereantur. Eapropter hodiernum diem, qui omnibus letitiis verisque gaudiis celebrari quotannis consuevit, splendidiorem solito veluti illuxisse putat, quae pia & ardentia christianorum Populorum, inclytarum Nationum ac potissimum Italiae, & Religiosorum Ordinum vota tandem rata faciat & cumulatissime letificet. Verum cum hujusmodi gravissimum, quod Deo auctore suscepit, negotium commune sit caelestium atque mortalium Civium; ut eodem superno Numine adspirante, rite sanctaeque perficiat, sapientissime censet, inde invocandum esse lumen, unde Beatis istis tanta data est sapientia ac virtus, ut vincerent & immortalem sibi in Caelis gloriam compararent. Iubet proinde, omnes, quorquot hic frequentes adsunt, Christifideles ac praesertim Venerabiles Fratres suos S.R.E. Cardinales, ceterosque insignes Ordines ad hanc principem Aram in genua provolutos misericordiarum Patrem & Deum totius consolationis una secum obsecrare, ut beatissima in primis Dei Genitrice semper Virgine Maria deprecante, atque iisdem Apostolorum Principibus sanctisque omnibus suffragantibus ac bene faventibus, per Apostolicam sententiam arcanum voluntatis suae mysterium pandere non dedignetur.

Audita responsione, Cardinalis Portocarrero cum salutasset Pontificem, redijt iisdem comitantibus ad locum, unde discesserat, inter alios Cardinales sui Ordinis; Papa verò relictâ eminenti sede, non autem Mitrà quam semper retinuit, venit ad faldistorium in ipsam Solii aream a Clericis Cappellæ tunc delatum, & super illud procubuit, ceteris quoque in suis locis genuflectentibus. Tum duo Cantores habentes ante se Litaniarum librum positum super ligneum scabellum in Theatri cavea ad cornu Epistolæ Altaris, ita genuflexi ut cornu Evangelii prospicerent, Litanias Sanctorum cecinere usque ad ultimum versiculum *Agnus Dei* inclusivè: Choro alternis respondente. Omnibus post Litanias surgentibus D. Cardinalis Portocarrero, eodem ac prius ritu & comitatu ante infimum Solii gradum iterum deductus pro Canonizatione instantius oravit: Advocato ejus nomine Sanctitatem Suam in sublimi Cathedra jam sedentem ita compellante.

BEATISSIME PATER.

Reverendissimus D. Cardinalis Joachim Portocarrero hic praesens instanter & instantius petit per Sanctitatem Vestram Catalogo Sanctorum Domini Nostri Jesu Christi adscribi, & tanquam Sanctos ab omnibus Christifidelibus pronunciari venerandos, beatum Fidelem a Sigmaringa Ordinis Minorum S. Francisci Capuccinorum, beatum Camillum de Lellis Clericorum Regularium Missionarium Infirmis Fundatorem, beatum Petrum Regalum ejusdem Ordinis

nis Minorum de Observantia, beatum Iosephum a Leonissa recensiti Ordinis Minorum Capuccinorum, & beatam Catharinam de Ricciis Ordinis S. Dominici.

Huic item instantiæ laudatus idem Brevium ad Principes a Secretis responsum dedit his verbis.

A D S E C U N D A M I N S T A N T I A M

QUò instantiùs petitur eò ferventiùs obsecrationibus insistendum, atque opem etiam & gratiam Spiritus sancti implorandam esse censet ac præcipit Sanctissimus Pater, ut ille Paraclytus catholicæ Ecclesiæ Sanctificator & Custos Spiritus, veniens coelitus, emittat lucis suæ radium, utque in tanto iudicio doceat omnem veritatem.

Regreditur ergo Cardinalis, comite Advocato Cæremoniarumque Magistro ductore, ad suum pristinum locum. Papa verò surgens descendit ad faldistorium a Solii area non remotum; Diacono Cardinali de Marinis, qui ad Sanctitatis Suæ dexteram assistebat, omnes monente alta voce, ut orarent, hoc tantum verbo prolato: *Orate*; Sanctissimus Pater, ceterique omnes depositis Mitris, submissisque genibus perseveraverunt orantes silentio, donec alter Diaconus Cardinalis Alexander Albanus Assistens a sinistris, cunctorum primus stans clara pariter & alta voce dixit: *Levate*: quo audito surrexerunt omnes; & Sanctitas Sua ibidem subsistens, ministrantibus candelam & librum Episcopis Assistentibus, manumque ad eum sustinendum admovente Cardinali Carafa, præcinuit Hymnum: *Veni Creator Spiritus*; quem statim prosequuti sunt Cappellæ Cantores. Sanctissimus autem postquam in genua provolutus unacum aliis expectasset, dum absolveretur cantus trium subsequentiū versuum, Mitrà redimitus adscendit ad sedem, ubi eam iterum deponens stetit: Completo Hymno duo Cantores cecinere *℟. Emitte Spiritum tuum & creabuntur*, respondentibus aliis: *Et renovabis faciem terræ*. Interim viam monstrante Cæremoniarario, Ceroostata ex abaco accepta cum candelis accensis portarunt Acolythi duo Signaturæ Votantes ante Solii gradus, ibi consistentes usque ad finem Orationis, quam illico Papa cecinit ex libro sibi ut supra dictum est, allato.

O R E M U S.

DEus, qui corda Fidelium Sancti Spiritus illustratione docuisti: da nobis in eodem Spiritu recta sapere, & de ejus semper consolatione gaudere. *Per Christum Dominum nostrum. ℞. Amen.*

Post collectam sedit Pontifex, & Mitrà ornatus D. Advocatum ter-
tiò

tiò postulantem Eminentissimi Procuratoris nomine , ut quinque Beati inter Sanctos recenserentur , audivit . Accesserant quippe ambo , ut priùs a Magistro Cæremoniarum deducti : Alloquentis verò , hæc fuisse verba .

BEATISSIME PATER .

Reverendiss. D. Cardinalis Joachim Portocarrero hic præsens instanter , instantius , & instantissimè petit per Sanctitatem Vestram Catalogo Sanctorum Domini Nostri Jesu Christi adscribi , & tanquam Sanctos ab omnibus Christifidelibus pronuntiari venerandos , beatum Fidelem a Sigmaringa Ordinis Minorum S. Francisci Capuccinorum , B. Camillum de Lellis Clericorum Regularium Ministrantium Infirmis Fundatorem , B. Petrum Regalatum ejusdem Ordinis Minorum de Observantia , B. Josephum a Leonissa recensiti Ordinis minorum Capuccinorum , & beatam Catharinam de Ricciis Ordinis S. Dominici .

Tertiæ huic instantissimæ postulationi hoc modo respondit idem D. Cajetanus Amatus ab Epistolis .

AD TERTIAM INSTANTIAM .

Omnipotenti Deo triumphalis hujusce actionis auctori , auspici ac ductori tandem obsequendum esse intelligens Sanctissimus Pater , nihil ob stare putat , quod christiana plebis lætitiâ jamdiu conceptam expectantemque diutius differre , & debitum hisce Beatis Sancti nomen cum publica sollennique veneratione recolendum ampliùs morari possit . Itaque Apostolico Decreto , quod suo ipse ore mox prolaturus est , referet inter Sanctos quidem Martyres Fidelem a Sigmaringa , inter Sanctos verò Confessores non Pontifices Camillum de Lelli , Petrum Regalatum , & Josephum a Leonissa , ac demum inter Sanctas Virgines non Martyres Catharinam de Ricciis ; ut omnes Christifideles & luculentissima virtutum in terris , quæ imitentur , exempla , & potentissimos novosque in Cælis habeant patronos ; quorum patrociniò tuti Deum mirabilem in Sanctis suis magnificantes , non solum mundanas vices & adversas tempestates fortiter sustinere ac superare valeant ; verùm æterna etiam cum ipsis jam Sanctorum Civibus & Domesticis Dei in cœlesti Hierusalem societate conjuncti , Angelorum choris interesse , cum beatissimis Spiritibus gloriæ Conditoris adfistere , præsentemque Dei vulnuncernere mereantur .

Recedente post hæc memorato Secretario inter alios intimos Cubicularios , surgentibusque cum Sacro Apostolico Senatu , quotquot ex multis , & variæ dignitatis membris unum Christi Corpus visibili ejus capiti unitum eo tempore repræsentabant ; unicus veritatis Interpres , & Religionis Antistes in Petri Cathedra sedens Mitrâ redimitus ex oblato per

Assistentes Episcopos libro, legens hanc de Sanctitate Servorum Dei Fidelis a Sigmaringa Martyris, Camilli, Petri, ac Josephi Confessorum, & Catharinæ de Ricciis Virginis sententiam protulit.

AD honorem Sanctæ & individuae Trinitatis, ad exaltationem Fidei Catholicæ, & Christianæ Religionis augmentum, autoritate Domini Nostri Jesu Christi, beatorum Apostolorum Petri, & Pauli, ac Nostrâ; maturâ deliberatione præhabitâ, & Divinâ ope sæpiùs imploratâ, ac de Venerabilium Fratrum nostrorum Sanctæ Romanæ Ecclesiæ Cardinalium, Patriarcharum, Archiepiscoporum, & Episcoporum in Urbe existentium consilio, beatos Fidelem a Sigmaringa Martyrem, Camillum de Lellis, Petrum Regalatum, Josephum a Leonissa, Confessores, ac Catharinam de Ricciis Virginem, Sanctos, ac Sanctam esse decernimus & definimus, ac Sanctorum Catalogo adscribimus: Statuentes ab Ecclesia universali illorum memoriam quolibet anno, die eorum natali, nempe Fidelis die vigesima quarta Aprilis inter Sanctos Martyres, Camilli decima quinta Julii, Petri decimatertiâ Maii, Josephi quartâ Februarii, inter Sanctos Confessores non Pontifices, & Catharinæ decimatertiâ ejusdem mensis Februarii inter Sanctas Virgines non Martyres, piâ devotione recoli debere: In nomine Patris, & Filii, & Spiritus Sancti. Amen.

Tunc D. Advocatus Montecatinus, Sententiam ita prolatam, a Cardinale Portocarrero libentissimè excipi acceptarique, & ab eodem maximas ob id Pontifici gratias agi, eique supplicare, ut Apostolicæ lite-

literæ de more super ea darentur , Eminentissimi Principis nomine Sanctissimo Domino Nostro exposuit videlicet .

BEATISSIME PATER.

Idem Reverendissimus D. Cardinalis Joachin Portocarrero hîc præsens acceptat pronunciationem a Sanctitate Vestra factam , eidemque gratias immortales agit , ac enixè supplicat ; ut Sanctitas Vestra super Canonizatione eadem Literas Apostolicas dignetur decernere .

Assentiens petitioni Papa simplex hoc verbum protulit : *Decernimus* : statim verò Eminentissimus Procurator Solii gradus ascendens , cum genu & manum Sanctitati suæ deosculatus fuisset , ad Cardinalium subsellia suo loco sessurus remeavit . Tunc prædictus D. Advocatus Montecatinus post genuflexionem stans , ita Protonotarios , & Notarios appellavit ad eos conversus .

Rogantur omnes Protonotarii , & Notarii hîc præsentes , ut super hujusmodi solemnîs Canonizationis actu unum vel plura , publicum seu publicam , Instrumentum vel Instrumenta conficiant ad perpetuam rei memoriam .

Protonotariorum præsentium antiquior pro omnibus spondit dicens : *Conficiemus* : & advocatis Testibus , qui circa Solii aream adstabant , familiaribus Papæ , subdidit : *Vobis Testibus* : suoque loco , & tempore rem totam , ut infra referetur , ex officio transcripsit in Tabulas .

Debitas post hæc laudes & gratias Deo Optimo Maximo Sanctitas Sua redditura surrexit depositâ Mitrà , omnibus pariter consurgentibus ; & manum admovente Episcopo Cardinali Carafa ad librum per seniores Assistentes Præsules sustentatum , ex eo alta voce concinuit hymnum *Te Deum* &c. quem Chorus Musicorum integrè usque ad finem profecutus est .

Inchoante Pontifice prædictum hymnum , datoque per Cæremoniarium signo , illico auditus est Tubarum clangor Tympanorumque pulsus , æneorum tormentorum strepitus , & totius Ecclesiarum Urbis æris campani sonitus ; nec minor omnium tota urbe plausus ac lætitia fuit ; cum fortissimum sibi præsidium contra tela nequissimi hostis omnes ad promitterent meritis horum Sanctorum , ^a qui de sua felicitate securi de nostra sunt adhuc incolumitate solliciti ; longam proinde adprecabantur annorum seriem vigilantissimo Dominici Agri Cultori , a quo tantum ad æternam salutem adipiscendam adiumentum accepissent .

Completo a Cantoribus hymno , Diaconus Cardinalis Marinus ad dexteram Papæ Assitens , ibidem cantavit *℟. Orate pro nobis sancti Fide-
lis , Camille , Petre , Joseph , & Catharina , & Cantores subdidere R. Ut
digni efficiamur promissionibus Christi .* Tunc

^a Ex lib. S. Cypriani Ep. & M. de Mortalit.

Tunc accedentibus Acolythis ante imum Solii gradum cum candelabris accensis; Præsulibusque Pape candelam ministrantibus, & librum quem etiam de more Cardinalis Episcopus sustinebat, Sanctitas Sua omnium vota in unum collecta, interposito novorum Sanctorum patrocinio confidenter obtulit Deo, per hanc a se cantu feriali recitatam orationem.

O R E M U S.

Omnipotens & mirabilis Deus in Sanctis tuis, qui beatorum Fidelis Martyris, Camilli, Petri, Iosephi Confessorum, & Catharinæ Virginis merita solemniter glorificatione clarescere voluisti: concede propitius, ut quæ sunt triumphantis Ecclesiæ ornamenta, nova sint militantis præsidia. Per Dominum &c.

Post orationem Acolythis Candelabra ad Abacum reportaverunt. Pontifex verò adhuc sine Mitra apud suam sedem constitit; etenim Cardinalis Sacripantes Diaconi munus expleturus in Missa, digressus est supremo Altaris gradu, quem locum post Obedientiæ obsequium cum aliis Pontifici præstitum Canonizationis actione nondum inceptâ occupaverat, comitante Cæremoniarum Magistro in Aream Throni Pontificii conscendit, ibique sistens ad sinistram Sanctissimi Patris, paululum erga illum conversus inclinatusque, pro expiatione Populi consuetam cecinit Confessionem, additis novorum Sanctorum nominibus post nomina sanctorum Apostolorum ut infra &c.

Confiteor Deo omnipotenti, beatæ Mariæ semper Virgini, beato Michaeli Archangelo, beato Joanni Baptista, sanctis Apostolis Petro & Paulo, beatissimis Fidelibus, Camillo, Petro, Iosepho, & Catharinæ, omnibus Sanctis & Tibi Pater: quia peccavi nimis cogitatione, verbo & opere, mea culpa, mea culpa, mea maxima culpa: Ideo precor beatam Mariam semper Virginem, beatum Michaelem Archangelum, beatum Joannem Baptistam, sanctos Apostolos Petrum & Paulum, beatos Fidelem, Camillum, Petrum, Iosephum, & Catharinam, omnes Sanctos & Te Pater orare pro me ad Dominum Deum nostrum.

Qua finita, cum jam præmonitus detulisset R. P. D. Clemens de Aroztequi Papalem Crucem ante ejusdem Solii gradus, eamque genuflexus sustineret elatam, Pontifex super adstantes absolutionem fecit de more, cantando ex libro.

Precibus & meritis beatæ Mariæ semper Virginis, beati Michaelis Archangeli, beati Joannis Baptiste, sanctorum Apostolorum Petri & Pauli, beatorum Fidelis, Camilli, Petri, Iosephi, & Catharinæ & omnium Sanctorum, misereatur vestri omnipotens Deus, & dimissis peccatis vestris perducatur vos ad vitam æternam. *℟. Amen.*

Indul-

Indulgentiam , absolutionem & remissionem peccatorum vestrorum tribuat vobis omnipotens & misericors Dominus . R. Amen .

Benedictionem quoque solemnem impertiendo addidit .

Et benedictio Dei omnipotentis Pa tris , & Fi lii , & Spiritus t Sancti descendat super vos , & maneat semper . R. Amen .

Extinctis deinde cereis , finis imponitur integræ actioni cooptandi in Sanctorum Cœtum Dei Servos , virtutibus & signis præstantes ; solemne enim Sacrum , de quo modò dicitur , tali tempore olim factum non fuisse , testatur in sua eruditissima dissertatione Franciscus Maria Phæbeus Archiepiscopus Tarfi , & Cæremoniarum Moderator eximius . Vulgata ea est a Dominico Cappello altero Cæremoniarum Magistro una cum Actis Canonizationis sanctorum Petri de Alcantara , Mariæ Magdalænæ de Pazzis a san. mem. Clemente IX. , adstante in sublimi Thalamo Serenissima Suecorum Regina Christina Alexandra celebratæ die xxviii. Aprilis , in quem anno millesimo sexcentesimo sexagesimo inciderat Dominica in Albis . Ceterum posse aliquem Sanctum dici , aut sine Missæ Sacrificio , utpote Actione ab ipsis solemnibus prorsus separata , aut eodem Sacro in sequentem diem etiam translato , nec semper factò per Summum Pontificem , vel ipso præsentè vetustis monumentis omiſſis , recentior comprobatur celebritas , qua decem ab hinc annis fel. rec. Clemens XII. Sanctissimi Domini Nostri Prædecessor Divorum numero inseruit Vincentium a Paulo , Joannem Franciscum Regis , Julianam de Falconeriis , & Catharinam Fliscam Adurnam . Etenim octogenario Major cum esset ; timeretque , ne nimia morâ & labore gravaretur , prolata de eorum Sanctitate Sententia , receptisque , dum Chorus decantabat hymnum : *Te Deum &c.* a se inchoatum , de Postulantium manibus oblationibus , aliisque , quos supra recensuimus , Ritibus & Cæremoniis expletis ; non dimisso Apostolico Senatu solus remeavit ad propria , sinens ut post suum discessum eadem celeberrima pompa ab Eminentissimo Russo tunc Episcopo Prænestino conficeretur Sacrum ; ac si ipse præsens adesset .

Attamen Sanctissimus Dominus Noster Benedictus XIV. nullo umquam fractus labore , nec pressus obrepentis senectutis pondere , geminatam hodiernæ festivitatis lætitiâ , quæ de beatorum Apostolorum Martyrio , & de nova quinque Sanctorum glorificatione procedebat , Summo Sacerdote dignum putavit , ita augere , ut Deo Hostiam laudis solemni ritu immolaret , & Altissimo vota sua per se ipsum redderet ; solemniis itaque Canonizationis memorato ordine jam completis , ab eminenti Sede descendens , & ad aliam humiliorem paratam introrsum in ipso Theatri aditu ex parte sinistra Altaris se transtulit , solo Diacono-

rum Assistentium & nonnullorum paucorum tunc ei ministrantium comitatu. Cum in ea paululum sedisset, stans sine Mitra & ad Altare conversus recitavit submissa voce *Pater*, & *Ave*; mox manu dextera signum Crucis formans a fronte ad pectus cecinit pro inchoatione horæ Tertiæ: *Deus in adjutorium*, &c. Cantoribus prosequentibus Hymnum, & Psalmos usque ad finem. Post Responsorii cantum, completis jam precibus præparatoriis ad Missam, inter quas sedens sandalia & caligas induerat de more, iterum stans sine Mitra, & delatis ut aliàs per Acolythos duobus candelabris ante Solioli infimum gradum Orationem diei Festi SS. Apostolorum: *Deus qui hodiernam diem* &c. præcinuit. Lotis deinde manibus, aquam consuetis cæremoniis præbente Sacri Hospitii Magistro Guadaneoli Duce, vestes ad Sacrificium faciendum paratas induit ministerio Diaconi Cardinalis Evangelium cantaturi Caroli Mariæ Sacripantis, & annulo Pontificali per Card. Episcopum Assistentem subarhatus, ita ornatus thure in Thuribulum immisso, ac præcedente Cruce inter candelabra septem processit ad Altare, instructo duntaxat a sibi Ministrantibus supplicationis agmine & exceptis inter eundem occurrentibus sibi tribus in ordine Presbyterali ultimis Cardinalibus ad oris & pectoris osculum. Confessione, & ad Apostolorum Aram thurificatione peractâ sublime Solium repetivit, proseguendo Missam cum cæremoniis, quæ servari celebrante Summo Pontifice solent: Nihil autem in hoc Sacro peculiare atque notatu dignum accidit, præter Orationes Collectæ diei unâ sub conclusione conjunctas, Homiliam post Evangelium a Sanctitate Sua recitatam, & solemnes Oblationes a Postulantibus præsentatas.

Orationes autem Collectæ, Secretæ, & post Communionem hæ fuerunt.

O R E M U S .

Omnipotens & mirabilis Deus in Sanctis tuis, qui beatorum Fidelis Martyris, Camilli, Petri, Josephi Confessorum, & Catharinæ Virginis merita sollemni glorificatione clarescere voluisti: concede propitius; ut quæ sunt triumphantis Ecclesiæ ornamenta, nova sint militantis præsidia. Per &c.

S E C R E T A .

Celebritatis hodiernæ munera in honorem Sanctorum Fidelis Martyris, Camilli, Petri, Josephi Confessorum, & Catharinæ Virginis tibi Domine offerentes humiliter petimus; ut quorum exultamus triumphis, proficiamus exemplis. Per &c.

POST-

POSTCOMMUNIO.

Sacro pignore immortalitatis suscepto, fac nos, quasumus Domine, Sancto-
rum Fidelis Martyris, Camilli, Petri, Josephi Confessorum, & Cathari-
næ Virginis æternæ felicitatis consortes, quorum temporalis exaltationis voluisti
participes. Per Dominum nostrum &c.

Homilia verò, quam sedens habuit ad circumfusam multitudinem
Sanctitas Sua, luculenter exprimit, & ob oculos ponit utriusque solem-
nitatis memoriam, ut legenti patebit.

SANCTISSIMI DOMINI NOSTRI

BENEDICTI PAPÆ XIV.

HOMILIA

DIE NATALI SS. APOSTOLORUM PETRI ET PAULI

Communem Cœlo terræque lætitiâ ex glo-
rioso beatorum Apostolorum Petri & Pauli
triumpho, quem pro Christo morientes uno die
eodemque loco reportarunt, ad Nos maximè, &
ad hanc Urbem, Venerabiles Fratres ac Dilecti
Filii, pertinere, certum est. Quamquam enim ad
universam spectet Ecclesiam de gemina Principis
Apostolorum, & Doctoris gentium corona lætari,
quod sancita eorum sanguine Fides in omnes gentes
sefe feliciter propagaverit, Roma tamen debet præ
ceteris effèri gaudio, & cumulatiùs exultare, quod
quæ antea fuerat errorum magistra, Apostolorum
eorundem operâ facta sit discipula veritatis, Civi-
tas Sacerdotalis & Regia, Arx Religionis, & Ca-
put Orbis, cujus imperium divinæ Fidei gloriâ la-

tiùs, quàm olim terreno principatu dilatatum, portæ Inferi metuunt, ac contrémiscunt.

A vetustissimis usque temporibus Romano Pontifici solemne fuit summa religione ac singulari celebritate diem hunc agere, in quo duplex Sacrum, alterum in hac Vaticana Basilica, alterum via Ostiensi in Basilica sancti Pauli facere consuevit, ut pius seculi quarti vates Prudentius testatur. Id quoque temporis complures ex variis partibus Episcopi ad Urbem commigrabant, festum hunc latissimum diem una cum Romano Pontifice celebraturi, uti ex Paulino, qui sequentis ætatis scriptor extitit, colligimus.

Nos quoque, quos non una causa ad Principis Apostolorum memoriam honore cumulandam adducit, quod nempe in ejus locum & dignitatis amplitudinem, licet immerentes, successimus, sed aliæ quoque rationes urgent ad illius & Apostoli Pauli cultum promovendum, quos una simul colere ac venerari consuevit Ecclesia, quod nimirum inter sacra hujus Basilicæ Canonicos decem & quatuor annos fuimus, quodque ejusdem Petri honori Metropolitana Bononiensis Ecclesia dedicata sit, quam decennio gubernavimus, & quam adhuc detinemus; Prædecessorum nostrorum vestigiis etiam in hac parte pro viribus insistere cupientes, non solum quotannis in pervigilio hujus Festi solemnibus Vesperis in hac Basilica interesse, & manè Pontificali ritu Missam celebrare consuevimus, sed etiam in perpetuum valitura sanctione decrevimus, ut per
totam

totam Octavam singulis diebus in diversis sacrae hujus Urbis Ecclesiis aliquâ eorundem Apostolorum memoriâ insignitis solemne Sacrum peragatur, præsentē aliquo Prælatorum Apostolicæ Sedis officiis addictorum Collegio; utque pomeridiano tempore alii piorum hominum Coetus, statis quisque diebus, ad easdem Ecclesias piè religiosèque procedant. Ad hæc mandavimus, ut Calendariis & divinorum Officiorum Libris iidem duo beatissimi Apostoli, tanquam primarii augustæ hujus Urbis Patroni, inscribantur: quod quidem Nobis a sanctissimis Viris Leone Pontifice, Maximo Taurinensi, & Venantio Fortunato ex veteri disciplina traditum est.

Opportunè quoque & meritò hunc ipsum diem festum beatorum Apostolorum Petri & Pauli hodiernæ Sanctorum Canonizationi selegimus: nedum ut saltem semel vitæ nostræ tempore felicissimum hujusmodi diem ingenti populorum concursu, multâque Fratrum nostrorum Episcoporum frequentia, pristino more celebrari videamus, sed præsertim etiam, quod Sententiam illam definitivam, qua quinque Beatos nuper in Sanctorum Album retulimus, pronuntiavimus, ut audivistis, in honorem Sanctæ & Individuæ Trinitatis, ad Catholicæ Fidei præsidium, & Christianæ Religionis incrementum auctoritate Domini Nostri Jesu Christi, beatorum Apostolorum Petri & Pauli, & nostrâ; & demum, quod in unoquoque eorundem quinque Beatorum imago quædam & nonnulla San-

etorum Apostolorum Petri & Pauli similitudo inesse videtur. Hoc autem non ita dicimus, ut par meritum, aut æqualitatem virtutum horum cum illis inferamus, cum temeritas sit amplitudinem Apostolorum cum aliorum Sanctorum meritis comparare; sed ut ostendamus; hæc nova Sanctitatis lumina ad clarissimas beatorum Apostolorum Petri & Pauli virtutes accedere pro viribus curavisse, & hac ratione ad Sanctorum gloriam in terris meruisse exaltari, qua jamdudum in Coelis inter beatissimos Cives fruebantur.

Venit Petrus Antiochiâ ad hanc Urbem, hinc primam Sedem constituit, hinc nequissimum debellavit Simonem, hinc Jesu Christi Evangelium diffeminavit. Venit huc quoque Paulus post navalem, ut Joannes Chrysostomus ait, pugnam; atque hinc in Judæis & Gentibus in Christi Fide erudiendis dies noctesque laboravit. Ambo vitam & sanguinem pro Christi nomine effundere cupientes, ambo Romæ, eodemque die gloriosam Martyrii coronam adepti sunt: Petrus quidem inverso capite cruci affixus, Paulus gladio capite obtruncatus; ex quorum sanguine, veluti ex semine, tot beatorum Martyrum millia germinarunt, ut exuberante copii virtutis & fidei, ut Cyprianus inquit, singuli Martyres numerari non possent. In his modò Fidelem de Sigmaringa numeravimus, qui ad prædicandum verbum Dei & Catholicam Religionem ab hæreticis vindicandam, ab hac Apostolica Sede in Rhætiam missus, invicto animo morti occurrens,

currens, ab hæreticis interfectus est & gloriosam sibi martyrii coronam comparavit.

Negavit ter Petrus, ab ancilla & Judæis interrogatus, Divinum suum Magistrum. Persecutus est Paulus discipulos Christi, quos ad internecionem usque delere statuerat. At suam Petrus perfidiam flevit amarè; & Paulus divinæ vocis terrore correptus, humi stratus, factus est vas electionis, & ad Apostolicam dignitatem unà cum Barnaba a Spiritu Sancto vocatus est. Quot ad poenitentiam ex præclaro horum exemplo excitati, ex improbis & impuris facti sunt egregiæ virtutis & sanctitatis lumina? Quot assiduis lacrymis sua deflentes scelera uberrimos poenitentiae fructus fecerunt, quibus immortalis deinde gloria in Coelis gaudere, & apud nos solemni ritu inter Sanctos recenseri meruerunt? His profectò Camillus de Lellis annumerandus est, qui eadem vestigia persequens, non modò juvenilis suæ ætatis errores detestatus est, sed etiam reliquo vitæ tempore, tum animæ, tum corporis Proximorum salutì impensè addictus, heroicis, quibus Cœlum promeruit, virtutibus maximè inclaruit. O quàm bene sese ad Pauli doctrinam conformavit! qui in prima ad Timotheum se blasphemum, & persecutorem, & contumeliosum, & primum peccatorem vocans: FIDELIS, inquit, SERMO ET OMNI ACCEPTIONE DIGNUS, QUOD CHRISTUS JESUS VENIT IN HUNC MUNDUM PECCATORES SALVOS FACERE, QUORUM PRIMUS EGO SUM: addiditque: SED IDEO MISERICORDIAM

CONSEQUUTUS SUM, UT IN ME PRIMO OSTENDERET CHRISTUS JESUS OMNEM PATIENTIAM AD INFORMATIONEM EORUM, QUI CREDITURI SUNT ILLI IN VITAM ÆTERNAM. Ita plane Camillus misericordiam Dei consecutus, a scelere & flagitiis ad bonam frugem revocatus, inde meritis & virtutibus plenus ad gloriam Sanctorum meruit extolli.

Minimè contentus fuit Petrus in Pontum, Galatiam, Cappadociam, Asiam, & Bithyniam Jesu Christi Fidem intulisse, sed, ne quis in ea hæsitaret, aut ne quid ab ea alienum in Ecclesiam induceretur, epistolas binas canonicas scripsit, in quibus sanctissimæ Leges ad reprimendos vitiorum impetus, ad resistendum nequitiae diaboli, & ad æternæ vitæ hæreditatem assequendam opportunè traduntur. Hoc ipsum amplissimè fecit Paulus decem & quatuor epistolis canonicis conscriptis, quarum sapientiam, & coelestis doctrinæ copiam quis satis posset oratione complecti? Quænam eloquentia pro dignitate explicaret epistolam ad Romanos, sive binas ad Corinthios, sive ad Hebræos alteram, in quibus de fide, de bonis operibus, de virtutibus theologicis, de vitiis atque erroribus extirpandis, divina planè sapientia, & admirabili zelo fideles docet, cohortatur, inflammat? Atque hinc Episcoporum ad populos sibi commissos pastoralium epistolarum dimanavit consuetudo, per quas illi zizania in medio tritici exorta eradicare conantur, & si qui mali usus, aut depravati mores irrepsérint, corrigere ac reformare student. Hæc

exempla quoque piis quibusdam in Ecclesia hominibus ansam dederunt identidem religiosorum virorum Coetus, hujus Sanctæ Sedis auctoritate intercedente, reformandi, qui paulatim neglecta evangelicorum consiliorum observantia a pristinæ virtutis gradu defecerant. Iter hujusmodi summa cum laude confecit Petrus Regalatus a Nobis nuper numero Sanctorum adscriptus; qui tot annos ingenti labore, incredibili austeritate vitæ, miraque humilitate ac singulari prudentia Ordini suo Franciscano, qui quibusdam in locis a veteri splendore desciverat, reformando totus incubuit; & assiduo heroicarum virtutum studio eam asscutus est Sanctitatis laudem, quæ & Seraphico Ordini esset exemplum, nec minus universæ Ecclesiæ ornamentum.

Hierosolymis Petrus una cum Joanne in vincula conjectus est, & ab Angelo bis solutus a vinculis, quibus hominum improbissimorum perfidia illum obstrinxerat. Quid verò loquar vincula, flagella, lapides, naufragia, immisiones bestiarum, atque alia plurima, quæ passus est Paulus, quæque ipse ad Corinthios scribens enumerat, quamquam, ut Joannes Chrysostomus advertit, plura fuerint ab eo prætermissa, quam numerata? Adeo ut, etiamsi ei gladio mortem oppetere non contigisset, tot nihilominus acerba passus, quæ illi vitam omnino eripere debuissent, nisi superstes divinitus extitisset, profectò inter Martyres computaretur. Hinc porro geminæ Coelo januæ patefactæ sunt: altera iis, qui

enclitico

effuso sanguine pro Christo cæsi sunt, & inter Martyres recensentur; altera verò iis, qui suppliciis, quæ pro Fide fortiter passi sunt, superstites, jam olim Martyres vocabantur, nunc autem illustri Confessorum titulo decorantur. Hac altera viâ incessit Iosephus a Leonissa, quem modo in Sanctorum Confessorum Albo retulimus. Hic per plures dies supplicium immane & exquisitum pro Christi nomine a Barbaris invicto animo toleravit, atque inter cruciatus acerbissimos Evangelium prædicare non destitit. Quibus expeditus nihil habuit antiquius, quàm animas Christo evangelicâ prædicatione lucrari, suamque excelsarum omnium virtutum, quas heroicas dicimus, sublimitate sanctiorem in dies facere usque ad mortem, quam coram Deo pretiosam in pace obtinuit.

Commendavit Paulus in prima ad Corinthios virginitatis dignitatem, in cuius laude posuit multa, quæ ab eo statu derivantur, emolumenta. Nul- lum tamen de virginitate præceptum a Domino sese accepisse affirmavit, sed de illa tantummodo consilium se dare: DE VIRGINIBUS PRÆCEPTUM DOMINI NON HABEO, CONSILIUM AUTEM DO. Hæc autem Paulum Coapostolum secundum datam sibi sapientiam literis tradidisse, Petrus in epistola secunda contestatur. Consilium quoque Pauli fuit, præter continentiam, orationem, jejunia, paupertatem, & obedientiam colere: quibus in rebus potissimum sita est vitæ monasticæ ratio, a primis usque Ecclesiæ seculis tam in viris, quam in foeminis feliciter

propagata. Recentiori verò memoria ad monasticam alia insuper accessit religiosorum hominum vita, eorum præsertim Ordinum, qui Mendicantes nuncupantur, in quibus non minùs doctrina, quàm sanctitate complures ex utroque sexu Ecclesiam mirè illustrarunt. Tres jam inclytæ fœminæ, Catharina Senensis, Rosa de Lima, & Agnes de Monte Politiano ex Ordine B. Dominici solemni ritu sanctarum Virginum numero adscriptæ sunt; ad quas & Nos Catharinam de Ricciis modò aggregavimus, claustrali vita tam illustrem, tam humilem, tam poenitentiae addictam, & a Deo maximè locupletatam iis coelestibus donis, quibus ipse animas sibi acceptas in terris quoque cumulare consuevit.

Tandem Apostolorum Actus pleni sunt novis & inusitatis miraculis, quæ Deus ad manifestandam gentibus beatorum Apostolorum Petri & Pauli tum doctrinam, tum sanctitatem operari sibi complacuit. Enimverò nolumus illa conferre cum iis, quæ Dominus agere dignatus est ad intercessionem & preces quinque Beatorum, quos modò solemniter inter Coelites recensuimus. Non ignoramus, varia esse miraculorum genera, varios gradus. Verùm si hæc ad illa minus æquiparari valent, nihilominus hæc quoque ita naturæ vires excedunt, ut dubitari nullo modo possit, quin sint sanctitatis eorum, ad quorum merita facta sunt, luculentum expressumque Dei testimonium.

Ex iis, quæ hæcenus dicta sunt, satis apparet, quàm aptè in hoc ipso SS. Apostolorum Petri & Pauli lætissimo die hodiernæ Canonizationis solemnities celebrentur. Nunc autem, quoniam prope Aram consistimus, sub qua eorundem beatorum Apostolorum cineres & ossa jacent, quid aliud restat, nisi ut ad vos, gloriosi Apostolorum Principes, orationem nostram & preces humiliter convertamus? Tu quidem, beatissime Petre, Venerabilem hunc Clerum de Cœlo respice, qui abs te originem ducit, quique nomini tuo devotus te perpetuò colit: Respice & Nos, qui in hanc principem omnium Cathedram a te institutam, & quæ Ecclesiarum omnium unitatis est centrum, impares licet meritis, successimus. Tu verò, beatissime Doctor Gentium Paule, populum hunc, quem te præ ceteris diligere, tuoque cordi inhærere, literis tuis significabas, perâmanter respice. Ad vos enim, Parentes optimi, & amantissimi Urbis hujus Patroni, in tanta hujus diei celebritate, fiducia pleni confugimus, ut, vestris intervenientibus meritis, a Deo impetremus catholicæ Fidei propagationem, Romanæ Ecclesiæ, quæ sanguinis vestri pretio fundata est, exaltationem & fartam tectam Apostolicæ hujus Sedis dignitatem, cujus vindices & propugnatores vos semper exististis. Ad vos deinde convertimur, Fidelis, Camille, Petre, Joseph, & Catharina, quos modò nostros apud Deum intercessores fore solemni ritu declaravimus, quosque fidelibus populis tanquam

præcia-

præclara virtutum exempla proposuimus: Vos quoque humili corde obtestamur, ut christianam Religionem, ut Fidem, ut denique Apostolicam Sedem apud Deum orationibus vestris tegere ac tueri dignemini; Nobis præsertim in ærumnis, quibus in diem conflictamur, & quibus Petri navicula jactatur, opem auxiliumque divinum implorantes. Spe magna nitimur, Deum, Vobis intercedentibus, Nos in medio mari periclitantes non relicturum. Habemus enim perpetuò ante oculos Petrum in mediis fluctibus super aquas maris a Domino ambulare jussum, & naufragio perire metuentem: Quem Augustinus advertens: IN UNDA, inquit, EXCLAMET TITUBANS PETRUS, ET DICAT: DOMINE, SALVA ME. PORRIGIT ENIM DOMINUS MANUM; ET QUAMVIS INCREPET Dicens: MODICÆ FIDEI, UT QUID DUBITASTI? TAMEN A FLUCTIBUS RAPIT, ET CONFITENTEM INFIRMITATEM SUAM, ATQUE ILLIUS AUXILIUM POSTULANTEM, PERIRE NON SINIT. Demum gloriosi Principes Apostolorum, Beatique nuper in Sanctorum Catalogum relati lenite iram Dei in furore suo terras arguentis: exorate omnipotentem Principem pacis, in cujus manibus sunt corda Regum, & sub quo curvantur, qui portant Orbem, ut christianos Principes diuturnis nimium diffidiis inter se decertantes in pristinae charitatis compagem restituat.

Statim ac Papa institutæ Orationi finem imposuit; Cardinalis Diaconus Evangelii in Solii planitie, quò perrexerat ex Altari, Magistro Cæremoniarum Duce, eodem ac antea modo ad excitandam compunctionem

ctionem cecinit : *Confiteor* , quo recedente Episcopus Cardinalis Assistentens a Sanctitate Sua Indulgentias petijt his verbis : *Indulgentias Beatissime Pater* , acceptoque responso : *Consuetas hujus Actionis* ; illico conversus ad Populum eas promulgavit alta voce legendo sequentem formulam .

Sanctissimus in Christo Pater & Dominus Noster , Dominus BENEDICTUS Divina Providentia Papa Decimusquartus dat , & concedit omnibus hic presentibus Indulgentiam Plenariam : Visitantibus autem quotannis Sepulchra Sanctorum FIDELIS , CAMILLI , PETRI , JOSEPHI , & CATHARINÆ , die eorum natalitio septem annorum , & totidem quadragenarum in forma Ecclesiæ consueta : Regate igitur Deum pro felici statu Sanctitatis Suae & sanctæ Marris Ecclesiæ .

Post Indulgentiarum promulgationem Sanctissimus Dominus Noster sine Mitrà stans Populo solemniter benedixit pronuntiata ex libro , quem sibi obtulerunt consueti Assistentes Ministri , generali absolutione : Tum Symbolum præcinuit , illudque cum Diaconibus sibi hinc inde Assistentibus voce submissa recitavit , quod cum Psalter Palatini prosequerentur , sedit , eoque expleto surrexit iterum capite detecto , ut *Domine Vobiscum* : caneret , ac Offertorium legeret . Postea consedit denuo pretiosa Mitrà redinitus excepturus Postulantium oblationes .

Fuerant hæc a Magistris Cæremoniarum inter Symboli cantum hoc ordine dispositæ . Tres ad singulas oblationes Sacrorum Rituum Congregationis Cardinales adhibiti sunt ex unoquoque ordine , incipiendo ab Antiquioribus , ne iis quidem exceptis , qui assistebant Pontifici : idcirco tempestivè evocati novissimi duo Diaconi in eadem Congregatione non adscripti , primis in Assistentiæ munere substituuntur .

Singuli Cardinales juxta monitum eisdem transmissum duos secum habebant nobiles Familiæ talari indutos veste pro cereis prægrandibus , aut panibus , vel doliolis comportandis ; hi suo quique hero præibant ; eos verò antecedeabant quatuor Servientes armorum argenteis clavis instructi . Unumquemque Cardinalem subsequerentur primores duo Patres ex Regulari illa Familia , cujus vel Alumnus fuerat Sanctus , vel Institutor . Uterque parvum cereum gestabat canistri loco , quem alter eorum aliàs portasset cum binis vel turturibus , vel columbis , vel aviculis versicoloribus ; ab hac enim solemnitate hoc genus oblationis omnino tolli Sanctissimus Pater imperaverat . Quam ob causam id vetuerit ; investigator cupidus facile assequetur lectione laudatissimi ejus operis de Servorum Dei Beatificatione , & Beatorum Canonizatione . Singulæ oblationes in singulis separatis mensis sive Abacis compositæ erant , candidis obductæ velis , ex quibus tollebantur ministerio Custodis earumdem a Moderatore Cæremoniarum de more destinati . Qui portaturi eas erant , supposita mappula linea ipsas deferentes , transeundo per mediam
Thea-

Theatri caveam ante Confessionem rectâ usque ad Papam contendebant, cui exhibitæ cum fuissent, eas ad mensam iterum reportabant Acolythi Signaturæ Justitiæ Votantes cum Abbreviatoribus. Procurator Canonizationis Cardinalis Portocarrero, qui inter eundum inceserat ad sinistram Cardinalis Episcopi primæ oblationi assignati, consistens in planitie Solii dextrorsum sex cereos parvos arabicè pictos in unaquaque oblatione a Religiosis Patribus delatos Sanctitati Suæ offerebat: Quilibet verò Cardinalis Episcopus duos tantum prægrandes arabicè item pictos & præterea effigie Sancti, gentilitiis insignibus Summi Pontificis, ac stemmate Religionis ornatos; Presbyteri autem Cardinales magnos panes duos, unum auro, alterum argento illitos, & supereminenti cælatura Pontificii ejusdem stemmatis ornatos; Cardinales tandem Diaconi docti duo affabre sculpta pari ornatu, auro argentoque splendida. Quilibet Cardinalis accepta de Familiarium suorum manibus dona Sanctissimo exhibebat, deosculando peracta oblatione ejus genu & manum; cum pedis tantum osculum reliquis permetteretur.

Ad primam igitur oblationem pro sancto Fideli a Sigmaringa directam a D. Francisco Diversini Cæremoniario, & ab intimo Suæ Sanctitatis Sacello, selecti fuere Eminentissimi Cardinales Annibal Albanus sancti Clementis nuncupatus Episcopus Portuensis ac sanctæ Rufinæ, Dominicus Passioneus Tituli sancti Bernardi Presbyter, & Carolus de Marinis Diaconus sanctæ Mariæ in Vialata; Fr. Joseph Maria ab Interamna Minister Generalis Ordinis Minorum sancti Francisci Capuccinorum, Fr. Sigismundus a Ferrara Procurator & Commissarius Generalis, Fr. Maximilianus a Wanghena Definitor Generalis Causæque Postulator, Fr. Benedictus a Masafra, Fr. Joannes Maria a Parma, & Fr. Cherubinus a Noves, & ipsi Definidores Generales prædicti Ordinis.

Alteram pro sancto Camillo, præeunte D. Joanne Lucca altero ex Cæremoniariis, peregerunt Eminentissimi Cardinales Nicolaus Maria Lercarius Tituli sancti Petri ad Vincula gerens Episcopi vices, Silvius Valenti Tituli sanctæ Priscæ, & Alexander Albanus Diaconus sanctæ Mariæ ad Martyres; RR. PP. Joannes Dominicus Constantini totius Ordinis Clericorum Regularium Ministrantium Infirmis Præfectus Generalis, Vincentius Micciulla Procurator Generalis, P. Franciscus Stolfini, & P. Thomas Sanchez ambo Consultores, P. Jacobus Maria Fabiani Arbitrator & Secretarius Generalis, ac Pater Camillus de Romanis Provincialis.

Tertiam sancti Petri Regalati, ad quam assistebat D. Joannes Baptista Valeriani Cæremoniarius Supranumerum, attulerunt Eminentissimi DD. Cardinales Franciscus Burghesius Tituli sanctæ Mariæ Transtiberim pro Episcopo, Camillus Paulutius Tituli sanctorum Joannis & Pauli, & Nerius Corsinus sancti Eustachii Diaconus, RR. PP. Fr. Raphael a Lucagnano Ordinis Minorum sancti Francisci Minister Generalis, Fr. Felix
a Ro-

a Roma ex Vice-Commiffarius Generalis Reformatorum , Fr. Benedictus Maria Galli Procurator Generalis Observantium , Fr. Alexius a Roma Procurator Generalis Reformatorum , Fr. Petrus Joannes Molina Procurator Generalis Recollectorum , & Fr. Vincentius Antonius a Caprarola Definitor Generalis .

In quarta pro sancto Iosepho a Leonissa , viam demonstrante D. Joanne Baptista Lizzani Supranumerum secundo Cæremoniarum Magistro , adfuerunt præter Eminentissimos Cardinales Antonium Xaverium de Gentilibus Presbyterum sancti Stephani in Cœlio Monte vices Episcopi Cardinalis suppletem , Carolum Albertum Guidobonum Cavalchini Tituli sanctæ Mariæ de Pace , & Marium Bolognetti sanctorum Cosmæ & Damiani Diaconum , sex alii Ordinis Capuccinorum Patres dignitatis gradu præstantes , nempe Fr. Philippus ab Ameria Provinciæ Romanæ Minister Provincialis , Fr. Bonifacius Romanus , Fr. Joannes a Collepardo , Fr. Franciscus Antonius a Fivizzano , Fr. Carolus Antonius a Vultrio Definitor Provinciales , & Fr. Gregorius Romanus Ex-Definitor , Causæque Canonizationis beati Iosephi Postulator .

Quintam demum sanctæ Catharinæ de Ricciis , ductore D. Francisco Manganoni tertio sacrarum Cæremoniarum Magistro supra numerum , detulerunt pro Episcopo Eminentissimus Fr. Joannes Antonius Guadagni Cardinalis Tituli sanctorum Silvestri & Martini ad Montes , ac Eminentissimi Cardinales D. Fortunatus Tamburini Tituli sancti Matthæi in Merulana , & Prosper Columna de Sciarra sancti Georgii ad Velum aureum Diaconus : absente Reverendissimo P. Fr. Thoma Ripoll Magistro Generali Ordinis Prædicatorum , qui annos excefferat nonaginta , cereum primum detulit Reverendissimus P. Fr. Nicolaus Ridolfi Sacri Palatii Magister , alios verò RR. PP. Magistri Fr. Vincentius Maria Ferretti Procurator Generalis totius Ordinis , Fr. Iosephus Augustinus Orfi Sacræ Congregationis Indicis a Secretis , Fr. Alexander Pius Sauli supremæ Inquisitionis contra hæreticam pravitatem , sive Sancti Officii Congregationis Commissarius , Fr. Antonius Bremond Provincialis Daciæ , & Fr. Joannes Thomas de Boxardos Provincialis Aragoniæ , Reverendissimo Patri Magistro Generali hoc in munere substitutus .

Summus Pontifex perceptis oblationibus lavit ex more manus , (ad cujus munus selectos Nobiles Laicos deduxere alternatim & D. Lucas Verdiani & D. Alexander Mariani novissimi Cæremoniarum Magistri) perrexit ad Altare, ex quo data Pace iterum discedens Solium repetivit , in eo Communionem sub utraque specie ritu supremi Ecclesiæ Hierarchæ statuto sumpturus ; quam quidem consuetudinem non esse mysterio vacuum , ex allatis a præcitato Justiniano Chiapponi Apostolicarum Cæremoniarum Magistro rationibus evidentissimè constat .

Absoluta deinde Missa in Altari , & Pontificali Benedictione Populo impertita , deposito præterea supra principem Aram Pallio descendit

Papa

Papa ad sellam gestatoriam, quæ ante Altare, nec longe ab eodem parata tunc fuerat. In ea compositus, tiara tectus chyrothecisque & anulo Pontificali denuo sumptis consuetum Presbyterium accepit ab Eminentissimo Archipresbytero Basilicæ Annibale Cardinali Albano una cum duobus Canonicis Sacrario Præfectis; nempe RR. PP. Jacobo Vittori, & Joanne Francisco de Abbatibus Oliverio; eis verò ipse suismet sanctissimis manibus tradidit aureum Calicem & Patenam, non solum materia, sed opere conspicuam, quibus eo die Deo libaverat, ut essent perenne tam eximiæ solemnitatis, suæque pietatis erga divum Petrum Apostolorum Principem argumentum. Ac Presbyterio quidem, quod acceperat, in Clericos erogato, eoque multo splendidiùs repenso, rei tantæ memoriam alio quoque monumenti genere testatam voluit, largitione nimirum novi Numismatis, quod novorum quinque Sanctorum repræsentabat imagines cum Epigraphe: *Univiv, palmamque dedit*.

Posthæc EE. Cardinalium Senatu dimisso, divertit Sanctitas Sua in Tentorium extra Theatri ambitum de industria comparatum, ubi sacras vestes exuit.

Superest^a, ut agamus gratias Deo nostro super omnibus dispositionibus suis, quod infirmos nos novis hisce Ecclesiæ suæ voluit fulcire columnis; congratulemur & Sanctis, quibus magna fecit Dominus introducens eos in gloriam suam, ut Festivitas quæ merito eorum virtutum hodie votiva impenditur, ipsorum nobis efficiatur meritis, & precibus salutaris.

Quod sponsum est supra, Protonotariorum Instrumentum
hic accipito.

I N N O M I N E D O M I N I A M E N .

Sanctissimus Dominus Noster B E N E D I C T U S Divina Providentia Papa XIV. omnibus iis, quæ super solemnibus Sanctorum Canonizationibus peragenda a Summis Pontificibus Prædecessoribus suis in eorum Constitutionibus sancita sunt, rite peractis; tandem anno ab Incarnato Verbo millesimo septingentesimo quadragésimo sexto, Indictione nona, Pontificatus ejusdem Sanctissimi Domini Nostri Papæ Anno sexto: Die vero 29. Junii Feria quarta, Festo SS. Apostolorum Petri & Pauli hujus Almæ Urbis Patronorum Principalium, in Basilica Vaticana, splendida ingentique pompa exornata, devenit ad solemnem Canonizationem beatorum Fidelis a Sigmaringa Ordinis Min. S. Francisci Capuccinorum, Camilli de Lellis Clericorum Regularium Ministrantium Infirmis Fundatoris, Petri Regalati Min. Observan. S. Francisci, Josephi
a Lec-

^a S. Bernardus Serm. de S. Malach.

a Leonissa Ordinis Minorum sancti Francisci Capuccinorum, & Catharinæ de Ricciis Sanctimonialis Professæ Ordinis S. Dominici.

Ad implorandum a Patre luminum lumen & consilium, necnon beatissimæ semperque Virginis Mariæ patrocinium, & aliorum Sanctorum & Sanctarum opem & auxilium in re tanti ponderis, quæ profectò gravior, dignior & major est, quæ peragi possit a Summis Pontificibus, cum in ea potissimum Vicaria Christi potestas, quam gerunt in Terris, elucescat, juxta consuetum Ordinem solemnemque Ritus præhabita fuit sollemnis Supplicatio.

Sanctissimus Pontifex sacris Vestibus indutus ex Aula Paramentorum inter Eminentissimos DD. Cardinales Carolum de Marinis, & Alexandrum Albanum S. R. E. Diaconos antiquiores, ad Cappellam Sixtinam processit, & intonato Hymno: *Ave Maris Stella*: Primisque ejusdem Hymni versibus per Cantores Pontificios absolutis, Sedem Gestatoriam conscendit.

Præeuntibus utroque Clero, Prælatorum Romanæ Curiae Collegiis, Basilicæ Vaticanæ Pœnitentiariis, Abbatibus, & Generalibus in Cappella Pontificia locum habentibus, Episcopis, Archiepiscopis Pontificio Solio Assistentibus, & non Assistentibus, & inter Sacrorum Rituum Consultores Patriarchis, & Eminentissimis denique S. R. E. Cardinalibus, omnibus juxta eorum Ordines sacris Vestibus indutis, & dextera manu accensum cereum gestantibus, Summus Pontifex Vaticanum Templum ingressus, & ea, qua par erat, reverentia, a Reverendissimo ejusdem Basilicæ Capitulo exceptus, Cantoribus Capituli Antiphonam: *Tu es Petrus*: modulantibus, ante Altare Sanctissimæ Trinitatis, ubi erat Augustissimum Sacramentum publicæ Venerationi expositum, constitit, & e Sede Gestatoria descendens paulisper oravit; mox ad eandem Sedem reversus, delatus fuit (semper tamen supplicabundo ritu) usque ad principem Apostolorum Aram, brevibusque ibi precibus effusis, in Solio se recepit, & Eminentissimos Cardinales, Reverendissimos Patriarchas, Archiepiscopos, & Episcopos Pontificio Solio Assistentes, & non Assistentes, necnon Pœnitentiaros Vaticanæ Basilicæ ad Obedientiam admisit.

Obedientia expleta, Eminentissimus Dominus Joachimus Ferdinandus Presbyter Cardinalis Portocarrero a Sanctissimo Domino ad postulandam Canonizationem Procurator specialiter deputatus, necnon Illustrissimus Dominus Comes Virgilius Montecatinus Sacre Consistorialis Aulæ Advocatus ab eodem Sanctissimo Domino ad hoc pariter specialiter electus (uno ex Cæremoniæ Magistris eos admonente, & ducente) ante imum Pontificii Solii gradum constiterunt, & Dominus Advocatus Montecatinus in genua provolutus, ejusdem Eminentissimi D. Cardinalis Portocarrero Procuratoris nomine, ut Beatis Fideli a Sigmaringa, Camillo de Lellis, Petro Regalati, Josepho a Leonissa, & Cathari-

næ de Ricciis cultus & Sanctorum honores decernerentur, Sanctitatem Suam instantè exoravit.

Illustrissimus Dominus Cajetanus Amatus Literarum Apostolicarum ad Principes a Secretis stans e sinistro Solii latere hujusmodi Postulationi, Sanctitatis Suæ nomine respondit. Quod cum Sanctissimus Pater in tam gravi deliberatione lumen prius & auxilium de Sancto sibi implo-
randum censeret, ideo jubebat, quod omnes Ordines, totusque qui adstabat Populus cum Apostolico Senatu, Deum Optimum Maximum humillimè deprecarentur, ut cor mentemque suam cœlesti luce illustrare, & imperscrutabilis voluntatis suæ beneplacitum aperire dignaretur.

Ad hæc Summus Pontifex descendens e Solio flexis genibus ante Faldistorium procubuit, similiterque Cardinales, Patriarchæ, Archiepiscopi, Episcopi ceterique omnes genua submiserunt ad orandum, & statim duo Cantores ante gradus Altaris Apostolorum, litanias Sanctorum cecinere, eisque absolutis, & Sanctissimo Domino Nostro ad Solium reverso, ibidemque composito:

Eminentissimus Cardinalis Portocarrero Procurator, & Dominus Advocatus Montecatinus ad inum Solii gradum, ut antea, Sanctitati Suæ denuo sese obtulerunt, & Dominus Advocatus pariter Eminentissimi D. Procuratoris nomine pro eorundem Beatorum Canonizatione rursus & instantiùs postulavit.

Sed a Domino Literarum Apostolicarum Secretario denuo Sanctitatis Suæ nomine accepto responso: Quod Sanctissimus Pater antequam tanto operi supremam manum imponeret, pro majori animi sui illustratione mandabat, ut ferventiùs ad Deum preces iterarentur, statim novis precibus per Eminentissimum Dominum Cardinalem Diaconum indictis, hoc verbo: *Orate*; Sanctissimus Dominus iterum ad Faldistorium oraturus perrexit, universo quoque Venerabili Consequi in genua provoluti; & subinde Sanctitas Sua intonato Hymno: *Veni Creator Spiritus*; eoque a Cantoribus absoluto cum suo Versiculo: *Emitte Spiritum tuum*: cecinit orationem Spiritus sancti.

Sanctitas Sua ad Solium reversa tertiam demum & ultimam instantiam excepit a prædicto Domino Advocato Montecatino, qui Eminentissimi D. Cardinalis Portocarrero Procuratoris nomine, ut supra, Beatorum sæpiùs prælaudatorum Canonizationem instantissimè postulavit.

Et tertio pariter idem Dominus Literarum Apostolicarum ad Principes Secretarius, Sanctissimi Domini Nostri nomine respondens, eidem Eminentissimo Domino Cardinali Portocarrero Procuratori, & Domino Advocato Montecatino Eminentia Suæ nomine postulanti, propensam paratamque Sanctitatis Suæ ad solemnem Beatorum Canonizationem deveniendi voluntatem significavit, palamque fecit.

Tunc Sanctissimus Dominus, consurgentibus Eminentissimis Patri-

bus, erectis ad Cœlum oculis nova quadam cœlesti luce refulgentibus ex infallibili veritatis Cathedra, in qua Mitrà adhuc insignitus confidebat, prout & suprema Judicantis Vicarii Christi majestas, & rei quæ peragebatur, gravitas pro dignitate postulabant, super formali eorundem Beatorum Canonizatione, alta, clara pleneque Dei Spiritu voce ultimam suam definitivam Sententiam edidit & pronunciavit, & beatum Fidelem a Sigmaringa sanctorum Martyrum numero cooptavit, & beatos Camillum de Lellis, Petrum Regalati, & Josephum a Leonissa inter Confessores non Pontifices connumeravit, & beatam denique Catharinam de Riccis Albo sanctarum Virginum, & non Martyrum adscripsit.

Incredibili sanè universi Coetus lætitiâ, totiusque adstantis Populi exultatione receptâ, & a Domino Advocato Montecatino acceptatâ Sententiâ a Sanctissimo Domino rite prolatâ, præfatus Dominus Advocatus Sanctitati Suae gratias agens immortales, ut super eadem Sententia solitæ Apostolicæ literæ in forma Bullæ expedirentur apud Sanctitatem Suam humiliter institit; ad cujus preces Sanctitas Sua clementer indulgens respondit: *Decernimus*: Et statim Eminentissimus Portocarrero Procurator gratias acturus Solium conscendit, & in signum gratiarum, quas humiliter Sanctissimo Patri referebat, ejusdem manum & genu exosculatus, suis se Ordini & loco restituit.

Conversus interim Dominus Advocatus Montecatinus ad Nos Protonotarios Actioni præsentibus rogavit, ut super præhabitis unum vel plura, publicum seu publica, Instrumentum vel Instrumenta ad perpetuam rei memoriam conficeremus; ad cujus instantiam ego Franciscus Maria Protonotarius Riccardi uti Protonotariorum Collegii Decanus, tum proprio, tum meorum Collegarum præsentium, & Collegii nomine respondi: *Conficiemus*: Et Sanctissimi Domini Nostri Papæ Familiares & specialiter Illustrissimos DD. Paulum Zani Bononiensem, & Josephum Mariam Puoti Neapolitanum ab intimo Sanctitatis Suae Cubiculo, in hujus rei Testes vocatos adhibui his verbis: *Vobis Testibus*:

In tanti perfecti Operis gratiarum actionem Summus Pontifex depositâ Mitrà surrexit, & vix prima Hymni: *Te Deum*, verba cum cantu protulerat (reliqua Cappellæ Cantoribus concinentibus), quod statim excitatis illic prius, & subinde ex Arce sancti Angeli obstrepentibus, & undequaque resonantibus per Urbem lætitiæ signis, audivit, & nova hæc lætata est Sion, benedicens Domino, quod eos, quos jamdudum in partem hereditatis suæ vocaverat & admiserat in Cœlis, colendos, invocandos imitandosque nobis nunc exhiberet in terris.

Emissa posthac ab Eminentissimo Cardinali Diacono Evangelium cantaturo Confessione, additis in ea nominibus Sanctorum nuperrimè canonizatorum, Eminentissimus Carafa Episcopus Cardinalis Assistent Indulgentiam evulgavit: Plenariam videlicet pro omnibus illic præsentibus, & annorum septem & totidem Quadragenarum quotannis, eorundem Sanctorum sepulchra visitantibus.

Tri-

Trina tandem Papali Benedictione solenniis Canonizationis absolutis, Sanctissimus Pater ad parvum Solium contendit, & dum Hora Tertia decantabatur, Pontificalibus indumentis & Insignibus de more exornatus, iterum, Sacris operaturus, ad Aram Apostolorum se contulit & Missam cecinit, servato in omnibus sacro solemni solito Ritu præterquam ad Evangelium & ad Offertorium, quorum primo latinè priùs, ac deinde græcè de more decantato, Sanctitas Sua singulari, qua pollet cum eximia pietate conjunctâ doctrinâ luculentissimam Homiliam habuit, qua & de festo, qui sanctorum Apostolorum Petri & Pauli martyrio consecratus agebatur die, & de solemni Beatorum superiùs relatorum ab ipsa præhabita Canonizatione miro ordine, incredibili sermonis venustate, gravi sententiarum pondere, & ea quæ summum Antistitem decet, dicendi majestatem verba fecit, cunctis Venerabilis Confessus Ordinibus plaudentibus simul & admirantibus.

Secundo autem (Offertorio nempe) perlecto eadem Sanctitas Sua a quindecim Eminentissimis Cardinalibus Sacrorum Rituum Congregationi præpositis Oblationes per eorum nobiles Ecclesiasticos Familiares delatas excepit, necnon ab Eminentissimo Cardinali Portocarrero Canonizationis Procuratore Oblationes aliàs minores quas Religiosi Viri Causarum eorundem Sanctorum Postulatores deferebant.

Hæc omnia peracta fuerunt in Basilica Vaticana, die, mense & anno quibus supra; & quia his omnibus dum peragerentur, Nos Protonotarii de numero Participantium interfuimus; ideo requisiti & rogati ut de illis unum vel plura, publicum seu publica, Instrumentum vel Instrumenta ad perpetuam rei memoriam conficeremus; præsens hoc publicum Instrumentum confecimus, subscripsimus & publicavimus, solitoque Collegii Nostri Sigillo muniri, & in nostro Archivio, ut perenne semper extet documentum, Secretario nostro per diligentem asservari, & subscribi mandavimus. Actum ubi supra præsentibus, quibus supra Testibus ad præmissa vocatis, habitis, atque rogatis.

Ita est F. M. Protonotarius Riccardi Collegii Decanus.

Loco † Signi.

Franciscus Dominicus Clementi ejusdem Collegii Secret.

Literæ Decretales de uniuscujusque Beati Canonizatione
sub plumbo datæ recensentur.

B. FIDELIS A SIGMARINGA MARTYRIS.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

A**V**inea electa, quam plantavit dextera Domini, cujus unica vitis Christus, tot autem palmites, quotquot in Christo radicati Fideles interiori gaudent ipsius vivificæ nutritionis illapsu, providam circa se cœlestis Agricoltæ curam & sollicitudinem in eo potissimum experitur, quod omnes palmites non ferentes fructum, iusto iudicii rigore succidi & tolli; fructiferos verò atque feraces, ut fructum plus afferant, salubri ac pia severitate purgari, nunc quidem occultè persentit, nunc autem apertiùs atque evidentiùs agnoscit. Hanc sanè æquabilem Divinæ simul iustitiæ bonitatisque rationem manifestè agnoscimus in præclaro beati Martyris Fidelis certamine; in quo & detestantes miramur eorum duritiam cordis, obcœcatam sævitiam, qui a felici, qua portabantur radice, suâ culpâ semel excisi, oblatam sibi a Domino pacem & gratiam pervicaciter repulerunt; Angélum verò pacis evangelizantem sibi bona, apprehensum & cæsum occiderunt; & illius triumpho plaudentes gratulamur, qui in Dei & Ecclesiæ charitate fundatus, post multos bonorum operum fructus, animam demum ac vitam suam, oblationem acceptam Domino meruit exhibere. Sicut enim illi vesano erroris spiritu in furorem acti, & sanguinem iusti per summum scelus effundentes satis declararunt, nequaquam se ad Regnum dilectionis Filii Dei pertinere; ita dum gloriosus Martyr pro catholicorum Dogmatum integritate, & errantium Proximorum salute perpetuos labores, ærumnas, pericula, mortem denique ipsam fortiter subijt, profectò vitam suam non tam inimicorum ferro præcisam amisisse, quàm veluti maturum cœlestibus horreis fructum, in manus Dei deposuisse dicendus est.

Hunc itaque beatum Virum, catholicæ Fidei præconem, adsertorem, Martyrem, solemni iudicio nostro, cum Venerabilium Fratrum Nostrorum S. R. E. Cardinalium, necnon Patriarcharum, plurimorumque Archiepiscoporum, & Episcoporum Romæ congregatorum consilio
& assen-

& assensu, agnitum atque probatum, Apostolica Auctoritate humilitati Nostræ divinitus concessa, universæ Ecclesiæ Dei colendum & venerandum proponimus: Qui Sigmaringæ Constantiensis Diocesis in Svevia Oppido, honesta Rojorum stirpe, catholicis pjsque Parentibus ortus A anno Domini MDLXXVII., & salutari lavacro tempestivè regeneratus, innocenter exactâ pueritiâ, & sequenti ætate in honestissimarum disciplinarum & scientiarum studiis cum laude transactâ, nobilibus deinde Adolescentibus Italiam Galliamque peragrantibus comes & gubernator datus, sex ferme annorum spatio, tum eorum, tum propriæ eruditioni & virtuti promovendæ sedulam navavit operam. Mox utriusque Juris lauream Friburgi adeptus, Advocati munus Ensisheimii in Alsatia professus est. Verùm quum ipsius animus desideriiis secularibus neutiquam inhærens, ad christianæ perfectionis studium interiori Dei voce trahe- retur; turbulentas Fori controversias, atque suspecta negotia citò dimisit, seque Divinis obsequiis plenissimè dedicaturus, sacris simul Ordinibus initiari, & in Religiosam Familiam Fratrum Minorum S. Fran- B cisci Capuccinorum admitti postulavit. Utriusque voti compos effectus, post primum Missæ Sacrificium die festo ejusdem S. Francisci religiosissimè peractum, arctioris Instituti habitum atque rationem novumque Fidelis nomen (quum antea Marcus vocaretur) velut in auspiciis præclaræ Fidei, quam Deo & Ecclesiæ usque ad mortem præstiturus erat, assumpsit.

Evangelicæ paupertatis, continentiæ, obedientiæque vota, ad quæ toto constituti Tirocinii decursu, omnium virtutum exercitatione se comparaverat, eo spiritu emisit, ut semper hoc ipsum inter maxima erga se Divinæ largitatis beneficia commemoraverit, quod ad ea proficenda vocatus fuerit & admissus. Quare de ipsorum implemento omni ex parte sollicitus, & quum privatam in Coenobio vitam ageret, Regularis vitæ disciplinam summo studio atque humilitate servavit; & quum C deinceps, ex obedientia, Conventus Veldkirchiensis regimini diu præfuit, consummatum se perfectionis Magistrum aliis etiam exhibuit; pro Dei gloria & animarum salute zelo flagrans, in exhortandis ad pietatem & concordiam Fratribus alacer, in corripiendis cum mansuetudine potens, in obeundis pro subditorum cura & levamine abjectis quibuscumque ministeriis laboriosus & humilis. De sua verò perfectione & salute super omnia sollicitus, assiduus fuit in rerum Divinarum meditatione; ideoque ceteris, post nocturna precum & laudationum officia e Choro discedentibus, ipse in Ecclesia flexis genibus coram Sanctissimo Sacramento ad auroram usque in oratione Dei perseverare consuevit; insuper, præscripta Horarum Canonicarum psalmodia minimè contentus, duo alia Officia, nimirum de beatissima Virgine Maria, & de S. Fran-

A Sancti Fidelis ortus, & vita ante ingressum in Religionem. B Capuccinorum Religionem ingreditur. C Ipsius virtutes.

S. Francisco Patriarcha suo quotidie recitabat. Quod autem sæpe a Domino flagitabat, ut sibi daretur vitam ab omni peccati labe immunem traducere, id, ut securius obtinere mereretur, corpus suum ciliiciis aliisque voluntariis castigationibus afflictum perpetuâ ferè inediâ extenuabat, non ea tantum jejunia exactissimè observans, quæ ex legibus sui Ordinis maximam anni partem comprehendere dignoscuntur, sed iis etiam id ultro adjiciens, ut solemnibus Adventus & Quadragesimæ jejuniiis, & Sanctorum quorundam pervigiliis a quocumque obsonio abstineret, tum reliquis omnibus per annum Secundis, Quartis & Sextis Feriis solis leguminibus victitaret: In Deiparæ verò & Sanctorum Ordinis S. Francisci pervigiliis, pane tantummodo & aquâ vesceretur; nec nisi sub vesperam plerumque cibo sese reficeret. Somno tandem ita parco utebatur, ut tribus, aut quatuor ad summum horis dormiendo transactis, reliquam noctis partem orationi, lectioni scribendisque concionibus tribueret.

Quæ quidem, atque alia plura interiorum virtutum exercitia quum
 A Fideli Dei Servo assidua & perpetua fuisset, probatum fuerit; mirari satis non potuimus, quomodo idem, dilatatis charitatis suæ spatiis, adeo se totum Proximorum saluti promovendæ tradiderit, ut quasi nil aliud egisset, nil aliud cogitasse toto vitæ suæ tempore videatur. Quum enim a primis usque Religiosæ professionis annis, exacto Theologiæ curriculo, Sacramentalibus Fidelium Confessionibus excipiendis, & Prædicationi verbi Dei operam dare jussus fuerit, difficile dictu est, qua diligentia & labore, qua libertate ac zelo, qua contentione, quo fructu, eximias hæc Sacerdotalis officii partes omni tempore impleverit. Omnia vitiorum genera, pravas omnes consuetudines immaculatis christianæ sanctimonix legibus adversantes, quâ fidelibus exhortationibus, quâ liberiori voce, & mirabili quadam eloquentiæ vi insectatus, novos populo mores induxisse visus est. Præcipuam verò curam studiumque adhibuit in investigandis Hæreticorum impietatibus ac fallaciis, si quem fortè aditum in Catholicorum animos, vel per seductorum fraudes & artificia, vel per Diaboli suggestionem, & ultroneam præsumptionis temeritatem, iis patefieri posse dubitaret; eisdemque profligandis, nec suâ tantum operâ, sed Magistratuum quoque ac Principum auctoritate, undequaque eliminandis fugandisque feliciter adlaboravit.

Denique charitatis suæ plenitudinem ad externum quoque Proximorum levamen & auxilium extendens, omnes calamitosos paterno sinu complexus, Pauperum numerosos greges collectis undique elemosynis sustentabat; Pupillorum ac Viduarum solitudinem, comparata eisdem Potentiorum ac Principum ope, sublevabat; Carceribus inclusos, omnibus, quibus poterat, spiritualibus & corporalibus solatiis juvare; ægrotos quoslibet sedulò invisere, recreare, ac Deo conciliatos ad extre-

mam

mam subeundam luctam armare non desisteat. Quo quidem in genere nullam habuit uberiores meritorum segetem, quam quum Austriacus exercitus in iis Regionibus stationes habens, epidemico morbo universim ferè correptus, miserandum de se pabulum languoribus & morti præbebat. Tunc enim videre licuit, qua charitatis flammâ succensus Fidelis esset, dum horrendas morborum & funerum species minimè refugiens, ægrotos Milites singulatim invisere, solari, eorum ulcera contrectare, tabem & pædorem abstergere, cibos ac medicamenta ipsis suppeditare, denique Ecclesiæ Sacramenta indefesso studio ministrare, in deliciis habuit.

Quum itaque sanctissimis Salvatoris Nostri exemplis atque præceptis tam accuratè insitens, duplici dilectionis spiritu se plenum ostenderet, id optimo jure assequutus est Fidelis, ut ad Apostolici muneris consortium, Divino consilio, Superiorum judicio, Romanæ Sedis auctoritate adlegeretur; quò tandem eximiæ suæ charitatis, cujus illustria diu dederat specimina, heroicum illum actum expleret, quo sanè majorem nemo præstat, ut animam suam poneret pro Dei gloria & Proximorum salute. Quum etenim fel. recordat. Prædecessores Nostri Romani Pontifices Paulus V. & Gregorius XV. decrevissent, grassanti per conterminam Italiæ Rhetiam Hæreticorum dogmatum contagioni, per Orthodoxæ doctrinæ prædicationem, salutaria admoveere remedia, & validum simul aggerem, ne latius error propagaretur, objicere; visum est ex Capuccinorum potissimum Familia delectos Viros, ipso præside ac duce Fideli, in hujusmodi opus designare, qui animas diabolica fraude deceptas ad Ecclesiæ gremium revocare; eas verò, quæ Dei beneficio a pestifera labe adhuc servabantur intactæ, in sanctæ Religionis Fide conservare niterentur.

Hic verò excelsa Fidelis virtus, quæ antea velut angustis conclusa limitibus se continuerat, tamquam latissimo sibi aperto ad currendum stadio, totam se exseruit & plenissimè manifestavit. Nec enim assequi dicendo possumus, quo animi fervore ac zelo, quàm invictâ patientiâ atque constantiâ, quàm assiduâ durisque laboribus impositum sibi munus fuerit executus; nunc stantes in fide confirmans, nunc nutantibus opportunè succurrens; hic lapsos ad pœnitentiam revocans, illic obfirmatos in impietate cum omni fiducia increpans & impugnans; non modò in Catholicorum Ecclesiis, sed in ipsis quoque Hæreticorum Ædibus, per vicos præterea atque plateas, per domos & rusticana tuguria, per aspera & invia montium, in sudore & angore, in fame & frigore & nuditate, in periculis & vitæ discrimine; itaut admirabilis zeli, sanctitatis, atque doctrinæ testimonium ab ipsis etiam stupentibus Hæreticis extorqueret.

Excitabat eum ad præclaros exantlandos labores, non modò suscepti

pti officii sublimitas, & uberrimus animarum fructus, quem in multis quotidie Hæreticis ex omni ordine atque ætate ad Ecclesiæ sinum redeuntibus apertè cernebat; verùm etiam occulta quædam & blanda spes illius obtinendi finis, quem multò ante sibi propositum, & votis ardentibus expetitur, vix tamen se aliquando affecuturum fore putaverat, ut scilicet dignus efficeretur pro nomine Christi sanguinem & vitam profundere.

Et quidem non diu tulit humani generis hostis, hunc sibi Virum tot prædas è faucibus eripere, dumque fiduciam conceperat, novas in dies Nationes, nova Regna in suam potestatem se redacturum, jam ferè sibi ab acquisitis imperio suo terris migrandum esse. Videns ergo Fidelem
 A plura quotidie ad destructionem erroris, & Catholicæ veritatis propagationem utiliter constituere, ejusque consilia incredibili populi voluntate, auctoritate quoque Principis in tota Regione constabiliri, nonnullos ex pervicacissimis impietatis sectatoribus diabolico furore complevit; misitque in cor eorum, ut Virum Dei, profanorum dogmatum rituumque destructorem, Apostolicæ Missionis ducem de medio tollerent. Qui quum novissent eum in quodam Oppido, Luceyn nomine,
 B commorari, miserunt ad ipsum aliquos ex vicino Seviensi Pago, qui pietatem verbo simulantes rogarent eum, ut proximo die Dominico, ad eorum Ecclesiam concionaturus se se conferret; ostendentes haud inutilem apud ipsos fore salutaris doctrinæ prædicationem. Quamvis autem multa essent, quæ insidiarum suspicionem Fideli meritò facerent; ne tamen Apostolico muneri aliqua ex parte deesse videretur, quum præsertim martyrii certamen sibi nequaquam declinandum putaret, constituta die, quæ fuit VI I. kalend. Majas anno salutis MDCXXII., eorum salutis cupidior quàm vitæ suæ, ad præsumptum Seviensem Pagum tempèstivè perrexit: Cumque in primis omnipotenti Deo immaculatam Hostiam obtulisset, seque Eucharistici Panis alimento roborasset, Divini ardoris incendia spirans, suæque voluntate jam Martyr, suggestum conscendit: In quo quum instantis mortis præsagium invenisset in hæc verba conscriptum: *Hodie predicabis, & non amplius*; non ideo tamen formidine fractus, nec de concepto zeli fervore quidquam remittens, cœpit frequentissimo populo libera voce, ut solebat, veritatem annunciare, hortarique errantes, ut redirent ad Ecclesiam intemeratæ Fidei alumnam, nutricem beatæ spei. Cum subitò armatis hominibus Templum completur, qui impetu factò, insanisque clamoribus elatis, Concionem perturbant, cumque omnes in unum Fidelem arma, fustes, tela dirigerent, quidam ex ipsis ignito globulo explosò, irritò quamvis ictu, eundem trajicere conatur. Tum demum Fidelis extremam sibi vitæ horam adventasse conspiciens, e cathedra descendit, & ante majorem Aram in genua provolutus, quum se, vitam, & sanguinem suum in holocaustum Deo lubens obtu-

A Persecutio in eum excitatur.

B Ipsius Martyrii narratio.

obtulisset, suumque agonem, Ecclesiæ pacem, ipsos demum persecutores suos, crudelia corda, cruentos animos Domino commendasset, scuto Fidei & loricâ spei armatus, per ostium e latere Ecclesiæ patens, ad non dubiam mortem impavidus properavit. Quæ in re non minor apparuit illius magnanimitas & fortitudo, quàm si atrocissimos cruciatus, atque diuturnos dolores corpori suo iniustos tortiter patienterque tolerasset. Quis enim putet minorem vim adhibitam esse homini, cujus animo præsentis mortis aspectus, perspicuum cædis periculum, non sine tumultu horrendisque minis objectum est; quàm si ipsius corpus afflictum fuisset tormentis atque vulneribus, quæ fortes sæpe viri naturali quadam virtute constanter tulisse memorantur? Veruntamen hanc fortitudinem Militi suo donavit is, qui pro illo prior in Cruce sanguinem fudit.

Vix itaque Fidelis e Templi foribus modico spatio processerat, quum impiorum manus cum gladiis, hastis ferratisque fustibus eum circumfistunt, ac furentium belluarum more in ipsum irruentes, vulneribus supra viginti confodiunt, atque immanissimè contundunt. Ille autem sereno vultu horrendos ictus excepit, sublatisque quantum poterat in Coelum oculis, lætus & hilaris, quod sibi datum esset pro Ecclesiæ Fide gloriosam mortem occumbere, in manus Dei, cui omnia vivunt, spiritum exhalavit.

Invicta Fidelis in perferenda morte constantia, christianaque A animi magnitudo, cujus non suspecti testes facti sunt ipsi Sicarii, Hæreticos quoque in admirationem traxit, & alicujus ex ipsis mentem ita illustravit, ut paulò post ex magistro erroris discipulus fieret veritatis. Catholici verò, quibus & illius vitæ sanctitas, & prædicationis veritas, & pretiosæ mortis causa perspectæ erant, minimè dubitarunt, Fidelem ipsum Martyris loco habere, ejusque opem apud Deum in angustiis & necessitatibus implorare. Itaque septimo post mense concisas Fidelis exuvias ex eo loco, ubi primum humatæ fuerant, ad Ecclesiam Curientem triumphali veluti pompa, Austriacis comitantibus copiis, atque universo Clero & Populo obviam prodeuntibus, detulerunt. Neque verò distulit Altissimus, editis signis atque prodigiis, ostendere quàm accepta sibi essent præstita Martyri suo obsequia, & vota fidelium ipsius interventioni commendata. Etenim ille idem Archiducis Austriæ Exercitus haud ita multò post contra rebellantes illius Regionis Hæreticos arma ferens, non occulto dumtaxat Fidelis præsidio, sed & ipsius visibili ductu, quem & complures Milites, & ipsemet Hæreticorum Dux clarissima in luce strictoque gladio sibi minitantem conspexerunt, insignem de perduellibus victoriam reportavit. Cumque innumeri quotidie fideles, qui se Martyris precibus commendabant, in rebus etiam naturæ vires prætergredientibus, votorum compotes fieri se testificarentur; eaque

V v v

eaque fama per universam Ecclesiam in dies magis augetur; visum est Apostolicæ Sedi, instante potissimum Venerabili Coetu S. R. E. Cardinalium negociis Propagandæ Fidei præpositorum, (qui, post eam Congregationem constitutam, primum hunc ex Missionariis a se ablegatis pro Christo mortem oppetiisse gloriabantur), legitimas Inquisitiones atque Processus auctoritate Apostolica confici; ut, si de Fidelis martyrio pro catholicæ Fidei causa perpeffo, & juxta tutissimam Ecclesiæ Romanæ disciplinam de miraculis præterea ipsius intercessione a Deo patratis rite constitisset; debitus ipsi cultus in terris cum Sanctis Martyribus, quorum consortium in Coelis obtinuerat, ab Ecclesia exhiberi posset.

- A Cœpta sunt igitur usque a temporibus sel. record. Prædecessoris Nostri Urbani Papæ VIII., eoque annuente & jubente, hujusmodi Inquisitionum Acta, quæ per integrum ferè seculum continuata, tandem instantibus clar. memor. Carolo VI. Hispaniarum Catholico & Romanorum Rege in Imperatorem electo, & Charissima in Christo Filia Nostra Elisabetha Christina earundem Hispaniarum Catholica ac Romanorum Regina Illustri, nunc ipsius Caroli Vidua, aliisque supremis Principibus, nec non prædicta Congregatione S. R. E. Cardinalium de Propaganda Fide, magnoque numero Antistitum & Procerum Germaniæ, totoque præfato Ordine Fratrum Minorum S. Francisci Capuccinorum, sub piæ memoriæ Benedicto Papa XIII. similiter Prædecessore Nostro ad examen deducta, & primò quidem pro validis agnita, mox ad eruendas Martyrii & Miraculorum prædictorum probationes, totius Congregationis Sacrorum Rituum judicio subjecta fuerunt. Cumque Nos ipsi tunc in minori statu Promotoris Fidei munus gerentes, pro officii nostri debito, quæcumque super duplici hujusmodi judicii capite animadverti aut objici poterant, diligentissimè adnotare, & tam voce, quàm scripto deducere non omiserimus; triplici ipsius causæ examine, ut moris est, in prædicta Congregatione Sacrorum Rituum præmissa, idem Benedictus Prædecessor, audito ejusdem Congregationis consilio, causâque cognitâ, die xxiv. Februarii anni MDCCXXIX. pronunciavit, constare de Martyrio in odium Fidei catholicæ a FIDELI perpeffo, ac de veritate quatuor potissimum Miraculorum ad invocationem ipsius beati Viri a Deo editorum; quorum primum fuit, quod exorto in Arce Majenfeldensi maximo incendio, eoque inter aptissima ignis alimenta, ligna nimirum & pyrii pulveris cumulos increbrescente, invocata apud Deum Fidelis ope, statim restinctum fuit, Secundum, quod Monialis quædam, nomine Cæcilia Munfingerin, horribili inflammatione mamillæ cum suspitione canceri plures jam dies excruciatâ, admotis gloriosi Martyris Reliquiis, perfectam sanitatem illico.

A *Actorum series.* v. *Decretum de martyrio, & causa martyrii.*

C *Miracula pro Beatificatione approbata.*

lico recuperavit. Tertium, quod oculus Infantis Pauli Francisci Papussin a primis ipsius vitæ diebus humore diffuens, apertoque foramine, & pellicula superinducta, excipiendæ luci jamjam ineptus, quum a medica facultate auxilium frustra quæreretur, concepto a Matre voto in honorem ipsius Fidelis, naturali integritati restitutus fuit. Quartum denique, quod Gaspar Stigher ob quinquennales dorsi dolores ad omnem ferè corporis motum impotens factus, quum se Fidelis patrocinio commendasset, ad tactum mucronis, quo Dei Servus confossus fuerat, momento temporis convalescens, non itineri modò, sed & rusticis quibusque laboribus ipsa die se dedit, integris viribus exinde utens. Quare audito iterum præfatæ Congregationis consilio super tuto progressu ad formalem ipsius Servi Dei Beatificationem, idem Be- A nediectus Prædecessor per suas Literas in forma Brevis datas die XXI. Martii ejusdem anni ipsum Fidelem in Beatorum Martyrum numero recenseri, ejusque memoriam, imagines, atque reliquias religiosè colli, Divina quoque Officia, & Missas in ipsius honorem a Fratribus Minoribus prædicti Ordinis Capuccinorum, universoque Clero nonnullarum Civitatum & Oppidorum celebrari permisit.

Cum autem Beati gloria novorum prodigiorum famâ, & impen- B siori fidelium cultu in dies amplificaretur, & præfati Supremi Principes, & S. R. E. Cardinales, aliique per Orbem Antistites & Proceres, idemque Capuccinorum Ordo pias super eo instantias iterarent, placuit fel. record. Decessori Nostro Clementi Papæ XII., non solum Lectiones proprias de ipsius beati Fidelis vita & martyrio a prædicta Sacrorum Rituum Congregatione recognitas in ejusdem Officio recitari, ejusque nomen in Martyrologio Romano describi; sed etiam reassumptâ causâ, novos auctoritate Apostolica Processus instrui concessit super Miraculis, quæ post indultam ipsi venerationem accidisse dicebantur: Cumque hujusmodi Processus ante omnia rite & validè confectos esse constiterit; ex quatuor Miraculis inibi recensitis, & in prædicta Congregatione Sacrorum Rituum semel, bis, tertio, audito semper oretenus & in scriptis dilecto Filio Promotore Fidei, examinatis, duo præcipuè reperta sunt plenissimis probationibus testata, & omnem naturæ vim excedentia; quæ quum deinde Nos ipsi privatis studiis accuratissimè discusserimus, ea tandem, invocato sæpe Divini Luminis auxilio, solemnî Decreto nostro, die XVII. Januarii anni MDCCXLIV. in Festivitate Cathedræ beati Petri Apostoli edito approbavimus & publicavimus. Unum eorum accidit C dilecto Filio Fr. Candido a Mediolano Sacerdoti professo præfati Ordinis Minorum Capuccinorum, qui epileptico morbo per decennium laborans, postremo infirmitatis suæ anno nullam ferè diem, nullam no-

A Solemnis Beatificatio. B Causa reassumitur pro Canonizatione.

C Nova Miracula pro Canonizatione approbata.

etiam ab iteratis gravibusque ejusdem morbi accessibus liberam habuerat; & stomachi temperie labefactatâ cibum retinere non valens, corporis viribus adeo destitutus remanserat, ut in lectulo projectus ne cibum quidem manibus suis ori admoveere posset. Hic post inutilem plurimum medicamentorum usum beati Fidelis opem implorans, ejusque Imaginem a Confessario sibi benedicente oblatam devoto mentis affectu veneratus, perfectam sanitatem corporisque vires ac robur, nullâ interiectâ convalescentiæ morâ, recuperavit; itaut ipsa die communis Instituti observantiam resumere, & plurimum milliarium iter peragere non dubitaverit, deindeque laboriosis quibusque officiis obeundis idoneus, & a quocumque prædicti morbi incurfu exemptus extiterit. Alterum evenit in puero Josepho Kirner, qui antequam per ætatem pedibus suis incedere posset, dira rachitide in inferioribus corporis partibus correptus, eaque jam per triennium perseverante, nullo modo poterat cruribus pedibusque se sustentare; Cum autem ipsius Mater ad beati Fidelis Aram supplex eum detulisset, ab omnipotenti Deo obtinuit, ut statim consolidatis ipsius basibus, relictisque fulcris, quibus corpus regere consueverat, per se ambulans & exiliens Domum redierit, ac deinceps libero pedum & crurium usu gavisus fuerit.

A His itaque novis miraculis, ut prædiximus, cognitis & approbatis, quum jam beati Martyris glorificatio ipsius Dei voce manifestè declarari videretur, accepto prius consilio Ven. Fratrum Nostrorum S. R. E. Cardinalium, aliorumque in prædicta Sacrorum Rituum Congregatione suffragium habentium, Spiritus sancti lumine nostris aliorumque precibus implorato, tandem die xxiv. mensis Aprilis ejusdem anni MDCCXLIV. ipsius gloriosi Martyrii anniversariâ, post sanctum Sacrificium Deo oblatum in Ecclesia Fratrum Capuccinorum ad Altare, in quo expositæ erant ejusdem beati Fidelis Reliquiæ, publicum Decretum edidimus, quo causam hanc in præfata Congregatione absolutam denunciantes, ad solemnem ipsius Beati Canonizationem servatis servandis quandocumque procedi posse declaravimus.

Pro cujus Decreti executione, quum præter superius enunciatos, Charissima quoque in Christo Filia Nostra Maria Theresia Hungariæ & Bohemiæ Regina Illustris, in Romanorum Imperatricem electa, alique catholici Principes & Populi, Ecclesiarumque Pastores demissas Nobis preces obtulissent, Nos, ut in tanto negotio nihil contra Sanctionum & Constitutionum Apostolicarum statuta, & tutissimum Prædecessorum nostrorum morem ageremus, primum quidem congregatis coram Nobis die xviii. elapsi mensis Aprilis in Consistorio secreto universis Ven. Fratribus Nostris S. R. E. Cardinalibus, de præclaris beati Viri meritis verba fecimus, & adhibitas in hujus causæ discussione, ad normam De-

creto-

A Decretum de tuto processu ad Canonizationem.

B Consistorium Secretum.

cretorum Apostolicæ Sedis, exactissimas diligentias, prolataque tum a Nobis, tum a Prædecessoribus nostris; ut præfertur, matura judicia Nos ipsi distinctè exposuimus: Cumque eorum unanimis sententia fuerit, ut supremam gravissimo judicio manum, servata tamen consueta in hujusmodi causis tractandis Ecclesiæ Romanæ praxi, tandem imponeremus; Ideo accitis ad Urbem compluribus Ven. Fratribus Archiepiscopis, & Episcopis per Ecclesias constitutis, uberem primò Relationem de ipsius Beati vita, virtutibus martyrio, ac miraculis in publico Consistorio coram Nobis universoque Ecclesiasticorum Ordinum consensu, per dilectum Filium Virgilium Montecatinum nostræ Consistorialis Aulae Advocatum oretenus exponi; mox aliam ex authenticis monumentis prædictæ Congregationis Sacrorum Rituum collectam scriptoque traditam, omnibus & singulis, quorum suffragia exquirebantur, exhiberi mandavimus. Deinde die VII. currentis Junii, coactis iterum coram Nobis in Consistorio semipublico prædictis S. R. E. Cardinalibus, tum etiam Patriarchis, Archiepiscopis & Episcopis in Romana Curia præsentibus, adstantibus quoque Apostolicæ Sedis Notariis, & Causarum Palatii Apostolici Auditoribus, prædictorum consulentium suffragia, & quidem omnia in unum sensum pro Beati Canonizatione convenientia lætantes audivimus; quorum etiam exempla a singulis subscripta in Tabulariis Romanæ Ecclesiæ jussimus asservari. Nos autem infirmitatis nostræ conscii, ut spiritum consilii de Cœlo nostris atque fidelis populi precibus obtinere mereremur, generalibus indictis jejuniis, publicas in designatis per Urbem Ecclesiis obsecrationes plurium dierum spatio, concessâ etiam in eum finem orantibus Indulgentiâ, fieri præcepimus. Tum adveniente hac die Apostolorum Petri & Pauli natalitio dicata, solemnî supplicationis ritu ad Ecclesiam beati Petri in Vaticano procedentes unâ cum omnibus prædictis Ven. Fratribus Nostris ceterisque Romanæ Curie & nostræ Aulae Prælati, Officialibus & Familiaribus, universoque Clero Seculari & Regulari, & devotissimo Populo divinam opem advocantibus; auditis iterum enixis christianorum Principum, Ecclesiarum & Populorum postulationibus, quas Nobis repræsentavit dilectus Filius Noster Joachimus Tituli Sanctorum Quatuor Coronatorum ejusdem S. R. E. Presbyter Cardinalis Portocarrero nuncupatus; post sacros Hymnos, Litanias aliasque preces de more decantatas, ad laudem & gloriam sanctæ & individue Trinitatis, ad Fidei catholicæ exaltationem, & christianæ Religionis augmentum auctoritate Domini Nostri Jesu Christi, beatorum Apostolorum Petri & Pauli, ac Nostra, & de præmissorum omnium Ven. Fratrum Nostrorum consilio & assensu, prædictum Fidelem a Sigmaringa Sacerdotem Ordinis Fratrum Minorum S. Francisci Capuccinorum, de cujus

vita

A Consistorium Publicum. B Cardinalium & Episcoporum suffragia in Consistorio semipublico. C Solemnis Canonizatio.

vita sanctè traducta, & morte pro catholicæ Fidei propagatione perpessa, deque miraculis ipsius intercessione patratis plenissimè constabat & constat, Sanctum Christi Martyrem esse pronuntiavimus, & sanctorum Martyrum Catalogo adscriptum ab universa catholica Ecclesia honorari & coli decrevimus, definivimus, & respectivè mandavimus; In Nomine Patris, & Filii, & Spiritus sancti: Omnibus quoque Christi-
 A fidelibus, qui singulis annis die xxiv. Aprilis verè poenitentes & confessi Ecclesiam Cathedralem Curientem, in qua sacrum Martyris Corpus affervatur, devotè visitaverint, septem annos & totidem Quadragenas de injunctis eis, seu aliàs debitis poenitentiis, eadem auctoritate misericorditer in Domino relaxantes.

Mox omnipotenti Deo cum Angelis & Sanctis ejus humillimam gratiarum actionem, demissasque preces per ipsius Sancti merita offerentes ad sacram beati Petri Apostoli Confessionem sacrosanctum Missæ Sacrificium cum commemoratione ejusdem sancti Fidelis martyris, nec non sanctorum Camilli, Petri, & Joseph Confessorum, sanctæque Catharinæ Virginis a Nobis pariter Sanctorum Albo rite adscriptorum solemniter celebravimus, ac denique humiliatis in conspectu Domini Fidelibus cunctis ibi præsentibus plenariam omnium peccatorum Indulgentiam largiti fuimus.

Gratulemur igitur invicto orthodoxæ Religionis Præconi, cui donatum est pro Christo non solum ut crederet in eum, sed etiam ut pateretur pro eo, atque ita per momentaneum tribulationis certamen ad æternum Beatitudinis triumphum perveniret in Cælis, ubi eum pro catholicæ Fidei dilatatione, & pro temporum nostrorum tranquillitate, apud Auctorem pacis nostræ, & consummatorem Fidei suæ, deprecatorem fore confidimus.


Ut autem præmissa omnia perpetuæ futurorum temporum memoriæ commendentur, Nos ea præsentium Literarum Apostolicarum tenore in omnium per universum Orbem notitiam deluci voluimus; mandantes, ut earundem præsentium transumptis, sive exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem ab omnibus fides habeatur, quæ ipsis præsentibus adhiberetur, si forent exhibitæ vel ostensæ.

C Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, relaxationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum ejus se noverit incursum.

Datum

Datum Romæ apud sanctum Petrum anno Incarnationis Domini- A
cæ MDCCXLVI., 111. Kalendas Julii, Pontificatus Nostri anno VI.

✠ Ego Benedictus Catholicæ Ecclesiæ Episcopus.



† Ego T. Episcopus Ostien. & Veliternen. Card. Rufus Decanus, &
S. R. E. Vice-Cancellarius.

† Ego A. Episcopus Portuensis Card. S. Clementis S. R. E. Camerarius.

† Ego V. Episcopus Prænestinus Card. Petra, Major Pœnitentiarius.

† Ego P. A. Episcopus Albanen. Card. Carafa.

†
† Ego V. Episcopus Sabinen. Card. Bichius.

†

†

†

†

†

†

† Ego Nicolaus Maria Tit. S. Petri ad Vincula Presbyter Card. Lercari.

†

†

†

† Ego F. Tit. S. Mariæ Transtiberim Presbyter Card. Burghesius.

† Ego

- † Ego A. Tit. S. Stephani in Monte Cœlio Presbyter Card. Gentili.
 † Ego Fr. J. A. Tit. SS. Silvestri & Martini Presbyter Card. Guadagni.
 † Ego T. Tit. S. Cæcilie Presbyter Card. de Acquaviva.
 † Ego D. Tit. Basilica Sanctorum Duodecim Apostolorum Presbyter Card. Rivera.
 † Ego J. B. Tit. S. Mariæ Angelorum Presbyter Card. Spinula.
 †
 †
 †
 †
 †
 † Ego R. Tit. S. Sabine Presbyter Cardinalis de Ilcio.
 †
 †
 † Ego D. Tit. S. Bernardi ad Thermas Presbyter Card. Passigneus.
 † Ego S. Tit. S. Priscæ Presbyter Cardinalis Valenti.
 †
 † Ego J. F. Tit. SS. Quatuor Coronatorum Presbyter Card. Portocarrere.
 † Ego C. Tit. SS. Joannis & Pauli Presbyter Card. Paulutius.
 †
 † Ego C. A. Tit. S. Mariæ de Pace Presbyter Card. Cavalchini.
 †
 †
 †
 †
 †
 †
 †
 † Ego F. Tit. S. Mariæ de Populo Presbyter Card. de Ricciis.
 † Ego A. Tit. S. Silvestri in Capite Presbyter Cardinalis Rufus.
 † Ego C. Tit. S. Mariæ de Ara-Cœli Presbyter Card. Calcagnini.
 † Ego P. M. Tit. S. Agnetis extra muros Presbyter Card. de Montibus.
 † Ego F. Tit. S. Marthæ in Merulana Presbyter Card. Tamburini.
 † Ego J. Tit. S. Crucis in Hierusalem Presbyter Card. Besozzi.
 †
 †
 †
 †
 †
 †
 †
 † Ego Carolus S. Mariæ in Via-Lata Diaconus Card. de Marinis.
 † Ego Alexander S. Mariæ ad Martyres Diaconus Card. Albanus.
 † Ego Nerius S. Eustachii Diaconus Card. Corsinus.

† *Ego Agapitus S. Agathæ Diaconus Card. Mosca .*

†

†

† *Ego C. S. Mariæ in Porticu Diaconus Card. Sacripantes .*

† *Ego M. SS. Cosmæ & Damiani Diaconus Card. Belognettus .*

† *Ego H. S. Angeli in Foro Piscium Diaconus Cardinalis Columna .*

† *Ego P. S. Georgii in Velabro Diaconus Card. Columna .*

† *Ego A. S. Mariæ in Aquiro Diaconus Card. Tanari .*

† *Ego H. S. Adriani Diaconus Card. Bardi .*

† *Ego D. SS. Viti & Modesti Diaconus Card. Ursinus .*

†

D. Card. Passioneus .

J. Datarius .

V I S A

de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

L I T E R Æ D E C R E T A L E S

C A N O N I Z A T I O N I S

B. CAMILLI DE LELLIS CONFESSORIS .

B E N E D I C T U S E P I S C O P U S

S E R V U S S E R V O R U M D E I

Ad perpetuam rei memoriam .

Miseri cordiæ studium , cœlestis Patris exemplo , inculcatoque A
sæpius Salvatoris nostri præcepto commendatum , Discipulos
Christi Ecclesiæque Filios ab omnibus humanarum Societa-
tum Sectatoribus ita discernit , ut qui dilectionem habuerint ad invi-
cem , ii demum supereminentem omni scientiæ disciplinam percepisse ,
ii verè ad Regnum Filii Dei pertinere dignoscantur . Hæc charitatis lex
non lapideis Israelitarum cordibus insculpta , non Levitico generi hære-
ditate

X x x

ditate transmissa, non Aaronis stirpi cum Sacerdotii prærogativa tributa fuit, sed in Fidelium cordibus per Spiritum sanctum suaviter copiosèque diffusa, sicut alienigenam Samaritanum languenti Judæo proximum fecit, ita universas Orbis Terræ Nationes Fraternitatis vinculo inter se copulavit. Per hunc dilectionis spiritum verè renovata est facies Terræ; dum genus humanum, peccatorum & consequentium poenarum vulneribus fauciatur, non ampliùs hanc lacrymarum vallem pro exilii atque supplicii loco, sed pro charitatis exercitatione, ac beatæ peregrinationis diversorio habere cœpit; humanæque infirmitates jam inter unius Corporis membra communes redditæ, patientibus quidem factæ sunt in expiationem delictorum, & causam salutis æternæ; compatientibus verò meritorum augmentum, & obtinendæ sibi, quam aliis præstitissent, misericordiæ fiduciam attulerunt. Hoc spiritu de Cœlo repletus superiori seculo beatus Camillus de Lellis piam calamitosorum omnium, præcipuè verò ægrotantium curam in se suscepit, quosque nec patriæ, nec sanguinis conjunctione ullo modo attingebat, urgente charitate Christi, plusquam paternis fraternisque officiis complecti & sublevare, proprium sibi munus assumpsit. Quin etiam quum se videret, nec ad omnes ubique in tribulatione constitutos, nec ultra præfinitum sibi vitæ cursum, ad futuras ætates operam studiumque suum extendere posse; propagato in alios ejusdem spiritus sui fervore, iisque perenni charitatis nexu, & Religiosi voti proposito obligatis, spiritualem ac temporalem Infirmorum curam ipsis perpetuò commisit & commendavit. Cujus quidem beati Viri virtutes, quum ad illud perfectionis fastigium, quod humana ratio, & naturæ vires assequi nequeunt, Dei gratiâ pertigisse constiterit; ejusque Sanctitatem omnipotens Deus, illustribus editis miraculis, in conspectu filiorum hominum magnificare dignatus fuerit, Nos eum meritò ex hac veritatis Cathedra, de Venerabilium Fratrum Nostrorum Sanctæ Romanæ Ecclesiæ Cardinalium, necnon Patriarcharum, Archiepiscoporum, & Episcoporum in Romana Curia frequenti numero congregatorum assensu & consilio, Ecclesiæ universæ colendum & venerandum, Populis invocandum, Fidelibus cunctis imitandum proponimus, & præsentium literarum tenore denunciamus.

A Natus est is Buclanici Theatinæ Diœcesis Oppido in Marrucinis Anno Domini MDL. non sine futuræ Sanctitatis præfagiis, quum Mater, quæ ipsum propectâ jam ætate conceperat, visa sibi in somnis fuerit Puerum peperisse, Crucem in pectore gestantem, & Chorum ducentem aliorum complurium Cruce similiter signatorum. Quibus tamen auspiciis minimè respondit Camilli adolescentia, ab eo in vitiis, maximèque in effuso alearum lusu traducta, cum valetudinis, fortunarum, & famæ dispendio; ut etiam probrosâ paupertate adactus, abjectissimis primùm ministeriis a natalium suorum conditione alienissimis, in Nosocomio In-

cura-

curabilium de Urbe, mox laboriosæ Militiæ in Venetorum Castris, denique in Sipontino Fratrum Capuccinorum Conventu famulatui se addicere compulsus fuerit; ubique inconstans, ubique sibi aliisque gravis, nunquam tamen a misereris Dei longanimitate desertus, qui & eum semper a profundiore abyſſo, a blasphemiarum scilicet impietate, aleatoribus adeo familiari arcere dignatus fuerat; & tandem ostensurus in eum divitias misericordiæ suæ excitavit ipsum aliquando a somno mortis, & in manu potenti & brachio extento a perditionis via ad salutis tramitem revocavit. Cum enim quadam die iter agens Camillus, accepta quondam fastidientibus auribus piarum exhortationum verba solus secum recoleret & quasi ruminans animo volutaret, interiori luce subitò percussus, ac peccatorum suorum conscientia, divinorumque judiciorum timore perterrefactus humi se prostravit; nec inde prius surrexit, quàm antea actæ vitæ crimina vehementissimo doloris actu detestatus, de custodiendis in posterum justificationibus Domini immutabiliter constituerit. Ex eo tempore novus homo factus Camillus, non modò ab omni vitiorum genere deinceps abstinuit, sed ad sublimiorem christianæ perfectionis metam contendere cœpit. Sancti Francisci habitum in Ordine Fratrum Capuccinorum Siponti induit. Sed veteri ulcere, quod olim in tibia contraxerat, identidem recrudescente, bis a dolentibus Superioribus dolens dimissus, ab hac sibi charissima arctioris vitæ semitâ deflectere coactus est.

Romam reversus, vetus Hospitium suum, S. Jacobi scilicet Domum, Incurabilium nuncupatam repetiit, ac Deo sic disponente, ejusdem bonorum administrationi præfectus fuit. Quo in munere quum se Camillus non tam hominibus quàm Deo servire cogitaret, maximâ sedulitate ac diligentia, Infirmorum necessitatibus sublevandis se totum dicavit. Sed quum ea in re non satis sibi obsecundare videret eos, qui temporali mercede conducti in ipsius Nosocomii ministeriis adhibebantur, secum cogitare cœpit quomodo ferventiores Operarios præstantioribus propositis spiritualium meritorum præmiis compararet. Communicavit consilium hac de re suum cum S. Philippo Nerio tunc in humanis agente, a cujus præceptis nutuque pendebat; quo approbante atque hortante, cum paucis primò ejusdem Nosocomii Ministris, mox cum ampliori piorum Fidelium numero, Sodalitatem quandam instituit Laicorum hominum, B qui se Divinis obsequiis, & ægrotantium curæ, in ipsa primò S. Jacobi Domo, pro Dei amore & futuræ vitæ mercede manciparunt, & contempta propriorum commodorum ratione, superatisque Divino præsidio invidorum calumniis, in Instituto constanter perseverantes, brevi tempore extra prædictam quoque Domum charitatem suam dilatarunt; cumque proprium sibi domicilium in Urbe constituissent, inde ad omnium

X x x 2

pau-

A *Ipsius ad Deum conversio & sanctioris vitæ initia.*

B *Societatem instituit Ministrantium Infirmis.*

pauperum ægrotantium levamen tam in Nosocomiis , quàm in privatis Domibus accurrentes , incredibilem Urbi universæ utilitatem attulerunt . Hæc autem utilitas tunc major evalit , quum multis Ecclesiasticis Viris Camillo se se adjungentibus , ipsoque Camillo de prædicti S. Philippi directoris sui consilio , post exacta in Scholis Collegii Romani singulari humilitatis exemplo Literarum studia , ad sacrum Presbyteratus Ordinem promoti , spiritualis non minùs quàm temporalis vitæ subsidia ægrotis quibusque præstare cœperunt . Ea re permotus sapientissimus Pontifex A Sixtus Papa V. Prædecessor noster per suas Literas Apostolicas datas apud S. Petrum sub Annulo Piscatoris die xvij. Martii anni MDLXXXVI. hujusmodi Institutum , omnipotentis Dei atque ejus pauperum ægrotorum famulatui dicatum , ac voluntariæ paupertatis , castitatis , & obedientiæ proposito , nulla tamen voti sponsione adstrictum , collaudans atque commendans perpetuò approbavit & confirmavit sub denominatione *Congregationis Ministrantium Infirmis* , eidemque complura Indulta & Privilegia tam in spiritualibus , quàm in temporalibus benignè concessit ; inter quæ illud specialibus Literis die xxvj. Junii ejusdem anni datis indulgit , ut illius Sodales pro habitus proprii distinctione Crucem fulvi coloris ad latus dextrum vestium suarum assutam deferrent .

Sed quum hujusmodi Congregatio paucorum annorum decursu , Camillo præfide & promotore , non solùm fructuosior evaderet , sed & spectabilem Virorum numero aucta , ad ampliorem Domum S. Mariæ Magdalensæ de Urbe in Regione Columnæ translata fuisset , omniumque eidem adscriptorum jam sensus esset , ut sub prudentissimis Legibus & Regulis ab eodem Camillo præscriptis , ac solemniter paupertatis , castitatis , & obedientiæ professione , in perenni ministerio ægrotantium , ne excepto quidem pestiferæ contagionis casu , Religiosam vitam degere optarent ; B exhibitis felicis recordationis Prædecessori pariter nostro Gregorio Papæ XIV. hujusmodi Regulis , iisque examinatis & approbatis , placuit eidem Gregorio præfatam Congregationem in Ordinem Regularem erigere sub nomine & nuncupatione *Clericorum Regularium Ministrantium Infirmis* ; ejusque Professores in quibuscumque locis tunc & deinceps commorantes , sub immediata & speciali sua & Apostolicæ Sedis protectione perpetuò susceptos , amplissimis gratiis & privilegiis de Apostolica liberalitate ditare ; prout in ipsius Gregorii Prædecessoris Literis , datis apud S. Marcum Anno Incarnationis Dominicæ MDXCI. Kalen. Octobris plenius atque distinctius continetur .

C Ex hac nova charitatis schola , mirum quanta in omnium ordinum homines , tum corporum tum animarum præcipuè utilitas dimanavit . Non jam ægrotantes ad morborum ærumnas , solitudinis ac derelictionis

moero-

A Societas plurimum aucta , a Sixto V. confirmatur & privilegis ditatur .

B Eadem in Congregationem Regularem erigitur a Gregorio XIV.

C Ejus Congregationis utilitas , & fructus ,

mœrorem accessisse doluerunt : Non jam transactæ vitæ reatibus gravati imminentis mortis discrimen absque peccatorum expiatione subire timuerunt : Non jam humani generis adversarius miseros mortales in extremis laborantes infestâ rabie circumstans , eos a susceptorum Sacramentorum robore imparatos, aut Fidelium exhortationum solatio & subsidio destitutos invenit. Reddita Nosocomiis mundities, allevati Ministrorum labores, animarum Pastores ubique adjuti, in anxietatibus, curis & sollicitudinibus sublevati; ut minimè sit mirandum, tot hujus Instituti Domos, & tunc modico temporis intervallo per Italiam universam, per Siciliam aliasque remotiores Provincias, & deinceps per Europæ totius Regiones, plaudentibus Civibus, Episcopis adnitentibus, erectas esse; in quibus cum magno populorum fructu & emolumento viget eximiæ charitatis spiritus per Camillum in ipsius Filios atque Discipulos diffusus & propagatus.

Ipsè verò saluberrimi operis institutor atque promotor, cum omnes A quas aliis tradiderat, christianæ perfectionis Leges exactissimè implevit; tum eam præcipuè, quæ plenitudo Legis est, Dilectionem : Cujus profectò Nobis datum est, ex collectis de ipsius vitâ & rebus gestis, certissimis monumentis, tam sublimitatem atque profundum, quàm latitudinem longitudinemque dignoscere.

Sublimis profectò charitas, quæ a Deo procedens, & in Deum ip- B sum se referens, creata omnia, quæ aliis inordinatæ cupiditatis fomenta esse solent, vel tamquam pietatis in Deum argumenta, vel tamquam occasiones misericordiæ in Proximos exercendæ unicè intuebatur. Hinc, quum ex omnibus rebus, quæcumque ipsius sensibus observabantur, nova quotidie amandi laudandique Creatoris incitamenta fumeret, novas charitatis flammæ conciperet; in assiduos de Deo sermones, in flagrantissimos Divini Amoris actus, non sine lacrymis identidem erumpebat; tantoque cor ejus æstuabat ardore, ut sensibilem aliquando lucem e vultu suo radiantem emitteret; & nihilominus ingemiscens, quod se infinite bonitati pro merito diligendæ imparem agnosceret, infinitas sibi animas dari voluisset, quas in Dei amore totas impenderet. Hoc desiderio incensus, ad operosa ministeria Proximis præstanda eo spiritu accedebat, ut omnipotenti Deo, quem in pauperibus intuebatur, obsequium aliquod pro viribus exhiberet; ab eaque cogitatione nunquam mentem animumque avertebat. Itaque cœlestem ferè vitam in Terris ducens, nonnumquam visus est per mirabiles ecstases a sensibus omnino alienatus, totoque corpore in aere elevato ac suspenso, beatorum spirituum consortio sese miscere: Unde & eorum ope ac præsidio complura vitæ discrimina mirabiliter evasit; & S. Philippi Nerii testimonio compertum est, Angelos ipsius Sociorum lateribus, dum Infirmis ministrarent, adstantes apparuisse. Sed & aliis supernaturalibus donis a Deo cumulatus, spiritu prophetiæ, gratiâ curationum, & mirabili in naturæ leges imperio, adhuc

vi-

vivens, innumera cœlestis favoris, quo fruebatur, argumenta dedit.

A Ab ea tamen virtutum suarum, & supernorum charismatum sublimitate oculos declinans Camillus, eosque in propriæ humilitatis profunditate libentiùs defigens, nec unquam oblivione captus purgationis veterum suorum delictorum, sæpe se inter omnes peccatores pessimum appellabat, seque indignum qui inter homines viveret, ac destinatum æternis ignibus titiorem intimo animi sensu profitebatur; ex quo sanè humilitatis fonte prodierunt assidua, quibus corpus afflictabat, pœnitentiæ ac mortificationis exercitia; præcipuè verò demissus ille mentis habitus, quo pauperibus & ægrotis, quos sibi in Dominos adsciverat, in abjectis & laboriosis quibusque officiis sine requie ministrabat atque inserviebat. Neque verò ob præclaram, Deoque & hominibus acceptissimam Religionem a se fundatam, sapientissimè administratam, latissimèque propagatam, ullo modo efferebatur; quinimò delatum sibi fortè Fundatoris nomen refugiens, ipsam quoque Ordinis Præfecturam, quam per xxvij. annos in omni patientia & sollicitudine gesserat, tandem, firmato jam ipsius statu & regimine, humiliter a se abdicavit & sponte dimisit; ut ita cum eo, a quo didicerat mitis esse & humilis corde, fratribus suis jam dicere posset: *Ego autem in medio vestri sum, tamquam qui ministrat*. Qua tamen ex re iidem novam utilitatem sunt consequuti; dum ab ipso Ordinis moderatore, a quo sapientissimas leges atque vivendi Regulas ad eum diem acceperant, deinceps etiam perfectæ subjectionis & obedientiæ formam ipsius exempla intuentes desumere potuerunt.

B Sed jam videamus, qua latitudine dilatatum sit cor ejus, ut charitatis suæ fructus ad omnes Proximos in tribulatione & angustia positos derivaret. Quo in genere non hic omnia recensenda ducimus, quæ Camillus assiduè pro Pauperibus sustentandis, alendis, hospitio accipiendis, pro Virginibus tuendis & collocandis, pro Viduis ac Pupillis defensandis sublevandisque gerebat. Unum pro cunctis opus, quod sibi suisque Alumnis proprium & præcipuum sumpserat, ut ægrotantium animabus corporibusque succurreret, immensam prope illius charitatis amplitudinem satis demonstrat. Quis enim tota Urbe infirmabatur, cum quo commiserationis affectu non infirmaretur Camillus? Ad quem non accurreret, ac vel ipse præsens inserviando & consolando usque ad extremum adesset, vel subrogatis Sociis, desideratam opem afferret? Quem reperit inopiâ pressum, ægritudine prostratum, aut nimio mortis metu perterritum, cui non opportuna corporis animique subsidia contulerit, eumque in æternæ salutis fiduciam erexerit? Quem vitiis atque peccatis irretitum, vel Religionis mysteria & dogmata ignorantem, quin eum ad melioris vitæ propositum, ad Divinæ bonitatis sinum reducere studuerit, vel in doctrina Fidei & in lege Domini erudierit? Quin etiam constat, aliquos Hæreticos in Urbe morbo correptos, Camilli charitate & comitate de-

devinctos, ejusque instructionibus atque hortationibus illustratos, adjuvante Divinâ gratiâ, Ecclesiæ catholicæ restitutos fuisse.

Quibus in rebus quum per omnes Urbis Regionem ac Domos magni ipsius fuerint & quotidiani labores; tum verò in publicis Xenodochiis, & potissimum in Hospitali Domo Sancti Spiritus in Saxia illius opera adeo assidua fuit, ut ibi cogitationum atque studiorum omnium scopum, ibi veluti perpetuam vitæ suæ sedem collocasse videretur. Ibi non solum Famuli & Inservientes, sed ipsi quoque Præpositi viderunt eum in omni officii ministerio sibimetipsis præeuntem, quæque inter plures dispersita sunt munera, eundem unum omnia amplectentem, ac mirâ sedulitate obeuntem. In eo habuerunt ægroti quidquid homines ferè ab amicis, propinquis, parentibus desiderare consueverunt: Nec major est amanti-ssimæ Matris sollicitudo erga unicum languentem filium, eâ quam Camillus singulis quibusque ægrotantibus præstabat; eorum desideria prævertens, eorum solatium, commodum, munditiem, ac potissimum animæ expiationem, rectamque Sacramentorum perceptionem procurans; In eos verò peculiariter intentus, a quibus ceteri vel contagionis metu, vel morborum nausæ & horrore refugiebant, eos ipse ulnis amplexari, fovere sinu, suisque vestibus tegere non recusabat. Ibi sæpe laboriosas noctes laboriosissimis diebus continuavit, nec ulcerati cruris, nec gravis herniæ incommodo & dolore detentus, nec cibi, nec somni, nec requietis memor, non semel ob extremam corporis defatigationem, spirituum deliquio captus in terram semianimis corruit.

Reliquum erat, ut præsentis experimento proposito, videretur, an^A Camilli charitas ad illum quem cum Sociis professus fuerat, gradum revera pertingeret, ut nimirum ægrotis Fidelibus, quos etiam pestis incessisset, opem & ministerium præstaret. Et quidem quatuor vix annis post indultam novo Ordini Apostolicam confirmationem invasit Urbem contagiosa lues, cum extremâ Annonæ caritate conjuncta, ut duplici clade perculsa Civitas, funeribus, luctu, vastitate completa fuerit. Alios morbi vis, alios inopia & fames, plurimos desperatio & horror ad mortem ducebant; omnes verò metus, ac præsens vitæ periculum, ad salutem & securitatem alibi conquirendam, vel saltem discrimini non obijciendam adigebant. At verò Camillus propriâ incolumitate vitæque contemptâ, minimè dubitavit cum suis Alumnis pro salute publica se devovere. Itaque visus est, non modò publicis omnibus Nosocomiis sine intermissione adesse, ac miseris ægrotantibus operâ, consilio, exhortationibus opem ferre; verùm etiam incredibili sollicitudine privatas quaslibet Domos ingredi, quandoque etiam, si occlusæ essent fores, adhibitis scallis per fenestras penetrare; remotissima quæque loca, obscuras cryptas, immunda stabula anxie circumire; languentes, afflictos, inediâ dejectos conquirere, atque omnes quibuscumque poterat, subsidiis juvare, ac re-
fice-

^A G rassante peste in Urbe, quid præstiterit Camillus,

ficere; eorum plagas curare, tabem abstergere, sordes eluere, lectos purgare: Præterea novum aperuit Xenodochium in ipsa Religionis suæ Domo; alterum in Regione Cælimontana ad sanctum Sixtum; alterum quoque ad Clivum Capitolii in via Rhedarum nuncupatâ constituit; illucque ægrotos undique comportari curavit, complures etiam propriis sublatos humeris ipse detulit; per omnes denique Urbis vastissimæ Regionēs alacer operâ, voce, animo præsto fuit, ut non sine causa judicatum fuerit, clementissimum Dominum, qui etiam in ira sua misericordiæ recordatur, deliberato in Urbem flagello opportunum levamen per Camillum, ejusque propositi Sectatores opponere voluisse.

A Ea tempestate sedata, ecce biennio post, novum calamitatis genus novam Camillo præbuit occasionem ardentissimæ charitatis suæ erga periclitantes Proximos ostendendæ: Quum scilicet Tiberis aquarum copiâ plus nimio auctus magnam Urbis partem inundasset, jamque adjacentes sancti Spiritus Ædes invadens inferiora ipsius cubicula occupasset; commotus tanto Infirmorum periculo Camillus, in medias aquas profiliens cœpit ægrotos ipsos, eorumque grabatos humeris suis aliò transferre, nec prius ab opere cessavit, quàm immenso trium dierum labore in tuto omnia collocata conspexerit.

Quod si, veritatis æternæ testimonio, majorem hac dilectionem nemo habet, quàm ut animam suam ponat quis pro amicis suis; quid ni heroicam agnoscamus fuisse charitatem Camilli, qui minimè detrectavit pro Pauperibus Christi vitam sæpe suam in manifestum discrimen adducere, nec unquam animam suam pretiosiores fecit eâ cujus desiderio flagrabat, Proximorum salute?

B Neque verò unius Romanæ Urbis ambitu se continuit ipsius dilectionis amplitudo, sed alias quoque Regionēs ac Civitates complexa est, ad quas Instituti sui fructum utilitatemque propagavit; Italiam verò universam ferè benefaciendo peragravit, mirifica charitatis opera ubique exercens, omniumque necessitatibus opportunè succurrens. Mediolanum, & Nolam Urbes, pestifera contagione grassante, quo tempore alii earum Urbium commercia omni ratione vitabant, quin etiam earum Cives aliò evolare posse cupiebant, ultro ingressus est Camillus, dilectionis ignem in sinu portans, atque utrobique admiranda illa virtutis exempla, quæ Roma olim conspexerat, pari omnium ordinum admiratione renovavit. Buclanicum Patrium Oppidum, ut audivit Annonæ difficultate graviter afflictum, illico Româ eò se contulit, suosque Cives impen-sis providentiæ & charitatis officiis, illustribus quoque impetratis a Deo prodigiis, mirificè recreavit.

C Denique inextinctam charitatis suæ flammam usque ad exitum vitæ, usque ad metam præclari cursus feliciter perduxit; cumque diuturno tri-
ginta

A Quid exundante Flumine. B Quid aliis in Civitatibus & Oppidis.

C Ipse sancta mors.

ginta trium mensium languore, lentâque & molestâ feбри probatus tuisset, prænunciatum sibi cœlitus mortis diem animo concupiscenti præstolando, nil aliud præter Dei & Proximi dilectionem in corde & in ore habens, nil aliud Sociis ac Discipulis suis commendans, tandem Ecclesiæ Sacramentis piè & religiosè susceptis, die xiv. Julii anno salutis MDCXIV., ætatis suæ LXV. ad regnum perfectæ charitatis migravit.

Nec dubitarunt quicumque ipsius laborum agnovere certamina, quin ipsi coronam justitiæ reddidisset justus Judex; qui etiam, editis potentiae suæ signis, devota frequentis populi ad ejus funus confluentis officia sibi accepta esse monstravit. Cumque de hujusmodi Miraculis, ac potissimum de perspecta Servi Dei sanctitate, universalis fama & contans hominum judicium esset, citò deventum est ad legitimorum Processuum constructionem, quibus Ordinariâ primùm, mox etiam Apostolicâ auctoritate confectis, eorumque validitate approbatâ, post maturum omnium examen iteratis vicibus resumptum, Nobismetipsis olim pro munere Promotoris Fidei, quod gerebamus, minutissima quæque dubitationis capita proponentibus, tandem a felic. recor. Prædecessore Noïtro Benedicto Papa XIII. cum consilio Congregationis Sacrorum Rituum **A** judicatum est, constare de Camilli Virtutibus in gradu heroico; ut patet ex Decreto ab eo edito die xxiv. Julii Anni MDCCXXVIII.

Mox examinatis in eadem Congregatione Miraculis, quæ post Camilli obitum, ejusdemque intercessione evenisse dicebantur; hujusque examinis summâ ad Nos ipsos in Petri Cathedra jam sedentes delatâ, post **B** invocatam Divini luminis opem ac reiteratam collectarum probationum considerationem visum est Nobis, duo potissimum ex novem propositis indubitanter approbanda esse; unum nimirum de enormi Polypo in naribus cujusdam Puellæ Viterbienſis suborto, & plures jam menses pervicaciter permanente, qui ex solo contactu filii subuculæ Servi Dei penitus evanuit. Alterum de lethali morborum congerie, maligna scilicet feбри, pulmonum & pleuræ inflammatione, gutturis etiam ulcere, quibus Catharina Dondula sexto jam mense uterum terens, correpta & ad extremum vitæ Medicorum etiam judicio deducta fuerat, sed omnia solo haustu aquæ, in qua comminutus fuerat pulvis e cubiculo Servi Dei collectus, illico depulsa fuerunt, itaut ægra non modò sanitatem, sed pristinas etiam vires momento temporis recuperaverit. Quæ quidem Miracula quum Nos Decreto edito die xxvi. Septembris Anni MDCCXLI. approbata publicaverimus, mox prælatæ Congregationis consilium audierimus super Beatificationis honoribus eidem Dei Servo tutò deferendis, die demum secundâ Februarii Anni MDCCXLII. in Festivitate Purificationis beatissimæ Virginis Mariæ, quo die olim Camillus superni luminis radio illustratus ad bonam frugem conversus fuisse perhibetur,

Y y y

aliud

A Heroicæ Camilli Virtutes juridicè approbantur.

B Miracula pro Beatificatione approbata.

aliud Decretum protuli nus de ejusdem formali Beatificatione peragenda; A
cujus solemnia deinde in Basilica Principis Apostolorum de Urbe rite celebrata fuerunt vigore Literarum Nostrarum Apostolicarum die VII. ejusdem mensis & anni sub Annulo Piscatoris editarum.

Indultam beato Viro venerationem, ac summo Fidelium studio eidem exhibitam nova subsequuta sunt Miracula, quæ manifestam Dei voluntatem de ipsius glorificatione in Terris augendâ ostendere videbantur. B Tribus itaque Episcopis ad inquirendum super hujusmodi Miraculis auctoritate Nostra Apostolica de more delegatis, cognitâque Processuum ab ipsis confectorum validitate, ex tribus Miraculis in prædicta Sacrorum Rituum Congregatione accuratissimè discussis, audito ut par erat, Peritorum judicio, novisque inquisitionibus super sanationum obtentarum perseverantiâ legitimè peractis, duo potissimum tamquam approbatione nostrâ digna Nobis proposita fuerunt, quæ quum revera privatis nostris studiis adhibitis, & invocato lumine Spiritus sancti, clarissima in luce posita esse judicaverimus, die prima Maji superioris anni MDCCXLV. Decreto nostro approbavimus & publicavimus.

C Primum est sanatio Luciae Theresiae Petti Puellæ ex Oppido Caprarolæ, quæ quum ab ipsa nativitate ob pravam Thoracis structuram magnâ respirandi difficultate laborasset, & procedentibus annis, ingravescente Asthmate, accedentibus purulentis & sanguineis excretionibus, ac summâ virium prostratione, externo quoque contracto gibbo, gravem sibi aliisque vitam haud longè protrahere posse ostenderet; in maxima morborum hujusmodi intensione, quum invocatâ beati Camilli ope, aquam bibisset præfato pulveri admixtam, unius noctis spatio a morbis omnibus expedita, & perfectâ valetudinis firmitate donata fuit.

Alterum est instantanea sanatio Margaritæ Castelli duodeviginti annorum Puellæ ex Oppido Marini, quæ ob vitium sanguinis ab utero Matris contractum malignis pustulis sæpe afflicta, tandem earum numero in immensum aucto, itaut universum ipsius corpus unicâ crustâ, sanie taboque manante coopertum appareret, acutâ quoque febris superveniente, omnique amisâ motus & sensuum facultate jamjam expiratura judicabatur; quum subitò imposita ipsi Imagine beati Camilli, ac brevi prece ab ipsius Sorore & Matre emissâ, velut a somno mortis excitata perfectè convaluit; corpus repente detumuit, crustæ deciderunt, reliquit eam febris; itaut e lecto statim surgens, integerrimis viribus incedere & operari potuerit, neque deinceps inveteratæ hujusmodi affectionis incommoda ampliùs perpessa fuerit.

D Consulta deinde fuit eadem Sacrorum Rituum Congregatio, an rebus ita se habentibus, ad solemnem beati Camilli Canonizationem tutò procedi possè censeret; omnibusque Venerabilibus Fratribus Nostris
S.R.E.

A Solemnis Beatificatio. B. Causa reassumitur. C. Miracula pro Canonizatione approbata. D. Decretum de tuto processu ad Canonizationem.

S. R. E. Cardinalibus eandem Congregationem constituentibus , necnon dilectis Filiis ejusdem Congregationis Consultoribus in partem affirmativam consentientibus , Nos deinde maturâ ponderatione præmisâ , ac ferventibus Deo oblatis precibus , tandem anno superiore die xvii. Augusti , illius diei anniversaria , quo inscrutabilis Divini consilii altitudo Nos immerentes ad Summi Pontificatus apicem evexit , publico Decreto edito hujusmodi Congregationis sententiæ Nos quoque adherere declaravimus .

Urgebant verò pro hujus Decreti implemento non solum communia fidelium Populorum , ac in primis dilectæ Urbis nostræ vota , sed & enixæ preces ac supplicationes antedictæ Congregationis Clericorum Regularium Ministrantium Infirmis , quibus , & olim clar. mem. Philippus III. , & Philippus IV. Hispaniarum Reges Catholici , plurimique Ecclesiastici & Secularis Ordinis Proceres apud Prædecessores nostros Romanos Pontifices suas preces adjunxerant , & suas nuper postulationes Nobis humiliter exhiberi mandaverant Carissimus in Christo Filius noster Carolus utriusque Siciliae Rex Illustris , ejusque Conjux Carissima in Christo Filia nostra Maria Amalia utriusque pariter Siciliae Regina Illustris , & cum aliis pluribus Antistitibus & Principibus , dilecti Filii Nobiles Viri Neapolitanæ Civitatis Electi . Quapropter communicato consilio cum universo Collegio Venerabilium Fratrum nostrorum S. R. E. Cardinalium in Consistorio secreto die xviii. elapsi mensis Aprilis coram Nobis habito , hisque similiter , audito a Nobismetipsis Causæ statu ac meritis , ad ulteriora , servatis servandis , progrediendum esse suadentibus ; Nos demum convocatis per Literas compluribus Ven. Fratribus Archiepiscopis & Episcopis per Ecclesias constitutis , eorum quoque suffragia , ut in tanti momenti judicio fieri consuevit & decet , audire deliberavimus .

Itaque expositis primùm in plenario publicoque prædictorum S. R. E. Cardinalium , Antistitum omniumque Ordinum Romanæ Curiae Confessu , per dilectum Filium Julium Cæsarem Fagnanum nostræ Consistorialis Aulæ Advocatum , ejusdem B. Camilli gestis , Virtutibus & Miraculis ; iisdemque præterea in summaria Relatione ex monumentis prædictæ Sacrorum Rituum Congregationis fideliter desumptâ una cum Actorum serie , prædictorum omnium judicio subjectis ; die decima currentis Junii eosdem S. R. E. Cardinales , & Patriarchas , Archiepiscopos , & Episcopos universos coram Nobis in Consistorio semipublico congregatos , adstantibus de more dilectis Filiis Sedis Apostolicæ Notariis & Causarum Palatii nostri Auditoribus requisivimus , an ad solemnem ipsius Beati Canonizationem deveniri posse censerent ; cumque omnes unanimi sensu id a Nobis præstandum esse suaderent , exhibitis quoque in scriptis per singulos suffragiis , quæ in Romanæ Ecclesiæ Tabularium inferri jussimus ;

Y y y 2

A Consistorium Secretum . B Consistorium Publicum .

C Cardinalium & Episcoporum suffragia in Consistorio Semipublico .

mus ; Nos quidem tunc eos omnes hortati sumus , ut pro impetrando Nobis superni luminis adjutorio , suas Deo preces offerrent ; mox generalia per Urbem jejunia indiximus , designatisque Ecclesiis cum Indulgentia ab omnibus Christifidelibus Nobiscum orantibus consequendâ , iteratis etiam Sacrificiis , Deum omnipotentem precati sumus , ut sedium suarum assitricem sapientiam ad illuminandas mentis nostræ tenebras emittere dignaretur .

- A** Demum adveniente hac die beatorum Apostolorum Petri & Pauli Martyrio consecratâ , in splendidissimo Ecclesiæ Romanæ jubilo , præcedentibus cum prece omnibus Cleri Secularis & Regularis Ordinibus , & subsequenter Aulæ nostræ , & Curiæ Officialibus atque Ministris , frequentissimâ Confacerdotum coronâ stipati , ad sacram beatissimi Apostolorum Principis memoriam in Vaticano solemnis supplicationis ritu processimus : Ubi exhibitis Nobis iterum a dilecto Filio nostro Joachimo Tituli Sanctorum Quatuor Coronatorum Presbytero Cardinali Portocarrero nuncupato , prædictorum supremorum Principum & Procerum , Ecclesiarumque , & Congregationis Clericorum Regularium precibus & obsecrationibus , Dei nomine cum gemitibus invocato , ad laudem sanctæ & individuae Trinitatis , ad Triumphantis Ecclesiæ gloriam , & Militantis consolationem atque præsidium auctoritate Domini Nostri Jesu Christi , sanctorum Apostolorum Petri & Pauli , ac Nostra , ac de congregatæ Fraternitatis , ut supra diximus , assensu & consilio prædictum Camillum de Lellis Diocesis Theatinæ Sacerdotem , Fundatorem Congregationis Clericorum Regularium Ministrantium Infirmis , de cujus præcellenti Fide & charitate ceterisque Virtutibus in gradu heroico , necnon de Miraculis ipsius intercessione a Deo patratis plenissimè constabat & constat , Sanctum esse definiendo pronuntiavimus , & pro Sancto ab omnibus habendum atque colendum ediximus , in nomine Patris & Filii & Spiritus Sancti ; omnibusque Christifidelibus , qui singulis annis die xiv. Julii verè pœnitentes & confessi Ecclesiam S. Mariæ Magdalænæ de Urbe Congregationis præfatæ Clericorum Regularium , in qua ipsius Sancti Corpus religiosè asservatur , devotè visitaverint , septem annos & totidem quadragenas de injunctis eis , seu aliàs debitis pœnitentiis , eadem auctoritate in perpetuum misericorditer relaxavimus . Denique in obsequium omnipotentis Dei decantato Laudis & Confessionis Hymno , incruentam salutis nostræ Hostiam ad Altare Confessionis beatissimi Petri Apostoli in spiritu humilitatis obtulimus cum commemoratione etiam ipsius S. Camilli Confessoris , necnon Sanctorum Fidelis Martyris , Petri , & Josephi Confessorum , & Catharinæ Virginis , quos pariter Sanctorum Albo rite adscripsimus , omnibusque ibi præsentibus plenariam peccatorum Indulgentiam largiti fuimus .

Exultet igitur Ecclesia sancta Dei , & jucundetur in Domino , qui
secun-


secundum promissiones suis sanctitatis & dilectionis spiritum in ea conservat & fovet. Excitentur Fideles ad præclara Sancti hujus persequenda vestigia, ut ipsius mereantur suffragiis adjuvari; qui quum in illo Regno Beatitudinis in quod neque luctus neque dolor ingreditur, non habeat, cui assueta misericordiae suae exhibeat officia, nos hic in tantis angustis & calamitatibus constitutos suâ intercessione sublevare, & flagella Divinae iracundiae a nobis lubens studebit avertere.

Ut autem præmissa omnia ad consolationem & eruditionem Christianæ plebis ubique innotescant, Nos ea præsentium Literarum Apostolicarum tenore & auctoritate, publicanda atque edicenda esse censuimus; mandantes, ut earumdem præsentium transumptis, sive exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ab omnibus habeatur, quæ ipsis præsentibus adhiberetur, si forent exhibitæ vel ostensæ.

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, relaxationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum ejus se noverit incursum.

Datum Romæ apud sanctum Petrum anno Incarnationis Domini cæ MDCCXLVI., 111. Kalendas Julii, Pontificatus Nostri anno VI.

✠ Ego Benedictus Catholicæ Ecclesiæ Episcopus



† Ego T. Episcopus Ostien. & Veliternen. Card. Rufus Decanus, & S. R. E. Vice-Cancellarius.

† Ego

A Præsentium Literarum exemplis auctoritas tribuitur. B Sanctio.

C Dat. Pontificatus Anno VI. die 29. Junii 1746.

- † Ego A. Episcopus Portuensis Card. S. Clementis S. R. E. Camerarius .
 † Ego V. Episcopus Prænестinus Card. Petra, Major Pœnitentiarius .
 † Ego P. A. Episcopus Albanen. Card. Carafa .
 †
 † Ego V. Episcopus Sabinen. Card. Bichius .
 †
 †
 †
 †
 †
 †
 † Ego Nicolaus Maria Tit. S. Petri ad Vincula Presbyter Card. Lercari .
 †
 †
 †
 † Ego F. Tit. S. Mariæ Translyberim Presbyter Card. Burghesius .
 † Ego A. Tit. S. Stephani in Monte Cœlio Presbyter Card. Gentili .
 † Ego Fr. J. A. Tit. SS. Silvestri & Martini Presbyter Card. Guadagni .
 † Ego T. Tit. S. Cæcilie Presbyter Card. de Acquaviva .
 † Ego D. Tit. Basilicæ Sanctorum Duodecim Apostolorum Presbyter Card. Rivera .
 † Ego J. B. Tit. S. Mariæ Angelorum Presbyter Card. Spinula .
 †
 †
 †
 †
 † Ego R. Tit. S. Sabine Presbyter Cardinalis de Ilcio .
 †
 †
 † Ego D. Tit. S. Bernardi ad Thermas Presbyter Card. Passioneus .
 † Ego S. Tit. S. Priscæ Presbyter Cardinalis Valenti .
 †
 † Ego J. F. Tit. SS. Quatuor Coronatorum Presbyter Card. Portocarrero .
 † Ego C. Tit. SS. Joannis & Pauli Presbyter Card. Paulutus .
 †
 † Ego C. A. Tit. S. Mariæ de Pace Presbyter Card. Cavalchinus .
 †
 †
 †
 †
 †
 †
 †

- † Ego F. Tit. S. Mariæ de Populo Presbyter Card. de Ricciis .
 † Ego A. Tit. S. Silvestri in Capite Presbyter Cardinalis Rufus .
 † Ego C. Tit. S. Mariæ de Ara-Cœli Presbyter Card. Calcagnini .
 † Ego P. M. Tit. S. Agnetis extra muros Presbyter Card. de Montibus .
 † Ego F. Tit. S. Matthæi in Merulana Presbyter Card. Tamburini .
 † Ego J. Tit. S. Crucis in Hierusalem Presbyter Card. Besozzi .
 †
 †
 †
 †
 †
 †
 †
 † Ego Carolus S. Mariæ in Via-Lata Diaconus Card. de Marinis .
 † Ego Alexander S. Mariæ ad Martyres Diaconus Card. Albanus .
 † Ego Nerius S. Eustachii Diaconus Card. Corsinus .
 † Ego Agapitus S. Agathæ Diaconus Card. Mosca .
 †
 †
 † Ego C. S. Mariæ in Porticu Diaconus Card. Sacripantes .
 † Ego M. SS. Cosmæ & Damiani Diaconus Card. Bolognettus .
 † Ego H. S. Angeli in Foro Piscium Diaconus Cardinalis Columna .
 † Ego P. S. Georgii in Velabro Diaconus Card. Columna .
 † Ego A. S. Mariæ in Aquiro Diaconus Card. Tanari .
 † Ego H. S. Adriani Diaconus Card. Bardi .
 † Ego D. SS. Viti & Modesti Diaconus Card. Ursinus .
 †

D. Card. Passioneus .

J. Datarius .

V I S A

de Curia I. C. Boschi .

J. B. Eugenius .

Loco † Plumbi .

Registrata in Secretariæ Brevium .

B. PETRI REGALATI CONFESSORIS

BENEDICTUS EPISCOPUS

SERVUS SERVORUM DEI

Ad perpetuam rei memoriam.

A**N**egotiatores Cœli, qui fidelibus Redemptoris nostri promissionibus innixi, quæcumque Mundus appetit, quæ caro concupiscit, quæ Dæmon pollicetur, omnia relinquunt, ut Christum bajulantem sibi Crucem per asperam angustamque viam prosequantur, non modò inæstimabilem bonæ negotiationis fructum in æternæ vitæ possessione percipiunt, sed etiam in terris centuplum pro omnibus quæ dimiserunt, utilissimâ commutatione lucrantur. Dum enim vitæ hujus oblectamenti per mortificationis & continentiae studium renunciant, puris tranquillisque voluptatibus, de conscientiae serenitate ac Divini favoris suavitate replentur; dum anxias Mundi divitias, Evangelicam paupertatem amplexi, a se abdicant, supernorum charismatum thesauris abundè ditantur; & pro vanis fluxisque honoribus quos contemnunt, veram solidamque gloriam non solum coram Angelis Dei, sed etiam coram hominibus adipiscuntur. Vidit hæc cœlesti lumine edoctus beatus Petrus Regalatus Ordinis Minorum Alumnus, ejusque disciplinæ quam sanctus Patriarcha Franciscus discipulis suis tradiderat, perfectissimus ipse Sectator & in aliis quoque Restitutor gustavit, quàm suave ac bonum esset, abnegatis secularibus desideriis, uni Deo adhærere; reliquit quæ sua erant, ut Christum lucrifaceret: Verùm in ipsis etiam voluntariæ paupertatis angustiiis dilatatum est cor ejus, ut quarum rerum nec possessione nec affectu tenebatur, in eas mirum sæpe jus & imperium, supra id quod naturæ leges ferunt, Deo concedente exerceret. Nunc denique ad immensum Gloriæ pondus, qua is jamdudum in Cœlis potitur, non exiguus in Terris accessit honoris cumulus, decreto eidem cultu universæ per Orbem Ecclesiæ, cui nos licet indigni, Divina voluntate præsidentes, ipsum beatum Virum, christianarum virtutum perfectione & miraculorum claritate illustrem, inter sanctos Confessores a Nobis cum consilio Venerabilium Fratrum nostrorum S. R. E. Cardinalium, necnon Patriarcharum, Archiepiscoporum, & Episcoporum in

in Romana Curia frequenti numero congregatorum rite ac solemniter adscriptum , religiosa veneratione prosequendum , & proficua devotione invocandum proponimus , ac præsentium Literarum tenore denunciamus .

Vallisoleti nobili Hispaniæ Urbe , natus est Petrus anno salutis A MCCCXC. ex Nobilibus piisque parentibus , quorum disciplinâ & exemplis eruditus , ac Divinâ præsertim gratiâ præventus cœpit a puero ad christianæ perfectionis leges vitam moreque suos componere & conformare ; quin etiam vix decimo ætatis anno transactio , domesticis facultatibus honoribusque contemptis , Franciscani Institutii habitum ac professionem expetere . Restitit quidem ab initio amantissima Mater , & piis Filii desideriiis obsecundare triennio toto recusavit ; verum is in sancto proposito firmiter perseverans , eumque præferens Matri , quem præferre jubemur & animæ nostræ , instando & obsecrando tandem obtinuit , ut ad Religiosæ vitæ Tiocinium , mox etiam ad solemnia emit- B tenda vota in patriæ Civitatis Cœnobio admitteretur . Ex eo tempore quum in suscepto perfectionis curriculo per internæ humilitatis externæque mortificationis studium , per assidua Orationis & contemplationis exercitia , per sollicitam puri cordis & sensuum custodiam novos semper progressus faceret , numquam respiciens retro , sed ad perfectiora & sublimiora extendens se ipsum ; ad illud brevi pervenit virtutis fastigium , ut & in omnibus religiosi Viri officiis toti Sodalitio exemplis suis præluceret ; & sanctioris disciplinæ in Minorum Familia non nihil tunc temporis laxatæ , in pristinum splendorem restituendæ , inspirante Deo , consilium caperet , eodemque adjuvante ad effectum mirè perduceret .

Etenim occasionem nactus , qua Vir pius ac prudens Frater Pe- C trus Villacretius ejusdem Ordinis Professor , potestate a Superioribus sibi factâ Hispaniæ Cœnobio peragrabat , ut ex iis qui a subinducta libertate ad perfectiorem vivendi rationem transire cuperent , peculiarem veluti gregem conflaret , in quo pristina Franciscanæ Regulæ puritas & austeritas revivisceret , nihil cunctatus Petrus se illi socium adjuvit , & in solitariam Domum prope Aquileriam Oxomensis Diœcesis Oppidum permissu Episcopi extructum lubens cum eo secessit . Ibi in perpetuis pietatis & pœnitentiæ exercitationibus ambo viventes , non solum cœlestium gratiarum copiam , sed etiam hominum admirationem sibi conciliarunt ; ut eâ permoti quamplurimi , tum ex ipso Fratrum Minorum Ordine , tum e seculari Clero & e Populo in eorum Societatem admitti certarint , eorumque disciplinæ se instituendos tradiderint . Quare cum nova Reformationum Familia ad eum numerum aucta fuisset , ut jam Aquileriensibus Ædibus contineri minimè posset , alterum ejusdem Insti-

Z z z

tuti

A S. Petri Regalati ortus & initia . B Ordinem Minorum ingreditur . C Ejusque Reformationem una cum Petro Villacretio promovet .

tuti Cœnobium de Abroxo nuncupatum in Agro Tributano ad Ripam Durii Fluminis construi opus fuit.

A In horum Conventuum regimine, quoties nascentis Reformationis negotia Villacretium aliò vocabant, Petrus Regalatus ipsius vices sustinere consuevit. Cum verò idem Villacretius, post obtenta a felicis recordationis Martino Papa V. Prædecessore nostro quem præsens adiebat, quæcumque ad ipsius Reformationis firmitatem atque dilatationem maximè optaverat, ex hac vita piè migrasset, communi Religiosorum voto in ipsius locum successus est Petrus, qui sicut eum viventem in prælaudati operis constitutione & administratione, consilio suo atque operâ maximè juverat, ita deinceps non modò Aquilerienſe Cœnobium, in quo præcipuum fixit domicilium, sed Tribulanum etiam, quod modò per se ipsum, modò per Vicarios a se delegatos regebat, ad perfectioris disciplinæ normam sanctissimè gubernavit.

B Fuit in eo ad Socios Subditosque in via Mandatorum Dei dirigendos non solum eximius zelus & assidua vigilantia, verum etiam in omni virtutum genere præclari exempli lux & auctoritas. Quorum enim jejuniorum observantiam ad mentem Sancti Fundatoris in usum reduxerat; ea ipse & exactè servabat, & voluntariis abstinentiæ rigoribus cumulabat, quum nullum ferè obsonii genus ad panem & aquam plerumque adjiceret, & præter dies Dominicos, nihil omnino ad vesperam fumeret; quinimmo totos sæpe dies absque ullo cibo transigeret in laboribus aut orationibus, quarum etiam amore nonnunquam integras noctes insomnes ducebat, vel humi cubando curabat, ut ne quid somni caperet præter id, quod ineluctabilis naturæ necessitas postulabat. Duris præterea flagellis, asperrimis ciliciis corpus affligere & in servitutum redigere non desinebat. Paupertatis verò adeo amator fuit, ut quæ præ ceteris attritæ & laceræ vestes essent, eas ipse sibi deligeret, nec unquam ferè sandaliis aliove calceamenti genere uteretur, sed nudis plerumque pedibus ad humilitatis & poenitentiae exercitium incederet.

C Quare cum sibi ac Mundo crucifixus omnino esset, minimè est mirandum, si totum cor ejus sibi vindicavit cœlestium amor, cujus virtute fortiter tractus, ac dulcedine suaviter illectus, ineffabilia divinitatis attributa & Redemptionis nostræ mysteria præsentissimo animi sensu assidue contemplabatur; adeoque in piis meditationibus affectibusque inardebat, ut sæpe clarissimus lucis splendor ex ipsius corpore diffusus, non solum ad cubiculi ambitum, sed longè latèque supra Cœnobii tectum emicaret; cujus rei causa a finitimis cognita, *Domus Dei* nomen Cœnobio inditum fuit, quo etiam usque in præsentem diem appellatur. Ex frequentibus verò mentis excessibus, quibus ad interiora cum Deo colloquia admittebatur, quum cœlestium virtutum formam in se referret,

ret , earum quoque exemplar aliorum animis imprimere vehementer optabat . Hinc ortum habuit zelus ille ardentissimus , quo ad animarum salutem opportunissimis rationibus procurandam accendebatur ; neque solum Religiosos Viros curæ suæ peculiariter commendatos exemplis præceptisque suis ad perfectionis culmen ducere satagebat ; sed ceteris etiam omnibus operâ , consilio , sermone , ac potissimum impensis misericordiæ & charitatis officiis tutissimum ad Cælum viam monstrare & complanare curabat . Hic erat præcipuus ipsius scopus , & cum pauperes Christi ægritudine afflictos , eosque maximè , quos propter horrificam morborum speciem , aut contagionis periculum ab aliis derelictos conspiciebat , per se ipse adjuvare , hospitio recipere , laboriosâ curatione sublevare gestiebat ; & cum , corrogata a divitioribus stipe , calamitosiis omnibus opem ferre , potissimum verò Christifidelibus apud Barbaros in captivitate detentis libertatem impetrare studebat ; cum demum inimicitias omnes & simultates inter Fideles componere omni studio nitebatur : ut scilicet peccata & vitia eliminaret , pericula occasionisque peccandi omnibus subtraheret , & Proximos a se adjutos , non sibi sed Christo lucrificeret , atque ad divinæ Bonitatis amorem , ad Evangelicæ legis observantiam adduceret . Denique purgantium Defunctorum cruciatus pio commiserationis affectu respiciens , oblati Deo precibus , Sacrificiis , jejuniis aliisque voluntariis sui corporis castigationibus prolatam ipsis æternæ Beatitudinis possessionem accelerare curabat .

His aliisque virtutibus apud suos exterosque clarus , miraculorum quoque gratiâ aliisque supernaturalibus donis illustris , cum ad sexagesimum sextum ætatis annum pervenisset , jamque prospiceret , haud procul esse depositionem Tabernaculi sui , de apto idoneoque Rectore gregi suo post se relinquendo sollicitus , longum asperumque iter ingressus est , ut Lupum Salazarium antiqui Instituti cultorem ac vindicem ad id muneris suscipiendum suaderet . Eâ re impetratâ , quum Tribulanum Cœnobium in reditu visitasset , inde ad Aquileriense se contulit , ubi lethali morbo correptus decubuit , exactoque inter acerbos cruciatus atque languores integro Quadragesimæ cursu , tandem die sancto Paschæ Eucharistici Panis viatico munitus , & sequenti die ab Episcopo Palentiae Oleo sancto unctus in nomine Domini , quum dilectissimos Fratres ad severioris disciplinæ custodiam , ad paupertatis studium , ad imitationem Christi etiam atque etiam hortatus esset , animam suam in manus Dei fidenter amanterque commendans iustorum somno obdormivit tertio Kalendas Aprilis Anno salutis MCCCCLVI.

Petri corpus , ut piis Fidelium turbis ad Cœnobium undique concurrentibus satisfaceret , per aliquot dies inhumatum remansit ; cumque nullas interim mortalitatis injurias pateretur , tandem in communi Fra-

trum Sepulchro conditum fuit ; unde tamen post triginta sex annos translatum fuit ad prænobile loculamentum , quod ipsi clar. mem. Elisabetha Castellæ Regina ex alabastrite marmore extrui curavit .

Ibi & propter constans hominum iudicium de Servi Dei Sanctitate , & propter miraculorum frequentiam , assidua venerationis & cultus obsequia a piis Fidelibus ipsi delata fuerunt .

- A** Et sanè de generali ipsius Sanctitatis , virtutum & miraculorum famâ Testes sunt antiqui Processus auctoritate ordinariâ super eo confecti , qui cum ante hos centum viginti annos ad hanc Sanctam Sedem delati fuissent , & pro legitimo cultu eidem Servo Dei asserendo Apostolicæ definitionis oracula , instantibus etiam Catholicis Hispaniarum Regibus universoque Ordine Fratrum Minorum S. Francisci vehementer expeterentur ; visum est tel. record. Urbano Papæ VIII. Prædecessori nostro , signatâ Chirographo suo Commissione , ad discutiendam in specie ipsius Beatificationis & Canonizationis Causam , novorum Processuum constructionem demandare . Quibus deinde ad Urbem allatis , & trium antiquiorum tunc temporis Causarum Palatii Apostolici Auditorum examini subiectis , quum hi pro sua integritate & prudentiâ eorum validitatem & relevantiam plenissimè approbantes , in luculenta Relatione eidem Urbano Prædecessori exhibita , tam præclaras Servi Dei virtutes in gradu heroico , quàm illustria in vita & post mortem ejus intercessione patrata miracula satis demonstrata esse censuissent ; idem Urbanus Prædecessor ipsius Causæ iudicium remisit Congregationi Sacrorum Rituum : Quæ post approbatam eorundem Processuum validitatem & examinis formam , quum decrevisset una cum dubio de Regalati virtutibus , alterum quoque de miraculis ipsius intercessione sequutis proponi & expendi ; quatuor infrascripta miracula ad trutinam vocavit . Primum , quod olim in visitatione Conventuum Aquilerie & Tribuli , quam Dei Servus pedes peragebat , intermedium spatium quadraginta millium passuum unius horæ intervallo confecisset . Alterum , quod quum collectas e communi mensâ reliquias aliquando deferret ad pauperes , ob idque a Vicario sibi occurrente objurgaretur , quod supra modum in externos se liberalem præberet , quumque is nil aliud quàm flores deferre se asseverasset , flores revera in sacco reperti sunt , quos neque anni tempus , neque Regionis natura suppeditare potuerant . Tertium , quod Durii Fluminis aquas , quoties increbuisse , & navicula deesset ad transfretandum , extento super eas pallio , non semel sicco pede transierit . Quartum denique , quod pauperi post ipsius obitum assuetâ eleemosynâ pro Cœnobii foribus fraudato , eâque de re ad ipsius Petri sepulchrum conquerenti , exerto e sepulchro brachio , panem porrexerit . Hisque admirabilibus sanè prodigiis , quæ etiam a vetustissimis temporibus marmoreo Servi Dei sarcophago insculpta cernebantur , maturè discussis & approbatis , peracto quo-

quoque virtutum examine ; eadem Congregatio Decretum edidit die xvi. Novembris anni MDCXXX. , quo tam virtutes ejusdem Servi Dei , quàm ipsa prædicta miracula comprobata fuerunt .

Quum verò paulo post , super hujusmodi judiciorum ordine & methodo , nova & consultissima ejusdem Urbani Papæ VIII. Decreta prodjissent , proindeque inducta fuisset necessitas ostendendi , quod iis paritum esset ; antequam ad ulteriora in hac Causa procederetur , opus fuit planum facere , quod per centum annos , immo veriùs per duo ferè secula ante eorundem Decretorum editionem publicus cultus ipsi Dei Servo præstitus fuerat . Quare post aliquot annorum silentium , percrebrescentibus religiosis catholicorum Principum & Populorum votis , instantibus quoque quamplurimis Episcopis univèrsoque prædicto Ordine Fratrum Minorum sancti Francisci , Anno Domini MDCLXXV. a sel. **A** recordat. Prædecessore pariter nostro Clemente Papa X. de consilio præfatæ Congregationis Sacrorum Rituum signata fuit Commissio pro reassumptione Causæ in statu & terminis , cum facultate in primis & ante omnia conficiendi Processum particularem super partitione Decretis Urbani Papæ VIII. de non cultu editis , seu super casu ab eisdem excepto ; & consequenter ab Episcopo Oxomeni vigore Literarum a prædicta Congregatione ipsi directarum confectus fuit hujusmodi Processus , ac sententiâ rite prolatâ super cultu eidem beato Viro a centenario tempore & ultra publicè exhibito , ac proinde de casu a præfatis Urbani VIII. Decretis excepto : Quam porro sententiam in prædicta Congregatione Sacrorum Rituum revisam & approbatam san. mem. Prædecessor pariter noster Innocentius Papa XI. Apostolicâ auctoritate confirmavit & roboravit , Decreto edito die xvi. Augusti Anni MDCLXXXIII.

Itaque non solum ipsius beati Petri cultus impensioribus Fidelium **B** studiis per totam Hispaniam aliasque Regiones frequentari cœpit , verum etiam subsequutis Apostolicæ Sedis Indultis magnopere auctus fuit ; concessâ primùm in ipsius honorem Officii Divini ac Missarum celebratione per Ordinem Fratrum Minorum de Observantia , & per aliquas Hispaniæ Diœceses ; mox extenso per gradus hujusmodi Indulto ad universam Franciscanorum Familiam & ad omnes Hispaniarum Civitates atque Diœceses cum Oratione etiam & Lectionibus propriis , ab eadem Congregatione Sacrorum Rituum examinatis & approbatis ; demum permissa ab eodem Innocentio Translatione Corporis ipsius beati Petri ad novum atque splendidius Sacellum piorum sumptibus in ipsius honorem excitatum .

Quoniam verò , juxta Apostolicarum sanctionum Decreta , ad solemnem Beati Canonizationem minimè procedi poterat , nisi demonstratum

A Approbatio cultus. B Ejusdem cultus amplificatio. C Judicium super novis miraculis institutum.

stratum fuisset, nova post indultam ipsi venerationem miracula supervenisse; ideo quum delatum fuerit ad sel. record. Prædecessorem nostrum Benedictum Papam XIII. nonnulla miracula ab omnipotenti Deo ad invocationem ejusdem beati Petri recens patrata fuisse, placuit ipsi Apostolica auctoritate necessarias facultates delegare Episcopis Oxomeni, & Palentino, ut juxta instructiones iis transmittendas super hujusmodi assertis miraculis Testes examinarent, aliasque legitimas probationes colligerent. Hinc delatis ad Urbem Processibus ab iis confectis, eorumque validitate, necnon examinis formâ in Congregatione Sacrorum Rituum recognitâ, & juxta ipsius Congregationis consilium a sel. pariter recordat. Clemente Papa XII. Decessore nostro approbatâ; mox etiam alio Processu ejusdem Clementis auctoritate constructo super novissimo miraculo, ut ferebatur in Diœcesi Palentina edito, cujus pariter Processus validitas approbata fuit; de hujusmodi miraculorum relevantia secundum collectas probationes a dilecto Filio Magistro Ludovico de Valentibus Promotore Fidei diligenter excussas, actum primò fuit inter præfatæ Congregationis Consultores coram dilecto Filio nostro Antonio Xaverio Tituli S. Stephani in Monte Coelio Presbytero S. R. E. Cardinali Gentili nuncupato, hujus Causæ Ponente a Nobis deputato. Deinde, novis animadversionibus ab eodem Fidei Promotore exaratis, iterum iidem Consultores coram universis Venerabilibus Fratribus nostris S. R. E. Cardinalibus præfatæ Sacrorum Rituum Congregationi præpositis, in Quirinali Palatio nostro congregatis, sententias suas dixerunt: Atque ita demum Causa plenè discussa, & per novissimas prædicti Promotoris animadversiones accuratissimè cribrata, ad nostrum judicium delata fuit. Nos verò omnibus gestorum probationibus examinatis, & tam facti & juris allegationibus, quàm Peritorum judiciis & consultationibus perlectis; auditis etiam oretenus tum Causæ Postulatoribus & Patronis, tum etiam præfato Promotore Fidei; Congregationem generalem prædictorum omnium tam Cardinalium, quàm Consultorum die secundâ Junii, Anni MDCCXLIV. coram Nobis coegimus.

Et quamvis ex tam exquisita rerum omnium discussione, ex Consultorum suffragiis, quæ Nobis antea in scriptis oblata perpendimus, quin etiam in Summarium redacta eidem Cardinalium Congregationi per nosmetipsos exposuimus, ac denique ex consiliis prædictorum Ven. Fratrum nostrorum in eadem Congregatione a Nobis auditis, jam satis omnia videri potuissent clarissimâ in luce collocata; nihilominus ut uberiorem coelestis luminis gratiam perseveranti oratione impetrare mereremur, nostram adhuc sententiam proferre distulimus usque ad diem festum S. Bonaventuræ ejusdem Ordinis Fratrum Minorum sancti Francisci; quo die celebratâ Missâ in Ecclesia S. Mariæ Ara-Coeli nuncupata, solemnî Decreto edito, duo infra scripta miracula ipsius beati Petri intercessione a Deo obtenta approbavimus & publicavimus.

Primum est de Cæco illuminato, Didaco nimirum Sacerdote, co- A
gnomento Plasentia, qui cum epileptico paroxismo correptus in dome-
sticum focum prunis ardentibus refertum corruisset, eoque casu plenam
ferventis aquæ ollam subvertisset, ustulatâ facie, crematis palpebris, &
oculorum acie labefactatâ, omnem videndi facultatem penitus amisit,
nec eam quatuor circiter mensium spatio, pluribus etiam remediis ad-
hibitis, ulla in parte recuperavit. Verùm quod neque a natura, neque
a Medicorum arte obtinere jam ampliùs sperabat, id ei ab omnipotenti
Deo mirabiliter concessum fuit per merita B. Petri Regalati, cujus Cu-
cullum oculis suis admoveri curavit; dum ad illius Reliquiæ contactum,
illico perfectissimum oculorum usum recepit, quem ad mortem usque
haud imminutum retinuit.

Alterum recentius miraculum experta fuit Birgitta Ortega in sana-
tione horrendi ulceris, quod ipsi ex prævio tumore & interclusa sanie
in sinistra lumborum regione obortum, cum integumenta omnia, qui-
bùs renes continebantur, & duas quoque costas maligna corruptione de-
pascendo absumpsisset, contracto demum callo, & acerbissimis dolori-
bus cum febris accessibus, jam prope erat, ut ipsam Mulieris vitam
præcideret. Cum tamen illa ad Beati sepulchrum adduci se postulasset,
ibique ipsius opem apud Deum cum lacrymis implorasset, iter ingressa
ut domum rediret, sensit se repente sanatam, atque ulceris locum inspi-
ciens invenit amplissimam fistulam corluisse, & cicatrice inducta, nul-
las alias morbi reliquias jam superesse; quin etiam auctis sibi corporis
viribus, optimâ deinceps usa est valetudine, dum vita fuit.

His itaque duobus miraculis cognitis & approbatis, illud definien- B
dum supererat, an res eò adducta videretur, ut ad solemnem Beati Ca-
nonizationem turò procedi posset: Qua in re quum jampridem dubita-
tum fuisset, an obtaret Decretum a Nobis editum die XXIII. Aprilis An-
ni MDCCXLI., quo scilicet inter alia statuimus, in Causis Servorum
Dei per viam Cultus immemorabilis, sive Indulti procedentibus, & in
quibus virtutes ex Testibus duntaxat de auditu, sive ex coævorum Scri-
ptorum testimoniis probatæ fuissent, quum post approbationem Cultus
immemorabilis ad solemnem Canonizationem transitus fieri vellet, non
duo solum, ut olim obtinuerat, sed quatuor in posterum miracula rite
probari debere: Hujusmodi dubitatio a Nobis sublata fuerat per aliud
Decretum die secunda Augusti ejusdem anni prolatum, quo declaravi-
mus, hanc Causam ab ea lege exceptam esse & censeri debere; ob eam
nimirum justissimam rationem, quod quum jam usque a temporibus Ur-
bani Papæ VIII., ut supra diximus una cum heroicis beati Petri virtuti-
bus, quatuor simul miracula approbata fuerint, jure dici poterat præ-
dicto generali Decreto nostro antecedenter paritum fuisse, proindeque
ad

A. *Miracula pro Canonizatione approbata.*

B. *De tuto progressu ad Canonizationem.*

ad ipsius Beati Canonizationem non quatuor sed duo tantum miracula approbanda superesse. Itaque prædicta quæstione propolita in Congregatione generali Sacrorum Rituum coram Nobis habita die **xxii** Septembris Anni **MDCGXLIV.**, unanimis omnium sensus fuit, ut ad solemnem beati Petri Canonizationem servatis servandis quancumque procedi posset; Nosque ipsi deinde solemne Decretum in eandem sententiam edidimus die **vi**. Octobris ejusdem Anni.

Cumque charissimi in Christo Filii nostri Philippus V., & Elisabetha ejus Coniux Hispaniarum Reges Catholici, cum reliquis ipsorum Regiæ Familiæ Principibus, oblatas jam pridem a Prædecessoribus suis Apostolicæ Sedi preces & postulationes pro hujus beati Viri Canonizatione omni studio foverent, accederentque in eum finem complurium Ven. Fratrum Hispaniæ Antistitum, totiusque religiosissimi Ordinis Fratrum Minorum S. Francisci vota & obsecrationes; Nos ut in hoc gravissimo negotio juxta præscriptam servatamque a Prædecessoribus nostris agendi normam procederemus, universi primùm Collegii Ven. Fratrum nostrorum S. R. E. Cardinalium in Consistorio secreto **vi**. Idus Aprilis coram Nobis congregatorum sententiam atque consilium exquisivimus. Quibus post auditam a Nobis gestorum seriem, & beati Viri præclara merita, ad legitimam Causæ hujus absolutionem unanimi voce Nos adhortantibus; non viciniore modò, sed etiam remotiores per Italiam Episcopos & Archiepiscopos moneri curavimus, ut circiter Kalendas Junias, quibus commodum esset, ad Urbem sese conferrent; quò & instantem Natalem diem beatorum Apostolorum Petri & Pauli, veteri more nobiscum una celebrarent, & Nobis de sæpediti B. Petri Regalati, necnon BB. Fidelis a Sigmaringa Martyris, Camilli de Lellis & Josephi a Leonissa Confessorum, & Catharinæ de Ricciis Virginis, solemni Canonizatione deliberantibus, consiliorum suorum suffragia, prout Spiritus sanctus ipsis suggessisset, exponerent.

B Ut autem præclaræ ipsius B. Petri virtutes ejusque insignia miracula, necnon adhibitæ cautiones in totius Causæ discussione neminem laterent, indicto priùs coram Nobis plenario confesso omnium Ecclesiasticorum Ordinum & Collegiorum ac Magistratuum Romanæ Curiæ, mandavimus a dilecto Filio Joseph Ascevolino nostræ Consistorialis Aulæ Advocato de præmissis omnibus verba fieri; mox etiam exactam eorundem narrationem ex authenticis documentis religiosè collectam, ac typis impressam omnibus suffragium laturis exhiberi curavimus. Demum convocatos in Consistorio semipublico die **xi**. currentis Junii universos Ven. Fratres nostros S. R. E. Cardinales, necnon Patriarchas, Archiepiscopos & Episcopos, qui jam frequentes undique in Urbem convenerant, conceptis verbis requisivimus, an ad ipsius B. Petri Canonizationem

A Consistorium secretum. B Consistorium publicum. C Cardinalium & Episcoporum consilia in Consistorio semipublico.

zationem deveniendum nobis esse censerent. Ipsi verò summo animorum consensu gravibusque rationibus omnes in affirmativam sententiam ire comperti sunt. Qua de re a dilectis Filiis Apostolicæ Sedis Notariis ibi præsentibus publica Instrumenta confici, ac præter ea suffragiorum ipsorum exempla a singulis prædictis subcripta in Tabularium Ecclesiæ Romanæ inferri mandavimus.

Nos autem priusquam de summa rei definiendo pronunciaremus, ut quid placitum esset coram Deo, ab ipso Patre luminum edoceri mereremur; indictis per Urbem jejuniis designatisque Ecclesiis cum Indulgentia ab iis consequenda, qui Nobiscum cœlestem opem implorarent, orationibus & obsecrationibus intare non prætermisimus; donec hac die coruscante SS Apostolorum Petri & Pauli Natalitio dicatâ magnam venerandæ solemnitatis lætitiâ, novo Ecclesiæ gaudio, per definitivæ hujusmodi Sententiæ prolationem cumulare decrevimus. Quare præcuntibus supplicationis generalis ritu, omnibus primùm Cleri Regularis Ordinibus, cum Ecclesiarum Collegiatarum & Basilicarum etiam Patriarchalium Cleris atque Capitulis, necnon præfatæ Congregationis Sacrorum Rituum Consultoribus, Nos ipsi demum cum dilectis Filiis Aulæ nostræ Officialibus & Familiaribus, cum Schola Cantorum cunctisque Romanæ Curiae Prælatorum Collegiis, Presbyteris quoque Poenitentiariis Sacerdotali veste indutis, denique cum Ven. Fratribus Episcopis, Archiepiscopis, & Patriarchis, qui ad octoginta ferè adfuerunt, universoque Ven. Fratrum nostrorum S. R. E. Cardinalium Collegio, ex Apostolicis Ædibus prodeuntes, frequenti Procerum & Magistratuum numero stipati, & subsequentibus Apostolicæ Sedis Notariis, ac Regularium Ordinum Generalibus Superioribus, ad Basilicam beatissimi Apostolorum Principis in Vaticano cœlestis Sponsæ ornatu fulgentem Nos læti contulimus; quò Nos vocabat & ipsa memorabilis diei festivitas & antiquissima Prædecessorum nostrorum consuetudo, quibus solemne fuit præclaros hujuscemodi Sanctorum triumphos non alibi, quàm apud memoriam ejusdem B. Petri Apostoli celebrare.

Ibi quum dilectus Filius noster Joachimus Tit. Sanctorum Quatuor Coronatorum Presbyter S. R. E. Cardinalis Portocarrero nuncupatus, perorante dilecto Filio Virgilio Montecatino nostræ Consistorialis Aulæ Advocato, enixas quas supra innuimus, supremorum Principum, Ecclesiarum & Ordinum preces atque postulationes pro B. Petri Regalati, aliasque pro BB. Fidelis, Camilli, Joseph, & Catharinæ Canonizatione Nobis instantè repræsentasset; Nos quidem ad gravissimi Judicii definitionem absque iteratâ cœlestis auxilii invocatione procedere non audentes, decantatis cum venerabili Confacerdotum Cœtu & devotissimo Populo sanctorum Litaniis, Deum Optimum Maximum per omnium electorum suorum merita precati sumus, ut Sedium suarum as-

A a a a

sitricem

filtricem sapientiam in cor nostrum immittere dignaretur. Cumque adhuc instantius pro exoptatæ Sententiæ prolatione ab eodem Cardinali Promotore urgeremur; Nos iterum in genua provoluti Paraclitum Spiritum sanctum Hymno & Oratione solemniter rogavimus, ut lucis suæ radium emittens mentis nostræ tenebras discuteret, & trepidantem adhuc fragilitatem nostram virtutis suæ robore confirmaret. Denique ad reiteratas & instantissimas præmissorum obsecrationes, quin potius ad manifesta universæ catholicæ Ecclesiæ vota, ad maturas deliberationes rite præhabitas, & declaratum jampridem Ecclesiastici Senatus consilium respicientes, eaque auctoritate suffulti, quam Dominus Noster Jesus Christus beatissimis Apostolis Petro & Paulo Nobisque licet immerentibus tribuit, in honorem sanctæ & individuæ Trinitatis, Fidei catholicæ exultationem & christianæ Religionis augmentum, definitivo pronunciato Decreto, prædictum Petrum Regalum Ordinis Minorum S. Francisci Sacerdotem expressè Professum, Regularis disciplinæ adfertorem & vindicem, christianarum virtutum præstantiâ & miraculorum gloriâ fulgentem, una cum supradictis Fidei, Camillo, Joseph, & Catharina Sanctum esse declaravimus, & Sanctorum Catalogo adscripsimus; statuentes ipsius Petri memoriam inter sanctos Confessores non Pontifices ab Ecclesia universali quotannis die XI II. Maji pia devotione recolere debere; in Nomine Patris & Filii & Spiritus Sancti.

Mox decantato pro debita gratiarum actione consueto Laudis & Confessionis Hymno, Nostrisque & Ecclesiæ precibus prædictorum Sanctorum interventioni commendatis ad Aram Basilicæ maximam supra sacratissimam Confessionem B. Petri Apostoli incruentam salutis nostræ Hostiam oblaturi reverenter accessimus. Porro post Evangelicam lectionem a Diaconibus utrâque linguâ recitatam continere labia nostra non potuimus, quin in tam justa sanctaque lætitia, Sacerdotalibus vocibus ex abundantia gaudii nostri erumpentibus, splendidissimam alloqueremur Ven. Fratrum dilectorumque Filiorum Coronam; ut quos devota Religio, & Apostolicæ Sedis reverentia, non ex Urbe modò, aut ex finitimis locis; sed ex longinquis etiam & ultramarinis Regionibus ad Sepulchra Apostolorum frequentes attraxerat, antiquis beatorum Principum victoriis lætantes, & recenti Sanctorum triumpho plaudentes, ad eorum virtutes pro viribus imitandas, ad eorundem Patrocinia studiosè demerenda, atque in præsentibus potissimum calamitatibus quibus Ecclesia Dei jamdiu conflictatur, enixè imploranda, Paterno affectu & sermone accenderemus. Denique concessâ omnibus adstantibus plenariâ peccatorum Indulgentiâ, his verò qui singulis annis prædicta die XI II. Maji, ejusdem sancti Petri Regalati exuvias, aliisque statutis diebus aliorum Sanctorum prædictorum Sepulchra devotè visitaverint, septem annis & totidem Quadragenis de injunctis eis, seu aliâs debitis poeniten-

tiis,


tiis, auctoritate prædicta in perpetuum relaxatis; omnipotenti Deo vota nostra reddentes, sacrosancta Myſteria pro totius Mundi ſalute, pro Eccleſiæ pace, pro ſanctæ Plebis incolumitate ſolemni ritu peregrimus. A

Quoniam verò poſt prolatam a Nobis, ut præſertur, huiusmodi Canonizationis & Adſcriptionis Sententiam, ab eodem Cardinali Promotore Nobis humiliter ſupplicatum fuit, ut ſuper præmiſſis omnibus Apoſtolicas literas perpetuò valituras decernere, atque edere dignaremur; ideo Nos juſtiſſimæ petitioni annuentes, præſentium literarum tenore, atque ex certa ſcientia & Apoſtolicæ auctoritatis noſtræ plenitudine omnia & ſingula prædicta confirmamus, roboramus atque iterum ſtatui-
mus, decernimus, univerſæque catholicæ Eccleſiæ denunciamus; man-
dantes, ut earundem præſentium tranſumptis ſive exemplis etiam im-
preſſis, manu alicujus Notarii publici ſubſcriptis, & ſigillo Perſonæ in
Eccleſiaſtica dignitate conſtitutæ munitis, eadem proſus fides ab omni-
bus habeatur, quæ ipsis præſentibus adhiberetur, ſi forent exhibitæ vel
oſenſæ.

Si quis verò paginam hanc noſtræ Definitionis, Decreti, Adſcri-
ptionis, Mandati, Statuti, Relaxationis, & Voluntatis infringere, vel ei
aſu temerario contraire præſumpſerit, indignationem omnipotentis
Dei & beatorum Petri & Pauli Apoſtolorum ejus ſe noverit incurſurum.

Datum Romæ apud ſanctum Petrum anno Incarnationis Domini-
cæ MDCCXLVI., 11. Kalendas Julii, Pontificatus Noſtri anno VI.

✠ Ego Benedictus Catholicæ Eccleſiæ Episcopos.



† Ego T. Episcopos Ostien. & Veliternen. Card. Rufus Decanus, &
S. R. E. Vice-Cancellarius. A a a a 2 † Ego

A Literæ decernuntur. B Eorumque exemplis fides tribuitur. C Sanctio. D Dat.
Pontific. An. 6. die 29. Junii 1746.

† Ego A. Episcopus Portuenfis Card. S. Clementis S. R. E. Camerarius .

† Ego V. Episcopus Prænestinus Card. Petra, Major Pœnitentiarius .

† Ego P. A. Episcopus Albanen. Card. Carafa .

†

† Ego V. Episcopus Sabinen. Card. Bichius .

†

†

†

†

†

†

† Ego Nicolaus Maria Tit. S. Petri ad Vincula Presbyter Card. Lercari .

†

†

†

† Ego F. Tit. S. Mariæ Translyberim Presbyter Card. Burghesius .

† Ego A. Tit. S. Stephani in Monte Cœlio Presbyter Card. Gentili .

† Ego Fr. J. A. Tit. SS. Silvestri & Martini Presbyter Card. Guadagni .

† Ego T. Tit. S. Cæciliæ Presbyter Card. de Acquaviva .

† Ego D. Tit. Basilicæ Sanctorum Duodecim Apostolorum Presbyter Card. Rivera .

† Ego J. B. Tit. S. Mariæ Angelorum Presbyter Card. Spinula .

†

†

†

†

† Ego R. Tit. S. Sabine Presbyter Cardinalis de Ilcio .

†

†

† Ego D. Tit. S. Bernardi ad Thermas Presbyter Card. Passioneus .

† Ego S. Tit. S. Priscæ Presbyter Cardinalis Valenti .

†

† Ego J. F. Tit. SS. Quatuor Coronatorum Presbyter Card. Portocarrero .

† Ego C. Tit. SS. Joannis & Pauli Presbyter Card. Paulutius .

†

† Ego C. A. Tit. S. Mariæ de Pace Presbyter Card. Cavalcibus .

†

†

†

†

†

†

†

† Ego

- † Ego F. Tit. S. Mariæ de Populo Presbyter Card. de Ricciis .
 † Ego A. Tit. S. Silvestri in Capite Presbyter Cardinalis Rufus .
 †
 † Ego P. M. Tit. S. Agnetis extra muros Presbyter Card. de Montibus .
 † Ego F. Tit. S. Matthæi in Merulana Presbyter Card. Tamburini .
 † Ego J. Tit. S. Crucis in Hierusalem Presbyter Card. Besozzi .
 †
 †
 †
 †
 †
 †
 †
 † Ego Carolus S. Mariæ in Via-Lata Diaconus Card. de Marinis .
 † Ego Alexander S. Mariæ ad Martyres Diaconus Card. Albanus .
 † Ego Nerusius S. Eustachii Diaconus Card. Corsinus .
 † Ego Agapitus S. Agathæ Diaconus Card. Mosca .
 †
 †
 † Ego C. S. Mariæ in Porticu Diaconus Card. Sacripantes .
 † Ego M. SS. Cosinæ & Damiani Diaconus Card. Bolognettus .
 † Ego H. S. Angeli in Foro Piscium Diaconus Cardinalis Columna .
 † Ego P. S. Georgii in Velabro Diaconus Card. Columna .
 † Ego A. S. Mariæ in Aquiro Diaconus Card. Tanari .
 † Ego H. S. Adriani Diaconus Card. Bardi .
 † Ego D. SS. Viti & Modesti Diaconus Card. Ursinus .
 †

D. Card. Passioneus .

J. Datarius .

V I S A
 de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

ACTA CANONIZATIONIS
LITERÆ DECRETALES
CANONIZATIONIS

B. JOSEPHI A LEONISSA CONFESSORIS.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

A **H**Umani generis Redemptor Dei Filius, Sapientia Patris, ita mentes hominum defiectâ veteri, qua operiebantur caligine, novo doctrinæ cœlestis splendore illustravit, ut simul ad ejus lumen ductumque sequendum maximis & pretiosis promissis languentia corda erexerit & excitaverit. Ita porro dum Nos edocuit, abjectâ de perituris divitiis sollicitudine, Thesaurum non deficientem in Cœlo nobis parare, in eoque cogitationes & corda nostra defigere; simul etiam certissimam hujusmodi Thesauri adipiscendi spem nobis ostendit in Dei & Patris nostri benignitate fundatam, cui placuit humilitati nostræ Regnum æternum disponere & destinare. Quod si terreni Regni, quantumvis caduci, fastigium, vilioribus mercibus, aut parvo agello, luteisve casis nemo non anteferebat; si momentaneam oblectationis voluptatem nemo præ Imperii gloriâ amplissimaque dominatione non aspernaretur; quis erit profectò, qui mundanas, quantivis pretii, opes, potentiam, honores, comparare audeat cum ineffabili cœlestis Regni beatitudine, quam Christus Dominus pusillo Electorum suorum gregi promisit? Cujus gloria non in opinione hominum, sed in divinæ gloriæ communione sita est; in qua bonum quod possidetur, desideriorum mensuram excedit; ubi denique in visione ac fruitione Dei, atque in beata Sanctorum societate plena est felicitas, perpetua jucunditas & secunda tranquillitas.

Ad hanc cœlestis Regni promissionem advigilans, hunc veræ felicitatis fontem sitiens beatus Joseph a Leonissa Religiosum Institutum Fratrum Minorum sancti Francisci, quos Capuccinos appellant, plenâ voluntate & constanti devotione professus, desertam a vitiis, inviam adversariis potestatibus, & aridam a deliciis secularibus terram incolere statuit, ut sic tandem in sancto apparere Deo mereretur, atque ad illius Beatitudinis & gloriæ consortium feliciter pervenire. Quam sanè præclaram mercedem ipsius sanctæ conversationis, diuturnæ pœnitentiæ strenuorumque laborum, quos pro Dei honore & Proximorum salute ad

mor-

mortem usque toleravit, eidem beato Viro in cœlesti Patria a Deo retributam fuisse, eumque propterea inter sanctos Confessores cum Christo regnantes ab Ecclesia universa colendum & venerandum esse, inspectis heroicis ipsius virtutibus, necnon miraculis ejus intercessione a Deo editis, apud Nos & Apostolicam Sedem rite probatis, cum consilio & assensu Venerabilium Fratrum nostrorum S. R. E. Cardinalium, & Patriarcharum, Archiepiscoporum, & Episcoporum in Romana Curia congregatorum, deque attributæ Nobis potestatis plenitudine, nuper definiendo pronuntiavimus, ac præsentium literarum tenore edicimus, statuimus, atque decernimus.

Leonisse Aprutii Oppido ex Joanne de Desideriis & Francisca de A Paulinis in Spoletana Dioecesi anno MDLVI. natus est Joseph, in Baptismate Euphraninus dictus, & primò quidem apud Parentes piè ac liberaliter educatus fuit; postea verò iis defunctis, Viterbii ubi Patruus publicè docebat, adolescentiæ ætatem castè integrèque transegit. Cum autem soli Deo perseveranter adhærere statuisset, oblatas sibi a Patruo honestissimas nuptias, perpetuo virginittis proposito se obstringens constanti animo recusavit; seque tandem ab omnibus Mundi periculis, insidiis, fallaciis, terroribus, in perfectam Filiorum Dei libertatem vindicaturus ad Religiosa Capuccinorum Claustra apud Assisium confugit, ubi frustra obnitentibus consanguineis, & minas etiam adhibentibus, quò eum a sancto proposito avocarent, arctiorem sancti Francisci Regulam professus est.

Quo autem mentis ardore suave Christi jugum Joseph amplexus esset, facile apparuit ex incredibili studio, quo & statim ad capeffendum virtutum omnium culmen totus incubuit, & nunquam deinceps a suscepto perfectionis cursu deflexit. Religiosæ paupertatis & spiritu & reipsa B eximius cultor, in summa rerum inopiâ, in qua hujusmodi Instituti sectatores vitam degunt, complura invenit, quæ suis usibus voluntariè detraheret.

Mitis animo & humilis corde, se totum suasque actiones & vo- C luntates arbitrio Superiorum, quorum mandata aperto capite & flexis genibus excipere solebat, penitus permisit; ut quum sine eorum jussu cuicumque rei ineptum se esse duceret, eorum accedente nutu, difficulta quæque aggredi non dubitaret: Quum verò nihil de se suisque viribus præsumeret, & ne suas quidem preces apud Deum quidquam valere putaret, aliorum orationibus assiduè se commendabat: Denique in vilissimis quibusque exercendis ministeriis, in ferendis contemptibus & ludibriis latus & alacer, tunc solùm tristari videbatur, quum aut munus honorificum suscipere cogeretur, aut meritæ ipsius virtuti laudes tribuerentur.

At

A At verò seipsum pro abjecta, quam de se fovebat, opinione, sic asperè duriterque tractabat, ut difficile sit alium reperire, qui novissimis hisce seculis pœnitentiæ ac mortificationi magis addictus fuerit. Quum etenim perpetuum ferè jejunium sibi indixisset, non alio plerumque pane, quàm duro ac mucido, non alio obsonio, quàm putridis ac semiuftis leguminibus, aut crudis oleribus, non alio potu, quàm corruptis aquis, aut vino cineribus conferto vitam sustentabat; & nihilominus crucifigendæ carnis suæ cupidior in dies, inusitatis flagellorum generibus suas in se ipsum manus armabat, quibus corpus suum acerrimè dilaniaret; & quia non semper id ipsi licitum erat, horrida cilicia, ferreas catenas, ferreos circulos, terream loricam, ad continuum sui cruciatum adhibebat: Et tamen hilari fronte ac læto vultu Apostolicæ prædicationis ministerium adimplens tanto spiritus fervore afflicta membra regebat, ut nec æstus, nec frigora, nec soles, nec imbres, nec famem, nec sitim, neque labores sentire videretur; dummodo aliquod taceret animarum lucrum, ac Dei cultum & gloriam propagaret.

B Justitiam enim esuriens & sitiens, nec de propria solùm perfectione sollicitus, sed ad aliorum quoque salutem procurandam ardentissimo studio intentus, quum prædicandi & evangelizandi munus ex obedientia gereret, incredibili labore ac zelo, nec minore animarum fructu, toto vitæ suæ cursu illud obivit. Frequens illi erat uno eodemque die pluries diversis populis, diversis argumentis, diversis in locis sacras conciones habere; nec tamen ideo restinctâ ardoris sui flammâ, gaudebat privatis exhortationibus homines a viriis avocare, ad virtutem inflammare, pueros & rudes Fidei elementis christianâque doctrinâ imbuere. Quin etiam ad Infidelium terras, ad ipsam Mahometanæ impietatis arcem quum accessisset, non modò Fidelibus in Babylonis captivitate degentibus opportuna attulit conservandæ Religioni præsidia, sed plures Infideles ad christianæ veritatis lucem quum adduxisset, exterminandæ impietatis cupidissimus non dubitavit ipsum Imperii Tyrannum in Palatii sui penetralibus intrepidâ charitate adoriri, ut ei Evangelium Christi annuntiaret. Quod sanè magnanimum facinus, quum inscrutabili Dei judicio in irritum cessisset, regressus Joseph in Italiam, reliquum vitæ spatium in Dominicæ Vineæ cultura per Aprutii potissimum & Umbriæ Provincias impendit.

C In eas porro geminum Doctrinæ & Misericordiæ suæ thesaurum effudit; & sicuti, impositum sibi Apostolicum ministerium adimplens pro æterna animarum salute utilissimè semper adlaboravit; ita ad sublevandos omnes in hujus vitæ angustiiis & afflictionibus constitutos admirabilis charitatis opera indefinenter exercuit. Quos enim ad Cœlestis beatitudinis sedem veluti manuducere conabatur, eos in mundi hujus calamita-

ta-

A Pœnitentiæ deditus.

B Justitiæ cupidus, & divini cultus amplificator.

C Misericors in Proximos.

tatibus oppressos jacere, quantum in ipso erat, minimè patiebatur. Itaque parum est, quod pauperes omnes ad se confugientes, immò veriùs studiosissimè a se conquisitos omni ratione juvabat, quod iis non solum mensæ reliquias, sed ipsum paratum sibi cibum, atque etiam labores manuum suarum largiebatur; quod ægrotos quoslibet invisere, eosque piis hortationibus assiduisque officiis ac ministeriis reficere nunquam prætermittebat; quod carceribus inclusos solari, pascere, atque iis vel Judicum clementiam, vel Creditorum benignitatem conciliare curabat; Sed extant ad hunc usque diem eximie ipsius charitatis perennia monumenta in publicis Hospitiis pro infirmorum, aut peregrinorum perfugio, in Montibus Pietatis pro pauperum subsidio, per earum Regionum Civitates & Oppida, ipso potissimùm hortante, promovente, accurate, erectis, dotatis, instructis.

Cum autem in assiduis hujusmodi prædicationis & beneficentiæ operibus immensi essent ipsius labores, æquum profectò erat, ut congruam vicissim corpori animoque suo quietem & relaxationem non invideret. Hanc Joseph in religiosa divinarum precum recitatione, ac potissimùm in solitaria oratione, atque in rerum cœlestium meditatione capiebat; quarum amore integras sæpe noctes ante Crucifixi Domini sui effigiem insomnes ducebat; atque in ejus bonitatis sinu acquiescens, in immensæ illius charitatis profundum se immergens, ipsi suam, ipsi Ecclesiæ causam, ipsi laborum suorum fructum impensè amanterque commendabat. Ad quem porro divinæ amicitie gradum Joseph evectus fuerit, tutò conicere licet ex singularibus donis, quibus glorificavit eum Deus in conspectu hominum; ut nimirum secreta cordium introspiceret, absentia tamquam videns enunciaret, futura prædiceret, naturæ atque elementis mirabiliter imperaret. Quis autem valeat enarrare beatas illas communicationes ac spirituales delicias, quibus omnipotens Deus fidelem Servum suum cumulare solebat? Satis hæc manifestè apparebant ex frequentibus adspirationibus affectibusque ardentissimis, quibus, in mediis etiam ministerii sui occupationibus, prægustatæ suavitatis memor totus in Deum ferebatur; satis intimam illius animæ unionem cum Deo testabatur imperturbabilis illa pax, quam secum & cum Proximo in omni rerum vicissitudine constanter servabat.

Hanc pacem, quam Salvator Noster sua morte nobis acquisitam, B exemplis præceptisque suis commendatam, veluti paternam hæreditatem discipulis suis reliquit, hanc Joseph in omnium Fidelium cordibus sedulo plantare curavit, in eâque potissimùm evangelizandâ prosperos atque mirabiles successus obtinuit. Ardebant eo seculo inter finitimas prædictarum Regionum Civitates inimicitie, inter Familias discordiæ & similitates, inter plerosque Cives dissensiones & odia; indeque tumultus & rixæ, frequentesque cædes & homicidia, cum populorum excidio Dei-

B b b b

que

que offensâ in dies oriebantur. Hanc ergo veluti furentium leonum silvam ingressus Joseph, succinctus pectora baltheo charitatis, & calceatus pedes in præparatione Evangelii pacis, fidei scutum galeamque salutis assumens, & gladio spiritus, quod est Verbum Dei, instructus; tumentes undique iras compressit, odia restinxit, atque efferata dudum corda christianæ pacis suavitate demulsit; ut nova prorsus Regionis facies, novi populorum mores brevi tempore apparuerint; ipsi verò tamquam reparatori pacis, & fundatori publicæ quietis, maxima apud homines parta gloria, majus autem præmium pacificis a Deo promissum in Cœlis assertum fuerit.

A Verum quò majorem adipiscendi Cœlorum Regni securitatem Servo suo faceret Deus, permisit eum in tentationes varias incidere, gravissimasque persecutiones pro justitia perpeti; ut ipsius virtus per tribulationum ignem probata inveniretur in laudem & gloriam in die Domini nostri Jesu Christi. Nam præter immane supplicium eidem Constantinopoli ab Infidelibus irrogatum, quum intra Palatii septa deprehensum, quò ad annunciandum Christi fidem penetraverat, sublimi e trabe ferreis uncis suspenderunt, atque igne fumoque supposito pene suffocarunt; innumeras etiam ab improbis Christianis injurias atque molestias sæpe sustinuit, dum pro suscepto sanctæ prædicationis officio, hominum vitia viriliter oppugnans, atque ita pervicacium offensionem incurrens, verberibus sæpe, & colaphis, & contumeliis impetitus, aliquando etiam in vitæ discrimen adductus fuit. Quæ tamen omnia, quum nec ipsius mansuetudinem neque constantiam loco demovere valuerint, totidem Josepho gradus facta sunt ad cœlestem triumphum, quem ipsi tandem a justo Judice tributum fuisse non est dubitandum.

B Id enim evincit ipsius pretiosa mors, quam apud Oppidum Amatricis Reatinæ Diœcesis, post diuturnam infirmitatem in pietatis & patientiæ exercitationibus transactam, anno ætatis suæ quinquagesimo septimo, ab Incarnatione Domini MDCXII., placidè obiit in osculo Domini; & manifestè ostendunt illustria signa atque miracula, quæ ab omnipotenti Deo, tum sæpe Josepho vivente, tum etiam in ipsa ejus morte & post illam edita fuerunt; inter quæ id sanè mirabile fuit, quod defuncti corpus assidua maceratione, ac morbi vi antea squallidum, inusitatâ coloris & speciei venustate repente florere, & suavissimum odorem exhalare cœpit; intima verò ipsius viscera medico cultro dissecta, nulla imbuta fæce, sed lacteo quodam humore tota redundare reperta sunt. Innumeras verò gratias ad Josephi invocationem a Deo se obtinuisse restati sunt Fideles, qui ad ipsius funus undique frequentes convenerunt propter conceptam de ipsius Sanctitate opinionem; qua etiam impellente, Josephi Cives post aliquot annos pium illud facinus audacter perpetr-

A *Adversa patitur propter fidem, & justitiam.*

B *Ipsius sancta mors miraculis illustrata.*

petrarunt, ut nocte quadam, occasione datâ, ad Amatricis Oppidum accedentes venerandum ipsius corpus asportarent, & Leonissam deferrent; firma spe ducti, magnum sibi adversus ingruentes calamitates in illius possessione ac Servi Dei patrocinio præsidium fore.

Cumque ad legitimum instruendum iudicium de ipsius Beatificatione & Canonizatione nihil deesset eorum, quæ per Sacrorum Canonum & Constitutionum Apostolicarum Decreta requiruntur; nonnulli primum Processus a Locorum Ordinariis constructi, mox etiam alii Apostolica Auctoritate confecti fuerunt, ex quibus desumptæ sunt tum Virtutum Theologalium & Cardinalium, iisque adnexarum, quæ in Josepho emicuerunt, tum etiam Miraculorum ejus intercessione a Deo editorum plenissimæ probationes; quibus per dilectos Filios Consultores Congregationis Sacrorum Rituum, deinde per Ven. Fratres nostros S. R. E. Cardinales eidem Congregationi præpositos maturè & ex ordine discussis, sanctæ memoriæ Prædecessor noster Clemens Papa XII., auditis eorum consiliis, die XV. Julii Anni MDCCXXXIV. definivit; *Constare de Josephi Virtutibus in gradu heroico*; ac similiter triennio post, die nempe VIII. Junii Anni MDCCXXXVII. de duobus Miraculis constare decrevit; nimirum de puero, qui a nativitate palpebras inter se adeo junctas habebat, ut lucis usura ipsi perpetuò interclusa judicaretur; imploratâ verò super eum Josephi ope, oculos statim aperuit, perfectumque visionis sensum deinceps obtinuit: deque Josepho Novello, qui quum gravissimo vulnere in genu sauciatus fuisset, invocato Servi Dei nomine, momento temporis sanatus fuit. Et consequenter de ipsius pariter Congregationis consilio idem Prædecessor ad publicum cultum Josepho indulgendum progressus est: Qua de re expeditis Apostolicis Literis die XIX. ejusdem mensis & anni, ejus Beatificationis Solemnia in Basilica Lateranensi celebrata fuerunt, aliaque religiosi cultus obsequia ad formam Indultorum in iisdem Literis contentorum, ipsius beati Viri memoriæ summo Fidelium studio fuerunt exhibita.

Altero autem biennio vix elapso, quum eidem Clementi Prædecessori pro parte Ministri Generalis Ordinis Minorum S. Francisci Capuccinorum, totius Religionis suæ nomine, expositum fuisset, ipsius beati Viri Sanctitatem novis atque frequentibus Miraculis a Deo illustrari, communibusque Populorum Votis atque etiam postulationibus clar. mem. Caroli VI. Hispaniarum Catholici & Romanorum Regis in Imperatorem electi, nec non Carissimorum in Christo Filiorum nostrorum Magnæ Britanniæ, Poloniæ, atque Sardinia Regum, aliorumque supremorum Principum & Magnatum, complurium præterea S. R. E. Cardinalium, Antistitum, Ecclesiarum, atque Universitatum expeti, ut de solemn

B b b b 2

ejusdem

A Series Actorum in causa ipsius Beatificationis. B Approbantur ipsius heroicae virtutes. C Item miracula hic enunciata. D Beatificatio. E Causa reassumitur.

ejusdem Beati Canonizatione juxta Ritum & praxim Sanctæ Romanæ Ecclesiæ tandem ageretur; placuit eidem Prædecessori, præfata Congregatione approbante, pro hujusmodi Causæ reassumptione Commissionem signare, & compilationem novorum Processuum super indicatis Miraculis post indultam Josepho venerationem sequutis, auctoritate Apostolica, nonnullis Episcopis de more delegare.

A Quorum Processuum validitate approbatâ, Nobis jam Dei voluntate in Petri Cathedra sedentibus, sex potissimum Miracula in præfata Sacrorum Rituum Congregatione iteratis vicibus rite discussa fuerunt; de quibus postquam Nos ipsi suffragia Consultorum perlegimus, & Cardinalium prædictorum consilia audivimus in Congregatione Generali coram Nobis habita die xxix. Septembris Anni MDCCXLIV., nihil Nos quidem tunc pronuntiavimus, sed invocato sæpius Divini luminis adjutorio novisque diligentis jussu nostro peractis, ut quædam tollerentur difficultates in animo nostro subortæ, dum interim privatis studiis rem totam ad summum judicii rigorem exigeremus, demum die prima Maji Anni MDCCXLV., in Festo sanctorum Apostolorum Jacobi & Philippi, celebratâ Missa in Basilica Lateranensi, publico Decreto edito, infra-scripta duo Miracula tertii generis omni ex parte probata esse declaravimus.

B Primum est consolidatio crurium & femorum pueri Josephi Dionysii, qui inferiora hujusmodi membra adeo debilia & flaccida ab utero Matris attulerat, ut iis nullo modo corpus sustentare posset; quin immo quum eorum membrorum carnes, linteoli ritu, quaquaversum complicarentur, ossibus ea carere omnino putabantur: Hunc Mater biennii jam ætate nil proficientem ad Aram adduxit, sub qua beati Josephi corpus requiescit; cumque omnipotentem Deum pro deplorata filii sanitate per ipsius Beati merita cum lacrymis exorasset, exaudita est oratio ejus, itaut puerum inde pedibus suis incedentem Domum reduxerit.

C Alterum est sanatio Antonia Morellia, cui congesta tabes in sinistra thoracis regione interiora viscera adeo infecerat, ut licet Chirurgi manu externus tumori hiatus apertus fuerit, attamen non ex eo solum, sed sæpe etiam ex ægrotantis ore, sanies mixta sanguine alternatim fluere perrexerit; assiduusque dolor cum tussi & febris, hecticam Mulierem biennio toto afflictam detinuerit; vulnus autem, contracto callo, in fistulam degeneraverit, ex qua spiritus per respirationem pectore exceptus adeo liberè permeabat, ut aliquando candelæ flammam extingueret. In hoc desperato valetudinis statu, quum oleo ex lampade ante corpus beati Josephi ardente fistulæ labia inuncta fuissent; unius noctis spatio fistula coaluit, abcessit febris & dolor, tussis cessavit, color viresque redierunt, atque integra & perseverans valetudo Mulieri est restituta.

His

A Nova miracula examinantur & approbantur.
c Miraculum II.

B Miraculum I.

His igitur probatis, quum in præfata Sacrorum Rituum Congregatione coram Nobis coacta die 3. Augusti ejusdem Anni MDCCXLV., proposita fuerit quaestio, an tutò procedi posset ad solemnem beati Josephi Canonizationem, nemini dubium fuit, quin juxta praxim Apostolicæ Sedis & Prædecessorum nostrorum Decreta, omnia jam ad hujusmodi effectum abundè suppetere; Nosque ipsi demum die XVI. ejusdem mensis & anni in anniversario Assumptionis nostræ solemne Decretum edidimus de eadem Canonizatione, servatis servandis, quandocumque peragenda.

Pro cujus Decreti executione quum prædictorum Supremorum Principum, & Antistitum, ac Populorum vota, demissæque Ordinis prædicti Fratrum Minorum Capuccinorum preces Nos urgere non desisterent; Tandem communicato consilio cum universo Collegio Ven. Fratrum nostrorum S. R. E. Cardinalium in Consistorio secreto die XVII. elapsi mensis Aprilis coram Nobis congregatorum, eorumque assensu accepto, complures Ven. Fratres Archiepiscopos & Episcopos ex tota ferme Italia ad gravissimum consilium advocavimus; eorumque judicio totam hujus Causæ seriem, atque omnia, quæ de virtutibus & miraculis beati Josephi probata fuerant, tum oretenus in Consistorio publico coram Nobis habito, in quo dilectus Filius Philippus Maria Pirellius Aulæ Nostræ Consistorialis Advocatus ipsius Beati Causam peroravit, tum etiam in scriptis exponi mandavimus; traditâ nempe singulis distinctâ præmissorum omnium relatione, ex authenticis monumentis præfata Congregationis Sacrorum Rituum religiosè desumptâ. Quibus præmissis, aliud Consistorium die XIII. labentis mensis Junii coegimus, in quo præter Ven. Fratres nostros S. R. E. Cardinales, prædictos quoque Patriarchas, Archiepiscopos, & Episcopos in Romana Curia præsentés sedere jussimus, atque adstantibus Apostolicæ Sedis Notariis, & duobus antiquioribus Causarum Palatii nostri Auditoribus, super expetita beati Josephi prædicti Canonizatione sententias dicere. Cumque omnes ad unum pro suprema ipsius Beati glorificatione non assensum modò suum solidis rationibus confirmatum, sed enixa etiam studia & vota sua declarassent; Nos quidem eâ de re a prædictis Apostolicæ Sedis Notariis publica Instrumenta confici, ac præterea prolatorum suffragiorum exempla a singulis subscripta colligi, & in Tabularium Ecclesiæ Romanæ inferri mandavimus: Verumtamen antequam ad ferendam hujusmodi definitivam sententiam adducerentur, indictis per Urbem generalium jejuniorum diebus, designatisque ad supplicationes Ecclesiis cum Indulgentia ab iis consequenda, qui suas cum nostris obsecrationibus jungerent, publicas Ecclesiæ preces apud Deum Patrem luminum interponere curavimus, ut

ad

A Decretum de tuto progressu ad Canonizationem.

B Consistorium Secretum. C Consistorium Publicum.

D Cardinalium & Episcoporum sententiæ in Consistorio Semipublico.

ad dirigendos sensus nostros juxta viam suam gratiæ suæ auxilium Nobis non denegaret.

- A Tandem hac die beatorum Apostolorum Petri & Pauli Triumphis decorata, in Basilica Vaticana, ad quam solemniter Nos præcesserunt omnes Cleri Secularis & Regularis Ordines, omnia Magistratum & Officialium Romanæ Curiae Collegia cum prædictis Ven. Fratribus nostris S. R. E. Cardinalibus, Patriarchis, Archiepiscopis, & Episcopis, Ecclesiasticum conventum celebrantes antequam sacra mysteria conficeremus, exhibitis Nobis iterum iterumque a dilecto Filio nostro Joachimo Tituli SS. Quatuor Coronatorum Presbytero S. R. E. Cardinali Portocarrero nuncupato, per organum dilecti Filii Virgilii Montecatini Consistorialis Aulae nostræ Advocati prædictorum christianorum Principum, Ecclesiarum, & Populorum postulationibus, ac votis pro ipsius beati Josephi a Leonissa, quemadmodum etiam pro Beatorum Fidelis a Sigmaringa, Camilli de Lellis, Petri Regalati, & Catharinæ de Ricciis solemniter Canonizatione, imploratâ prius cœlestium Spirituum & Sanctorum omnium intercessione, atque invocato Paraclito Spiritu ad honorem sanctæ & individuae Trinitatis, ad exaltationem Fidei Catholicæ, & christianæ Religionis augmentum, ac de concessa humilitati nostræ Apostolicæ auctoritatis plenitudine, ipsum beatum Josephum Ordinis Minorum Capuccinorum Sacerdotem, omnium christianarum virtutum laude, plurimorumque miraculorum gloriâ, maturo nostro, & adstantium Fratrum nostrorum judicio cumulativissimum, unâ cum præfatis Fidelis, Camillo, Petro, & Catharina, Sanctum esse decrevimus & definivimus, ac Sanctorum Catalogo adscripsimus, ejusque memoriam, quam in subsequuta Missæ celebratione Nos ipsi solemniter venerati sumus, ab universa Ecclesia quotannis die IV. Februarii religiosè coli mandavimus, in Nomine Patris, & Filii, & Spiritus sancti. Omnibus quoque Christifidelibus ad tantæ solemnitatis celebritatem congregatis, Plenariam, his verò, qui singulis annis prædicta die ad ejusdem Sancti Corpus venerandum accessissent, septem annorum & totidem quadragenarum Indulgentiam, in forma Ecclesiæ consueta misericorditer in Domino largiti fuimus.
- B

Gaudeant igitur in Domino universæ familiæ gentium, & in vocibus exultationis jubilent Deo, qui Ecclesiam suam perpetua miseratione custodiens, præclaris eam Sanctorum exemplis quotidie instruere, meritis atque præfidiis roborare non desinit; ut quibus per Filium suum sanctissima vitæ documenta tradidit, amplissimamque Cælestis Regni hæreditatem promisit, iisdem per Sanctos suos nova ad currendam salutis viam incitamenta, novam semper attingendæ metæ fiduciam præbeat; ipso adjuvante & donante, qui est justitia, & sanctificatio, & redemptio nostra; qui cum Patre & Spiritu sancto vivit & regnat in secula seculorum.


Ut

Ut autem præmissa omnia ad universæ per Orbem Ecclesiæ notitiam perducantur, eorumque memoria perpetuis futuris temporibus ad Dei gloriam, & Fidelium eruditionem indeficiens perseveret; Nos ea præsentibus Apostolicis Literis complecti & roborare volumus, mandantes, A harum transumptis, sive exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem ab omnibus fides habeatur, quæ ipsis præsentibus adhiberetur, si forent exhibitæ vel ostensæ.

Nulli ergo omnino hominum liceat paginam hanc nostræ definitionis, decreti, adscriptionis, mandati, statuti, relaxationis, & voluntatis infringere, vel ei ausu temerario contraire. Si quis autem hoc attentare præsumperit, indignationem omnipotentis Dei, ac beatorum Petri & Pauli Apostolorum ejus se noverit incursum.

Datum Romæ apud sanctum Petrum anno Incarnationis Domini- C cæ MDCCXLVI., III. Kalendas Julii, Pontificatus Nostri anno VI.

✠ Ego Benedictus Catholicæ Ecclesiæ Episcopus.



† Ego T. Episcopus Ostien. & Veliternen. Card. Rufus Decanus, & S. R. E. Vice-Cancellarius.

† Ego A. Episcopus Portuensis Card. S. Clementis S. R. E. Camerarius.

† Ego V. Episcopus Prænестinus Card. Petra, Major Pœnitentiarius.

† Ego

A Fides habenda Transumptis. B Sanctio.

C Dat. Pontific. An. 6. die 29. Junii 1746.

† Ego P. A. Episcopus Albanen. Card. Carafa .

†

† Ego V. Episcopus Sabinen. Card. Bichius .

†

†

†

†

†

†

† Ego Nicolaus Maria Tit. S. Petri ad Vincula Presbyter Card. Leroari .

†

†

†

† Ego F. Tit. S. Mariæ Transtiberim Presbyter Card. Burghesius .

† Ego A. Tit. S. Stephani in Monte Cœlio Presbyter Card. Gentili .

† Ego Fr. J. A. Tit. SS. Silvestri & Martini Presbyter Card. Guadagni .

† Ego T. Tit. S. Cæciliæ Presbyter Card. de Acquaviva .

† Ego D. Tit. Basilicæ Sanctorum Duodecim Apostolorum Presbyter Card. Rivera .

† Ego J. B. Tit. S. Mariæ Angelorum Presbyter Card. Spinula .

†

†

†

†

† Ego R. Tit. S. Sabine Presbyter Cardinalis de Ilcio .

†

†

† Ego D. Tit. S. Bernardi ad Thermas Presbyter Card. Passioneus .

† Ego S. Tit. S. Priscæ Presbyter Cardinalis Valenti .

†

† Ego J. F. Tit. SS. Quatuor Coronatorum Presbyter Card. Portocarrero .

† Ego C. Tit. SS. Joannis & Pauli Presbyter Card. Paulutius .

†

† Ego C. A. Tit. S. Mariæ de Pace Presbyter Card. Cavalchinus .

†

†

†

†

†

†

†

† Ego F. Tit. S. Mariæ de Populo Presbyter Card. de Ricciis .

† Ego A. Tit. S. Silvestri in Capite Presbyter Cardinalis Rufus .

†

- †
 † *Ego P. M. Tit. S. Agnetis extra muros Presbyter Card. de Montibus .*
 † *Ego F. Tit. S. Matthæi in Merulana Presbyter Card. Tamburini .*
 † *Ego J. Tit. S. Crucis in Hierusalem Presbyter Card. Besozzi .*
 †
 †
 †
 †
 †
 †
 †
 † *Ego Carolus S. Mariæ in Via-Lata Diaconus Card. de Marinis .*
 † *Ego Alexander S. Mariæ ad Martyres Diaconus Card. Albanus .*
 † *Ego Nerius S. Eustachii Diaconus Card. Corsinus .*
 † *Ego Agapitus S. Agathæ Diaconus Card. Mosca .*
 †
 †
 † *Ego C. S. Mariæ in Porticu Diaconus Card. Sacripantes .*
 † *Ego M. SS. Cosmæ & Damiani Diaconus Card. Bolognettus .*
 † *Ego H. S. Angeli in Foro Piscium Diaconus Cardinalis Columna .*
 † *Ego P. S. Georgii in Velabro Diaconus Card. Columna .*
 † *Ego A. S. Mariæ in Aquiro Diaconus Card. Tanari .*
 † *Ego H. S. Adriani Diaconus Card. Bardi .*
 † *Ego D. SS. Viti & Modestii Diaconus Card. Urfinus .*
 †

D. Card. Passioneus .

J. Datarius .

V I S A
 de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

B. CATHARINÆ DE RICCIIS VIRGINIS.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

AD nuptiale convivium, quod Rex cœlestis præparavit Filio suo, ad quod non cessat ab origine Mundi humanas animas invitare, donec Electorum numerus impleatur, omnes quidem virtutes, quibus electæ Sponsæ tamquam dotali censu ditantur, ingressum atque aditum parant; sed virginalis potissimum corporis animique puritas adeo faciles accessus præstare consuevit, ut qui casti sunt corpore & spiritu, interdum etiam ante statutum sponsalium diem ad ipsa nuptialia gaudia introduci contingat, nimirum talibus tantisque de Cœlo favoribus in hujus vitæ exilio adhuc degentes cumulari, ut jam ferè ad perfectam cum Sponso unionem in antecessum pervenisse videantur. Hoc est fortasse, quod Nobis innuunt prudentes illæ Virgines, de quibus in Evangelica Parabola legimus, quod licet ipsæ tunc Sponsi thalamo destinatæ non essent, attamen quum studio pervigiles, & cum ornatis ardentibusque lampadibus & vasis oleo plenis inventæ fuerint, adveniente Sponso, intraverunt cum eo ad nuptias; ut scilicet pro earum captu, ineffabiles illas prægustarent delicias, quibus felices demum animæ compotes erunt, quum post expletam mortalis vitæ peregrinationem, in Templum Regis, in Sanctuarium Dei cum lætitia & exultatione adducuntur. Hoc satis apertè declaravit ipse Dominus Jesus, qui in diebus carnis suæ Discipulum illum virginitatis candore præstantem, præ ceteris omnibus, quos amicos suos appellavit, singularibus charitatis significationibus est prosequutus; eidemque postea secreta cœlestia revelavit. Hoc sæpe deinceps in pluribus sanctis utriusque sexus virginibus demonstravit. Hoc denique recentius ostendit in B. Catharina Virgine Ordinis Prædicatorum Moniali; in cujus innocentia ac puritate ita sibi complacuit Sponsus virgo & Virginis Filius, ut eam ad sublimissimum perfectionis culmen evectam, ac cœlestium charismatum copiâ persusam, ad intimam sui familiaritatem in terris admiserit, & tandem suæ ipsius beatitudinis participem in Cœlis fecerit; ubi illam in sinu Dilecti

cer-

certissimè regnantem , & pro nobis assiduè intercedentem , ab universa Ecclesia colendam ac venerandam esse (prævia virtutum ipsius , ac miraculorum in ejus gratiam a Deo editorum cognitione ac juridica approbatione ,) de Venerabilium Fratrum nostrorum S. R. E. Cardinalium , necnon Patriarcharum , Archiepiscoporum ; & Episcoporum in Romana Curia congregatorum consilio & assensu , auctoritate Apostolica nuper definiendo declaravimus , decrevimus , atque statuimus .

Florentiæ clarissima Italiæ Urbe ex Nobili Familia de Riccii^s A anno MDXXII. ortum habuit Catharina , quam Parentes in Baptismo te Alexandram nuncuparunt . Porro ad quàm excelsum Sanctitatis apicem provecturus eam esset omnipotens Deus , citò demonstravit præveniēdo illam in benedictionibus dulcedinis , ut quum ab ipsa puerili ætate sublimibus mentis illustrationibus atque ineffabili cordis suavitate in sanctæ orationis exercitio atque in ceteris pietatis officiis exequendis frequenter completa fuerit , jam tunc mundana gaudia despicere , & ad cœlestia ex animo adspirare assueverit . Itaque quum ad firmiorem ætatem pervenisset , & claustralis vitæ bona , in Monasterio primùm S. Petri e Monticulis prope Florentiam , tum in alio S. Vincentii in Civitate Pratenſi prægustasset ; frustra deinde Pater secularium nuptiarum splendorem & commoda ipsi proposuit ; quæ in odorem cœlestis Sponsi currens nunquam quievit , donec ei tandem permissum fuit ad prædicti Pratenſis Monasterii solitudinem convolare , ibique Deo sub Regula sancti Dominici perpetuò se addicere . B

Angelicam vivendi rationem statim a Tirocinio exorsa , quum se in omni virtutum genere universæ Societati magnopere probasset , summo Sororum studio ad Religiosam Professionem admissa fuit , quamvis ipsa præ animi demissione rejiciendam se fore pertimesceret . Perfectissima fuit Catharinæ obedientia difficilioribus licet experimentis probata ; absolutissima Regularis disciplinæ custodia ; alacris in abjectis quibusque ministeriis obeundis promptitudo ; admirabilis modestia atque ab omni re , quæ ipsius animæ puritatem quoquo modo obfuscare aut obnubilare posset , summa aversio ; assidua verò unio cum Deo , ad cujus honorem omnia sua dicta & facta fideliter dirigebat .

Tanta verò illius virtutum admiratio in Monialium animis excitata C fuit , ut eam vix quintum ætatis lustrum egressam unanimi consensu totius Monasterii moderatricem elegerint ; idque munus deinceps eidem , quantumvis invitæ , atque obediendi magis , quàm imperandi cupidæ ad annos quadraginta duos in omnem scilicet ipsius vitam prorogaverint . Nihil enim in eâ desiderandum sibi esse intelligebant , sive ad rectitudinem atque prudentiam , sive ad vigilantiam & sollicitudinem , sive ad charitatem & comitatem , sive ad religionis & pietatis fovendæ

C c c c 2

flu-

A S. Catharinæ ortus & primordia . B Religionem ingreditur . c Monasterii perpetuum regimen obtinet .

studium, five ad exemplum. Illam sibi ducem atque hortatricem ad spirituales profectus, illam in omni officio magistram, in omni rerum vicissitudine matrem amantissimam experiebantur, plenoque obsequio colebant, & sincero amoris affectu complectebantur. Ipsa verò ad innumeras curas, quas pro commisso sibi regimine gerebat, hoc etiam sollicitudinis addebat genus, ut abjectissima magisque laboriosa ministeria sibi reservando, eaque continenter exercendo, impositam sibi auctoritatis & elationis speciem aliquà saltem ratione extenuaret; simulque ut animum suum, multiplicatis atque protractis orationis temporibus, arctius cum Deo conjungeret, ne forte inter avocantium negotiorum occupationes divinæ charitatis ignis in ejus sinu tepesceret.

A Qua sanè in re votis suis fraudata non est piissima Virgo; sed per sui ipsius contemptum in Dei amore quotidie crescens, atque ex hoc ipso in sui abnegatione magis proficiens, ad eam brevi pervenit christianarum virtutum perfectionem, quam per legitimas plenissimasque probationes rite demonstratam, & manifestis divinæ omnipotentiae signis atque miraculis comprobata, solemni Ecclesiæ vocabulo Sanctitatem appellamus. Quæ quum sit omnium christianarum virtutum in gradu heroico pro cuiusque status & vitæ ratione plenissima complexio; perfectumque includat implementum divinorum præceptorum & consiliorum, quæ ad itabiliendam in credentium cordibus Dei & Proximi dilectionem, & ad destruendum humanæ cupiditatis regnum a cœlesti Legislatore tradita fuerunt; juvat hic ex præclaris Catharinæ operibus aliqua commemorare, ex quibus demonstratâ illius habituali in Deum charitate, in Proximos misericordiâ, in semetipsam severitate, de reliquis etiam virtutibus, quibus eam cumulatè præditam fuisse compertum habemus, cuilibet liceat conjectari.

B Sapientiæ cœlestis incensa studio unum sibi proposuit cui præ ceteris vacaret, Librum, unum quod sequeretur exemplar; Jesum Christum, & hunc crucifixum: Quem oculis cordis jugiter aspiciendo, quem dies noctesque contemplando, adeo in illius amorem exarsit, ut nihil extra eum cogitare, nil nisi de ipso loqui, nihil quod pro ipso & secundum ipsum non esset, agere posse videretur. Nulla res erat, nulla ejus vitæ actio, quæ non statim ipsam ad recordationem Dei, tamquam primæ originis & finis omnium, revocaret; ejusque memoriæ dulcedine perculsam ad ferventissimas adspirationes, ad inflammata suspiria, ad subita etiam animi deliquia compelleret. Indignam se prorsus esse aiebat, quæ divini amoris igne accenderetur: Veruntamen, si ab ejus veluti vitali flamma destitui se fortè contingeret, animam vitamque suam illico defecturam fore profitebatur. Quod si in communibus vitæ actionibus Deo suo ita adharebat, ut ab eo divelli non posset, quantò magis necesse est intimam fuisse unionem, qua illius spiritus cœlesti Sponso in oratione,

tione, ac myfteriorum & virtutum ejus contemplatione jungebatur. Tunc videre erat Catharinam extra fe raptam, totamque in Deo abforptam, non folùm ſpiritualium animæ facultatum, ſed etiam corporeorum ſenſuum commercium cum creatis omnibus rebus abrumpere, ac multas ſæpe horas aliquando etiam integros dies in ecſtaſi perſeverare. Illud verò præ omnibus admirabile fuit, quod meditatio paſſionum Chriſti in ea operabatur; dum ipſam in imaginem & ſimilitudinem patientis Sponſi interiùs exteriùsque transformans, illius dolores jam altè animo inſculptos corporis quoque motibus exprimere cogebat; itaut ſingulis hebdomadibus a meridie Feriæ quintæ uſque ad horam nonam Feriæ ſextæ a ſenſibus abſtracta totam feralis Tragediæ ſeriem ordinatè ad vivum repræſentaret. Quis autem vel mente aſſequi valeat uberrimas conſolationes, quibus Catharinæ cor in Euchariftici panis ſumptione perfunde-
batur? Tunc fiebat ſuper eam manus Domini, & gloria Domini in eam descendens, clariffimæ lucis radios adſtantium quoque oculis perſpicuos ex ipſius corpore undequaque ſpargebat: aliquando etiam ipſum ejus corpus a terra elevabat, ac diu in aere pendens multis inſpectantibus ſuſtinebat. Hinc minimè mirum, ſi pia Virgo cœleſtium virtutum formam ex adeo intima Sponſi conſuetudine in ſe recipiens, eam in ſuis moribus tanquam in ſpeculi nitore exhibebat; ac ferventiſſimo divini gloriæ zelo flagrans, tam ſubjectas ſibi Virgines, quàm obvios quoſque fideles ad amorem Dei inflammare, ad virtutem excitare curabat.

Qua in re cum ipſius Dei gloriam præ oculis præcipuè habebat, tum **A** etiam pro ingenti ſua in Proximos charitate ipſorum æternam ſalutem magnopere ſpectabat. Hoc erat ſanè potiſſimum argumentum perfectæ dilectionis, qua omnes vocationis ſuæ conſortes proſequebatur; dum ſcilicet Dei cultum, Religionis fervorem, virtutum omnium ſtudium in ipſis fovere atque amplificare omni ope ſatagebat. Sed nec in reliquâ officii ſui adminiſtratione minora ipſis maternæ pietatis ſtudia impendebat. Summa enim erat & jugis Catharinæ ſolicitudo, ne quid concredito ſibi gregi deeſſet, ſive ad innocentix cuſtodiam, ſive ad morum diſciplinam, ſive ad animorum quietem & tranquillitatem, ſive ad temporalis vitæ ſubſidia & corporum incolumitatem. Si quæ verò ex Sororibus in morbum incidifſet, ejus peculiarem curam eique inſerviendi onus ſibi ſumebat; ipſi dies nocteſque adſtare, omniaque chriſtianæ charitatis officia præſtare gaudebat. Denique in mortis agone conſtitutas apud Deum juvare, earumque animas in manus Sponſi, e quibus Adverſarius eas rapere non auderet, commendare & pro viribus aſſerere nitebatur.

Neque tamen anguſtis Monaſterii ſui finibus contineri potuit ipſius charitatis amplitudo; ſed quum ad omnes ubique terrarum homines dilataretur cor ejus, pro omnium ſalute impetranda aſſiduas ſuas & Sororum preces & voluntarios etiam corporis ſui cruciatus, ſequè totam
omni-

A Proximos omnes charitate complectitur.

omnipotenti Deo, veluti Hostiam pacificam, in unionem Sacrificii Redemptionis humanæ sine intermissione offerebat. Quin etiam ad sublevandas pauperum & calamitosorum omnium ærumnas, quod ipsa per se præstare non poterat, id excitatâ suis hortationibus ditionum charitate assecuta fuit, ut immensa pecuniarum vis per totam Hetruriam alendis egenis, excipiendis ægrotis, viduis, orphanis, & senibus sustentandis, virginibus collocandis erogaretur. Denique ad purgantis Ecclesiæ levamen non minori studio intenta multiplicabat in eum finem suas preces & lacrymas, jejunia aliasque carnis suæ afflictationes, ut divinæ Justitiæ pro animabus adhuc in captivitate detentis satisfacere mereretur.

A Quæ omnia quum clarè pateat non sine prævia sui ipsius abnegatione a Catharina effici potuisse, silentio tamen prætereunda non sunt, quæ de admirabili ipsius poenitentia & mortificatione juridicè cognovimus. Sanè quum semel Mundo & Satanæ per ipsam religiosæ vitæ professionem omnino renunciasset, adversus carnem suam quam ipsi datum non fuerat una cum aliis rebus relinquere, perpetuum bellum gerendum sibi esse duxit. Itaque asperrimis flagellis instructa, ciliciis aliisque tormentorum instrumentis onusta, frigore, inedia, vigiliis omnique cruciatuum genere virginale corpusculum assiduè divexare & conterere non destitit, nec unquam per quadraginta & octo annos, quos in Religione transegit, carnem aut ova gustavit, sed solo plerumque pane & aquâ victitare consuevit. Et tamen patiendi adhuc cupida pro suorum & alienorum peccatorum expiatione Dominum sæpe oravit, ut se morborum ac dolorum vi amplius probare, & ad vivum urere vellet: idque suis precibus omnia exorantibus consecutam fuisse dicendum est; cum Medici sæpe affirmaverint præter naturam omnino esse gravissimos morbos & acerbissimos dolores, quibus Ancilla Dei mirum in modum torquebatur.

Quod si tali in re, quæ ad illius cruciatum tendebat, cœlestis Sponsus Dilectæ suæ preces audire non renuit; minimè putandum est, ipsum qui totius consolationis fons est & origo, Catharinam in angoribus & desolationibus desertam voluisse; quique iusto suo Job pro infortuniis patienter toleratis, æquissimo & clementissimo iudicio omnium amissorum bonorum duplicia reddidit, non huic innocentissimæ Virgini tribuisse, ut secundum multitudinem dolorum, quos vel libenter sustinuit, vel ipsa sibi sponte irrogavit, sanctorum solatia gaudiorum ipsius animam lætificaverint.

B Itaque pro huiusmodi poenarum acerbitate ipsius spiritum ineffabilibus delectationibus, quæ in dextera ejus sunt, adimplevit; effusâ scilicet in eam lucis & veritatis suæ communicatione, quæ ad sublimiorum veritatum cognitionem, ad intelligenda divinorum mysteriorum arcana ipsam deduxit, & accensâ in ejus pectore beatissimâ charitatis suæ flammâ,

mâ, cujus incendii vi ac suavitate ipsius cor tamquam cera liquefcens, deficiebat in Deum salutare suum.

Quamvis autem sanctarum animarum gloria omnis, in hac quidem vita plerumque ab intus, in altera verò adeo supra humanum captum posita sit, ut de ea verè dicatur, quod nec oculus vidit, nec auris audiuit, nec in cor hominis ascendit, quæ præparavit Deus diligentibus se; voluit tamen omnipotens Dominus, sive ad manifestandas divitias gratiæ suæ, sive ad eruditionem nostram, tam insignium charismatum largitione Catharinam in terris adhuc viventem illustrare, ut omnibus liceret ex his arguere, quantam gloriæ celsitudinem in æterna Beatitudinis fede eidem conferre decrevisset.

Ad comprobandam siquidem atque juvandam sinceram ipsius charitatem, quâ afflictis opem ferre, omnibusque prodesse summopere cupiebat, dedit ei Dominus potestatem faciendi mirabilia, in instantaneis morborum depulsionibus, in rerum multiplicatione, aliisque signis atque prodigiis, quæ supra omnem naturæ vim frequenter operabatur: Præterea dedit ei spiritum prophetiæ, quo sive ad Proximorum correctionem, sive ad cautelam, sive ad consolationem futura prævideret, absentia conspiceret, & cordium secreta dignosceret.

Amoris verò magnitudinem, quo Deum ipsum ex toto corde, ex B tota mente, ex omnibus viribus suis diligebat, ipse vicissim præclaris bonitatis suæ significationibus abundè rependit. Sæpe etenim ipse Rex gloriæ, in quem desiderant Angeli prospicere, corporali specie se illi videndum exhibuit, dulcissimosque cum illa sermones miscuit: Aliquando idem Dominus Jesus sub specie Pueruli a Matre Virgine Angelorum Regina in ipsius ulnis est reclinatus: Aliquando ejusdem Imago Cruci affixa, revulsis a trunco brachiis, mirabilibus eam beavit amplexibus. Denique ipsam in fide & charitate sibi sponsatam fulgido ornatu ac pretiosissimis monilibus de thesauris suis decoravit. Illius enim lateri ac manibus, pedibusque, sacra clavorum suorum & lanceæ Stigmata sanguine rubentia insculpsit; spineum diadema capiti imposuit; humeris verò vestigia Crucis profundè impressit. Utque magis ostenderet quanta esset inter se & Catharinam spirituum & voluntatum conjunctio, illustre signum posuit in faciem ejus, ipsam aliquando in vivam sui vultus imaginem & similitudinem transformans, ut qui Catharinam vidisset, ipsum Filium Dei & Filium hominis videre se existimaret.

Tantam sanctitatem tantis illustratam prodigiis voluit Deus ad C sui gloriam & ad posterorum fidem per omnia probationum genera in summa certitudinis luce collocari: Probata est contradictionibus obloquentium & calumniantium vituperationibus: Probata est admirantium laudibus & prædicationibus, clarissimâque famâ, quæ non modò

per

A Miraculorum gloria clares. B Cœlestibus favoribus & donis locupletatur.

C Multimodè probatur.

per Hetruriam, sed per alias quoque Italiæ Regionēs, ac demum per universam Europam longè latèque diffusa incredibilem ad ipsam traxit hominum multitudinem ex omni conditione, etiam Regiâ, ex omni sexu atque ætate; qui ad petenda consilia, ad beneficia vel spiritualia vel temporalia obtinenda, ad magnificandum Deum in mirabilibus ejus undique ad eam confluebant. Verùm ipsa Catharinæ virtus inter tam diversa hominum judicia sese luculentissimè probavit, tum scilicet perpetuo atque constanti innocentia & sanctitatis tenore, tum singulari potissimum humilitate, qua & obrectantium malignitatem & mundanorum plausuum vanitatem æquè superavit; ut toto ipsius vitæ cursu per gloriam & ignominiam, per infamiam & bonam famam, ipsius securam conscientiam solidamque pietatem nec laudes inflarint, nec opprobria defatigaverint.

A In omnibus enim collatis sibi muneribus non suam, sed Donatoris excellentiam agnoscens, seque divinorum beneficiorum indignam ex animo reputans, nihil in vulgus prodire volebat, quod aliquo modo in sui gloriam cedere posset. Quare cum cognovisset, volumen quoddam rerum a se gestarum & cœlestium donorum, quibus a Deo quotidie cumulabatur, penes Moniales asservari ab aliqua ex ipsis conscriptum; cumque frustra orando & obsecrando cum iis egisset, ut hujusmodi volumen conscissum flammis traderetur, ipsa denique illud fortuito repertum statim in ignem conjecit. Quod si nihilominus ipsamet arcanas divinæ bonitatis communicationes in oratione potissimum sibi impertitas cuidam ex Sororibus fideliter enarravit; id nonnisi eadem humilitate impellente & invito prorsus animo præstitit; ne scilicet imperio Confessarii, qui id ad multa expedire prudenter in Domino judicavit, ulla in re quantumvis ardua refragaretur. Cum verò ex ostensione virtutum atque signorum, quæ Deus in ipsa & per ipsam operabatur, & quorum causâ frequens erat hominum ad Monasterium accessus, vel religiosam sanctæ societatis quietem turbari posse metueret; vel pro se ipsa formidaret, ne forte in superbix vitium declinans, inde fieret immunda vanitate, unde videbatur virtute clarescere; non destitit Sponsum rogare atque orare, ut divinis suis muneribus modum imponere, vel saltem ea mortalium oculis occultare dignaretur; donec sua humilitate ac perseverantia, quod postulabat, obtinuit.

B Ex hac ipsa perseveranti humilitate, Viri pietate & doctrinâ præcipui veram minimèque fucatam Catharinæ virtutem agnoverunt, & tamquam ad Lapidem Lydium comprobaverunt; tum scilicet ipsius Ordinis Superiores, qui non semel de illius spiritu experimenta sibi capienda esse duxerunt; tum etiam insignes Ecclesiarum Præfules, inter quos Robertus olim hujus S. R. E. Cardinalis Puccius nuncupatus, Episcopus Pistoriensis, qui de mandato felic. record. Pauli Papæ III. Prædecessoris

no-

nostri cum aliis probatissimis Viris ad præfatum Monasterium se contulit, ut tam evulgatam sanctitatem ad rigidum examen revocaret; Michael item Cardinalis Alexandrinus nuncupatus, qui a sancto Pio Papa V. ipsius Avunculo, & nostro pariter Prædecessore ad gravissima hujus Apostolicæ Sedis totiusque christianæ Reipublicæ negotia tractanda Legatus missus Catharinæ monita & consilia expetenda sibi esse censuit; aliique præterea sapientissimi Antistites, & ejusdem S. R. E. Cardinales, præsertim Marcellus Cervinius, Hippolytus Aldobrandinus, & Julius Mediceus, quos ad hanc Petri Cathedram deinde evectos inter Venerabiles Prædecessores nostros numeramus; quique omnes illius perspectæ sanctitati, quadam veluti conclamatione testimonium dederunt. Istorum gravissimis judiciis magnum auctoritatis pondus accedit ex singulari existimatione, qua S. Philippus Neri, tunc in humanis agens, Catharinam est persecutus, cujus etiam spirituales amicitiam ac literarum commercium, Deo inspirante expetivit; & aliquando in ecstasim raptus, quod illi pariter familiare fuit, cum ipse Romæ degeret, Catharinam in suo Monasterio Prati commorantem coram Deo, communi nimirum ipsorum amicitie nexu, longo tempore est allocutus; quemadmodum fel. record. Urbanus Papa VIII. in suis Apostolicis literis super ejusdem sancti Philippi Canonizatione a Gregorio XV. antea factâ editis, testatum reliquit.

Denique anno ipsius ætatis sexagesimo sexto, religiosæ Professionis A quadragesimo octavo, cum tempus advenisset migrandi ex hac vita ad Sponsum, qui charitate perpetua dilexit eam, in extrema ipsius infirmitate, nil nisi illustre & sanctimoniâ plenum apparuit. Siquidem Ecclesiæ Sacramenta summo pietatis & religionis sensu petiit atque suscepit; sanctissima Sororibus monita de omnibus vocationis earum officiis reliquit; morbi dolores invictâ patientiâ toleravit; atque in Crucifixi amoris sui contemplatione usque ad extremum spiritum defixa permansit; tandemque inter Angelorum concentus, quos etiam ab adstantibus Monialibus audiri Deus voluit, purissimam animam Deo reddidit, die 11. Februarii anno Domini MDLXXXIX.

Sancta Maria Magdalena de Pazzis, tunc temporis Florentiæ vi- B vens, festivum Catharinæ ingressum in cœlestem Hierusalem, & exultantes de ipsius triumpho beatorum Spirituum choros in mentis excessu spectavit. Communis autem quæ invaluerat de ipsius sanctitate, opinio ingentem populi frequentiam ad ejus funus celebrandum adduxit. Utque deinceps ipsius Sepulchrum magno in honore haberetur, in Causa fuerunt crebra beneficia & miracula, quæ plerique a Deo per ipsius merita se obtinuisse testabantur.

Illius denique Sanctitatem extra omnem dubitationis aleam constituunt juridicæ probationes, quæ tam super ipsius heroicis virtutibus,

D d d d

quàm

quàm super miraculis ad illius invocationem a Deo patratis, Episcopali primùm auctoritate, mox etiam Apostolicæ Sedis delegatione collectæ, & apud hanc Sanctam Sedem diu & maturè discussæ, firmissima Nobis fundamenta suppeditarunt, ut definitivè tandem super ea pronunciaremus, & Catharinæ nomen atque memoriam sanctarum Virginum Catalogo solemniter adscriberemus.

- A Primum iudicium super præmissis omnibus ante Urbani Papæ VIII. Decreta peractum fuit ab Auditoribus Causarum Palatii Apostolici, qui & Processuum validitatem, & virtutum excellentiam, & miraculorum veritatem gravitatemque comprobarunt. Antequam verò horum cognitio a S. R. E. Cardinalibus Congregationi Sacrorum Rituum præpositis assumeretur, alterum institutum fuit iudicium super huiusmodi Decretorum a præfato Urbano Prædecessore interim editorum observantiâ; de qua primò quidem Episcopus Pistoriensis anno MDCLXXV., mox etiam prædicta Sacrorum Rituum Congregatio anno MDCLXXIX., ac de ipsius consilio san. mem. Prædecessor noster Innocentius Papa XI. plenissimè constare decreverunt.
- B Instaurato demum ante hos triginta annos in præfata Congregatione Sacrorum Rituum novo Catharinæ virtutum examine, Nobis tunc in minoribus Promotoris Fidei munus gerentibus, omnibusque plenè ac feverè discussis, tandem a piæ memoriæ Prædecessore quoque nostro Benedicto Papa XIII. die VI. Martii anni MDCCXXVII. de iisdem pariter constare decretum fuit. Duo verò miracula a simil. record. Decessore nostro Clemente Papa XII. die xxx. Aprilis anni MDCCXXXIV. de ejusdem Congregationis consilio approbata fuerunt: Instantaneæ nimirum sanationes, tam Sororis Catharinæ de Bonis in eodem Monasterio S. Vincentii Professæ ab Aneurismate; quàm Sororis Elisabeth Cherubiniæ Cattani in Monasterio S. Claræ prælatæ Civitatis Pratenfis Monialis Conversæ ab Ischiade. Hinc idem Clemens Prædecessor, datis Apostolicis literis in forma Brevis die I. Octobris ejusdem anni, Beatæ titulum & honores Catharinæ tribui ac deferri posse concessit.
- D Cum verò deinceps accepisset nova miracula, post indultam Catharinæ venerationem, ipsius intercessione a Deo edita esse; ad preces catholicorum Principum & Populorum, complurium Antistitum, & universi Ordinis Fratrum Prædicatorum, quibus omnibus ipsius Beatæ Canonizatio summopere cordi erat, novos super eisdem Processus auctoritate Apostolica confici mandavit. Quorum Processuum validitate approbata, Nos denique ad Petri Cathedram inscrutabili Dei iudicio interim evecti, post accuratissimum miraculorum in ipsis relatorum examen in præfata Sacrorum Rituum Congregatione de more peractum, visis ac respectivè auditis in Congregatione Generali coram Nobis habita die

XXIV.

A *Actorum series in ipsius Causa.* B *Approbatio virtutum.* C *Et miraculorum.*
D *Beatificatio.* E *Causa reassumitur.*

xxiv. Martii anni MDCCXLIV., tam Consultorum, quàm Ven. Fratrum nostrorum S. R. E. Cardinalium eandem Congregationem constituentium suffragiis; totaque re privatis nostris studiis iterum discussâ, atque uberioribus etiam documentis indubiam animo nostro fidem facientibus comprobata, tandem die xxvi. Maji ejusdem anni in Festivitate S. Philippi Nerii Confessoris, cui piam cum B. Catharina necessitudinem intercessisse supra narravimus, celebratâ Missâ ad Altare, sub quo ipsius Sancti corpus requiescit, atque implorato Spiritus sancti auxilio, infra scripta duo miracula auctoritate Apostolica approbavimus & publicavimus.

Primum est secundi generis, nimirum absoluta & perfecta sanatio A Mariæ Clementinæ Staccioli puellæ Florentinæ ab inveterato & exulcerato cancro in dextra mamilla, qui septem primo valvulis, seu cavitatibus, mox duabus hians, acerbissimis doloribus & periculosis symptomatibus, octo annorum spatio eam excruciauit, nec ullis artis Medicæ remediis sanari poterat, sed invocata semel & iterum B. Catharinæ ope, adhibitoque oleo ex lampade ante ipsius corpus ardente penitus evanuit. Alterum tertii generis obtentum fuit a Sorore Maria Magdalena Fabris Moniali Professa Ordinis S. Dominici Augustæ Vindelicorum. Ea siquidem pertinaci Arthritide in inferioribus membris diu vexata, jamque omnino gradiendi impotens, dum ob decretam ab Apostolica Sede ejusdem Catharinæ Beatificationem Hymnus pro gratiarum actione a Sororibus solemniter caneretur, ipsius Beatæ meritis vehementer confisa, eamque enixè precata, ad cantum Versiculi *Te ergo quæsumus*, sensit se a Deo repente sanatam, redditasque sibi vires, & liberam incedendi facultatem, quâ deinceps absque imminutione perfectissimè usa est.

Post hæc audito iterum præfatæ Congregationis generalis consilio, B exoratoque privatim Deo Patre luminum, die vi. Octobris prædicti anni decrevimus, jam nihil per consultissimas leges & regulas eidem Congregationi Apostolica auctoritate præscriptas, desiderandum superesse, quò ad solemnem ipsius B. Catharinæ Canonizationem servatis servandis quancumque procedi posset.

Ad quam demum rite rectèque juxta sacrorum Canonum nor- C mam, & venerabilia Prædecessorum nostrorum Instituta procedere volentes, universi primùm Collegii Fratrum nostrorum S. R. E. Cardinalium consilium exquisivimus; habito nempe Consistorio secreto die xviii. elapsi mensis Aprilis, in quo Nos ipsi Summam virtutum & miraculorum B. Catharinæ, necnon seriem Actorum in ejus causa juridicè gestorum ipsis exposuimus; omnibusque adsentientibus, ut ad supremam gravissimo judicio manum imponendam progredieremur, complures Ven. Fratres Archiepiscopos & Episcopos ex universa ferme Italia in Urbem

ID d d d 2 acci-

A Miracula pro Canonizatione approbata. B Decretum de tuto progressu ad Canonizationem. C Consistorium secretum.

acciri mandavimus; eos quoque juxta morem Apostolicæ Sedis, antequam definitivam hujusmodi sententiam proferremus, in consilium adhibituri.

A Hi omnes necessariam Causæ totius cognitionem hauserunt, tum ex peroratione in Consistorio publico coram Nobis habitâ a dilecto Filio Paulo Francisco Antamorio nostræ Consistorialis Aulæ Advocato; tum ex fidei relatione e monumentis sæpeditæ Congregationis Sacrorum Rituum desumptâ, quæ typis impressa omnibus & singulis tradita fuit.

B Quapropter coacto demum die xiv. labentis mensis Junii semipublico Consistorio, in quo præter eosdem Fratres nostros S. R. E. Cardinales, omnes præterea Patriarchæ, Archiepiscopi & Episcopi qui jam tunc ad septuaginta ferè hac ipsa de causa in Romana Curia præsentés aderant, sessionem habuerunt; factâque omnibus dicendæ sententiæ potestate, venerabilem hujusmodi Confacerdotum coronam summâ consensione audivimus ad ejusdem præclaræ Virginis Canonizationem Nos adhortantem: Qua de re omnium suffragia proprio singulorum chirographo subscripta colligi jussimus, in Tabulariis Ecclesiæ Romanæ perpetuò asservanda, mandantes dilectis Filiis Apostolicarum Ceremoniarum Magistris ibi de more adstantibus, ut in absentia Notariorum Apostolicæ Sedis, qui Protonotarii de numero Participantium nuncupantur, super hujusmodi solemnî actû publica Instrumenta, quotquot opus esset, conficere deberent.

C Indicta itaque pro Canonizationis celebritate hodierna die beatorum Apostolorum Petri & Pauli Martyriis consecrata, non omisimus interim in humilitate & jejunio privatas nostras, & publicas Ecclesiæ preces Deo Patri offerre per Filium ejus, ut Spiritus sancti virtute mentem nostram dirigere & confirmare dignaretur. Hodieque tandem de mane, congregatis in Vaticano omnibus Cleri Secularis & Regularis Ordinibus, omnibus Romanæ Curiae & Aulæ nostræ Proceribus & Officialibus, cunctisque Ven. Fratribus nostris Cardinalibus, Patriarchis, Archiepiscopis & Episcopis, solemnî supplicationis ritu Divinam Majestatem venerantes, ad Basilicam Principis Apostolorum processimus. Ibi simul ac ante sacratissimam Apostoli Confessionem constitimus, dilectus Filius noster Joachimus Tituli SS. Quatuor Coronatorum Presbyter ejusdem S. R. E. Cardinalis Portocarrero nuncupatus, perorante dilecto Filio Virgilio Montecatino Consistorialis Aulæ nostræ Advocato, enixa Christianorum Regum & Principum, Ecclesiarum & Religiosorum Ordinum vota pro ipsius B. Catharinæ, sicut etiam pro beatorum Fidelis a Sigmaringa, Camilli de Lellis, Petri Regalati, & Josephi a Leonissa solemnî Canonizatione; simulque maturas deliberationes super eorum meritis & miraculis hucusque rite præhabitas, Nobis repræsentavit;

Nof-

A Consistorium publicum. B Cardinalium & Episcoporum consilia in Consistorio semipublico. C Solemnia Canonizationis.

Nosque semel iterum ac tertio rogavit, ut exoptatam dudum sententiam proferentes, catholici Orbis gaudium completeremus. Quare Nos implorato prius universæ cœlestis Curiae præsidio, & advocato cum gemitibus Paraclito Spiritu, eoque sic inspirante, ad honorem sanctæ & individuæ Trinitatis, ad exaltationem Fidei catholicæ & christianæ Religionis augmentum, auctoritate Domini Nostri Jesu Christi, beatorum Apostolorum Petri & Pauli, ac Nostra, prædictam Catharinam de Ricciis A Virginem, Monialem Professam Ordinis Prædicatorum, christianarum virtutum præstantiâ ac cœlestium donorum & miraculorum gloriâ illustrem, Sanctam esse definiendo pronuntiavimus; & una cum prædictis Fideli Martyre, Camillo, Petro, & Josepho Confessoribus, Ecclesiasticis Sanctorum Fastis adscripsimus; decernentes ipsius S. Catharinæ memoriam quotannis die secunda Februarii, aliorumque Sanctorum prædictorum, aliis respectivè diebus, in universa Ecclesia recolendam & venerandam esse, & concedentes omnibus Christifidelibus, qui ad eorum Sepulchra designatis diebus religiosè accedent, ac Deum Optimum Maximum juxta nostram & piæ Matris Ecclesiæ mentem precati fuerint, Indulgentiam septem annorum, & totidem Quadragenarum in perpetuum in forma Ecclesiæ consueta.

Tunc repletum est gaudio os nostrum & lingua nostra exultatione, reddentesque Altissimo vota nostra, sacrosanctum Altare conscendimus, atque immaculatam humanæ salutis Hostiam, junctâ beatissimorum Ecclesiæ Principum, & prædictorum Sanctorum commemoratione, omnipotenti Deo bonorum omnium Largitori reverenter obtulimus. Omnibus quoque Christifidelibus, qui ad tantæ solemnitatis celebritatem frequentes convenerant, Plenariam peccatorum Indulgentiam misericorditer in Domino largiti fuimus.

Audiant itaque universi catholicæ Ecclesiæ Filii, & intelligant magnalia Dei, atque ad cœlestem Hierusalem cogitationes & corda sublevantes, beatam hanc Virginem contemplantur candido eorum agmini sociatam, qui sequuntur Agnum quocumque ierit: Unde & illius validissimo patrocinio innixi, postulent a Deo pacem & gratiam, & ejusdem præclaris exemplis excitati discant peritura Mundi bona despicere, & per innocentie custodiam, per poenitentie labores, per christianæ virtutis studium, ad perfectæ charitatis & sempiternæ felicitatis Regnum, ac cœlestis gloriæ coronam contendere, per Christum Dominum Nostrium.

Idcirco præmissa omnia ad universalis Ecclesiæ notitiam deduci, B præsentisque nostras literas ad perpetuam rei memoriam extare volumus, mandantes ut earum transumptis sive exemplis etiam impressis manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ab omnibus habeatur,


beaturn,

beatur, quæ ipsis præsentibus adhiberetur, si forent exhibitæ vel ostensæ.

A Nulli ergo omnino hominum liceat paginam hanc nostræ definitionis, Decreti, Adscriptionis, Mandati, Statuti, Relaxationis, & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei & beatorum Petri & Pauli Apostolorum ejus se noverit incursum.

B Datum Romæ apud sanctum Petrum anno Incarnationis Domini-
cæ MDCCXLVI., III. Kalendas Julii, Pontificatus Nostri anno VI.

✠ Ego Benedictus Catholicæ Ecclesiæ Episcopus.



† Ego T. Episcopus Ostien. & Veliternen. Card. Rufus Decanus, &
S. R. E. Vice-Cancellarius.

† Ego A. Episcopus Portuensis Card. S. Clementis S. R. E. Camerarius.

† Ego V. Episcopus Prænestinus Card. Petra, Major Pœnitentiarius.

† Ego P. A. Episcopus Albanen. Card. Carafa.

† Ego I. Episcopus Tusculanus Card. Accorambonus.

† Ego V. Episcopus Sabinen. Card. Bichius.

†

†

†

†

†

†

†

- †
† *Ego Nicolaus Maria Tit. S. Petri ad Vincula Presbyter Card. Lercari.*
†
†
†
† *Ego F. Tit. S. Mariæ Transtiberim Presbyter Card. Burghesius.*
† *Ego A. Tit. S. Stephani in Monte Cœlio Presbyter Card. Gentili.*
† *Ego Fr. J. A. Tit. SS. Silvestri & Martini Presbyter Card. Guadagni.*
†
† *Ego D. Tit. Basilicæ Sanctorum Duodecim Apostolorum Presbyter Card. Rivera.*
† *Ego J. B. Tit. S. Mariæ Angelorum Presbyter Card. Spinula.*
†
†
†
†
† *Ego R. Tit. S. Sabina Presbyter Cardinalis de Ilcio.*
†
†
† *Ego D. Tit. S. Bernardi ad Thermas Presbyter Card. Passioneus.*
† *Ego S. Tit. S. Priscæ Presbyter Cardinalis Valenti.*
†
† *Ego J. F. Tit. SS. Quatuor Coronatorum Presbyter Card. Portocarrero.*
†
†
† *Ego C. A. Tit. S. Mariæ de Pace Presbyter Card. Cavalchinus.*
†
†
† *Ego F. Tit. S. Pancratii Presbyter Card. Lantes.*
†
†
†
†
† *Ego F. Tit. S. Mariæ de Populo Presbyter Card. de Ricciis.*
† *Ego A. Tit. S. Silvestri in Capite Presbyter Cardinalis Rufus.*
†
† *Ego P. M. Tit. S. Agnetis extra muros Presbyter Card. de Montibus.*
† *Ego F. Tit. S. Matthæi in Merulana Presbyter Card. Tamburini.*
† *Ego J. Tit. S. Crucis in Hierusalem Presbyter Card. Besozzi.*
†
†
†
†

†

†

†

†

†

† *Ego Alexander S. Mariae ad Martyres Diaconus Card. Albanus .*† *Ego Nerius S. Eustachii Diaconus Card. Corsinus .*† *Ego Agapitus S. Agathæ Diaconus Card. Mosca .*

†

†

† *Ego C. S. Maria in Porticu Diaconus Card. Sacripantes .*† *Ego M. SS. Cosmæ & Damiani Diaconus Card. Bolognettus .*† *Ego H. S. Angeli in Foro Piscium Diaconus Cardinalis Columna .*† *Ego P. S. Georgii in Velabro Diaconus Card. Columna .*† *Ego A. S. Mariae in Aquiro Diaconus Card. Tanari .*† *Ego H. S. Adriani Diaconus Card. Bardi .*† *Ego D. SS. Viti & Modesti Diaconus Card. Ursinus .*

†

D. Card. Passioneus .

J. Datarius .

V I S A

de Curia I. C. Boschi .

J. B. Eugenius .

Loco † Plumbi .

Registrata in Secretaria Brevium .

ORNATUS VATICANI TEMPLI.

Amplissimam ^a Divi Petri Basilicam omnium ^b Ecclesiarum caput, speculum & exemplar, a Magno Constantino olim ædificatam, Romani Pontifices tantâ curâ sumptuque augere semper & ornare studuerunt, ut nihil eâ magnificentius, nihil elegantius aut inveniri unquam posse, aut excogitare videatur. Quia tamen minùs animum movent quæ præ oculis semper sunt, Templâ consuevimus, etsi arte & materiâ apprime nobilia, cum statè quædam aut extra ordinem celebritates inciderint, adscito cultu & temporariis ornamentis excolere, ut novitas commendet, quod assiduitate quodammodo viluerat. Quod quidem, si Vaticanæ Basilicæ præcipuè accidit; cum Sanctorum Fastis adscribendi in ea fuerunt, qui sanguine pro Christi fide profuso, aut vitâ in omni virtutum exercitatione traductâ illorum gloriam promeruerunt; tanta certè cultus, & ornamentorum ad eam accessio facta est hoc tempore; cum de quinque Beatis inter Sanctos in eadem referendis actum fuit, ut secum ipsa quodammodo certaverit; nativâ an adscitâ pulchritudine, spectabilior videretur.

De hujus igitur apparatus descriptione dicendum modò breviter erit; *Nemo quippe est, qui nesciat, ^c Sanctorum glorias tali celebritate frequentari in terris; ut virtute pari, devotione consimili ac fide dimicantes, hostem vincere, & de parta victoria cum ipsis triumphare, Christo præstante possimus in Cælis.*

Mediam Templi faciem supra Porticum ingens pictura decorabat, septuaginta palmorum altitudine, latitudine verò quinque supra triginta, in qua ad vivum expressæ Quinque Beatorum imagines ita genibus inter nubes flexis, splendidissimum in superiori parte Trigonum quod Deificæ Trinitatis est symbolum, venerabantur; ut & ab eo magnâ lucis immissæ copiâ illustrarentur, & ab Apostolorum Principibus parum infra Trigonum sedentibus invitari viderentur, ut superius ascenderent. Tapete coccineum & aureis laciniis ad oras magnificè assutum infra demittebatur, quod inferiorem Procestrii partem velaret, ex quo Summi Pontifices Populo benedicunt. Medium in eo erat Gentilitium Sanctitatis Suxæ stemma duobus ad latera sustentatum Aligeris: Insignia Regulæ Institutorum, ex quibus Beati prodierant, inferius aspiciebantur variis frondium florumque corollis interclusa.

E e e e

Fasti-

^a D. Aug. de Civit. Dei cap. 7. ^b Lucius III. in Epist. ad Conradum Imp. apud Oribonem Frising. lib. 7. cap. 31.

^c S. Joannes Chrysost. Sermon. 1. de Martyr. tom. 3.

Fastigio Ostii principis, ex quo in Porticum est aditus, ita ornato fuus, & minoribus januis quæ utrinque adjacent, cultus non deerat; supereminebat enim singulis aurei coloris tela prægrandis tortuosis & ipsa florum coronis, & Aligerorum interjectis capitibus interiùs picta, exteriùs verò sericis velis aptè crispatis undecumque conspicua; unaquæque latitudinis palmos habebat viginti, altitudinis quindecim, in quibus lemmata inscripta erant hoc ordine; Primum ab Janua principe dextrorsùm.

IN COELESTIBUS REGNIS SANCTORUM HABITATIO
EST, ET IN ÆTERNUM REQUIES EORUM.

Alterum sinistrorsum.

CORPORA SANCTORUM IN PACE SEPULTA SUNT, ET
NOMEN EORUM VIVIT IN GENERATIONEM, ET GE-
NERATIONEM. *Eccl. XLIV. 14.*

Tertio loco.

MIRIFICAVIT DOMINUS SANCTOS SUOS, ET EXAUDI-
VIT EOS, CLAMANTES AD SE. *Ex Psalmo 4.*

Quarto loco.

SANCTI TUI DOMINE MIRABILE CONSEQUUTI SUNT
ITER, SERVIENTES PRÆCEPTIS TUIS.

Interiores quoque Xysti parietes a summo ad imum convestiebant egregia peripetasinata aureis argenteisque Liciis, & præclaris operibus picta, ex ea forma quam Raphael Santius Urbinas graphide exprefferat. Hæc nobilibus stragulis, holosericoque damasceno auri tæniis fimbriato interpositis, ita quaqua versum omnia illustraverant, ut nihil ornata vacuum relinquerent.

Ab ipso verò Januæ limine, ubi prospectus in Basilicam erat, tam mirificum adeuntium oculis occurrebat spectaculum, ut nec expleri videndo hi possent, nec faciliè invenire, quid potiùs mirarentur; ab epistylis enim ad stylobatem holosericæ vestes partim damascenæ, partim generis varii, aureis omnes vittis distinctæ, columnas, parastatas, mutulos, ingentesque arcuum fornices convestierant.

Interiorem Basilicæ frontem, quæ Aram principem respicit, peramplum ex damasceno rubro velum obtexerat, partim molliter defluens, partim multimodis artificiosè compositum, quod aureis undique tænio-

tæniolis discriminatum , pendentibusque lemnitcis conspicuum Lamber-
tinæ gentis tesseram , Tiara & Clavibus Pontificiæ Majestatis Insignibus
gloriosiorem præferbat in medio . Nec omissa in fenestris ornandis cu-
ra , quæ prægrandes in eadem fronte tres patent , & superiori Xysto
respondent ; Vela enim ex eodem filo serico ab iis bifariam demissa , quæ
sub extremum aureis funiculis collecta aliquantulum elevabantur ; ne lux
nimia forinsecus immissa collucentium cereorum lumen imminueret . Fe-
nestris subjecta spatia , inscriptosque lapides purpurea item vestis obie-
rat , scitè tamen venustèque variata fasciis aureis , quæ miro inter se
nexu modò Pontificias fingerent Claves , Tiaras , & Mitras ; modò in re-
gales coronas , liliorum ferta , ramosque palmarum coalescerent . Fun-
ales demum cerei septem & viginti , æquali interstitio discreti , supra trium
magnarum Portarum coronidem impositi .

Sericum villosum rubrum primò adhibitum hoc tempore ; ut Coro-
nam cum Templi , tum Tholi universam ambiret , quod tæniis interce-
ptum aureis , fimbriisque ad oras pendentibus assutum , tria ferme palmorum
millia longitudine æquabat . In ipso Coronæ supercilio machinæ
quædam undique attollebantur , in modum calathi foliis storiatis , inveni-
sisque turbinibus , quæ ab imo angustiori in latitudinem excrescerent ,
ut in ipso demum vertice octo librarum cereos sustinerent .

Sexdecim præterea Tabulæ æneo colore pictæ magnorum instar Nu-
mismatum , quæ illustriora Quinque Beatorum miracula repræsentarent ,
ita mutulo singulorum arcuum in navi media innitebantur , ut coronam
Templi maximam interciperent , ab eaque in hemicycli formam extarent .
Harum coronides auro aliisque adjectis ornatibus nobiles in superiori
hemicycli parte conchylio finiebantur , quod projecturam obtegeret , ex
qua brachia oriebantur ad tres cereos sustinendos ; latera verò Aligero-
rum capitibus variè intersecta : Encarpi etiam consertique flores tam
apto inter se nexu inde demissi , ut & mutulo ipsi , & anaclyphis quæ
arculi insidebant , ornamento essent & elegantia . Ab ipso demum co-
ronidum vertice amplissimum utrinque ex damasceno rubro velum de-
fluebat laciniis ad oras aureis magnificè circumtectum , quod Tabulam ,
eique adjectos ornatuum ordines convestiret ; miraque ob id inter tantam
colorum varietatem , albaque Anaglypha arcuum fornicibus insidentia
unio pariter , & proportio commendaretur .

A summo verò arcu inter holoserica , quæ ad incumbas usque tor-
tuosè decidebant tæniolis aureis concinnè discriminata , & mutuo subin-
de nexu in rosarum formam collecta , Aliger pendebat palmorum trigin-
ta , amictu versicolori & alis ad volandum extensis , qui , cum minorem
tabulam gestaret manibus auro illitam , inscriptum in ea lemma obicie-
bat intuentibus , quod expressum in superiori Numismate miraculum si-
gnificaret . Magnus Angelo subiiciebatur lychnuchus instar turbinis orna-
to fune suspensus , qui duos & viginti funales cereos totidem brachiis

multo splendidis auro, & in duplicem ordinem eleganter dispositis præfixos attolleret. Ima lychnuchi pars aurearum frondium manipulis ornata; suprema binis palmarum liliorumque fertis circumdata, quæ profusum pro Christo sanguinem, vitæque innocentiam significarent, præter undecumque defluentes eidem adjectos encarpas, & lemniscorum mæandros. Ad hujus lychnuchi latera minores alii duo eâdem formâ & ornatu, auroque sub-obscure picti demittebantur per funiculos aureis circumvolutos tæniolis ab ea utrinque projectura, ubi hemicyclium arcûs parastatæ incumbit, qui duobus ordinibus discretos quatuordecim Cereos sustollerent. Quatuor hi erant & viginti, altitudine palmarum viginti septem, latitudine undecim; majores verò sub arcubus positi quatuordecim, qui altitudinem habebant palmarum quadraginta, latitudinem sexdecim.

Ex Tabulis autem sexdecim, Numismatum instar, quæ una cum coronide ornamentisque eidem adjunctis singulæ quinquaginta septem palmos longitudine æquabant, septem & viginti latitudine; ternæ unicuique Beatorum attributæ erant, ex quibus singulorum miracula innotescerent: & hoc ordine dispositæ.

Prima supra arcum Baptistæ præferebat mirabilem Sanctimonialis foeminæ sanationem ope sanctæ Catharinæ de Ricciis, cum lemmate.

Sanctimonialis ob Arteriæ magnæ laxitatem jamjam moritura; adnoto sibi Catharinæ Baculo incolumis restituitur.

Porro lemmata omnia, elogia, & ephigraphæ suum habent Auctorem V. C. Michaellem Angelum Giacomelli Sanctissimi Domini Nostri Papæ ab intimo Sacello, & Sacrosanctæ Vaticanæ Basilicæ perpetuum Beneficiatum.

Secunda ante proximum Sacellum Præsentationis, a sancto Josepho a Leonissa sanie manantem fistulam curatam: Hujus lemma.

Puella, quæ macie extabuerat, sanie fluens fistula in leva papilla insidens, Oleo lampadis ad Josephi Aram prælucentis perungitur: Extemplo inducitur cicatrix: Tabes depulsa.

Tertia ad Chorum Canonicorum, sancti Petri Regalati ope redintegratam fistulâ mirabiliter curatâ valetudinem, cum lemmate.

Fœmina, cujus renibus fœda hærebat fistula, Petri sepulchrum adiit, & convaleuit.

Quarta supra fornicem arcûs, ex quo cominûs sancti Gregorii Sacellum aspicitur, hominem sancto Fidele intercedente, inveterato comitiali morbo liberatum: Istius lemma.

Comitiali morbo laboranti adnoto, & in Crucis modum ducta Fidelis effigies integram illicò valetudinem affert.

Quinta ad sanctorum Apostolorum Simonis, & Thaddæi Sacellum propè Vaticanæ Sacrariorum Oltium; aliud prodebat sanctæ Catharinæ Miraculum, cum lemmate.

Sanctimonialis articolorum doloribus diù excruciatâ Catharinæ opem implorat ; morbo statim emergit .

Sexta sub medio Absidis dicti Pronai alterum sancti Petri Regalati signum exhibebat, hoc lemmate .

Comitiali morbo correptus homo in eaminum lapsus , Ollam ferventis aquæ plenam evertit ; amissum videndi sensum Petri Caputio ad os suum adnoto recuperat .

Septima super arcum proximum Portæ , quâ ad divæ Marthæ itur , significabat impubem divi Fidelis ope gradiendi facultate donatum ; cum lemmate .

Quadrimus puer Pedum motu carens , in Fidelis effigiem defixis oculis intuens statim gradiendi facultatem assequitur .

Octava prodebat incendium ab eodem sancto Fidele extinctum ; erat autem in arcu Sarcophago Alexandri Papæ VIII. proximo, loco quidem digniore , & Martyri debito , utpote ad dexteram Pontificii Solii . Ejus lemma .

Majensfeldiæ Fidelis ope implorata restinctum incendium .

Nona in sinistro Solii latere Puellam a polypo , gangrænâque liberatam docebat , sancti Camilli ope ; cum lemmate .

Puellæ naribus a multo tempore polypo obstructis ac gangrænâ erosis Filum e Camilli indusio applicitum , morbum , morbiq. reliquias delet .

Inde retrocedendo ad principem Januam occurrebat

Decima , in Navi transversâ quam sanctorum Processi , & Martiniani ab eorum Altari ibi ædificato vocant . Hæc aliam puellam repræsentabat , ejusdem sancti Camilli meritis a lepra mundatam ; cum lemmate .

Puella ab utero Matris veluti lepra quadam contracta lethali febris implicata, Camilli imaginem sibi admovet, illico convalescit .

Undecima sub ejusdem Navis absidem, alterum a sancto Josepho editum in puero signum indicabat, cum lemmate .

Pueri coeuntes palpebræ, ne levi quidem signo discriminata, aperiuntur & lumen in oculos admittunt .

Duodecima, non longè a divi Basilii Ara, mirabilem præferebat Cancris sanationem divæ Catharinæ auxilio ; eratque lemma .

Vetusti Cancris in puellæ papilla hærentis hiatus duo, alter stamineo Catharinæ pileo tactus, alter lampadis ad ejus Aram ardentis oleo perunctus , ad cicatricem perducti .

Decima tertia , sancti Camilli pulvere gibbosam puellam prodens erectam incumbibat arcui Sacello Gregoriano respondenti ; cum lemmate .

Puella gibbo corpore ab incunabulis spirandi difficultate pressa , ac jam prope enecta, hausto Camilli pulvere recti corporis formam accipit, omni morbo convalescit .

Decima quarta super arcum Sacelli , in quo perpetuò asservatur

Sanctissimum Sacramentum , beatum Regalatum monstrabat extenso pallio aquas traicentem ; cum lemmate .

Petrus nunquam aliter quàm extensum super aquam pallium conscendens cum sodali suo flumen traiecit .

Decima quinta ad arcum Cappellæ sancti Sebastiani , consolidatas pueri plantas ope sancti Iosephi a Leonissa indicabat, hoc lemmate .

Bimum puerum cuius coxæ , crura , pedes ossibus carebant , Iosephus gradiendi potestate compotem facit .

Decima sexta, Ecclesiæ in Sanctorum suorum gloria lætitiaque triumphantis imaginem præferens, innitebatur superiori parti ultimi arcus , qui tamen primus ingredientibus Templum dextrorsum occurrit .

Populus meus , & hereditas mea , quos eduxisti in fortitudine tua magna , & in Brachio tuo extenso . Deuteron. ix. 29.

Ad hæc , quot enumerantur supernè inter epistylia sedes five loculamenta , tot singula singulis imposita conspiciebantur Virtutum simulacra , palmorum viginti , ad similitudinem æris depicta aureisque lineis nitentia .

In supposita cuique simulacro basi , quæ trium erat palmorum , singularum Virtutum nomen inscriptum legebatur . Fuerunt autem numero viginti , nimirum : Iustitia , Prudentia , Temperantia , Fortitudo , Fides , Spes , Charitas , Abstinencia , Castitas , Pietas , Continentia , Puritas , Humilitas , Obedientia , Vigilantia , Perseverantia , Voluntaria Paupertas , Pœnitentia , Innocentia , Zelus .

Quatuor ex sexdecim inferioribus Navis mediæ loculamentis , quæ adhuc carent Statuis valvas versus Basilicæ , cum in ceteris Fundatorum Regularis alicujus Instituti Signa e Lunensi marmore constituta jam sint , exhibebant imagines albo nigroque colore subobscurè pictas , dextrorsus quidem sancti Fidelis a Sigmaringa , & sancti Petri Regalati ; sinistorsum vero sancti Camilli de Lellis , & sancti Iosephi a Leonissa , quamlibet suæ innixam basi ; quæ a vero marmoris colore non abluderent . Quinta , quæ supererat sanctæ Catharinæ effigies , Angelo eidem adstante , qui manu lilium attolleret , in eo ex duobus loculamentis sub hemicyclo Sacelli SS. Processi & Martiniani item vacuis statuta fuerat , quod Theatro propius erat ; in altero quod ex adverso est , Divinæ gratiæ simulacrum impositum .

Ut autem unicuique Statuæ , quæ in Navi sunt Templi mediæ , cerei prælucere , binæ ad singula earum loculamenta mensulæ fuerunt appositæ colore subnigro , ut stereobatas e Leucophæo marmore simulacris suppositas ad speciem æmulerentur : Has interjecta grandis Pelta mirè jungebat Anaglyptico Aligeri capite corona superextanti , & unius ex Religiosis Beatorum Institutis stemmate nobilis . Adjecti ad hæc encarpi , & rami frondentes item ex Anaglypho ; decem præterea lychnuchi ad cereos utrimque sustinendos . Hæc auro obducta omnia .

Quia

Quia verò decimum sextum loculamentum ænea Apostolorum Principis Statua tenet , quæ tam solemni die Albâ , Pluviali rubro , gemmâ pectorali & Regno pretiosis lapillis distincto ad graviolem majestatis speciem ornari consuevit ; duo pro mensulis ante eam argentea statuta fuerant candelabra prægrandia , quorum ex utroque polygonius deargentatis ligneis brachiolis , lychnuchus subnascebatur , qui duo de viginti bipartito ordine cereos attolleret .

Ad transversæ præterea Navis ornatum præter hæcenus descriptas Virtutum imagines , aliæ non defuerunt , adjecto enim tympano , supercilioque instar hemicycli supra coronam utriusque lateralis absidis , sanctorum scilicet Apostolorum Simonis & Judæ , ac sanctorum Martyrum Procelli & Martiniani , ita tamen ut quod ad tempus additum erat , a prisca solidaque Templi forma structuraque non deflecterët ; in utraque ipsius tympani ora ad columnarum perpendiculum , quatuor prospiciebantur virtutum Statuæ colore marmoreo ; dextrorsum quidem Constantia & Magnanimitas ; sinistrorsum verò Affabilitas & Clementia , inter quas ad cereos novem sustinendos rami succrescebant aliquot concinnè tortuosi & auro interliti .

Alii quoque eadem formæ cultuque ramusculi , quibus quadripartito ordine affigerentur funales cerei duodetriginta , supremas ornabant loco tympani projecturas coronarum , quæ sub utriusque Navis hemicyclo lateralia circumeunt Altaria .

Supra verò epistylia octo columnarum , quarum binæ singulis adjacent prædictis Altaribus , octo item assurgebant e basi aureis striata foliis Aligeri æneo colore , auro tamen subobscurè illiti , qui utraque manu palmas & lilia , flagella , cilicinaque vestes gestarent ad ostendendam Beatorum de quorum gloriâ agebatur , vitæ sanctimoniam . Ut autem columnas ipsas stragulum holosericum rubrum , tænis aureis nova arte discriminatum vestiebat ; ita incumbas Altarium serica vela aureis fimbriata laciniis , modò leniter pendentia , modò eleganter crispata & in rosas collecta exornabant .

Tantum holosericarum vestium , aurique & pictarum tabularum apparatus æquabat par luminum copia , quæ licet conjici quanta fuerit ex iis possit , quæ dicta sunt , tamen faciliùs patebit , si hoc loco recensentur in suas veluti classes atque ordinem distributa . Primus ordo constabat iis cereis , qui & in superioribus quibusque Basilicæ Aris supra grandia ex ære candelabra collucebant , & ante statuas in inferioribus loculamentis super lychnuchos ; præter eos qui arabicè picti Altare & Confessionem beati Petri circumsepiebant . Secundus & tertius lychnuchos continebat , qui sub quolibet arcu pendentes , minores quidem demissius , majores verò altius duplicem diversamque lineam efficiebant . Quartus erat eorum cereorum , qui continenter ambiebant summam coronam , tam primariarum absidum , quàm fornicum . Cigetti demum
super

super magni Hemispherii projecturam , ac quadrigemina inter ingentes illius pilas prominentia podia , quintum & ultimum luminarium ordinem complebant . Nemini igitur mirum videbitur , si tot fuerint cerei , qui intra Basilicæ arderent ambitum sex aut octo librarum pondere , ut mille quingenti octoginta sex numerari potuerint ; exceptis iis grandioribus , qui intra Missæ solemnia oblatis Pontifici sunt ; iis item varii ponderis & sine numero , qui singulis in tam frequenti Supplicatione fuerant distributi .

Reliquum est , ut de nobilissimo Theatri apparatu aliquid dicatur , cum quo si cetera Templi ornamenta conferantur , non parum videri poterunt dignitatis amittere . Ab ipso Basilicæ solo ante Aram principem æneâ mole superimpositâ celeberrimam , ad Occidentalem Templi partem ita sensim attollebatur , ut in altitudinem palmorum quinque desineret , oblonga centum viginti palmorum lignea contignatio , quæ nobiliorem & integram Theatri aream componeret . Quatuor ad hanc gradus ducebant , singuli unciarum octo , qui ab utroque transversæ Navis spatio , ubi superiores maximi Tholi pilæ obliquantur Austrum versus & Aquilonem , ita incipiebant , ut utrobique primum directi , mox sinuosi , in medio demum e regione Aræ principis in ovalis hemicycli figuram dispositi , centum octoginta septem palmorum longitudinem occuparent . Hos æque ac integram Theatri caveam stragulum laneum colore viridi obtexerat , non ad ornatum tantum , sed ut decentius supra gradus ita compositos de more assiderent eo tempore Suffragatores in Signatura Justitiæ , Abbreviatores , Referendarii Signaturæ utriusque , Cubicularii tam intimi quàm honorarii , Advocati Consistoriales , Cappellani Sanctissimi Patris , tam qui ab intimo Sacello sunt , quàm qui communes vocantur .

Ex eadem Aræ planitie prope Veronicæ loculamentum , triplici gradu ibatur in tabulatum palmos duodecim longum , tredecim latum , supra quod consueta eminebat Pontificis Cathedra stragulo cooperta serico rubro , & floribus aureis consperso . Dorsuale ejusdem fulcrum , formâ quasi triangulâ , pari item vestitum texto , ad palmos tredecim ita utrinque protendebatur , ut posticam Cathedræ partem muniret pariter & ornaret . Id erat parvum Pontificis Solium , ex quo sacras idem vestes ad sacrificium acciperet ; dum cantus Horæ tertiæ Canonice de more absolveretur . Extra Solii gradus , quos laneus textus rubeus regebat , mensa fuerat instructa pro septem candelabris inauratis cum candelis arabicè pictis , ante Crucem ad supplicationes & ante Cardinalem Diaconum ad Evangelii cantum deferendis . In opposita verò ipsius Aræ parte prope sanctæ Helenæ loculamentum , quinque erant mensæ , in quibus singulis singulæ apponerentur Oblationes pro unoquoque Sancto , Pontifici exhibendæ . Ceteri Abaci ad sacra Ministerii vasa , quæ cum summus Antistes celebraturus est , e Pontificali gaza ad lautiorē apparatum

paratum solent depromi, inter Aram maximam & ipsam Theatri caveam dispositi fuerant.

Non longè a gradibus parvi Solii, & a quinque Oblationum mensis scamna utrinque incipiebant ordine continuo, ubi Sacer assideret Senatus, & in cunei formam ad imam Theatri partem protendebantur. Ad hæc, quæ Babyloniciis Aulæis fuerant instratæ, per duplicem gradum erat ascensus, in quorum altero Caudatarii eorundem Eminentissimorum Patrum erant confessuri. Primo huic subselliorum ordini alter & tertius succedebat eâdem cuneatâ formâ, alius tamen alio altior, ut prospectus in Synedrium pateret omnibus. Sedes hæ, quæ sequioribus non tamen inelegantibus instratæ fuerant peristromatis, tenebantur dextrorsum quidem a Præsulibus non Assistentibus, ab Abbatibus & Pœnitentiariis rubrâ casulâ indutis; sinistrorsum verò a Gubernatore Urbis Vice-Camerario, ab Auditore Generali & Thesaurario Apostolicæ Cameræ, a Protonotariis tam Participantibus, quàm supra numerum, ceterisque aliis, quos Pontificia potestas & liberalitas hæc prærogativâ insignire voluit, ut in eodem assiderent scamno, a Religiosorum item Mendicantium Ordinum Ministris & Procuratoribus Generalibus. His proximum consuetum pro Bononiæ Oratore scamnum fuerat appositum. Pro Consultoribus autem Sacrorum Rituum, quibus interesse hujusmodi Actionibus conceditur, humiliores a tergo parvi Solii, & post Oblationum mensas fuerant sedes paratæ.

Post vacuum a fronte Theatralis aræ quinque & viginti palmorum interstitium, septeni assurgebant gradus singuli unciarum septem, minori longitudine ex adverso Aræ principis, productiores verò quæ ad Cardinalium confessum utrinque vergebant. Supra hos, qui palmos quinque & uncias decem altitudinis æquabant, suprema porrigebatur maximi Throni planities latitudine palmorum sexdecim, longitudine sex ferme supra viginti, quam una cum gradibus laneum peripetasma rubei coloris undique operuerat. In his sessuri erant Sacræ Rotæ Auditores una cum Sacri Palatii Apostolici Magistro, & Clerici Cameræ. Duo præterea in hac planitie gradus erant holoserico villosa rubro connecti, quæ ad Pontificiam Cathedram præberent aditum. Eminebat hæc tamquam totius corporis caput, palmos ferme duodecim in summa eademque media Theatri totius parte, ut prospici faciliè posset ab infinita pene hominum multitudine, quæ eò confluxerat. Ad opportunum præterea Sux Sanctitatis recessum in postica hujus Solii parte parvum fuerat asseribus exædificatum cubiculum, cujus aditum ab hominum aspectu removebat ea velitis stragula, quæ post Anaclinterium Cathedræ ligneum convestiebat parietem. Ad latera quoque, etsi extra gradus Solii nec longè ab ipsis Cardinalium subselliis, alia interna receptacula & aditus duo, quamvis ostio & serâ firmati, majorem absidem & alius pro temporariis sacri Senatus opportunitatibus utrinque habebant.

Porro Pontificii Solii structura varia marmorum genera ad speciem veri mirificè picta coloribus imitabatur . Suberat primæ contignationi a Theatri pavimento ad graduum altitudinem Africani instar marmoris magna basis , quæ palmos protensa tres & quadraginta , ut fundamento esset prægrandibus stylobatis per utramque faciem excurrentibus , palmarem alteram specie Anthracini lapidis supra se excipiebat , cui innitebantur triglyphæ spiræ inauratæ columnarum duarum , quæ utrinque Throno adjacebant .

Columnarum scapus striatus striis auro illitis , strigibus verò cyanei lapidis colore pictis , aurato epistyllo ordinis Corinthii terminabatur . Ad utrumque columnæ latus pilæ stelæque basibus & capitulis pariter inauratis floridum Onjichem simulabant .

Quæ columnis stelisque superimposita excurrerat communis corona , maculosas antiqui marmoris crocini venas referebat . Huic non absimilis colore erat alia grandior operis fastigio superinducta , cujus quidem operis pars media sursum arcuata in semicyclum definebat . Columnarum verò stelarumque sub ea tympanum cyaneo veluti marmore constare videbatur ; Zophorus pari modo pictus , qui inter utrasque procurrebat coronas Anaglyphis inauratis , & mira varietate distinctas , hanc præferebat Epigraphem magnis literis aureis expressam :

BENEDICTA GLORIA DOMINI .

Aligeri duo colore æneo insistebant arcuatæ supercilii extremitatigenibus flexis , & palmas florumque ferta manibus attollentes .

Adstabant pariter ad utrumque Throni latus vestibus multo auro illustratis solida Religionis & Justitiæ simulacra , quæ suæ singula basi insidebant ex Alabastrite cæruleis intersecto lamellis , & aureis lineis coronato , cui substrata inferiùs erat stereobata crocinâ coronide , & cymatio cælaturis aureis variato . Huic stereobatæ suberat stylobata perficæ arboris floribus colore non absimilis , longitudine tanta , quanta & latitudine supra basim infimam anthracinam , qua hæc extra pilas protendebatur imposita , cujus a fronte magna Pelta , Pontificia Insignia subobscurò auro picta referens , extabat inter encarpas & vittas .

Ad hæc in similitudinem veri marmoris colorata culcitæ copioso aureo coccineoque serico mirificè textæ , tamquam venusti postes utrumque Throni latus eique superextantem e serico villosò umbellam , sub qua Pontificia erat Cathedra , aureis tæniis fimbriarumque mæandris magnificè ornatam circumscribebant . Ultra supercilium quod totius Solii terminabat ornatum , eminebat S. Fidelis Vexillum ab Angelis inter lucidam nubeculam apparentibus elevatum . Suberat illud autem altiori splendidissimaque luce circumfuso Spiritus sancti Symbolo , unde tum radii longè latèque diffusi Vexillum ipsum , subjectumque Pontificii Thro-

Throni ornatum illustrabant; tum plures Aligerorum vultus inter nubes luteo colore expressas, & auro plurimo nitentes descendere conspiciabantur. Venustatem quoque augebat labens ab utroque vexilli latere magnum serici villosi rubri paludamentum, tæniis atque laciniis aureis ad oras assutum, quod sensim diffusum ad angulos externos coronidis pilarum quæ Solium intercipiebant, post concinnam alternamque flexuram iterum labens utrumque inauratum signum, Justitiæ scilicet & Religionis, a tergo undecumque vestiebat: Huic alterum velut amplissimum conopeum subjectum erat & sociatum ex damasceno coloris rubri fasciis aureis discriminato, iisdemque ac villosum rubrum laciniis, quod a gloria Domini de qua superius dictum est, incipiens demitti, paulatim ita latius discurrebat, ut laxitate sua non solum paludamentum ipsum quasi chlamydem Throni exciperet & concluderet, sed circumvelaret præterea, quàm latus erat, totum Theatri prospectum, ita tamen ut non æqualiter ante propenderet, sed mollibus modò nexibus corrugatum allevaretur a majoribus Aligeris inter alios minores variè dispositos, polimyxum alterâ manu quindecim cereorum duplici ordine distributorum sustinentibus; modò inversam subsutamque sibi posteriorem partem aureis floribus conspersam detegeret; ita demum sinuatum in utrasque arcuum itelas suspensum desineret.

Tota itaque nobilissimi Throni moles, quæ in lateribus debitâ proportionem servatâ humilior erat, centum & decem palmorum sublimitatem æquabat in medio.

A Simulacrorum de quibus dictum est, stylobatis utrinque per latera ad finem usque primarum Tholi pilarum prope loculamenta Veronicæ & divæ Helenæ, in ipsismet superioribus stylobatarum spatiis crates incipiebant inauratæ, quæ ligneam interiùs extructam contignationem intercluderent. Super eas parastatis concinnè intercisas continua auroque illustrata ita prominebat corona, ut ex ejus projecturis fastigia quædam instar turbinum & ornatus assurgerent, conchyliis & encarpis inter se colligati, quibus Tiara Pontificia decussatæque claves, auro item fulgentes, erant impositæ. Perpetuum similiter florum ac frondium inauratarum sertum a pilarum Throni Epistyliis elabens & super ipsam continenter coronam procurrens per consertas puerorum manus speciosissimo Iusu traducebatur ad coronandam prægrandem peltam cum Suæ Sanctitatis Insigni in medio totius ornatus prominentem; cum enim lapideæ stelæ, quæ ingentem hinc & inde Hemispherii fornecem sustinent, transfennas utrinque appositas intersecarent, quarum amplitudo erat palmorum octo supra centum & quadraginta, impedirentque, ne pone contignatio cohæreret; supra crates ibi etiam procurrentes ad unitatem ornatus servandam, basis subrubro colore, in qua exaratæ legebantur Epigraphæ:

HONOR ET GLORIA IN SERMONE

Eccli. cap. 5. vers. 15.

IPSI GLORIA IN ECCLESIA

Ephes. cap. 3. vers. 21.

basis inquam sursum elevabatur , quæ prædictam magnam peltam ipsis innixam stelis attolleret . Infra crates verò textile ex damasceno rubro tæniis aureis concinnè decurrentibus per futuras dispertitum , & in summa parte serico villoso item rubro coronatum convestiebat undique ligneum contiguarum contignationum parietem .

Ut verò unaquæque pars toti responderet , cederetque in ampliorum Theatri ornatum , & in nobilium Matronarum commodum , quæ conventuræ in Basilicam erant eo die ; in adversis ipsi Theatro loculamentis tam divi Andreæ , quàm sancti Longini aliæ comparatæ fuerant eminentes contignationes eodem ac reliquæ ornatu . Hæ sicut & aliæ prius commemoratæ , congruis interpositis repagulis seorsim separatæ , ita Sanctitatis Suæ jussu fuerant distributæ , ut quæ proximæ Solio Pontificio utrinque erant , Postulatoribus quinque Beatorum assignarentur ; quæ his adjacebant , in dextera sinistraque Theatri parte Principum Oratoribus darentur , licet demandatum sibi munus ex benevolo Summi Pontificis permisso , nondum palam obirent ; item Columnensium Familiæ , ac Almæ Urbis Senatori . Decreta Cantoribus Cappellanis pro Odeo contignatio , quæ in transversum Pronaum vergebat ab Helenæ loculamento ; quæ verò ex adverbo erat , Capitulum Vaticanum inter & Poli Ducem Sacri Hospitii Magistrum fuerat bipartita ; ceteræ urbanis & exteris Matronis erant destinatæ .

E superioribus tandem lapideis Procestriis , apud quæ reliquæ Sanctorum in Basilica servantur , serico stragulo variè ornatis , nec sine multis cereis , ut superius dictum est , pendebant deorsum quatuor alia Beatorum Vexilla , ex eo nimirum , quod Veronicæ simulacro supereminet , Vexillum beati Camilli de Lellis , ex altero supra sanctam Helenam , beati Petri Regalati , ex tertio apud sanctum Andream , beati Josephi a Leonissa ; in quarto supra Loculamentum sancti Longini , beatæ Catharinæ de Ricciis .


Hæc & cetera quæ narranda forent , melius quam sermo subjiciet oculis tabula , quæ superius apposita est .

IMAGINES, ET DELINEAMENTA
EXTERIORIS INTERIORISQUE ORNATUS
VATICANÆ BASILICÆ

I N

SOLEMNI CANONIZATIONE
S A N C T O R U M


FIDELIS A SIGMARINGA, CAMILLI DE LELLIS,
PETRI REGALATI, JOSEPHI A LEONISSA,
ET CATHARINÆ DE RICCIIS.








pro solenni Canonizatione a Sanctissimo Dño Nostro
 pro Supplicationis partis.




18. Sp. 16. Gubernator Urbis. 19. Cubicularii Sec. Assyst. et Aud. de Mitra. 22. Generales
 Fr. 17. Card. Diac. Assyst. et Evangelii. 20. Auditor Cam. et Thesaurarius. Ordini.
 C. 18. Papa sub Baldacchino. 21. Protonotarii cum Adjunctis. 23. Populus.
 Io. Baptist. Sultor sculp. Rom. r.

*Delineatio interioris Ornatus magnae & Navis Vaticanae Basilicae pro solemnibus Canonizationibus a Sanctissimo Dño E. Vostro
Benedicto XIV. celebratis, necnon praecipuae Supplicationis partis.*



1. Subito Episcopi 2. Procuratores Generales 3. Abbatibus Conventuales 4. Capellani Sancti cum Mura 5. Abbates 6. Cubicularii Honoris et Intimae 7. Cantores 8. Abbreviati Voluminis Clerici Cam. Audit. Poet. 9. Asculum cum septem Candelabris 10. Subdiaconus cum Cruce 11. Penitentiarii et Abbates 12. Episcopi non Asculum et alii 13. Cardinalis Diaconus, Presbyteri et Episcopi 14. Quatuor Bonae cum Priore Cap. Papi 15. Conservatores 16. Gubernator Urbis 17. Cardinalis Diaconus, Presbyteri et Episcopi 18. Cubicularii Sec. Asculi cum Audi. de Mura 19. Cubicularii Cam. et Thesaurarii 20. Asculum Cam. et Thesaurarii 21. Protonotarii cum Adjuvanti 22. Populus 23. Generalis Ordinarius 24. Populus 25. Populus 26. Populus 27. Populus



Aleisius Vanvitelli Arch. Orn. Antonius Rinaldi deli. Ioane Bapt. Sinter Sculp. Romæ







9118

C
C. f.




11


1


11

11













Antonius Rinaldi delin.

Ioan. Bapt. Sintes sculp. Romæ



VIX

SS



12

13

14



VX

2

10

10





1941

17



Antonius Gramignani scul.



100



1000000

1000000



100





1111

1111

1111
1111
1111



PIETAS



CHARITAS



INNOCENTIA

Antonius Finaidi del.




PVRITAS

Io ane Bapt. Sinter Scul Rome

188












Antonio Pinelli del.

Ioane Bapt. Sinter Sculp Roma

11722






THEATRI PROSPECTUS.

1122



XXX

XXX



HONORI ET GLORIA IN
SERMONE. E. CCS. V.

CS

Mojisius Umvelli Arch.

Antonius Rinaldi delin.


Joan Bapt Smees sculp.



1825

18

Antonio Rinaldi del.



Vito Datta Sculp. Rome

Amorinus Kindleri del.



James Baur Sculp. Rom.

I N D E X

R E R U M N O T A B I L I U M .

A.

- A** B A C U S ad sustinenda septem candelabra in Theatri cavea . *pag.* 461.
 Pro Sacris Vasis e Cimeliarchio Apostolico depromptis . *ibid.*
 Quinque Sanctorum Oblationes in quinque sejunctis Abacis constitutæ . *ibid.*
 Abaci Oblationum quomodo instructi . *ibid.*
 Abacus sive Mensa instar Lecti Paramentorum exstructa in Aula Apostolico Sacrario proxima *pag.* 483.
ABBATES Generales locum habentes in Cappella Pontificia . *pag.* 485.
 Pluviali & Mitra ornati interfunt . *pag.* 463.
 Pedem Papæ genuflexi ad Obedientiam accedentes deosculantur . *pag.* 487.
ABBREVIATORES de Parco Majori septima die infra octavam SS. Apostolorum cum Cappis assistunt Missæ Pontificali in Ecclesia S. Petri in Monte Avreo *pag.* 471.
ABROGATIO Declamationum profanarum in Consistoriis . *pag.* 222.
ABSOLUTIONIS a Vinculo Ecclesiæ existentis in partibus Infidelium , quo Cardinalis ante Promotionem fortè tenebatur , Formula . *pag.* 51.
 In Formula Absolutionis Pontificiæ ad complementum Actus Canonizationis adduntur nomina eorum , qui in Sanctorum Album referuntur . *pag.* 494.
ACTA Canonizationis S. Francisci Salesii collegit , & edidit Dominicus Cappelli Apostolic. Cærem. Mag. *pag.* 17.
 Item alia SS. Petri ab Alcantara , & Mariæ Magdalenæ de Pazzis . *pag.* 495.
 Acta Canonizationis SS. Pii V. , Andreæ Avellini , Felicis a Cantalicio , & Catharinæ de Bononia publicavit alter Cæremon. Pontificius Justinianus Chiapponi . *pag.* 25.
 Actorum in Causis Canonizationis Compendiaria narratio fieri consueta , omittitur de Mandato Papæ . *pag.* 3.
ADMONITIONIS Scheda Cardinalibus transmissa super colore Vestium adhibendo in accessu ad Lateranum pro assequenda Indulgentia . *pag.* 454.
 Alia in accessu ad Vaticanam Basilicam . *pag.* 455.
 Tertia in accessu ad Ecclesiam S. Mariæ supra Minervam , Liberianæ Basilicæ subrogatam . *pag.* 456.
 Cardinalibus Sacr. Rit. Congregationis data , ut duos Nobiles Familiares suos tempestivè mitterent ad Vaticanam Basilicam in die Canonizationis pro deferendis Oblationibus . *pag.* 454.
ADVENIENTES in Urbem Magni Principes , Regiive Oratores , ut debitam Summo Pontifici Obedientiam præstent , hospitantur in Palatio . *pag.* 81.
ADVENTUS Caroli Borbonij Hispaniarum Infantis & Regis utriusque Siciliæ in Urbem memoratur . *pag.* 476.
ADVOCATUS CONSISTORIALIS Virgilius Montecatinus Orationem habet in Consistorio publico de B. Fideli a Sigmaringa , & instat pro ejus Canonizatione . *pag.* 54.
A Summo Pontifice ex Advocatorum Consistorialium Collegio selectus , ut nomine Cardinalis Portocarrero Procuratoris pro Canonizatione Sanctorum apud Papam tertio petit , ut Sanctos tandem declaret beatos Fidelem a Sigmaringa , Camillum

- de Lellis , Petrum Regalatum , Josephum a Leonissa , & Catharinam de Ricciis .
pag. 488. 489. 490.
- Acceptat Sententiam Canonizationis , gratias agit , & postulat Literas Apostolicas
 desuper expediri . *pag. 493.*
- Rogat Protonotarios , ut unum vel plura Instrumenta super Canonizationis Actu
 conficiant . *ibid.*
- ADVOCATUS Consistorialis Julius Cæsar Fagnanus Orationem alteram de B. Camillo
 de Lellis in eodem Consistorio pronunciat , & pro ejus Canonizatione instat .
pag. 55.
- Tertiam de B. Petro Regalato pariter pro ejus Canonizatione instando habuit Ad-
 vocatus Joseph Ascevolinus . *pag. 73.*
- Advocatus Philippus Maria Pirelli quartam pro B. Josepho a Leonissa . *pag. 84.*
- Advocatus Paulus Franciscus Antamori quintam pro beata Catharina de Ricciis .
pag. 90.
- Advocatorum Consistorialium Collegium Laudibus extollitur a SS. D. N. *pag. 215.*
- Advocatis Consistorialibus locum digniorem illo , quem prius obtinebant , assignat
 Papa tam in Cappellis , quàm in publicis Supplicationibus . *pag. 204. & pag. 220.*
- Reftori ejusdem Collegii est privativum jus & jurisdicctio in Ecclesia publici Archi-
 gymnasii . *pag. 224.*
- Advocatus Filci & Camerae Apostolicæ : Pauperum : Fabricæ Basilicæ Principis
 Apostolorum : Senatus & Populi Romani , ex Collegio Advocatorum Consistoria-
 lium assumendus . *pag. 231.*
- Filci , & Pauperum Advocato Patrocinium aliarum Causarum interdicetur . *pag. 232.*
- Ex eodem Advocatorum Consistorialium Collegio eligendus , qui munus Commis-
 sariatus Conclavis exercent . *pag. 231.*
- Item Promotoris Fidei : eique stipendium , aliàs a Clemente XI. assignatum , con-
 firmatur . *pag. 232.*
- Advocatis Consistorialibus , eorumque Coadjutoribus Oratorium privatum conce-
 ditur . *pag. 232.*
- Numerus eorum duodenus præfinitur . *pag. 217.*
- Qui in illo locum habeant ; eumque habentibus iterum confirmatur . *ibid.*
- Decanatum in Collegio Advocatorum Consistorialium obtinere nequit , qui Episco-
 pus vel Prælatus fuerit . *pag. 219.*
- Quid si omnes alterutra dignitate præditi sint ? *ibid.*
- Advocati qui simul & Prælati fuerint , quo habitu in Consistoriis intererint . *p. 222.*
- In Consistoriis instando orare , unice spectat ad Consistoriales Advocatos . *p. 215. 223.*
- In Advocatorum Collegio alicujus loci vacatione occurrente , facultas est ipsimet Col-
 legio tres nominandi , ut unus seligatur a Papa . *pag. 219.*
- ADVOCATO FISCALI Camerae Apostolicæ adstante citat Præco maxima voce , qui an-
 nuo solvendo Tributo sunt obnoxii , exeunte Papa ad primas Vesperas SS. Apo-
 stolorum . *pag. 476. Vide. Camera Apostolica .*
- ÆNEORUM Tormentorum strepitus . Vide . *Tormenta bellica .*
- ÆREÆ CAMPANULÆ & Papilionis ante Collegia & Capitula Patriarchalium Eccle-
 siarum Urbis gestatio , & pulsus quid significet . *pag. 481.*
- ÆRIS Campani Sonitum dant omnes Urbis Ecclesiæ per integram horam in die Cano-
 nizationis . *pag. 459. 493.*
- ALEXANDER Papa III. Primatibus & Episcopis aliisque omnibus interdixit , ne cui-
 quam Beati nomen & cultum tribuerent . *pag. 2.*
- ALEXANDRUM Saulium Episcopum Aleriensem , & Camillum de Lellis inter Beatos
 refert Benedictus Papa XIV. *pag. 3.*

- Alexander VII. Servorum Dei Beatificationem formalem in Basilica Vaticana celebrandam esse stabilivit . *pag.* 17.
- Munia Subdiaconi , Diaconi , & Presbyteri Assistentis , per Canonicos trium Patriarchalium Urbis, ut in Pontificiis Cappellis obirentur , præscripsit . *pag.* 484.
- ALLOCUTIO** Benedicti XIV. ad Cardinales in Consistorio Secreto , ubi Canonizandorum Causas retulit . *pag.* 26.
- Allocutio in primo Consistorio semipublico, in quo suffragia Cardinalium & Præsulum Ecclesiarum excipit super Canonizatione beati Fidelis a Sigmaringa . *pag.* 151.
- Auditis suffragiis Allocutionem concludit indicendo preces & jejunia . *pag.* 183.
- Allocutio in Secundo simili Consistorio pro beato Camillo de Lellis *pag.* 237.
- Conclusio ejusdem *pag.* 274.
- Allocutio in principio tertii Consistorii semipublici pro exquirendis suffragiis in Causa beati Petri Regalati . *pag.* 289.
- Eam concludit ; lumen ut sibi ex alto impetrent , postulando . *pag.* 328.
- Allocutio in quarto semipublico Consistorio pro Causa B. Josephi a Leonissa . *p.* 341.
- Hanc quoque , ut privatim ac publicè preces fundant , hortando concludit . *p.* 383.
- Allocutio in quinto & ultimo ex semipublicis Consistoriis in quo suffragia exquirunt super Canonizatione beatæ Catharinæ de Ricciis . *pag.* 399.
- Post auditas Suffragantium Sententias , indicit futuræ Canonizationis diem . *p.* 438.
- ALUMNI** Collegii Græci Monachis suscepti pro decantandis Epistola , & Evangelio linguâ græcâ , Summo Pontifice Rem divinam operante . *pag.* 485.
- AMICTUS**, cujus usus in Cappella Pontificia erat olim Cardinalibus reservatus, ab Episcopis & aliis Ecclesiarum Præsulibus induitur modò unacum Pluviali . *pag.* 485.
- ANNULUS** in sua inauguratione acceptus ab Episcopo , dimittitur in promotione ad Cardinalatus dignitatem . *pag.* 47.
- Alter sapphiro ornatus ei imponitur a Papa , vel aliqua peculiari de causa interdum absenti mittitur , una cum designata sibi Titulari Ecclesia vel Diaconia . *ibid.*
- In Annuli traditione Formula . Vide . *Titulus* .
- Pro Annulo Promoti ad Cardinalatum intra mensem aureos quingentos solvere tenentur Congregationi de Propaganda Fide . *ibid.*
- Quibus iidem aurei antea persolverentur . *ibid.*
- ARCHIPRESBYTERO** Basilicæ Lateranensis Nerio Cardinali Corsino , nonnullis ei adjunctis Convisitatoribus , delegat Papa cetera cognoscenda in prosecutione incæptæ Pontificiæ Visitationis ejusdem Patriarchalis . *pag.* 15.
- ARCHITECTUS** Fabricæ Sancti Petri Ludovicus Vanvitelli totius ornatus Basilicæ & Theatri Canonizationis Inventor . *pag.* 461.
- ASSISTENTES** Pontificio Solio Episcopi cum Cappis adstant Missæ ab uno ex eis decantandæ in Basilica S. Pauli Via Ostiensi , secunda die infra octavam Apostolorum . *pag.* 469.
- AUDITORES** duo antiquiores Sac. Romanæ Rotæ Cappis induti Consistoriis semipublicis pro Canonizatione Sanctorum intersunt . *pag.* 100. 150. 236. 288. 341. 398.
- Auditor alter pro Cruce præferenda ante Papam , alter verò ad sustinendam Mitram . *pag.* 151.
- Ultimus ex iisdem Auditoribus Alphonsus de Aroztequi Crucem detulit in Basilica Lateranensi, dum Papa cum Cardinalibus ad eam collegialiter accessit assequendæ Indulgentiæ causa . *pag.* 455. *Vide* *Cruce* .
- Auditor Gallus , Claudius Franciscus de Canillac Subdiaconi munus obit in die Canonizationis . *pag.* 485.
- Auditores collegialiter uniti , & Cappis induti una cum Palatii Apostolici Magistro intersunt Missæ Pontificali in Ecclesia S. Mariæ in Via-lata , die quarta infra

- Octavam Apostolorum celebrandæ . pag. 470.
 AVE MARIS STELLA . *Vide hymnus* .
 AUGUSTI dies 17. Anniversarius suæ Assumptionis, electus a SS. D. N. pro edendis Decretis de tuto progressu ad Canonizationem beati Camilli de Lellis, & beati Josephi a Leonissa . pag. 15 & 16.
 AULA Regia in Quirinali, quæ sit? & quo modo instructa pro Consistorio publico . pag. 53.
 Ducalis in eodem Palatio . pag. 150.
 Consistorii Secreti Aula pro Congregatione ordinaria Sacrorum Rituum, adstante Summo Pontifice . pag. 3.
 Eiusdem Aulæ delineatio . *Vide Ichnographia* .
 DE AZEVEDO P. Emmanuel Societatis Jesu commendatur . pag. 7.

B

- B**ASILICÆ LATERANENSIS Sacram Visitationem SS. D. N. indicit, prosequitur, & complendam committit Cardinali Archipresbytero . pag. 7. 14. & 15.
 Corrinorum Sacellum in eadem Basilica erectum a Clemente XII., & in Actu Sacræ Visitationis a Papa commendatum, describitur . pag. 8.
 Sollemnia Canonizationis a Benedicto XIII., & Clemente XII. inibi peracta recensentur . pag. 17 & 19.
 Item Servorum Dei Beatificationes . *ibid.*
 Clavis SS. Reliquiarum quæ in Pegmate ejusdem Basilicæ asservantur, a Præfesto Palatii Apostolici nomine Papæ custoditur . pag. 8.
 Exponitur publicæ venerationi SS. Sacramentum per triduum . pag. 454.
 Ad eam Cardinales accedunt pro assecutione Indulgentiæ, una cum Papa, qui coram eis Sacrificium offert . *ibid.*
 Novam Porticum, & Frontem Basilicæ Orientem versus ædificavit Clemens Papa XII. pag. 8.
 BASILICA LIBERIANA . *Vide Liberii & S. Mariæ Majoris Basilica* .
 BASILICA SESSORIANA Templum Sanctæ Crucis in Jerusalem, olim Titulus Prosperi Cardinalis Lambertini, instauratur pene a fundamentis jussu ipsius in Petri Cathedra sedentis Benedicti XIV. nomine . pag. 9.
 Heleniana etiam nuncupata . *ibid.*
 BASILICA VATICANA . *Vide Vaticanæ Sancti Petri Basilica* .
 BASILICARUM Urbis Clerus in Supplicationibus incedit sub Cruce, cum æreis Campanulis, & Papilionibus . pag. 481.
 BEATIFICATIO Servorum Dei in Basilica Vaticana ad præscriptum Alexandri VII. celebratur . pag. 17.
 Beati vel Sancti Titulum, & cultum Dei Servis tribuere unicè spectat ad Romanum Pontificem . pag. 2.
 Beatorum Canonizandorum Vitæ, & Miraculorum Compendiaria narratio typis impressa, Cardinalibus & Præsulibus Romæ degentibus transmissa . *Vide Compendium* .
 BENEDICTIONIS Pontificiæ in fine Actus Sollemnis Canonizationis impertitiæ formula . pag. 494.
 BENEDICTO a Sancto Philadelphio Laico professio Ord. Min. Observant. S. Francisci cultus & Beati nomen, quod annis centum & ultra obtinuerat, confirmatur . pag. 3.
 BENEDICTUS Papa XIII. Concilium Romanum in Lateranensi Basilica celebravit anno seculari 1725. pag. 205. Sta-

- Statuit inter alia , ut in Professionibus SS. Sacramenti quatuor saltem hastis præfixæ laternæ cum candelis intus accensis portarentur. *ibid.*
- In eadem Basilica Sanctorum Catalogo adscripsit B. Joannem Nepomucenum. *pag. 17.*
& paulo post Beatificatio Servi Dei Fidelis a Sigmaringa ut fieret, indulgit. *pag. 19.*
- Ecclesiam S. Mariæ in Cosmedin erexit in Collegiatam insignem, & prærogativis uniformibus decoravit. *pag. 480.*
- Parochialem Ecclesiam S. Nicolai de Arcionibus Eremitis Montis Senarii Ord. Servorum beatæ Mariæ restituit. *pag. 480.*
- Episcopis, ut cum Sacris induti Pontificio in Sacello adsunt, deferant Amictum circa collum, jus tribuit, quod antea soli Cardinales habebant. *pag. 485.*
- BENEDICTUS** Papa XIV. De Servorum Dei Beatificatione, & de Beatorum Canonizatione plura edidit volumina. *pag. 3.*
- Dei Servos Alexandrum Saulium, & Camillum de Lellis inter Beatos refert; & cultum uti Beatis exhibitum per annos centum & ultra Nicolao Albergato, & Benedicto a S. Philadelphio confirmat. *ibid.*
- Canonicum Vaticanæ Basilicæ in Minoribus constitutum se extitisse commemorat. *pag. 18. 498.*
- Canonizationis, & Beatificationis Sollemnitates extra eamdem Basilicam peragendas non esse, edita Constitutione, decernit. *pag. 19.*
- Summa in Amicos benevolentia etiam post illorum mortem ostendit. *pag. 42. & seq.*
- Lazaro Pallavicino Thebarum Archiepiscopo Monumentum erigit. *pag. 49.*
- Aliud Cardinali Sebastiano Tanara. *pag. 50.*
- Ecclesiam Bononiensem Summus Pontifex effectus non dimittit, sed illam plurimis donariis, Civitatem prærogativis augeat & ornat. *pag. 53.*
- Quod & præstitit erga Ecclesiam Anconitanam, quod Cardinalis eidem præfuisset Episcopus. *pag. 54.*
- Rusticatur in Castro Gandulphi; & quæ pro futura Canonizatione ibi agat. *pag. 99.*
- Basilicam Liberianam restaurat. *pag. 202.*
- Advocatorum Consistorialium Collegio vetera confirmat, & nova concedit Privilegia. *pag. 215.*
- In eo, locum sibi a Clemente XI. concessum, primum fuisse honoris gradum in Romana Curia, non sine jucunditate, & grati animi sensu recolit. *pag. 216.*
- Certum ordinem in Supplicatione generali SS. Corporis Christi servandum Apostolica Sede Vacante, decernit. *pag. 211.*
- Seriem Actorum, Vitæ & Miraculorum in Causis Canonizandorum pluribus Allocationibus refert in Consistoriis Secreto, & semipublicis. *Vide Allocutio.*
- Committit Cæremoniarum Præfesto, absentibus Protonotariis, ut Instrumentum conficiat super Actis in Consistorio Semipublico pro Causa beatæ Catharinæ de Ricciis. *pag. 432.*
- Basilicas Lateranensem, & Vaticanam invisit, & in eis Missam celebrat coram aliquot Cardinalibus, ut Sancti Spiritus opem imploret super Canonizatione statuenda. *pag. 454. 455.*
- Pro assequenda Indulgentiæ ad hunc quoque finem concessa, Ecclesiam S. Mariæ supra Minervam Basilicæ Liberianæ subrogatam visitat cum Cardinalibus. *pag. 456.*
- Octavam SS. Apostolorum Petri & Pauli sollemniori celebritate recolendam singulis ejusdem diebus, in selectis Ecclesiis aliqua eorumdem Apostolorum memoria vel prærogativa insignitis instituit. *pag. 469.*
- Tolatarium Equum cum Censu pro utriusque Siciliæ Regno sibi debitum, oblatumque acceptat in Templo Beatæ Mariæ de Populo. *pag. 476.* & in Aula Regie Palatii Vaticani. *pag. 478.* Sen-

- Sententiam profert Canonizationis beatorum Fidelis a Sigmaringa Martyris, Camilli de Lellis, Petri Regalati, Josephi a Leonissa Confessorum, & Catharinæ de Ricciis Virginis. *pag. 492.*
- Missam cantat absoluta Canonizatione, *pag. 495.* & post Evangelium disertissimam Homiliam habet ad Populum. *pag. 497.*
- Ab Archipresbytero Basilicæ Vaticanæ Annibale Card. Albano, & a duobus Canonis Sacrario illius Præfctis, consuetum Presbyterium accipit: eisque aureum Calicem & Patenam, quibus eo die Deo libaverat, tradidit, ut essent perenne Solemnitatis, & suæ pietatis erga Apostolorum Principem argumentum. *pag. 511.*
- Controversiam super præcedentia inter Signaturæ Gratiae, & Signaturæ Iustitiæ Votantes exortam suo Decreto componit. *pag. 465.*
- BOMBARDARUM strepitus. *Vide Tormenta bellica.*
- BONONIÆ Archiepiscopatum non dimittit, sed in administrationem retinet SS. D. N., aliorum Pontificum secutus exemplum. *pag. 53.*
- Eidem Metropolitanæ collata dona enumerantur. *ibidem.*
- BONONIENSIS ORATOR Comes Bentivolus adest publicationi Literarum Apostolicarum, quas dedit Papa in intimo Ecclesiæ Carthusianorum Choro super cultu B. Nicolai Albergati Civis & Episcopi Bononiensis. *pag. 7. Vide Habitus. Orator.*
- S. BRUNONIS die festo Missam celebrat Papa in Ecclesia S. Mariæ Angelorum, postquam in intimo Ecclesiæ illius Choro coram decem Cardinalibus, beatam Catharinam de Ricciis Sanctis accenseri quodcumque possit declarat. *pag. 6.*
- BUCCAPADULIUM R. P. D. Theodorum a Secretis eleemosynis præficit Papa Canonizationis apparatus & expensis. *pag. 22.*
- Rocchetti usu, & loco in sua Pontificia Cappella post Protonotarios decorat. *pag. 451.*
- Idem Canonicus Libermanus, fungitur officio Subdiaconatus in Cappellis Pontificiis. *pag. ibid.*
- In supplicatione ipso Canonizationis die non inter Referendarios Rocchetto, & superpelliceo indutus incedit; sed prænotatæ prærogativæ causa altiore digniorque locum occupat cum Protonotariis, amictus Cappa. *ibid.*

C

- CÆREMONIA in comportandis Oblationibus, iisque Papæ exhibendis in Missa Canonizationis *pag. 508.*
- CÆREMONIARUM MAGISTER Justinianus Chiapponi commendatur. *pag. 25.*
- Item Dominicus Cappelli *pag. 17. & 495.* & Stephanus Infessura. *pag. 205.*
- CÆREMONIARUM PRÆFECTUS subrogatur Protonotariis absentibus pro confessione Instrumenti in quinto Consistorio Semipublico super Canonizatione B. Catharinæ de Ricciis. *pag. 439.*
- Congregationibus OEconomicis super Canonizatione habitis interfuit. *pag. 22.*
- Cæremoniarius alter e numero Participantium Venantius Philippus Pierfanti Cardinalem Episcopum Assistentem in solemnibus Canonizationis Actione dirigit. *pag. 487.*
- Cæremoniarum Magister Nuntius Sperandio Cardinalem Portocarrero Procuratorem ad postulandam Canonizationem electum comitante Advocato Consistoriali adducit ante imum Solii gradum pro instantiis. *pag. 487.* & responsione accepta ad locum unde discesserat, reducit. *pag. 489. 491. 493.*
- Cæremoniarum Magister Franciscus Diversini Oblationem pro sancto Fideli a Sigmaringa Pontifici exhibendam disponit. *pag. 509.* pro sancto Camillo Joannes Luc-

ca al-

- ca alter Cæremoniarius . *ibid.* Tertiam pro sancto Petro Regalato comitatus est Joannes Baptista Valeriani primus ex Cæremoniarum Magistris supra numerum . *ibid.* Quartam pro sancto Josepho a Leonissa , & quintam pro sancta Catharina de Ricciis deduxere Joannes Baptista Lizzani , & Franciscus Manganoni . *pag.* 510.
- Cæremoniarum Magistri supranumerum duo novissimi Lucas Verdiani , & Alexander Mariani Nobiles Laicos , qui aquam pro lotionem manuum Papæ præberent , alternatim comitati sunt . *pag. ibid.*
- Cæremoniarum Papæ adstant præ foribus Aulæ in Consistoriis secretis , & intus evocantur per Tintinnabuli sonitum . *pag.* 47.
- Rogantur de Canonica Romani Pontificis electione , Pontificatus acceptatione , & nominis impositione . *pag.* 439.
- Colligunt suffragia post Consistorium semipublicum a Cardinalibus & Episcopis scripta & subscripta . *pag.* 101.
- Distribuant Cardinalibus & Præsulibus a Consistorio exeuntibus exemplar impressum notificationis Indulgentiæ Plenariæ indictæ pro futuræ Canonizationis deliberatione . *pag.* 188.
- Ex his duo, ope Clericorum Acolythorum Cappellæ Pontificiæ , Cereos quadrilibres Cardinalibus ; trilibres ceteris Ordinibus corpus ejusdem Cappellæ componentibus distribuere , ipso Canonizationis die . *pag.* 479.
- CÆREMONIIS PRÆFECTUS de mandato Papæ adjit Cardinalem Portocarrero , ut eum certiores faceret , a Sanctitate Sua Procuratorem futuræ Canonizationis designatum fuisse . *pag.* 451.
- De scripto admonet Duces Custodiarum Pontificiarum , Præsulem Generalem Armorum , Magistrum sacri Hospitii , aliosque nonnullos , quibus aliquod incumberebat munus in die Canonizationis . *pag.* 460.
- Peculiarem quoque dat Schedulam pro Tribunali civili Curiae Cardinalis Vicarii . *pag.* 457.
- CAMERÆ APOSTOLICÆ Procurator Generalis Joannes Philippus Advocatus Toppi , cum deferretur Papa in Sacellum Sixtinum pro cantandis Vesperis in pervigilio Festi SS. Apostolorum , coram eo interpellans protestatus est pro Parmensi & Placentino Ducatu Fiscis & ejusdem Camerae nomine . *pag.* 476.
- Camerae Apostolicæ Advocatus Fiscalis e Collegio Advocatorum Consistorialium sumendus . *pag.* 231.
- CAMERARIUS S. R. E. Cardinalis Annibal Albanus cum Clericis Camerae Apostolicæ & Cameralibus collegialiter unitis adstat , dum Procurator Generalis Camerae interpellans protestatur pro Parmensi & Placentino Ducatu . *pag.* 231.
- Vide *Instantia*.
- CAMPANA Turris Capitoline per horam integram assidue pulsata quatur , ut completæ quinque Beatorum Canonizationis signum omnibus innotescat . *pag.* 460.
- Campanæ substitutæ sunt Tubis argenteis veteris Testamenti , quæ adhibebantur ad congregandum Populum , dandumque professionis signum . *pag.* 481.
- Seculo octavo Ecclesiæ , Campanæ non æreæ , sed ligneæ erant ; unde : *Ligna sacra* : vocatæ . *ibid.* Vide *Æs Campanum* . *Tintinnabulum* .
- CANDELABRA SEPTEM inaurata cum candelis Arabicè pictis ante Crucem in Supplicationibus , Papa Officium peragente , & ad Evangelium latinum deferuntur . *pag.* 485. 522. Vide *Abacus* .
- CANDELARUM singulis Cœtibus ad Supplicationem distributarum pondus . Vide *Cerei*
- CANONICI trium Patriarchalium Urbis , qui munia Subdiaconi , Diaconi , & Presbyteri Assistentis in Cappellis Pontificiis obeunt inter Referendarios utriusque Signaturæ connumerantur ; & Rocchetto & Superpelliceo induti unacum eis incedunt in Supplicatione . *pag.* 484.

- Canonici Sacrario Vaticano Præfetti Jacobus Vittori & Joannes Franciscus de Abbatibus Oliverius unacum Cardinali Basilicæ Archipresbytero consuetum Presbyterium Papæ offerunt pro Missâ bene cantata . pag. 511.
- Canonici Collegiatarum sub Cruce Cleri Secularis incedunt in Supplicationibus . pag. 480.
- Canonici Collegiatae Insignis S. Mariæ in Cosmedin , vulgo *Bocca della Verità* Rochetto utuntur , & Papilionem , æreamque Campanulam præferunt ex Benedicti XIII. indulto . pag. 481.
- CANONIZANDORUM Vexilla , quo ritu & loco comportata in Supplicatione . pag. 481.
- CANONIZATIO Sanctorum a solo Militantis Ecclesiæ capite pendet . pag. 2.
- Absolvitur cum solemnî Benedictione . pag. 495.
- Non semel peracta sine Missæ solemnitate . *ibid.* aut eodem Sacro in sequentem diem translato ; nec semper operato per Summum Pontificem , vel ipso præsentem . *ibid.*
- Canonizationem sanctorum Vincentii a Paulo , Joannis Francisci Regis , Julianæ de Falconeriis , & Catharinæ Fliscæ Adurnæ , quo ritu peregerit Clemens XII. Pontifex octogenario major . pag. 495.
- De Canonizatione Sanctorum plura edidit volumina SS. D. N. pag. 3.
- Canonizationis solemnia non licet amplius celebrare extra Vaticanam Basilicam . Vide . *Constitutio* .
- Canonizationis habendæ diem declarat Papa . pag. 22.
- Canonizationis Postulatores commonentur , ne parcant sumptui , & additur ratio . pag. 21.
- Canonizationis Sententia pronuntiatur a Papa sedente , ex Cathedra ; stantibus omnibus . pag. 491.
- Canonizationis sequuntæ , Decretales literæ promittuntur a Papa , unico Verbo : *Decernimus* : prolato . pag. 493.
- Canonizationis Procurator . Vide *Cardinalis Portocarrero* .
- Cantores Capituli Vaticani , dum idem descendentem Pontificem suscipit , cantant Antiphonam : *Tu es Petrus* : laudem Romano Pontifice dignam . pag. 486.
- Cantores Cappellæ Pontificiæ reliquum hymni : *Ave Maris stella* : quem Papa præcinerat , modulantur in Supplicatione a Sacello Sixti IV. ad Vaticanam Basilicam . pag. 484.
- Canteribus Odeum destinatur in contignatione , quæ in transversum pronam vergebat ab Helenæ loculamento . pag. 461. 596.
- Cantores duo habentes ante se librum positum super ligneum scabellum , genuflexi in Theatri cavea Litanias Sanctorum cantant usque ad ultimum Versiculum : *Agnus Dei* . pag. 489.
- Hymnos : *Veni Creator Spiritus* : & *Te Deum laudamus* ; inchoatos a Papa , prosequuntur . pag. 490. & 493.
- CAPITA Sanctorum Apostolorum Petri & Pauli in alto pegmate instar Turris intra Templum Lateranense servantur , sub clavibus a diversis custoditis . pag. 8.
- CAPITULUM , & Canonici Basilicæ sancti Petri occurrunt Pontifici descendenti , in Porticu ante Fores Vaticani Templi . pag. 486.
- CAPPÆ peniculamento usque ad terram dimisso Cardinalis Paulutius accedit ad Papam , ut Titulum & Annulum ex ejus SS. manibus recipiat . pag. 47. Vide *Habitus* .
- CAPPELLA Papalis in gratiarum Actionem pro Electione Regis Romanorum Imperatoris futuri . pag. 23.
- CAPPELLA in Sixti IV. Sacello pro primis Vesperis Sanctorum Apostolorum . pag. 477.
- CAPPELLÆ infra octavam Apostolorum habendæ cum Missâ Pontificali adstantibus per dies singulos singulis Romanæ Curiae Prælatorum Ordinibus . pag. 465.

- In Basilica beati Pauli Apostoli Via Ostiensis . pag. 469.
 In Ecclesia sanctæ Pudentianæ . pag. 470.
 In Ecclesia S. Mariæ in Via-Lata . *ibid.*
 In Ecclesia S. Petri ad Vincula , seu Titulo Eudoxiæ . *ibid.*
 In Ecclesia S. Petri in Carcere . *ibid.*
 In Ecclesia S. Petri in Monte Aureo . pag. 471. & in Basilica Lateranensi . *ibid.*
 CARDINALIS Alexander Albanus Causæ beati Fidelis Relator in Congregatione generali Sacrorum Rituum coram Papa , Titulum Causæ, ommissa relatione perlegit . pag. 3.
 CARDINALIS PORTOCARRERO designatur a Papa Procurator ad postulandam Canonizationem quinque Sanctorum , & Nuncium ei mittitur per Cæremoniarum Præfectum . pag. 461.
 Ipso Canonizationis die sicuti Procurator in Sacello Sixtino tradit Papæ duos magnos Cereos , & alium minorem Arabicè pictos . pag. 483.
 In Basilica Vaticana stans ante Solii gradus tertio instat pro Canonizatione : Advocato Consistoriali ad ejus sinistram genuflexo, pro eo Sanctitatem Suam rogante . pag. 488. 489. 491.
 Post responsum ad singulas duas primas Instantias regreditur ad locum suum pristinum inter alios Cardinales . pag. 489. 490.
 Sinit post tertiæ Instantiæ responsum , & decretis a Papa literis Apostolicis super Canonizatione , ascendit Solium , osculatur manum , & genu Papæ , & ad locum suum revertitur , pag. 493.
 In unaquaque Oblatione sex parvos Cereos Arabicè pictos a Religiosis Patribus delatos Sanctitati Suæ offert ; consistens per id tempus in panitie Solii dextrorsum . pag. 509.
 CARDINALIS ANNIBAL ATBANUS S. R. E. Camerarius unacum Clericis Cameræ , & Cameralibus collegialiter unitis adstat interpellationi , & protestationi factæ coram Papa pro Parmensi & Placentino Ducatu . pag. 475.
 Uti Archipresbyter Vaticanæ Basilicæ simul cum Canonicis Sacratio Præfatis, Summo Pontifici consuetum offert Presbyterium pro Missa bene cantata . pag. 511.
 CARDINALIS Diaconus . Vide *Diaconus Cardinalis* .
 CARDINALI CAMILLO Paulutio in primo Consistorio Secreto presenti *clauditur os* a Papa . pag. 25.
 Ei deinde *os aperitur* . pag. 32.
 Et datur in Titulum Ecclesia SS. Joannis & Pauli . pag. 48.
 Imponitur Annulus Saphiro gemmatus . *ibid.* Vide *Absolutio . Formula* .
 Recepto Annulo & Titulo Cardinalis adhuc genuflexus osculatur pedem & manum Pontificis ; & erectus ad osculum oris excipitur . *ibid.*
 CARDINALIS FABRITII Paulutii ejus Patruï memoria commendatur . *ibid.*
 CARDINALES in Consistorio Secreto per Verbum *Placet* vel *non placet* sententiam suam produnt super Canonizatione Sanctorum . pag. 25. 34. 37. 40. 42. 45.
 CARDINALES ex Præpositis Congregationi Sacror. Rit. offerunt Papæ Oblationes in Missa Canonizationis . pag. 508.
 Quo ritu , & quibus Cæremoniis id peragant . *ibid.*
 Singulorum nomina , qui ad singulas Oblationes deferendas erant selecti . pag. 509. & 510.
 Admoniti per Schedulam , biduo ante mittunt Magistro Sacri Hospitii nomina inscripta duorum Familiarium suorum , quos ad ferendas Oblationes decreverant . pag. 464.
 CARDINALES Cappis rubris induti in die Octava festi SS. Apostolorum Petri & Pauli

- assistent Missæ Pontificali in Basilica Lateranensi . *pag.* 457.
- CARDINALATUS dignitatem respuit Lazarus Archiepiscopus Thebarum . Vide *Pallavicini* .
- CARDINALIUM accessus ad Lateranum pro Indulgentia . *pag.* 454.
- Idem ad Vaticanam Basilicam . *pag.* 455.
- Assistentia Missæ privatæ Summi Pontificis . *pag.* 454. & 455.
- Accessus alius ad Ecclesiam Sanctæ Mariæ supra Minervam . *pag.* 456.
- CARDINALIUM Insignia . Vide *Annulus* . *Diaconia* . *Insignia* . *Titulus* .
- Cardinalium numerum præfinit Sixtus Papa V. *pag.* 48.
- Cardinalium Ceremoniæ , dum Obedientiam Summo Pontifici exhibent in die Canonizationis . *pag.* 437.
- CARDINALIUM Suffragia in Consistorio Semipublico , pro Canonizatione beati Fidelis a Sigmaringa . *pag.* 153. 189.
- Beati Camilli de Lellis . *pag.* 240. 279.
- Beati Petri Regalati . *pag.* 291. 333.
- Beati Josephi a Leonissa . *pag.* 345. 389.
- Beatæ Catharinæ de Ricciis . *pag.* 400. 444.
- CARDINALIBUS dumtaxat facultas est alloquendi Pontificem in Consistoriis Secretis . *pag.* 25.
- Cardinalibus *os claudere* , & *aperire* quid significet ? *ibid.* Vide *Os claudere* .
- CASTEM GANDULPHI petit Papa, & quid ibi agat pro futura Canonizatione . *pag.* 99.
- Finitimorum Populorum ad illud concursus pro Indulgentia . *ibid.*
- CATAPHRACTI Milites , quo loco , ordine , & tempore in acie instructi ipso Canonizationis die . *pag.* 460.
- CENSUS . Vide *Vestigal* .
- CEREI GRANDES Arabicè pisti nullo adstante ex Principibus Solii , quorum alicui concedit Papa , ut illos ante se deferat accensos , nemini dantur . *pag.* 484.
- Cereorum diversum pondus pro uniuscujusque cætus , aut personæ dignitate in supplicatione deferendorum . *pag.* 479.
- Cereorum distribuendorum onus quibus impositum . *pag.* *ibid.*
- Cereorum intra Basilicam Vaticanam ipso Canonizationis die ardentium numerus . *pag.* 522.
- Cereos accensos deferunt omnes in supplicatione , nec extinguunt nisi sine imposito integræ Actioni Canonizationis . *pag.* 495.
- Cereus parvus , quem Pontifex in Sella sublimi delatus sinistra sustinuerat ; in Petri Cathedra Sedente servandus usque ad finem Actus Canonizationis accensus traditur Paulo Zani Sanctitatis suæ Pincernæ . *pag.* 487.
- Vide *Cardinalis Portocarrero* . *Obatio* .
- CLERICI Cappellæ Pontificiæ parant , incendunt , & accensas servare tenentur lampades cereas , quas in Pontificio Sacello die noctuque ardere voluit Paulus Papa IV. *pag.* 206.
- CLERICI Cerroferarii ejusdem Cappellæ Laternas argenteas gestant ad latera Baldacchini in supplicatione SS. Sacramenti . *pag.* 204. 212.
- Clerici duo ferulas seu oblongas virgas inter florum manipulos gestant , ut præsignent Pœnitentiarios subsequentes in supplicatione . *pag.* 485.
- COADJUTORES In Collegio Advocatorum Consistorialium quod ad Antianitatis locum attinet . *pag.* 219. Quod ad Orationes per ipsos habendas in Consistoriis publicis . *pag.* 222. Exclusi a petitione Pallii , quomodo intelligantur . *pag.* 224. Gaudent privilegio Oratorii in propria Domo ad unam Missam pro unoquoque die celebrandam . *pag.* 232.

COLORE Rubro , etſi tempore Adventus , utuntur Cardinales per integram diem in Veſtibus , & Cappis dum Cappellæ pro Electione Regis Romanorum aſſiſtunt .
pag. 23.

Coloris rubri Cappas item induunt in Octava die Apoſtolorum adſtantes Cappellæ in Baſilica Lateranenſi . *pag. 467.*

Color in Veſtibus qualis indiſtus Cardinalibus in diebus Jejuniorum Indulgentiæ adimplendæ cauſa . *pag. 189.* Vide . *Habitus .*

COLLECTA De Spiritu Sancto in fine hymni *Veni creator* : a Summo Pontifice decantata . *pag. 490.*

Collecta feſtiva Sanctorum Apoſtolorum in fine Horæ Tertiæ Canonice . *pag. 405.*

Collecta , Secreta & Poſtcommunio de Sanctis Canonizatis , Orationibus Miſſæ ſub una concluſione conjunctæ . *497.*

COLLEGIATA S. Mariæ in Coſmedin Papilionem , & æream Campanulam ante-Crucem fert ex Indulto Benediſti XIII. *pag. 481.*

S. Mariæ Tranſtyberim & S. Laurentii in Damaso unâ incedunt juxta pactam inter ſe quotannis præcedendi alternationem . *ibid.*

COLLEGIUM CLEMENTINUM . Vide *locus .*

Collegium Advocatorum Conſiſtorialium prærogativis & gratiis decoratum . Vide *Advocatus . Benediſtus XIV. Conſtitutio .*

Columnenſium Familiæ locus in Theatri contignationibus *pag. 461. 596.* De eadem *Familia .*

Fabritius Magnus Comeſtabilis Orator extra Ordinem Regis utriuſque Siciliæ . *pag. 476. & ſeq.*

Idem ut Princeps Solii Conſiſtorii publicis , & Cappellis Papalibus intervenit , *pag. 53. 84. & pag. 25.*

Hieronymus S. Angeli in Foro Piſcium Diaconus Cardinalis Apoſtolicis Palatiis Pro-Præſectus . *pag. 461.*

Marcus Antonius Protonotarius de numero Participantium , Hieronymi Cardinalis Patru loco , dum tali ſe munere abdicavit , designatus Palatii Apoſtolicæ Præſectus . *pag. 203.* Vide . *Præſectus Palatii .*

COMESTABILIS . Vide *ſupra .*

COMMISSARIUS Armorum Melchior Maggus Cameræ Apoſtolicæ Clericus quid pro ſuo munere in die Canonizationis ? *pag. 460.*

Triduo ante admonitus luſtravit unacum aliis loca in Theatro & extra illud Peditum Copiis munienda . *pag. 461.*

COMMISSARIATUS CONCLAVIS Munus non concedendum niſi alicui ex Collegio Advocatorum Conſiſtorialium *pag. 231.*

COMMISSARIO & Procuratori Fiſcali Cameræ Apoſtolicæ locus in Supplicatione aſſignatus poſt Scutiſeros . *pag. 484.*

COMPENDIA Aſtorum , Vitæ & Miraculorum , Beatorum qui adſcribendi Sanctis ſunt , Promotor Fidei tranſmittit Cardinalibus & Epiſcopis . *pag. 100.*

Compendium Vitæ & Aſtorum in Cauſa beati Fidelis a Sigmaringa . *pag. 101.*

B. Camilli de Lellis . *pag. 111.*

B. Petri Regalati . *pag. 121.*

B. Joſephi a Leonilla . *pag. 131.*

B. Catharinæ de Ricciis . *pag. 140.*

CONCILIIUM Romanum anno 1725. in Lateranenſi Baſilica celebratum . *pag. 485.*

Quid ſtatuat in Proceſſionibus SS. Sacramenti ſervandum . *pag. 205.*

CONFESSIONIS Formulæ addita novorum Sanctorum Nomina . *pag. 494.*

Eam , expleto Canonizationis Aſtu , cantat Cardinalis Diaconus in Miſſæ Sacrificio miniſtraturus . *pag. ibid.*

- Alteram sine novorum Sanctorum nominibus idem Cardinalis cecinit post homiliam a Papa recitatam . *pag.* 503.
- CONFRATERNITATES Laicorum pro Vexillorum hastis deferendis in supplicatione habenda ipso Canonizationis die . *pag.* 482.
- Confraternitates Laicorum a Cardinali Urbis Vicario eligendæ visitant intra SS. Apostolorum Octavam Ecclesiam , ubi Cappellam mane habuit designatorum Prælatorum Collegium . *pag.* 467. 461. 474. & 475.
- Confraternitati , seu Congregationi , ut vocant , *Doctrinæ Christianæ* permutatur Ecclesia in augustiorem , & ad Ministros alendos census augetur . *pag.* 14. Vide. *Edictum* .
- CONGREGATIO Sacrorum Rituum coram Papa super dubio : An tutò procedi posset ad solemnem B. Fidelis a Sigmaringa Canonizationem . *pag.* 3.
- Altera pro Beata Catharina de Ricciis . *pag.* 6. & Beato Petro Regalato . *pag.* 5.
- Alia pro Beatis Camillo de Lellis & Josepho a Leonissa . *pag.* 15.
- CONGREGATIONES sive Conventus . Vide . *Conventus* .
- CONSERVATORES Urbis Consistoriis publicis interfunt . *pag.* 53. 84.
- Una cum Senatore , & solemniori quo possunt comitatu , Capita Apostolorum in Basilica Lateranensi die post eorum Festum octava visitare debent . *pag.* 467. 471.
- Unam ex Clavibus , quibus Grates ferreæ referantur , quæ eadem Apostolorum Capita occludunt in pegmate , apud se custodiunt . *pag.* 8.
- Conservatores Urbis qui Canonizationi interfuerunt , quibus ex Familiis essent . *pag.* 482.
- Conservatorum Senior , quoniam nullus aderat ex Principibus Solii , sublevat inter incedendum utriusque Pontificiæ Vestis oblongum Syrna . *pag.* 483.
- CONSISTORIUM SECRETUM Pro futura Canonizatione . *pag.* 24.
- CONSISTORIUM PUBLICUM , in quo Orationes Consistorialium Advocatorum habitæ & Postulata Regum & Principum prolata pro Canonizatione beatorum Fidelis a Sigmaringa , Camilli de Lellis & Petri Regalati . *pag.* 54.
- Alterum pro beatis Josepho a Leonissa , & Catharina de Ricciis . *pag.* 84.
- CONSISTORIUM SEMIPUBLICUM Pro exquirendis excipiendisque suffragiis Cardinalium & Episcoporum super Canonizatione beati Fidelis . *pag.* 150.
- Secundum Consistorium semipublicum super Canonizatione beati Camilli . *pag.* 237.
- Aliud simile pro beato Petro . *pag.* 288.
- Quartum simile super Canonizatione beati Josephi . *pag.* 341.
- Quintum pro beata Catharina indicitur . *pag.* 398.
- Secretum ante illud habetur . *pag.* 399.
- CONSISTORIA SEMIPUBLICA Januis clausis celebrantur . *pag.* 151. 341.
- Sero Advenientibus negatur Introitus in Consistorium , Pontificis Jussu . *pag.* 151.
- & *pag.* 399.
- Quibus Personis locus in Consistoriis semipublicis concedatur . *pag.* 150.
- In Consistoriis semipublicis ex speciali gratia Summi Pontificis adfunt Livizzani a Supplicibus Libellis , & Malvezzi Apostolico Cubiculo Præfectus . *pag.* 151.
- In Consistoriis semipublicis Methodus servanda . *pag.* 100.
- CONSTITUTIO SS. D. N. super Canonizationis Sollemniis in Basilica Vaticana celebrandis . *pag.* 18.
- Alia , qua providit ut Processio die Fæsto Corporis Christi , ut Sede plena , ita Apostolica Sede Vacante ab utroque Clero unica habeatur apud Vaticanum . *pag.* 207.
- Constitutio altera , Privilegia Advocatorum Consistorialium Collegio concessa complectens . *pag.* 215.
- Constitutio , Festum diem SS. Apostolorum Petri & Pauli ad octiduum solemniori ,
quo

quo antea , cultu celebrandum , præcipiens . *pag.* 467. Vide *Literæ Decretales. Decretum* .

CONSULTORES Congregationis Sacrorum Rituum quotidiano ipsorum habitu vel Prælatitio qui Prælati , vel proprii Instituti , si Regulares , vel muneribus proprio , si qui peculiari aliquo uterentur indumento , supplicationem ipso Canonizationis die comitantur , Beatorum Vexilla præcedentes . *pag.* 464. Bini & bini juxta admissionis tempus Regulares , omni Sociorum comitatu excluso ; Reliqui juxta dignitatis gradum procedunt . *pag.* 481. & 464.

Consultorum locus in Theatro . *pag.* 593. Vide . *Ichthyographiam Theatri* .

CONTIGNATIONES Ligneis cratibus munitæ . *pag.* 595. interpositis repagulis separatae , & quibus Personis distributæ . *pag.* 461. 595.

CONTROVERSA inter Prælatos Votantes in Signatura Justitiæ , & Gratia exorta super præcedentia dirimitur SS. D. N. Decreto . *pag.* 465.

CONVENTUS Postulantium Canonizationem habetur primum semel in hebdomada , deinde singulis quindecim diebus super expensis & rebus parandis , apud Magistrum Generalem Ordinis Prædicatorum . *pag.* 22.

CONVENTUS certarum Personarum Cardinalis Pro-Præfetti Domus Pontificiæ jussu , & Præfectura , triduo ante Canonizationis Sollemnia , ad lustrandum , an omnia bene provisæ essent , & ad loca in Vaticana Basilica Theatricali ambitu designanda . *pag.* 461. Vide . *Cursus Apostolici* .

CONVICTORES Seminarii Romani , & Collegii Clementini locum intra repagula , ita mandante Pontifice , seorsim ab aliis obtinent . *pag.* 462.

CRUX nulla peculiaris , sub qua tota Supplicatio incedat , sed propria a singulis utriusque Cleri cætibz in Processione Corporis Christi , Apostolica Sede Vacante apud Vaticanum de more celebranda , elevatur . *pag.* 209.

CRUX Pontificia , Papa Sacris operante , deferitur inter septem Candelabra ab ultimo Auditore Rotæ Subdiacono Apostolico Sacris Vestibus induto . *pag.* 485.

Crucem ante Papam in Basilica Lateranensi attollit idem Sacræ Rotæ Auditor Rocchetto , & Mantelletto amictus . *pag.* 455.

Crucem ipsam a lateribus custodiunt Magistri Ostiarii *de Virga rubea* nuncupati . *pag.* 455. 485.

CRUCEM habet Pontifex ante se , dum Populo sollemniter benedicit . *pag.* 494.

CRUCE præcedente , ab Auditore Cappa induto delata , progreditur Papa ad Consistoria semipublica , *pag.* 151. 341. & ad Publica iturus evehitur in Sellari compositus Cardinalibus & Cruce de more præeuntibus . *pag.* 81. 84.

CRUCIS Signum supra Cardinales & alios producit Papa , dum ingreditur Aulam Consistorii . *pag.* 341. & *alibi* .

CUBICULARII Duo ex intimis , Vestimentorum Pontificis posteriores fimbrias elevant dum in Consistoria semipublica procedit Papa . *pag.* 151. Sustollunt erecta duo Pavonica Flabella ab una & altera Sedis parte , dum Pontifex Tiara redimitus altè portatur . *pag.* 486. Medium inter se habentes Marium Mellini Sacræ Rotæ Auditorii Decanum ad suscipiendam Sux Sanctitatis Mitram destinatum , Papam in sublimi delatum immediate sequuntur . *ibid.*

CUBICULARII Extra Cameram ex novo Pontificis indulto supra laxam togam coloris rubri induunt modò Capitiū circa collum aptatum , & æque per humeros fluens . *pag.* 484.

CUBICULARII tam extra Cameram , quàm Honorarii & Intimi quem habeant locum in Supplicationibus . *pag.* 204. 484. quem in Theatro Canonizationis occupent . Vide *Ichthyographiam Theatri* .

CURSORES Apostolici Cardinales , aliosque omnes qui Consistorio vel publico vel semi-

- semipublico interesse debent, vel locum habent in Cappell. Pontificiis, de loco, die, & hora Conventus celebrandi admonent, Domi quæque relicta scheda. *pag.* 23. 25. 52. 83. 150. 236. 288. 341. 398. 462.
- Schedulam *Motus proprii* summi Pontificis manu obfirmatam, de ordine in Processione SS. Sacramenti servando prout Sede plena fieri solet, ante initium ejusdem Supplicationis, etiam Apostolica Sede vacante, legere & recitare tenentur. *pag.* 212.
- Cariores Cardinalis Vicarii. & Servientes Armorum cum suis Maziis Processionem SS. Sacramenti custodiunt. *pag.* 213.
- CURRUS ab Equilis Præfesto Marchione Pyrrho Vasè Pietramelara: Cibaria e penu Apostolica, Pontificis jussu suppeditantur quotidie nonnullis ex orientali Regione huc appulsis Episcopis. *pag.* 150.
- Currus quatuor sejuges, alios bijuges Legatus extraordinarius Regis utriusque Siciliæ secum habet in suo accessu ad Vaticanum. *pag.* 477.
- CUSTODIAS utraque tam Sacramenti, quam Olearum Sanctorum diligenter inspicit Papa in actu Sacræ Visitationis Lateranensis Basilicæ. *pag.* 8.
- Custodiæ Helvetiæ Dux Eques Ludovicus Phisser, quid pro suo munere gerat in ipso Canonizationis die. *pag.* 460. Triduo ante una cum aliis interest lustrationi Theatri. *pag.* 461. Equitat, quatuor peditibus stipatus famulis, cum Legato Regis utriusque Siciliæ. *pag.* 477.
- CUSTOS Oblationum a Cæremoniis Apostolicarum Præfesto destinatur. *pag.* 508.

D

- D**ECANATUS in Advocatorum Consistorialium Collegio neque a Junioribus aut Coadjutoribus, neque a Senioribus ab Urbe absentibus, neque ab Episcopis, aut Prælatibus obtinetur. *pag.* 219.
- DECANUS Auditorii Sacræ Rotæ ad suscipiendam Mitram Summi Pontificis utitur lineâ vittâ e collo pendente. *pag.* 486.
- DECERNIMUS respondet Papa Advocato Consistoriali Decretales literas deposcenti super Canonizatione Sanctorum. *pag.* 493.
- DECLAMATIONES profanæ a Consistoriis sublata, Urbani VIII. Decreto. *pag.* 222.
- DECRETUM Canonizationis beati Fidelis a Sigmaringa publicat Papa in Cœnobio Capuccinorum. *pag.* 4.
- Signa lætitiæ edita hac de causa in earum Ecclesia. *pag.* 5.
- Decretum Canonizationis beati Petri Regalati. *pag.* 5. & beatæ Catharinæ de Ricciis edit Papa in Choro Carthusianorum die Festo S. Brunonis. *pag.* 6.
- Decretum super Miraculis beati Camilli de Lellis. *pag.* 10.
- Decretum super Miraculis beati Josephi a Leonissa. *pag.* 11.
- Decretum Canonizationis beati Camilli de Lellis. *pag.* 15.
- Decretum Canonizationis beati Josephi a Leonissa. *pag.* 16.
- Decretum quo cavetur, ut Cardinales qui ante Cardinalatum alicui Ecclesiæ in partibus Infidelium erant præpositi, in receptione Annuli & Tituli a Vinculo præfatæ Ecclesiæ per Pontificem absolvantur. *pag.* 51.
- Decretum sive Statutum quo præscribitur Ordo præcedentiæ inter Votantes Signaturæ Justitiæ & Gratiæ. *pag.* 465.
- Decretum sive Sententia Canonizationis beatorum Fidelis a Sigmaringa, Camilli de Lellis, Petri Regalati, Josephi a Leonissa & Catharinæ de Ricciis. *pag.* 492.
- DECRETALES LITERÆ. Vide *Literæ*.
- DESCRIPTIO Aulæ ad Consistoria semipublica habenda. *pag.* 159.
- DELINEATIO. Vide *Ichthyographia*.

DENUNCIATIO. Vide . *Intimatio* .

DIACONIA Cardinalibus olim assignata quæ ? *pag.* 47.

In Diaconia assignatione nulla fit mentio *Tituli* ; licet hodie & ipsa Diaconia sit Ecclesia . *pag.* 48. Vide *Titulus* .

DIACONI Cardinales instituti ut præessent uni Urbis Regioni ad Eleemosynas Pauperibus distribuendas . *pag.* 47. Curam Animarum non habebant , sed tantum administrationem bonorum . *pag.* 48.

Diaconi Cardinales sunt numero quatuordecim . *pag.* *ibid.*

Diaconi Cardinales Assistentes Pontifici in Consistoriis Publicis , postquam omnes ad manus ejus osculum accesserint , discedunt confessuri inter alios proprii Ordinis . *pag.* 54.

Soli Diaconi Assistentes comitati sunt Pontificem a Consistorio publico recedentem . *pag.* 81.

Diaconi Cardinales duo Seniores , expeditis Consistorialibus Rebus in Consistorio Secreto , assistunt Pontifici tradenti Annulum & Titulum Cardinali Paulutio . *pag.* 47.

Diaconi Cardinales Sacrorum Rituum Congregationi præpositi Doliola duo pro vino scilicet & aqua ad Sacrificium , offerunt Summo Pontifici in unaquaque Oblatione . *pag.* 509.

Diaconi duo novissimi Sac. Rituum Congregationi non adscripti , primis in Assistentiæ munere substituuntur ; quia erant hi Oblationes summo Pontifici exhibituri . *pag.* 508.

Diaconorum Cardinalium ultimus inter præsentis Consistorio secreto tintinnabuli pulsu evocat Cæremoniaris . *pag.* 47.

Diaconorum Cardinalium Prior cum baculo in signum jurisdictionis assidet una cum Gubernatore , & Pontificiæ Domui Præfecto apud Portam Palatii pro directione Supplicationis . *pag.* 204.

Diaconorum Cardinalium Assistentium Ministerio utitur Papa , in sumendis Paramentis . *pag.* 150.

Diaconus Cardinalis Carolus Maria Sacripantes , qui Evangelium erat cantaturus in Missa , in Supplicatione procedit immediate ante Pontificem medius inter Diaconos Cardinales Assistentes . *pag.* 485.

Post præstitum Obedientiæ obsequium sedet in supremo gradu Altaris e quo digressus , absoluta Oratione de novellis Sanctis a Papa decantata , conscendit in aream Throni Pontificii , & canit *Confessionem* addendo novorum Sanctorum nomina post illa Sanctorum Apostolorum . *pag.* 494.

Expleto horæ tertiæ cantu Papam induit Vestibus ad Sacrificium celebrandum paratis . *pag.* 495.

Post homiliam canit iterum *Confessionem* . *pag.* 508.

Diaconus Cardinalis a dextris Assistens Versiculum *Orate pro nobis Sancti Fidelis , Camille , Petre , Joseph & Catharina* dixit , postquam Cantores musici hymnum *Te Deum laudamus* compleverant . *pag.* 493.

DIES pro solemnî Canonizatione Sanctorum indicitur , Festus SS. Apostolorum Petri & Pauli . *pag.* 21. 22. 438.

Dies 17. Augusti universæ christianæ Reipublicæ felix ob Creationem SS. D. N. Benedicti PP. XIV. *pag.* 15. Electus a Sanctitate Sua pro publicatione Decretorum super Canonizatione beatorum Camilli de Lellis & Josephi a Leonissa . *pag.* 15. & 16.

DOCTORES in utroque seu alterutro jure creandi facultas in Romana Curia & Urbe est penes Advocatorum Consistorialium Collegium . *pag.* 225.

Do-

- DOCTORES sex quolibet anno Protonotarii de numero Participantium , eorumque Collegium creare possunt . *pag.* 228.
- DOCTORATUS laurea quibus in muneribus requiratur . *pag.* 230.
 Illam conferendi jus quibus Universitatibus reservatum . *pag.* 230.
- DOLIOLA duo alterum auro , alterum argento illita , pro Oblatione offerunt Diaconi Cardinales in Sacram Rituum Congregationem adlecti . *pag.* 509.
- DOMINICUS CAPPELLI Apostolicarum Cæremoniarum Magister . Vide *Acta* .
- DONARIA plurima mittit Papa Metropolitane Bononiensi . *pag.* 53.
- DUX EBORACENSIS . Vide *Ren* .
- DUX GUADANEOLI Magister Sacri Hospitii præbet aquam manibus Papæ ad primam lotionem . *pag.* 496. Vide *Magister Sacri Hospitii* .
- DUX GENERALIS Copiarum Pontificiarum Ludovicus Manfroni triduo ante Canonizationem unacum aliis Basilicam , & loca custodienda perlustrat . *pag.* 461.
 Vide *Instructio* .

E.

- E**CCLESIA Militans Triumphantis æmulatrix . *pag.* 1.
- Ecclesia , prout sanctitatem & signa de Cælo animadvertit , Servorum Dei cultum & venerationem adauget in terra . *pag.* 2.
- Ecclesia Archigymnasii Urbis ab Advocato Consistoriali illius Gymnasii Rectore gubernatur . *pag.* 224.
- Ecclesia S. Mariæ supra Minervam substituta Basilicæ Liberianæ invisitur pro affecutione Indulgentiæ . *pag.* 202. 456.
- Ecclesia S. Pudentianæ , olim Domus Sancti Pudentis Senatoris ; primum Principis Apostolorum hospitium in Urbe . *pag.* 470.
- Ecclesia S. Mariæ in Via-lata Doctoris Gentium in suo ad Urbem adventu primum diverforium . *pag.* *ibid.*
- Ecclesia S. Petri Titulo Eudoxiæ fertur esse prima ab Apostolorum Principe Deo Romæ dicata . *ibid.* In ea Sacra ejusdem Apostoli vincula servantur ; unde nomen accepit Sancti Petri ad Vincula . *ibid.*
- Ecclesia Sancti Petri in Carcere , ubi in arctissima Custodia detenti fuere beati Apostoli Petrus . & Paulus . *pag.* *ibid.*
- Ecclesia Sancti Petri in Monte Aureo traditur ab aliquibus esse locus , ubi Cruci affixus martyrismum consummavit Apostolorum Princeps *pag.* 471. Vide *Cappella* .
- Ecclesiarum omnium caput Vaticana Basilica . *pag.* 585.
- Ecclesias in partibus Infidelium existentes vacare per Promotionem ad Cardinalatum eorum , qui iis præfati erant , nulla est dubitatio . *pag.* 51.
- Ecclesia cui Presbyter Cardinalis præficitur , *Titulus* vocatur . *pag.* 47. Vide *Titulus* .
- Ecclesiæ dantur Cardinalibus in Titulum , ut eas suo præsidio , cura , & tutela protegant atque defendant . *pag.* 48.
- Ecclesiæ in quibus qualibet die infra Octavam Apostolorum ab aliquo Prælatorum Collegio habetur Cappella cum Missa Pontificali , aliqua Apostolorum memoria vel prærogativa sunt insignitæ . *pag.* 459.
- EDICTUM Cardinalis Urbis Vicarii denuncians peculiaries Indulgentias iis concessas qui interfunt Supplicationi Litaniarum *Majorum* , & *Minorum* . *pag.* 83.
- Edictum aliud Jejuniorum dies , & Basilicarum Visitationem designans pro affecutione Indulgentiæ Plenariæ . *pag.* 188.
- Alterum cum simili plenaria Indulgentia ab iis acquirenda , qui adsint Canonizationi Sanctorum . *pag.* 457.

- EDICTUM** quo utrique Clero Seculari & Regulari, Capitulis Patriarchalium Urbis & Collegiatis mandatur, ut Supplicationi agendæ ipso die Canonizationis interfint. *pag. 458.* Aliud omnibus Urbis Ecclesiis pro Campanarum pulsu per integram horam, in lætitiæ signum ob peractam Quinque Beatorum Canonizationem. *pag. 459.*
- EDICTUM** quo selectis quibusdam Confraternitatibus Laicorum injungitur Visitatio Ecclesiæ, ubi mane habita est Cappella, infra octavam SS. Apostolorum. *p. 473.*
- EFFIGIES.** Vide *Tabula.*
- EPHIGRAPHÆ** & Elogia sub Tabulis instar numismatum intra Basilicam Vaticanam dispositis ad ornatum Canonizationis suum habent Auctorem Michaellem Angelum Giacomelli ab intimo Sacello Sanctitatis Suæ. *pag. 588.*
- EPISCOPI** intra centesimum ab Urbe lapidem Romam acciti Literis Secretarii Sac. Cong. Concilii, ut interfint Canonizationi. *pag. 23.*
- EPISCOPI** e remotioribus terris hac de causa Romam advenientes, debitæ Sacrorum Liminum Visitationi unâ satisfaciunt; ita indulgente Papa. *pag. 24.*
- Episcopi etiam si sacris Vestibus ornati Obedientiam præstant Summo Pontifici genuflexi, ejus dexterum genu exosculantes. *pag. 487.*
- Episcopos Orientales Romam appulso Summi Pontificis munificentia pluribus adjuvat. *pag. 150.*
- Episcopi Orientales suæ Nationis & Ritus sacro induti tegumento Supplicationibus, & Pontificiis Cappellis interfunt. *pag. 485.*
- Episcopi Orientales in Consistoriis semipublicis Sententiam suam patrio primùm sermone, deinde latino proferunt. *pag. 186. 331. 386. 415. 430. 442. & alibi.*
- Episcopi e Campania evocati equitant cum Legato Regis utriusque Siciliæ cum adpendendum Vestigal Regio nomine in pervigilio Festi Sanctorum Apostolorum progreditur. *pag. 477.*
- Episcopis in Urbe præsentibus transmittit Promotor Fidei Compendia Vitæ, Virtutum, & Miraculorum, nec non Actorum in Causis Quinque Beatorum. *p. 100.*
- Methodum quoque ab ipsis servandam in Consistoriis semipublicis. *ibid.*
- Episcoporum suffragia in primo Consistorio semipublico. *pag. 163. 195.*
- Episcoporum suffragia in secundo Consistorio semipublico. *pag. 250. 284.*
- Episcoporum suffragia in tertio Consistorio semipublico. *pag. 302. 338.*
- Episcoporum suffragia in quarto Consistorio semipublico. *pag. 357. 393.*
- Episcoporum suffragia in quinto Consistorio semipublico. *pag. 413. 448.*
- Episcoporum quisque Sententiam suam scriptam & subscriptam tradit Magistro Cæremoniarum. *pag. 100.*
- Episcoporum non exiguus numerus in Supplicatione die Festo Corporis Christi. *pag. 204.*
- Episcopus contrahit spirituale conjugium cum Ecclesia cui præficitur, etiam si in partibus Infidelium illa existat. *pag. 51.*
- Episcopus qui & Advocatus Consistorialis sit, Officium Decanatus in Advocatorum Collegio optare non potest. *pag. 219.*
- EQUITATIO** Præfeti Apostolicis Palatiis in pervigilio solemnitate Corporis Christi ad circumeundas vias, per quas Supplicationis iter est & dirigitur ipso die festo. *pag. 203.*
- EQUITATIO** Oratoris extra Ordinem a Rege utriusque Siciliæ renunciati ut debitum Summo Pontifici præsentat Vestigal in pervigilio Festi SS. Apostolorum. *p. 477.*
- EQUUS ALBUS** cum certa pecuniæ vi solvitur pro Vestigali Regni utriusque Siciliæ in Sanctorum Apostolorum pervigilio. *pag. 476.*
- In festo Nativitatis Beatæ Mariæ Virginis aliquando præsentatus. *pag. ibid.*

Receptus in Aula Regia Vaticani Palatii a Papa . pag. 476. Status tamen dies non servatur, nec locus; sialiter ferat conditio temporum, & Pontificis voluntas . *ibid.*

EUDOXIÆ Titulus . Vide *Ecclesia* .

EXAMEN in Concurfu faciendo pro Electione Lectoris ad vacantem Cathedram in Romano Archigymnasio, fieri debet coram Cardinali S. R. E. Camerario, Universitatis illius Cancellario, adstantibus collegialiter unitis Advocatis Consistorialibus . pag. 224.

F.

FACIES exterioris Vaticani Templi ornatus . pag. 585.

FALDA Vestis Pontificia . pag. 483.

FAMILIARES Nobiles duos quilibet Cardinalis ex Præpositis Congregationi Sac. Rit. eligit pro portandis Oblationibus ad Missam Canonizationis . pag. 464.

Familiares ad præfatas Oblationes deferendas designati syngrapham accipiunt a Magistro Sacri Hospitii pro faciliiori ingressu in Theatrum Canonizationis . pag. 460.

FAMILIARES Pontificis appellantur in Testes a Protonotariis in Rogitu Instrumentorum . pag. 184. 275. 328. 384. 493.

FERDINANDUS Maria de Rubeis Archiepiscopus Tarfi Vicegerens Urbis, laudatur . pag. 481.

FESTUM Corporis Christi ab Urbano IV. institutum . pag. 205.

Festi hujus ampliatus cultus . *ibid.* Vide *Supplicatio. Vesperæ* .

FESTUM SS. Apostolorum Petri & Pauli incrementum accipit a SS. D. N. pag. 464.

Ad Obsidium protrahitur cum Missa Pontificali unoquoque die celebranda in designata Ecclesia, adstante uno ex Collegiis Prælatorum Romanæ Curie . pag. 465.

Vide *Constitutio. Cappella. Confraternitas* .

FESTI IGNES, & faces in viis & fenestris Urbis per triduum . pag. 478.

FESTI IGNES & luminaria in Electione Regis Romanorum . pag. 23.

FISCALIS Procurator Camera Apostolicæ instat in Consistoriis semipublicis apud Protonotarios ut Instrumentum de iis quæ in eisdem Consistoriis facta sunt, conficiant . pag. 183. 274. 328.

Idem pro Parmensi & Placentino Ducatu interpellans protestatur in pervigilio Festi SS. Apostolorum Petri & Pauli . pag. 476.

FISCALI Fori Capitolini intimatur ut Tympanistas & Tubicines Senatus Populique Romani mittat cum suis tubis & tympanis ad Basilicam Vaticanam primo diluculo diei festi SS. Apostolorum ad dandum signum peractæ Canonizationis clangore Tubarum, & tympanorum pulsû . pag. 460.

Committitur insuper, ut mandet quati ÆScampanum Tarris Capitoline per integram horam, postquam primò auditus fuerit Bombardarum strepitus in Complementum celebratæ Quinque Beatorum Canonizationis . pag. 460.

FIGURÆ, seu Imagines Virtutum in loculamentis Vaticani Templi, & super Columnarum Epistylia locatæ . pag. 590. 591.

FIGURÆ in Tabulis instar numismatum Canonizandorum Miracula præferentibus expressæ . pag. 588. & seq.

FLABELLA Pavonica sublata a Cubiculariis intimis hinc inde ad latera Papæ Sede gestatoria delati . pag. 486.

FORMULA qua Os clauditur, & aperitur novis Cardinalibus . pag. 49.

FORMULA, qua nunc utitur Papa in traditione Tituli novo Cardinali . pag. 48.

FORMULA, qua Procurator Generalis Camera & Fisci rogat Protonotarios ut Instrumenta conficiant . pag. 183. 274. 328.

FOR-

- FORMULA Instantiæ pro Canonizatione ab Advocato Consistoriali factæ nomine Cardinalis Procuratoris . *pag.* 488. 489. 491. FOR-
- FORMULA Sententiæ a Papa prolatae in Canonizatione Quinque Sanctorum . *pag.* 492.
- FORMULA qua Advocatus Consistorialis nomine Cardinalis Procuratoris acceptat Sententiam Canonizationis : Summo Pontifici gratias agit : postulat literas Apostolicas : & Protonotarios præsentēs rogat, ut Instrumenta super his conficiant. *p.* 493.
- FORMULA Confessionis a Cardinali cantatæ in die Canonizationis . *pag.* 494.
- FORMULA generalis Absolutionis Populo impartitæ a Papa ipso Canonizationis die . *pag.* 494.
- FORMULA promulgationis Indulgentiarum per Episcopum Cardinalem Assistentem post Honiliam a SS. D. N. habitam ipso Canonizationis die . *pag.* 508.
- Formula Intimationum . Vide *Intimatio* .
- FRANCISCUS Maria Phœbens Archiepiscopus Tarfi , & Cæremoniarum Apostolicarum Præfectus eruditissima dissertatione testatur , sollemnia Canonizationis olim sine Missæ Sacrificio fuisse celebrata . *pag.* 495.
- FUNALIA , ardentes Faces , sive Intortitia in Supplicatione Corporis Christi deferunt Obtinentes Officium vacabile, vel aliquod munus exercentes in Cancellaria, Camera, vel Pœnitentiaria Apostolica . *pag.* 203. & *seq.*
- FUNALIA duodecim a totidem Officialibus Virgæ rubæe comportanda a lateribus Baldacchini in eadem Supplicatione , Vacante Apostolica Sede . *pag.* 213.
- FUNDATORES Ordinum Regularium in Albo Sanctorum relati enumerantur . *pag.* 238. 239.
- FUNES sericos a superiori Vexillorum transversa hasta pendentes quatuor Regulares , de cujus Familia erat Beatus , quotidiano proprii Instituti habitu non immutato sustinebant . *pag.* 482.

G.

- G**ALERUS rubrus dignitatis Cardinalitiæ Insigne aliquando extra Urbem Promotis missus . *pag.* 49.
- GANDULPHI CASTRUM . Vide *Castrum Gandulphi* .
- GRÆCA LINGUA Evangelium in Missa , Papa Sacrum operante , primùm cantabant Monachi Cryptæ Ferratæ , nunc Alumni Collegii Græci . *pag.* 485.
- GUBERNATOR URBIS Vice-Camerarius sedet ad Portam Palatii Vaticani pro Supplicationis directione in Festo Corporis Christi . *pag.* 204. Adstat in Cubiculo , ubi Papa Faldam accipit . *pag.* 482.
- In Supplicatione locum obtinet prope Pontificem . *pag.* 485.
- GUBERNATORI Conclavis , & Gubernatori Urbis committitur executio Schedulæ *Motus proprii* super directione Supplicationis in Festo Corporis Christi Apostolica Sede vacante . *pag.* 214. Locus & habitus designatur . *pag.* 212.

H.

- H**ABITUS Oratoris Bononiæ, quando cum fasciis aureis . *pag.* 204.
- HABITUS Advocati Consistorialis in Consistoriis , etiam si prælatitia dignitate insigniti , non alius debet esse quàm Advocatis Consistorialibus communis . *pag.* 222.
- HABITUS Viatorius nigri coloris Consistorialibus Advocatis concessus . *pag.* 221.
- HABITUS Consultorum Sac. Rit. Congr. in Supplicatione ipso Canonizationis die . *pag.* 482.

- HABITU** proprii Instituti, induti Regulares, Funes Vexillorum sustinent in Supplicatione. *pag.* 482.
- HABITUS** deferentium intortitia accensa ante eadem Vexilla. *ibid.*
- HABITU** instar Cubiculariorum indutus Cajetanus Amatus ab Epistolis ad Principes, stans in planitie Solii respondet Instantiis super Canonizatione tum in Consistoriis publicis; cum ipso Canonizationis die. *pag.* 80. 488.
- HABITUS** Auditoris Rotæ Crucem deferentis ante Papam in Consistoriis semipublicis. *pag.* 151. In Basilica Lateranensi, a Papa cum Cardinalibus visitata pro assentione Indulgentiæ. *pag.* 455. In Supplicationibus quæ cum Sacris paramentis peraguntur. *pag.* 485.
- HABITUS** Scutiferorum, & Cubiculariorum *extra Cameram* juxta nuperam Papæ concessionem. *pag.* 484.
- HABITUS** quorumcumque Ordinum locum habentium in Cappella describitur. *p.* 484. 485. 486.
- HABITUS** juxta Nationis Ritum non immutatur ab Orientalibus Episcopis sollemni Canonizationi præsentibus. *pag.* 485. Vide *Color*.
- HASTAS** Baldacchini supra Papam deferunt Referendarii per vices mutandi. *pag.* 486.
- HASTAS** Baldacchini in Supplicatione SS. Sacramenti, quæ fieri contigerit ipsius festo die apud Vaticanum Apostolica Sede Vacante, portant primùm Referendarii, tum Officiales Collegii Sancti Petri, Magistri Viarum, Officiales Collegii Sancti Pauli, Natio Florentinorum, & Natio Senensium. *pag.* 213.
- HELVETII**. Vide *Milites*.
- HERONYMUS** Cardinalis Columna. Vide *Columnensium Familia*.
- HOMINIA**, die Natali SS. Apostolorum Petri & Pauli habita a SS. D. N. Benedicto XIV. in Basilica Vaticana inter Missarum sollemnia post Canonizationem celebrata. *pag.* 497. & *seq.*
- HOSPITIUM** Pauperum Invalidorum ad magnam Tyberis Ripam ab Innocentio Papæ XII. ædificatum floret arte texendi Peristromata. *pag.* 53.
- SACRI HOSPITII MAGISTER** Vide. *suo loco*.
- HYMNUM** *Ave maris stella*, quem præcinit Papa in Cappella Sixtina, Cantores prosequuntur descendendo in Vaticanam Basilicam. *pag.* 483. 484.
- Eundem Supplicabundo ritu incedentes cantant utriusque Cleri Cætus, dum per designatas vias in Vaticanam Basilicam contendunt, Canonizationis sollemniis interfuturi. *pag.* 478.
- HYMNUM** *Veni Creator Spiritus* ferventius orationibus insistendo præcinit Papa, antequam super Canonizatione Sententiam proferret. *pag.* 490.
- HYMNUM** *Te Deum laudamus* inchoavit Papa, Cantores autem Musici prosequuti sunt usque ad finem; gratias agendo Deo Optimo Maximo, de quinque Beatis Catalogo Sanctorum adscriptis. *pag.* 493.
- In Ecclesia Capuccinorum cantatur idem hymnus eo die, quo Papa Decretum edidit super Canonizatione quandocumque habenda beati Fidelis a Sigmaringa. *p.* 5.

I.

- ICHOGRAPHIA** Aulæ pro Congregatione Ordinaria Sacrorum Rituum coram Papæ. *pag.* 3.
- ICHOGRAPHIA** Aulæ in qua æstivo tempore fit Consistorium Secretum in Quirinali Palatio. *pag.* 24.
- ICHOGRAPHIA** Aulæ Regiæ pro Consistorio publico in eodem Quirinali Palatio. *pag.* 52.

ICHO-

- ICHNOGRAPHIA Aulæ Parafrenariorum loco Ducalis, ad Consistoria semipublica in Quirinali Palatio . *pag.* 151.
- ICHNOGRAPHIA Theatri ad Canonizationem peragendam suis numeris distincta . *pag.* 462.
- ICHNOGRAPHIA sive delineamentum sollemnis Equitatus Oratoris Regis utriusque Siciliae ad Vaticanum pro pendendo Vestigali . *pag.* 477.
- ICHNOGRAPHIA sive delineamentum ritus quo Vestigal Pontifici exhibitum sit in Aula Regia Palatii Vaticani . *pag.* 478.
- CETLRA delineamenta ad totius Basilicæ ornatum spectantia , habentur in unum collecta ad calcem hujus Libri .
- JEJUNIORUM indictio per Papam facta in primo Consistorio semipublico . *pag.* 183.
- JEJUNIUM triduanum Christifidelibus indictum a Cardinali Urbis Vicario de mandato Papæ ante Canonizationem . *pag.* 188.
- IGNATIUS REALI Cæremoniarum Apostolicarum Præfectus , demandante Papa conficit Instrumentum super Actis in quinto Consistorio semipublico . *pag.* 439.
- IGNES FESTI & luminaria pro Electione Regis Romanorum . *pag.* 23.
- IGNES FESTI & luminaria ad triduum protracta Canonizationis causa . *pag.* 463. 478.
- IGNES Missiles in Arce Hadriani , *S. Angeli* nuncupata , quater in Anno iterantur . *pag.* 478.
- IMPERATOR futurus , Rex Romanorum eligitur Francofurti Franciscus I. Lotharingæ Dux , & Hetruriæ Magnus Dux . *pag.* 22. Vide *Rex* .
- IMPERIUM Romanum brevi temporis spatio bis vacasse memoratur . *pag.* 15.
- INDULGENTIA Annorum triginta & totidem quadragenarum acquirenda ab iis qui intersunt Processioni *Litaniarum Majorum* , vel *Minorum* in diebus Rogationum , vel Ecclesias visitant , ad quas iis diebus fit Statio . *pag.* 82.
- INDULGENTIA plenaria cum triduo jejunio , & Visitatione Ecclesiarum pro deliberatione Canonizationis habendæ . *pag.* 188.
- INDULGENTIA plenaria pro adstantibus sollemni quinque Beatorum Canonizationi . *pag.* 457.
- INDULGENTIA plenaria in Missa Canonizationis , sub qua Formula promulgata & a quo . *pag.* 508.
- INDULGENTIA Septem annorum & totidem Quadragenarum Visitantibus quotannis sepulchra novorum Sanctorum . *ibid.*
- INDUMENTA Sacra Papæ eique Ministrantium ad Altare , Postulantium Canonizationem ære comparata . *pag.* 483.
- Hæc unacum aliis donariis fuerunt a Pontifice , Canonizationis sollemniis expletis , ad suam Metropolitanam Bononiensem transmissa . *pag.* 53.
- INSIGNIA Gentilitia summi Pontificis infra Procestrium in exteriori Templi facie . *pag.* 585. in medio interioris faciei Aram principem respicientis . *pag.* 586. in stylobatis ad utrumque Throni Pontificis latus . *pag.* 594. In stelis lapideis Fornicem Hemispherii hinc inde sustentibus , ad totius Theatri ornatum . *pag.* 595.
- INSIGNIA seu Stemmata Regularium Institutorum ex quibus Beati inter Sanctos allesti prodierant , aspiciebantur infra Pontificium Stemma in Fronte Templi externa . *pag.* 585. sub unoquoque ex sexdecim loculamentis mediæ Templi navis . *pag.* 590.
- INSIGNE singulare Dignitatis Cardinalatus , Galeris scilicet rubrus Pontificalis mittitur a Papa Cardinali Joanni Theodoro e Ducibus Baviaræ extra Urbem . *pag.* 49.
- INSTANTIÆ Regum & Principum , necnon Regularium Ordinum apud Summum Pontificem pro Canonizatione . *pag.* 21. 65. 73. 80. 90. 98. 120. 131. 140. 149.

- INSTANTIA Summo Pontifici facta a Cardinali Portocarrero ad postulandam Canonizationem Procuratore. Vide *Formula*.
- INSTANTIA Procuratoris Fiscalis pro rogitu Instrumentorum apud Protonotarios. Vide *Formula*.
- INSTRUCTIO Cardinalibus missa Suffragium pro Canonizatione laturis in Consistorio Secreto. *pag. 24.*
- INSTRUCTIONES a Cæremoniarum Præfesto editæ de iis quæ agenda essent in die Canonizationis. *pag. 457. 460. 464.*
- INSTRUMENTUM Protonotariorum in Causa beati Fidelis a Sigmaringa super Actis in Consistorio semipublico de ejus Canonizatione. *pag. 184.*
- INSTRUMENTUM aliud in Causa beati Camilli de Lellis. *pag. 275.*
In Causa beati Petri Regalati. *pag. 329.*
In Causa beati Josephi a Leonissa. *pag. 384.*
- INSTRUMENTUM Præfesti Cæremoniarum Apostolicarum, loco Protonotariorum a Consistorio semipublico absentium in Causa beatæ Catharinæ de Ricciis. *p. 439.*
- INSTRUMENTUM Protonotariorum super Canonizatione Quinque Sanctorum. *p. 511.*
- INTIMATIO de accessu Summi Pontificis ad Basilicam Lateranensem, pro Indulgentia. *pag. 454.*
- INTIMATIO pro accessu eadem de causa ad Vaticanam Basilicam. *pag. 455.*
Item ad Ecclesiam S. Mariæ supra Minervam loco Liberianæ Basilicæ. *pag. 456.*
- INTIMATIO utrique Clero Urbis pro Supplicatione in die Canonizationis. *pag. 458.*
- INTIMATIO omnibus Urbis Ecclesiis pro pulsatione Campanarum ad integram horam in die Canonizationis. *pag. 459.*
- INTIMATIO omnibus Cardinalibus, Præsulibus, cæterisque Romanæ Curie Ordinibus de iis, quæ agenda essent in die Canonizationis. *pag. 462.*
- INTIMATIO peculiaris pro Cardinalibus Sacrorum Rituum Congregationi Præpositis. *pag. 464.*
Item alia Consultoribus ejusdem Sacræ Congregationis. *ibid.*
- JOACHIMUS Cardinalis Portocarrero Procurator Canonizationis, commendatur. *pag. 461.*
- JOANNES Theodorus e Ducibus Baviaræ Episcopus Leodiensis adlectus in Cardinallium Collegium a SS. D. N. *pag. 49.* Galerum rubrum Pontificalem, & Titulum S. Laurentii in Pane & Perna cum Annulo Cardinalitio absens ab Urbe recipit per Opitium Pallavicini Abbreviatorem de Parco Majori Ablegatum Pontificis. *pag. 49.*
- JOANNES Marchio Chisus, Montorius Patritius Papæ Florerius Major. *pag. 461.*
- JOSEPH LIVIZZANI Protonotarius supra numerum Sanctitatis Suæ a Supplicibus Libellis commendatur. *pag. 151.*
- ITALIA quadrienni Bello vexata conclamat Pontifex unacum Populo ad Deum, ut fieret Pax. *pag. 22.*
- JUSTINIANUS Chiapponi Magister Cæremoniarum Collector Actorum Canonizationis beatorum Pii V. Andreæ Avellini, Felicis a Cantalice, & Catharinæ de Bonna. *pag. 25.*

L.

- LÆTITIÆ signa in Ecclesia Capuccinorum pro Decreto Canonizationis beati Fidelis a Sigmaringa. *pag. 5.*
- LÆTITIÆ signa pro Electione Regis Romanorum. *pag. 23.*
- LÆTITIÆ signa in pervigilio, & die festo Sanctorum Apostolorum, auctæ ad triduum usque ob Quinque Sanctorum Canonizationem. *pag. 478.*

LÆ-

- LÆTITIÆ** signa ad intonationem hymni *Te Deum laudamus* post publicatam Canonizationis Sententiam . pag. 493.
- LAICUS** nobilior ex Adstantibus in Pontificiis Cappellis vel publicis Consistoriis firmata utriusque vestis Summi Pontificis sustinet , dum Papa pedes incedit . pag. 483.
- LAICI** Principes Solii , si id ferat actionis occasio , magnos Cereos deferunt accensos ante Papam . pag. 484.
- LAICORUM** Nobilium ministerio utitur Papa in Divinis , ut aquam ad lotionem manuum sibi præbeant . pag. 496. 510.
- LAICORUM** Confraternitates pomeridianis horis infra octavam Apostolorum statis suis quæque diebus ad eam Ecclesiam , ubi mane Missa Pontificalis celebrata fuit , procedunt . pag. 467. 471. 473. Vide *Confraternitas* .
- LAMPADES** ex alba cera iugiter ardent coram Sacramento in Cappella Pontificia . pag. 206.
- Illas Paulus Papa IV. ad majorem Dei cultum excogitavit . *ibid.*
- Parare , & accensas servare tenentur ejusdem Cappellæ Clerici . *ibid.* Vide *Laternæ infra* .
- LATERANENSIS** Basilica . Vide *Basilica* .
- LATERNÆ** quatuor cum candelis intus accensis ad quatuor Umbellæ Latera in Processionibus SS. Sacramenti comportandæ ex Decreto Concilii Romani . pag. 205.
- LATERNIS** , Lampadibus , & facibus mirificè dispositis totus in Nocte collucet Tholus Vaticani Templi , recurrente Festo die SS. Apostolorum . pag. 478.
- LAZARUS** Pallavicini . Vide *Pallavicini* .
- LECTORES** ad vacantem Cathedram in Archigymnasio Urbis , quomodo eligendi , pag. 225. Vide *Examen* .
- S. LEO IX.** adhuc Pontifex Ecclesiam Tullensem , cui præfuerat Episcopus , retinuit in administrationem . pag. 53.
- LEO PAPA III.** triduanas *Litaniarum* Supplicationes ante Ascensionem Domini primus Romæ instituit . pag. 81.
- LEONIANUM** Triclinium in foro Lateranensi a SS. D. N. restitutum . pag. 9.
- LIBROS** ad Animarum Curam spectantes scrutatur Papa in Sacra Visitatione Basilicæ Lateranensis . pag. 14.
- LIBRUM** supra scabellum positum ante se habent Cantores *Litanias* Sanctorum infra Actionem Canonizationis decantantes . pag. 489.
- LIBRUM** ante Papam pro intonatione hymni *Ave Maris Stella* . sustinet duobus ex Assistentibus Præsulibus adjuvantibus Cardinalis Carafa Episcopus Assistens . pag. 483. Hoc idem præstat , cum Pontifex præcinit hymnum , & Collectam de Spiritu sancto . pag. 490.
- LIBRUM** ex quo Canonizationis Sententiam Summus idem Ecclesiæ Hierarcha protulit , Senior Episcopus Assistens sustinuit . pag. 492.
- Ad hymnum *Te Deum laudamus* & Collectam de Sanctis nuper Canonizatis , Episcopus Cardinalis Assistens , ut supra . pag. 493. 494.
- LIBERIANA** seu Liberii Basilica *S. Mariæ Majoris* interiùs exteriùsque renovata . SS. D. N. Papæ sumptu . pag. 202. Basilica *S. Mariæ* ad Præsepe etiam nuncupata . *ibid.* Pro ea substituitur Ecclesia *S. Mariæ* supra Minervam , pag. 188. 202. 455.
- LIBERIANÆ** BASILICÆ Capituli in Supplicationibus locus . pag. 481.
- LIBERIANUS** CANONICUS fungitur Officio Subdiaconi in Cappellis Pontificiis . p. 484.
- LIGNA** SACRA quæ ? pag. 481. Vide *ÆS Campanum* .
- LIGNÆ** Contignationes in Theatro Canonizationis ubi ? & quomodo distributæ de Mandato Papæ . pag. 451. 595. 596.
- LIGNEA** receptacula extra gradus Solii Pontificii pro temporariis Cardinalium opportunatibus constructa . pag. 593.

- LIGNEUM** aliud Cubiculum ad opportunum Suæ Sanctitatis recessum . *ibid.*
- LITANIAE** Majores , & Minores a quo primùm institutæ . *pag. 81.*
- LITANIAE** Sanctorum infra Actionem Canonizationis decantatæ . *pag. 489.*
- LITANIARUM** Supplicationi præsentibus Indulgentia , Canonizationis causa concessa . *pag. 82.*
- LITERAE** datæ a Secretario Congregationis Interpretum Sacri Concilii Tridentini , quibus Episcopi intra centesimum ab Urbe lapidem evocantur ad Canonizationem . *pag. 23.*
- LITERAE** Encyclicæ Summi Pontificis , quibus statuitur applicatio Sacrificii pro Populo diebus saltem festis . *pag. 14.*
- LITERAE** Decretales super Canonizatione beati Fidelis a Sigmaringa . *pag. 516.*
 Item beati Camilli de Lellis . *pag. 529.*
 Beati Petri Regalati . *pag. 544.*
 Beati Josephi a Leonissa . *pag. 558.*
 Beatæ Catharinæ de Ricciis . *pag. 570.*
- LITERAE** ab Electo Romanorum Rege , Imperatore futuro missæ ad Summum Pontificem & in Consistorio Secreto recitatæ . *pag. 22.*
- LIVIZZANI** . Vide *Joseph* .
- LOCUS** in Cappellis & Supplicationibus dignior eo quem priùs obtinebant, constituitur a Papa Consistorialibus Advocatis . *pag. 204. 220.*
- LOCUS** Cardinalis Diaconi Evangelium cantaturi ab initio Actus Canonizationis . *pag. 494.*
- LOCUS** Vicegerentis Urbis cum Jusdicentibus in Tribunali Ecclesiastico & Civili Cardinalis Almæ Urbis Vicarii a principio Supplicationis . *pag. 481.* Idem in incessu , post omnes utriusque Cleri Ordines . *pag. ibid.*
- LOCUS** Advocati Consistorialis Instantias Cardinalis Procuratoris nomine apud Papam exponentis ipso Canonizationis die . *pag. 487.*
- LOCUS** Oratori Franciæ , quod munus sibi demandatum nondum palam obiret , in Contignationibus assignatus . *pag. 451. 595.*
- LOCUS** in iisdem Oratori Venetiarum attributus , cum & ipse adhuc in publica pompa Pontificem non invisisset . *pag. ibid.*
- LOCUS** item datus Senatori Urbis : Columnensium Familiæ : Magnatibus , & Matronis ad prospicienda Canonizationis sollemnia . *pag. 451. 596.*
- Capitulum Vaticano** : Conviotoribus Seminarii Romani : Conviotoribus Collegii Clementini . Portitoribus Oblationum . *ibid.*
- Sacri Hospitii Magistro** Duci Guadaneoli . *pag. 451. 596.* Vide *numeros in Ichthyographia Theatri* .
- LOCUS** item Consultoribus Sacrorum Rituum Congregationis : Canonizandorum Familiis , & Postulatoribus . Vide *Ichthyographiam Theatri* .
- LOCUM** in duodenario Advocatorum Consistorialium numero habentes , ut eo gaudere adhuc possint , statuit Constitutione edita Benedictus XIV. *pag. 217. & seq.*
- LOCUM** in ipso Collegio habentes qui sint ? *pag. 218.*
- Ad vacantem locum** tres nominare , ut unus a Papa seligatur , jus est ipsi Advocatorum Collegio tributum . *pag. 219.*
- Loca** in Theatro Canonizationis partitur Pro-Præfectus Palatii de mandato Papæ . *pag. 461.*
- Loca** intra Theatri confinia nemini attributa absque Chirographo Magistri Sacri Hospitii . *pag. 460.*
- LUDOVICUS MANFRONI** Dux Peditum Generalis . *pag. 461.*
- LUDOVICUS VANVITELLI** . Vide *Architectus* .

LUMINARIA. Vide *Ignes Festi*.

LUTHERUS hæresiarcha realem Christi Domini præsentiam in Eucharistia impudentissime negabat. *pag.* 205.

Item: Vicariam Christi Personam in terris a Romano Pontifice sustineri. *ibid.*

M.

MAGISTER Sacri Hospitii Stephanus de Comitibus Dux Guadaneoli Syngraphas distribuit pro ingressu in Canonizationis Theatrum. *pag.* 450.

Custodias ad Theatri repagula, & loca in Theatro designat. *pag.* 451.

Ejus Tubicines primum dant clangore tubarum signum peractæ Canonizationis. *pag.* 460.

Ab ejus nutu & imperio Custodiarum Milites pendent. *pag.* *ibid.*

Aquam præbet pro lotionem manuum in Missa SS. D. N. Papæ. *pag.* 496.

MAGISTRI Ostiarii de *Virga rubea* Crucem Papalem custodiunt. *pag.* 455. 485.

Intortitia a lateribus Baldacchini deferunt accensa, si Processio Corporis Christi apud Vaticanum fieri contigerit, Vacante Apostolica Sede. *pag.* 213.

MAGNATES. Vide infra *Matronæ*.

MALVEZZI. Vide *Vincentius*.

MANFRONUS. Vide *Ludovicus*.

MANSIONES Principum in Quirinali quæ? & quare sic appellatæ. *pag.* 81.

MATRONÆ Urbanæ & Exteræ admittuntur in Contignationes ut prospicere possint Canonizationis Sollemnia, mediante Syngrapha a Præfecto Palatii accepta. *pag.* 461.

Excipiuntur a Nobilibus Viris de Familia Pontificis. *ibid.* Vide *Locus*.

MARCHIO *Patritius*. Vide *Joannes*.

Marchio Vasè Pietramelara. Vide *Pyrribus*.

MARTYRES qui dicantur? *pag.* 151.

Et qui inter Martyres *vindicati* appellabantur. *ibid.*

Martyribus, etiamsi nullum intervenisset eorum ope signum, cultus exhibebatur. *pag.* 152.

In Martyrum Causis quæ Praxis hodierna? *pag.* 153.

MENSA. Vide *Abacus*.

METHODUS servanda a Cardinalibus & Episcopis in Consistoriis semipublicis. *pag.* 100.

MILITES quo modo dispositi in viis, per quas dirigenda erat Supplicatio. *pag.* 479.

MILITES quaternis Ordinibus distributi Basilicam Vaticanam muniunt interius. *pag.* 479.

Milites Helvetii ferreo Thorace, & galea induti partim pro Custodia Summi Pontificis reservantur: partim Cancellis, ex quibus est aditus in Theatrum, tuentur. *pag.* 460.

Milites Armaturæ Cataphracti, & Levis equis insidentes & in aciem dispositi consistunt in Platea ante Basilicam sancti Petri, ipso Canonizationis die. *pag.* *ibid.*

MIRACULA beati Fidelis a Sigmaringa intercessione patrata. *pag.* 4. 522. 523. 588. 589.

Miracula ope beati Camilli de Lellis. *pag.* 10. 537. 538. 589.

Beati Petri Regalati. *pag.* 548. 551. 588. 589.

Beati Josephi a Leonissa. *pag.* 12. 563. 564. 588. 589.

Beatæ Catharinæ de Ricciis. *pag.* 6. 575. 578. 579. 588. 589.

Miraculorum & gratiarum copiâ præstantes cultum in terris obtinent ampliorem. *pag.* 2.

MISSA non semper cum Sollemniis Canonizationum celebrata. *pag.* 495.

Missa aliquando in diem sequentem translata. *ibid.*

- Missam celebrat ipso Canonizationis die Benedictus XIV. *pag. ibid.*
 MODESTIA in Supplicationibus *Litaniarum Majorum & Minorum* & ipso Canonizationis die servanda de speciali mandato Papæ . *pag. 83. 459.*
 MOLARIA Laurentius Peditum Copiarum Tribunus quid pro suo munere egit in pervigilio , & ipso Canonizationis die . *pag. 461.*
 MUNUS sibi assignatum Advocati Consistoriales exercent certo stipendio attributo . *pag. 232.*
 Extra illud Causarum exterarum Patrocinium suscipere non possunt . *ibid.*
 MUNERA . Vide *Donaria* .

N .

- N**ICOLAO Albergato Civi & Episcopo Bononiensi cultum ab annis centum & ultra exhibitum approbat Benedictus XIV. *pag. 7.*
 Statuam ejus in Liberiani Templi facie tanquam illius Basilicæ Archipresbyteri Cardinalis locari jubet . *pag. 202.*
 NOMINA Religiosorum Ordinum qui primam Supplicationis aciem componebant in die Canonizationis . *pag. 479.*
 NOMINA Monasticæ Vitæ Professorum , qui secundam . *pag. 480.*
 Eorum Collegiorum , qui sub Cruce Cleri Secularis incedebant . *ibid.*
 Collegiatarum Insignium , & Patriarchalium Basilicarum Urbis . *pag. 481.*
 Nominandi ad vacantem locum in Collegio Advocatorum Consistorialium tres ex Romanæ Curie vel alterius loci Ditionis Ecclesiasticæ Advocatis , facultatem tribuit ipsimet Collegio Benedictus Papa XIV. *pag. 219.*
 NUMERUM Cardinalium Sixtus Papa V. præfinivit . *pag. 48.*
 Numerum Titulorum auxit omnium primus S. Silvester Papa . *pag. ibid.*
 NUMERUS Cereorum in Basilica Vaticana ardentium ipso Canonizationis die . *p. 592.*
 NUMISMA aureum , argenteumque cum Sanctorum novellorum Imaginibus cufum . *pag. 511.*
 Nummi aurei quingenti pro Annulo Cardinalitio olim Cameræ Apostolicæ solvebantur ab hæredibus . *pag. 47.*
 NUNCIUM de Electione Regis Romanorum Imperatoris futuri accipit Papa , & Cardinalibus communicat in Consistorio Secreto . *pag. 22.*

O .

- O**BEDIENTIAM exhibent Cardinales Summo Pontifici ante Consistorium publicum . *pag. 54. 84.*
 OBEDIENTIAM præter Cardinales , quando Pontifex est Sacris operaturus , ei præstant ceteri qui sacris induti vestibus locum habent in Cappella Pontificia . *pag. 487.*
 OBLATIONES in Missa Canonizationis offerunt Papæ Cardinales Sacræ Rituum Congregationi adscripti . *pag. 508. 509. 510.*
 Non exclusis Diaconibus qui sunt in Assistentia Papæ . *pag. 508.*
 OBLATIONES exceptæ aliquando extra Missam . *pag. 475.*
 OBLATIONUM portandarum Ritus & Cæremoniæ . *pag. 508.*
 Oblationum mensæ , & pro earum Portitoribus locus in Theatro . *pag. 461. Vide Ichnographia .*
 Oblationum Custos a quo destinatus . *pag. 508.*
 Oblationum Mensæ Tobaleis albis instratæ & candidis velis testæ . *pag. ibid.*

- In Oblationibus reportandis ad mēſas Votantes , & Abbreviatores Acolythi Cappellæ deſerviunt . *pag.* 509.
- OBLATIONIBUS receptis Papa lavat manus , & Miſſam proſequitur . *pag.* 496.
- OCCURSUS trium Cardinalium ultimorum inter Presbyteros Papæ progredienti a parvo Solio ad Altare pro Sacrificio . *pag.* 496.
- OCTAVA SS. Apoſtolorum Petri & Pauli ſollemniori quàm antea cultu celebratur quoniam ex SS. D. N. Inſtituto . *pag.* 467.
- OCTO primarii Patres ejus Inſtituti ex quo fuit Beatus , ſuperpelliceis induti accenſa deſerunt Intortitia ante Vexillum . *pag.* 482.
- OCTO Referendarii per vices mutandi haſtas Umbellæ ſupra Pontificem attollunt . *pag.* 486.
- ODEUM pro Cantoribus Muſicis Cappellanis Papæ . *pag.* 596.
- OFFICIA Vacabilia quæ ſint , & quare ſic appellata ? *pag.* 203.
- Officia Vacabilia obtinentes quaterni procedunt cum funalibus quadrilibris accenſis feſto die Corporis Chriſti in Supplicatione . *ibid.* & *pag.* 210. 212.
- Officiorum Vacabilium præcedentiam in ipſo eorundem cœtu definiſt Gregorius XIII. *pag.* 204.
- OFFICIALES de Virga rubea , Vacante Apoſtolica Sede , ſi contingat fieri Supplicatio , de more habenda in feſto Corporis Chriſti , incedere debent a lateribus Baldachini cum Intortitiis . *pag.* 210. 213.
- OLIVERIUS Vide . *Joannes* .
- OPITIUS Pallavicini . Vide *Pallavicini* .
- ORATIO . Vide *Collecta* .
- ORATIONES Conſiſtoriales . Vide *Advocatus* .
- ORATOR BONONIÆ adest in Choro Carthuſianorum , ubi Papa Decretum ſuper cultu beati Nicolai Albergati Civis & Epifcopi Bononiensis edidit . *pag.* 7.
- Togam Senatoriam in Sollemnioribus textili auro confutam induit ex nupero Summi Pontificis Indulto . *pag.* 204. 482.
- Unam ex Haſtis Umbellæ ſupra Sacramentum & Papam delatæ in Supplicatione Corporis Chriſti porrat . *pag.* 204.
- In Supplicationibus incedit cum Conſervatoribus Urbis ad ſiniſtram Prioris Capitum Regionum . *pag.* 485.
- Locum habet in Theatro Canonizationis . Vide *Ichnographum* . *pag.* 462.
- ORATOR Galliarum)
ORATOR Venetiarum) Vide *Locus* .
- ORATOR extra Ordinem ad præſentandum Veſtigal pro Regno utriuſque Siciliæ debitum diſcedit e Palatio Farnęſiorum . *pag.* 477.
- Summo Pontifici illud offert in Aula Regia Vaticani Palatii & quare ? *pag.* 478.
- Vide *Equus* .
- ORATORIUM privatum in propria Domo ad Sacrificium celebrandum habent Advocati Conſiſtoriales pro ſe ſuiſque Conſanguineis ſecum habitantibus . *pag.* 233.
- ORDO Supplicationis utriuſque Cleri in die Canonizationis . *pag.* 479.
- ORDO Equitatus in pervigilio Sollemnitatis Corporis Chriſti *pag.* 203.
- ORDO Equitatus Oratoris extra Ordinem ad pendendum Veſtigal pro Regnis utriuſque Siciliæ . *pag.* 477.
- ORDO quo e Cappella Pontificia deſcendit in Vaticanam Baſilicam Papa cum Cardinalibus , aliſque Romanæ Curie cœtibus ad Canonizationem peragenda . *p.* 484.
- ORDO in Oblationibus deferendis tempore Miſſæ in die Canonizationis . *pag.* 508.
- Ordo Subtelliorum in Theatro Canonizationis . *pag.* 593.
- ORIENTALES . Vide *Epifcopi . Habitus* .

- ORNATUS Viarum, per quas die Festo Corporis Christi incedit Supplicatio, Cardinales Romæ commorantes suam quisque viæ partem æqualiter sibi obtingentem, ornare student. *pag. 203.*
- ORNATUS Porticum Vaticanum, & reliqui ambitus apparatus Apostolicarum Ædium Aulæis, ut moris est, reliquum ornatum Cameræ Apostolicæ sumptibus fieri præcipit Benedictus XIV. sua Constitutione perpetuò valitura; si fortè contingat celebrari hujusmodi Processio, Apostolica Sede Vacante. *pag. 210.*
- ORNATUS Aulæ ad Consistoria Semipublica habenda in Palatio Quirinali. *pag. 150.*
- ORNATUS Vaticanus Templi ad Canonizationis Sollemnia. *pag. 585.*
- OS APERIRE & OS CLAUDERE novis Cardinalibus quid sit. *pag. 25.*
- OS clausum olim Cardinales habebant usque ad secundum vel tertium Consistorium. *pag. ibid.*
- OS non aperiatur nisi auditis Cardinalium Suffragiis. *ibid.*
- OS modò prætermittitur Suffragiorum latrone, ut plurimum novo Cardinali clauditur & aperitur in eodem Consistorio. *pag. ibid.*
- OS claudendi, & aperiendi formula. *pag. 48.*

P.

- PALLAVICINI Lazarus Archiepiscopus Thebarum commendatur. *pag. 49.*
- Cardinalatus Dignitatem recusat. *ibid.*
- Laudatus a Papa coram Cardinalibus in Consistorio Secreto *ibid.*
- Epigraphe Monumenti ejus memoriæ erecti in Ecclesia sancti Francisci de Paula ad Montes exscribitur. *pag. 50.*
- PALLAVICINI Opitius Abbreviator de Parco Majori ablegatus Nuntius ad Joannem Theodorum e Ducibus Baviaræ, ei deferret Galerum rubrum Pontificalem & alia Cardinalatus Insignia, *pag. 49.*
- PALLIUM Pontificale petere ac postulare unice spectat ad Consistoriales Advocatos. *pag. 223.*
- A Coadjutoribus non petitur nomine proprio. *pag. 224.*
- PANES duo magni unus auro, alter argento illiti, & extanti cælatura gentilitiis Pontificis Insignibus ornati offeruntur Papæ a Cardinalibus Presbyteris Sacræ Rituum Congregationi Præpositis. *pag. 502.*
- PAPA est visibile Ecclesiæ Caput. *pag. 2.*
- Succesor beati Petri, & Jesu Christi Vicarius. *pag. ibid. & pag. 486.*
- Supremus Ecclesiæ Hierarcha de Servorum Dei Beatificatione & Beatorum Canonizatione unice decernit. *ibid.*
- Gregis Christi Custos. *pag. 456.*
- In signum Imperii utitur Regno, & in signum Pontificalis dignitatis utitur Mitra. *pag. 483.*
- Unicus veritatis Interpres, & Religionis Antistes. *pag. 491.*
- Papa Victor II. Ecclesiam Aichstertensem; Nicolaus II. Florentinam, & Alexander II. Lucanam retinere cum Pontificatu in administrationem. *pag. 53.*
- Papa Nicolaus V. primus inter Pontifices pedibus gradiens publicè per vias Romæ Sacramentum detulit in die festo Corporis Christi. *pag. 205.*
- Papa Leo X. Ministrorum humeris subvehi cœpit in Supplicatione ejusdem diei festi. *ibid.*
- PAPILIONES & æræ Campanulæ deferuntur a Basilicis Urbis, & Collegiatis Insignibus in Supplicationibus ante Crucem in signum Matricitatis. *pag. 481.*
- PARMENSIS ET PLACENTINUS Ducatus. Vide *Procurator.*

PAROCHI Ecclesiarum Rectores circumpositam collo Sacerdotalem stolam, ut a ceteris de Clero discernantur, Indulto Pontificio deferunt modò in publicis Processionibus. *pag.* 480.

Parochus diebus saltem festis Sacrificium offerre tenetur pro Populo. *pag.* 14.

PATRIARCHARUM Suffragia. Vide *Episcopi*.

PATRITIUS Marchio Joannes. Vide *Joannes*.

S. PAULUS APOSTOLUS. Vide infra SS. *Petrus*, & *Paulus*.

PAULUS Papa IV. Neapolitanam Ecclesiam non dimisit factus Pontifex. *pag.* 53.

Primus, qui ob defectas senio vires, & ad augendam mysterij maiestatem, gestari sella voluit in Supplicatione Corporis Christi. *pag.* 206.

Decrevit, ut Vaticanam Regionem, Urbemque Leoninam, quà Supplicationis pompa circumagitur, expansum latè velum obumbraret. *ibid.*

Ad divini cultus elegantiam lampades excogitavit, quæ cerà, non oleo concinnarentur, easque ardere in Pontificio Sacello voluit. *ibid.*

PAULUTIUS Cardinalis Fabritius Sacri Collegij Decanus Ecclesiam Titularem SS. Joannis, & Pauli pene a fundamentis restituit. *pag.* 48.

PAULUTIUS Cardinalis Camillus Consistorio Secreto primùm interest. *pag.* 25.

Os ei clauditur; *ibid.* & aperitur in eodem Consistorio. *pag.* 32.

Omnium primus juxta novissimum SS. D. N. Papæ Decretum absolvitur a Vinculo Ecclesiæ in Partibus Infidelium existentis, quo tenebatur ante Promotionem. *pag.* 51.

Habet in Titulum Ecclesiam SS. Joannis, & Pauli ab Auunculo suo restitutam. *pag.* 48.

PERISTROMATA mira arte elaborata in Hospitio Pauperum Invalidorum ad Tyberis Ripam inspiciuntur appensa ad Parietem Aulæ Parafrenariorum in Quirinali Palatio. *pag.* 53.

Contexta hæc fuerant jussu Papæ, qui post Canonizationem illa misit Bononiam, ut iis convestirentur parietes, qui Chorum Metropolitanæ ambiunt. *ibid.*

SS. PETRUS, ET PAULUS Apostolorum Principes, sunt Almæ Urbis Romæ Patres, & veri Conditores. *pag.* 458.

Ostiduo eorum Festum diem cum Cappella & Missa Pontificali in designatis Ecclesiis habenda sollemnius celebrari voluit Benedictus XIV. Vide *Constitutio*.

Ecclesiæ in Urbe monumento aliquo, vel ipsorum Apostolorum Reliquiis celebrior, quæ sint? Vide *Ecclesia*.

S. Petri ænea Statua in Basilica Vaticana, quomodo ornata in die Canonizationis. *pag.* 478. 591.

S. Pij V. lapideum simulacrum præter alia quædam super faciem Liberiani Templi statuitur. *pag.* 202.

Ejus Canonizationem Clemens Papa XI. celebravit. *pag.* 25.

PLUVIALIS usum habent Advocati Consistoriales in die Coronationis Romani Pontificis, & in die, qua novus Pontifex Basilicæ Lateranensis possessionem adit. *pag.* 221.

Pluviale tamen induunt transversum, ita ut pars aperta Pluvialis remaneat super humerum dextrum; & supra Pluviale circa collum deferunt Capputium de more. *ibid.*

PLUVIALI, Mitra, & Amictu utuntur in Cappellis Pontificiis Patriarchæ, Archiepiscopi, Episcopi, & Abbates Generales Ordinum locum habentes in eis. *pag.* 463. 485.

PONTIFICES Summi, qui Ecclesias quibus ante Pontificatum præfuerant Episcopi, retinere tanquam Administratores. *pag.* 53.

PONTIFICES Romani quo ritu Sacramentum deferunt in die festo Corporis Christi. *pag.* 205. 206.

A PON-

- A** PONTIFICIBUS Romanis Vicariam Christi Personam in terris sustineri negabat Lutherus *pag.* 205.
- POPULI** concursus ad Ecclesias, ubi propositum erat publicæ venerationi SS. Sacramentum, pro Indulgentia. *pag.* 455.
- POPULORUM** finitimis ex Oppidis, & Nobilium Advenarum adventus in Urbem pro Canonizatione *pag.* 461.
- POPULUS ROMANUS** magno hominum comitatu visitat Basilicam Lateranensem, in qua Capita SS. Apostolorum Petri & Pauli coluntur, redeunte octavo die festi eorumdem Apostolorum. *pag.* 467.
- PORTITORES** Oblationum pedem Papæ osculantur. *pag.* 509.
Locum habent in Theatro Canonizationis prope ipsarum Oblationum mensas. *pag.* 462. 593.
- POSTULATA** Regum, & Principum ad Papam pro Canonizatione. *pag.* 21.
- POSTULATORES** simul conveniunt ad deliberandum de sumptibus in apparatus Canonizationis faciendis. *pag.* 22.
- POSTULATORIBUS** significat Papa, ne parcant sumptui, ut apparatus splendore, & magnificentia antecelleret præteritas Canonizationes. *pag.* 21.
- POSTULATORIBUS**, quæ proximæ erant Pontificio Solio, contignationes traduntur, ita mandante Papa. *pag.* 596.
- PRÆCEDENTIAM** Officiorum Vacabilium intra ipsum eorumdem cœtum definiit Gregorius XIII. *pag.* 204.
- PRÆCEDENTIAM** inter Signaturæ Justitiæ & Gratiæ Votantes habet, qui prior fuerit in alterutrum Tribunal adlectus. *pag.* 466. Vide *Decretum*. *Locus*.
- PRÆCO** in pervigilio, & ipso Festo die SS. Apostolorum citat coram Papa, dum progreditur in Cappellam, eos omnes qui annum pendere vestigal tenentur. *pag.* 476. 482.
- PRÆFECTUS** Palatii Apostolici in pervigilio Festi Corporis Christi equitando inspicit apparatus viarum, per quas die postero mane transitura erat Supplicatio. *p.* 203.
Sedet apud Portam Palatii, ut Supplicationem dirigat. *pag.* 204.
- PRÆFECTUS CUBICULO** Papæ locum habuit in Consistoriis semipublicis. *pag.* 151.
- PRÆFECTUS EQUILI** Apostolico jussu Pontificis mittit Rhedam Episcopis Orientalibus Romæ existentibus, ut Consistoriis, aliisque publicis Actionibus interesse possint. *pag.* 150.
- PRÆLATORUM** Ordines locum in Conventibus publicis habentium recensentur. *p.* 482.
- PRÆLATORUM** frequentia ad Supplicationem in die festo Corporis Christi. *pag.* 204.
- PRÆLATUS** si simul fuerit Advocatus Consistorialis, officium Decanatus non obtinebit. Vide *Advocatus*. *Decanatus*.
- PRESBYTER** Cardinalis antiquior Acerram porrigit Pontifici, ut is thus injiciat in Thuribulum. *pag.* 483.
- PRESBYTERI** antiquioris vices supplet Cardinalis Burgheus in Aula Sacrarii ipso Canonizationis die. *ibid.*
- PRESBYTERIUM** recipit Papa a Cardinali Archipresbytero, & Canonicis Basilicæ Vaticanæ Sacratio Præfatis. *pag.* 515.
Presbyterium erogat Pontifex in Clericos, novum scilicet numisma cum novorum quinque Sanctorum Imaginibus. *ibid.*
- PRINCIPES** Solij Comestabilis Columna Consistoriis publicis adstat. *pag.* 52. 53. 81.
- PRINCIPUM** Instantiæ pro Canonizatione. Vide *Instantiæ*. *Postulata*.
- PRINCIPUM** Mansiones in Quirinali quæ sint? & quare sic appellatæ. *pag.* 81.
- PRIOR** Diaconorum Cardinalium utitur Baculo in signum jurisdictionis, cum ad Portam Palatii sedet pro Supplicationis directione. *pag.* 204. Vide *Diaconus Cardinalis*.

- PROCESSIO in die S. Marci ob coortam tempestatem prætermittitur . *pag.* 83.
- PROCESSIONI LITANARUM majorum , & minorum qui interfunt , iis Indulgentiam concedit Papa . Vide *Indulgentia* .
- PROCESSIONIS in festo Corporis Christi Institutio non sine superno Dei afflatu . *p.* 205.
- PROCESSIONIS hujusmodi ritus apud Vaticanum . *pag.* 204.
- PROCESSIONIS ordo ad comportanda quinque Canonizandorum Vexilla in Basilicam Vaticanam ipso Canonizationis die . *pag.* 470. & seq.
- PROCURATOR Canonizationis, ut plurimum eligitur Nepos Summi Pontificis . *p.* 461. Vide *Cardinalis Portocarrero* .
- PROCURATOR Fiscalis Cameræ Apostolicæ instat apud Protonotarios in Consistoriis semipublicis ut Instrumenta conficiant de Actis in eisdem . *pag.* 183. 274. 329.
- PROCURATOR Fiscalis Cameræ in pervigilio Festi SS. Apostolorum Petri , & Pauli protestatur pro Parmensi , & Placentino Ducatu , Papa ab Aula Paramentorum ad Cappellam progrediente pro Vesperis . *pag.* 475.
- PROMOTOR Fidei ex Advocatorum Consistorialium Collegio feligi debet in posterum . *pag.* 231.
- Promotoris Fidei munus se obtinuisse in Minoribus testatur Papa . *pag.* *ibid.*
- Promotoris Fidei , & Advocati Fisci munera olim conjunctim gesta , ut in posterum separatim conferantur , statuit Benedictus XIV. *pag.* 231. 232.
- PROMOTUS ad Cardinalatum etiam si Episcopus fuerit , Annulum deponere debet, donec alterum novæ dignitati debitum accipiat . *pag.* 47.
- Vide *Annulum* . *Insignia* . *Titulus* .
- PRO-REGES Neapolitani Roma transeuntes Neapolim hospitantur in ædibus Pontificiis . *pag.* 81.
- PROTESTATIO Vide supra *Procurator* .
- PROTODIACONUS . Vide *Prior Diaconorum* . *Diaconus Cardinalis* .
- PROTONOTARII Apostolici Consistorio semipublico præsentés rogantur , ut Tabulas publicas conficiant de iis , quæ acta in eo sunt . Vide *Instrumentum* . *Instantia* . *Procurator* .
- Protonotariorum Decanus , cum ii monentur ut Tabulas conficiant , Collegii nomine respondet *Conficiemus* . *pag.* 184. 275. & *alibi* .
- Protonotariorum absentium a Consistorio vices supplet Cæremoniarum Præfectus , in acta referendo quod in quinto Consistorio semipublico factum fuit pro Canonizatione beatæ Catharinæ de Ricciis . *pag.* 439.
- Protonotariorum Collegium sex tantummodo Personas idoneas ad Lauream Doctoratus in singulis annis promovere potest . *pag.* 227.
- In Protonotariorum scanno sedet ex speciali Pontificis gratia Theodorus Buccapadulius . Vide *Buccapadulium* .
- PYRRHUS Marchio Vasè Pietramelara Pontificio Equili Præfectus commendatur . *pag.* 150.

R

- R**EDITUS Summi Pontificis in Urbem e Gandulphi Castro . *pag.* 149.
- REFERENDARII utriusque Signaturæ Umbellam deferunt in die Canonizationis supra Papam Rocchetto , & superpelliceo induti . *pag.* 485.
- Canonizationis Solemnis interfunt . *pag.* 463. 484.
- Inter Referendarios locum obtinent ii Canonici trium Patriarchalium , qui munus Presbyteri Assistentis , Diaconi , vel Subdiaconi obeunt in Cappella Pontificia . *pag.* 484.

- REFERENDARIJ Baldacchinum portant supra Sacramentum in Processione Corporis Christi . *pag.* 204.
 Unde , & quoto loci spatio id obire munus teneantur , si Sedes Apostolica vacet , indicatur . *pag.* 213.
 REGINA . Vide *Svecorum Regina* .
 REGNI utriusque Siciliae Vestigal . Vide *Orator. Rex. Vestigal* .
 REGNUM Pontificium Tiara est . *pag.* 483. Eo utitur Papa in signum Imperii . *ibid.* Vide *Tiara* .
 RELATIO de Causis Canonizandorum , quæ esse solet Cardinalis Congregationis Sac. Rit. Præfeti vel antiquioris in eadem Sac. Congregatione , fit a Papa in Consistorio secreto . *pag.* 24.
 RELIQUIÆ beati Fidelis a Sigmaringa publicæ venerationi propositæ in Ara Principe Templi Capuccinorum , dum Pontifex in ea Sacrificium offert . *pag.* 3. & 4.
 RELIQUIAS Sanctorum in pegmate intra Templum Lateranense asservatas propius inspicit Papa , veneratur , exosculaturque in Sacra Visitatione illius Basilicæ . *pag.* 8.
 REPAGULA , & Cancelli ad custodiam Theatri Canonizationis . *pag.* 460.
 Vide *Ichnographiam Theatri* .
 RERUM parandarum pro Canonizatione curam inter se partiti sunt Postulatores in peculiari conventu . *pag.* 22.
 RESPONSÆ Cajetani Amati Epistolarum ad Principes a Secretis , ad Instantias Advocatorum Consistorialium in Consistorio publico . *pag.* 80. 98.
 RESPONSÆ ad Instantias in die Canonizationis . *pag.* 488. 490. 491.
 REVERENTIA quæ Papæ fit a Cardinalibus in Consistorio publico . *pag.* 54. 84.
 Quo modo , & a quibus præstita in die Canonizationis . *pag.* 487.
 REX Magnæ Britanniae Jacobus III. præfens , Canonizationis Sollemnia sua pietate ornat . *pag.* 462.
 Suggestus eminens , & consueto amplior Ei , & Regio Filio Duci Eboracensi comparatur . *ibid.*
 REGIS Romanorum Electionem significat Papa Cardinalibus in Consistorio secreto . *pag.* 22.
 Litteras ab eo acceptas recitari præcipit a Cajetano Amato Brevium Apostolicorum ad Principes a Secretis . *ibid.*
 Cappellam in gratiarum Actionem cum Sollemni Missa habendam indicit . *ibid.*
 Luminaria ob id biduo , & alia lætitiæ signa . *pag.* 23.
 Cardinales rubro colore etsi Adventus tempore , tota die utuntur . *pag.* 23.
 REGIS utriusque Siciliae Caroli Sebastiani Borbonii Hispaniarum Infantis Adventus in Urbem memoratur . *pag.* 476.
 Vestigal ejus nomine oblatum pro Regno utriusque Siciliae . *ibid.*
 REGUM & Principum preces pro Beatorum Canonizatione . *pag.* 21.

S.

- SACELLUM Columnnensium in Lateranensi Basilica selectum a Papa , ut pro Defunctorum Animabus absolutionem faceret in Actu sacrae Visitationis . *pag.* 7. & 8.
 SACELLUM Corfinum in eadem Basilica visitat Papa , & dignis laudibus extollit . *p.* 8.
 SACRA Olea , rectene asservarentur inspicit Papa in Basilica Lateranensi . *pag.* 8.
 SACRAMENTUM Eucharisticum in sua Custodia servatum , in Lateranensi Basilica tempore Visitationis inspicit Papa . *pag.* 8.
 SACRAMENTUM Eucharisticum publicæ venerationi expositum pro quadraginta horarum oratione in designatis Urbis Ecclesiis quotidie invisit Pontifex : raro pietatis exemplo . *pag.* 15.

- SACRAMENTUM** in Archipresbyterali Templo Castri Gandulphi ad publicas preces habendas pro imminente Canonizatione iussu Pontificis ibi commorantis, triduo exponitur . *pag. 90.*
- SACRAMENTUM** a se confectum in festo die Corporis Christi deferret Pontifex per stata Processionis loca in Basilicam Vaticanam . *pag. 203.*
- SACRAMENTUM** in ipsius Festo publicè per vias pedibus gradiens primus Romæ detulit Nicolaus. V. *pag. 205.*
- SACRAMENTUM** Ministrorum humeris subvectum, atque in sublimi sella compositi deferunt Romani Pontifices & quare? *ibid.*
- SACRAMENTUM** in die festo Corporis Christi, si contingat huiusmodi sollemnitas Apostolica Sede Vacante, deferretur in Supplicatione apud Vaticanum de more celebranda a Patriarcha sive Archiepiscopo, vel Episcopo quem Cardinales tunc in quolibet Ordine Priores, & S. R. E. Camerarius triduo ante designaverint . *pag. 209.*
- SACRAMENTUM** in Patriarchalibus Basilicis Urbis juxta morem antiquitus traditum publicæ venerationi exponitur, antequam a Summo Pontifice ultima super Canonizandis proferatur Sententia . *pag. 188. 200.*
- SACRAMENTUM** Augustissimum triduo publicæ venerationi propositum hac de causa in Lateranensi Basilica visitat Papa cum Cardinalibus . *pag. 454.*
- Idem exequitur in Vaticana Sancti Petri Basilica . *pag. 455.*
- Et in Ecclesia S. Mariæ supra Minervam Liberianæ Basilicæ substituta . *ibid.*
- SACRAMENTUM** Venerabile publicæ venerationi expositum in Basilica Vaticana ipso Canonizationis die Papa de sellari descendens visitat, & erat ante illud cum Cardinalibus ceterisque Ecclesiasticis Ordinibus, priusquam Canonizationis Theatrum petat . *pag. 487.*
- SACRA VASA** ad Ministerium. Vide *Vasa.*
- SACRIFICIUM** Deo offert Papa antequam Decreta super Canonizatione Beatorum publicari permittat . *pag. 4. 5. 6. 11. 16.*
- SANCTORUM** Canonizatorum nomina post latam a Papa de eorum sanctitate Sententiam primus omnium invocant Cardinalis Diaconus a dextris Pontificis Assistens . *p. 493.*
- SANCTORUM** novellorum nomina addita in Confessione a Cardinali, ut ajunt Evangelij, cantantur . *pag. 494.*
- Et a Papa in absolutione generali supra Populum . *ibid.*
- SARCOPHAGUS** ex porphyrite translatus e Pantheon pro Custodia Cadaveris Clementis Papæ XII. in Sacellum Corfinum apud Lateranum . *pag. 8.*
- SCHEDIA** . Vide *Formula.*
- SCHOLA** Cantorum Cappellancrum Pontificis quem occupet locum in Processione . *pag. 484.*
- Ab eo, qui est a SECRETIS Brevium Epistolarum ad Principes, Literæ Regis Romanorum Imperatoris futuri ad Summum Pontificem transmissæ, iussu Sanctitatis Sux leguntur coram Cardinalibus in Consistorio secreto . *pag. 22.*
- Instantiis Advocatorum Consistorialium super Canonizatione in Consistoriis publicis responsum datur nomine Papæ . *pag. 80. 98.*
- Advocato Consistoriali instante pro Cardinali ad postulandam Canonizationem Procuratore tertio respondetur Pontificis nomine inter Canonizationis Actum . *pag. 488. 490 491.*
- Cappâ rursâ instar Cubiculariorum ipse semper indutus assistit . *pag. 80. 488.*
- Qui est a SECRETIS Congregationis Interpretum Sacri Concilij Tridentini evocat in Urbem iussu Pontificis Episcopos intra centesimum lapidem commorantes, ut

Consilio grave Canonizationis negotium juvarent suo , ejusque majestatem auge-
rent præsentia . *pag.* 23.

SEDES APOSTOLICA . Vide *Vacatio* .

SELLA GESTATORIA , seu

SELLARI deferitur Papa in Consistoria publica . *pag.* 53. 84.

In Vaticanam Basilicam SELLA quoque in sublimi delatus descendit ipso Canoniza-
tionis die . *pag.* 486.

In SELLA quoque compositus exiit ad primas Vesperas SS. Apostolorum Petri & Pauli
canendas in Sacello Sixtino Palatii Vaticani . *pag.* 476.

SELLA vestus dum post Vesperas rediret in Paramentorum Aulam , Vestigal sibi &
Apostolicæ Sedi debitum pro Regno utriusque Siciliæ accepit ab Oratore extra
ordinem Regis nomine oblatum . *pag.* 478.

SENATOR URBIS primam Baldacchini hastam sustinet in Supplicatione die festo Corpo-
ris Christi , Sacramentum deferente Papa . *pag.* 204.

SENATOR , Conscripti , & Centuriati e Romano Populo post meridiem visitant Basili-
cam Lateranensem veneraturi Sanctorum Apostolorum Capita in die Festi eo-
rum Octava . *pag.* 467. 471.

SENATOR locum habet in Contignationibus Theatri . *pag.* 461. Vide *Ichnographiam*

SENTENTIA Canonizationis . *pag.* 492.

SEPULCHRA Sanctorum Canonizatorum Visitantibus die ipsorum Natali Indulgentiam
septem Annorum quotannis concedit Papa . *pag.* 508.

Vide *Indulgentia*.

SEPULCHRUM Clementis XII. Prædecessoris sui visitat Pontifex , & ejus animæ adpre-
catur pacem . *pag.* 8.

SEPULCHRUM Romanis Pontificibus non alibi , quàm in Basilica Vaticana per primum
eumque solidum ab obitu annum constituitur . *ibid.*

SIXTUS Papa V. certum Cardinalium numerum constituit . *pag.* 48.

SOLUTIO a Vinculo Ecclesiæ , si fortè ante promotionem novus Cardinalis eo teneba-
tur , exprimenda modò est , in assignatione , quæ ipsi fiet a Papa Tituli , seu
Diaconiz . *pag.* 51

SOLIUM parvum Pontificium ad Horam Tertiam Canonicam cantandam ; & ad preces
præparatorias pro Missa a Papa legendas . *pag.* 495. 592.

SOLIUM Pontificium , quo in loco erectum intra Canonizationis Theatrum . *pag.* 593.

SOLIUM Romani Pontificis est beati Petri Cathedra . *pag.* 487.

STATUA ÆNEA S. Petri in Basilica Vaticana . *pag.* 478. 591.

STATUÆ Canonizatorum albo nigroque colore subobscurè pictæ quibus in loculamentis
inferioribus mediæ Navis Basilicæ collocatæ . *pag.* 590. 591.

STATUÆ Fundatorum alicujus Instituti Regularis e lunensi marmore in inferioribus
loculamentis in medio Navis Vaticani Templi . *pag.* 590.

STATUIS quatuor sanctorum Pontificum , & duorum Archipresbyterorum Cardinalium
Basilicæ Liberianæ nova Templi facies ornatur . *pag.* 202.

SUBDIACONI munus in Cappellis Pontificiis Canonicus Liberianæ Basilicæ exercet .
pag. 484.

SUBDIACONUS Apostolicus Auditor Rotæ ministrat Papæ Sacris operanti . *pag.* 485.
Vide *Auditores Rotæ. Crux. Habitus* .

SUBSELLIORUM triplex ordo in Theatro Canonizationis . *pag.* 593.

SUBSELLIORUM & aræ ornatus in Theatro . *pag.* *ibid.*

SVECORUM Regina Christina Alexandra adfuit sub Clemente IX. Canonizationis
Sollemniis sublimi in Thalamo . *pag.* 495.

SUFFRAGIUM , qua methodo tulerunt Cardinales in Consistoriis semipublicis pro quin-
que Beatorum Canonizatione . *pag.* 100. SUF-

SUFFRAGIUM scriptum & subscriptum, ut in Tabulario Congregationis Sacrorum Rituum servari posset, singuli a Consistorio exeuntes tradidere Magistris Cæremoniæ. *pag. 101.*

SUFFRAGIUM proprium Absentes etiam a Consistorio mittunt Secretario Congregationis Sac. Rituum. *pag. 189. Vide Cardinalium Suffragia. Episcopi. Orientales.*

SUPERPELLICEUM induunt supra Rocchettum Referendarii in die Canonizationis. *p. 484.*

SUPPLICATIO *Litaniarum Majorum* ab Ecclesia S. Marci ad Basilicam Vaticanam omissa ob coortam tempestatem. *pag. 83.*

SUPPLICATIO in die Festo Corporis Christi peracta a Papa paucis narratur. *pag. 203.*

SUPPLICATIO utriusque Cleri ipso Festo die Corporis Christi, si contingat vacare Sedem, apud Vaticanum peragi debet ex more. *pag. 207.*

Vide Sacramentum . Papa .

SYNGRAPHAS pro ingressu in Theatrum Canonizationis singulis distribuit Magister Sacri Hospitij. *pag. 460. Vide Præfæctus Palatii. Magister Sacri Hospitij .*

T.

TABERNACULUM cum Hostia imponitur Thalamo, super quo provolutus in genua innixusque Scabello bajulatur Papa in Processione diei Festi Corporis Christi. *Vide Thalamus.*

TABULÆ æneo colore Canonizandorum Miracula repræsentantes in Basilicæ Vaticanæ ornatu. *pag. 588. 589. 590.*

TABULÆ Virtutum instar Signorum in loculamentis superioribus Templi, vel super columnarum epistylia dispositæ. *pag. 590. 591.*

TABULA ceteris grandior cum quinque Beatorum Imaginibus ad vivum expressis in Templi facie appensa. *pag. 585.*

TANARIO Sebastiano Cardinali Sacri Collegii Decano Elogium marmore sculptum in Templo beatæ Mariæ de Victoria transcribitur. *pag. 50.*

TEMPESTAS repente coorta impedit in die sancti Marci Supplicationem generalem utriusque Cleri. *pag. 83.*

TEMPLI VATICANI, & Tholi superextans Corona interior, nunc primum peragendæ Canonizationis causâ serico villosa rubro universa vestitur. *pag. 587. Vide Ornatus*

TESSERÆ SCUTARIÆ. *Vide Insignia .*

THALAMO incumbentes & genuflexi circumgestantur hodie Romani Pontifices in Supplicatione Corporis Christi. *pag. 206.*

THALAMUS ad prospiciendam Canonizationis celebritatem in Theatro pro Svecorum Regina olim comparatus. *pag. 495.*

THEATRI Canonizationis in Vaticana Basilica erecti apparatus describitur. *pag. 522 & seq.*

Theatri Ichnographia suis dispartita numeris. *pag. 462.*

Theatri Custodia Magistro Sacri Hospitij Guadaneoli Duci committitur. *pag. 460.*

Theatri loca partitur de mandato Papæ Cardinalis Pro-Præfæctus Apostolico Palatio. *pag. 461.*

THEODORUS. *Vide Buccapadulus .*

THESAURARIUS Cameræ Apostolicæ Ioannes Baptista Mesmer, & Auditor Generalis ejusdem Cameræ Flavius Chisius, quem obtinent locum in Supplicatione. *p. 486.* & in Theatro Canonizationis. *pag. 593.*

THIARA Pontificis triplici corona componitur. *pag. 483.*

Communius dicitur Regnum, & eâ utitur Papa in signum Imperij. *ibid.*

- Thiarras, & Mitras gemmis margaritisque pretiosissimis ornatas Cappellani commun-
nes & intimi deferunt in Supplicatione . *pag.* 484.
- THOLUS Templi Vaticani multis lampadibus & facibus totus collucet sub noctem in
pervigilio, & festo die SS. Apostolorum . *pag.* 478. Hujus Ichnografia . *ibid.*
- THORACE ferreo & galea induti milites Helvetii Pontificem tuentur, & Cancellos
ex quibus est aditus in Theatrum, custodiunt . *pag.* 460. 486.
- THRONI Pontificii apparatus . *pag.* 593. Moles . *pag.* 595.
- Throni Pontificii latus utrumque solida Religionis & Iustitiæ Simulacra exorna-
bant . *pag.* 594. Vide *Solium* .
- THYMIAMATERIUM ante Crucem Acolythus Apostolicus motat . *pag.* 485.
- TINTINNABULUM pulsat ultimus Diaconorum Cardinalium in Consistorio secreto, ut
Cæremoniariorum accersat . *pag.* 47. Vide *Æs campanum* . *Diaconus Cardinalis* .
- TITULUS idem ac *Memoria* seu Ecclesia . *pag.* 47. & 48.
- Dicitur a Crucis signo, quod primò erigitur in loco, quem Deo dicare intendi-
mus . *ibid.*
- Titulorum ante Sixti V. tempora numerus varius & incertus . *ibid.*
- TITULUS differt a Diaconia . *ibid.* & non assignatur nisi Presbyteris Cardinalibus .
pag. 48.
- Quo ritu Titulum committat Papa Cardinali præsentem in Consistorio . *pag.* 47.
- Aliquando assignatus absentibus & peregre commorantibus . *pag.* 49.
- Quando Cardinali committitur Titulus, si fortè alicui Ecclesiæ præfuerit Antistes,
solvendus est a Vinculo illius Ecclesiæ etsi in partibus Infidelium existentis .
pag. 51.
- Vide *Annulus* . *Diaconia* . *Insignia* .
- TORMENTA BELLICA Majora, & minora, transgrediente Legato extra ordinem ad
solvendum Vestigal misso per Pontem in Regionem *Burgi* displosa in Arce S. An-
geli . *pag.* 477.
- In die Canonizationis ad initium hymni *Te Deum* exonerantur similiter ab ipsa A-
driani Mole, & a Libratoribus Militum Helvetiorum in Area Vaticana . *p.* 460.
493.
- TRIA Joannes Andreas Archiepiscopus Tyri Notis illustravit Platum de Cardinalis
dignitate . *pag.* 49.
- TRICLINIUM Leonis III. restitutum . *pag.* 9.
- TRIGONUM Deificæ Trinitatis symbolum . *pag.* 535.
- TUBICINES Magistri Sacri Hospitii primum dant signum Tubarum clangore peractæ
Canonizationis . *pag.* 460.
- Locus eorum in Basilica est prope beati Petri Æneum Simulacrum . *ibid.*
- TYMPANOTRIBÆ & Tubicines Senatus Populique Romani prope majus Templi ostium
consistunt, daturi & ipsi Signum perfectæ Canonizationis . *pag.* 460.

V.

- VACABILIA Officia quæ sint, & quare ita nuncupentur? . *pag.* 203.
- Vacabilia Officia obtinentes interfunt Processioni apud Vaticanum in die Cor-
poris Christi cum Intortitiis . *pag.* 204.
- Etiamsi contigerit Vacatio Apostolicæ Sedis . *pag.* 210. 212.
- De *Virga rubea* qui nuncupantur, quando inserviant extra Cappellam Pontificiam .
pag. 455.
- Processioni & ipsi cum intortitiis interesse debent, & a lateribus Baldacchini incedere;
si occurrat Sollemnitatis Corporis Christi Vacante Sede . *pag.* 213.

- VACABILIUM** Officiorum inter se præcedentia . *pag.* 204.
- VACAT** Sedes Apostolica ad sex menses . *pag.* 2. 15. Vide *Constitutio* .
- VACAT** iterum Romanum Imperium in brevi temporis intervallo . *pag.* 15.
- VACATIONE** Cathedræ in Romano Archigymnasio occurrente . Vide *Examen* .
- VACANTE** loco in Advocatorum Consistorium Collegio ; quid ipsi Collegio tribuatur ? *pag.* 218. Vide *Advocatus* .
- VASA SACRA** . Vide *Abacus* . *Sacra Vasa* .
- VASE PIETRAMELARA** . Vide *Pyrrhus* . *Præfectus Equili* .
- VATICANA BASILICA** omnibus præfertur gloria , & Dignitate . *pag.* 17.
- In Vaticana Basilica formales Servorum Dei Beatificationes habendas esse decrevit Alexander PP. VII. *pag.* 17. & *seq.*
- Canonizationes extra illam in posterum non celebrandas , edita Constitutione statuit Benedictus XIV. *pag.* 18, & *seq.*
- Unica apud illam ut deinceps celebretur Processio, alia Constitutione decernit SS. D. N. , si Corporis Christi Festum inciderit , vacante Apostolica Sede . *pag.* 206. & *seq.*
- Vaticana Basilica publicæ venerationi Sacramentum triduo proponit ob futuram Canonizationem *pag.* 189. 455.
- Est omnium Ecclesiarum caput , speculum & exemplar . *pag.* 585.
- Fuit a Magno Constantino ædificata *ibid.*
- Nihil ea magnificentius , nihil elegantius aut inveniri aut excogitari potest . *pag.* *ibid.*
- VECTIGAL** pro Regnis utriusque Siciliæ debitum penditur in pervigilio SS. Apostolorum . *pag.* 476.
- Vel quodcumque , & ubicumque Summo Pontifici placuerit . *pag.* 476.
- VECTIGALIUM** solutioni obnoxii citantur a Præcone coram Papa . *pag.* 476.
- Contra non solventes protestatur Fiscalis Camera . *ibid.*
- VESPERÆ** in pervigilio Festi Corporis Christi celebratæ in Sacello Palatii Quirinalis . *pag.* 202.
- VESPERÆ** in pervigilio SS. Apostolorum non in Vaticana Basilica , sed in Sacello Sixtino Palatii celebrantur , & quare ? *pag.* 476.
- VESTES SACRÆ** in Canonizationis Sollemniis adhibendæ Postulantium Canonizationem pecuniâ comparantur . *pag.* 483.
- VEXILLA** adscribendorum Catalogo Sanctorum supplici ritu delata in Basilicam Vaticanam *pag.* 482.
- Appensa in Processionibus sub Tholo Vaticani Templi . *pag.* 596.
- VEXILLUM** Beati Fidelis elevatur ultra supercilium Solii Pontificii inter lucidas nubes . *pag.* 594.
- VEXILLORUM** hastæ a quibus delatæ . Vide . *Confraternitas* . *Hasta* .
- VEXILLORUM** Funes . Vide *Funes* .
- VIÆ** per quas circumagitur Processio in die Corporis Christi , aulæis & Stomatibus ornantur . *pag.* 203.
- A Præfesto Palatii Apostolici unacum aliis equitante lustrantur pomeridianis horis præcedentis diei . *ibid.*
- Cardinalium Romæ commorantium expensis ornantur . *pag.* 203.
- Vacante Apostolica Sede , Camera sumptu . *pag.* 210.
- VIAS** easdem quis primum expansis Velis jussit inumbrari ? *pag.* 206.
- VIAS** solito longiores , per quas Supplicatio dirigenda erat in die Canonizationis , tegi curarunt Postulatores velis ex Cannabe extensis , ne solaribus radiis essent perviæ . *pag.* 479.

- Vias easdem sequuntur milites hinc inde in duas oblongas lineas divisi . *ibid.*
 VICE-CAMERARIUS . Vide *Gubernator Urbis* .
 VICESGERENS Urbis , quo loco & comitatu sedeat pro dirigenda utriusque Cleri
 Supplicatione . *pag.* 481. Vide *Ferdinandus Maria de Rubens* .
 VINCENTIUS MALVEZZI Protonotariorum participantium Collegio adjunctus , Apo-
 stolico Cubiculo Præfatus commendatur . *pag.* 151.
 Locum obtinet in Consistoriis semipublicis , ex speciali Summi Pontificis gratia .
ibid.
 VIRGA RUBEA . Vide *Officiales* . *Vacabilia Officia* .
 VISITATIO Sacra Basilicæ Lateranensis . Vide . BENEDICTUS XIV. *Basilica. Custodia .*
Sacramentum .
 VITA , VIRTUTES , & BEATORUM CANONIZANDORUM MIRACULA . Vide *Com-*
pendium . Miracula .
 UMBELLA . Vide *Baldacchinum . Hasta* .

Z.

- ZANI Pauli Pincernæ Summi Pontificis munus in die Canonizationis . *pag.* 482
 ZOPHORI inter utrasque Throni Pontificii Coronas procurrentis Epigraphæ ,
 & Ornatus . *pag.* 524.

F I N I S.

EXCUDERANT ROMAE
NICOLAUS ET MARCUS PALEARINI
ACADEMIAE CONIMBRICENSIS
BIBLIOPOLAE ET TYPOGRAPHI ROMANI
AD THEATRUM POMPEII
ANNO MD. CC. XLIX. MENSE JULII
SEDENTE
BENEDICTO XIV. PONT. OPT. MAX.
PONTIFICATUS EJUS
ANNO IX.

